


Deuxu Rybe Tyyriti



New Testament in Karajá (BR:kpj:Karajá)

Deuxu Rybe Tyyriti
New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 4 Mar 2019 from source files dated 22 Dec 2018
55ce0bcd-101e-52a3-984e-847027efe150

Contents

MATEU	1
MARKU	41
LUKA	62
JOAÕ	99
AÕHEBO ROTÏÏNYRE	126
ROMA-Ò	164
1 ORITXI-Ò	181
2 ORITXI-Ò	195
ALATXIA-Ò	206
EFESU-Ò	211
FILIPÍ-Ò	216
ÒLÒSÒ-Ò	220
1 TESALONIA-Ò	224
2 TESALONIA-Ò	228
1 TXIMÒTXI-Ò	230
2 TXIMÒTXI-Ò	235
TXITU-Ò	238
FILEMO-Ò	240
HEBREU-Ò	241
Txiau	253
1 PEDRO	257
2 PEDRO	262
1 JUAÕ	265
2 JUAÕ	269
3 JUAÕ	270
JUDAS	271
APOCALIPSE	273

Mateu Deuxu Rybe Wihikỹ Tỹmyra, Mateu Tyyritidỹđu

¹ Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

² Ibutumy ilabiebohonimy arelyykre. Juhuu tybynimy arelyykre idi iriðrenimy: Abraõ, Ijai, Ijað, ³ Juda, Peresi, (Peresi seriðre tahe Zera inire. Isereny tahe Tamara inire.) Esraõ, ⁴ Araõ, Aminadabe, Nasaõ, Salmaõ, ⁵ Boasi, (Raabe, Boasise rare.) Obede, Rute, Ijese, Kie.

⁶ Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriðre rare. Tii heka Roaboaõ tyby rare. ⁷ Idi Abia reare. ⁸ Idi Asa, Josafa, Joraõ, ⁹ Uzia, Jõtaõ, Aka, Ezekia, ¹⁰ Ezekia, Manase, Amo, ¹¹ Josia, Jekonia, taseriðre-wana.

¹² Babilonia-ribi rohonyreu tahe tiiboho reare, Jekonia riðre wahe: Salatieli (Tii Babilonia-ki reare.) Zorobabe, ¹³ Abiude, Eliaki, Azo, ¹⁴ Sadòki, Aki, Eliude, ¹⁵ Eliaza, Matỹ, Ijað, ¹⁶ Ijað tahe Jyje tyby rare, Jyje tahe Marie hãbu. Jesuisi tahe Kristu Deuxu deòdỹđna rare.

¹⁷ Kia labiehekỹ sõwe tahe 14my rare, Abraõ-ribi Davi-ð wahe. Tule labieboho 14my rasõwerenyre Davi-ribi Babilonia hãwã-ò ridyreny ixideewimy aõkõ ròte-ð. Ixyby 14my rasõwerenyre. Iribi tahe Jesuisi reare.

¹⁸ Kawese heka Jesuisi Kristu reare. Juhuu Marie Jyje-wana roikremy rare. Tii ijadõmaule tahe Deuxu Tyytybytyhy ribòtõnyre. ¹⁹ Jyje hãbu òbiti rare. Tai tahe riixãwididỹđnykemy rõhõtinyre. Kia õmo-ð rarybeõlere tuu. ²⁰ Kiau ýju tamy rarybere tarasina-ki: —Jyje, Davi riðre riðre. Ahãwyy, Marie, biteðnyõke. Tuu bexihãwyynykre. Iriðre dori Deuxu Tyytybytyhy riðre rare. ²¹ Jesuisimy raninykre. Kiani tahe irybereny rare: tarasadu. Ibutumy iny dori iðaruna-ribi ritakre.

²² Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³ —Ijadõma rabòtõnykre. Iriðreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

²⁴ Iribi tahe Jyje dexixade tarasina-ribi. Iwese Inynyrỹreny tuu tamy rarybere wesemy heka tii riwinyre. Tii-wana ratxiðre. Tii aõhe risỹnyðre. ²⁵ Uladu reare xiery tii aõhe rira. Tamy niõ riwahinyre, Jesuisi wahe.

2

¹ Belẽ hãwã-ki Jesuisi reare, Judeia bedeki wahe. Iòlò Herodi iòlòmỹ raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iòlò mahãduõ doidenyde biura-ribi Jerusalẽ hãwã-ð. ² Tiiboho rỹřraxirenyre: —Iule judeu mahãdu iòlò aõbo kaki reare. Jiarỹboho itainamy rabirenyre tahe nadoidenyde riwowydnyrenykemy. Kaiboho teerytenyete aõbo titxibo ratxireri?

³ Tahe inyõ Herodiko relyyreny. Herodi kia roholareu sõwemy riðtiinyre. Tule ibutumy Jerusalẽ hãwã mahãdu riðtiinyreny. ⁴ Tahe Herodi ibutumy dinodu mahãdu ributunyre: Xiwena wahidỹđdu dinodu, bedeki ywina tyyriti erydu mahãdu tule. Tahe tamyreny rỹřraxire: —Titxibo Kristu reakemy timybo tyyriti-ki ròritidỹđmy roire? ⁵ Tiiboho tamy rarybere: —Judeia bedeki, Belẽ hãwã-ki wahe. Kia tahe ihetxiu rybedu riritinyre.

⁶ —Kai Belẽ hãwã mahãdu. Judeia bedeki hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikỹre. Aribi dori dinoduõ ròhònykre. Wamahãdu iòlòmỹ ronykre. Idinodumy rarekre, judeu mahãdu dinodu wahe.

⁷ Tahe Herodi heka biura mahādu ributunyre ibutumy iny-ribi wasimy. Tamy rỹraxire: —Tiutxubo taina ròhònyre? Tahe rirawyònyre. ⁸ Tamyreny rarybere: —Kaiboho boibenyke Belē hāwā-ò. Idi tahe uladu-ki mahabenykre. Iu wadee manary-bebedenykre. Jiarỹ tule tamy arakre ariwowydynykre. ⁹ Biura Hābu Erytyhy mahādu roholarenyre. Tahe roirenyre. Ryki ixityre tainamy robirenyre. Uladu tyrehekỹle ritoosònyre. ¹⁰ Iu tahe sòwemy reysarenyre. ¹¹ Heto-ò rehemynyre. Tahe ralorenyre. Uladu rare Marie-wana. Tahe tatiowotimy reserenyre riwowydynykre. Isarenyre riraynyre tamy riwahinykre: womati tỹrỹrỹhỹkỹ, hee aderòna, aderònatyhy wana. ¹² Idi tahe Biura Hābu Erytyhy mahādu rarasinyre. Deuxu tamy rarybere: —Kaiboho Herodi-ò bòðsebenyòke. Tai tahe rywixira-di tasubedereny-ò ròðserenyre.

¹³ Biura mahādu tahe ròireny rahudi tahe Inynyrỹ ýju nade Jyje-ò rybemy, irasina-ki tamy rarybere: —Ariòre, ise-wana bidyke Egito bede-ò. Herodi dori uladu rubudỹỹmy ratxireri. Adeo tiu ararybekreule kaò bòððòseke. ¹⁴ Tai Jyjeboho rummy rahenyrenyre Egito bede-ò. ¹⁵ Herodi rubusỹtybymy tahe dòðsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe:

—Wariòre Egito bede-ribi nadidyde.

¹⁶ Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyre Belē hāwā-ki, tule ijō iòhò hāwā-ki. Ibutumy howỹtòdu rirubunyre inataò beòra ijòðikeki tahe rirubunyòre. Tai Jesuisi rirubunykre risỹnyre, iwese tii rareu Biura Hābu Erytyhy mahādu tamy rarybere. ¹⁷ Kiamy ta rỹire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ò iny roholamyhỹre. Rakeli rare. Tii robumyhỹre. Ibutumy iriòre ituere. Tai robumyhỹre. Inyò riteysanyòtyhy iriòre rurureki.

¹⁹ Herodi tahe rurureu, Inynyrỹ ýju heka Jyje rasina-ki tamy nade. ²⁰ Tamy rarybere: —Bòðsebenyke judeu bede-ò. Uladu ise-wana bidyke. Kia rirubunykre risỹnymyhỹre tahe, rurure.

²¹ Tahe Jyjeboho ròirenyre judeu bede-ò. ²² Akelau tahe Herodi riòre ronyre iòlòm, tyby deròwumy. Tai kowa-ò Jyje ròirenyòre sỹmy. Rasina-ki rybeò rieryre Kalileia-ò ròirenykre. Tai tahe ròirenyre kowa-ò. ²³ Nazare hāwā-ki rasỹnyrenyre. Kia tahe riwinyre iwese Inynyrỹ rybedu ihetxiu rarybere wese: —Nazare ludu tii rarekre.

3

¹ Kiau Judeia bederaky-ki Joaò Sebedỹỹdu heka iny-ò rarybemyhỹre: ² —Deuxu Iòlòna bededỹỹnana iòhòm ratxireri. Aòraruna-ribi biixāwibenyke, bexirāhĩke! ³ Joaòm, heka Isaia ihetxiu riritinyre kawese:

Inyò bederaky-ki ryrireri: —Inynyrỹ dee ryòbiti biwinyke. Biwinyke ryò tamy kanakemy. ⁴ Joaò kamelo radetyy ityy rare. Iròdutyy iwereysanare. Seihikỹle bidi-wana irỹsỹna rare. ⁵ Ibutumy iny tamy ròirenyre irybe-ò roholakemy iòhò hāwā-ribi, Jerusalē, Judeia, Jordaò bero-ribi wahe. ⁶ Tamy òrarunamy relyyrenyre rabadewomy tamy relyyrenyre. Tai tahe Joaò heka bero Jordaò-ki tii riratysebenyre. ⁷ Fariseu mahādu, saduseu mahādu doide tamy riratysebenykre. Kiau Joaò tamyreny rarybere: —Hemylala mahādu! Deuxu aòhòkỹmydỹỹnana-ribi mahenybenyòtyhy. Aòhe inatyhy? ⁸ Juhuu aòwiwihikỹ widỹỹna biwinybeny. Tai tahe iny rierykre kaiboho aòraru-ribi inatyhymy texihutenyde. ⁹ Fariseu mahādu, kaiboho tahòtintenyde: Abraò heka inylabiehekỹreny rare. Rikirāhĩòtyhy. Deuxu-ò kia aò aòkò rare. Tamy wikeki mana-ribi Deuxu heka Abraò riòkòreò riwinykre. ¹⁰ Woma tahe òwòru-ribi iòhòm rỹira. Òwòru bederaty wiwihikỹ ihoòkeki, kedeseke. Rasòkre. Woma heka Deuxu aòhòkỹmydỹỹnana wese rare. ¹¹ Jiarỹ bedi araratisebedỹỹnyra aòraruna-ribi texirāhĩteki. Jesuisi tahe Deuxu Tyytybytyhy-di ròratisebedỹỹkre

heòty-wana riratysebenykre. Tii waratyre awityhymy ratxireri. Jiarỹ ri-waixỹrunymy watxireri iwa ariwykeki. ¹² Tii maixõmo risykre. Maixõmo ributunyre tahyna-ò. Irỹnysi heòty-di riwornykre. Heòty itueõna heka rare.

¹³ Idi tahe Kalileia bedè-ribe Jesuisi nade bero Jordaõ-ò. Tii Joaõ-ò nade riratysebenykre. ¹⁴ Joaõ aõkõmy rarybere: —Jiarỹ tahe aõ aõkõ rare. Kai biwaratysebenyke. ¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaõ riratisèbedỹre. ¹⁶ Ròratisebenymy rahudi tahe Jesuisi ròtuòra. Biuwetyy rarayre Jesuisi tahe bòtòdenimy robire, itxi dobehede, Deuxu Tyytybytyhy wahe. Rybeõ biu-ribe narybede: ¹⁷ —Kia heka Wariòre rare. Jiarỹ heka sòwemy tukure. Idi wadeysareri.

4

¹ Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyre. ² Jesuisi heka 40 txumy, 40 rummy heka aõ rirỹsỹòhyy bedè idi rỹire. Sòwemy heka rama risamy tai raremyhỹ. ³ Taile Satanasi tamy nade. Tahe iurihiximy tamy rarybere:

—Kai inatyhy Deuxu Riòre ahâte wana heka mana-di orotxumy biwitxiranymy biwinyke ahinamy.

⁴ Tahe Jesuisi dirawyònyde: Deuxu Ritidỹna-ki kiamy roire: —Iny heka orotxudile aõkõ irumy rỹirakre. Ibutumy Deuxu rybedile iny irumy rỹirakre. ⁵ Idi Satanasi heka Jesuisi ridyre Jerusalè hãwã-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riòre ahâte wana heka katyre-ribe ixi-di behukre bedè-ò. Buruòtyhy heka besekeki. Deuxu taỹju kiditeònykre aramykemy. Bedè-ò aõkõ beseke.

Ijõ tyyriti rarybere:

—Deuxu araywinykre taỹju-di. Tii ýju kiditeònykre tebò-di ariijekemy. Awa ritõmonyòtyhy manatyre-ki.

⁷ Jesuisi rirawyònyre: —Tyyriti tule rarybere:

—Deuxu uritere biurihioke.

⁸ Iribe Diabo heka Jesuisi ridyre hãwãlò-ò. Tamy ibutumy bedè iòlòna riteòsinyre.

⁹ Tahe tamy Satanasi rarybere: —Beseke atiwotimy tahe biwawowydynykeki, adee kia ibutumy iòlòna wiwihikỹ ariwahinykre. ¹⁰ —Make Satanasi, Jesuisi rarybere: —Tyyriti rarybere:

—Deuxu-ò sohojile deàlana, wowydyna biwahinyke. Tiile bityhinykre. Deòdu tamy sohojile mabeke.

¹¹ Satanasi tahe Jesuisi-ribe rexitare. Ýju mahãdu rehemynyre iyrubudỹmy.

¹² Joaõ òludu heka ròtenawo-ki ritidira. Kia Jesuisi roholareu, Kalileia bedè-ò ròdsere.

¹³ Nazare-ribe rare Kafanaõ hãwã-ki rasỹnykremy rare. Tii aho-ki iòhòre, Kalileia aho wahe. Zebulõ bedè, Natali bedè tahe inatxi hãwã ibiòwa rare. ¹⁴ Kia tahe Isaia Tyyriti rarybere wese:

¹⁵ —Zebulõ bedè, Natali bedè, Jordaõ bero kowawe-ribe ijã-ò. Ahohokỹry-ki. Kai judeukõdu mahãdu bedè rare, Kalileia wahe.

¹⁶ Iny kowasỹ mahãdu bedè luru-ki rasỹnymyhỹre. Tahe tiiboho loosònahakỹmy robirenyre. Bedè lurusỹ mahãdu-ki tahe Deuxu loosòna ritoosònyre.

¹⁷ Iribe tahe Jesuisi ritelenyre Deuxu rybe ritỹnykemy. Tii rarybere: —Aòraruna-ribe bexirãhike. Deuxu iòlòna bededỹnana dori iòhòmy ratxireri.

¹⁸ Kalileia aho ijãti-ki Jesuisi rariamy ratximyhỹ. Tahe inatxi waxidu seriòremy robire, Simaõ Pedro, tule Andre ijõre. Riã-di utura rimymyhỹreny. ¹⁹ Jesuisi tamyreny rarybere: —Bodoike wahemy. Iny wadee bimykre. Iwese araerynanykremy bimykre. ²⁰ Aõwesele tahe tariã ririrenyre. Jesuisi-wana roirenyre. ²¹ Roirenyre tahe inatxi ijõ seriòre-ki Jesuisi robire. Txiau ijõni rare. Joaõ ijõre. Tiiboho Zebedeu riòre roire. Tiiboho talawo-ki ronyrenyre riã riywinyrenymy. Jesuisi tamyreny rarybere: —Wahemy bòdòike. ²² Tai tahe tybyreny ririrenyre. Jesuisi hemy ròirenyre.

²³ Ibutumy Kalileia bedey-ki Jesuisi rariamyhÿre. Tii judeu dohodÿÿna heto-ki rarybemyhÿre. Deuxu Iòlònamy ritÿnynymyhÿre, Rybe Wihikÿ Tÿmyra wahe. Sòwemy webinadu mahādu riteytenyre. ²⁴ Jesuisimy iny relyyre ibutumy hāwā hāwā-ki Siria bedey ibutumy. Tai tahe sòwemy webinadu mahādu didydenyde tamy, iny tyytybybina-di, iny iumy imyremyrehekÿ wahe. Jesuisi ibutumy iny riteytenyre. ²⁵ Iny sòwehekÿ riheludunyre, Kalileia bedey-ribi, Debòwiò hāwā-ribi, Jerusalē-ribi, Judeia bedey-ribi, tule Jordaò bero kowa-ribi.

5

¹⁻² Jesuisi inumy sòwemy robireu, raòwònnyre hāwālò ratya-ò, Ierydÿÿna mahādu tamy doidenyde. Taile rierynadÿÿnyny ronymyhÿre. ³ Deuxuko-ki iny ibinamy rÿimyhÿre. Kia iny tuu rexierymyhÿre, teysatyhy rare. Tii deysana sòwemy tai ratximyhÿre, Deuxu Iòlòna heka ihòròrenymy rarekre.

⁴ Robumy rÿirakeki teysamy heka rÿirakre. Ibedewona wiòhedÿÿna rybe-di heka tamy kanakre.

⁵ Kia inytyhy-di widee ratxireri, tii heka teysahyymy ratximyhÿre. Ibutumy heka iny ihòròlehekÿle rÿirakre. Bede bede heka ihòròmy rarekre teysamy rarekre.

⁶ Inyò-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷ Inyò ruxetòena-di ratxireri. Deuxu heka tamy ruxetòena-di rarekre.

⁸ Inyò irayky òbitimy ratxikeki tii heka teysamy rarekre. Tii dori Deuxumy robikre.

⁹ Inyò ywina-di wiwana rÿirake teysamy rarekre. Ywinaò-di rarekré, teysamy rarekre. Tii dori rarinikre: Deuxu riòremy.

¹⁰ Inyò aòhòkÿmy dÿÿnana reuròkeki, tii dori òbitimy rurukeki, tii tulesÿ teysamy rarekre. Deuxu Iòlòna dori ihòròmy rarekre. ¹¹⁻¹² Inyò umyreny relyykeki uritere hekÿle. Ruirybe-di umyreny relyykeki, aòhòkÿmydÿÿnana adee riwahinykre wana, tai tahe beysakre. Awimy mohòtynykre. Kai dori biu-ò mahenykre. Tai tahe beysakre kai awimy nohòtykre. Uritere nohòti rosarenymy. Kia wese tule Deuxu rybemy rybedu aòhòkÿmy rotÿÿnyre. ¹³ Kaiboho heka saawesemy atximahātenyde, jyyra wesemy wahe bedey mahādu iny-ò, kai dori kiamy bedey mahādu tewiòhenanyte. Auri tahe urihimyo biònonykeki tahe aurihixina heka urihimyoðemy releke. Kaa jyyra urile idi adehu rÿikre iny ityre rariakremy. Awiòhedÿÿna biònonykeki tahe aòma aòkò beleke. ¹⁴⁻¹⁵ Kai loosòna wesemy atximahāte kabede mahādu iny-ò. Hāwāò hāwālò raty-ki roiikeki, tiu heka rexiwòðtyhy itÿnyhy roimyhÿke. Loosònaò iny ritoosònykeki, tule heka tiu heka hyna rawoò-ki roiòtyhy roosòmmy. Aòma roosònanymyhÿre ibutu heto jurajuramy heka ibutu ritxuxanymyhÿre. Aòma tamana-ki rÿimyhÿreki wahe. ¹⁶ Kaiboho tule amahādureny awiwhikÿmy robikeki tahe Deuxu-ò wowydyna riwahinykre.

¹⁷ Jiarÿ heka anaòde bedey ywina tuededÿÿmy. Anade aò Deuxu dee rybedu tuededÿÿmy aòkò heka anade. Anade ibutumy aòmybo rarybere widÿÿmy. Timybo rarybere wese heka ibutumy tuu rotÿÿnyny rarekre. ¹⁸ Inatyhymy adeereny ararybekre bedey ywina tyyritiy-ribi tiu ijò iòðtyhy ijò sohoji ritiwedena yreò reseòhykre. Ibutumy roikre aòhebo rotÿÿnynymyhÿreò bedey konanako-txi. ¹⁹ Inyò tòhòti urihimyo bedey ywina rosakeki rexidelenymyhÿre iny ribedeerynyòkemy iny ritohonyòmyhÿkemy. Hābu tahe iyjamy Deuxuko-ò rarekre, Deuxuko-txi. Inyò rityhynymyhÿre irybe iny rybedeerynymyhÿre. Tii tahe Deuxu Iòlòna-ò nihikÿmy rarekre. ²⁰ Kaiboho aòma fariseu mahādu-ribi awityhymy ixi-di mohòtynybenykeki. Tiu heka Deuxu Iòlòna-ò aròterenyòmmy. Kaiboho heka awi toite aòma fariseu mahādu judeu mahādu wedu ratyre heka awi boibeke. Kia aòkòkeki tahe malòbenyòtyhy.

²¹ Ihetxiu bedey ywina Tyyriti kawesemy rare:

—Kai inyò birubunykeki heka iòwynamy iny akanarubunyke. Kia heka bedey ywina heka rare.

²² Tahe warybe urihimyo iwitxira bedey ywina-ribi. Kai inyò-ò maraykynykeki. Tai tahe brebunahakÿ-ki tate. Abiòwa-ò bininikeki itxÿtemy. Tamy kai marybekeki: —Kai

aōki awiōre. Tai tahe akŷnadykre heka aōma ywisidŷŷduko-ò araòwynykre. Inyō-ò kai makyaranynykeki kai brebuna-ki texilòròmŷy tate. Kai inyō deramy mabekeki uriteremy nodu tamy marybekeki, tai brebuna-ki tate. Inyō òsŷny aradykre wisidŷŷdu mahādu-ò. Inydee ratyhymŷy mabeke wana aōkō raremy marybekeki, heòty kōnana bede-ò make lau brebuna-ki tate. Iòhārure kai heòty bede-ò makemy. ²³ Kaki aōma nieru xiwena wahidŷŷna-ò behemynykeki inyō-wana aōhe widee botŷŷnykeki òhōti rosaōlemy ahāte wana. ²⁴ Deuxu heka axiwena tewahinyòhyymŷhŷte aōma xiwena bire-ki heka birike. Tahe biijeke aseriòre juhūu. Aōma wana biòbitinybenyke widee marybebenyke. Iribi tahe tamy bedehemynyke xiwena wahidŷŷna-ò wahe tadevenymŷy atximahāte wana hābuō-ò. ²⁵ Aōma tai tahe iòraru-ki aòludumŷy relera wana. Tamy behemynyke aōma timybo tii-wana widi biwinykemy timybo adeve biòwynykemy tamy heka bitobiny òrale heka aōma rieryke urenana. Aradyhemy aōma ywisidŷŷna ube-ò, idi ywisidŷŷna mahādu, idi soldado. Tai tahe bitobinyke bede rierykemy. ²⁶ Inatyhy heka adee ararybekre ròtenawo-ki malòkeki. Tiu heka aòlòkòmŷy aōma iòwy mahumŷy adi rōhōtinykre. Idi mohōtinyke xiery heka bòhònŷyke.

²⁷ Juhūu ihetxiu heka kaweselemy Tyyriti-ki rarybere:

—Òtaōmŷy!

(Bede ywina tyyriti-ki wahe.) Kawesemy heka jiarŷ rebedeerynywāhāre. ²⁸ Òtamy rōhōtinykeki hāwyy-ò retehekeki òtamy rexinohōtinykeki. Tai heka tii òta òraru riwinymŷhŷre. Iwese iwitxira hāwyy-wana roireri yrubule taheka òta òraru riwinymŷhŷre. ²⁹ Arueō òraruna-txi araatykeki, bitake. Awityhymŷy biu-ki malòke kawesekile heka awire, Deuxusŷ-ò malòke wahe. Arue wiòmŷy tahe awiōmŷy biu-txi arue yremŷy heòty bede-ò make tahe ibinatyhyre. ³⁰ Tule eraō bitake iurelemy era-di make biu-txi. Aumŷy ibutuhukŷlemy heòty bede-ò rakehārele tahe awiōre. ³¹ Bede ywina heka kawesemy ròhònŷyre iny-ò juhūu wahe:

—Inyō tahāwyy ixi-ribi riteònykeki rixāwididŷŷnyra tamy tyyritiō riritinymŷhŷre.

³² Iwitxira rybe-di jiarŷ arukile tahe hābu tahāwyy riatyra. Inyō uritere òta òtana òraru-ki ixi-ribi tahāwyy riteònymŷhŷre. Tai tahe hāwyy roimŷhŷre hābu witxira hābuō-wana. Tai tahe òta òtadumŷy kia hāwyy rininire. Adŷŷwe òraru-ò riteònyre tahāwyy riteònyre uritere òhyynaòle. Tai tahe tii adŷŷwe òrarunaòle heka riteònyre. Taile heka hāwyy hābu witxiramy heka roimŷhŷre ahābuō tahāwyy uritere hyynaòle riteònymŷhŷre mahādu hābu heka. Tii heka tule òtadumŷy relemŷhŷre hāwyy òta òtaduō heka roireki wahe.

³³ Juhūu heka ihetxiu kia wesemy Deuxu tamyrenŷy kia rarybere:

—Taholatenyŷte kiamŷy Deuxu heka uritere ruiòmŷy atximahābenyke Deuxu-ò biwinybenykemy marybemy bimŷykeki biwinybenyke.

³⁴ Tahe jiarŷ heka kiamŷy adeerenŷy ararybekre. Aōwidŷŷmŷy ixi-di nohōtirenŷmŷy ryberenyòmŷy iwidŷŷmŷy. Ixinohōtidŷŷmŷy ryberenyòmŷy ariwinykre biwawiòhenanyke wana biu-ribi wawiòhenanykre wana. Uritere heka tuu ryberenyòmŷyke kia wesemy biubrò-ki aōkō biu dori Deuxu rynana rare. ³⁵ Kiamŷy uritere rybeòmŷy bedebrò-ki aōkō aō biwinykemy aōmŷy mabekemy. Bede dori Deuxu idi ratximŷhŷre rare. Deuxu waa elehyna dori bede rare. Jerusalē hāwābrò-ki tule aōkō, tii dori Iòlòtyhy hāwā rare. ³⁶ Tule arade-di widŷŷmŷy uritere dori rybeòmŷy kai dori awitxiranyòtyhy arade iura-ò ilyby-ò urile araykywydynakile tuu ratxike. ³⁷ Aōma araykywydynakile heka tuu riwitxiranykemy idi tahōtinymŷhŷte. Kiamŷy heka tarybemahāte iwidŷŷnamŷy teuremy tarybemŷhŷte: —Kohe, kiale ariwinykremŷy marybeke ada aōkōre, ariwinyòtyhymŷy aōbo. Kiamŷy marybekeki iratylemy kohe, aōkōre myŷ aōbo. Sōwemy marybekeki tahe aōbina binahakŷle heka ròhònŷyke.

³⁸ Ihetxiu bede ywina ròhònŷyre.

Inyō witxira rueō ribinadŷŷnykeki, iny witxira tule iwesele riwinyke. Kia widŷŷdu rue heka ribinadŷŷnyke. Rue heka wilemy raòwynyŷy rueòwilemy. Juhu tasŷ ŷjuòlemy raòwynyŷy. Jiarŷ tahe rebedeerynyŷy kawesemy.

³⁹ Inyõ aõbinamy adee riwinykeki, aõ aõkõ tamy biwinyke. Inyõ aõsõny rihetenyekeki, tule iwyõ-di beake rehetenykemy. ⁴⁰ Uritere aõludu-ò ixiðwydõyõmy. Aõma ijõ aty ritakeki heka tule tamy arahana biwahinyke. Inyõ sohoji urixinamy adee ixidinymy reake wana. Inatximy heka tii-wana beake. ⁴¹ Inyõ ixitðedõyõmy aõ aribi riwykeki tamy biwahinyke tule inyõ aribi aõ huðtemy riwyke wana. ⁴² Abròrò itue-di tamy òkeseõmyke iwòde-ki ihuðtemy biwahinyke.

⁴³ Ihetxiu heka taholatenyte kawesemy:

—Kai heka aõ hãwã ludu mahãdu luomy heka madõnymyhõke.

Aõludumy aki ratxike wana tukumy atxike teramy atximahãke. ⁴⁴⁻⁴⁶ Tahe iwitxiramy ararybekre. Aõludu heka arabedeerynyke. Tukumy mabekemy inyõ aõhõkõmydõyõnana rotõyõnyreri wana tamy rexitðenyke. Kia wese-ki heka inytyby riðremy mabeke, Deuxu riðremy wahe. Tii dori juu riðlòdõyõnymyhõre inybina tyre-ki wahe. Tule iny wiwihikõ tule-ki aõma biu heka tule riteðnymyhõre. Aõma iny òbitikõdu mahãdu tule-ò. Tule òbiti mahãdu tule riteðnymyhõre. Aõma tukumy ahãte sohoji ratximyhõre sohojile kai itukukeki. Kia heka awi aõkõ rare ibutumy òraru mahãdu heka tule riwinyremyhõre kia wese. Aõma urile rybedõyõ azry mahãdu, Aseriðre mahãdu. ⁴⁷ Tulesõ kia aõma aõkõ rare aõma tule heka judeukõdu mahãdu dori tule riwinyke, tii Deuxu rierykõre. ⁴⁸ Òbitityhymy kaiboho boibeke. Aõma jiarõ heka arabedeerynyrenyneri biu-ki inytybyreny ratximyhõre dori òbitityhy rare.

6

¹ Wahisidõyõna wiwihikõ kai hãburu-ki iwahisidõyõmy iny-ò. Kai itxerenaõnamy biwahinymyhõ. Aõkõkeki tiu inytybyreny-ribi bitaõtyhy aõwy awahisidõyõna.

²⁻⁴ Kai biwahinykeu iny adee aõmybo rurumyhõreó. Uritere ibutumy iny itxerenamy iwahidõyõmyhõ. Inyõ-ò òbiti mahãdumy riwisõnymyhõre mahãdu, kia wesemy heka tii riwinymyhõre heka. Dohodõyõmy heto-ki tuu riwinymyhõre kia wesemy tule ibutumy hãwãhãkõ ruetyawetyamy tuu riwinyrerimy ihõre. Inatyhy dori adee rarybereri: —Aõma wahisidõyõnatyhymy heka adee rarybereri: —Wahisidõyõnaõ ixidee ritamyhõre. Aõbo Deuxu wahisidõyõnaõ heka adee riwahinyõtyhy. Tai heka Deuxu wahisidõyõnatyhy riwahinyõtyhy tamyreny. Iny-ò aõ biwahinykeki, abiðatyhy-ò belyyõke. Wasilemy tamyreny awiðhedõyõna biwahinyke. Iny tybyreny dori ibutumy aõna aõna ròtena rieryre aõwahisidõyõna adee kidiwahinykre.

⁵ Iwese budu mahãdu riwinymyhõre wese uritere iwidõyõmyke. Kia wesemy aõkõ heka bexitðenyke. Ibuturu-ò rexitðenymyhõre dohodõyõna hetowo-ki heka lamamy rexitðenymyhõre. Hãwãy-ki dori rexitðenymyhõre ibutu itxerenakemy. Inatyhymy heka adee rarybere: —Atarasana ibutumy ritare. ⁶ Inatyhy dori ritare.

—Bexitðenykeu malòke aheto jurawo-ò. Ixi-di biijòtòbònyke. Ierykõnamy boo ratximyhõreð heka bexitðenymy myike. Ibutumy heka boo aõbo wasimy iny riwinyriwinymyhõremy robimyhõre. Tai-ki tahe bedy ywina wihikõ heka adee kidiwahinykre. ⁷ Tule rexitðenymyhõre uritere irehemy idi lamaõmy uritere ixityre ixityremy tamy ixitðedõyõmy wiwesewesehyyle. Judeukõdu mahãdu dori kawesemy riwinymyhõre. Kiamy heka raraykywydynanymyhõre aõma rexitðenyre ehehekõkeki heka roholatyhykemy rohõtinymyhõreny uritere widõyõmy iwese tii riwinymyhõre wesemy. ⁸ Inytybyreny dori rierymyhõre aõmybo iny raraykynymyhõre. Inyboho heka rexitðenymyhõre rierymyhõre aõmybo inyboho rurumyhõreny. Iny sõwemy rarybemyhõrele aõkõ heka tii roholamyhõre. Aõmybo iny rurumyhõreny, heka bexitðenybenyke. Kia wese:

⁹ Wahareny, biu-ki atximahãte. Anityhy iny ibutumy rityhynkemy idi rierykemy watxireri.

¹⁰ Aiòlòna heka wymy kanake. Iny adeewile riwinykemy iwese biu-ki relemyhõre wese.

¹¹ Wadeereny txuõ txuõ rõsõna bidiwahinyke.

¹² Waòrarunareny òhòti-ribi bitosadỹnyke. Iwese jiarỹ inyò òraruna wanohòti iribi aritosadỹnymyhỹre wese.

¹³ Isiratyhy urihixina-ribi heka biwayrubunyke, òraruna-txi reseke lau. Aõna aõna bina-ò bidiwaijebenyke. Iòlòna, ruru, loosòna heka ahòròhy rare. Kie.

¹⁴⁻¹⁵ —Inyò ariixāwidinykeki iaõbina-ribi. Tule inytybyreny riwaiixāwididỹnyke. Deuxu iòraruna-ribi riixāwididỹnyke. Beinareheke wana.

¹⁶ Uritere aòsỹny beded̄tidỹõmy iwese budu mahādu rỹira wesemy. Tai heka byreõmy iny-di txuu rỹimyhỹremy widi retehemyhỹre. Wiji òhòtirenny reake. Heka raòwynyra inarehena irarenny. ¹⁷ Tai narehereheu tainarehenyeteu. Atarina-di ahātemy beake aòsỹny bisuhòke. ¹⁸ Inywitxira heka anaeryõtyhy kai tenarehemy atxiteri. Inytybyreny sohojile heka rierymyhỹre. Inyò tuu robiõtyhy. Tii tahe ibutummy aõna aõnamy robimy wasimy rỹiramy. Iribi tahe tii araòwynyrennyke.

¹⁹ Aõna aõna butudỹõmy tyy, nieru, aõna aõna wiwihikỹ butudỹõmy kabede-ki. Txudòera dori ibutummy kabede-ki tuu riroxike aõna aõnamy. Aõma rararỹnyke iaõmydỹõna ibutummy rararỹnyke rahuke. Wasidu tamy ralòke. Iaõmydỹõna-ò sòweò wyremy rasinyke iaõmydỹõna-di. ²⁰ Kaki ibutudỹõmy heka biu-ò bibutunyyke. Tai heka txudòera aõ riròõtyhy tule rararyõtyhy. Tule wasidu aõkò rare. ²¹ Titxibo aõmydỹõnana ratxireri iwesele taheka arayky ratximyhỹre. Biu-ki aõbo ada bedeki aõbo. Aõma bedeki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aõmydỹõna butuna raykywydyna ratximyhỹre. ²² Arue heka loosòna wesemy rare. Aumy dee itỹnykeki heka aumy ibutummy loosòna-di tỹximy rarekre. ²³ Aumy ibinakeki tahe bedeki loro-ki matxike. Aumy bedeki lorohokỹ-ki ratxikeki ibinatyhymy matxike aõma butunale-di iny ròhòtinyykeki heka tiu Deuxu iny riwidhenyõtyhy. Deòdumy heka releõtyhy. ²⁴ Inatxi wedu-ki dori inyò ritynyõtyhy. Tule heka tii roholamyhỹre ijò-ribi tahe tòhòti rosamyhỹre. Inyò Deuxu deòdumy releõtyhy tii aõna aõna butunadile ròhòtinymyhỹreki. ²⁵ Tai heka tuu rarybereri adeereny. Uritere nohòtiyreõmy arỹsỹnamy tule atyymy, idi matykynykemy. Aumy dori rỹsỹna ratyre aõnityhymy ratximyhỹre. Tule aumy tyky ratyre aõnimy ratximyhỹre. ²⁶ Nawii-di inihe betehenyke. Tiiboho heka aòòworummy aõkò ròbròmyhỹrenny. Aramyre heka aõma tarỹsỹna wydymy bederahymy tarỹsỹna riyrubunyõhymyhỹre heto nihikỹ-ò. Deuxu biu-ki ratximyhỹre heka nawii riyrubunymyhỹre irỹsỹna tamy riwahinymyhỹre. Kaiboho tahe iratyretyhy toite, Deuxu-ki wahe. ²⁷ Sòwetyhymy maraykywydynanykeki aõbohe, arummy aõbo arirarehemy mariake. Aõkòre. ²⁸ Uritere nohòtiyreõmyke atyymy. Betehemyhỹ inihe noijasa-di. Aõma tiiboho heka raaõmys̄dỹõhykymyhỹre. Tai tyky wihikỹ-di rexitynyke. Tyy ixidee riwinyõtyhy. Ihāre tahe Deuxu ritynywihikỹre heka tyy wihikỹ tamy riwahinyreri. ²⁹ Salomaõ heka itykynihikỹra. Ihāre tahe ityky heka awityhy aõkò rare. Noijasa heka iratyre ityky wityhyre. ³⁰ Deuxu heka noijasa ritykynymyhỹre aõma noijasa heka wijilemy idi ihỹre. Biurasòmny tahe ixāwilemy reamyhỹre, risòra. Tii heka tyky adee kidiwahinykre. Nohòtiyreõmy tahe. Tii dori adee kidiwahinykre tykyõ. Aityhyna dori ibutetyhyre heka. ³¹ Tahe raykõmy nohòtiõmy titxiribibo arỹsỹna bidiwykré, atyky amona. ³² Tyhydỹõdukòdu mahādu heka kiaòle heka ritòhòtidỹõnymyhỹre. Inytybyrenny heka rierymyhỹre aõmybo tarumahāte. Ibutummy heka araerymyhỹre aõmybo taruterimahāte. ³³ Tii Deuxu aõma dỹõnana sohojidile. Manaykynykeki heka tii ibutummy adee riwahinykre. ³⁴ Uritere nohòtiyreõmy aõbo biurasò kia aõmydỹõnana-ò. Rỹire dori sòwemy wiji biaõmys̄dỹõnanykremy biwinykré. Iwitxiramy bidiwinykre iwitxira aõmydỹõnanaõ.

¹Iny witxira witxira-di ywisidỹõkeki. Aywisidỹõna wesemy heka Deuxu ruxetòena-di ywisidỹõmy araywinykre. ²Iny teywinyamahāte wesemy heka Deuxu araywinykre. ³Kai heka òwòru nihikỹereõ arue-ki ijòdikeki, aòherekibo bederarsi sòmo-di inywitxira

rue-ribi bitakemy atxiteri. ⁴ Tai heka kai bobiōtyhy itarasa-ki wahe. Arue-ki dori òwòruere ijòdireki heka bobiōtyhy. Òwòru ere dori àðraruna sòwemy rÿire wesemy heka atximahāte. ⁵ Kai texibònyteri. Àðraruna-ribi juhuu bexiòbitinykre. Idi tahe aseriòre òraruna-ki biwiòhenanykre. Àðraruny-di rierymy idi òbitimy betehekre iðraruna-ribi iixitarasadÿÿmy biwiòhenanykemy.

⁶ Inyò heka utura rati mana wiwihikÿ-di rehuōtyhy aōma ixÿni herina-txi. Ixÿni dori ityre rariake tahe riònonnyke adee heka kanakemy wahe. Iwese tule heka ijòròsa-ò biwahinydÿÿomyke. Rybewiwihikÿ hābu òrarudutyhy-ò iwahisidÿÿomyke.

⁷⁻⁹ Rexitòenykeki tahe bitake kia. Biekeki tahe tai mahake. Bihtenykeki heka iny adee riraynyke ijòtòbòna. Inyò heka Tyby-ò rÿsÿnaōmy rexitòenykeki, mana heka tyby tamy riwahinyōtyhy. ¹⁰ Uturaōmy rexitòenykeki tahe hemylala binahakÿ tamy tiu riwahinyōtyhy. ¹¹ Kai aōna aōna wiwihikÿ biwahinyke heka teerymyhÿte auladu-ò wahe, hābu òrarudu hārele wahe. Aōbo heka tule Deuxu inytybyreny inydeereny riwahinyke aōna aōnaō wihikÿō. Rexitòenykeki tahe tamy ariwahinyke. Inytybyreny heka tamy riwahinyke. Iwese iny witxira teyrubunymahāte wesele heka iny araywinymy ixi-di tahòtynmahāte wese. ¹² Tule kai aōwiwi inyò ixidee aōhebo rotÿÿnymyhykemy taruterí, kiaweselemy tamy botÿÿnymahāke. Kia heka Moisesi bede ywina tyryiti-ki roire. Kiale Deuxumy rybedu mahādu ribedeerynyre.

¹³ Biu bede wiwihikÿ kia ryÿijòhÿtÿdile malokre. Heòty ijò bederyijò heka nihikÿ rare. Iny kia ryhykÿ irumy rakre heka isirare iny ibute kowa ralore. ¹⁴ Irumy nonona ijò tahe ihÿtÿre. Ryy heka ihÿtÿre heka ibutere iny ryhÿtÿ-di ròtedu timy bede erydÿÿkòdu-ò.

¹⁵ Bexiijebenyke kia mahādu lau Deuxu rybe rybedu mahādu tyhymy aōkò lau wahe. Budoeni wese ratximyhÿre inytyhy wesemy. Tawo-ki tahe inatyhy rare ahola debore wesemy heka ratximyhÿre. ¹⁶ Teeryte wesemy ibederaty-ò betehkeki. Hede-ò heka uvamy figomy tule tiu iratyōna. Iaōmydÿÿna-ò bierybenyke tibo roiré. ¹⁷⁻¹⁸ Tii heka bierybenyke aōhebo rotÿÿnyre wana teerytenyete. Tii heka riitxenanyōtyhy kia aōma matyty matynimy heka tiu biitxenanyōtyhy. Tule betehkeki, bierybenyke aōwesele heka òwòruō bierybenyke. Aōma bederatyō birÿsÿkeki tiu heka bederaty wihikÿō arÿsÿōna òwòru ratyy-ò, bederatybinahakÿ tule rierykre. ¹⁹ Òwòruō bederaty wihikÿmy raratynyōkeki heka hemy raòròròke rokoke. ²⁰⁻²¹ Kia weselemy heka iny teerytenyete. Aōhebo iny rotÿÿnyke wahe. Tai tahe terytenyete heka, tetehetenyterikile wahe. Òbiti mahādu wesemy rarybemyhÿre. Tahe òbitimy aōkòre ihÿre. Sòwemy heka iny tawedumy riwaninire. Ihārele tahe biu-ò ralòōtyhy. Deuxu tyhydÿÿdule tahe ralokre. Ywisidÿÿnatxu heka kawesemy wadee rarybekre. ²² Sòwemy iny wahe: — Wanyrÿ, Wanyrÿ, jiarÿ hewa iny iwitxira sòwemy aijyy rarybemy rare wahe. Tule heka tyytybybina reteònymy rarewāhā. Tule deytena wiwihikÿ heka ani-di rewinyhÿre. ²³ Tai tahe jiarÿ tamy ararybekre heka: —Kòrehe, kaiboho aō wamahādumy aōkò atximahāte. Umy reerykòre. Waribi bexitake. Àðraruna dori sòwere.

²⁴ Kawesemy heka iny bede eryna ratximyhÿre. Warybe-ò roholamyhÿreu heka aōwesele riywinymy rityhynymyhyre. Kia hābu hetowidÿÿdu wesemy heka rare. Iheto heka manatyre-ki riwinyre. Tii heka ibedeery sòwemy ihÿre. ²⁵ Biu heka beòra heka rariamyhÿre. Iu tahe biu rejuxunymyhyre, yhy rebonyre. Tahe tiu reseōtyhy manatyre-ki dori riwinyre. ²⁶ Warybe ijohonadu tahe iwitxiramy ihÿre. Hābu itxÿte tahe warybe-ribi aōwesele tōhòtirenny rosamy reamyhÿre. Kaiboho aōbedeeryhykÿ aōkòre roire. Tii heka iwese hābu ÿnarakile heto riwinymyhy wese rare. ²⁷ Biu risebenykeu, beòra rareareu, yhy rebonyre tahe iheto reseke, ibutumy iòre, rahura.

²⁸⁻²⁹ Ibutumy heka Jesuisi rybe erysydÿÿna-ò bede riòtiinyre. Tii heka hābu erysydÿÿdu wesemy tii ribedeerymyhÿre. Aō judeu wedu wesemy aōkò ribedeerynyre.

¹ Tiu hāwālò-ribi dobehedeu, sòwemy heka iny ihemy doidemyde webinadu, tybina heka tamy nade. ² Wowydyna rybe-di heka tamy rarybere: —Adee wikeki heka kai

biwateytenyke. Jesuisi dirawyònyde: ³ —Wadee awire, arateytenykre. Tahe tamy tebò ritytere tamy reerimy. Itybinana riteytenyre. ⁴ Tahe Jesuisi tamy rarybere: —Boholakre, iny-ò uritere rybeõmy.

Kai tahe makre xiwena wahidỹỹdu-ò xiwenaõ biwahinykre. Idi tahe Moisesi bede ywina raryberewesemy xiwenaõ biwahinykre. Kai tahe iny rierykemy heka yteny ratximyhỹre.

⁵ Jesuisi Kafanaõ hãwã-ò rehemynyreu heka hãbu soldado weduõ tamy rehemynyre. Tii tahe Jesuisi-ò rexitðenyre: ⁶ —Wadeòdu biteytenyke raterenymy ratxireri waheto-ki. Sõwemy aõhõkõmy rotỹỹnreri. Ibinatyhymy roireri rexisiranymy raratykõhykylemy. ⁷ Tai tahe Jesuisi tamy rarybere: —Rakakre, tai ariteyteytenykre. ⁸ Idi soldado wedu rariwyònyre: —Aõkõre, Kai hãbu wiwihikỹ tate. Jiarỹ tahe hãbu aõ aõkõmy jiarỹ watxi-wãhãre. Waheto-ò manalòõtyhy. Karibile marybekre tamy taile taile tahe wadeòdu reytekre. ⁹ Jiarỹ dori reyryre. Jiarỹ heka tule hãbu weduõmy watxiwãhãre. Soldado heka sõwemy riwatyhynymyhỹre. Iny sohoji-ò aõma rakremy rarybemyhỹre heka, ramymyhỹre. Tule ijõ dee rarybemyhỹre: —Manake, tai tahe namyhỹde. Ijõ dee rarybemyhỹre wana: —Kai biwinyke, idi riwinymyhỹre. ¹⁰⁻¹¹ Tai tahe Jesuisi ribedeòtiidỹỹnyre irybe-ki wahe. Tahe rarybere erydỹỹna mahãdu-ò: —Judeu mahãduy-ki tai rahaõre ijõ-ki kahãbu wesemy inatyhynana sõwereki. Sõwemy heka judeukõdu mahãdu ritynyykre kia weselemy. Ijõ txu aõ wiji aõkõ heka riroxirenyke: Abraõ, Ijai, Ijað-wana biu-ki heka riroxirenyke bede ludu iny mahãdu-wana. ¹² Judeu mahãduõ ròirenyõkre tamy. Tule kaibohoõ tahe aõhetykrebo. Ijõ mahãdu dori bede lorohokỹ-txi resekre. Taiki tahe irynamy rurykre aõkõmydỹỹnana-ò. ¹³ Taita Jesuisi soldado dinodu-ò rarybere: —Makre, timybo wiji tahõtinyinmy tetyhynyte wesemy heka rarekre. Iurele teòdu reyttere.

¹⁴ Iribi tahe Jesuisi Pedro heto-ò ralòre. Iriðre lahi heka aõma rubuna nihikỹ roimyhỹ. ¹⁵ Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rỹsỹna riwinymyhỹ tamyreny. ¹⁶ Txiorotyhymy inyõ didyde aõma tyytybybina nihikỹ-di ratximyhỹõ. Iu Jesuisi sohoji rybeõmy raryberu tahe aõwesele iribi ròhònyre. Kia webinadu didyde, tule reyttere. ¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre. Inatyhyre.

¹⁸ Iny sõwemy ributunyre. Tai tahe taerydỹỹna mahãdu-ò tii rarybere: —Rokoirenyhe kanawe-ribi ijà-ò. ¹⁹ Tai judeu mahãdu, bede ywina bederydỹỹduõ tamy rarybere: —Awana arakre titxibo makreu heka ahekile anakre. ²⁰ Tahe Jesuisi dirawyònyde tamy heka rarybereri: —Ijòrò heka ihãloo dire, ibỹtỹ dire, nawii bỹtỹ isỹ dire. Tahe jiarỹ, Deuxu Riðre Hãbutyhyhykỹ wahe, wahetoõre, waherinaõre. ²¹ Ka ijõ iheludu mahãduõ tamy rarybere: —Wanyrỹ, waha heka rurura. Tai heka juhUU arituunykre. ²² Tamy rarybere: —Manake, wijile biwaheludunykre. Rubuõmy rỹira, rubu mahãdu heka rituunykemy idi ratxireri.

²³ Jesuisi hãworo-ki ronyre tahe reurore. Ieryredỹỹna mahãdu riheludunyre nyre kia lawokile. ²⁴ Ahobetya-ki tahe yhy debore nihikỹ tamyreny rehemynyre. Tahe òbò nihikỹmy resemyhỹre. Uritereribile yhyhykỹ bee riòbònyra hãwò rilỹmynyke iòhòtyhyre. Jesuisi tahe ròrõmy roimyhỹ iu. ²⁵ Tai tahe ierydỹỹna mahãdu heka riixixadỹỹnyre. Tamy raryberenyre: —Biwayrubunykre, Wanyrỹ. Aõkõkeki, rukururenkyre. ²⁶ Jesuisi tamyreny rarybere: —Aõherekibo kaiboho taberutenyteri? Aityhyna sõwe aõkõ atxitenyteri. Jesuisi tahe rỹimy reare. Yhy debure-ò, òbò-ò rarybere: —Biyryke, bede binahakỹ. Tahe aõwesele ibutumy riyrira. ²⁷ Ierydỹỹna mahãdu urile ribedeòtiinyre. Tiibohe raryberenyre: —Aõhãbubo tii ihỹre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

²⁸ Kalileia aho ijõ weribi ijana-ò ritehemynyre. Kowa bede heka Kadara inire. Tule hãbu inatxi heka tyytybybina-di tai rasỹnyrenyre wabedewo-ki. Kiary-ki tahe ibutumy iny ruberure. Iribi tahe ròhònymy reare. ²⁹ Aõwesele heka ryrymy roirenyre Jesuisi-ò rarybekremy: —Aõwe wadireny tate, Deuxu Riðre? Kai aõbina binahakỹmy

wahõrõdõyõmykre. ³⁰ Tahe kowa-ki ixõni juramy riroximy rõimyhõ. ³¹ Tyytybybina tahe Jesuisi-ò rexitõenyre: —Biwatõenybenykeki, ixõni jurawomy aralorenkyemy biwateõnyke. ³² Tahe Jesuisi rarybere: —Bõibenyke hãbuwo-ribi. Tahe ròirenyre ixõniwo-ò. Ixõni jura tahe ibutumy rejuxunyre ijõtira-ribi. Berawo-txi tahe rabòròròre. ³³ Ixõni-di itxeredu mahãdu tahe hãwã-ò roirenyre ijyymy. ³⁴ Kia hãwã ludu mahãdu tahe roirenyre Jesuisi-ò itxeremy. Tai tahe tamy rarybere ibede-ribi ròhõnykemy.

9

¹ Ribererenyre aõma hãwò nihikõro-ò reuròrerenykremy kanawe-ribi ijã-ò. Tai tahe Jesuisi tahãwã-ò rehemynyre. ² Tai tahe didydenyde weryrybòõ byre-di idi betyky-di ramyremyrenymy roimyhõre. Tahe hãbu mahãdu inatyhyna Jesuisi rieryreu heka hãbu dee rarybere: —Waexi, beysake, aòraruna dori reixãwididõyõnyra. ³ Tai tahe ritidõyõna bederydõyõdu mahãdu retehereri. Ixideele heka rarybemahã: —Kia heka ibinamy Deuxumy rarybereri. ⁴ Iyky Jesuisi rieryre tahe tamyreny rarybere: —Kai aõbo ibinamy waki tahateri arayky-ki. ⁵ Timybo heka kaiboho tahõtinyteri. Aõma idòraruna ariixãwidinyke aõbo ada iumy ariteytenyke aõbo? Aõbohe isiratyhyre wadee tahõtinyte wahe. ⁶ Deuxu-ribi waruru dire. Kabede-ki heka òraruna ariixãwididõyõnyke jiarõ heka Deuxu Rìòre Hãbu tyhyhykõ rareki wahe. Tamy rarybekre: —Myike, abyre bimykre ta mariakre asõ-ò. ⁷ Tai tahe hãbu aõwesele rõimy reare. Tahe taheto-ò rare. ⁸ Tahe bede inysõwetyhy heka ribedeõtidiõyõnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarõ heka nieru butudõyõna heto-ki ranymahã. Jiarõ rebutunymahã aõma inyòwydõyõna heka rebutunymyhõre. Iu Jesuisi wadee rarybere: —Manake waerydõyõnaõmy heka beleke. Tai tahe jiarõ tii-wana heka rare aõwesele heka ihemy rare.

¹⁰ Tai jiarõ retobinyre kanakemy waheto-ò. Waheto-ki riroxikemy taerydõyõna mahãdu-wana. Tai tahe sõwemy heka iny waery mahãdu dòidenyde, òrarudu nihikõ mahãdu wahe. ¹¹ Tule heka fariseu mahãduõ tai ratximyhõ. Tahe Jesuisi erydõyõna mahãduõ kiaõ-ò heka rarybere: —Aõherekibo Jesuisi òrarudu nihikõ mahãdu-wana riroxireri? ¹²⁻¹³ Tai Jesuisi roholarehe tamy rarybere: —Aõma òhotibedu heka, webinadu mahãdulemy aõnityhymy rarumahãre. Òhotibedu-ò kanakemy. Binadu mahãdu-ò tahe tiu ararariòwyõtyhy aõma òbiti widõyõdu mahãduòle heka anade. Warurumy rurumyhõle mahãdu ariwiòhenanykemy anade. Aõ awihikõmy ixi-di ròhõtinyreriò aõkõ wahe. Deuxu Ryberiti-ki tahe kaweselemy roire:

Ixiwe heka wadee awiõre aruxetõena wadee awire.
Kaiboho bierybenyke aõbo katyyriti rare.

¹⁴ Tahe Jesuisi-ò rarybere Joaõ eryna mahãdu: —Aõherekibo Joaõ Sebedeõyõdu kia erydõyõna mahãdu renarehemyhõre rexitõenykreu. Fariseu mahãdu erydõyõna heka tule heka renarehemyhõre. Ihãrele taheka aõherekibo abedeerydõyõna mahãdu heka tiu iwesemy riwinymyhõre. Aõherekibo ka. ¹⁵ Taita Jesuisi dirawyònyde: —Iu iny inyhãwyymy roimyhõre heka iny reysamyhõre. Aõma kia weryrybò hãwy kialiina heka teysamy ratxirerimy ihõre. Tiu rirubunyõhymyhõre teti-ò. Tahe aõutxumy tahe weryrybò hãwyymy heridu heka inyò ritakremy ratximyhõre. Iu tahe renareheke heka. ¹⁶ Uritere inyò deratyby ritòbònyõtyhy tyytõmyra-di. Inyò itòbòna tõmyra-di ritòbònykeki, raykake heka iura ranihikõyke. Aõma iwesele rare aõma võ tõmyra iròdutyty tõmyrahakõle ritidikre. Aõma itõmyra-ò heka iròdutyty itõmyrahakõle raykake. ¹⁷ Aõhe tiu võ tõmyra iròdutyty tyby-ò rihynyõtyhy. Inyò kia wesemy riwinykeki taheka raykake heka rejuxunykre irube. Ihyna heka rabinake. Võ wihikõ taheka aõma iròdutyty tõmyra hyynawo-ki ka awimy rõike.

¹⁸ Iu dohodõyõdu hetoõ bede erydõyõduõ heka Jesuisi-ò nade tariòre rurureki wahe. Tai ta Jesuisimy reallàre tamy heka rarybere: —Aõma wariòre rarurura wahirari wahe. Kai waheto-ò manake wariòre ruru-ribi biixixanykremy. ¹⁹ Tahe Jesuisi taerydõyõna

mahādu-wana roirenyre tii wana wahe. ²⁰⁻²¹ Tahe hāwyy rōhōtinyre heka: —Jikarỹ heka ityky reroti-kò karirikrekule karekytekre.

Tii dori ihālubu rihyōhy raremyhỹre waò inatxi reurò beòramy. Iòhòmy iribi reare. Ireroti wereysanakile rimymy resere. ²² Taita Jesuisi ròðemy reare. Tuu robire tamy rỹraxire: —Lerỹ, awi heka rare. Aityhyna heka arateyteynyre. Inatyhymy teyteta. Tai tahe hāwyy aōwesele reytemy reare. ²³ Idi tahe aōwesele rehemynymy reare. Judeu wiuna bederydỹdu heto-ò rehemynyre. Tai heka hāwyy sōwemy robumy rỹimyhỹ rubura-ki rawiunymy rỹimyhỹ. ²⁴ Tai tahe Jesuisi tamyreny rarybereri: —Bòibenyeke hewahe. Hirarihikỹ heka ruruōhyky roireri. Urile heka rōrōmy roireri. Tahe iny rutxueny. ²⁵ Tai iny sōwemy ròhònyre iribi. Tahe Jesuisi ralòre titxibo hirarihikỹ roireriò. Debò-ki rimyre tahe riteyteny. Rexixare ixyby. ²⁶ Ibutu bede bedemyhe inina-ò roholare. Kia deytana riwinyraò.

²⁷ Tahe hābu ruetà inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetòena-di biwawotòenyke. ²⁸ Idi tahe Jesuisi taheto-ò ralore tai rasỹnymy ratximyhỹò. Iny mahādu ihewomy rare tahe ralòre. Tamy rarybere: —Inatyhymy aōbo tetyhynyteny, ixyby arāitx-eredỹnykeò. Tiiboho raryberenyre: —Kohe Wanyrỹ, retyhynyre. ²⁹ Jesuisi rarybere: —Ainytyhynadireki arue tabita. Aōwesele robirenyre. ³⁰⁻³¹ Jesuisi heka rarybere tarurumy tamyreny uritere ijyyōmykremy. Tai tahe aōma ròirenyre ibutuko relyyreny.

³² Idita tako-ò rexidorunymy reareki tasỹ kia hābuō-txi reare tyytybybina-di ratximyhỹò. ³³ Tahe Jesuisi-ò didydenyde hābu irybeòna kia tyytybybina òraru-ki wahe. Jesuisi tuu òlòdỹnyre iribi. Iule tahe hābu aōwesele heka rarybere iroo-ki. Kia iny ibutumy ribedeòtiidỹnyre. Timy heka rarybeōhyre iko-ki juhūu raremyhỹu. Tuu rabiòhe iwesedỹnadumy. ³⁴ Idi tahe fariseu mahādu rarybere: —Tyytybybina-di ratximyhỹre. Tai heka tyytybybinahakỹ reteònymyhỹre iny-ribi. Ihārele heka Satanasi-di ihỹre. Tyytybybinatyhy wedu heka ratximyhỹre.

³⁵⁻³⁶ Idi tahe ibutumy hāwā hāwā-di Jesuisi rariamy rare ròbederydỹmy. Judeu mahādu dohodỹna heto-ki relyymyhỹre, Rybewihikỹmy. Tai Iòlòna kia ritỹnynymy tuu relymy. Ibutumy iny bina bina kia heka riteyteny. Iny nade ihewo-ribi. Sōwemy heka iny aōna aōna bina binahakỹ riwinyomyhỹre idi rỹimyhỹ. Titxibo rakre heka rieryōhykymyhỹre ta aōna aōna òraru-ki idinoduòreki wahe. Tai tahe Jesuisi riwotòenymyhỹre ibutumy tiiboho dori budoeni wese ratximyhỹre, itxeredu ihoòreki. ³⁷ Tai tahe taerydỹnana mahādu-ò Jesuisi rarybereri: —Iny heka maixòmo sōwehekỹ rỹira wese heka iny ratximyhỹre. Aōma ibutelemy heka arixidu rỹira. ³⁸ Bexitòenyke Deuxu-ò. Tii heka bederomy maixòmo rỹira wedu rare. Bexitòenyke tamy aōbo maixòmo arixidu-ò kiditeònykemy. Irybe-di heka raaōmysỹdỹkre ibedero-ki. Ibutu bedero-ki heka idi raaōmysỹdỹkre.

10

¹ Ributunyre Jesuisi aōma tawa-ò inatxi reurò kia bede erydỹna mahādu. Tamy heka ruru riwahinyre. Aōma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdỹmahādurenynimy ararybekre. Juhūu heka Simaò Pedro. Juhūu heka Simaò inire, ihewomy tahe Pedromy naninide. Andre ijò. Tii heka Pedro seriòre rare. Txiau, Joaò-wana heka Zebedeu riòre rare: ³ Filipi tasỹ ijò rare. Idi tahe Bartolomeu ijòre. Tome ijòre. Mateu ijòre, jiarỹ wahe. Jiarỹ nieru tarasaduò rare, imposto tarasadu wahe. Ijò Txiau tasỹ Afeu riòre rare. Tadeu ijòre. ⁴ Simaò ijòre. Tii Kana bede luduò rare. Judasi Isariò ijòre. Tii heka Jesuisi tyhedỹdu rare.

⁵ Jesuisi taerydỹna mahādu waòinatxi reruòmy riteònyre. Tamyreny rarybere: —Judeukòdu mahādu-ò aòkòkre reteònyre. Aōma Samaria mahādu hāwā heka ralòòhyomyhỹre. ⁶ Kaiboho heka bòibenyeke judeu mahādu-ò sohojile. Tiiboho Israeli riokore mahāduò ihỹre. Aōma budoeni reòsamyhỹre mahadu wesemy tiiboho

ratximyhÿrenyre. ⁷ Aõma tamy marybebenyke: —Deuxu Iòlòna biu-ki heka aõwe-sele kedehemynykemy ihÿre. ⁸ Webinadu mahãdu heka biteytenyke. Aõma iny rubu-wana witxi beakeki, biixixadÿÿnyke rubu-ribi. Tykybina yjy yjyhykÿ-ribi iny biteytenyke. Tyytybybina inywo-ribi biteònyke. Iwese aõ tetate wese iòwykõ heka ijõ-ò biwahinymahãke, iòwykõ wahe. ⁹ Uritere nieru wydyõmy, womati tÿrÿrÿhÿkÿ nieru aõkõ, prata womati nieru aõkõ, cobre womati nieru aõkõ wahe. ¹⁰ Aõma anieru hyna nihikÿ wydyõmy, awa ijõ wydyõmy, ijõ dera wydyõmy. Aõma òwòru arirana wiðhedÿÿna wydyõmy. Aõmysÿdÿÿdu taòwy riwykre. Kia òbitire. ¹¹ Hetoõ malòke. Kia heka arayrubunykre. Adee riwahinykre ibutumy aõmybo rarumyhÿkre. Iu hãwã-ò malokreu, hãbu ityhydÿÿdu mahãduõ biijekre. Taihyy bonykrehy tahe iwitxira hãwã-ò iribihyymy makre. ¹² Iu hetoõ-ò malòkeu Deuxu ywina tamy marybekre, Deuxu deysanamy wahe. ¹³ Kai awimy ityhydÿÿdu hetomy rÿike wana, biwahinyke aalàna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahidÿÿõmy. ¹⁴ Aõma tii arybe-ò roholaõkeki, kai hãwã-ribi bexitake taheto-ribi wahe. Tahe iribi bòhònykeu tahe awabrybyxi biubÿtÿÿnymy bòhònyke. Tii tahe tamyreny rioimyhÿre. Aõma tamyreny ibinatyhykre. ¹⁵ Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isiraõkre aõhòkÿmy dÿÿnana wahe. Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhòkÿmy rotÿÿnykre. Ywisidÿÿna txu heka rÿyekreu wahe.

¹⁶ Iwese budoeni ijòrò aholay-ki rÿikre wese heka kaiboho boibekre. Hemylala erydÿÿna wesemy heka maraykynykre. Idi tahe sòwemy aõma ywina-di maraykynybenykre bòtòwesena-di. ¹⁷⁻¹⁸ Uritere inatyhy heka aramykre araròtenykre dohodÿÿna hetowo-ò adi ralokre. Waòraru-ki heka bede dinodu mahãdu heka araywisidÿÿÿnynakre. Judeukõdu mahãduko Rybewihikÿ Tÿmyra rarybekre. Tiiboho arahãtenykre. ¹⁹ Aõ heka belyyke ikoreny ibutumy roholakemy. Aramykeu heka uritere nohòtiõmyke aõmybo marybekremy ywisidÿÿna-ki wahe. Bede heka ariwahinykre rybe ibededÿÿnanau. Rybeõmyke, urile rybeõmyke. ²⁰ Kai ixiwanale aõkõ marybeke. Aõma Deuxu Tyytybytyhy arãwiðhenanymyhÿrenyre. ²¹ Inyõ heka taseriõre rityhenykre. Tybyõ tule tariõre rityhenykre. Aõma iriõre tasÿ tyby-ò iky reakre idi rirubunykre. ²² Ihyy ibyrymy heka aluu aõkõkre waòraru-ki. Ibutumy iny deramy rarehyyke waòraru-ki: Inyõ tule òbitimy rarekreki, ikonanatxu-u, Deuxu Iòlòna-ò ralokre. ²³ Tahe anatakre. Aõma hãwãhãkÿ-ò-ki atxikeki mahenykre ijõ hãwã-ò. Ihewoludu ikonana hãwã hãwãhãkÿ-ribi behemynyke-ribi tahe addòsekre. Judeu hãwãhãkÿ-ò behemynykrekõule tahe addòsekre, jiarÿ Hãbutyhyhykÿ wahe.

²⁴⁻²⁵ Aõma bederydÿÿdu mahãdu tahe aõma ierydÿÿna mahãdu ratyre rare. Tule iwedu deòdu ratyre heka ihÿre. Iwesereny tahe boibebenykre. Tahe awedu tate. Inyõ tahe riwarinimyhÿre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. ²⁶⁻²⁸ Jiarÿ adee wiji relyreri. Biurasòmy heka tuu bedelyyke ibutu ijohonanamy adeereny relyreri. Wasimy wijirumy adeereny relyyre. Biurasòmy tahe ibutu ijohonanamy tuu belyybenykre. Uritere ilau brebuõmy. Aõbo wasimy rÿire heka ibutumy ratÿnykre. Uritere ilau brebuõmyke. Adeelekre rirubunykre atyytyby ta rirubunyõtyhy. Iruruõre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bedeluru heòty-txi heka adi rehuke. Bityhynyke idile maraykynyke. Hãbu lau brebuõmy hãbu aõbina bina riwinymyhÿre lau brebuõmy. ²⁹ Nawiiõ iny riwymyhÿre womati nieru iyja-di, iòwy riõre iny heka riwymyhÿre. Ibutumy heka Deuxu nawii rieryre sohoji sohojimy. Tiu heka Deuxu rieryõhyymyhÿre nawii sòmo rurumyhÿreu heka tiu rieryrykõmy idi reteheòtyhy. Kiawese aõbo tahòtinymahãte. Aõkõre, inatyhymy idi retehemyhÿre. Ijõ rurumyhÿreu heka tuu robimyhÿre. Aõma Deuxu heka anaerymyhÿre nawii sòmo ratyre heka aumy rierymyhÿ. ³⁰ Ara erymy heka aõma arati-ki tiwesebo radeti rÿimyhÿre heka rierymyhÿ. ³¹ Breburenykõmykre, kaiboho dori nawii ratyre Deuxu-ò

toite. ³²⁻³³ Kai marybeke: —Jiarỹ retyhynyre dori tahe umy arelyyke. Jiarỹ heka umy ararybeke inynyrỹ dee biu-ki wahe. Iny sōwehekỹ-ki riwatxiōnykeki tule aratxiōnyke jiarỹ Wahako-ò. Jiarỹ heka suò anade.

³⁴ Aõ ywina wydymy aõkõre heka anade. Jiarỹ heka ywina aõkõre diwyde. Bedejei-jeidỹmy anade iribi wadee wou rỹkremy. Hābu heka tybe òludumy rarekre.

³⁵ Tule hāwyy tadi òludumy arisynykre. Tule iriokorese tariòrelahi òludumy arisynykre. Aõma inyõ òludu heka tasỹ mahādu òludumy rarekre.

³⁶ Boluu adireny boreny heka boibekre. Kia luumy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahādumy aõkõ boibeke.

³⁷⁻³⁹ Kaweselemy boibeõkeki. Tai tahe kai wahõrõ mahādumy aõkõhe mabekre. Aõma biyrurubuntyhykeki tahe kai ihārele aõkre. Aõma kai waòraru-ki aõhõkỹmy botỹnykeki wadee waaõmysỹdỹ òraru-ki inyõ anarubuntyhykeki aõhe adee rutỹnykeki. Tai tahe aumy ròhònykre inyõ tasỹ-ò aradykeki iwese tii tasỹ-ò riwadyra wesele heka aradykre.

⁴⁰ Tii riwadyra wana Deuxu heka ridymyhỹre riwateònyreki wahe. ⁴¹ Deuxu rybeduõ bidybenykeki. Tii Deuxu-ò arāwahinykre. Deuxu adee uriiõno kadiwahinykre. Adeereny kidiwahinykre. Wahisidỹna ritakre wese heka tule kai bitakre. Adeereny ararybekre. Deuxu hõrõ mahādu heka bimymahābenyke. Aheto-ò bidybenyke hābuwi ihỹrenyre. Ti-iboho dori wese uriiõno ritarenkykre wesele kaiboho bitabenyke. ⁴² Kai uladu-ò bemonā biwahinykeki bedi imonamy. Tai tahe kanakre inatyhymy adee aõ kidiwahinykre. Kai waòraru-ki ityhydỹdu-ò bee biwahinykeki, inatyhymy heka aõwy adee kanakre.

11

¹ Jesuisi heka rexihure aõma taerydỹna mahādu waòinatxi bedeerydỹna-ribi. Kia bede ywina tamyreny riwahinyre. Rexihureu tahe rare ròhònyre iribi hāwā-di. Aõma rybe ritỹnydỹmy rakremy hāwā hāwā-ò.

² Idi tahe ròtenywokile heka iu Joaõ roimyhỹ. Aõbo Jesuisi tahe iu aõna aõna wiwihikỹ ritxienymyhỹreu heka Joaõ tamy roholare. Ròtenywo-ki roimyhỹ-ribi. Idi tahe Joaõ taerydỹna mahādu riteònyre Jesuisi-ò dỹraxy: ³ —Kohe, anaraòdenyde tate. Aõma Deuxu deòdỹna wahe kanakre aõbo ihewo-ribi. Ariraòrenykre aõbo urihimyo.

⁴ Tai Jesuisi rirawònyre: —Aõma bòðsebenyke ixybyle Joaõ-ò. Belyybenykre ikò aõna aõna wiwihikỹ rewinyre arureny-ki tule tabite wamyreny. ⁵ Aõma iruetàhàkỹ heka. Reruedỹnymy rare wahe. Itiere tasỹ retinywāhāre dinoduhukỹ ityy reytemyhỹre. Aõma ijõ Rybewihikỹ Tỹmyra roholaõhyymyhỹre tasỹ tule reijohonadỹnyre. Aõma rubu tule rubu-ribi reixixadỹnyre. Rybewihikỹ Tỹmyramy heka retỹnydỹnyre ibutu iny-ò wahe, iny aõkõ mahādu-ò wahe. Tule Joaõ-ò marybebenyke kaweselemy wahe. ⁶ Maratyhybenykeki, beysabenyke.

⁷ Iribi ròhònyreu tahe Jesuisi heka rarybere Joaõ bededỹnanamy. Aõmybo wahe Joaõ-di rōhòtinyrenyre aõmy tuu bedi nohòtinyrenyre tamy itxereny bederahy ròirenyreki wahe. Otxirarade wese yhy-ki tahòtinyteri. ⁸⁻⁹ Ada aõma hābu urimynodutyhymy aõbo idi rōhòtinyrenyre. Aõma butòre wesemy idi rōhòtinyrenyre. Ada iwitxiramy aõbo idi tahòtinytenyete hābu tyywihikỹdiremy idi rahòtinytenyete. Iòlò taheto wihikỹ-ki ratximyhỹre. Aõkõre, kia iny heka aõ Deuxu rybeduõmybo tahòtinytenyete. Inatyhy tii kia rare. ¹⁰ Iratyre heka tii rare. Aõma dori Tyyriti-ki rarybemyhỹre:

—Tii heka wako-ki kadehemynykre ratximyhỹre, wamy relyykemy, wary riywinymyhỹre.

¹¹⁻¹⁴ Inatyhy heka rare. Tii heka ibutu hābu ratyre ratximyhỹre. Ihārele tahe heka Deuxu Iòlòna-ki heka ijõ iny iratyre ratximyhỹre. Hābu binahakỹ heka Deuxu Iòlòna-ò raaõbinanymyhỹre. Joaõ rexidelenyre rybe itỹnydỹmy rexidelenyreuhyle heka ritelemy ralore. Tule wiji nalòmhyde sōwemy. Iu Joaõ rehemynkõle heka tuu rarybemyhỹre ibutu Deuxu rybedu mahādu heka tuu rarybemy raremyhỹ. Tule Moisesi bede ywina kia rarybere. Tii Eliasi wesele ihỹre. Tetyhynytenyete aõbo. Iwese Deuxu rarybereri

wesemy heka tii nade. ¹⁵ Inyõ ierysomy rurukeki, roholake wiji. Aõmybo ararybekre kainymy tiwesebo rĩmyhỹremy. ¹⁶ Tiiboho heka iwese weryry uladu risinymyhỹre wesemy ihỹrenyre. Kiamy heka tiinamahãdu-ò rarybemyhỹre: ¹⁷ —Jiarỹboho heka aõma wiunawihikỹ-di rawinymyhỹrenyre. Idi tahe teysatenyõhyymãhãtenynte. Tahe wiuna bederarysyna-di heka rawinymyhỹrenyre. Ta bedewoõhyymahãtenyteri. ¹⁸ Joaõ Sebedỹỹdu heka riroxiõre. Vĩĩmy riõõre. Inywesereny tai tarybetenyte: —Tii raitxỹtemy ihỹre. Tyytybybina-di ihỹre. ¹⁹ —Jiarỹ Deuxu Riõre heka rehemynyre Hãbutyhyhykỹ wahe. Jiarỹ reroximyhỹre. Reõmyhỹre tahe kiaboho heka waluu aõkõ heka toite. Urile heka wamy tarybemyhỹtenynte wabyre nihikỹremy wabemomohõkỹremy. Aõma òrarudu kia liinatyhy heka jiarỹ rare. Aõ ikõkõlemy heka taraykynymyhỹtenynte ihãrele taheka òbitilemy ixidi tanohõtymyhỹtenynte.

²⁰ Jesuisi heka sõwemy aõwihikỹmy riwinymy raremy. Ihãrele heka imahãdu rityhynyõhyymyhỹre heka. Kia Jesuisi heka rarybere kia hãwã mahãdumy. ²¹⁻²² Orasi hãwã aõ heka adee binatyhymy kanakre amahãdu-ò wahe. Besaida hãwã mahãdu, kaiboho aõna aõna wiwihikỹmy tabitenynte ahãwãreny-ki. Tiu heka ixixi-õhõtireny reaõhykymyhỹre. Jiarỹ aõma Tiro hãwã-ki Sidõ hãwã-ki aõna aõna wiwihikỹ ariwinyre wana inihe heka ixixi-tõhõtireny reare iniheka saumy tyky rexitynyre tule brybysi ixityrereny heka rexihumy. Sidõ hãwã Tiro hãwã heka urihimyo adeereny isirakre. ²³⁻²⁴ Kafanaõ hãwã mahãdu! Kaiboho heka tule ixixireny õhõtireny reaõhykyre. Aõma kaiboho heka awireny ixidireny tahoõtynmahãtenynte, awityhyremy. Kaiboho heka òhõtenamy bekoabenykre bedebina heõtyhykỹ-ò dori besebenykre. Sõwemy dori aõwihikỹmy kaiboho tabitenynte. Deysana wiwihikỹ-di wahe. Tiu heka ixixi-õhõtireny reaõhykymy aòrarureny-txi. Aõ wiwihikỹ Sodoma hãwã-ki rewinyre wana wahe. Tiu heka rabinaõhyre inihe heka wiji-ò. Aõkõ botỹỹbenykre aõma Sodoma hãwã ratyre heka aõhõkỹmy botỹỹnybenykre, Deuxu ywisidỹynatxu.

²⁵ Tahe Jesuisi rexitõrenyre Deuxu-ò: —Waha, biu bede-wana iwedu atximahãte. Kai uladu-ò aõna aõna tetỹnynynte. Tewõmahãte heka kia ibedeeryhykỹ lau heka tewõmahãte. Kai ixidi bedeeryhykỹmy rõhõtynymyhỹre lau wahe. ²⁶ Tii heka adeewinare. ²⁷ Ibutumy heka Waha wadee riwahinyre tii heka riwaeryre. Jiarỹ tule tii reeryre. Aõma ixidee wikeki inydee ariteòsinyke. Timybo Waha rare. ²⁸ Elehydỹỹmy buruke aõbo? Manake wadee. Jiarỹ heka araelehinykre. ²⁹ Walõtityreherina ixidee bitidibenyke. Tai tahe wawana maaõmysdỹỹbenyke. Arabederynykre heka ywina-di. Aritidiõtyhy heka aõ utxiehekỹ atyreneny. Elehyna adeereny ariwahinykre awo araykyreny-ò. ³⁰ Aaõmysdỹỹna adeereny rewahinymyhỹre isiraõre heka. Iutxiemy aõkõ rare.

12

¹ Sabado txuu, judeu elehynatxu Jesuisi rariamy ròrenyre maixõmoni oworu-ki. Tahe rekoarenyre aõma maixõmoni oworuro-di heka irenyre. Kia heka tahe Jesuisi taerydỹỹna mahãdu heka riarimyhỹre aõma riyrenykre rama rahuraki. ² Iu-ki tahe fariseu mahãduõ rethemy ratximyhỹre. Tiiboho tahe rarybere kia Jesuisi-ò rarybere: —Kia hewa brebuna rare aõma sabadotxu riwinymyhỹre: —Aõherekibo aerydỹỹna mahãdu iu riwinyrereri. ³ Tahe Jesuisi tamy rỹrãxire aõma ijyymy ikoreny relyyre iwese Davi riwinyre wesemy heka riwinyrereri ramy rahureu. ⁴ Davi riki heka ralõre Deuxu dohodỹỹna hetowo-ò heka ralõre. Tai tahe rirỹsỹmyhỹ kia aõma xiwena-ki heka riymy. Kia orotxu heka aõma xiwena-ò hidỹỹna mahãduõle rĩmy. Tahe ihãrele heka riyrenyre heka. Taijoi mahãdu-ò riwahinyre. ⁵ Kia wesemy aõma tariakõte bede ywina tyyriti-ki wahe. Aõma xiwena wahidỹỹdu heka rityynyõhyymyhỹre. Aõma sabadotxu kia wahisidỹỹna. Xiwena bede ywina wahe. Iu dohodỹỹna hetowo-ki ratximyhỹu. Tii heka sabadotxu bede ywina rityhynyõhyymyhỹre. Tahe heka aõbina bina riwinyrenyõhyymyhỹre. Kia tahe heka tule heka bede ywina tyyriti heka ritidỹỹna roire. Idi tariatenyõte. ⁶ Inatyhymy heka adee ararybekre. Inyõ kaki ratxikeki jiarỹ heka

kaki heka inyõ ratximyhÿre aõma dohodÿÿnahakÿ heto-ki wahe. Dohodÿÿdu mahãdu ratyre heka watximahãre jiarÿ wahe. ⁷ Kiamy heka ritidÿÿna rÿimyhÿre. Jiarÿ heka xiwena luure ihãre tahe sõwemy heka iratyre ruxetõena luure. Jiarÿ aõma xiwena luure ihãre tahe iratyre heka aõma ruxetõena luure sÿ. Kaiboho terytenyete wana. Aõma heka ibinamy tarybehyynyhÿte inyõ teõsamy ratxikeõ. Aõma aõ riwinyrenykoõhyre. Kiamy wahe. ⁸ Jiarÿ dori Deuxu Riõre Hãbu watximyhÿre. Jiarÿ tule aõma sabadotxu wedu wãhãre.

⁹ Tai tahe Jesuisi nade heka ixyby aõma tohodÿÿnareny heto-õ. Ralõre heka sabadotxu. ¹⁰ Hãbuõ ratximyhÿre debõ binare. Debõ rayjayja ihÿmyhÿre. Tahe fariseu mahãdu heka Jesuisi-di mynamy ratximyhÿre. Aõ rybebinamy rarybeke õraru-ki rimykyemy. Tai tahe rÿÿraxire Jesuisi-õ: —Timyrebohe brebuna aõbo sabadotxu deytedyÿ ada aõkõre aõbo. ¹¹ Tai ta Jesuisi rirariwõnyre: —Kaweselemy rõkõhõtinyrenyke. Kai heka aõmy abudoeni sohojilere. Sabadotxu heka reseke hãlooro-txi aribi. Timybo mohõtinyke aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra. ¹² Hãbu heka budoeni ratyre heka idõy rare. Aõma sabadotxu aõwaxinyre heka reyteke. ¹³ Tai hãbu-õ rarybere Jesuisi: —Ebõ biditytyke. Debõ ritytyra ta wiwesele debõ relere awimy. ¹⁴ Fariseu mahãdu heka wii ributunyre, iribi rõhõrenyre wahe. Widee raryberenyre: —Aõma timybo rikisÿnyrenykre rikimynyrenykre rikirubunynyrenykre.

¹⁵ Tahe Jesuisi rierymyhÿ kiamy rarybermyhÿreny heka roholamyhÿ. Tahe Jesuisi rierymy heka. Iribi irehemy ratximyhÿreny hãrele, rierymy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sõwemy heka webinadu ihemy rare. Ibutumy riteytenyre. ¹⁶ Teyteydyÿna mahãdu-õ rarybere: —Uritere itÿnydyÿõmykremy tuu ijyyõmykremy inyko-õ. ¹⁷ Ihexiu Isaia tyyriti-ki heka kawesemy rÿimyhÿre. Tii heka Deuxu rybeduõ rare.

¹⁸ —Kaheka Wadeõdu rare. Tuure heka jiarÿ, tii heka retare. Rehixinyre. Tii heka deysana wadee riwahunymyhÿre Tatytybytyhy tamy ariwahinykre. Ywisidyÿna txuu heka ibutuko-õ relyykre.

¹⁹ Tii heka ryryõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-õ roholaõtyhy.

²⁰ Aõma bõtõreõ irybõhõmy roikeki. Tii raõrõõtyhy. Txuheõtyjurà loosõna urihimyoõkeki heka tiu ruriõtyhy eleti-di. Tii ritakre iaõbinana, inatyhynaõ binana wahe.

²¹ Ibutumy heka irarõsõna iribi ritakre.

²² Hãbu rybeõ ruetãõ heka iny didydenyde Jesuisi-õ wahe ralõmyhÿreki wahe. Tii tyytybybina iwo-õ ralõmyhÿreki wahe. Jesuisi tyytybybina riteõnyre. Tai irue heka awimy relere rarybere. ²³ Ibutu iny sõwe heka heka ribedeõtiidyÿnyre. Widee tahe raryberenyre: —Ka heka Davi riore riõre õsana rare, Deuxu deõdyÿna wahe. ²⁴ Tahe fariseu mahãdu-õ roholare. Tahe rarybere Jesuisimy: —Tii inatyhymy tyytybybina riteõnymyhÿre inywo-ribi. Aõma tyytybybina wedu ruru-di heka riteõnymyhÿre. Belisibu ruru-di wahe. ²⁵ Jesuisi heka rieryre iraykyreny. Tai tahe tamy rarybere: —Ijyyemy heka tamy rarybere. Iõlõna mahãdu wiribi ibutumy rexihixinykeki tahe rexihukre ibutumy wiribireny. Tahe hãwã mahãdu taijoiy-ribi rexihixinykeki, awi aõkõ rare tai wahe. ²⁶ Wiribi rexihixinyke wana. Tule awi aõkõ rare tai wahe. Aõma Satanasi rexideõnykeki tahe tayreny-ribi rexitake. ²⁷ Belisibu ruru-di tyytybybina ariteõnyke wana aõdibohe aheludu mahãdu riteõnykemy ratximyhÿre. Tiiboho heka aywisidyÿdurenymy ratximyhÿre. ²⁸ Jiarÿ Tyytybytyhy ruru-di ariteõnykeki heka kaiboho arurunareny Deuxu-ribi nade. Iõlõna adeereny rehemynyre. ²⁹ Inyõ heka hãbu rurutere hetowo-txi ralõõtyhy wasimy wahe. Tai rawasinymy ratximyhÿkeki tahe urile juhuu hãbu ritaataake. Idi tahe iheto-ribi aõdibo rawasinyke. ³⁰ Inyõ wabiõwamy aõkõ ihÿre wana heka, waõludu rare. Inyõ wawana ibutumy ratxiõmyhÿre wana tahe raybãtãmyhÿre. ³¹ Inatyhymy jiarÿ adee anarybekre. Ibutu õraruna kanaixãwididyÿke.

Hābu aōtxile aōbina bina rarybemyh̄yre. Sohojile taruxāwid̄ȳōtyhy. Aōtxile inyō aōbina binamy Deuxu Tyytybytyhy rarybekeki. Tii aōraru rataōtyhy. Kia heka òraruna tiiehyymy rarekemy ih̄yre. ³² Hābutyhyhyk̄y heka Deuxu riðremy aōbina binamy iny rarybekeki, wamy wahe, tii tahe ixāwidina ðire. Deuxu Tyytybytyhyhymy rarybekeki, tii tahe iixāwidinyōhyre. Tiehyy kia òraruna-di rareke. ³³ Jesuisi rawesenanyre iny òwòru wese rare. Òwòru awimy r̄yike wana, tai heka iratywihik̄yō-ki iny rahake. Ruru rasunymyhyre raruburerimy ih̄yre. Kia tas̄y iratywimy aōkō r̄yike ibinamy. Aōma òwòru iny rierymyh̄yre aōbo iribi iraty dejuxunymyhyde òraru-ki iny rierymyh̄yre, awire. ³⁴⁻³⁵ Kaibohe heka hemylala mahādu wesemy atximyhytenyete. Kaibohe heka abinatyhymy ahātenyete. Timybo heka kaibohe aōwihik̄ȳmy marybebenyke. Arayky aōbina bina hak̄ylemy tōhōtinyteri wana. Tai taheka ary tuu rōhōnyke ary tuu rarybeke. Aōma hābu wihik̄yō ratxiremyh̄yre wana aōnana wihik̄yle tarayky-ki riyrubunymyhyre. Tii heka rarybemyh̄yre. Hābu bina tahe tarayky-ribi ibinalemy rarybemyh̄yre. ³⁶ Ibutumy aōmybo iny rarybemyh̄yre heka ywisid̄ȳna txu tuu rarybemyh̄yre rierymy timykibo tuu rarybere wahe. ³⁷ Òrarukibo rarybere: —Arybe òraru-ki heka ywisid̄ȳna-ki atxiteri. Bitakemy aōbo ada aōkōre aōbo.

³⁸ Bedeeryd̄ȳdu mahādumy heka fariseu mahāduō tamy rarybereri: —Eryd̄ȳdu, wadeereny biteòsinyke awihik̄yō. ³⁹ Jesuisi dirawyònyde: —Iny kamahādu heka ibinatyhy rare aō awihik̄ȳ rexitòenymyhyre. Abina binale wahe. Aō wihik̄yle bobiōtyhy. Tahe sohoji aōwihik̄yōmy heka mohōtinyke. Jonasi wid̄ȳna wahe. ⁴⁰ Jonasi Deuxu rybeduō wid̄ȳna wahe. Tii inataō txu inataō rummy uturahak̄ȳ wona-ki ih̄ymyhywesemy. Iwese Deuxu Riðre Hābutyhyhyk̄y bede-ki rarekremyhy wesemy inataō txumy inataō rummy. ⁴¹ Ninive hāwā mahādu heka roholarenytixi tōhōtirenny reare. Iu Jonasi rybe rit̄nydȳre wahe. Tahe inyō kaibohe tamy taholatenyete. Sōwemy heka iny Jonasi ratyremy ih̄yre. Ih̄yrele kaibohe ixitxireny òhōtirenny reaōre. Ninive tamahādu tahe ibinany adeereny rarybekre. Ywisid̄ȳnatxu wahe. ⁴² Iòlò Hāwyyō heka ibòð irehe-ribi nade. Aōma Salomaō bede eryd̄ȳna-ð roholakemy. Kaibohe heka inyō-ð taholatenyete. Salomaō ratyre heka sōwe inihik̄ȳ ih̄yre. Ihārele ta ixitxi nohōtirenny reaōre. Ywisid̄ȳnatxu heka Iòlò hāwyy ibinanamy k̄ynarybekre umyrenny wahe. Ywisid̄ȳnatxu. ⁴³ Aōma tyytybybina hābu-ribi rōhōnykreu tahe elehydȳna riijekre. Aōma bedebinana tōtehek̄ȳ tahe tuu reakre. Ih̄yre tahe tai rahaōhykre elehyena-ki wahe. ⁴⁴ Tai tahe ixidee rybekre: —Aròðsekre k̄yhe. Iribi ranyw̄yh̄reò anakre. Tai tahe kia hābu-ki rahara. Tyyrahak̄ȳmy iwo-ki iruxeramy. ⁴⁵ Tai tahe ijō-txi reare. Debò inatxi reurò tyytybybina-txi iratyre tyhy wahe ibinare. Tai tahe ridyke tahābu-ki ras̄nyrennykemy. Kia hābu heka iwese juhu raremyh̄yre ratyre ibinamy ratximyhyre. Kaibohe heka kia tyytybybina wese atximyhytenyete.

⁴⁶ Jesuisi tahe ijō-ð rarybere ijō ijoi-ð, tai tahe ise rehemnyre, iseriðreboho-wana. Sōwemy iny mahādu-ð heka rarybere. ⁴⁷ Inyō tamy rarybere: —Inyō heka arāijereri adi ahel̄ȳna. Kie heka rehemnyreri adee rarybekemy adi ratxireri. ⁴⁸ Jesuisi dirawyònyde: —Mota heka nadireri, mota heka waseriðrereri? ⁴⁹ Tai tahe tebòhe riteðsiriteðsinyre taerydȳna mahāduō-ð. Ka heka nadi rare. Ka heka waseriðre. Ka ijō heka waseriðre. ⁵⁰ Wahadeewi riwinymyhyreki tahe, tii heka nadi rare. Waseriðre rare. Waha dori biu-ki ratximyhyre.

13

¹ Itxu taheka Jesuisi rare heto-ribi Kalileia aho ijā-ð. Tahe tai ronyre. Tahe rexiterenyre Jesuisi iny ribedeerynymy. ² Tai ibututyhymy heka iny wirotyre. Tai tahe Jesuisi rexitarenny urihimyo hāworo-ð ronony rexitarennyre. Iny sōwehek̄ȳ mahādu tahe aho ijākile heka roholamy r̄ymyhyre. ³ Tii heka relyymyhyre aōma ijyyō relyyre: —Aōna aōna wese ijyy rawesenanyre. Hābu alòbòromy rara. Tii heka alòbòròna dehuu rare. ⁴ Ijō heka idi rehumyhy heka ijō ryro-txi resere. Nawii heka riròmyhyre riore heka. ⁵⁻⁶ Ijō tahe rejuxunyyre aōma manarutysu-txi. Tii tahe raumnyre aōwesele.

Iraruxiõlemy heka rÿimyhÿ suu ibutureki. Idi bedetòtee rimoedÿÿnyre. Idi tahe rurure. ⁷ Òwòrudÿÿ resere edey-txi. Idi ta ruhunyre edewanale. Idi tahe ede riòdesedÿÿnymyhÿre. Tai heka raratynyõlemyhÿre. ⁸ Ijõ tahe resere suwitxirawihikÿ-txi. Tai tahe sòwemy raratynyre. Sohoji òwòrutu-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre. ⁹ Tahe Jesuisi heka rarybere: —Kia bohولاتyhymy bonyke. Òhõtirenydikeki bohoolabenyke.

¹⁰ Tai tahe ierydÿÿna mahãdu Jesuisi ritÿÿraxinyre: —Aõherekibo kai ijyy-di bierynanykemy atxiteri, rawesenanyreri wahe. ¹¹ Tai tahe dirawyònyde: —Kaiboho aõmybo Deuxu reerynanyre kaiboho bierybenyke. Ijõ mahãdu tiu ijyy rieryõtyhy. Kaiboho dori Deuxu òlòna teerytenyete. ¹² Hãbuõ iaõdikeki ijõ heka iratyre tamy ariwahinyke. Tai tahe sòwemy tamy rauhenyke. Tahe hãbu ihoõkeki ibutelemy ijõdikeki heka kiale iribi ibutumy aritakre. ¹³ Retehe my ihãre tahe robiõhyymyhÿrenyre tahe ririõhyymyhÿre. Tai heka ijyy-di reerynany my watxireri. ¹⁴ Iwese Isaia tyyriti-ki roire wese heka tiiboho ihÿrenyre:

—Roholamyhÿre, roholamyhÿre ihãre tahe rieryõhyymyhÿre. Retehe my ihãre tahe tiu robiõhykymyhÿre.

¹⁵ —Irayky tererenyeki wahe rieryõre heka. Òhõtireny heka ritòbònymyhÿre ta ijohonana-ribi. Tarue ribrenymyhÿre robike lau. Tahe wadee ròdseõtyhy. Aõkõre heka ariteytenykemy idi watximyhÿre. Tibo heka terareny aõkõre.

¹⁶ Jesuisi ijõ relyymyhÿre tamyreny: —Kaiboho heka eysamy atxitenyteri. Kaiboho heka bobibenyke tahe bierybenyke. Aõmybo kaiboho tabitenyteri heka, taholatenyteri wahe. ¹⁷ Ihetxiu mahãdu, hÿÿna mahãdu wahe, tuu lobiximy riwisÿnymyhÿre. Aõma aõwobo kaiboho taholamyhÿtenyeteð heka roholakemy riwisÿnymyhÿre tahe roholaõhyymyhÿre. ¹⁸ Tahe bohoolake heka adee aritÿnynyke aõbo ijyy rare. ¹⁹ Òwòrutu ryro-txi resemyhÿre heka iny ijoireny wesemy ihÿre. Ijohona tuuwesemy wahe. Tibo roholamyreny ihÿre tahe rieryõhyymyreny. Aõma Satanasi heka nade tai tahe warybe heka iribireny ritamyhÿre. ²⁰ Ijõ manarutysu-txi resemyhÿ mahãdu tahe ijõ ijohonadu wesemy heka roire. Tiiboho heka deysana-di roholamyhÿreny. ²¹⁻²² Tai tahe urihimyòle rityhynymyhÿreny aõhõkÿmy dÿÿnana kanakeu tahe aõwesele riatyke ririmy reake. Kia edey-txi resera tasÿ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhymy idi rõhõtinyinymyhÿreny nierudile. Tai tahe rexibedewonymyhÿreny. Tiu heka Deuxu aõmydÿÿna riwinyõhyymyhÿre, Deuxu Rybe riwiòhenanyreny. ²³ Kia suwitxira wihikÿ-txi resera wana tahe iwitxira ijohonadu mahãdu wesemy heka rare. Tiiboho heka roholamyhÿreny rityhynymyhÿre sòwemy Deuxu dee roholamyhÿreny heka. Ijõ 100my wesemy raratynyre. Ijõ 60my raratynyre ijõ 30my raratynyre. Iny sohoji sohojiõ heka Deuxu-ò aõ riwinyrerimy ihÿre.

²⁴ Idi tahe iwitxira ijyy my relyyre Jesuisi tamyreny: —Deuxu Iòlòna heka kia wesemy ihÿre. Oworudu heka aõma alòbòròna wihikÿõ ritòbrònymyhÿre taoworuro-ò. ²⁵⁻²⁸ Tahe iòluduõ rummy heka tamy nade. Tahe iu ibutumy iny rõrõmyhÿreu, asibinaty-di tamy rehure. Tai tahe alòbòròna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijyy-di nade tuu ijyy my. Idinodu rarybere: —Aõma waòludu heka kia riwinyre wadee. Idi oworudu narybede: —Aõhebohe arotÿÿnyrenykre? Ta idile aõbohe arisiherenykre araxirenyre. Tai tahe rirawyònyre: ²⁹⁻³⁰ —Aõkõre wahe, kia ibutumy alòbòròna rirarutxinykre. Ixinamy heka ratybienykre tii-wana wiurilemy kia maixõmo arixina bededÿÿnany bede relerekeu tahe iribi raarike. Ararybekre heka tamy kia aõma oworu-di raaõmysÿdÿÿkreð. Juhu ðelemy asi arisykre. Tahe ritoonykre. Idi tahe maixõmo heka riarikre kia maixõmo hetowo-ò riyrubunykre.

³¹ Tahe Jesuisi ijõ ijyy witxiramy relyymyhÿre: —Aõma Deuxu Iòlòna heka aõma alòbòròna sòmo sòmo wesemy ratximyhÿre. ³² Aõma raumynyre heka aõma òwòru iyjatyhymy ibutumy òwòrutu-ribi rariwesele relemyhÿre.

Taiki tahe kia nawiile tuu rýtynymyhÿre kia òwòru-ò.

³³ Uri paò uri ixìòlòdÿÿna heka Deuxu Iòlòna wesemy heka kia ihÿre. Hãwyy heka paò riwinyemyhÿreu, riurinyemyhÿreu tahe ibutumy raubÿtÿmyhÿre kia ibemy.

³⁴ Tai tahe rexiòlònymyhÿre Jesuisi heka sòwemy tuu relyymy raremyhÿ. Iu iny ribedeerynymy raremyhÿu. Tiiemy heka Jesuisi relyyhy raremyhÿ iu ròbedeerydÿÿmy raremyhÿu. ³⁵ Deuxu rybedu dori ihetxiu rarybere:

—Jiarÿ ijyy-di rebedeerynymyhÿre. Aõma tuu relyymyhÿre heka ierykõna rare. Tiuhe rieryòhyymyhÿre. Iu bede rexideelenyrahyye.

³⁶ Idi tahe Jesuisi rexitare iny sòwey-ribi rexitare. Hetoò-ò heka ralore. Tai tahe aõmybohe wakoreny inihe bedelyyke. Aòludu inybo arasÿnyremy. Kia ijyy heka aõma hãbu ede-di rehure ioworu-ò, taòludu oworu-ò. Kia inihe wadee bitÿnynye aõbo rare wahe. Kia ijyy telyyté. ³⁷ Tai tahe Jesuisi tii dirawyònyde: —Kia hãbu alòbòròna wihikÿ ribòrònyre heka Deuxu Riòre Hãbutyhyhykÿ, rare wahe. ³⁸⁻³⁹ Ioworu heka ibutu bede heka roimyhÿ wesemy roimyhÿre. Aõma alòbòròna wihikÿre heka ityhydÿÿdu iwese rÿirawesemy rÿira. Asi tahe kia ityhydÿÿdukòdu mahãdu wesemy heka ihÿre. Aõma kia iòludumy rarybereri tahe kia Satanasile heka ihÿre. Kia iyresynamy rarybereri aõbo bedekonana heka tuu rininimy heka tuu rarybereri. Kia ÿju heka iyresydumyhÿ tuu rarybereri. Kia rimykre ede riorokremy rarybereri heka aõma ityhydÿÿdukòdu mahãdu heka tuu rininimy rarybereri. ⁴⁰ Ritakre heka rihitxinykre. Heòty bedehékÿ heka idi rehukre risòkre iu wahe. Iwesele taheka bedekonana heka rarakre. ⁴¹ Deuxu Riòre, Hãbutyhyhykÿ heka aõma ÿju riteònykre ibutu iny ributunykremy.

Ityhydÿÿdukòdu mahãdu ijò iny òraruna-txi rityhedÿÿdu mahãdu heka ibutumy ributunykre widee. Ibutumy aõbina bina widÿÿdu wahe.

⁴² Idi tii rihukre. Tai tahe ryykre aòkÿmy rotÿÿnykre tai. Robumyhÿre taju. ⁴³ Kiau aõma

Deuxu hõrò mahãdu tahe Waha Iòlòmy rononymhÿre kie ronykre. Tiiboho loosòny wesemy heka ritoosònanykre txuu loosòna wesemy.

Òhòtirenidyeki ibutumy heka boholabenyke.

⁴⁴ Deuxu Iòlòna tahe nieru wesemy ratximyhÿre. Aõma nieru heka hynaò-ki rahara nieru-di tÿximy aõma surawo-ki idi hãbu ixiby riwore. Tai tahe tii reysatyhymy ròdsere. Kia ibutumy taaòmydÿÿna-di heka rohonyre. Kia bedero riwykremy.

⁴⁵⁻⁴⁶ Ijò tahe tule Deuxu Iòlòna wesemy ka ratximyhÿre. Iwese ixaura wydydu ihÿre wesemy heka Deuxu Iòlòna ihÿre. Iwydydu heka iijese iijesemy riwymyhÿre. Aõwi riererimy riererimy heka tai rahamyhÿre iruxera-ki tii tahe riwymyhÿre. Kiau tahe tai rahare aò òwyhykÿò-ki heka rahare. Tii idi tahe rohonyre ibutumy taaòmydÿÿna-di idi tahe kia iwydÿmy idi ratxireridò riwyre.

⁴⁷ Riàò wese heka tule Deuxu òlòna ihÿre. Aõma rià-di iny rehumyhÿre wana heka ibutumy utura rimymyhÿre. ⁴⁸ Kia aõma idi tahe idi raixÿnymyhÿre riarimyhÿre iky-ribi. Aõma awi-di awihe riarirerimy iky-ribi. Ibinare rihitxinyemy iribi. ⁴⁹ Kia bedekonana tahe iweselemy heka rarekre. Kia aõma ÿju heka riarikre awi heka ibinau-ribi riarikre. ⁵⁰ Rehukre heòty bedebinakÿ-ò wahe. Tai ki tahe rirajuamyhÿkre ta aòhòkÿmy rotÿÿnymyhÿkre. Txuu rikyinyemyhÿkre

⁵¹ Tahe Jesuisi tamy rÿÿraxire: —Kiamy ibutumy teerymyhÿtenyte? Tiiboho riraòwònyreny: —Kohe, reerymyhÿreny. ⁵² Idi Jesuisi rarybere: —Inyò bede ywina bedeerydÿÿna heka rityhynyreu, waheludu rarekreu wahe. Tii tahe iwese hãbu butudÿÿdumy ratximyhÿre wese heka rononymhÿre. Tii heka ibutudÿÿna heto-ribi ritamyhÿre, tasÿ mahãdu-ò riwahinykemy. Aò tyby aò tÿmyra. Ibutumy heka ritamyhÿre.

⁵³ Tahe iribi Jesuisi rexitareu, ⁵⁴ tahe tahãwã-ò ròdsere. Judeu dohodÿÿna heto-ki ribedeerynyre. Tahe ibutumy ribedeòtiidÿÿnyre. Tiribibo heka tii bedeeryna rierymyhÿre: —Timyrekibohe aòwiwihikÿ rierymyhÿre. Tii kÿny heka aõma òwòru besedÿÿwidÿÿdu riòre heka rare. ⁵⁵ Jyje riòre wahe. Marie heka tule rare ise wahe. Txiau, Simaò, Jyje, Judasi-wana iseriòre ihÿre tule wahe inatyhy? ⁵⁶ —Iseriòre hãwyy

heka tule kaki rasŷnomyhŷre inatyhy. Timyrakibohe aōna aōna ikōkō rierymyhŷre. ⁵⁷ Tahe rityhynyōhyymyhŷre heka tai wahe. Jesuisi tamyreny rarybere: —Deuxu Riðre Hābutyhyhykŷ heka tiu tauludu wijirana hāwā-ki inyō rityhynyōtyhy rybeduō ihetomy ijirana-ki. ⁵⁸ Tai tahe aōna aōna wiihikŷ heka tai riwinyōhyre, rityhynyōmyhŷreki.

14

¹ Kia bedeu tahe Herodi, Kalileia iðlò, Jesuisini-ð roholare. Aōikōkō heka riwinymyhŷre. ² My heka rarybere teòdu mahādu-ð: —Kia Joaō Sebedŷŷdule aōbohe rubu-ribi riixixadŷŷnyre. Tai tahe tii aōikōkō riwinymyhŷre. ³ Herodi tahe juhuu Joaō ròtenawo-ki riteðnyre. Tii taseriðre hāwyy òraru-ki kia wesemy riwinyre, Herodia òraru-ki wahe. Herodia heka Filipi hāwyy rare. ⁴ Juhuu Joaō Herodi-ð rarybere: —Awi aōkō rare. Kai dori aseriðre hāwyy-wana atxiteri. Uritere heriðmyke. ⁵ Tai tahe Herodi heka Joaō rubudŷŷmy riwisŷnyre. Urile ruberumy judeu mahādu lau. Tamyreny Deuxu rybeduōmy rŷiramy Joaō Sebedŷŷdu rare. ⁶ Herodi kai beðramy bede reareu tahe worana bedehesi ritxiennyre. Herodia riðre ijadòma heka iko-ð resemyhŷre. Iixe-ki tahe awimy Herodi rahare, Ijadòma luure wahe. ⁷ Tii tahe tamy rarybere kanakemy. Aōmybo wadee bexitðenykre. Inatyhymy adee ibutumy ariwahinykre. ⁸ Tai ise ijadòma-ð rarybere: —Aōma bexitðenykre: Sebedŷŷdu ratilemy tamy bexitðenykre. Tai tahe ijadòma tamy rexitðenyre: —Wadeke bidiwyke Joaō Sebedŷŷdu rati, pratoro-ki. ⁹ Tai tahe iðlòhe rabadewore. Ibutu ijohonaru-ð dori tuu rarybere ijadòma-ð. Tahe ibutumy riwinyke rŷire. ¹⁰ Tahe ihārele iðlò heka soldadoō riteðnyre ròtenawo-ð kia Joaō rati resymy. ¹¹ Inyō diwyde pratoro-ki. Ijadòma-ð heka riwahinyre. Tahe tii tadi-ð idi rare. Riwahinyre. ¹² Idi tahe Joaō erydŷŷna mahādu dioryde iumy, riwykremy, rituunykremy. Iribi tahe roirenyre Jesuisiko relyre.

¹³ Kia roholareu tahe Jesuisi ròhònyre ixisohojilemy bederahu-txi. Hāwò-di rexitarynyre rare. Iny sōwemy bede-di ròirenyre ihemy titxibo iru-ki rakemy. ¹⁴ Rehemynyre tahe iny sōwehekŷmy Jesuisi robire. Tai tahe Jesuisi riwotðenyre. Ibutumy riteytenyre webinadu mahādu. ¹⁵ Tahe ratxioronyre. Tahe ierydŷŷna mahādu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteðnykre hāwā-ð tai rŷŷna ixidee riwykemy. ¹⁶ Tahe Jesuisi rirawyðnyre: —Aōkōre, ariteðnyōtyhy jiarŷ. Kaibohole tahe aō tamy bidiwahinybedenyke. ¹⁷ Jiarŷboho kŷny diwatxiðnyreri iruyre orotxu-di, utura inatxire. ¹⁸ Tai tahe Jesuisi narybede: —Bidiwahiny wadee. ¹⁹ Jesuisi tahe ibutumy iny asityre-ki ronykemy risŷnyre. Orotxu inaubiðwa, utura inatxi rŷire, utura-wana rimyre tahe ritehere biu-txi àlana Deuxu-ð riwahinyre. Idi tahe paō riyreyrenymyhŷre teòdu mahādu-ð riwahinyre. Idi rare iny sōwehekŷ-ð. ²⁰ Ibutumy iny riroxirenyre ihāre rihydyre. Kia iuhe-di ierydŷŷna mahādu 12 weriri ritŷxinyre. ²¹ Hābumy 5000 òsana rŷimyhŷre. Ihāre tahe uladu-di rariaōhyre hāwyyboho-di.

²² Tahe Jesuisi taerydŷŷna mahādu riteðnyre aho kanawe-ribi ijà-ð reurðrenykemy hāwò-di. Jesuisi tahe rarire iny sōwehekŷ mahādu rirybedŷŷmy. ²³ Jesuisi heka iny tahetoreny-ð riteðnyremy rahudi tahe tii raðwònyre hāwā-ð ratyy-ð ixitðedŷŷmy. Taihyyle idi bede roronyre ixi sohojihyyle. ²⁴ Kiaule hāwò ahotya-ki rare. Òbò nihikŷy-txi ixinalemy ratximyhŷre. Tið tið òbò riwelòrò riwelòròmmy idi rehumyhŷ. Yhy deade txura-ribi. ²⁵ Rudile tahe Jesuisi biura-di heka rare taerydŷŷna mahādu-ð, beratyredile heka rare. ²⁶ Iu Jesuisile betyredile tamy rarau tahe, tiiboho heka ruberurenyre. Rirajuarenyre: —Worŷŷ òsana inydee rareri. ²⁷ Tai tahe Jesuisi rarybere: —Aworeny bitamadŷŷnybenyke. Jiarŷle watxireri. ²⁸ Tahe Pedro rarybere: —Wanyrŷ, inatyhymy kai atxiteriwana heka wadee manyarybeke betyre-ki arariakemy. ²⁹ Tahe Jesuisi tamy rarybere: —Manake wahe. Aōwesele tahe Pedro hāwò-ribi ròhònymy reare, Jesuisi-ð rakemy. Betyre-ki rariare. ³⁰ Yhylemy tahe robure. Tii urile ruberure. Tai ijirahakŷlemy riwisŷnyra berahatxi-ð. Tai tahe Pedro rarybere: —Biwatakewa Wanyrŷ. ³¹ Tahe Jesuisi rimyre: —Ainatyhynakŷny ibutelemy atxiteri. Aōherekibo heka tiwatyhynyōteri. ³² Idi

hāworo-ò wiwana rorukurenyre. Yhy ruhure. ³³ Ierydỹña mahādu Jesusimy reālāre. Inatyhymy heka kai Deuxu Riòretyhy tate.

³⁴ Tai tahe reuròrenyrene Kenesare bedè-ò. ³⁵ Ibutumy iny kowa Jesuisi rieryrenyrene. Ti ibutumy webinadu mahādu-ò relyyrenyrene Jesusimy. Tahe hāwā ikōkō-ribi ritelenymy didydenyde. ³⁶ Tahe Jesuisi-ò rarybere. Ixinamy watyky-ò rerike, awimy relerenykeny. Ibutumy tamy rerire heka reytere.

15

¹ Jerusalē hāwā-ribi bedè ywina bedè erydỹña mahāduō dehemynyde Jesuisi-wana rarybekemy. Tiiboho-wana tule fariseu mahāduō dehemynyde. Tiiboho heka Jesuisi-ò rỹraxyrenyrene: ² —Aōherekibo aerydỹña mahādu tebòreny risuhòkòreri roxiko-ki. Inydeereny kia bedè ywina rare. Aōherekibo rityhynyōreri ihetxiu lahi rybe. ³ Jesuisi rirawyònyre rỹraxyne-di: —Aōherekibo kaiboho Deuxu rybe tetyhynyōteri kaiboho lahirybele tetyhynytenyde. ⁴ Deuxu bedè ywina kawesemy rarybere:

—Boo adi-wana ibutumy heka bityhynybenyke. Inyō rybebina tadi-ò tyby-ò rarybekeki. Tii tahe ruruke, tuu bedè ywina rybe wahe.

⁵ Kaiboho tahe kawesemy tebedeerynytemy tewitxiranyte: Inyō tadimy tybimy rarybekeki Wanieru Deuxu-ò wahisidỹnamy. ⁶ Tai tahe inieru-ei tyby tadi-wana riwìdhenanyōre kia bedè ywina witxira tewinymahāte. Deuxu bedè ywina rityhynyōreki.

⁷ Kaiboho itxerenadu mahādu atxitenyteri. Isaia inatyhymy umy rarybereu:

⁸ —Kia mahādu wadee rybe-di riwadeālānanyrenyrene. Wowydyna wadee riwahinymyhỹrenyrene. Inatyhymy aōkō heka kai tarybemahāte. Arayky dori Deuxu-ribi irehemy ratximyhỹre. Teerytyhyōlemy heka atximahāte.

⁹ Iwowydyna heka wadee aō aōkō rare. Wabede ywina ribedeerynyōtyhy. Textibedeerynymahātenyde abede ywinarenydile.

¹⁰ Jesúsí rexidelenymy ribedeerynyrene: —Boholabeny warybe-ò. ¹¹ Brebuna roxina-di biroxibenykeki, aō adeereny ibinaōtyhy aō aryrenymy ralòmymhỹre aōkō heka ibinare. Ryrìbi ròhòmymhỹre heka ibinare, arybe wahe. ¹² Tai tahe Jesuisi erydỹña mahādu Jesusiko rarybere: —Fariseu mahādu kỹny tamy awiōre kia wiji tuu tarybeta wahe.

¹³ Tahe Jesuisi rarybere: —Aōhere aōkō rare. Timyre aōkō rare. Ixinamy tuu raryberenyrene. Iorutere-di nohòtirenymy. Kia fariseu bedeeryna lòbòròna wese rare. Waha ribòrònyōre. Ibutumy waha ribòrònyōre suribi mahādu ritakre. ¹⁴ Inatxi hābu ruetā widee ryò ritỹnynymyhỹre wese. Hāwāry-ribi wiwanale hāloo-txi resekre. Tiiboho ixinamy biribenyke. ¹⁵ Tahe Pedro Jesuisi-ò rỹraxyne: —Wakoreny inihe biditynynyke, roxina brebuna ijyy wahe. ¹⁶ Kaiboho ibutu wese atxitenyteri. Teeryōtenyde. ¹⁷ Ibutumy iny aō rirỹsỹmymhỹre weryri-di ramymhỹre tahe ròhònymymhỹre. ¹⁸ Tahe inyō rybebinamy rarybemymhỹre. Tii iwo ibinare, irayky ibutumy ibinare tai wahe. ¹⁹ Raykywydyna binahakỹ-ribi heka òtaòtana, rubuna, wasina, ruina ujōmo inyry-ribi ròhònymymhỹre. ²⁰ Kia aōmydỹñnana iny risurisumymhỹre, inydee ibinare. Tahe roxinako-ki iny tebò risuhòmymhỹré, kia tahe aō aōkō rare, ibina aōkō rare.

²¹ Iribi tahe kia-ribi ròhònyreu tahe Jesuisi rare irehetytymy Tiro hāwā-ò Sidō hāwā-ò.

²² Kana bedè hāwyyō tamy nade. Tahe tamy rexitònyrene: —Wahī, Davi riòkòre, biwaruxetoènyke hewa. Waritxòre heka tykytyby bina-di iwoku-ki ratximymhỹre. Anohòkỹmy heka idi rotỹkỹnymymhỹre. ²³ Tahe Jesuisi aōmy rarybeòhyre tamy. Taerydỹña mahādu tahe rarybere: —Biteònyke hewa. Inyboho dori riixiranyrenyteri. ²⁴ Jesuisi tahe rarybere: —Jiarỹ Deuxu riwateònyre judeu mahāduòle, tabudoeni mahādu iōre mahādu wese wahe. ²⁵ Hāwyy ixityre nade. Tatiowotimy resere. TAhe ixityre tamy rarybere: —Biwawikòhenanyke hewa, Wahī. ²⁶ Jesuisi rirawyònyre: —Awiòhedỹña kia wese rare aōma hābuō tariòre-ribi rỹsỹna riwya tahe idi rehura ijòròsaòle. Kiawese rarekre, jiarỹ arawìdhenanykeki. ²⁷ Hāwyy rarybere: —Inatyhy rare. Kuladu-ribi ano rỹsỹna resemyhỹre bedè-txi, tiki tahe itxòròsa ritxòre idi riwymy reakamy riròmymhỹre.

²⁸ Inatyhymy Jesuisi rirawyònyre: —Kai ainatyhyna sòwere. Adee ariwinykre aòmybo textitòenyteri. Iule iriòre reytemy rare.

²⁹ Tahe Jesuisi ròdsere ixityre Kalileia ahohokỹ-ò. Raòwònymy rare hāwālò-ò. Iratytyre ronyre. ³⁰ Sòwemy heka iny webinadu didyde: itiere mahādu, iruetā mahādu, irybeò mahādu, aò ikòkò heka bina bina witxira witxira idi rare. Jesuisiko-ò heka ritidirenyreki ibutumy riteytenyre. ³¹ Iny ruetā rỹira mahādu itxeretyhymy riwinyre. Rarybekòmy rỹira mahādu, rarybemy rỹimyhỹ teysamy. Itiere rỹira mahādu, rariamy rỹimyhỹ. Tai ibutumy iny ribedeòtiidỹnyre heka tahe judeu mahādu Deuxu-ò wowydyna riwahinyre.

³² Jesuisi rarybere taerydỹna mahādu-ò kanakemy. Tahe tamyreny rarybere: —Jiarỹ kỹny rewotòenyteri kainy mahādu rỹireridi. Inataò txumy bede riera waki. Aò heka ihokòre rirỹsỹrenykemy. Iòwedỹkòlemy ariteònykeki heka ijò reseke ryrowetyakile. Rama riatyke. ³³ Tai tahe ierydỹna mahādu rarybere: —Inyboho bederahy-ki, titxibo heka rỹsỹna arimykre iny sòwehekỹ-ò ariwahinyrenykemy? ³⁴ Tahe Jesuisi tamyreny ritỹraxyre: —Tiwesebo roxina-di atxitenyteri. Tahe rirawyònyre: —Debò inatxi reurò orotxu sòmo sòmomy idi watxireri utura deyre ijò rare. ³⁵ Jesuisi rarybere ibutumy iny ronykemy. ³⁶ Tahe tíi rexitòenyre Deuxumy reàlāre. Orotxu, utura-wana riereerenyre tahe taerydỹna mahādu-ò riwahinyre idi rakemy. ³⁷ Ibutumy riroxire heka kia iny sòwehekỹ ta rihydyre. Tabyre rahudi tahe riarire ierydỹna mahādu. Tai tahe rahure tỹxihikỹlemy. Debò inatxi reurò weririmy heka ritỹxinyrenyre. ³⁸ Tahe 4000 hābumy riòwenyre, kia txuu wahe. Uladu, hāwyy-di rariaòhyre. ³⁹ TAhe Jesuisi iny-ò rarybere tasỹ-ò ròsekemy ixyby. Iribi tahe Jesuisi hāwò-di reuròmny rare Magadā hāwā-ò.

16

¹ Fariseu mahādu saduseu mahādu nade Jesuisi-ò iurihixidỹmy riitxenanyrenykemy: —Aòbedeerydỹnabo heka biu-ki iribi rexitòenyre. Biwateòsinyke heka aòwiwihikỹ-di biu-ò jiarỹboho arieyrenykre, kai inatyhy tate wahe. ² Idi tahe Jesuisi rarybere: —Kaiboho heka awirenyre biuwetyky erysy-ki. Jesuisi rarybere: —Kia rybe tarybemahāte. Txiorotxumy heka biuwetyy isòhòkỹra-ki, biurasòmny tahe awimyy txu kedeakre. ³ Biurasou ibede lyby lybomy txu-di kedeakeki tahe biu ràahyyhyy bede txu rariakre. Myhe tarybemahāte. Kaiboho heka iwitxira aòhebo rotỹnykre heka teerytenykòlemahātenyte. ⁴ Iny kamahādu heka ibutumy ibina binare. Tiu heka rityhynyòhyymyhỹrenyre. Rexitòenymyhỹrenyre heka biu-ò rityhynykemy. Tahe riwahinyòtyhy heka aòma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribijā-ò reuròrenyre tahe, tōhòtirenny rosare tarỹsỹnarenny-ribi. ⁶ Jesuisi tamy rarybere: —Fariseu mahādu, saduseu mahādu iurina-ò bexiebenyke. ⁷ Ierydỹna mahādu tahe widee rarybere: —Tii kia rarybere iny orotxu diwyòdeki. ⁸ Jesuisi roholare aòmybo raryberenyre tahe tamyrenny rarybere: —Aityhynarenny urihimydre. Aòherekibo orotxumy jiarỹ rarybererimyy tahòtintytenyte? ⁹ Tiu kaiboho bierybenyòtyhy. Iruyre orotxumy remyre. Idi 5000 hābumy reòwenyre. Ihāre tahe weriri txỹxi tỹxihikỹlemy rỹimyhỹre rauhenyre. Itxi aòbo òhòtirenny reakòmyhỹre. ¹⁰ Ixityreu tasỹ 4000my reòwenyre, debò inatxi reurò orotxu-di. Ixiyrubule rauhenyre. ¹¹ Jiarỹ orotxumy rarybeòre. Fariseu mahādu, saduseu mahādu urina-ribi bexiebenyke. ¹² Tai ierydỹna mahādu rieryrenyre aòmybo rarybemyhỹmy Jesuisi heka fariseu saduseu bedeerydỹnamy rarybereri.

¹³ Idi tahe Sesaria Filipi hāwā iòhòmny rehemynyre. Jesuisi rỹraxyre taerydỹna mahādu-ò: —Iny wamy rarybereri. Mobo heka jiarỹ raremy heka wadi rỹireri. Jiarỹ Hābutyhyhykỹ rare, Deuxu Riòre wahe. ¹⁴ Ijò kỹny rarybemy rỹireri: —Kai riki heka Joaò Sebedỹdu atxiteri. Ijò riki Elia atxiterimyy adi rỹireri. Ijò tahe Jeremiamy adi rỹireri. Ijò heka Deuxu rybeduò riki heka atxiterimyy adi rỹireri. ¹⁵ Tai tahe Jesuisi rỹraxyre taerydỹna mahādu-ò: —Mowexe watxirerimyy wexe wadi tahòtintytenyteri. ¹⁶ Simaò Pedro heka rarybere: —Kai Kristu atxiteri Deuxu deòdỹna heka tate. Kai

heka Deuxu Riòre tate. ¹⁷⁻¹⁸ Tahe Jesuisi rirawyònyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhÿrele kia adee riteòsinyre. Iny aòkò kia adee riteòsinyre. Wadohodÿÿna mahādu kia mana tyre-ò ariwinykre. Rubu dori heka tiu ituedeòna. ¹⁹ Waiòlòna rayna heka adee ariwahinykre. Kabede-ki aòwidÿÿ adee binakeki tule biu-ki ariijònykre. AòtxiletXibo aòwidÿÿmy burukre tasÿ biu-ki tule adee ariwinykre. ²⁰ Jiarÿ inatyhymy Deuxu deòdÿÿna rare. Tuu ijyyrenyòmyke.

²¹ Iribi tahe Jesuisi itÿny relyymy taerydÿÿna mahādu-ò. Rurukremy heka relyyre: —Arakre heka Jerusalē-ò. Tai heka matuari mahādu, ònosòna bedeeryna mahādu, xiwena wahidÿÿdu mahādu-wana riwarubunykre. Inataò txu-di tahe ixbyby rubu-ribi adexixakre. ²² Idi tahe Pedro heka Jesuisi ridyre ijò erydÿÿna-ribi tahe tamy rarybere: —Aòkòre, Wanyrÿ, tiu heka tiiboho ararubunyrenyòtyhy. ²³ Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahāte. Iwese kai taraykynmahāte heka aò Deuxu deewinamy aòkò tuu tahòtinymahāte hābudeewile rare. ²⁴ Idi tahe Jesuisi rarybere taerydÿÿna mahādu-ò: —Inyò wawananomy rurukeki, ixi-ribi heka tōhòti rosake. Nomy rurukeki heka taitxeò rimyke idi tahe wahemy kanake. ²⁵ Inyò wahemy rariakemy ixi-di rōhòtinyhyke wana heka irumy inonana irehemy ixi-di ratxikeki heka tii ihārele ruruke. Inyò taumy riònykeki waòraru-ki tai tahe tii ròtake. ²⁶ Inyò heka ibutumy aòna aòna bede-ki ributunykeki. Tahe ihārele heka tii ruruke. Tule umytuedeòna riònyre. Aò tarasana tamy aò aòkò rare. Iny iruna riòwinyòhyymhÿre, ixiyby tamy kanake wahe. ²⁷ Jiarÿ, Deuxu Riòre, Hābutyhyhykÿ dori kanakre wana aòwesele. Taÿju loosòna-ki tii kanake.

Iny ibutumy ariòwinykre bibutunymy aòbo iny riwinymhÿré heka aòwiwihikÿ aòbina

²⁸ Iu jiarÿ, Deuxu Riòre, Hābutyhyhykÿ, kanakeu tahe inyò kaibohoò tuu robikre, Iòlòmny kanakreu.

17

¹ Reare heka debò sohoji reurò txumy. Tahe Jesuisi ridyre Pedro, Txiau, Joaò-wana. Joaò tahe Txiau seriòre rare. Tahe raòwònyre tiiboho-wana hāwālò ratòhòkÿ raty-ò. Inyò heka tii wana raòhyre. ² Ikoreny-ki tahe Jesuisi rexiwitxiranyre. Iòsana heka roosòre. Txuwesehekÿle relere iòsana heka ratÿrÿrÿnyre. Ityky tasÿ rauranyhÿkÿre. Tahe roosòna itoosònadihikÿre. ³ Iu tahe tuu robire Moisesi rubu, Elia rubu, Jesuisi-wana widee rarybemyhÿreny. ⁴ Tahe Pedro tamy rarybere: —Awire, Wanyrÿ, kawese watxirenyreri kaki. Adee wikeki hetomy ariwinyrenykre ijò adeekre, ijò ta Moisesiòkre, ijò Eliaòkre. ⁵ Iu Pedro rarybereriule tahe biuwetyky urahakÿ relere. Iyribile rybeò narybede: —Kia heka Wariòre waluu heka rare. Boholabeny irybe-ò. ⁶ Idi tahe ierydÿÿna tamy roholareu, tahe ruberure. Tahe reserenyre iòsanareny bede-ò. ⁷ Jesuisi tamyreny nade: —Breburenyòmyke hewa bodorukubedenyke heka. ⁸ Reteherenyre tahe Jesuisi sohojile tai rÿire.

⁹ Iribi tahe diberenydenyde hāwālò raty-ribi, Jesuisi narybede: —Uritere waijyyòmyke inyko wiji tuu tabitimy. Iu jiarÿ, Deuxu Riòre Hābutyhyhykÿ, rubu-ribi riixixanykreu tahe tuu belyykre. ¹⁰ Tahe ierydÿÿna mahādu Jesuisi-ò rÿÿraxire: —Aòherekibo tarybetenyteri —Elia juhūu kanakemy ako-ò juhūu kanakemy. ¹¹ Jesuisi rirawyònyre: —Inatyhy rare tii juhūu kanakre. Ibutumy heka bede riywinykre. ¹² Tule ararybekre kiamy: —Elia nade tahe ihārele heka iny rieryòhyre. Aòhòkÿmy risÿnyre. Iwese Elia aòhòkÿmy risÿnyre wesele tahe Deuxu Riòre Hābu heka aòhòkÿmy risnykre, jiarÿ wahe. ¹³ Tai tahe Jesuisi erydÿÿna mahādu rieryrenyre aòmybo Eliamy tii raryberemy Joaò Sebedÿÿdule tahe Jesuisi rarybere.

¹⁴ Iribi tahe dòsedenyde iny sòwemy riraòmy rÿimyhÿre. Hābu-ò nade Jesuisiko-ò tatiowomy resere: ¹⁵ —Wanyrÿ, ruxetòena wariòre-di biwahinyke. Irayky awimy aòkò ratximyhÿre. Bera-txi resemyhÿre. Heòtyru-txi resemyhÿre. Ibutumy aòna aòna riwinyrerimy ihÿre. ¹⁶ Aerydÿÿna mahādu-ò heka adidyde tahe tiu ritetyenyòtyhy. ¹⁷ Jesuisi rirawyònyre tamyreny: —Kaiboho isira mahādu atxitenyteri. Aò heka

inatyhyna heka akireny ijōkōre. Tiwese bede dŷŷnana bohe araòludunyrenykre. Bedese inihe bididy uladu wadee. ¹⁸ Tahe Jesuisi rarybere kia uladuwo-ki ratximyhŷò: —Iribi wa bohonyke! Tahe uladu reytemy reare.

¹⁹ Idi ierydŷŷna mahādu Jesuisiòle rarybere: —Aòherekibohe jiarŷboho tyytybybina iribi reteònykōreri? ²⁰ Aōmareki kiehe ainatyhyna ibutetyhyreki òwòruty sōmowesele ainatyhyna dikeki heka kai aōwiihikŷ biwinyke. Kai hāwāldò-ò marybeke: —Iribi bexitake! Tai tahe hāwāldò rexitake iwitxira suò. Aō aōkō adee isirake, ainatyhyna direki wahe. ²¹ Kia tyytyby bina iwitxira rare. Isiratyhyre heka. Kaiboho bexitòenybenykeki, binarehebenykeki, ixiery tyytybybina biteònybenyke.

²²⁻²³ Kalileia bedeki Jesuisi taerydŷŷna mahādu-wana ributunyre. Tai Jesuisi rarybere tamy: —Jiarŷ, Deuxu Riòre Hābu, rare. Tai inyò riwahinykre hābubinaò-ò warubudŷŷmy. Inataò txu-di tahe rubu-ribi adexixakre. Tai tahe ierydŷŷna mahādu rabadewo nihikŷre.

²⁴ Iu tiiboho heka Kafanaò hāwā-ò ritehemynyre, inyò Pedro-ò nade. Tii dohodŷŷna òwy butudŷŷdu rare. Tahe rarybere: —Awedu aòbohe tii rexiòwynykekō. ²⁵ Pedro rirawyònyre: —Tii riòwynymyhŷre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòenymyhŷre òwydŷŷnami. Mynydu mahādu-ribi aòbo ada ta taijoiribile aòbohe rotamyhŷre. ²⁶ Pedro tahe rirawyònyre: —Mynydu mahāduòle rexitòenymyhŷre. —Inatyhy rare, Jesuisi rarybere. Ijoi mahādu òsana riòwynyòhykymyhŷre. Jesuisi rarybere: —Ihāre tahe ròkòòwydŷŷkre. ²⁷ Òbitimy rakaòwònyrenykre. Kia Templo heto òwmy. Ibinami kia iny-ò ariwinyòtyhy. Kai heka makre ahohokŷ-ò awaxi-di behukre. Juhu utura kanakrele heka bidimykre. Idi iry biraynykre. Tai nieruò-ki mahake. Iribi biditamy tahe makre iny òwydŷŷmy.

18

¹ Iule tahe Jesuisi erydŷŷna mahādu tamy rehemynyre rŷŷraxire: —Mobohe Deuxu Iòlòna-ki nihikŷmy rarekre. ² Jesuisi heka ratximyhŷ uladuò ibire-ki. ³ Idi tamy rarybere: —Kai uladu weseleòmy mabeòkeki, Deuxu Iòlòna-ò malòbenyòtyhy ⁴ Uladu wese maraykynybenykeki heka, tii tahe Deuxu Iòlòna-ki inatyhymy rŷirakre. ⁵ Kai waòraru-ki uladu kawesemy biwiòhenanykeki tiwawiòhenanymahāte ⁶ Kai uladuò òraruna-txi resekemy risŷnykeki, kai abinatyhymy atximahāte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷ Sōwemy heka aōna aōna rŷira wary-ribi iny riatykemy. Tii adee ibinatyhyre. Tiiemy heka tuhy rarekre. Inydee heka ibinakre heka. Wary-ribi riòlòdŷŷnymyhŷre heka tamy ibinakre. ⁸ Ebò òraru-ki tahe wainatyhyry-ribi bexitakeki, ebò biòròmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹ Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikŷ-ò malòke tahe awire heka arueyremy. ¹⁰ Iny nihikŷ ityhy iny yja mahādu heka tuuòre. Uritere heka iweserenyòmy atxibenyke kaiboho bexiijebenyke tamy. Iny aōkō mahādu dori tii iŷju dire heka. Iŷjurenny heka Deuxuko tii ibutemy relyymyhŷre turenny. Idi òhòtirenny-ribi bosabenyòke. ¹¹ Jiarŷ Hābutyhyhykŷ rare, Deuxu Riòre wahe. Ityhydŷŷdukòdu mahādu ibutemy aritakemy anade. ¹² Rakawesenanykre heka kaijyy wesemy. Rakarybekre heka kahābu 100 budoeni ijòdire wesemy. Sohoji heka iòre iy-ribi. Kia hābu idi itxeredu tahe iy-ribi iòre rakre ijesemy. Iuhe tahe hāwāldò-ki riroximy ririre. ¹³ Tai rahakre wana heka teysamy ratxikre. Kia sohoji òrarukile reysakre. ¹⁴ Iwesetyhylemy taheka inyò iòòtyhy Waha-ribi. Tamy dori kia ibinare.

¹⁵ Inyò adee rexiòrarunykkeki tahe tamy makre rybemy. Uritere inywitxirako-txi rybeòmy tuu. Tahe tamyhyylemy marybeke. Aityhydŷŷdu seriòre heka arybe-ò roholakeki, tahe ixi-txi tòhòti reake wana, ixi dee ibinami ròhòtinyinra wana, tai tahe kai ixyby tii-wana ityhydŷŷdu seriòre biòwamy beleke. ¹⁶ Aòhe wana tahe arybe-ò roholaòhyykre, tahe ixityre make inyò wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodÿÿna-ki rarybekreu, tai tasÿ tii rarybeke teòsamy aòkò ratximyhÿrelemy rarybeke. ¹⁷ Tii irybereny-ò roholaòkeki, tai tahe dohodÿÿna mahàdu-ò belyyke. Tii irybereny-ò roholaòkeki, tai tahe biteònyke. Tii iwese òrarudu mahàdu heka adee rarekre, bede dinodu-ò nieru wydydu wese wahe. ¹⁸ Iwese kaiboho waityhydÿÿdu mahàdu kabede-ki ròhòtinyre wesele, tule araykywesetyhyle Deuxu biu-ki ròhòtinykre. Aòbo adee kabede-ki aòwidÿÿ ibinare ada awire heka tule biu-ki ibinamy rarekre, awimy rarekre. Arybe riwitxiranyòtyhy kowa biu bede-ki. ¹⁹ Iwitxiraòmy adeeremy ararybekre: —Ijò titxibo inatxi ada inataò ityhydÿÿdu seriòre wiweselemy raraykynykre. Waha-ò rexitòenymyhÿreki iwese rexitòenyre wesele heka tamy riwinykre biu-ki. ²⁰ Titxibo waniòraru-ki inatxi, inataò wii ributunykre heka, jiarÿ taile watxireri.

²¹ Tahe Pedro rÿÿraxire Jesuisi-ò: —Bede erydÿÿdu! Waityhydÿÿdu seriòre heka wadee rexiòrarunyekeki, tiwesebo sòwe ariixàwididÿÿnykre ixi-ribi debò inatxi reurò, my aòbo? ²² Jesuisi rirawyònyre: —Aòkòre, debòinatximy aòkòre, 490 wesemy wahe. Ixityre ixityre biixàwidÿÿnykre. ²³ Deuxu Iòlòna kawesemy rare: —Iòlòò heka teòdu mahàdu kia contamy robikemy idi ratxireri. Tiwesebo inieru-di rasiranyre wesemy wahe. ²⁴ Sohoji teòdu juhoo dehemynyde. Sòwemy heka tevedÿÿna ratximyhÿre, 1000,000 womati tÿÿrÿÿhÿkÿ nieru wahe. ²⁵ Inieruòre heka iòwydÿÿna wahe. Idi rohonykemy heka iwedu riteònyre deòdu mahàdu wesemy. Tariòre-wana tahàwyy-wana ibutumy deòdumy roirekemy. Aòbo tai rÿimyhÿ heka ibutumy idi rohonyre. ²⁶ Tai kia deòdu heka tatiowotimy resere kia iòlòko-txi: —Waiòlòreny, txiòinihe biwaraòkre ariòwynykre ibutumy. ²⁷ Tai tahe iòlò riwotòenyre aòma ixinahykylemy ritusanyre. ²⁸ Tai tahe kia hābu he rare kia urihimyò tamy radevenymyhÿò heka rexinohòtidÿÿnyre. Tai tahe hābu lòtikile rimyre. Rierenymy resere ribòòrarityxynyre: —Bidiwaòwynykre kÿnyhe wijityhyle. ²⁹ Tai tahe tatiowomy resere, rarybere: —Txioke inihe ariòwynykre ibutulemy. ³⁰ Tai tahe rirutyre ròtenawo-ò idi riòtenyre. Riwotòenyreòhyre. ³¹ Itxeredu mahàdu heka rabadewore tai tahe ibutumy relyyre iòlòko. ³² Tai tahe ixityre tamy rarariòwyre tamy rarybere: —Aòherewe, deòdu binahakÿ, jiarÿ araxàwididÿÿnyre ibutumy inatyhy? Kai dori ixitòedÿÿna wadee tewinyta. ³³ Aòherekibohe aleina kia adee nadevenymyhÿde kia teixàwidinyòta, iwese jiarÿ araxàwidinyre wese. ³⁴ Tai tahe tii rimyre reburere itere iòlò, tai imynomy riteònyre rotenawo-ò riòwynykre xiery riòlòdÿÿnykremy. Tai aòhòkÿmy rotÿÿnymyhÿre. ³⁵ Jesuisi rexihura narybede: —Kiawesele heka adeeremy rarekre. Ityhydÿÿdu seriòre taseriòre riixàwidinyòkeki heka iwesele heka waha adi riwisÿnykre.

19

¹ Jesuisi ibedeerydÿÿna-ribi rexihureu, Kalileia bede-ribi ròhònyre. Bero Jordaò weribiijà-ò reurore, Judeia hāwā bede kanawe-ribi ijà-ò rehemynyre. ² Tai tahe sòwemy iny webinadu mahàdu rÿire. Idi tahe ihemy rare. Ibutumy riteytenyre. ³ Fariseu mahàdu imynomy idi riwisÿnymyhÿre aòbinamy rarybekeki rimykemy. Tai tahe tamy dÿÿÿraximy namyhÿde aòsirahakÿmybo: —Iny bede ywinareny tahàwyy riteònymyhÿre urirybelemy, wiribi resekemy. ⁴ Jesuisi dirawyònyde: —Ritidÿÿnamy aòbo tariaòmyhÿte idi?

—Deuxu ibutu widÿÿdu heka juhoo hābu hāwyy-wana riwinyre.

⁵ Idi tahe rarybere:

—Hābu heka tybyboho-wana tadibocho-wana wiribi rexihitxinymyhÿre tai tahe tahàwyy-wanale wii ributunymy rÿira.

⁶ Inatxi heka sohoji weselemy rarekre, hābu tahàwyy-wana. Deuxu heka hābu tahàwyy-wana ributunyre, inyò heka tiu rihitxinyòtyhy. ⁷ Tahe ijòmy fariseu mahàdu ritÿÿÿraxinyre: —Aòherekibo Moisesi kawesemy juhoo rarybere:

—Hābu tahàwyy riteònykeki juhoo urile tyyrity tamy riwahinyke riteònykekeki.

⁸ Tahe Jesuisi kawesemy rarybere: —Kaiboho heka ieryna urihimyòlereki aõ isirareki heka kia riwinyre. Juhuu tahe kawese aõkõ rýire. ⁹ Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi. ¹⁰ Tai tahe ierydýýna mahãdu rarybere Jesuisi-ò: —Tahe kiawesekeki heka uritere heriõmy hãwyyõmy, hãbuõmy. ¹¹ Jesuisi tahe dirawyònyde: —Kaa bede eryna heka aõ ibutuhuký-ò aõkõ tureri aõma Deuxu bede eryna tamy riwahinymyhýreòle heka tureri. ¹² Aõtxi-ki tahe tuu hãbuõ rýira hãwyyemy heridumy aõkõ rýira. Ijõ hãbuõ tahe tiiemy tunodumy rýirerimy ihýre. Iwixira hãbu-ò rexiwahinymy rýireriki heka tuu rýirerimy ihýre. Ijõ tahe tuu rýirerimy ihýre aõma Deuxu aõmysýdýýna òraru-ki wahe. Kaa rybe tahe inyõ tahe rityhynykeki tii inatyhymy rityhynyke.

¹³ Inyõ didyde uladuõ Jesuisi-ò tamy rexitòenykemy tebò iraty tyre-ki roirerilemy. Ierydýýna mahãdu tahe uritere iixiradýýõmyke. ¹⁴ Tahe Jesuisi rarybere: —Ixinamy kanamyhýke uladu wadee. Uritere itinysýrenyõmy. Uladu wesemy dori Deuxu Iòlòna ròtedu mahãdu ratximyhýre. ¹⁵ Jesuisi tahe iratytyre tebò ritidire tamy rexitòenyre. Idi tahe Jesuisi rare.

¹⁶ Aõu tahe hãbuõ Jesuisi-ò nade: —Erydýýdu, aõhebo arotýýnykre. Aõma, timykibo umytuedeõna aritakemy wahe. Aõwidýý wiwihikýbo ariwinykemy. ¹⁷ Jesuisi rarybere: —Aõherekibo wadee aõwiwihikýmy widýý týýraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeõna haký-ò molokre. ¹⁸ Aõbedeywinabo arityhynykre? Tahe Jesuisi rirawyònyre:

—Rubudýýõmy, òta òta widýýõmy, wasiõmy, ruiõmy,

¹⁹ Adi boo-wana bityhynyke, iwese ixiluure wese heka abireludu mahãdu luuke.

²⁰ Hãbu rarybere: —Kia heka aõu aõu jiarý retyhynyre. Aõijõmybo arotýýnykre?

²¹ Jesuisi rirawyònyre: —Kai òbitimy mabekekile aõmydýýna-di ibutumy. Kia idi bohonyke òwy tahe biwahinyke urimynodu mahãdu-ò. Tai sõwemy aõna aõna biu-ki ahõrõmykre. Iribi tahe biwaheludunye. ²² Iu hãbu kia roholareu tahe rabadewonihikýre inieru sõwereki heka rabadewore.

²³ Tai tahe Jesuisi taerydýýna mahãdu ribedeerynyre: —Isiratyhyre heka biu bede-ò ralòke aõma ityhy nihikýkeki. ²⁴ Isirare heka aõma kamelo tyy rurena òtumy ralòke heka isirare, inatyhy? Tai tahe aõma ityhy mahãdu ralòke tarasanamy reake heka isirare.

²⁵ Jesuisi erydýýna mahãdu ribedeòtiinyre kai-ò roholareu. Tai tahe rõhõtinyre: —Aõkõre isiratyhyre tuu ròte. Inyõ tarasanamy reaõtyhy. ²⁶ Jesuisi tamyreny retehere tahe rarybere: —Inatyhy rare hãbu-ò isirare. Deuxu dee tahe isiraõle rare. ²⁷ Tai tahe Pedro rarybere: —Jiarýboho ibutumy aõmydýýnareny adiridenyde. Araheludunymy watxiwãhãre. Aõma ritarenykre? ²⁸ Jesuisi tahe dirawyònyde: —Kiamy heka adee ararybekre. Jiarý Deuxu Riðre Hãbu tyhyhyký wahe. Kaiboho heka tule borukubenyke aiòlònaryna-ki iu ibutumy ratýmyrakre. Kaiboho iny sohoji sohojimy judeu ijoio biywisidýýnanybenykre, waijoi waðinatxi reurò mahãduõ wahe. ²⁹ Inyõ kia ibutumy aõbo waðraru-ki ririmyhýre iwese taheto ririmyhýre waðraru-ki, taseriðre, tadi, tyby, uladu, taoworu, ririmyhýre. Kia sohoji sohoji-ribi heka aõ sohoji sohoji òwymy 100 ritakre. Tule umytuedeõna ijõmy ritakre. ³⁰ Inyõ nihikýmy ityhymy ratxirerimy ihýre, tii iyjalemy relekre, aõma aõkõ tai relekre. Tule iyja nihikýmy relekre. Sõwemy urimynodu kaki rýirerimy ihýre tahe biu-ki inihikýmy rarekre.

20

¹ Jesuisi tasý riteòsinyreri ijyyõ timyrebo Deuxu Iòlòna. Hãbu aõmysýdýýdu heka oworu widýýmy heka riteranymy tamy rarybemyhýre: ² —Aõmamy araðwynykre, sohoji prata womati nieru, iwese ibutumy raðwynymyhýre wese, sohoji txuðwy wahe. Tai tahe tii raaõmysýdýýre uva oworu-di raaõmysýdýýmyhý. ³⁻⁴ Idi tahe tii reare 9 horau tule, txutyeyu tule, titxibo iaõmysýdýýna rýireri titxibo hãbu teaõmysýdýýmyhýð. Tahe tuu robire urile ratximyhýmyhe idi retehemyhý. Tai tahe tamy rarybere: —Maaõmysýdýýke hewa, waoworu-ki. Ikonana txu heka òbitihyky araðwynykeki adi

watxireri. ⁵ Tiiboho raaõmysydÿÿre tule. Txutye tasÿ ixiyrubule ijõ riteranyre aõma iwese kia juhUU ijõ-ò rarybera wesele. ⁶ Txuinyòbira-ò ijõ rimyre, tule ijõ txiorotxure. ⁷ Iruyre hora-ò ijõ tasÿ riteònyre. ⁸ Tahe txiorotxumy ròhònyra tahe kia iòwydÿÿdu tamy ryryre. ⁹ Tahe 1 womati nieru tamy riwahinyre, sohoji hora raaõmysydÿÿre mahàdu wahe. ¹⁰ Tahe txusohojimy raaõmysydÿÿre tahe iratyre ròtakremy ixi-di ròhòtinyre. Tahe tule riòwynyra iwese ijõ riòwynyra weselemy, 1 womati nieru, sohoji sohoji wahe. ¹¹ Tai tahe rimyre nieru urile tamy rexibinanymy rarybere: ¹² —Kowa heka sohoji horale raaõmysydÿÿhàrele heka 1 teòwynyta. Jiarÿ boho tahe txuhy raaõmysydÿÿra, bede tòtee-ki wahe. ¹³ Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴ Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese. ¹⁵ Hora sohojilemy raaõmysydÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aõhe inatyhy? Aõherekibo tebureteri? Jiarÿ urihimyo raaõmysydÿÿraò wawiremy tarybetenyteri wahe. ¹⁶ Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

¹⁷ Tai tahe Jesuisi ròwònyre Jerusalē hāwā-ò. Iny-ribi tawaò inatxi reurò mahàdu rihitxinyre. Tamy relyyre timybo aõhebo rotÿÿnykremy Jerusalē hāwā-ki: ¹⁸ —Jiarÿ, Hābutyhyhykÿ adee ararybekre: —Inyò riwawahinykre aõma-ò Xiwena wahidÿÿdu wedu mahàdu-ò. Tule diwatyhenykre judeu wedu mahàdu-ò. Tahe riwarubunyky heka tiiboho wamy rarybekre ijõ iny-ò. ¹⁹ Tii heka riwamykre tahe riwawahinykre Roma iòlò-ò, judeukòdu mahàdu iòlò wahe. Ibinatyhymy aõhebo riwasÿnymy riwahetenyre. Itxeò nihikÿ-ò riwamatadÿÿnykre. Tahe txu inataò-di rubu-ribi areixixanykre.

²⁰ Zebedeu riòrese Jesuisi-ò nade. Tatiowotimy resere tahe rexitòenyre aõmybo Jesuisi-ò tariòre-wana nade. ²¹ Jesuisi tamy rarybere: —Aõbo rare hāwyy rarybere: —Waritxòre inatxi hābu rare. Tikiboho kÿnyhe, aikòlònkuna rynana-ki ronykre awana. Ijõ aruruna-txi, ijõ ahywe-txi wahe, kai aikòlònkuna-kò malokreku wahe. ²² Jesuisi heka iriòre-ò rarybere: —Kaiboho aõmybo texitòenyteri teerykòleterì. Kai Txiau, kai Joaò, teerytenyte aõbo aõhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: —Tulekre. ²³ Tahe Jesuisi rarybere: —Inatyhy rare kaiboho tule aõhòkÿmy botÿÿnybenykre. Tahe mobo warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre. ²⁴ Idi tahe debòwiò ierydÿÿna mahàdu kia rieryre aõmybo Txiaiku Joaòboho rexitòenyrenyrá. Tai tahe tiiboho rakyarananyrenyre. ²⁵ Tahe Jesuisi ibutumy taerydÿÿna mahàdu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahàdu riteònymyhÿre. Teòdu mahàdu riteònymyhÿre. ²⁶ Tahe aõ tuukre aõkò heka rare ayreny-ki. Inyò dinodumy ixidikre heka deòdumy rarekre. ²⁷ Kia iny nihikÿmy ixi-di rexinohòtinyneri tasÿ aõ aõkò tii rarekre. ²⁸ Iwese jiarÿ riwinyre wesemy heka rarekre. Hābutyhyhykÿ aõ dinodumy aõkò anade. Iwese deòdu rÿira wesemy heka nade waumy riwahinykremy rubu-ò kabede-ki. Tai sòwemy iny ritakre.

²⁹ Iu Ijeriò hāwā-ribi ròirenyreu, tahe sòwemy iny riheludunyre. ³⁰ Inatxi iruetàmy heka ronymyhÿ iu Jesuisi ibire-di rareu. Tiiboho roholarenyre kia Jesuisi raremy. Rexitòenyre ryryre Jesuisi-ò: —Davi riokore, wadee hewa ruxetòena biwahinyke. ³¹ Tai tahe iòhòmy iny iribi rÿimyhÿ rarybere: —Txioke inihe, biyryke! Ixityre ryryre tarurutyhy: —Inynyrÿ Davi riokore, Biwawotòenyke hewa. ³² Jesuisi tamy rarybere: —Aõwexe adeereny ariwinykre. ³³ —Wanyrÿ, Kai wa bidiwaruenykre warue biraynykremy. ³⁴ Tahe Jesuisi riwotòenyre iruebymy reare tebò-di. Aõwesele tahe ruòmy reare. Tai tahe Jesuisihe riheludunyre.

21

¹ Jesuisiboho tahe rehemynyrenyre Jerusalē hāwā iòhòmy. Betabaji hāwā-ò heka rehemynyre. Kia Oliveira hāwā-ò-ribi irehemy aõkò ihÿre. Tahe Jesuisi inatxi iny

riteònyre hāwā-ò, taerydỹyna mahādu wahe. Tamy rarybere: ²—Juhu hāwā dele-ò malokreule aōma bobikre, jumenta tariòre-wana. Tahe bitaanalawekre ta bididykre kaò. ³ Inyō aratyỹraxykre wana, tai tahe kiamy bisỹnykre aōma: —Wawedu hewa idi ratxikemy rōhōtinyreri. Tai ki tahe ahemy kiditeònykre. ⁴ Kia ihetxiu ritidỹyna tuheka relemy roimyhỹre. Kamy rarybere: ⁵—Marybeke heka Jerusalē hāwā-ò:

—Deuxu lòlòna heka kanakre adeereny wahe. Tii inihikỹ wesemy aōkō kedehemynomy, jumenta tyre-ki heka kedehemynykre.

⁶ Tahe ierydỹyna mahādu riwinyre iwese Jesuisi rarybere weselemy. ⁷ Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare.

⁸ Tahe inyō sōwemy-ribi tahetyreny-di rehumyhỹre iryko-txi idi rariakemy ityre-di. Ijō tasỹ hereru-di iryko-txi rehure iryube hetymy ityre-di rariakemy. ⁹ Sōwemy tai iny rirajuamy rỹimyhỹ iko-ò, ihewo-ò:

—Iòlò Davi riokore heka sōwemy iny wowydyna tamy iny riwahinyreri. Tii Deuxu Riòre Hābu rare. Deuxu deysana heka tamy biwahinyke!

¹⁰ Jesuisi hāwāy-ki rehemynyreu, ibutumy iny ribedeòtiidỹnyre: —Mohābuwe kia ralòreri Jerusalē hāwā-ki wahe? ¹¹ Tai tahe iny mahādu rarybere: —Aōkōre, kia Deuxu rybeduō rare. Jesuisi inire Kalileia bede-ribi Nazare hāwā-ribi dehemynyde.

¹² Tahe ralore Deuxu dohodỹyna heto-ò. Tai kia aōna aōna-di rohonyreri heka riteònyre. Kia aōma nieru wiuròna iòwòruwebese tahe riatyre. Kia aōma bòtòe dohodỹydu ryna ibutumy ritxiwire riatyre. ¹³ Tahe Jesuisi rarybere: —Deuxu Tyyriti rarybere:

—Dohodỹyna heto heka waha heto rare, ixitòedỹyna heto rare.

—Kaiboho heka inywasidu mahādu-di tetỹxinytenyta. ¹⁴ Sōwemy iny itiere, iruetà, nade Jesuisi-ò dohodỹyna heto-ò. Jesuisi taile riteytenyre. ¹⁵ Tahe xiwena wahidỹydu wedu tuu robire. Tule judeu bede ywina bede eryna mahādu robireu tahe, aōma uladu templo-ki ryrymy rỹimyhỹò aōma: —Davi riokore heka Deuxudeewina rare. Tai tahe kia rybe-ò reburerenyre. ¹⁶ Tiiboho tahe raryberenyre Jesuisi-ò: —Kai aōbo taholate aōbo rarybereri. Jesuisi rirawyònyre: —Kohe, raholare. Kaiboho teeryòtenyte:

—Uladu dori wowydyna tamy riwahinykre. Tiu aōbo tariatenyòhyymahāte kia Tyyriti-ki.

¹⁷ Tahe Jesuisi iribi ròhònyre Betỹnia hāwā-ò. Taile tahe ruu idi rỹire.

¹⁸ Biurasò txumy tahe tii dòòsede Jerusalē-ò. Tahe rama risare iu. ¹⁹ Òwòruō tai rỹire. Tai tahe diaride figoraty-ò. Tahe iratyòre, txirule rỹire. Tai Jesuisi rarybere òwòru-ò: —Tiu heka kai maratynyòtyhy aōwesele tahe irade rairuxỹrure. ²⁰ Tai tahe ierydỹyna mahādu heka ribedeòtiidỹnyre: —Timykibo heka aōwesele rairumyromy reareri. ²¹ Tahe Jesuisi tamy rarybere: —Kai ainatyhyna ijòdikeki heka iwesele biwinyke. Iratyre biwinyke. Kaiboho heka bitxiònyòkeki kaa hāwālò-ò dori marybekre kiamy: —Iribi bexitake tahe aho-ò boikre. Tai hāwālò-ò aōwesele heka ahoro-ò roikre. ²² Aòtxile kai bexitòenykre heka adee ijō rỹikre. Bityhynytyhykeki, tahe ibutumy bitake.

²³ Tai Jesuisi dehemynyde Deuxu dohodỹyna heto-ò. Tai tahe ròbedeerydỹỹmy ratximyhỹ. Tahe xiwena wahidỹydu mahādu, tule judeu bede ywina erydỹyna mahādu tule tamy dỹỹraximy nade. Tai tahe Jesuisi-ò rỹỹraxire: —Morurudibo heka kai aōmydỹynana tewinymahāte? Mobo heka arateranyre kia biwinykemy. ²⁴ Tai tahe Jesuisi tamy rarybere: —Kai aōbo myỹraxikeki wadee tai ako tuu arelyykre. Kai dỹỹraxinaōmy bidiwatỹnynykeki tahe, adee tuu arelyykre. ²⁵ —Joaō Sebedỹydu heka morurudibo nade morybekibo tuu tadiwinymahāte wesemy. Morybekibo Joaō iny risebenymyhỹre. Deuxu Rybe-ki aōbo ada iny rybe-ki aōbo. Tai tahe widee rarybe raryberenyre: —Aōma Deuxu Rybe-ki tuu ròsebedỹỹmyhỹre. Mykeki rakarybenykre taheka: —Aòherekibo tetyhynytenyòte myle tii risỹnykre. ²⁶ Aòmamy rikisỹnyrenykeki: —Iny rybekile tii tahe nade. Myỹ rikisỹnyrenykeki tasỹ kia ijoj inydeereny rakyarananyke. Joaō Sebedỹydu dori ibutumy iny rityhynyrenyre moma tii Deuxu deòduō ratximyhỹre heka. Rakarybenyòkre tahe. ²⁷ Tai tahe Jesuisi-ò raryberenyre: —Aōkōre, reeryrenyòre

heka irawyòdÿÿ titxiribibo iruru nade. Tahe Jesuisi rirawyònyre: —Tule jiarÿ ÿÿraxina adeereny aritÿnyrenyòtyhy. ²⁸ Ijò Jesuisi relyyre: —Timybo maraykynybenykre ka ijyymy arelyykre. Hãbuò heka inatximy iriòre raremyhÿ. Tariòre dela-ò rarybere: —Dàa, maaòmysÿdÿÿkre waoworu-ki, wiji wahe. ²⁹ Tahe tamy dirawyònyde: —Waha, araòkre hewa. Ihãrele tahe tawo rirahòrere rakremy. Tahe rare. ³⁰ Idi tahe tyby rarybere helÿÿna-ò: —Kai tule makre waaòmysÿdÿÿna biwinykremy: —Dei wahe, arakre araaòmysÿdÿÿkre. Ihãrele tahe tii raòhyyre. ³¹ Adeereny inihe araÿraxikre. —Tibohe weryrybò aõma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede ròtena-ò. Ihãrele tahe kaiboho birònybenyòtyhy. ³² Joaò Sebedÿÿdu dori adeereny rarybere. Ihãrele tahe kaiboho ixitxireny aòrarureny-txi òhòtirenny reakemy Deuxu bityhynykemy. Kaiboho heka teramy tekoamahãte tahe sòwemy òrarudu mahãdu wydena mahãdu rityhynyrennyre. Kaiboho tuu tabitenyete ihãrele teerytenykoòte.

³³ Ijò ijyymy arelyykre:

—Hãbuò heka uva oworuhukÿle ritòbrònyre. Tahe òtityna riwinyre. Tai tahe utà riwinyre yrubudÿÿdu mahãdu itxerenamy.

Tai tahe rihuòtere oworu wahe hãbu mahãduò-ò. Tii tahe rabetÿinymy rare taheto-ribi. ³⁴ Iu uva bederaty kia siredenamy bede reareu, riherehe txuramy ixidee ritxuakemy wahe. ³⁵ Tai tahe huòtedu mahãdumy heka teòdu mahãdulemy raòhòtere. Ijò tahe rirubunyre ijò manadile tamy rehunanymy rÿimyhÿ. ³⁶ Iribi tasÿ teòdu mahãduò didyde sòwetyhymy juhuna ludu ratyre. Tahe ixybyle tuu raòhòtere juhoo iwese tuu rotÿÿnyra wesele. ³⁷ Tahe iwedutyhy ròhòtynyre: —Aõma wariòrele kòri ariteònykre. Tai tahe wariòre rityhynykre heka. Tahe tariòre diteònyde. ³⁸ Tahe huòtedu mahãdu weryrybòmy robireu, tahe wideereny rarybere: —Kaa heka iwedu riòrele rare. Aõma iwedu rurukreu iaõna aõna, ioworu heka ixideereny rikimynykre. ³⁹ Tahe rirubunyrennyre iumy-di rehurennyre oworuro-ribi. ⁴⁰ Tahe Jesuisi rarybere: —Adeereny araÿraxikre aõbo iwedu tamyrenny riwinykre huòtedu mahãdu-ò iu tii rehemynykreu wahe. Timybohe tii riwinykre? ⁴¹ Tiiboho dirawyònydenyde: —Kia rirubunykre ibutumy hãbu bina. Inywitxira-ò huòtenamy ele elemy wijuramy riatykre-ò riwahinykre. ⁴² Tahe Jesuisi tamy rÿÿraxire: —Kaiboho aõbo Ryberiti-di tariaòletenyteri: —Mana-di heka heto widÿÿdu rehumyhÿre kia manale heto hàtxi-ki ritidimny roimyhÿre.

Jiarÿ kia mana wese rare. Inynyrÿ Deuxu kia riwahinyre. Tai awi heka rare. Ijò riwiòhenanyre, mana wahe.

⁴³ Tahe Jesuisi tamyrenny rarybere: —Tule jiarÿ adeereny ararybekre: —Deuxu Iòlòna heka aribi ritakre. Tahe inywitxira-ò aribi riwahinykre. Inyò txura wylemy riwahinykremy Deuxu-ò. ⁴⁴ Kia iny mana tyre resemyhÿkre heka tii heka wiòròmny ixòdumy rare. Mana inytyre resekeki tasÿ iny risurusrunyke. ⁴⁵ Inyò roholakeki kia aõbo aõma xiwena wahidÿÿdu mahãdu roholamy rÿimyhÿ tule fariseu mahãdu. Tule rexierymyhÿrennyre tiiboho Jesuisi turennyle rarybereri heka rierymyhÿrennyre. ⁴⁶ Tai heka tii mahãdu rimykemy idi riwisÿnymyhÿ tahe iny sòwehekÿ lau ruberumyhÿrennyre. Iny mahãdu dori idi ròhòtyny tii Deuxu rybeduò ratximyhÿremy.

22

¹ Jesuisi heka rexidelenyde ijyymy relyykre: ² —Timybo Deuxu Iòlòna rare ijyymy heka relyykre. —Iòlòò heka tariòre herinamy worana bedehesi riwinyre. ³ Iaòmydÿÿnana ròrarukòmy rÿidi tahe teòdu mahãdu iòrysomy roire. Rexihumy rÿireriki iaòmydÿÿnana, kanakremy wahe. Tahe òrysyna noderamy reare. ⁴ Ijò riteònyre teòduò iny ritobinykremy. Aòhere tahaka, wabroneni kÿnyhe rerubunyre heka. Ibutumy heka waaòmydÿÿna rehumy rÿireri. Tahe kedeke kedeake heka kòdòidenyke heka. ⁵ Tahe timy heka irybe rityhynyrennyòhyyre. Iny sohoji sohoji tatyresy-di ijohona-ò, ijò taaòmysÿdÿÿna-ò rea reare, ijò taoworu-ò reare. ⁶ Ijò lobidÿÿna reburere teòdu mahãdu

dee. Tii teòdu dee heka rawobinare. Ijõ aõbina bina heka ritxienyre ijõ rirubunyre dori. ⁷ Tai tahe iòlò reburere lobidỹdỹna mahādumy bina bina raòhòtedỹnyre, rirubunyre. Ihãwã ritoonyre. ⁸ Tai iòlò rarybere teòduboho-ò: —Waworana bedehesi rexihumy rỹreri ibutumy. Kia iny mahādu ijoi juhuu retobinyra heka aõ ibina heka roire. Urile riòmysanymyhỹrenye. ⁹ Tai tahe ibutumy boibenykre hãwã-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedeakremy. ¹⁰ Tai tahe didyde iny wiwihikỹ, iny ityhy iny bina mahādu. Hetowo tahe ritỹxire tỹmyra mahādu-di. ¹¹ Tahe iòlò ralore hetowo-ò kia iny mahādu dee rybemy. Tahe tii robire hãbuõmy kia worana bedehesi kia tykyõmy ratxirerimy. ¹² Tai tahe tamy iòlò rarybere: —Waliiny, aõherekiwe worana bedehesi kia tyky-di aõkõ atxiteri? Kia tahe hãbu rybeõmy riijere. ¹³ Tai tahe iòlò aõma rarybere teòdu mahādu-ò: —Bimybenyke kaa hãbu. Waa bitaataabenyke imy behubenyke tahe idi diòlòdỹny idi rehukre luruhukỹ-ò. Tai Aõhõkỹmy dỹnana-ki tai txuraruti rikyikyiny. Tai rahinykre. ¹⁴ Tai tahe Jesuisi rarybere: —Sõwemy iny heka kidirahukre tahe ibutemy kanaarikre.

¹⁵ Tai tahe fariseu mahādu ròhònyre wii rotyre. Aõbinamy Jesuisi rarybekeule heka rimykye idi rỹimyhỹ. ¹⁶ Kia aõma fariseu ijoiõ heka riteònyre Jesuisi-ò. Tule Herodi ijoi mahādu riteònyre. Rỹraxire Jesuisi-ò: —Erydỹdu, kai heka hãbuwi tate, hãbu òbiti. Kai heka tòbedeerydỹmahāte Deuxu deewinamy. Awire aõbo ariòwynyrenykre Roma hãwã mahādu dinodu-ò. ¹⁷ Kai heka ixinamy aõma adee iny rarybererimy ihỹre. Timybo iny raraykynrerimy ihỹre. Iny bede ywinareny aõbohe ixinamy nieru aõna aõna òwydỹnyam ròhònyke aõbohe awire? ¹⁸ Tai Jesuisi heka rierymyhỹ aõma awimy aõkõ tai rahareri heka rexierymyhỹre: —Kaiboho òbitimy aõkõ toite. Aõherekibo heka kai biwaitxenanybenykye wamynymy wadi atxitenyteri? ¹⁹ Timybohe nieru-ki rakaharenkyre aõna aõna òwydỹnyam. Biditeòsinyke kia-ò arierykremy. Tai tahe tamy riteòsinyre womati nieruõ. ²⁰ Tahe Jesuisi ritỹraxyre: —Motyytybybo koa rỹire. Monibo ityre-ki koa roire? ²¹ Tai tahe rirawyònyre: —Roma hãwã iòlònille tai roire. Tai tahe Jesuisi rarybere: —Tibo Roma hãwã iòlò nierubo heka tamy biwahinykre. Tibo Deuxu nierule tasỹ tamy biwahinykre. ²² Tai tahe urile ribedeòtiidỹnyre. Tai ririrenyre ròirenyre.

²³ Tahe kia txule saduseu mahāduõ heka dòidenyde Jesuisi-ò. Rityhynyõhyymyhỹre kia aõma rubu-bibi ixixana heka rityhynyõhyymyhỹre, saduseu mahādu wahe. ²⁴ Tamy rarybere: —Erydỹdu, Moisesi tyyriti heka kawesemy ribedeerynyre:

—Aõma hãbumy hãwyy heridumy roikeki aõbohe timykibo hãwyy uladu-di ratxikeki. Hãbuõ iriòrekõ-di rurukeki tai tahe iseriòre heka iriòrese tyby-wana roike. Tai heka kia hãbu rubuweleu, kia deròwymy heka uladu ritybinyke.

²⁵ Aõu heka debò inatxi seriòremy kaki rasỹnymy raremyhỹ. Telareny heka roire hãwyy tahe iriòrekõlemy rurure. Tahe ihãwyytybyhe kia iseriòrewanale roire. ²⁶ Ihelỹna sỹ tule rurure. Kia heka ibutumy debò inatxi reurò tii-wana roiyyre iriòrekõule. ²⁷ Tahe hãwyy heka tule rurure. ²⁸ Tai tahe kia ruru-ribi rexixakreu tahe, tiwexe ihãbukre? Ibutumy dorihe tii-wana heka roilehekỹlera. ²⁹ Tai tahe Jesuisi rirawyònyre: —Kaiboho teerytenykõlemahāteny te timybo Tyyriti-ki roimyhỹre. Deuxu ruru tule teeryõte. ³⁰ Tiu iny rubu-ribi rexixakreu iwitxiramy rexixakre. Ýju wesemy ronykre. Timy heka hãbumy hãwyy roiothy. ³¹ Kaiboho heka tetyhynytenyõhyymahāteny rubu-ribi ixixana. Idi heka tariatenyõhyymahāteny te timybo Deuxu rarybere? ³² Kiamy heka rarybere: —Jiarỹ heka Abraõ Deuxu rare. Ijai Deuxu rare. Ijaò Deuxu jiarỹ rare. Tii heka iru mahādu Deuxu heka tii ihỹre rubu mahādu Deuxu aõkõ wahe. ³³ Iu iny sõwe ribedeerynyre, tahe urile iny ribedeòtiidỹnyre.

³⁴ Fariseu mahādu doidenyde Jesuisi-ò wii rotyrenyre. Roholareki wahe aõma saduceu mahādu ribedeòtiidỹnyrenykeki. ³⁵ Bede ywina erydỹna mahāduõ rỹraxyre heka aõmybo Jesuisi-ò. Tii rimykye heka idi riwisỹnymy kia rybebinaõmy rirawyònykeki

rimykemy. ³⁶ Tahe rÿÿraxire: —Erydÿÿdu, tibohe aõbo bede ywina kia-ribi aõni-tyhymyhewe bededÿÿnamy ratximyhÿre. Wakoreny inihe tuu bedelyykre. Tibo kidiõtidÿÿnamy ihÿre. ³⁷ Tahe Jesuisi dirawyõnyde: —Iny Deuxureny iny iõlõreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸ Tii heka inatyhy bededÿÿna tyhymy ratximyhÿre ibutu bede ywina-ribi. ³⁹ Ijõ ihelÿÿna tahe iwesele heka rare: Iwese ixiluure wese heka ibutu luuke. ⁴⁰ Ibutumy Moisesi bede ywina heka juhoo rare. Tule Deuxu rybedu mahãdu erydÿÿna heka iribile rare. Kia bede ywina inatxi-ribi heka ibutumy iny bede eryna rõhõnyre. Kia inatxi bityhynymy bohonykeki iuhe heka tetyhynmahãte.

⁴¹ Iu fariseu mahãdu iweroramy rÿimyhÿõ tahe rÿÿraxire Jesuisi tamy: ⁴² —Mobo Deuxu dedÿÿnamy ihÿre, Kristu wahe? Moriõrebo tii ihÿre. Tai tahe tiibohe rirawyõnyreny: —Moma Davi riokore õsana. Tahe ijõ Jesuisi rÿÿraxire: ⁴³ —Tai tahe aõherekibo Davi heka Wanyrÿmy rininire Deuxu Tyytybytyhy irybe riwiõhenanyreu wahe. Davi dori kawesemy rarybere: ⁴⁴ Deuxu wawedu-õ rarybere.

—Bodonyke warurunawe-ribi, jiarÿ heka aõludu mahãdu-di arawo-txi.

⁴⁵ Davi tawedumy Kristu rininirehãre, timykibo Kristu iriokore riokorekre. ⁴⁶ Tahe inyõ heka Jesuisi rirawyõnyõhyre. Tai tahe ruberumyhÿre tamy rÿÿraxike lau.

23

¹ Jesuisi heka iny sõwe nihikÿ ribedeerynymyhÿ taerydÿÿna mahãdu-wana. Tii rarybere: ² —Judeu bederydÿÿdu mahãdu heka Moisesi bede ywina bede erydÿÿna mahãduõ rare. fariseu mahãdu tule bede ywina riwinymyhÿreny. ³ Iwese ribedeerynyre wese tahe bityhynkre. Uritere iwese tii riwinymyhÿre wese uritere iwidÿÿõmy. Aõwidÿÿmy rarybemyhÿrenyrehãre tahe aõwitxira heka riwinymyhÿreny. ⁴ Tiibohe heka atyreny riõdõnynihikÿmyhÿre bede ywina. Ihãre tahe rityhynyrenyõhyymahãreny. ⁵ Aõma õbitimy ratxike sÿny heka iny tamy roholamyhÿre xixi-di ratxirerimy ihÿre. Aõma walabu riõreõ heka rÿimyhÿre axiõ-ki bede ywina heka ritidimy roimyhÿre ityky ijeti retydyna bede ywina-txi tõhõti reakemy tuu riwinyreny. Sõwemy heka iretydyna riwinyreny. ⁶ Ronymyhÿreu heka ikoõhõkÿle ronymyhÿre, worana bedehesina rÿi-wana wahe. Dohodÿÿna heto-ki heka tule ronymyhÿre, iko-õ tuu rexisÿnymyhÿ. ⁷ Hãwã-ki iny tamy ryrymyhÿre: —Waerydÿÿdu, Habimy, kia tahe irybe-ki bede erydÿÿdu rare. Tii tahe tamyreny awire. ⁸ Tai tahe Jesuisi tamyreny rarybere: —Kaiboho heka uritere Habimy inyõ adeereny irykõmy ihÿke. Deuxu sohojile bede erydÿÿdu heka rare. Ibutumy kaiboho seriõre wesemy atximahãteny. ⁹ Kasu-ki taheka inyõ heka tiu wahamy inyõ widee rarybeõtyhy Deuxu biu-ki ratximyhÿrele tuu bininibenyke heka. ¹⁰ Uritere Wawedu myÿ inyõ kia nidÿÿõmy. Deuxu dedÿÿnale heka awedu ratximyhÿre Mesia wahe. ¹¹ Anihikÿmy xixi-di mohõtinykeki tahe, kia iny biwiõhenanyke. ¹² Kia ityhy rare xixi-di rõhõtinymyhÿre, tii heka ihewo-ribi rabadewokre. Ihewo-ribi tahe aõma aõkõ relekre. Kia iaõkõmy xixi-di rõhõtinykre tahe nihikÿmy heka relekre. ¹³ Belãhãxe! Kaiboho itxenadÿÿluku. Ibina adeereny kanakre, kai bede erydÿÿna mahãdu, fariseu mahãdu. Kaiboho uritere iny rõtedÿÿrenyõmy Deuxu Iõlõna-õ. Kaiboho birõnybenyõtyhy tule iny rõtedÿÿ-õ biebenyke. Kaiboho bexisÿnybenyke õbitinamy. ¹⁴ Aixitõedÿÿna rehereheki wahe hãwã ube-ki. Kaiboho urile iny teitxenanymahãteny. Aõma wytese urimynodu heka iheto-ribi teteõnymahãteny kaiboho heka abinareny. Tai heka kaiboho yla aõkõ aõhõkÿmy botÿÿnybenyke. ¹⁵ Belãhãxe! Kaiboho ibutumy iny aratyhynyrenykemy xixi-di tahõtinymahãteny. Tai heka iny tesÿnymahãteny õrarudutyhymy wahe ixiratyre heka teijiradÿÿnymahãteny. Aõraru-ki heka aõhõkÿmy botÿÿnybenyke. Iny-di atxikemy heka tahõtinymahãte. ¹⁶ Kaiboho ruetã mahãdu wesemy kai ahãte. Kaiboho heka kia wesemy tebedeerynyteny. Inyõ heka Deuxu bede eryna heto riwawiõhenanykeki heka aõna aõna ariwinykre. Myÿ marybebenykeki, heka aõ aõkõ heka rare. Deuxu dohodÿÿna heto womati tÿÿrÿÿhÿkÿ-di marybekeki heka, tii heka rityhynyhy. Ibutumy heka kia bede ywina õta õta tewinymahãteny.

¹⁷ Kaiboho heka bede erydÿÿdu bede erytyhykõ mahãdu atxitenyteri dohodÿÿna heto kia-ò ralòkeki. Aõbo bedeòtiidÿÿna tyhyre womati tÿrÿrÿhÿkÿ aõbo ada dohodÿÿna hetole aõbo teeryõte, Deuxu Dohodÿÿna heto wahe. ¹⁸ Kaiboho tule tebedeerynyte kawesemy. Inyõ tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyõkeki, awira. Tahe tii xiwena wahidÿÿna tyre-ki rarybekeki tahe, tii õbitimy heka rarybeke. ¹⁹ Kaiboho ruetà mahãdu wese, kaiboho heka erydÿÿnakõdu mahãdumy toite. Aõbo awityhyre? Xiwena wahidÿÿna aõbo ada ityre-ki wahidÿÿna roimyhÿre aõbo? ²⁰ Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiõre wana wahe heka aõ aõkõ rare. Xiwena utàle heka rierymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri hãre tahe Deuxu iwo-ki ratxirerilemy tuu tarybeteri. ²² Biu òraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri. ²³ —Belàhàxe! fariseu mahãdu! Kaiboho heka itxenadÿÿdu mahãduõ toite. Tule bede ywina bede erydÿÿdu mahãdu. Adeereny heka ibinamy ratxikre. Arÿsÿna uri juraõ heka kai Deuxu-ò tewahinyte, hortelã, erva-doce, cominho wahe. Kaiboho heka aõninihikÿ tetyhynytenyõhyymahãtenynte. Iwese õbitina, ruxetõena, inatyhyna kia-ribi heka õhõti losamyhÿre ibutumy. Aõmydÿÿna jura wahisidÿÿna heka awi rare. Tahe tule uritere õhõti losaõmyke aõwitxira-ribi wahe. Aõbo bedeòtiidÿÿnare bede ywina-ki. Kaiboho heka bede erydÿÿdu toite hãre tahe teerytenyõte. ²⁴ Belàhàxe! Kai hãbuõ wese rare. Tiiboho imona berareny-ribi ohoruxõmo riarimahãre. Ihãrele tahe tiiboho irõdu nihikÿ rirÿsÿmyhÿre. Iwesele kaiboho tule terÿsÿmyhÿtenynte. ²⁵ —Belàhàxe fariseu mahãdu, bede ywina bede erydÿÿna mahãdu. Amona deoreny tesuhõmahãtenynte iwe. Iwo tahe ka isuhukÿlemy rÿimyhÿre. Itxenadÿÿna rÿire. Aõma aumy weselemy heka kia ratximyhÿre. Aõma aumy heka webòròsity tyrare heka. Araykywo-ki tahe ibutu itxenadÿÿ heka tai rÿimyhÿre. ²⁶ Belàhàxe fariseu mahãdu! Kaiboho taruetà mahãdu. Kai mona hynawo bisuhòke heka biõtinyke. Aõma bisuhòke ihÿre tahe arayky bityranykre. Tahe ibutumy heka aumy ryranykre. ²⁷⁻²⁸ —Belàhàxe fariseu mahãdu! Kaiboho heka koityhyxenyteri. Rubu heto wiwihikÿ ixideereny tewinymahãtenynte. Kaiboho heka iwesetyhylemy toite. Aõma webòròsitylydu heka iruxeramy idi toite. Aõma aworeny-ki tahe aõma iny rubu idi ròhòkÿdileka atxitenyteri mahãtenynte. Ibutumy aõbina bina awo-ki arayky-ki idi atxiteri mahãtenynte. Aumyreny-ki heka tykywihikÿ textykyny mahãtenynte. Aõma hãbu wihikÿwesemy. Hãbu õbitimy matxibenyke myheka iny adi rõhõtirenykemy heka tuu textykynymahãtenynte. Araykywo-ki tahe arimyrenywo-ki tahe ibutu itxenadÿÿna-di heka toite, òrarudu mahãdu toite. ²⁹ Belàhàxe! Tai heka kaiboho Deuxu rybedu mahãduõ rirubunyre. Kaa nohõti ijaranamy tuu tewinymahãtenynte. Awabederenywo-ki heka noijasa ruxerahakÿle tetidite. ³⁰ Kaiboho heka tarybemahãtenynte. —Tiu wahareny riwinyre wese heka ariwinyrenyõtyhy. ³¹ Kiamy tarybeteu heka hãbu bina riõremy texininite. Bowesele toite. Iriõre toite. ³² Iwese juhUU ibinamy riwinyre wese heka iwesetyhyle aõhebo tatÿÿnymahãtenynte. ³³ Iwese hemylala deborehekÿ wesemy heka kaiboho atximahãtenynte. Boreny tule iweselere. Timybo heka kaiboho heõty bede-ribi mahenybenyke? Kaiboho heõty bede-ò boibenyke. ³⁴ Adeereny ariteõnykre aõma Deuxu rybeduõ hãbu erydu, tyyriti erydu wahe. Kaiboho bidirubunybedenykre. Ohodÿÿna heto-ki ijõ bidihetenybedenykre awaru hetenaõ-di. Itxeõtyre-ki ijõ bidirubunybedenykre. Ijõ heka biheludumykre hãwã hãwã-ò tamy ibinamy riwinykremy. Aõhõkÿmy dÿÿnana heka tamy biwahinybenykre ijõ hãwã-ò rakreu. ³⁵⁻³⁶ Kia heka hãbu ibutumy rurure tyby òraru-ki wahe. Dohodÿÿna hetowokile rirubunyrenyre. Kaiboho Abeli juhUU terubunytenynte ikonana tahe Zacaria, Barakia riõre wahe. Òbitityhy juratya-ki heka tuu tewinytenynte. Wijnabõdu mahãdu tai aõhõkÿmy rotÿÿnykre. Ibutumy ibinamy kai atyre-ò kedeseke. ³⁷ Jesuisi ikonana tahe rarybere: —Jerusalẽ hãwã mahãdu,

kaiboho heka terubunytentye Deuxu rybemy rybedu mahādu. Jiarỹ heka aramykemy adi rewisỹnyreri wariõre wesemy tahe waderarenyre kaiboho. Iwese hānieõ iriõre ridyre wese idewo-ki. ³⁸ Aheto heka ixisohojilemy rỹimyhỹre. ³⁹ Kaheka ararybekre adeereny: —Wamy heka bobiõtyhy ixityre. Kai heka Deuxu deõdỹyna bidykreule wamy bobikre. Iu rarybereu, Deuxu deysanamy, wamy bobikre.

24

¹ Iu Jesuisi rõhõnyreu dohodỹyna-ribi, ierydỹyna mahādu tamy rarybere dohodỹyna heto itxeremy rõikemy, eleri-õ wahe. Tai tahe Jesuisi dirawyõnyde: ² —Inatyhy rare, awi heka rare. Urile tahe kidiixāwididỹnykre heka. Timy heka manaõ wityre-ki roiõhykre. Ibutumy bede-õ idi rehukre. ³ Iribi tahe Jesuisi rehemynyre Oliveira hāwālõ-õ heka ronyre. Tai tahe erydỹyna mahādu tii ritỹyraxinyre iny sõwe-ribi: —Tiubohe ibutumy kedeixāwididỹnykre. Tiuboho ibutumy bede konanadỹynamy reakre. Timybohe rikeryrenykre kai bedehemynyke aõma bede ibutumy rexihukre. ⁴ Tahe Jesuisi tamy rarybere: —Uritere inyõ aitxenadỹyõmykre. ⁵ Sõwemyhe iny itxenadỹynamy rỹirakre. Jiarỹ Kristu rare, Deuxu deõdỹyna heka jiarỹ rare, myheka adee kanarybekre. ⁶ Kaiboho heka bohology mabekre iny aõbina rõhõnymyhỹkre: bohologymahākre. Ihāre tahe iny rarybekre aõma: —Karibi heka aõbina urihimyõ rõhõnykre. Myhe rarybemahākre. Ihārele tahe kòdòõseõkre aõma ikonana urihimyõ. Ibutumy heka kia wesemy relekre. ⁷ Aõma kia wesemy heka bede roimyhỹ rarekre aõbo iny witxira witxira heka ibutumy iõlõna heka riteranymyhỹkre. Aõbinamy. Tai heka raaõbinanymy rỹirakre. Aõma rama ijara reakre. Bede ibutumy ramytatakre hāwāõ-ki. ⁸ Kia heka iwese hāwyy uladu dese wesemy robumyhỹre wese tukre. ⁹ Adeereny heka aõhõkỹmydỹynana tiuboho riwahinykre aõma wani õraru-ki wahe. Ijõ kaibohoõ heka ararubunynyrenykre. ¹⁰ Sõwemy heka iny riatorymihỹkre wary-ribi heka riatorym ririmyhỹkre. Wii rityhenymyhỹkre. Widee rakyarananymyhỹkre. ¹¹ Rybebina rybeduõ heka sõwemy kedehemynykre tahe kia heka sõwemy iny riitxenanymyhỹkre. ¹² Iu heka õraru nihikỹ iu rõhõnykremy roimyhỹre. Sõwemy heka luuna-di rỹiramyhỹ katahe wiji ixāwikre heka ihomy aõkõ relekre. ¹³ Kia idi hyy rỹirakre ikonana-õ. Tii mahādu tahe tarasanamy reakremy rỹira. ¹⁴ Ibutumyhe kia iny-õ rybe tỹnydỹynamy reakremy rỹira, Deuxu Rybewihikỹ Tỹmyra wahe. Ibutu iny witxira witxira heka roholakre rybe wihikỹ-õ. Kia rahudi hikỹle heka taheka kedehemynykre heka ikonana. ¹⁵ Aõbinahakỹ tyhybohe ibinatyhy rỹikre. Tii heka rỹikre heka aõma Deuxu ubetyre-ki, Deuxu isỹ-ki, kiaweselemy heka rỹikre. Bieryke aõbo kia rare. Bieryke aõbo kia rare Danieli heka Deuxu rybeduõ ihetxiu kiamy heka rarybere:

¹⁶ —Judeia mahādu bede-ribi tahe kia bihenybenyke. Ibutumy heka bõibenykre hāwālõ bede-õ biõturõnykre.

¹⁷ —Kia bededỹynanau heka tiu aõ bimyoõtyhy aheto-ribi. Tiiemy heka rõhõnyhykyle rakre aõwesele wahe.

¹⁸ Iu bedero raaõmysỹdỹykre heka tiu kòdòõseõtyhy tatyky itxemy. ¹⁹ Tule aõma hāwyy bõtõmy rỹira kia bedeu aõhõkỹmy rotỹnykremy rỹira. Kia tohouā-di ratxireri tahe tamy isirakre heka itybiedỹyi idi rakeõ heka isirakre. ²⁰ Bedejutytykõkemy heka bexitõdenyke ahena mahenykeu. Tule sabado txu aõkõkemy bexitõdenyke. ²¹ Tiu heka aõhõkỹmy dỹynanamy iny rotỹnyõhyymyhỹre kaa aõhõkỹmy dỹynana nihikỹmy. Tule tiu tuu robiõhyymyhỹre. ²² Kia Deuxu irokorehemynykre wana heka ibutumy iny ituekre. Kaa urihimyõlekre wana tahe kai Deuxu hõrõ mahādule tuukre. ²³ —Aõma Mesia heka kowa-õ rehemynyra, Deuxu deõdỹyna wahe. Ihāre tahe kai heka inyõ adee rarybekeki tahe tetyhynyõhyte heka. ²⁴ Kia iu kedehemynykre tahe aõ Kristu tyhy aõkõ heka rarekre. Aõma rybedu itxenadỹydu heka tule aõna aõna wiwihikỹ riwinykre. Aõma ityhydỹydu dori riitxenanykemy idi riwisỹnykre: ²⁵ Boholake, juhuu dori adee relyreri ibutumy aõhebo rotỹnykre. ²⁶ —Aõma aratedwarinyre dori tuu. Kia Mesia, Deuxu Deõdỹyna heka rõõsereri. Beteheke bederahy-ki, tule hetowo-ki.

Iu tahe timy heka tamy itxeremy raõtyhy inatyhy aõkõreki. ²⁷ Iu jiarỹ Deuxu Riðre Hãbutyhyhykỹ arehemynykreu ibutumy heka rierykre loosõna delaana wesele heka wadehemynyna heka rarekre biu ibutumy ritỹxinykre. ²⁸ Iwese aõ rubu roimyhỹre, rara heka tamy rabutumyhỹre. Kaiboho rierykre iu rehemynykreu. ²⁹ Iu kia bede dỹñnanamy reakre tahe txulyby heka kòdòhònykre. Ahãdu tule rybinykre. Taina tule ixewesehekỹle kanakre. Ibutumy ramytatakre biu-ki. ³⁰ Iule tahe kia wadehemynynamy iny robikre. Sõwemy heka hinana ibrunana bede bedemy rỹirakre. Ibutumy heka iny robikre wadehemynynamy biuwetyky-ki, jiarỹ dori, Deuxu Riðre, Hãbutyhyhykỹ rare. Loosõna ruruna sõwekreu, tahe arehemynykre. ³¹ Tule wajurõna-di, ýju aditeònykre iu, ajurõna wodỹyhỹkỹ-di. Tahe ibutumy wahõrõ mahãdu he ixidee aributunykre bede bede-ribi, ibutu rehetyhy-ribi wahe. ³² Jesuisi tule relyyre: —Ijyyõmy heka ako arelyykre. Kai heka ibede erynamy bimykre. Iu kia figueira òwòru hãbu wiji tybiehekỹ. Kia aõma iruru tỹmyra rurunymyhỹré. Tule aõma txirubò tỹmyra ròhònykre. Tiu tahe bierykre. Kai iòhòra bohe wyra. Myhe tamy besekre. ³³ Iwesetyhyle taheka kai heka bierykre. Aõma wadehemynyna ròhòny relekre wahe aòbitikre wadehemynyna iu, aõhòkỹmydỹñnana wahe. ³⁴ Tiu kia bededỹñnanaule heka bedekõnyre rexihukre. ³⁵ Biu heka bede-wana ituekre warybe tahe aõu aõu heka rỹihyymy rarekre. ³⁶ Inyõ heka rieryõhyymyhỹre. Tiubo txuu ruu kai konany rỹimyhỹre wahe Ýju dori tiu rieryõhyymyhỹre. Aõma, jiarỹ Deuxu Riðre dori rieryõre. Aõma Waha Deuxule tahe rierymyhỹre. ³⁷ Noe bededỹñnana wesemy heka rỹimyhỹkre iny risinykre kia bedeu. ³⁸ Ibutumy heka worana bedehesi rỹikre kiau. Lisisò tahe rỹikre. Herina lisina aõma hãwyymy herina. ³⁹ Tahe Noe bededỹñnana wesemy heka reakre. Iu heka beòra rariare. Tahe rityyhynyõhyyre tiiboho. Tahe heka raòwònyre rariare ibutumy ituere. Iwesele tii heka rarekre heka, wadehemynyna Deuxu Riðre Hãbutyhyhykỹ wahe. ⁴⁰ Inatxi hãbu heka oworu-ki raaõmysỹdỹỹkre. Ijõ heka rakre dynamy reakre. Ijõ tahe rarikre. ⁴¹ Tule inatxi hãwyy heka raaõmysỹdỹỹkre heto-ki ratxikre mai risyrenykre. Ijõ heka dynamy reakre ijõ heka rarikre. ⁴² Tai heka iny rexiwinymy rỹimyhỹkemy rybe roimyhỹre awedureny kanakreki. Tiubo rehemynykre, teeryõte. ⁴³ Aõma hãbuõ kanakeki heka tiu aõma hãbuõ itxeredumy ronykeki heka, tiu hãbuõ iribi rawasinyõtyhy. ⁴⁴ Bexiywinymy heka wadehemynyna biijemy bonyke, jiarỹ Deuxu Riðre Hãbutyhyhykỹ wahe. ⁴⁵ Ijõ Jesuisi relyyre: —Inyõ tadinodu deòdutyhymy ratxikeki, tii aõmysỹdỹỹna riwinyhyy ronymyhỹke tamy. Iheto riywinyhyyke. Teòdu mahãdu txuõ txuõlemy riywinymahãke. ⁴⁶ Kia riwinykeki, deysamy rarekre teòdu rehemynykreu. ⁴⁷ Inatyhymy ararybekre: —Kia deòdu tadinodu aõmydỹñnana ibutumy idi riywinykre, riyrubunykre. Tii ibutu wedu rarekre. ⁴⁸⁻⁴⁹ Ibinamy tahe tii ròhòtinykeki, kiawesemy riwinykre: Deòdumy raòhòtemyhỹ, lisilemy ronymyhỹ, riroximyhỹ momodu mahãdu-wana riõmyhỹ. Tii ixidee rarybekre: —Wawedu kedehemynyõtyhy, aòtxile ariwinykre. ⁵⁰ Iu rehemynyòkremy ròhòtinyre, iwedu kiaule rehemynykre. ⁵¹ Tai tahe raòhòtebinakre. Heòty bede-ò riteònykre, Iwese itxena mahãdu tii riteònykre wese. Kia-ò rahinykre, robukre, txuraruti rikyikyiny aõhòkỹmy dỹñnana òraru-ki.

25

¹ Jesuisi ijõ relyyre: —Kia txu heka Deuxu Iòlòna ka ijyy wesemy rarekre. Debòwiò ijadõma heka hãbumy herina riraòmyhỹreny. Iny sohoji sohoji heka toosõna riwyre iximynamyna. ²⁻⁴ Iruyrela tahe tõhòti reare aõma adỹỹ-di ritỹxinykemy. Ihony tahe tõhòti rosare iruyre wasỹ, ijõ tule ihyna-ki riwykemy. ⁵ Weryrybò rehemynyõre, tai tahe ijadõma mahãdu ele rihynymy rỹimyhỹ tehemyynyna riiraòmyhỹreny. Iny sohoji sohoji heka toosõna riwyre iximynamyna. ⁶ Tai tahe rarybera: —Tỹmyra mahãdu-ò wahe rehemynyre. Birybenybenyke ruwetya. ⁷ Tai tahe ijadõma mahãdu he rituranymy rỹimyhỹre. Toosò itỹnytyhymy rookemy. ⁸ Kia ijõ tahe tõhòti rosare mahãdu tahe uritere riijere. Itoodỹỹmy idi riwisỹnymyhỹ. Aõma widee he rexitðenyre: —Urihimykò inihe wahõrõ-kò biditxiwike karihukòtekre. ⁹ Tai tahe kialemy risỹnyre: —Anokõre

wadehunale dokuri rÿire. Bikòryke tahe ijō itxe tahe. Maa. ¹⁰ Idi tahe rōireny iōbradÿÿmy. Tai titxi tai rohonomyhÿre. Iòrysomy iōbradÿÿmy rōirenyra rookile tahe dehemynyde kia tÿmyra mahādu wahe. Tahe rironyrenyrene ibutummy riroxikemy. Riratòbònyrenyrene. ¹¹ Tai tahe kia iruyre ijadòma iōbradÿÿmy rare tahe dehemynyde: —Wahī, itxòtòbòna wadeke bidirakynybedenyke! ¹² Tai tahe kialemy rirawyònyre: —Jiarÿ umyreny reeryōre. Kie riki ijyy. ¹³ Tahe Jesuisi rarybere: —Tai kaiboho bexiywinymy ahābenyke wadehemynyna biijebery. Teerytenykōte dori tiubo addòsekre.

¹⁴ Tii ijō rarybere: —Ijō ijyymy adeereny arabedeerynykre timybo Deuxu Iòlòna raremy. Inyō heka rakemy ratximyhÿre ijō bedè-ò ratÿinykemy. Tii tahe taaōmydÿÿnana ririre teòdu mahādu-ki. ¹⁵ Tanieru tahe tamy riwahinyre timykibo isiraōmy nieru ritamyhÿre myheka tamy riwahinyre. Ijō-ò 5000 riwahinyre. Ijō-ò 2000 riwahinyre. Ijō-ò 1000 riwahinyre. Idi tahe tii rare tabede tÿinamy. ¹⁶ Kia iruyre ritara heka aōna aōna riōbranymyhÿre. Diwymyhÿre tasÿ idi rohonyrerimy ihÿre. Tai wylemy heka inieru rabuture. Ijō ixityre iruyremy ritxienyrene iratyretyhy. ¹⁷ Kia ijō inatximy tamy riwahinyre tasÿ tulere aōwesele raaōmysÿdÿÿre ta ròtare tule ijō inatximy ixityre. ¹⁸ Kia sohojimy tamy riwahinyre tahe urile riyrubunyrene inieru hāloole riare tamy tahe riyrubunykeny heka riare. ¹⁹ Sōwemy rabededÿÿnana-ribi tahe iwedureny dehemynyde. Tahe tamyreny rarariòwyre takòtareny riòbitinykemy. ²⁰ Iruyre riwyre heka debòwiò diwyde: —Beteheiny wawedu ijō iruyre anieru tyre rebutunyre. ²¹ Tahe tawedu sōwemy riwowydynyrene iaōmysÿdÿÿna wiwihikÿmy ròhònyraki wahe. Kiamy heka tamy rarybere: —Òbitimy idi taaōmysÿdÿÿteki heka. Sōwemy heka adee ariwahinykre riywinykemy. Aōwaxinyhe bitelenykre aōmysÿdÿÿna. Kai heka wawana beysanihikÿkre. ²² Idi tahe kia inatximy ròtaré sÿ dehemynyde: —Beteheke, inatxi tasÿ inaubiòwa ixityre adee rewinyra. ²³ Tahe iwedu rarybere: —Awityhymyhe taaōmysÿdÿÿta! Kai heka deòdu wihikÿ tate. Kai ibutedile sōwemy tewinyte tahe sōwemy ixityre adee ariwahinykre riwahinykemy. Kai heka wawana beysanihikÿkre. ²⁴ Kia sohojimy tamy riwahinyre tahe rarybemyhe retximyhÿ: —Kai heka hābu nieru tarasaery heka tate. Aō taaōmysÿdÿÿteri-ribi aōkō heka nieru tetamahāte. ²⁵ Tai heka jiarÿ raberumahā alau watxireri. Tai heka rewore iny lau. Tahe tii sohojidile ratxireri. ²⁶ Iwedu rarybere: —Kai heka eoruxerere, awi aōkō heka tate! Inyō tehuòtekōta heka idi urihimyò ityre ròtakelemy wahe. Kai tiwaeryte wahe. ²⁷ Aōherekibo banco-ki aōkō tetidite. Kia huòteòwy wanieru-ribi ritarerimy ihÿre. ²⁸ Bitabohe kia nieru-di atxitere, tahe kia debòwiò ritaraò wahe biwahinykre. ²⁹ Kia òbitimy raaōmysÿdÿÿra heka sōwetyhymy ròtakre. Kia òbitimy raaōmysÿdÿÿōmyhÿre kia heka ròñnodÿÿkre. ³⁰ Kia deòdu bimibenyke. Tii dorihe ibinatyhyrene inihe bedè luruhukÿ-ò idi behubenykre. Tai heka tii aōhòkÿmy rotÿÿnykre rahinykre.

³¹ Jesuisi tahe ikonana rarybere: —Iu jiarÿ, Deuxu Riòre Hābutyhyhykÿ, arehemynykre heka Waiòlònary-ò aronykre. Arehemynykre waÿju mahādu-wana. ³² Ibutummy heka bedè iny mahādu wako-ki ributunykemy. Iwese budoeni itxeredu heka tabudoeni, budòe-wana wiribi rihitxinyemyhÿre wese heka bedè iny mahādu wiribi arihitxinykre. ³³ Wabudoeni heka warurunawe-ribi arisÿnykre. Buddè tahe wahywe-ribi arihitxinykre. ³⁴ Idi tahe waruruna ludu-ò ararybere: —Manake hewa, beysabenyke. Waha Iòlòna-ò rokonykre. Myheka tamy ararybekre. Juhuu bedè ihetxiu heka ywimy adireny kia rÿimyhÿre. ³⁵ Rama tahe riwasanyre rÿsÿna wadee tewahinytenyete. Iu bemy rarureu, wadee tewahinytenyete. Jiarÿ heka tori rare asÿ-ò tiwadytenyete. ³⁶ Jiarÿ heka watykyhoho aōkōu, kaibohole wadee tewahinytenyete. Binamy rÿimy rarewāhā, waroramy tadòitenyete ròtenawo-ò. ³⁷ Tai tahe òbiti mahādu rarybekre: —Wanyrÿ, tiu taheka ramamy heka wadeereny teate —Adee rewahinyrenyrene? Tiubo heka bemy tarummy tatemahā adee rewahinyrenyrene? ³⁸ Tiubo heka kai torimy tatemahā idi wahetoreny-ò aradyrenyrene. Tiubo atykyōmy tatemahā-di, tyky adee rewahinyrenyrene. ³⁹ Tiubo ròtena-ki tÿimy tatemahā-ò ada webinadummy tatemahā-ò, aroramy ròirenyrene. Wanohōti atxi reaōhyemyhÿre. ⁴⁰ Tai Jesuisi rarybere: —Jiarÿ,

Iòlò, tamy ararybekre: —Iu kaiboho waityhydÿÿdu seriòre mahādureny-ò waòraru-ki tewiny my toitemahāu, wadeele tuu tewinytenyete. ⁴¹ Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenyre heòty bede-ò ihyymy boibenykre ixi-di ariteònykre. Diabo tatytybybinasÿ-ò idi boibenykre. Deuxu isÿ tamy riwinyre. ⁴² Tiu rama riwasareu rÿsÿna kaiboho wadee tewahinytenyòhyyta. Iu bemy rarureu heka ijò wadee tewahinytenyòhyyte. ⁴³ Torimy rarewahāu, tiu tiwato-binytenyòhyyte. Tykyò wadee tewahinytenyòhyyte. Binamy rāimy rarewāhā ròtenawo-ki wororana webinadumy tahe tòiòhyyte. ⁴⁴ Tai tahe kiamy rarybekre: —Wanyrÿ, tiubohe tuu rewinyrenykòre. Wanohòti heka reaòhyymyhÿre aramamy rubuna-txi, abemy rubuna-txi, torimy tatemahāu, atyykòmy tatemahāu, ròtenawo-ki webinadumy tatemahāu wahe. ⁴⁵ Tahe jiarÿ Iòlò tamy ararybekre: —Kaiboho heka waityhydÿÿdu seriòreò tewiòhenanyòmahātenyete tai heka tiwawiòhenanytenyòte. ⁴⁶ Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aòhòkÿmydÿÿnana-ò. Òbiti mahādu heka umytuedeòna-ò rakre.

26

¹ Kia tajjy rahudi tahe Jesuisi taerymahādu-ò rarybere: ² —Ixitire inatxi txu-di tasÿ aõma Pascoa worana bedehesimy rÿikre. Kaiboho tahe kia teertytenyete. Iu iny riwatyhenykre Deuxu Riòre Hābu wahe. Irahu-di tahe itxeònihikÿ-ò riwatamadÿÿnykre. ³ Tahe aõwesele heka xiwena wahidÿÿdu wedu mahādu ributunyre heka judeu wedu mahādu-wana wahe. Kaifa heto wii rotyre. Xiwena wahidÿÿdu mahādu wedu wahe. ⁴ Wiwana heka raryberenyre: —Timybohe Jesuisi aõhebo rikisÿnyrenykre aõma teburemy ijiranakõnahakÿle. Timybo rikisiraònyrenykre, rikimynenykre, rikirubunynenykre. Urile iny tuu rierykòre. ⁵ Pascoa worana bedehesi rÿireu tahe aòkòlemy idi rÿire. Kia worana bedehesiko-ki iny raaòbinanykeki dori ibutuhukÿlemy heka raaòbinanyke.

⁶ Jesuisi heka rare Betÿnia hāwā-ò hābu tykybinaò-wana heka isÿ-ò rare, Simaò heto-ò wahe. ⁷ Iu iheto-ki riroximyhÿreu tahe hāwyyò tamy rare aderòna lÿnyrehekÿò-di manaurahyna-ki. Tai tahe Jesuisi tyre ritxiwire, iratityre. ⁸ Ierydÿÿna mahādu heka urihimyo heka rebure riòre iòraru-ki. ⁹ Iòwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aõma iòwy tahe iny aòkò mahādu-ò riwahinykewihikÿle tii ròhòtinyre. ¹⁰ Tahe Jesuisi rierytyhymy aõmybo tuu raryberenyrerimy: —Aòherekibo kaiboho ibinamy tarybetenyteri hāwyy-ò. Aòwidÿÿnana wihikÿ wadee riwinyreri. ¹¹ Aõma kaiboho heka urimynodu mahādu-wana ihyymy boibekre. Ibutulemy awanareny jiarÿ watxiwāhāde. ¹² Tii heka wahāloodÿÿna riwaywinyra aderòna watyre ritxiwireu. Kia tahe wadee riwinyre. ¹³ Boholake, iny itxi tòhòti reahyy rÿirakre iòraru-ki. Rybewihikÿ Tÿmyramy ritÿnydÿÿmyhÿkre heka rierymyhÿkre bede bedemy wahe.

¹⁴ Iribi tahe Judasi Isariò, tii waò inatxi reuròò rare, tii heka ròhònyre ierydÿÿna mahāduy-ribi. Tahe rare xiwena wahidÿÿdu mahādu wedu-ò. Tahe tamy rarybere: ¹⁵ —Adeereny Jesuisi ariwahikre wana heka tiwesebo biwaòwinybenykre? Kiamy tahe 30 prata womati nieru myhe tamy riwahinyre. ¹⁶ Judasi kia ribile rarunymy raremyhÿ dohodÿÿnaõmy Jesuisi tamy riwahinykremy. ¹⁷ Pascoa worana bedehesi rÿireule rexidelenyre, Paò iuridÿÿkò, kia txu rÿimyhÿ wahe. Jesuisi erydÿÿna mahādu tai ritÿÿraxinyre: —Titxiwexe rikirÿsÿkre Pascoa worana bedehesi jiarÿboho dori ariwinyrenykemy? ¹⁸ Tahe Jesuisi rirawyònyre: —Hābuò hāwāhākÿ-ki ratximyhÿre tii riwaeryre. Tahe tamy marybekre: —Wawedu kÿny rarybereri aõma aheto-ki heka Pascoa worana bedehesina rirÿsÿkremy taerydÿÿna mahādu-wana. Ibededÿÿna dori iòhòre riki. ¹⁹ Tai tahe taerydÿÿna mahādu kia riwinyre idi kowa worana bedehesi rÿsÿna riwinyre.

²⁰ Bedesòmmy tahe tai riroximy rorukumyhÿreny, taerydÿÿna waò inatxi reurò mahādu-wana wahe. ²¹ Aõma inyò heka riwatyhenykremy ratximyhÿre. Jesuisi heka tuu rarybere: ²² —Mowexe tii rarekre. Tiiboho rabadewomy roire, tai tahe widee rarybere:

—Jiarỹ kōaōboka. ²³ Tahe Jesuisi rarybere: —Kia wawana pratoro tebò rearerile taheka tiikre. ²⁴ Iwese Deuxu Tyyriti-ki Rybe roire wese heka arurukremy jiarỹ Deuxu Riòre Hābutyhyhykỹ watxiwāhāre. Kia hābu riwatyhenykre tahe tamy heka ibinatyhykre. Ratybienykorē wana inihe awityhyre. ²⁵ Tai tahe Judasi ityhedỹ̄du rarybere: —Erydỹ̄du, jiarỹ aōbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiō rimyre ibutumy riroxireu, tahe riyreyrenymyh̄yre tahe insohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷⁻²⁸ Idi v̄i monahynaō rimymy rexitòenyre Deuxu-ò. Idi tahe tamy riwahinyre iribi sohoji sohoji riōrenykemy. —Biōrenyke kaa dori wahālubu wesemy ratxireri. Tai sōwemy iny biu-ò rahenykre Deuxu dee. Ibutumy òraruna ixāwididỹ̄my heka tuu ròhònrya. Wahālubu heka Deuxu, iny-wana wii riwoàxinykre rare. ²⁹ Tahe boholake warybe-ò. Awanareny heka ixityre v̄i monamy ariōōtyhy. Kia Waha Iòlòna-ò dehemynynahykyle tahe awanareny ixyby tuu ariōkre.

³⁰ Idi tahe wiuō rawiunryenyre idi tahe Oliveira hāwāld-ò ròirenyre.

³¹ Jesuisi tamyreny rarybere: —Wijiru heka ibutumy kaiboho biwaribenykre. Tyyriti-ki heka roire kiawesemy:

Budoeni-di itxeredu rirubunykre. Ibutumy budoeni raubỹtỹkre bede bedemy.

³² —Waixixana k̄nyikykre tahe Kalileia bede-ki awanareny aratxikre. ³³ Pedro tahe rarybere: —Ibutumy ararirenykre wana tahe jiarỹ aōkōre. Ararirenyōtyhy. ³⁴ Tai Jesuisi heka Pedro-ò rarybere: —Kai heka hānie dele robukōdile biwatxiō-ribi bexihukre, inataōmy wahe. Tuu wijiru rarekre. ³⁵ Pedro dirawyònyde: —Aōkōre wa, arurukre heka tahe urile aratxiōnyōtyhy. Tule ibutumy ijō ierydỹ̄na tule Pedro wesele rarybere.

³⁶ Tahe Jesuisi ridyrenyre bederaty oworuō-ò, aōma Kesemani ninadu-ò ridyre: —Kakile bonykre arakre dori ixitòedỹ̄my kowa-ò. ³⁷ Tahe Jesuisi heka Pedro ridyre ixi-wana. Tule Zebedeu riòre wiwana ridyrenyre. Tahe Jesuisi rabedetiidỹ̄re aōhōkỹmy rotỹnyre bedetiidỹ̄ òrarukile. ³⁸ Tii tahe tamy rarybere: —Kaki wawanale atxibekre. Watyytyby heka t̄yxihikỹlemy bedetiidỹ̄-di ratxireri. Waki bexiebekre. ³⁹ Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake adeewikeki. Aōkōkeki tahe ariōkre, arurukre adeewilemy aōhebo arotỹnykre. ⁴⁰ Idi tahe dòdsede kia ierydỹ̄na inataō tai rōrōmyh̄yò heka ixyby dòdsemy nade. Jesuisi rarybere: —Pedro! Kai heka timy sohoji horamy adi bede r̄yiōtyhy wawana. ⁴¹ Bexixaruhyy atxibeke bexitòenymy. Aōkōkeki tahe òraruna kanamykre. Kai heka òbitimy matxikemy tahōtinymahāte. Aumy tahe ibinare heka arurukōre wahe. ⁴² Ixityre rare rexitòenykemy. Tahe Jesuisi rarybere: —Waha, adeewinale ariwinykre. Aōhōkỹmydỹ̄nana monamy heka ariōkre. Kia mona waribi bitaōkeki ihārele heka arurukre. ⁴³ Tai dòdsede tai rōrōmyh̄yrenyòle heka nade. Tiiboho ixixamy r̄yiōhyre. ⁴⁴ Tahe ròdsere ixybyle ikonanamy. Iweselemy rexitòenyre tyby-ò. ⁴⁵⁻⁴⁶ Idi tahe dòdsede taerydỹ̄na mahādu-ò rarybere: —Bexielehynybeny. Watyhedỹ̄du naderi. Rexihumyhe rare. Hābubina mahādu rehemynyre. Jiarỹ Deuxu Riòre Hābutyhyhykỹ, wahe. Bexixabeny, rakakre watyhedỹ̄du dori rehemynryeri.

⁴⁷ Tahe Judasi dehemynyde waòinatxi reuròò wahe. Jesuisi rarybereu, tii nade sōwemy hābu-di mayrehe-di, òhòte-di tōnori-di widotyde. Judeu mahādu wedu tahe iteòdỹ̄dure xiwena wahidỹ̄du wedu wana wahe. ⁴⁸ Juhuu Judasi tamyreny bede riywinyre. Kamy rexirybenymy: —Iòs̄ny-ò aruwokrele heka tiikre. Tiile bimybennykre. ⁴⁹ Tahe Judasi rarybere: —Rareri, Wawedu. Iòs̄ny-ò ruwore. ⁵⁰ Tahe Jesuisi rarybere Judasi-ò: —Iò, aōwaxiny aōbo biwinykre iwidỹ̄my tateri. Tahe Jesuisi imahādu rimyre. Ritaataare. ⁵¹ Tahe Jesuisi mahāduō mayrehe-di rimymy resere. Tai hābuō-ò reare. Tai tahe tōhōtile rikòròm̄y idi reare, xiwena wahidỹ̄du wedu deòduō wahe. ⁵² Tahe Jesuisi tamy rarybere. Aōkōre amayrehe birutyke irasirahanawomy. Kia dori inyō maydese rimymy resekre heka tule rurukre maydeselemy. ⁵³ Karibi ixitarasamy arurukeki dori wahaòle ararybekre. Tai tahe waha sōwemy ŷju kiditeònyke, 12 aōbinadu ijoi mahādu

wahe. Kia teeryōtenyete. ⁵⁴ Ihārele tahe ibutumy tuu bededỹynana relekre iwese ritidỹyna-ki roimyhỹre wese. ⁵⁵ Tahe Jesuisi rỹraxire tamyreny: —Aōbo jiarỹ raremy wadi tahōtinytenyteri. Wasidu aōbo. Kai dori waōrysomy tehemynte maydese-di, tōnori-di. Aōherekibo wahe. Jiarỹ heka arabedeerynyrenyere txuō txuōlemy wahe Deuxu dohodỹyna heto-ki. Aōherekibo taile tiwamytenykōte kowa watxiwāhāure. ⁵⁶ Kia ibutumy Deuxu Ritidỹyna-ki roimyhỹre. Tai tahe tuu bededỹynana relekre iwese Deuxu rybedu mahādu rarybere. Ibutumy aōna aōnamy rotỹynymy raremyhỹ. Tai tahe taryberahu-di. Ibutumy iery mahādu iribi tahe robỹtỹre.

⁵⁷ Tiiboho heka Jesuisi ridyrenyere Kaifa heto-ò, xiwena wahidỹydu wedu wahe. Tai ibutumy judeu mahādu wedu ributunyre bede ywina erydu mahādu tule wahe. ⁵⁸ Pedro irehetyty-ribi riheludunyre. Iheto ube-ki tahe ronyre yrubu dỹydu-wana. Tahe rehere aōhebo rotỹynkremy. ⁵⁹ Xiwena dinodu mahādu tahe ributunyre Jesuisimy raruikremy heka riijemy. Aōma rirubunykre òbirele heka tuu rarybemyhỹ. ⁶⁰ Tahe inyō-ki heka rahaōhyyre turybedu wahe. Iny sōwemy tahe relyyre. Ihārele rirubunyōhyyre. Iroona-ribi tahe inatxi hābu dehemynyde. ⁶¹ Tai tahe kiamyhe tuu relyyre: —Aōma Jesuisi rarybere: —Aōwesele heka Deuxu dohodỹyna heto ariatymy idi areake. Inataō txudi tasỹ ixityre aditamadỹyke, ibutumy adiwinyke. ⁶² Tai tahe xiwena dinodu heka Jesuisi-ò ryyraxire: —Aōbo marybekre kia umy ijyy rohonyreriki? ⁶³ Jesuisi tahe rybeōlemy ronyre roholare. Ixityre tamy rỹraxire: —Kai heka inatyhy tyhymy Deuxu Riōremy kai atximahāte. Mesia aōbohe kai tate? Deuxu riwaeryre inatyhymy rarybereri. ⁶⁴ Jesuisi dirawyōnyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre

Deuxu Riōre Hābutyhyhykỹmy, jiarỹle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarỹle wahe tiire.

⁶⁵ Tai tahe xiwena dinodu tatyky riykare. Reburere kie: —Aōhere tahaka. Deuxumy heka ibinatyhylemy tarybemahāte. Ijō iny-ò aroholaōkre, rexihura! ⁶⁶ Ibutumy kaiboho irybe-ò taholatenyteri, inatyhy? Aōbo rikiwinykre tii ibinatyhyre dori, rikirubunynyrenykre tahe. ⁶⁷ Tahe iōsỹny-ò rarybexinyre. Rihetenyre. ⁶⁸ Tamy ihetedỹydu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki rononymhỹ. Tahe ijadōma heka deōduō tamy rehemynyre: —Kai anōbo Jesuisi Kalileia ludu-wana atximahā. Kumymy rabire. ⁷⁰ Iny ibutuko Pedro rarybere: —Aōkōre, aōmybo arybe reeryōhykyreri. ⁷¹ Tai tahe rare ijō-ò. Ijō ijadōma deōduō rarybere kamahāduko: —Inatyhymy heka tiki Jesuisi Nazareludu mahādu tiki rare. ⁷² Ixityrele Pedro ritxiōnyre: —Reerykōre wahe hābu. Tiu heka rabiōwāhāre. Inatyhy rare. ⁷³ Idi hābuō heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe. ⁷⁴ Tahe Pedro rarybere: —Jiarỹ reerykōreri, tuu heka rabiōwāhāre. Deuxu riwaeryre inatyhymy rarybereri. Iule taheka hānie hābu robumy reare. ⁷⁵ Tahe Pedro tōhōti itxi reare. Jesuisi rarybere weselemy heka tii riwinyra. Ritxiōnyre. Tai tahe Pedro rōhōnymy reare heka rahinyhyyre.

27

¹ Ijō biurasò ruidile tahe rỹire. Xiwena wahidỹydu wedu ributunyre judeu mahādu wedu-wana. Timywexe aōhe rikisỹnyrenykre. Rikirubunynyrenykre heka idi watxiwāhāre. ² Roma dinodu-ò òsana rikidyrenykre. Tahe tiiboho Jesuisi ritaataare idi ridyrenyere tamy, Pilato-ò.

³ Judasi heka rieryre. Tai tahe tii rabadewonihikỹre rityhenyereki wahe. Tai tahe raraykynyre tawo-ò raōhōrere. Tahe nieru òkesedỹymy idi rōhōtinyre. Tahe nieru diwyde, 30 prata womati nieru tahe riòkesedỹyynkremy judeu wedu mahādu-ò, Xiwena wahidỹydu mahādu-ò. ⁴ Tahe Judasi rarybere: —Ixāwirahe, jiarỹ raōrarunyra hābu òbitityhymy ratximyhỹrele retyhenyere heka. Tahe judeu mahādu dinodu rarybere: —Jiarỹboho, kia aō aōkō rare. ⁵ Tahe Judasi nieru-di bedetyrele rihure. Tahe rōhōnyre iribi. Tahe rare. Rerotihikỹ-di rexibòtōtaare. Rexirubunyre. ⁶ Tai tahe xiwena wahidỹydu

wedu riwyre nieru bede-ribi: —Aõwexe kanieru rikiwinyrenykre? Dohodỹyna hetowo-ò rikirutyrenyke heka aõkõre. Aõma dori rare rubuòwymy iwahidỹỹ heka rare. ⁷ Urile suõle rikiwyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aõma butxi widỹỹna subede heka riwinyrenyre. Kia heka inire suni wahe. ⁸ Kia bedero tahe rininire aõma Hãlubu Bederomy heka rininire. Wiji tule ini rare. ⁹⁻¹⁰ Iwese Jeremia tyyriti-ki roire wesele heka tii riwinyre:

Tahe 30 —Womati nieruõ-di heka bedero riwyre butxiwidỹỹdu-ribi. Iwese kai riwa-
teònyre wese. Kia iòwy rare judeu mahãdu-ò tamy riwahinyre wahe. Txiòdỹỹna
òwy wahe.

¹¹ Jesuisi heka Pilato, bede dinodusỹ-ki ratximyhỹ. Pilato tahe tamy rỹỹraxire: —Kai aõbo judeu mahãdu iòlò atxiteri? Jesuisi dirawyònyde: —Kai tuu tarybeta. ¹² Xiwena wahidỹỹdu wedu heka tamy rarybere: —Jesuisi rirawyònyòhyyre. Judeu mahãdu wedu-ò tule rirawyònyõre. ¹³ Pilato tahe tamy rarybere: —Kai aõbohe rybe-ò taholate. ¹⁴ Tule tamy Jesuisi dirawyònyòhyyde. Byy! Urile Pilato ribedeòtiidỹỹnyre. ¹⁵ Pascoa worana bedehesi bededỹỹnana tikiemy tuure. Ròtenawo-ribi heka sohoji beòra beòrahyyle ixinamy inyõ rexideònymyhỹ, inysõwe rybe òraru-ki wahe. ¹⁶ Kia beòra tahe hãbu ibinatytyre ròtenawo-ki rỹire. Baraba inire. Ibutumy iny tuu rieryre. ¹⁷ Aõma Pascoa worana bedehesi rỹireu ibutumy iny ributumy. Tahe Pilato ritỹỹraxinyre: —Tibohe ixinamy ariteònykre Jesuisi Kristu aõbo ada Baraba aõbo? ¹⁸ Tahe iny heka ibutumy urile Jesuisi Kristu luure heka. Tai tahe judeu dohodỹỹdu wedu mahãdu tahe aõkõ tamy waritimy rityhenyrenyre. Pilato kia rieryre. ¹⁹ Iu tabede ywina dohodỹỹna-ki Pilato rỹireu, ihãwyy tamy tyyriti riwahinyre. Kawese heka rarybere aõma: —Ixinamy Jesuisi biteònykre. Anobinatytymybo dokuri rarasino txu wadi reakareri. Jikarỹ anohõkỹmy dỹkỹnana sõwemy ratỹkỹnyre Jesuisi kòraru-ki wahe. ²⁰ Iny sõwehekỹ-ò heka xiwena wahidỹỹdu mahãdu wedu rarybere: —Kaiboho mararybebenyke: —Baraba ixinamy biteònykre. Tiiboho dirawyònyde: —Jesuisi birubunykre. ²¹ Iribi Pilato rarybere: —Tiwexe ixinamy ariteònykre? Tiiboho dirawyònyde: —Baraba biteònykre. ²² Pilato tahe rỹỹraxire: —Aõhebo tahe arotỹỹnykre Jesuisi-di, Kristu-di? —Itxèò nihikỹ-ki bitamadỹỹnykre. Birubunykre. ²³ Pilato tamy rỹỹraxire: —Aõbinahakỹ aõbo riwinyraki? Tai tahe ibutumy iny rirajuamy rỹimyhỹ: —Birubunykre kia bitamadỹỹnykre. ²⁴ Pilato iny sõwe-di aõ riwinyòhyyre aõbinatyhy òsana ròhònykremy idi ròhòtinyre, tai tahe inyõ rarybere: —Bee kidiwykremy baciaro-ki. Tahe tebò risuhore iny sõwehekỹko-ki. Tamy rarybere: —Jiarỹ kỹny waòraru-ki aõkõ heka rurukre. Kaiboho heka irubudỹỹ erydumyhe boibekre. ²⁵ Tahe ibutumy iny rarybere: —Awire, inyboho heka irubudỹỹdu erydumy rokoirekre, tule wariòreny òraru-ki wahe ihãlubu rejuxunykre. Soldado ridyre itxèò nihikỹ-ò ritamadỹỹnykremy rirubunykremy. ²⁶ Tai tahe Pilato heka Baraba riteònyre ixinalemy. Iribi tahe Jesuisimy raòhòtere.

²⁷ Pilato soldado mahãdu urile idi juhu risinyre, soldado tyamy ritidire. Pilato heto-ò ridyre. ²⁸ Ityky iribi ritare tahe aõma tykysò-di ritidire heka juhu rihetyre. ²⁹ Iòdỹỹmy tahe idi ede lòrilòrihikỹ irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòtyhy. ³⁰ Ityre rarybexinyre. Òwòru rimyre tahe iratimy tuu raòhòtere. ³¹ Iribi ritarenyrenyre ihõrõ itykyle ixityre rirutyre ityre-ki. Idi tahe ryò ròirenyre.

³² Iu ròhònyreu, hãbuõ Sireni bede luduõ-wana witxi reare. Tamyhe rarybere Jesuisi itxèò riwykemy.

³³ Tahe Kòkòta hãwãlò-ò reheminyre. Aõma, rubu ratityby wesemy heka rare. Tai tahe Kòkòtamy heka rininimyhỹrenyre.

³⁴ Tii vỹ riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

³⁵ Tahe itxèò nihikỹ-ki ritamadỹỹnyre. Irahu-di tahe ity heka ritxuatxuarenyre wimy rarudeòsanyre tibo iwydydukemy.

³⁶ Idi tahe retehemy rorukumyhÿrenyre. ³⁷ Irati tyre-ki tahe ritidÿÿnaõ roire:
—Kia Heka Jesuisi Rare, judeu Iðlò Mahãdu.

³⁸ Tule wasidu brebunahakÿ tii-wana ritamadÿÿnyrenyre itxeð hòkÿ-ki, ijõ iruru-ribi, ijõ ihywe-ribi. ³⁹ Iny ibire-di reamyhÿ idi risinymyhÿ kamy rexirybenymy: ⁴⁰ — Kai inihe bexitake, kai Deuxu Riðre tateki. Bodobeheke itxeð nihikÿ-ribi. ⁴¹ Kai heka arurudiremy iximy tarybemahãte. Dohodÿÿna biatykemy heka iximy tarybete tahe inataõtxu-di heka biwinykemy tarybeta. Tule xiwena wahidÿÿdu wedu mahãdu idi risinyre. Tii tahe rarybere: ⁴² —Tii heka iny iwitxira witxira aõbina bina-ribi ritamyhÿre ihãre tahe taaõbina bina-ribi rexitaõtyhy. Tii heka aõ judeu mahãdu iðlò aõkõ rare. Myheka tuu rarybemyhÿ. Kia itxeðhòkÿ-ribi kedexiberesedÿÿnykekile tahe rikityhynyrenykre inatyhymy. ⁴³ Tii heka iximy rarybemyhÿre Deuxu Riðre raremy, Deuxu rityhynymyhÿremy. Reketeherenykre inihe aõbo Deuxu riwiðhenanykremy wahe. ⁴⁴ Wasidu mahãdu kia itxeð nihikÿ rÿire iwesele heka tamy rarybere.

⁴⁵ Txutyeu tahe bede luruhukÿ bede reare, txioro tirehehekÿule bede kamy reare.

⁴⁶ Kiaule tahe bede ratÿnyre Jesuisi iu ryryre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

⁴⁷ Tai tahe iny sõwe mahãdu irybe-ð doholade. Ijõ kiamy narybede: —Eliasi-ð hòwa ryryreri. ⁴⁸ Kia ele elemy riwinyre noseõ. Idi tahe vÿõ riryry tamy idi riteðnyre. Teðrehemy riwinyre bemy rimonykremy. ⁴⁹ Ijõhe raryberenyre: —Txiokre inihe inatyhymy aõbo reketeherenykre inatyhymy aõbo Eliasi iwiðhenadÿÿmy kanakremy aõbo inihe. ⁵⁰ Jesuisi ixityre rirajuare. Rurure. ⁵¹ Kia dohodÿÿna heto-ki heka xiwõtenaõ rÿimyhÿre ierykõna. Tahe urile idi xiwanaale ruamy reare iratyre-ribi bede-ð. Suuhe ramytatare. Mana rabðhòbòhònyre. ⁵² Wabede hãlooõ heka riraynyre. Deuxu hõrõ mahãdu sõwemy rubu-ribi riixixanyre. ⁵³ Wabede-ribi ròhònyrenyre. Iu Jesuisi rubu-ribi riixixareu tahe Jerusalẽ-ð ròrenyre. Tai tahe sõwemyhe iny tuu robire. ⁵⁴ Tai heka soldado dinoduõ ratximyhÿ idi retehemy. Tule soldado mahãduõ tii-wana ratximyhÿre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riðre heka rare. ⁵⁵ Hãwyyõ tule retehemy ratximyhÿre irehe-ribi idi. Aõma hãwyy Jesuisi riwiðhenanymy raremyhÿ heka idi retehemyhÿre. Tiiboho Kalileia bede-ribi doide. ⁵⁶ Marie Madalena, Marie Txiause Jyjese, Zebedeu riðrese tule tai ratximyhÿ.

⁵⁷ Bedesòmny Jyje rehemynyre. Tii ityhy heka rare Arimatea hãwã luduõ ratximyhÿre. Tii Jesuisi tyhydÿÿduõ ratximyhÿ. ⁵⁸ Tai Jesuisi umy rexitðenyre Pilato-ribi. Tai tahe Pilato rarybere: —Tamy biwahinykre. ⁵⁹⁻⁶⁰ Tahe Jyje linho tyky rirahanany. Tai tahe aõma wabede tÿmyrahakÿ riamy roirerið heka rituunykremy idi rara. Idi mana nihikÿ ritidire txið. Idi ròrenyre. ⁶¹ Marie Madalena ijõ Marie-wana taile retehemy ronyre wabede-ki.

⁶² Ijõ txu tahe fariseu mahãdu wedu tule xiwena wahidÿÿdu wedu heka Pilato-ð sexta feira rahudi tahe, judeu mahãdu elehyta txu wahe ituere. ⁶³ —Jesuisi irumy raremyhÿu tii rarybere:

—Rubu-ribi heka ariixixanykre inataõ txu-di.

⁶⁴ Ruimy rare tahe ihãrele tahe biyrubunyke iwabede. Aõkõkre-wana tahe ierydÿÿna mahãdu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre. ⁶⁵ Tai tahe Pilato riteðnyre soldado mahãduõ txið-ki. Tamy rarybere: —Awimy biyrubunyke! ⁶⁶ Kia bede erynaõ heka tamy ritidire. Txið-ribi resekreule heka rieryrenykre. Tahe soldado mahãdu riyrubunymyhÿre.

28

¹ Ijõ txu rudile tahe Marie Madalena, Marieõ-wana rare ihãloona-ð itxeremy, domingo, nobiutxu wahe. ² Aõwesele tahe iu suu ramytatare. Wanyrÿ ÿju heka dobehede biu-ribi iu. Tahe hãloo ijõ-ribi mana ritamy ityre ronyre. ³ Iòsÿny heka

urile ritoosònyhÿkÿre. Ityky tasÿ iurahakÿre. ⁴ Idi itxeredu mahãdu heka aõma ruberunihikÿrenyrene. Urile rõhõtiberemy reserenyrene. ⁵ Ýju rarybere hãwyy-ò: — Uritere berebuõmyrenyke. Kai aõbo Jesuisi teijeteri, inatyhy? Aõma itxeò rita-madÿÿnyrenyrene wahe. Reeryre kia. ⁶ Aõkõre kaki aõkõ heka ratxireri. Tii dori rubu-ribi rexiixixanyrene iwese tii iximy rarybere wese wahe. Beteheke inihe iherina tyby-ò tai juhu roimyhÿò. ⁷ Make karibi ele elemy ierydÿÿnako belyykre tii rubu-ribi rexiixixanyraki. Tii heka rara Kalileia-ò tamy wirotyreriò. Matahe, relyyra dorihe adeereny. ⁸ Tai tahe rakòrunyrenyrene, hãwyyboho. Ruberumy ròirenyrene tasÿ reysamy ròirenyrene. Ierydÿÿna mahãdu-ò heka riijemyhÿre aõma ýju rybemy ikoreny relyyky. ⁹ Iu rakòrunyrenyraule tahe wii reòbynyra. Jesuisiwanale heka itxi rekoare. Idi tamy rehemynyrene iòhòmy. Iwa rimyrenyrene tahe riwowydynyrene. Jesuisi tamy rarybere: — Toiteri aõbo! ¹⁰ Uritere breburenyõmyke. Boibeny tahe ijyymy waityhydÿÿdu mahãdu seriòre-ò heka Kalileia-ò aròirenyky. Tai tiiboho-wana wii areòbynyrenyky.

¹¹ Tai tahe tiiboho ròirenyrene. Kiaule tahe wabede soldado itxeredu rehemynyrene xiwena wahidÿÿdu wedu-ò wahe. Tahe ibutumy relyyre iko. ¹² Tai tahe nieruò riwahinyrene ruiõmy relyyky. ¹³ Tamyreny raryberenyrene: —Ierydÿÿna mahãdu heka ridyra watÿireny reòbylemy. ¹⁴ Tai tahe bedede dinodu rierykreu heka aõ adee beleõtyhy aõbinahakÿò. ¹⁵ Tai tahe nieru sòwemy riwyrenymy tahe tuu ròirenyrene ruimy. Wiji dori tuu ijy rÿira. Ibutumy judeu mahãdu kia rybe-ò rityhynymyhÿre.

¹⁶ Idi tahe ierydÿÿna mahãdu ròirenyrene Kalileia-ò. Tiobo Jesuisi riteònyrenyremy juhutyhy. ¹⁷ Jesuisimy robirenyre tahe tiiboho bedede-ò reserenyrene tahe riwowydynyrenyrene. Ijõ mahãduõ riseõnylemy idi rõhõtinyinymyhÿre. ¹⁸ Tai tahe Jesuisi iòhòtyhymy tamyreny relere kiamy tamy rarybere: —Waruruna heka ibutu ratyre ratximyhÿre kabede-ki tule, biu-ki tule. ¹⁹ Tai kaiboho waha deòdumy boibenyke ibutumy iny bedede mahãdu-ò, bedede bedede konananahakÿ mahãdu-ò ihyy behemynybenyke. Waityhydÿÿdumy heka bitxienybenyke. Wahanimy, tule Deuxu Riòrenimy, tule Deuxu Tyytybytyhynimy, tahe bòratisebedÿÿnybenyke wadeòdurenymy, Waha, Ityytybytyhy, Iriòre kaboho deròwumy wahe. ²⁰ Ibutumy aõbo wabede ywina adee rewahinyredi bibedeerykre. Uritere nohòti losarenyõmy awanarenhyhy dori ararekre bededÿÿnanahy rekehemynykre.

Marku Deuxu Rybe Wihikỹ Tỹmyra, Marku Tyyritidỹydu

¹ Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riòre rare.] ² Myheka Isaia tyyriti-ki kia rybe rỹire: Deuxu rarybere: —Boholake, waòwàdàdu ariteònykre akomy. Tii ary riwinykre.

³ Tii rryrymyhỹ bederahy-ki: —Kai biwinykre rywihikỹ Wanyrỹ dee. Òbiti tamy biwinyke.

⁴ Joaò Sebedỹydu bederahy-txi taile ihỹmyhỹ rybe tyyriti ritỹnynymyhỹ. Tii sebenaòmy riòbitinymyhỹ. Kia riwinykemy ixi-txi tòhòti reakemy taòraru-txi kia Deuxu ritakemy.

⁵ Ibutumy Judeia bede ludu mahàdu Jerusalē hāwā mahàdu-wana rare bederahy-ò. Taòrarumy relymy rahudi tahe, Joaò risebenyre bero Jordaò-ò. ⁶ Joaò rexytyynyre kamelo rade tyy-di, tule iròdutyy wereysana iwetya-ki roimyhỹre. Irỹsỹna raremyhỹ, seihikỹle bidi-wana. ⁷ Joaò rybe tyyriti ritỹnynydyỹmy rarybemyhỹ: —Jiarỹ aò aòkò rare, waruru-di aòkò. Inyò wahewomy kanakre tahe iruru waruru ratyredỹynadu rare. Waratyre awityhyke. Jiarỹ riwaixỹrunumy watxireri iwataana ese-ki. ⁸ Jiarỹ bedi aràsebenyre. Tii heka Deuxu Tyytybytyhy-di aràsebenykre.

⁹ Kiatxu Jesuisi nade Nazare Kalileia bede ludu-ribi. Joaò tii risebenyre Jordaò bero-ò.

¹⁰ Tii bera-ribi dotuodeu biuwetyky rarayre. Deuxu Tyytybytyhy heka bòtòe wese tamy dobehede. ¹¹ Deuxu rybe-ò roholare biu-ribi: —Kai heka Wariòre waluu Tate. Adi wadeysawihikỹreri.

¹² Aòwesele Deuxu Tyytybytyhy heka Jesuisi riteònyre bederahy-ò. ¹³ Tii bederahy-ki 40 txumy bede idi rỹire. Satanasi aòhòkỹmy risỹnymy Jesuisi raremyhỹ. Iròdu deborehekỹ tai rỹiramyhỹ. Yjurenymy iyubudỹydyỹmy rehemynyre.

¹⁴ Joaò rare ròtenawo-ò, idita Jesuisi Rybe Wihikỹ ritỹnynykremy dehemynyde Kalileia-ò. Jesuisi heka Rybe Wihikỹ ritỹnynydyỹre: —Deuxu Iòlòna bede-ò wahe.

¹⁵ Jesuisi rarybera: —Bedeỹynanahe bede reara. Deuxu Iòlòna bedehe iòhòra. Kaiboho ixi-txi òhòtirenymy reake aòrarurenymy-txi bityhynybenyke Deuxu Rybe Wihikỹ.

¹⁶ Jesuisi aho ijàti-ki rariamymy ihỹmyhỹ. Tii robira tuurenymy taseriòre-wana ihỹmyhỹ-ò, Simaò Pedro, Andre-wana. Tiiboho rehumymy ihỹmyhỹrenymy rià-di. Tiiboho heka waxidu roire. ¹⁷ Jesuisi rarybera tamenymy: —Kaiboho bodoibedenyke wahemy. Tai tahe araerynanyrenykre inymy rymykemy utura temyta wese. ¹⁸ Tahe aòwesele rià ririrenymy. Roire Jesuisi-wana. ¹⁹ Iko roire Joaò, Txiau, taseriòre-wana. Tiiboho heka Zebedeu riòre roire. Tiiboho hāworo-ki ratximyhỹrenymy rià riywinymyhỹrenymy. ²⁰ Jesuisi tamenymy rarybera: —Wahemy bòdòike. Tahe aòwesele tybyrenymy ririrenymy teòdu-wana. Tahe tiiboho roire Jesuisi-wana ierydỹynamymy roirekemy.

²¹ Tiiboho rirònyrenymy Kafanaò hāwā-ò. Judeu mahàdu aòmysỹdỹydyỹna txu aòkò. Jesuisi ralore judeu mahàdu dohodỹydyỹna heto-ò erydỹydyỹmy. ²² Kowa mahàdu urile bede riòtiinymy irybe-ki. Tii heka irurutyhy-di rierynanyre, ierydỹydyỹdu mahàdu wese aòkò rohodỹynanymyhỹre. ²³ Kia bedeu heka hābu tyytybybina-di ratximyhỹre dohodỹydyỹna heto-ki. Tyytybybina hābuwo-ribi rarybere: ²⁴ —Aòhebo wadi botỹydyỹnykre Jesuisi Nazare ludu. Biwahubenykre aòbo? Jiarỹ araeryre mobo kai Tatehe, kai heka hābuòtyhy inatyhy Deuxu-ribi kai Tate. ²⁵ Jesuisi tarurumy rarybere: —Kai rybeòmyke. Iribi bòhònyke tyytybybina. ²⁶ Tyytybybina hābu riatyre riworỹsỹworỹsỹnylemymy. Tyytybybina rryryre rybe iteremymy, idi ròhònyre. ²⁷ Ibutumymy inymy ribedeòtiinymy. Ritỹyaxinymy ijò: —Aòwexe ratxireri, aòerydỹynatỹmyrabo ratxireri. Tii riteònyre tyytybybina. Tyytybybina Jesuisi rityhynymy. ²⁸ Ityhynina Kalileia bede bedemymy reare.

²⁹ Tahe dohodỹydyỹna heto-ribi ròhònyrenymy. Jesuisi, Txiau, Joaò-wana roirenymy Simaò, Andreboho heto-ò. ³⁰ Simaò riòre lahi roimyhỹ rubunamymy. Tahe aòwesele tuu relyre Jesuisiko. ³¹ Jesuisi rimymy tebò-ki, tahe, aòwesele irubuna ixāwira. Idi tahe hāwyy tamenymy bede redere.

³² Txu ralòmy rahudi, ibutumy tamy didydenyde inybina bina. Tule iny tyytybybina tamy didydenyde. ³³ Ibutumy iny hãwã ludu iheto ijò wirotyre. ³⁴ Tii ibutumy binana òta òta riywinyre. Sòwemy tyytybybina riòlòdỹnyre. Tyytybybina Jesuisi rierymyhỹre. Tai tahe Jesuisi riijõnyre tyytybybina rarybekeò.

³⁵ Rudile Jesuisi rare bederahy-txi rexitòenykremy. ³⁶ Simaõ, ijõ mahãdu-wana Jesuisi ijesetyhymy roire. ³⁷ Tiiboho Jesuisi raharenyre. Tamy rarybere: —Ibutumy iny arãijereri. ³⁸ Jesuisi tamyreny rarybere: —Rokoikehe rekexinoranyrenyke hãwã wixira-ò. Jiarỹ tamyreny rybe tyyriti aritỹnykremy. Iurenana tahe jiarỹ anade. ³⁹ Jesuisi rare ibutumy Kalileia bede-ò. Tyytybybina iny-ribi riteònyre. Tule dohodỹna heto-ki tii rybe tyyriti ritỹnyre.

⁴⁰ Hãbu tyybina mahãduõ Jesuisi-ò nade. Tii tatiowotimy resere Jesusiko-ò. Tahe Jesuisi-ò hãbu rarybere: —Adee awikeki tahe, biwateytenyke. ⁴¹ Jesuisi juhu urile riwotòenyre. Tii hãbu ritorunyre. Tahe rarybere: —Wadee awire, atyy awimy relekre. ⁴² Tahe aõwesele itybybina reytera. ⁴³ Jesuisi hãbu riteònyre. Rarybere: —Kai tahe inyõdee rybeõmykre. ⁴⁴ Kai bexiteòsinykre Deuxu aõmysỹdỹdu-ò. Iwese Moisesi ròerynadỹnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atximahãtemy. ⁴⁵ Tahe hãbu rare ibutumy inyko relyyra. Kia heka Jesuisi tahe uritere hãwãhãkỹò-ò ralòõhyre. Tahe bederahykile rarire. Ibutumy iny tamy rare ibutumy bede bede-ribi.

2

¹ Tiutxuõmybo Jesuisi dòdsede Kafanaõ-ò. Idi tahe rybe reare rehemynymy ratxymyhỹ heto-ki. ² Tahe iny, aõriòre aõkõ, tamy wirotyre heto ijò-ò. Tahe Jesuisi relyymyhỹ Deuxu rybemy. ³ Hãbu inaubiòwa heka hãbubina-di tamy detyydenyde. Kia hãbu rawòronyre taumy-ki. ⁴ Jesuisi-ò rehemynyõhykylere iny sòwerekiki. Tahe raòwònyrenyre idi heto ratyytyre-ò. Hetotyre riraynyrenyre tahe reru-di diberesedỹnydenyde byretyre-ki Jesusiko-ò. ⁵ Jesuisi rieryre hãbu rityhynyrenyre, tai rarybere hãbubina-ò: —Waexi aòraru-ribi araixitarasadỹnyre. ⁶ Bede ywina erydỹ mahãdu rorukurenyreri, ixideele rarybemy rỹimyhỹre: ⁷ —Aòherekibo hãbu kiawese rarybereri. Tii iòwe òwelemy rarybereri. Deuxu dee aõbina binalemy rarybereri. Mobo tahe òraru-ribi iny ritake. Deuxule òraru-ribi iny ritake. ⁸ Jesusile roholaõlere ihãrele rieryre aõmybo raryberenyre. Tai tahe Jesuisi tamyreny rarybere: —Aòherekibo kiawese tarybetenyteri. ⁹ Tibohe isiraõtyhyre, tuu ararybeke: —Aòraru-ribi anaixitarasadỹnyre ada myike, abyre bimyyke, mariake. ¹⁰ Kaiboho bierykemy Deuxu Riòre Hãbutyhyhykỹ irurudire iny òraru-ribi iny ritakemy. ¹¹ Tahe hãbubina-ò rarybere: —Boholake, myike, abyre bimyyke tahe makre aheto-ò. ¹² Tahe hãbu rỹire, tabyre rimymy tahe rare ibutumy inyru-ò. Ibutumy bede riòtiinyre tahe reàlãre Deuxumy. Ibutumy rarybere: —Tiu heka aõmy kawese rabiõhyymyhỹre.

¹³ Jesuisi rare ahohokỹ ijà-ò. Ibutumy tamy doide. Tii iny ribedeerynyre. ¹⁴ Levi, Afeu riòre, rononymyhỹ nierumynydu hetowo-ki. Jesuisi ibire-di rareò, tii robira. Jesuisi heka Levi-ò rarybere: —Waijoimyy mynake. Tahe rỹimy reare Jesuisi ijoi-ò ralore.

¹⁵ Jesuisi taerydỹna-wana rorukure Levi hetowo-ki. Tule nierumynydu mahãduõ rononymyhỹre òrarudu-wana. Ibutumy riroximyhỹrenyre. Sòwemy heka kia iny mahãdu Jesuisi riheludunyenyre. ¹⁶ Bede ywina erydỹ mahãdu, lahi rybe-di erydỹna mahãdu tuu robirenyra. Idi raryberenyre Jesuisi erydỹna mahãdu-ò —Aòherekibo tii riroxireri òrarudu-wana, nierumynydu-wana. ¹⁷ Jesuisi roholareu, tamyreny rarybere: —Iny ibinaõkeki tahe luahidu tamy kanaõtyhy. Tahe iny ibinakeki, tamy kanake bina-ò. Òbiti mahãdu itxemy aõkõ anade. Tahe òrarudu mahãdu itxemy anade.

¹⁸ Joaõ erydỹna mahãdu, lahi rybe-di erydỹdu mahãdu-wana byreõhyky txuu tutyhyle rỹimyhỹrenyre. Tahe roire Jesuisi dỹraxidỹmy. Inyõ Jesuisi ritỹraxyre: —Aòherekibo Joaõ erydỹna mahãdu byreõmy rỹiõmyhỹre. ¹⁹ Jesuisi rirawyònyre: —Heriduõ, itxeredu-wana ratxireriu, byreõmy rỹiõtyhy tutyhylemy. ²⁰ Tiutxulemybo tahe

heridu iribi kanatakre, tai tahe byreõmy kõnyikre tutyhylemy. ²¹ Moheka tyytõmyra dõbõna ritidikre tyytyby-ò. Idi inatyhymy dõbõna rayjakre tahe tyytyby sõwemy raykake. ²² Moheka òteti bederatyrube tõmyra rihynymyhõre iròdutyty walabuutybywo-ò. Idi tahe raberyrõnymyhõreu, urile iròdutyty walabuu raykake tahe irube rejujuke. Tule iròdutyty walabuu ribinadõõnymyhõre. Irubetõmyra awire heka iròdutyty walabuu tõmyrarokile.

²³ Judeu elehydõõnareny txu Jesusiboho ririranymyhõrenyre maixõmo wesena oworumy, tai ierydõõna riòrõmyhõrenyre riroxirenykemy. ²⁴ Tahe lahi rybe-di erydõõdu mahõdu rarybere Jesusi-ò: —Aõherekibo aerydõõna mahõdu riwinyreri aõwidõõna aõkõ karare sabado txu. ²⁵ Tahe Jesusi tamy rarybere: —Kaiboho aõbo teriranyõletenyta tyyriti-di. Iwese Daviboho-wana aõhebo rotõõnyreri aõmy rekoarenymahõu, rama rahumyhõrenyu. ²⁶ Tii ralore hetotyhy-ò. Tai tahe orotxu sira ybina riyre, tule tamahõdu-ò riwahinyre. Kia tahe Deuxu deòdule rirõõsõmyhõre. Kia Davi aõhebo rotõõnyre Abiata heka Deuxu deòdu wedurau. ²⁷ Jesusi tamyreny rarybere: —Sabado txu heka rawidõõre inydee, iny tahe rawidõõõre sabado txu dee. ²⁸ Deuxu Riòre Hõbutyhyhykõ tahe sabado txu wedu rare.

3

¹ Ixityre Jesusi ralore dohodõõna hetowo-ò. Hõbu debò binahakõõ tai ratximyhõ. ² Lahi rybe-di erydõõdu mahõdu Jesusi retehemyhõrenyre. Jesusi sabado txuule riteytenykeki, tiiboho rarybekemy aõbinabinakibo raharenkykemy Jesusi. ³ Jesusi heka hõbubina-ò rarybere: —Manake. ⁴ Tahe Jesusi ijõ mahõdu-ò rarybere: —Aõwihikõwidõõ awire ada aõbinalemy widõõ awire. Tibohe awire, itarasa-ki aõbo ada rubu-ki aõbo. Hõbu mahõdu urile riyryre. ⁵ Jesusi tamyreny retehere raõbinamy. Tii heka iaõna aõna riwotõenyrenymyhõ. Jesusi hõbu debò bina-ò rarybera: —Ebò biterenyke. Tai tebò riterenyreu, aõwesele awimy relere. ⁶ Lahi rybe-di erydõõdu mahõdu rara Iòlò Herodi mahõdu-ò. Tiiboho raryberenyre timybo tahe Jesusi rirubunyrenyke. ⁷ Jesusi rexitare taerydõõna mahõdu wana aho-ò. Tahe sõwemy iny Judeia mahõdu, Kalileia mahõdu riheludunyre. ⁸ Ibutumy aõna aõna roholare Jesusi riwinyreò. Tahe sõwemy tamy nade: Jerusalõ hõwõ mahõdu, Idumeia hõwõ mahõdu. Iny Jordaõ bero ijõ-ribi tule nade. Tule iny Tiro hõwõ, Sidõ beà hõwõ-ribi iòhõmy tamy nade. ⁹ Tahe Jesusi taery mahõdu-ò rarybere: —Walawò bidiwykre. Iny sõwemy dori rehemynyneri. Kidiwawotõmonykre õsana. ¹⁰ Ibutumy bina mahõdu ibymy tebò reareri ixideytedõõmy. Urile iny sõwemy riywinyre dori. ¹¹ Tyytybybina Jesusi reteherenyreu, urile iko-txi resere ryyreri: —Kai Deuxu Riòre tate. ¹² Tai tahe Jesusi rarybere tyytybybina-ò, uritere iteòsidõõmykemy.

¹³ Tii raòwõnyre bederatõõmy. Tahe taerydõõna-ò ryyre tibo tamy reòbykemy. Tahe tamy nade. ¹⁴ Tahe ierydõõna waòinatxi reurõmy rarunyre tii-wana rarekemy, rybe ritõõnyndõõkemy. ¹⁵ Tule iruru-di rarekemy inybina riteytenykemy. Tule irurudikemy tyytybybina riteònykemy. ¹⁶ Kie ierydõõnanirenyre: Simaõ, (tii tahe Jesusi ijõni riwahinyre, Pedromy) ¹⁷ Txiau ijõ, tii Zebedeu riòre rare. Kia seriòre Jesusi rininirenyre, Boanejimy, inireny. Kia heka irybereny rare, Biumenty riòrereny. ¹⁸ Ijõ heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijõ Simaõ iwitxira, (tii brebuõmy rybe-ki, tasubedeluudu wahe.) ¹⁹ Judasi Isariò ijõre, kia heka Jesusi riwahinyre iòludu-ò.

²⁰ Tahe Jesusi nalode taheto-ò. Ixityre iny sõwemy tamy nade. Tai tahe Jesusi taerydõõna-wana riroxiõhyre. ²¹ Idi tahe Jesusi leinareny itxõtesana roholarenyre, riòryrenyre. Tiiboho raryberenyre: —Jesusi itxõte iòhõlere. ²² Bede ywina erydõõ mahõdu doide Jerusalõ-ribi rarybemyhõrenyre: —Belisibu idi ratximyhõre. Tyytyby wedu ruru-di tyytybybina iny-ribi riteònyneri. ²³ Jesusi inyko ijyymy relyre: —Timy taheka Satanasi rexiteònykre Satanasi. ²⁴ Iòlõna wiribi rexihitxinykeki tahe, rexihukre ibutumy wiludu. ²⁵ Tahe sõro luduõ wiribi rahitxikeki, rõiõtyhy. ²⁶ Satanasi rõikeki reburemy, tii ixibõtile rexirubunyke. ²⁷ Inyõ heka hõbu rurutere hetowo-txi

ralòòtyhy. Tai rawasinykeki, urile iny ritaataake. Urile hābu rataataakeki, iròòbymy iny rawasinyke. ²⁸Inatyhy jiarĩ adee ararybereri, ibutumy òraru heka kanaixāwidinykre hābu dee aòtxile aòbina binamy rarybemyhÿre. ²⁹Kia inyò aòtxile aòbina binamy Deuxu Tyytybytyhymy rarybekeki, tiu heka ìòraru rataòtyhy. Kia òraru riwinyre tiiehyymy rarekemy. ³⁰Jesuisimy kiamy narybedenyde: —Tii heka tyytybybina dire.

³¹Tadi tahelÿÿna-wana nade. Tahe ahanakile ritamanyre. Tamy riteònyrenyre iòrysmy. ³²Iny sòwemy iwerora-di ronyre. Tahe Jesuisise-ò rarybere: —Adi aser-iòre-wana ahanakile nyide, araijereri. ³³Jesuisi rarybere: —Mowe nadi rare, waseriòre-boho rare. ³⁴Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite. ³⁵Inyò aòna aòna riwinymyhÿkeki, Deuxu dee awira. Kia heka nadi, waseriòre roire.

4

¹Jesuisi ròðsera ahobero ijà-ò iny dohodÿÿmy. Sòwemy iny wirotyre. Tai Jesuisi ronyre hāworò-ò tahe rexitaranyre ahoro-ò. Aho ijà-ò iny wirotyre ijohonamy. ²Tii aòna aòna sòwemy roerydÿÿnanyre ijyytyhydile. Kaa ijyymy tii relyyre: ³—Boholake, alòbòròna-di dehuu rara alòbòrònamy. ⁴Alòbòròna-di rehumyhÿu, ijò ryro-txi resere. Tahe nawixòmo rirore. ⁵Ijò rejujure manarutàsú-txi. Tahe aòwesele raumynyre iraruxiòlemy su dori ibutere. ⁶Irauxiòreki, bede tòtee alòbòròna rimoenyre idi rurura. ⁷Ijò oworuty resere edehu-txi idi ruhunyre edewanale. Tai tahe ede-ò riòdesenyre tai raratynyòlere. ⁸Ijò resere su wixira wihikÿ-txi. Kia tahe raumynyre. Tahe sohoji oworutyò 30my iraty raratynyre. Ijò oworuty 60my raratynyre. Ijò tahe 100my raratynyre. ⁹Tii rarybera: —Kaiboho aòbo òhòtidirenyre, inatyhymy warybe-ò boholake. Adee awikeki, bierybenyke.

¹⁰Iny robÿtÿreu, ijò rarilere ierydÿÿna mahādu-wana. Tiiboho rÿÿraxire Jesuisi-ò: —Aòhekembybo telyyta ijyymy. ¹¹Jesuisi tamyreny rarybera: —Deuxu lòlòna rybemy Deuxu araerynanykre. Kia heka tuu teeryòmahāte. Kowaboho-ò jiarĩ urile ijyymy relyyra. ¹²Tai tahe kia wesele relyyra.

Iny retehemyhÿkemy tahe robiòhyymyhÿre. Roholamyhÿre ta, rieryòhyymyhÿre. Tai tahe ralòkemy aòkò, taòraru riixāwididÿÿnakemy aòkò.

¹³Tii tamy rarybere: —Kaiboho aòbo teeryòhyyletenyteri ijyy. Ihāre tahe timykibo bierybenyke ijyy ibutumy. ¹⁴Aloborodu rehumyhÿ alòbòròna-di. Kia oworuty heka rybe wese rare. ¹⁵Oworuty ryjāti ludu heka iwese uriijohonadu wese heka rare. Rybe-ò roholarenyre, Satanasi nade rybe iwo-ribi ritakremy. ¹⁶Manarutàsú ludu iwese iny reysamy roholareri. ¹⁷Iny urihimyoðe rarorehenymyhÿre iraruxi sòweòreki. Idihe rasirara irybe. Tule iny ralahatxinamyreki, ihyyle tahe riixāwidinyra. ¹⁸Ede rawo ludu iwese iny wixira roholareri. ¹⁹Tiiboho taaòmydÿÿnadile ròhòtinymyhÿre. Sòwemy nieru-di ratxikemy rexinohòtinymyhÿre ta nieru riitxenanyymyhÿre. Ijò aòna aònadile rexinohòtinymyhÿre. Kia aòna aòna rybe rirarutxinymyhÿre. Tai tahe rybe raratynyòmyhÿre. ²⁰Suwihikÿ ludu iwese iny wixira roholareri. Kia inatyhymy rÿireri heka raratynyre alòbòròna raratynyre wese. Ijò raratynyre 30my, ijò tahe 60my raratynyre. Ijò tahe 100my raratynyre.

²¹Tii rarybera tamyreny-ò: —Uritere loosòna ideòmyke butxi worawo-txi ada herina raworawoò-txi aòbo. Loosòna bidekre bedewiò-ò. ²²Inyò iwòteòmy aòna aòna tiiehyymy. Tiutxulemybo ratÿnykemy ihÿre. Iwòteòmy atximahābenyke aòu bodobikemy atximahātenyete. ²³Kaiboho aòbo òhòtidirenyre, inatyhymy boholake. ²⁴Tahe Jesuisi tamyreny rarybera: —Kaiboho inatyhymy boholabeny tamy taholamahātenyete. Urihixina iwese teòteri wesele, kai biwykre. Ihāre tahe biwykre ijò teòta-ribi ritamy. ²⁵Hābuò ijòdikeki tamyle rawahidÿÿke, tahe hābuò ijòòkeki iribi ratatyhyke.

²⁶Jesuisi relyyra kia ijyymy: —Deuxu lòlòna kia ijyy wese rare. Hābu rehumyhÿre alòbòròna-di suò. ²⁷Hābu rummy ròròmyhÿre txulemy rexixamyhÿre. Tii rieryòlemyhÿre

timybo alòbòròna ratybienymyhÿre. ²⁸ Suu ixi dee sohojile raratymyra. Juhuu idè ramyhÿre. Idi tahe raratynymyhÿre, ihewonau, tahe, iraty rasònymyhÿre. ²⁹ Bederaty rasònymyhÿreu, iyresydu riteònymyhÿre. Mayrabu-di riòròkemy bederatysò butudÿÿna dori rexihumyhÿre.

³⁰ Tii rarybera, Deuxu Iòlòna wexe aòwesere. Aò-ò wexe rikioirenykre. Tiwexe ijyy kawesere. ³¹ Kia heka mostardaty wesere. Tii heka iylatyhymy ratximyhÿre kabede-ki. ³² Tahe tii raumynymyhÿre wana, ireitòbòròdÿÿ ratyre rarurururunymyhÿre. Tahe nawii tamyle rasÿnymyhÿre. Iubòròrò rawolemy taheto riwinyre.

³³ Tahe Jesuisi Deuxu rybemy rierynanymyhÿre. Kia ijyy wese sòwemy ijyy rierynanymyhÿre. Kialemy iny-ò Jesuisi relyymyhÿr ibutumy tamy reny ritynynymyhÿreki. ³⁴ Kia-ò riòbitinyòlere ijyyò. Tahe iny-ribi irehemy taerydÿÿna-ò riòbitinyre.

³⁵ Iu txu txiorolemy Jesuisi rarybere taerydÿÿna-ò: —Rikiòhòrerenyke kowa weribi ijà-ò. ³⁶ Sòwemy iny rarire aho ijà-ki. Tahe taerydÿÿna tamy ralore. Roire hāwò-di. Tahe ijò hāwò idi ratximyhÿre. ³⁷ Tahe bede binahakÿ rexidelenyire yhymy. Tahe òbò hāwò rihātenymyhÿr tai ritÿmynykemy ritelenyire. ³⁸ Tai tahe Jesuisi ròròmy roimyhÿr tòro-ki irati tarahynatyre-ki. Tai tahe riixixanyre. Ijò rarybere: —Waerydÿÿdu, adeehe awimy aòbo iny ituerenykre. ³⁹ Rexixamy Jesuisi. Tii yhy riixāwididÿÿnyre. Tii ahohokÿ-ò rarybere: —Biyrke! Tai bede ruhuwihikÿre. ⁴⁰ Tamyreny rarybere: —Aòherekibo kaiboho taberutenyteri? Deuxu aòbo tetyhynyòmahātenyter? ⁴¹ Tai tahe tiiboho bede riòtiinyrenyira. Tahe widee raryberenyre: —Mowexe tuu yhy ahohokÿ-wana irybe riywinyke.

5

¹ Ritehemynyrenyire ijò berohokÿ weribi ijàna-ò. Kowa heka ibutumy hāwāhākÿ Kadarena inirenyre. ² Jesuisi hāworo-ribi resereu, hābu tyytybybina-di robire ròhònyreri wabede-ribi. ³ Kia heka tiiemy rasÿnymy raremyhÿr wabede-ki. Katahe wiji moheka womati reroti-di rataataaòtyhy. ⁴ Aòdorihe òhòòre tebò iwa rataataare womati reroti-di. Tiiemy heka rimoenymyhÿr. Teòrutu ludu tawararu ludu tule ritòtynymyhÿre iyresymy. Moheka iruruòre iny erydÿÿmy. ⁵ Txuu ruu-wana heka tii rasÿnyre wabedewo-ki. Tii rariamyhÿre bederatòòmy. Tule rirajuamy tai rexihātenyire mana-di. ⁶ Tai tahe Jesuisimy robireu, tii rajaranyre Jesuisi-ò. Resere tatiowotimy Jesuisiko-ò. ⁷⁻⁸ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aòwe wadi tate. Kai, Jesuisi, ibutumy inyò dee inyratyre tate. Kai Deuxu Riòre tate. Lāhāmy lāhā, uritere aòbina binahakÿmy wahòròdÿÿòmykre. ⁹ Jesuisi ritÿÿraxinyre: —Mobohe anire. Tyytybybina rirawònyre: —Wanireny sòwetyhyre wasòwerenyreki. ¹⁰ Urile karibi wateòdÿÿrenyòmykre. ¹¹ Tahe kowa-ki ixÿni juramy riroximy rÿimyhÿr bederatòò-ki. ¹² Ibutumy tyytybybina rexitòenyrenyire: —Biwateònybenyke ixÿni jurawomy aralòrenykemy. ¹³ Tahe Jesuisi riteònyre. Tyytybybina aòwesele ròhònyre tahe ixÿniwomy ralore. Ixÿni jura tahe raòrunyire rejuxunyire ijòtira-ribi. Berawo-txi tahe rabòròròre ahohokÿ-ki. Inatxi mil ixÿni rabòròròre. ¹⁴ Ixÿni-di itxeredu reare ijyymy ibutumy hāwā hāwāmy relyyrenyire. Tahe iny dirahude tamy itxeremy. ¹⁵ Tiiboho Jesuisi-ò doideu, tuu robirenyra hābu tyytybybina-di raremyhÿr. Tii rexityynymy ronymyhÿre. Tii heka òbitimy ròhòtynymyhÿre. Tai iny mahādu rabedeòtiidÿÿnyre. ¹⁶ Tiiboho tuu robirenyre, ijò-ò relyyrenyire ixÿni ijyymy, timybo aòhebo rotÿÿnyremy hābu tyytybybina-di ratximyhÿre. Tule relyyrenyire timybo rotÿÿnyre ixÿni jura. ¹⁷ Iny rexitòenyre Jesuisi-ò rexitakremy isureny-ribi. ¹⁸ Jesuisi hāworo-ò ralore. Tahe hābu tyytybybina-di ratximyhÿre, rexitòenyre Jesuisi-wana rakemy. ¹⁹ Tahe Jesuisi idy derare. Tamy rarybera: —Mahe asÿ-ò, aijoi-ò belyyke aòna aòna Deuxu adee riwinyremy, iwese tii araruxetòenymyhÿre wese. ²⁰ Tahe hābu rare Debòwiò hāwāreny-ò. Ibutumy Jesuisi aòna aònamy ixidee riwinyremy relyyre. Ibutumy iny ribedeòtiidÿÿnymyhÿre.

²¹ Ixityre Jesuisi rare ahohokÿ weribi ijà-ò. Ixidee iny sòwemy ributunyre. Tii heka ihÿmyhÿr ahohokÿr ijà-ki. ²² Tahe dehemynde tamy dohodÿÿna heto weduò. Ijairu inire.

Tii Jesuisi robireu, resere tatiowotimy iko-txi. ²³ Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy. ²⁴ Tahe Jesuisi tii-wana rare. Iny sòwemy tule rare iòhòkile tamy rÿire.

²⁵ Kia heka hāwyyò binamy ramyhÿre. Ihālubu rejuxunymy raremyhÿ. Bedra waðinatxi reuròmymy rejuxunymyhÿre, rihuòhy raremyhÿ. ²⁶ Tii aòhòkÿmy rotÿÿnymyhÿre sòwemy òhotibedu mahādu-di. Tahe awimy rotÿÿòlemyhÿre. Urile tanieru ibutumy rahure òhotibedu mahādu-ki. Awimy releòlemy, ire bede-ò resere. ²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki. ²⁸ Hāwyy ixidee rarybemyhÿre: —Kriale itykynora-ki karimykiki, karekyteke. ²⁹ Tahe aòwesele ihālubu ijera ixāwire. Ixidee awimy ròhòtinyre. ³⁰ Jesuisi rieryre iruru iribi ròhònyremy, tai rarybere: —Mobo watyynora rimyra. ³¹ Tahe ierydÿÿna raryberenyra aòherekibo tuu tarybeta ibutumy taheka iny abirelemy rÿireri. ³² Jesuisi retehemyhÿre urile mobo rarekemy. ³³ Hāwyy rierymyhÿ aòhebo rotÿÿnyre. Tii ruberumy Jesusiko-ò resere relyykemy iko. ³⁴ Jesuisi rarybera: —Lerÿ, atyhydÿÿna kÿnyhe aratara. Mahe, kai dori textywinyta.

³⁵ Tii rarybemyhÿò, dohodÿÿna wedu deòdu rehemynyrenyneri. Tiiboho raryberenyra: —Wawedu, Ijairu, ariòre rurumy roireri. Aòmybo tahe Erydÿÿdu-di atxiteri. ³⁶ Jesuisi kia-ò roholara tahe rarybera dohodÿÿna wedu-ò: —Brebuòmy, urile bityhynykre. ³⁷ Jesuisi-wana roire, Pedro, ijò Txiau, ijò Joaò. Joaò heka Txiau seriòre rare. Kaòle heka reòbyre tii-wana rakemy. ³⁸ Dohodÿÿna wedu heto-ò dehemynydeu, ixijjadÿÿ-ò roholara, robureriò, rirajuareriò. ³⁹ Jesuisi ralore tahe rarybera: —Aòherekibo tabutenyteri. Hiraririkÿ rurumy aòkò roireri. Tii urile ròròreri. ⁴⁰ Juhu urile tai rutxuenyrenyra Jesuisi-ki. Tahe Jesuisi ibutumy iny riòlòdÿÿnyra hetowo-ribi. Tahe ise, tybyle, ixidee rimyrenyra ratxirenykemy. Tahe tamy rirònyrenyre tai hiraririkÿ roimyhÿò. ⁴¹ Jesuisi hiraririkÿ debò rimyre tahe rarybera: —Talita kumi. (Katahe iwixira rybemy rarybera. Kiamyneri heka, mynykemy.) ⁴² Aòwesele hiraririkÿ rÿimy reara. Tahe rariara aòmyreki iwyrwa waðinatxi reuròmymy iwyrwamy. Tahe urile bede riòtiinyrenyre. ⁴³ Jesuisi riteranyre moò rierydÿÿkemy aòkò. Jesuisi tule rarybere: —Rÿsÿna tamy biwahinykre.

6

¹ Jesuisi dexitade kowa bede-ribi. Tahe tauladu tybiena hāwā-ò dehemynyde. Taerydÿÿna mahādu riheludunyre. ² Sabado txumy rierynanyre dohodÿÿna heto-ki. Sòwemy iny roholamy rÿimyhÿ bede riòtiinymy. Tahe rarybere: —Tiribibo kia hābu aòna aòna bede rieryre. Aòbedeeryhykÿbo ratximyhÿre. Timyta heka bedeòby riwinyre. ³ Kia aòbohe aòwidÿÿdule ratxireri, Marie riòrele. Tiiboho aòbohe Txiau, Jyje, Judasi, Simaò, seriòrebohòle ratxirenyneri. Terÿboho aòbohe tule kakile ratxireri. Ibutumy iny heka Jesuisi derarenyre. Irybe rityhynyòre. ⁴ Jesuisi rarybere tamyreny: —Deuxu rybedÿÿdu heka tyhydÿÿna ritaòlekre tahāwāreny-ribi, taijoi-ribi, tasÿ-ribi. ⁵ Tahe Jesuisi kowa-ki bedeòby riwinyòlere. Urile tebò ritidire inybina bina tyre, taile riteytenyre. ⁶ Jesuisi urile bede idireny riòtiinyre rityhynyòlemyhÿrenyrekiki. Tahe Jesuisi reurore hāwā hāwā-di erydÿÿmy.

⁷ Tii ixidee ributunyre tawaðinatxi erydÿÿna mahādu. Tii riteònyre inatxi inatxi iubÿtÿnyre. Tamyreny taruru-ribi riwahinyre tyytybybina deòdÿÿki. ⁸ Jesuisi tuu rarybere: —Urile biwykre adebòna. Uritere orotxu aòkò, nieruhyna aòkò, nieru wereysanawo-ki aòkò, iwidyrenyòmykre. ⁹ Uritere waubehetyòmy noòmykre. Uritere inatximy wirawomy tyy-di ixitydÿÿòmykre. ¹⁰ Hāwā-txi malòkeki, tiemy taile bonykre tiubedemybo iribihyyle bòhònykre. ¹¹ Titxi behemynybenykeki, uritere iny erarenymy reakeki, roholaòkeki, txiòrare, urileta awareny bitòtynykre bede erynamy. ¹² Tahe tiiboho roire. Rybe ritÿnydÿÿmyhÿre iny ixidee rexirahirenykemy. ¹³ Tyytybybina irehemy iny-ribi ririradÿÿnykemy. Sòwemy inybina tyre òlÿre ritxiwire. Tai tahe riteytenyre.

¹⁴ Kia heka iòlò Herodi roholara. Jesusini dori erylityhymy raremyhỹ. Tahe ijòboho rarybemyhỹreny: —Joaõ Sebedỹỹdu rexixara rubu-ribi. Ijõ rarybemyhỹreny: —Eliale ratxireri. ¹⁵ Ijõ rarybera: —Deuxu rybedỹỹdu ratxireri. Deuxu rybedỹỹduõ wese heka ratxireri. ¹⁶ Herodi roholareu aõbo Jesusi riwinyreu, rarybera: —Kia hãbu Joaõ ratxireri. Kia heka irati reorore heka rare. ¹⁷ Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hãwyõ òraru-ki kia riwinyre. Filipi iseriòreni rare. Iseriòre hãwyõni Herodia rare. Herodi, Herodia-wana roire iseriòre riòrese-wana. ¹⁸ Juhuule Joaõ rarybere Herodi-ò: —Kai aõkõre aseriòre hãwyõ-di mabeòtyhy. ¹⁹ Herodia tamy iky reamyhỹ rirubunyky ratximyhỹ tahe aõkõhyllere. ²⁰ Herodi tahe Joaõ rityhinyre. Tii rierymyhỹre Joaõ hãbu wihikỹõ ratximyhỹ. Tai riyrubunyre ròtenawo-ki. Herodi Joaõ roholareu, urile bede riòtiinyre urile roholawihikỹre. ²¹ Kia txuu ibeòra reare Herodi lisina berenamy riwinyre. Tahe ibutumy hãwã dinodu, soldado wedu mahãdu, tule ibutumy hãbu ninihikỹ Kalileia mahãdu-ribi rihuòtere. ²² Ijadõma ralore resere, Herodia riòre. Herodi, iny huòtedu mahãdu-wana tamyreny awire. Iòlò ijadõma-ò rarybera: —Aòtxile aõma wadee bexitòenyke, adee ariwahinykre. ²³ Inatyhymy adee ararybekre. Waaõna aõna iweeremy bexitòenykeki, adee ariwahinykre. ²⁴ Ijadõma tadi ritỹraxyre aõmybo tahe tamy rexitòenykre. Ise rarybera: —Joaõ Sebedỹkỹdu rati kai bexitòenykre. ²⁵ Tahe ijadõma ròsere iòlò-ò. Tahe ijadõma rarybera: —Joaõ Sebedỹkỹdu rati kai biwahinykre hyna tyre-ki. ²⁶ Iòlò sòwemy rabadewore irybe-ki. Rexitxiònyòlere iny dori sòwemy ibire-ki. ²⁷ Iòlò soldado rariare Joaõ rati òrysmy. Tahe irati riorore ròtena-ki. ²⁸ Tahe irati diwyde besetyre-ki. Ijadõma-ò riwahinyre, tahe ijadõma tadi-ò riwahinyre. ²⁹ Joaõ erydỹyna rieryreu tahe, nade iumy òrysmy. Tahe iumy riwyre wabede-ò.

³⁰ Jesusi erydỹyna mahãdu ròsereenyre Jesusi-ò. Tahe relyyrenyra ibutumy aõmydỹynana tule ibutumy rierynanyhỹre. ³¹ Jesusi tamy rarybere: —Inyboho sohojile rokoireny bederahy-txi ixielehydỹỹmy. Tii dori rarybera tamy heka byrena iòhòtyhyòlere tamy roxina raòhòòlere. Iny sòwemy tamy wii reutydynyri. ³² Tahe tiiboho sohojile hãwò-di roire bederahy-txi inyò-ò. ³³ Iny sòwemy tuu robira ròhònyrerimy. Tahe iny ibutumy hãwã hãwã ludu rajaranyre tòròsòna-ò. Tiibohole juhu rehemynyre iko-ki. ³⁴ Jesusi rororeu, tahe inymy sòwemy robire, riraòreriò. Jesusi tamy ratòenymyhỹre. Tiiboho dori iwese budoeni idi itxereduõmy rỹireri wesemy. ³⁵ Txuu raloreu, ierydỹyna mahãdu Jesusi-ò roire. Tiiboho rarybere: —Ka kỹnyhe bederahy roire txuuke rexihura. ³⁶ Kai tahe iny biteònykre hãwã hãwã mahãdu-ò rỹsỹna ixideereny òbradỹỹmy. ³⁷ Jesusi tamyreny rarybera: —Kaiboho tamy rỹsỹna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiòbranyrenykre. Timy wexe tamyreny rỹsỹna rikiwahinyrenykre. Jesusi tamyreny rarybera: ³⁸ —Tiwese orotxu bohe rỹire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi. ³⁹ Idi tahe Jesusi iny rabòròhòkỹ asityre rorukukremy. ⁴⁰ Idi tahe iny rabòròhòkỹ wii rirareare, ijõ sãwõtamy, ijõ 100my. ⁴¹ Jesusi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròròre. Riwahinyre taerydỹyna mahãdu-ò riwykremy iny-ò. Tule utura inatxi wirarea riwahinyre iny mahãdu dee. ⁴² Ibutumy iny riroxire. Rihydymy rỹimyhỹ. ⁴³ Idi tahe ritỹxinyre waòinatxi reurò weririmy orotxu yre yre utura-wana rauhenyredi. ⁴⁴ Kia heka rerỹsỹre 5000 inymy rỹsỹna-di.

⁴⁵ Juhu Jesusi riteònyre taerydỹyna mahãdu ixiko-ò kanaijòwe-ribi ijà-ò, Besaida hãwã-ò. Tii tahe ririre iny riteònykre. ⁴⁶ Tahe riteònyreu, tii rare ixitòedỹỹmy bede ratòhòkỹ-ò. ⁴⁷ Txioro bedesou hãwò ahotya-ki ratximyhỹre. Jesusi suki ratximyhỹre ixisohojile. ⁴⁸ Tahe yhy rebònymyhỹ iutedereny-ribi. Hãwò rariaòlemyhỹ. Tahe Jesusi tuu robire txu ijera iòhò-di. Tahe betyredile tamyreny rariare. Jesusi iratyreny wese rariakre. ⁴⁹ Tahe tuu robireu, betyre-di rariarerìò, tiiboho unisỹna ròhòtinyreny, rirajuareny. ⁵⁰ Tahe ibutumy tuu robira ibutumy ruberurennyre. Jesusi aõwesele rarybere: —Utile beysabeny, breburennyõmy. Jiarỹle watzireri. ⁵¹ Tii ralore tamyreny hãworo-ò. Yhy urile ixãwire. Ierydỹynaboho bede riòtiinyreny. ⁵² Tiiboho ruberurennyre, orotxu

bedeòbyna dori rierykòrenyrene.

⁵³ Tiiboho riòhòrenyreu, ritehemynyrene Kenesare-ò. Kia-ki hāwò ritisarenynra. ⁵⁴ Tahe hāworo-ribi ròtuòreriu, ibutumy iny Jesuisi rieryra. ⁵⁵ Juhu raòrunyrenyrene bina bina mahādu òrysomy. Idi tahe didydenyde roholarenyrene titxibo tai Jesuisi ratximyhỹò. ⁵⁶ Tii raloreu iny hāwā-ò aòbo ada hāwāhākỹ-ò aòbo ada bedero-ò aòbo, tiemy iny bina bina mahādu iryko-txi ritidire. Tai tamy rexitòdenihikỹre tamy debò reakemy ityynora-ò. Ibutumy tamy debò reareu, tahe riteytenyrene.

7

¹ Jesuisi-ò ributunyrene fariseu mahādu lahi rybe-di erydỹỹdu mahādu wahe. Tule bede ywina erydỹỹ mahāduributunyrene. Jerusalē-ribi ritehemynyreneri. ²⁻⁵ Jesuisi erydỹỹna mahādu tebò risuhòomy riroxireri. Fariseu mahādu, Bede ywina erydỹỹ mahādu-wana Jesuisi-ò ritỹỹraxinyrenyrene: —Aòherekibo aerydỹỹna tebò risuhòomy riroximyhỹrenyrene. Aòherekibo ihetxiu bede ywidỹỹnana rityhynyòrereri. Lahi rybe-di erydỹỹdu mahādu judeu mahādu-wana ihetxiu iwidỹỹnana riwinymyhỹrenyrene. Tii heka tebò tiu suròduòmy riroxiòmyhỹre. Tiiboho aòna aòna wydyna heto-ribi dòsemahādeu, tiu heka ròhòòdile riroxiòmyhỹre. Sòwemy iwidỹỹnareneny rityhynyhỹre. Bemona butxi, womati bese-wana risuhòrenyrene. ⁶ Jesuisi tamy dirawyònyde: —Isaia juhuule rarybere tiwesebo kaiboho toite. Kaiboho itxenadỹỹdu toite. Riritinymy rỹire:

—Kaiboho riwawowydynymyhỹre tary-di. Tahe awo-ribi waluuòlemyhỹre.

⁷ Kaiboho riwawowydynyrene tahe watxi nohòti ijeraòlerenyreny. Kai teerynanytereri erydỹỹna-di iny nohòti-ribi namyhỹdeòle.

⁸ Kai Deuxu erydỹỹna tyhydỹỹòmy. Iny erydỹỹnale tetyhynytenyrene. ⁹ Tii tamyreny rarybera: —Kaiboho aòbo ijò bihòrònybenyleke, biaòmysỹnybenyke. Deuxu rybe bede ywina kaiboho tetyhynyòlemyhỹtenyrene. Arybe bede ywinale tetyhynyòlemyhỹtenyrene.

¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyò tadimy tybymy iehehemy rarybekeki, aòtaxiny ruruke.

¹¹ Kaiboho teerynanytereri hābuò-ò tadi tybywana-ò rarybekemy: —Wanieru waribi bitaòke. Ariwahiny dori Deuxu-ò. Wanieru heka korbỹ rare. (Korbỹ heka uri wahidỹỹna rare, iwitxira rybe wahe.) ¹² Jesuisi rarybehyymy rare: —Kiawese rierynanymy raremyhỹ, kaiboho uritere hābuò tadiboho-ò aòmydỹỹòmy rarekemy.

¹³ Kawese ityhydỹỹrenyòmy Deuxu rybe, aerydỹỹna òraru-ki. Sòwemy aòna aòna kawese tatỹỹnytenyrene. ¹⁴ Tahe Jesuisi ixityrene rarybera insòwe-ò: —Bodoholabenyke, ibutumy bierybenykeny. ¹⁵ Aòbo iny-ò ralòmyhỹre, kia tahe iny risunyòlemyhỹre, inywo-ribi tahe namyhỹde kia tahe iny risunymyhỹre. ¹⁶ Inyò bierybenykeki, boholawibenyke.

¹⁷ Tahe iny-ribi ròhònyreu, heto-ò raloreu, ierydỹỹna mahādu tahe tamy rỹỹraxire ijyymy. ¹⁸ Tii tamyreny rarybera: —Kaiboho tule aòbo teeryòmahātenyrene. Aòbo iny-ò ralòmyhỹre, kia iny risỹnyòlemyhỹre. ¹⁹ Tawotyhy-ò dori ralòòlemyhỹre. Urile weryri-ò ralòmyhỹre idi umy-ribi ròhònymyhỹre. (Ibutumy rỹsỹna tahe awire riki.)

²⁰ Tule rarybera: —Aòbo iny-ribi namyhỹde, kia risurisunymyhỹre. ²¹ Inywo-ribi tahe ròhònymyhỹre ibutumy nohòtinana binahakỹ. Kia heka rare nohòtinana binahakỹ: òta òtalemy, wasilemy, rubudỹỹlemy, ijò hābu riòrese ridymy, ²² ibutumy aòna aòna wedu iny ratyrekemy, binamy ròhòtinymyhỹre, ruilemy, aòbina binaòle, itxeredu, aòbina binalemy rybedu, tule itxỹtelemy. ²³ Kia heka ibutumy bina bina inywo-ribi namyhỹde. Kia heka iny rexisunymyhỹre.

²⁴ Jesuisi rexitare. Tahe r re Tiro hāwāreny-ò, Sidò beà hāwā hāwā-ò. Tahe tii ralore hetowo-txi tahe moò rierykòdi ixidire hetowo-txi. Ralòrau tahe, rexiwòke aòkò.

²⁵ Jesuisi tyhynina-ò hāwyy roholare, tahe tamy nade, tatiowotimy resere. Iriòre-riki tyytybybina dire. ²⁶ Kia heka hāwyy Grego mahādu rare. Ilahinanire heka Siru Senisia. Tii Jesuisi-ò rỹỹraxire tyytybybina iriòre-ribi deòdỹỹmy. ²⁷ Tahe Jesuisi tamy rarybera:

—Txioiny, juhu inihe uladu mahādu riroxikre. Wadee awiōre uladu-ribi r̄ys̄na ritake ijòròsa-ò. ²⁸ Hāwyy rirawyònyra: —Inatyhy rare, Wāhī. Kurile r̄ys̄na kyre kyre rejujumahāre. Kòwòruku bese-ribi, kuladu-ribi. Kiamy heka itxoòròsa rirakuximyh̄re. ²⁹ Tahe Jesuisi tamy rarybera: —Kia rybe òraru-ki heka kaa tarybeta tyytybybina ariòre-ribi rohonyra. Kia bòðsekre aheto-ò. ³⁰ Hāwyy taheto-ki rehemynyreu, iriòre-ki rahara byretyre-ki roire. Hāwyy rieryre tyytybybina iribi ròhònyre.

³¹ Tai tahe Jesuisi ixityre rexitare Tiro hāwāreny-ribi, Sidō beà hāwā reny-ò rara Kalileia aho-ò. Tii raremyh̄y, Debòwiò hāwā hāwā reny ririre. ³² Tahe tamy didydenyde hābuò nohòtityò. Tii roholaòlemyh̄re. Tule awimy rarybeòhyylemyh̄re. Tahe rexitòenyrenyra Jesuisi-ò, tebò ityre ritidikemy. ³³ Jesuisi tii ritare inysòwehek̄y-ribi tahe tebò ritidire tòhòti-ò. Tahe rarybexinyre tahe idi tòròtòbymy reare. ³⁴ Tahe Jesuisi tarue ruwyre biu-txi, ele-di reare. Tahe rarybere: —Ebata. (Kia heka rybe riwioròsòd̄ȳmy rare, —Biraynyke.) ³⁵ Aòwesele tòhòti riraynyre. Tòròtò riykoykonyre. Tii aòwesele awimy rarybere. ³⁶ Jesuisi rarybere: —Uritere iny-ò ijyyòmykremy. Ihārele tahe ibutumy kiamy iny-ò relyymyh̄re. ³⁷ Idi bede riòtiinyrenyre. Tahe raryberenyre: —Ibutumy tii riteytenymyh̄re. Tii nohòtity aòwesele roholamyh̄re. Hābu rybeò aòwesele rirybed̄ȳnymyh̄re.

8

¹ Kia txuu ixityre iny sòwemy ributunyre. Kiau tule aòr̄ys̄namy ijòðhyylere. Jesuisi taeryd̄ȳna mahādu ixidee ributunyre. Tahe tamyreny rarybere: ² —Jiar̄y inysòwe rewòðenyre. Tiiboho txuu inataò waki r̄yireri byreòlemy. ³ Jiar̄y byreòlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade. ⁴ Ieryd̄ȳna tamy dirawyònyde: —Tymytaka inyboho tamyreny orotxu rikiwahinyrenykre kabederahy-ki. ⁵ Tii rit̄ȳraxinyre: —Tiwesebo orotxu kai ijòðire. Tiiboho rarybere: —Debò inatxi reuròm̄y. ⁶ Jesuisi iny sòwemy ris̄d̄ȳnykremy sutyre-ò. Tii orotxu debòinatxi reuròm̄y rimyra. Tii rexitòenyreu tahe riorore. Tahe riwahinyre taeryd̄ȳna mahādu-ò riwykemy iny sòwe-ò. ⁷ Tule utura ibutemy r̄yimyh̄y. Tahe rexitòenymy rahudi tahe taeryd̄ȳna-ò rarybere: —Kaa tule biwybenyke iny sòwe-ò. ⁸ Tiiboho riroxirenyremy tahe rihydymy ratximyh̄y. Iyre yre rauhenyri riwyrenyri weriri debò inatxi reuròm̄y riwyrenyri r̄ȳximy. ⁹ Inaubiòwa mil iny iòhòm̄y r̄yimyh̄y. Tahe Jesuisi rexideòwarinyre iny sòwe-ò. ¹⁰ Tii ralore hāworo-ò taeryd̄ȳna-wana. Tiiboho roire Damanuta hāwāreny-ò.

¹¹ Lahi rybe-di eryd̄ȳdu mahādu nade fariseu mahādu wahe. Tiiboho tamy nade rybe òbitid̄ȳmy. Tiiboho r̄ȳraxirenyra bede eryd̄ȳnaò kiditeòsinykremy. Lahi rybe mahādu rierykemy tii inatyhy rare urenana. ¹² Tii raelewesenanyre tawo-ki rarybere: —Aòherekibo kaa iny mahādu r̄ȳraximyh̄re bede eryd̄ȳnamy. Inatyhymy jiar̄y ararybekre: —Bede eryd̄ȳna heka tamy rawahid̄ȳòtyhy. ¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijà-ò.

¹⁴ Ieryd̄ȳnaboho tahe tòhòti rosare orotxu wydysy-ribi. Sohojityhyle heka orotxu roimyh̄y hāworo-ki. ¹⁵ Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wir̄ys̄na uri-ribi. ¹⁶ Jesuisi eryd̄ȳna mahādu ixidee rarybere: —Aòherekibo Jesuisi kia rarybereri. Inyboho iorotxurenyòreriki òsana. ¹⁷ Jesuisi heka rieryra tahe rarybera: —Aòherekibo raryberemy orotxu ijòðremy. Kaiboho aòbo teerytenyòte. Kaiboho aòbo arawoxierynyre.

¹⁸ Kaiboho aòbo arueòrenyri. Tabiòletenyteri. Kaiboho aòbo itxi òhòtirenny reaòlereri. ¹⁹ Jiar̄y 5000my iny-ò orotxu reareareu, tiwesebo weririmy orotxu yre yre-di rit̄ȳxinyre. Tahe tiiboho rirawyònyre: —Waðinatxi reurò weririmy. ²⁰ Tahe debòinatxi reurò orotxumy reòròra 4000 inymy, tiwesebo weriri orotxu yre yre-di rit̄ȳxinyre. Tiiboho rirawyònyre: —Debòinatxi reuròm̄y. ²¹ Tahe tamyreny rarybere: —Tymyrekibo tahe teerytenyòte.

²² Dehemynyde Besaida hāwā-ò. Tahe hābu ruetà-di tamy didydenyde. Rex-itònyrenyde tamy debò reakemy. ²³ Jesuisi tebòmny rimyre tahe ridyre hāwā-ribi bederahy-ò. Iruetyre rarybexinyre. Tebòmny tamy reare. Tahe ritỹraxyre: —Aõmybo aõbo tabiteri. ²⁴ Hābu tahe biu-txi tarue riukora, tahe rarybera: —Hābumy rabira, òwòru wese rỹireriò, rariareri. ²⁵ Ixityrele Jesuisi tebò reare irue-ò. Hābu heka irue reyteramy òbitilemy retehereri. Robire irehetyhy-ò itỹnyhỹkỹlemy. ²⁶ Tahe Jesuisi riteònyre isỹ-ò urile ihāwā-ribi ròdseõmykre.

²⁷ Jesuisi taerydỹna mahādu-wana ròhònyrenyde Sesaria Filipi hāwāreny-ò. Ryki taerydỹnareny-ò ritỹraxyre: —Mowe hābureny wamy raryberenyra jiarỹ raremy. ²⁸ Tiiboho rirawyònyra: —Joaõ Sebedỹdu riki, ijõ Eliasi riki, ijõ riki Deuxu rybedỹdu. ²⁹ Tahe Jesuisi tamyreny ritỹraxyre: —Kaiboho, mobo tarybetenyte jiarỹ raremy. Tahe Pedro rirawyònyre: —Kai Kristu atximahāte. ³⁰ Tii raraybinihikỹmy ixi-ki rarybera: —Inyko wamy ijyyõmykre.

³¹ Jesuisi rexiranyre erydỹmy: —Deuxu Riðre Hābutyhyhỹ heka aõna aõnamy aõhõkỹmy rotỹnynihikỹkre. Matuari mahādu heka ixideramy ryanakre. Tule Deuxu aõmysdỹdu wedu, Bede ywina erydỹ mahādu ixideramy ryanakre. Jesuisi kudurukre idi tahe txu inataõ rỹidi kedexiakre rubu-ribi. ³² Idi tahe iðruehekỹlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeõmyreke. ³³ Jesuisi ròdsemy reare, retehemyhỹ taerydỹna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aõkõ atximahāte. Kai hābu ijoi tate. ³⁴ Jesuisi ributunyre iny sõwehekỹ, taerydỹna-wana tahe rarybere: —Inyõ wahemy kanakeki, ixideele rexirahĩke, tahe taitxeð rimyke riwaheludunykemy. ³⁵ Mobo taumy tarasamy rurukeki, riononykre. Tahe aõtxile iny waluukeki, Rybewihikỹ luukeki, taumy wadee riononykeki, kia heka taumy ritakre. ³⁶ Aõbo tahe awire, ibutumy aõna aõna bitake tai aumy biononyke. ³⁷ Aõbo tahe iny riwahinykre taumy wydyna òkesena aõbo. ³⁸ Kai wijinabòdu òrarudu mahādu rare, òta òtadu rare. Aõtxile iny walau warybe lau raixỹrukeki, tule Deuxu Riðre Hābutyhyhỹ ilau kanaixỹrukre tii nadeu ýjuwihikỹ-di boo wowydyna-ò.

9

¹ Tii tamyreny rarybere: —Inatyhymy adeereny ararybekre. Ijõõ kaki ratximyhỹre ruruõtyhy Deuxu Iðlònau taruru-di kedehemynykre.

² Tahe debò sohoji txuu rỹidi, Pedro, Txiau, Joaõ-wana Jesuisi ridyre. Tiiboho sohojile bederatò-ò roire. Jesuisi tamyreny rexixiranyre. ³ Ityy heka urile rabòtòranyre. Iurahakỹmy relere suròna ratyre heka rauranymy ritoosònyre. ⁴ Tahe tamyreny dexitỹnyde Eliasi, Moisesi-wana tahe rarybemyhỹre Jesuisi-wana. ⁵ Pedro rarybere Jesuisi-ò: —Wawedu, awityhymy inihe kaki ratxirenyreri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò. ⁶ Pedro rieryõlemyhỹre aõmybo rarybekemy ruberumyhỹremy. ⁷ Nonoe dobehede iubòròna bede ritòbònyre. Tahe rarybere reare rybeuni iy-ribi: —Kia heka wariðre waluu rare. Kaiboho tamy boholabenyke. ⁸ Tiiboho reteherenyre tahe inyõ robiõlerenyre. Jesuisilemy robirenyre.

⁹ Dohedeu tahe inydee Jesuisi rarybere: —Uritere inyõ-ò tuu ijyyõmykre aõmybo tobitemy. Uritere Deuxu Riðre Hābutyhyhỹ rubu-ribi rexixareu, tai tahe tuu belyy-benykre. ¹⁰ Kia rybe wasimy riworenyre. Ixideerenyle wii ritỹraxyrenyde: —Aõmybo rarybereri, rubu-ribi rexixamy nade. ¹¹ Tiiboho tamy rỹaxirenyre: —Aõherekibo bede ywina erydỹ mahādu rarybere Eliasi juhu kanakremy. ¹² Tii rirawyònyre: —Inatyhymy, Eliasi juhu nade. Ibutumy aõna aõna riwinykremy. Tewesebo raritanymy rỹireri: —Deuxu Riðre Hābutyhyhỹ aõna aõnamy aõhõkỹmy rotỹnynihikỹre. Tahe tii inydee awiõhyykre. ¹³ Adeereny ararybekre: —Eliasi nade. Tule iny ixideewilemy tamy riwinyrenyde. Kaheka iaõmydỹnana rirititanymy rỹire.

¹⁴⁻¹⁵ Jesuisi dehemynydeu taerydỹna mahādu-ò, tahe robire iny sõwehekỹmy tahe bede ywina erydỹ mahādu taerydỹna-wana ritxiõnymyhỹre. Tahe Jesuisimy robireu,

tahe tiiboho riumysaõnyreny. Raõrunyreny irybedỹmy. ¹⁶ Tamy rỹraxyre: — Aõmybo tamyreny tatỹraxynteri. ¹⁷ Inyõ rirawyõnyre: —Erydỹdu, wariõre adee redyreri. Tii tyytybybina rybeõhõkỹ-di ratxireri. ¹⁸ Tyytybybina rimyreu tahe riatyre bede-ò. Idi tahe urile txuu riyiyinyre. Tahe tii rubureriwesele roire. Aerydỹna-ò jiarỹ rarybera tyytybybina riteranykremy, tahe tiiboho iruruõhyymhỹ. ¹⁹ Jesuisi tamyreny rarybere: —Tiwesebededỹnanabo wijinabõdu ityhyõlemy rỹira. Tiwesebededỹnanabo awanareny ariijekemy. Wadee uladu bididyke. ²⁰ Tahe didydenyde Jesuisi-ò. Jesuisimy robireu tahe tyytybybina urile raitxỹteitxỹtenymy resere. Idi tahe urile bede-ki rara òhõremy raratymhỹ rybexi irywomy ròhõnymhỹ. ²¹ Jesuisi rỹraxyre uladutyby-ò tiubedemybo taheka kaa binana tamy dehemynyde. Tii rarybere: —Uladuylale idi ròrarunyre. ²² Tiwese wese aõkõ idi rehure bera-ò, heõty-ò rahukemy. Aõ biwinykeki, jiarỹboho biwawiõhenanyke wijile. Kai biwaruxetõenybenyke. ²³ Jesuisi rarybere: —Kai bityhinykeki, ibutumy aõna aõna rỹimyhỹre. ²⁴ Aõwesele uladutyby ryryre idi tahe rarybere: —Jiarỹ retyhynyre, biwiõhenanykre aõbo rauheny. ²⁵ Jesuisi iny sõwemy robire wii rotyrerimy, tahe riteranyre tyytybybina-ò: —Kai tyytyby rybeõ tule roholaõ iribi bòhõnykre, tiu ixityre malõõtyhy. ²⁶ Tyytybybina ryryre. Uladu ritxỹtenyre idi tahe ròhõnyre. Uladu rubuwesele roire herimy. Tahe iny sõwemy rarybere: —Tii rurura. ²⁷ Jesuisi rimyre tebò ritamadỹnyremy tahe uladu rỹire lamamy. ²⁸ Heto ralorenreu ierydỹna mahãdu tamy rỹraxyreny: —Aõherekibo jiarỹboho tyytybybina riteõnyõreny. ²⁹ Tamyreny rarybere: —Kaiboho bexitõenybenykeki byreõna-di bonybenykeki, kiawesele heka ròhõnyke.

³⁰ Iribi ròhõnyre, Kalileia lowysy-di roirenre. Jesuisi heka inyerydỹderamhỹ tai ratximhỹki. ³¹ Taerydỹna mahãdu Jesuisi rierynanymhỹre. Jesuisi tamyreny rarybere: —Deuxu Riõre Hãbutyhyhykỹ heka rawahidỹkre hãburenyõ-ò. Tii hãbureny rirubunykre. Idi tahe txu inataõ txuu rỹidi tahe kedexixakre rubu-ribi. ³² Tiiboho rierykõlere tahe ruberurenre tỹraxydỹki.

³³ Idi tahe rehemynyre Kafanaõ-ò. Ralore heto-ò. Jesuisi tamyreny rỹraxyre: — Aõmywe widee tarybetenynteri ryro-ki. ³⁴ Tiiboho urile roholarenre rybeõlemy. Ryro-ki dori rarybemyhỹ mowexe wiribi aõnimy ròhõnykre. ³⁵ Tahe Jesuisi ronyrenyredi, Jesuisi taerydỹna mahãdu ributunyre erydỹmy: —Inyõ juhuludumy rarekemy ratxikeki, tai heka tii ihewoludukre. Tule tii reakre ibutumy deõdumy. ³⁶ Tahe Jesuisi uladuõ rimyre risỹnyre iubetya-txi tahe taerydỹna-ò rarybere: ³⁷ —Moõ uladu kawese wadee riwiõhenanykeki, riwawiõhenanyre. Moõ riwawiõhenanykeki, tule wateõdỹdule riwiõhenanyre.

³⁸ Joaõ tamy rarybere: —Erydỹdu, jiarỹboho tuu rabirenre inyõ tyytybybina-di ani-ò rehureriõ. Tahe iny mahãdurenre aõkõ rare. Tahe jiarỹboho tamy rejõnyrenyre iny mahãdurenre dori aõkõ rare. ³⁹ Tahe Jesuisi rarybere: —Bijõnybenyõkre. Inyõ wani-di bedeõby riwinykeki, wanimy heka ibinamy rarybeõtyhy. ⁴⁰ Iny òluduõkeki, tii heka iny ijoi rare. ⁴¹ Inyõ beõ adeereny waninamy riwahinykre-wana, kai waerydỹna dori tate, inatyhymy adee ararybekre. Tii tawahidỹna ritakre. ⁴² Inyõ kaa uladu ityhydỹdu riatykre òraruna-txi, kia heka tamy awire tõti-ki myna ritaamy idi bera-txi rehure. ⁴³ Ebõle araatykeki òraruna-txi, juhuule adee awire ebò biõrõke. Kia heka awityhykre iny welytyle ralokre biu-ò, tahe awiõtyhykre heõtytõteehekỹ-ò ralõkeki debò inatxi-di. ⁴⁴ [Tai mohõ ruruõtyhy. Heõty ruruõtyhy.] ⁴⁵ Awa araatykeki òraruna-txi, juhuule adee awire awa biõrõke kia awire iny rariake awa sohojilemy, awiõre heka heõtytõteehekỹ-ò ralokre awa inatxi-di. ⁴⁶ [Tai mohõ ruruõtyhy. Heõty ruruõtyhy.] ⁴⁷ Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiõre heõtytõteehekỹ-ò ralokre arue inatxi-di. ⁴⁸ Tai mohõ ruruõtyhy. Heõty ruruõtyhy. ⁴⁹ Ibutumy iny heka heõty-di rijyyranykre. ⁵⁰ Jyyra heka awire, saa wahe. Urile taruru riononykeki, tiwesebo tarỹsõna uri ixybyle tawo-ki bitidikre. Kaiboho ibutumy widee eysarenylere.

10

¹ Jesuisi iribi rexitare. Tahe rare Judeia bedede-ò, tule Jordaõ kanawe-ribi ijà-ò. Iny sówemy tamy ributunyre, tahe tiiboho Jesuisi rierynanyre. Tii reðarimy tuu ratximyhÿre.

² Tamy lahi rybe-di erydÿÿdu mahãdu dehemynydenyde irutaadÿÿrenymy. Tahe tamy rÿÿraxinyre: —Hãbu aõbo tahãwyy ririleke, awire aõbo ibinare aõbo. ³ Tahe Jesuisi tamyreny rirawyònyre: —Aõrybe bedede ywina-di Moisesi rierynanyre. ⁴ Tahe tiiboho Jesuisi-ò dirawyònydenyde: —Tii rierynanyre iny tahãwyy ririkemy. Urile juhuu hãwyy bedede erydÿÿna rybe tyyriti riwinykemy, idi tahe tahãwyy ririkemy. ⁵ Jesuisi tamyreny rarybere: —Õhõtixyre dori Moisesi kia rybe bedede ywina adee riwahinyre. ⁶ Juhu bedede Deuxu

riwinyre hãbu, hãwyy-wana.

⁷ Iurenana tahe hãbu tadibohosÿ-ribi ròhònymyhÿre tai roimyhÿre hãwyy-wana.

⁸ Hãbu inatyhy hãwyy-wana roimyhÿreu, sohoji tyhylemy radenymyhÿre.

Iny inatxi inymy aõkõ rÿimyhÿre, sohoji tyhylemy rÿimyhÿre. ⁹ Hãbu hãwyy-wana Deuxu ributunyreu, iny iwitxira wiribi ritòhòrarienyòtyhy. ¹⁰ Hetowo-ki tahe ierydÿÿna ritÿÿraxinyre kia rybe-ki. ¹¹ Jesuisi tamyreny rarybere: —Aõtixile hãbuõ tahãwyy ririkeki tahe ijõ-wana roikeki, kia heka òtadu rare. ¹² Hãwyy tahãbu ririkeki tahe ijõ hãbu-wana roikeki, kia heka wedena rare.

¹³ Tiiboho tamy didydenyde uladu tamy debò reakemy. Tahe ierydÿÿna riononymy rarybere tamy idyrenyòmykre. ¹⁴ Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare. ¹⁵ Inatyhymy ararybekre: —Moõ heka uladuwesemy Deuxu Iòlòna ralòðkeki, kia heka Deuxu Iòlòna-ò ralòðtyhy. ¹⁶ Tahe Jesuisi rexiranyre uladu manamy taaxiò-ò rimyre. Tahe tebò iratytyre ritidimy tamyreny rarybewihikÿre.

¹⁷ Tahe Jesuisi rydi raloreu, hãbuõ tamy reare. Tahe hãbu iko-txi resere tatiowotimy. Rarybere: —Erydÿÿdu wihikÿ, aõwexe ariwinykre biu-ò hena aritakremy tiiehyymy umywihikÿ-di ararekremy. ¹⁸ Jesuisi tamy rarybere: —Aõherekibo wihikÿmy wadee tarybeta. Hãbu awiõre. Deuxu sohojile tahe awire. ¹⁹ Bedede ywina kai teeryte: rubudÿÿõmykemy, tule òta òtaõmykemy, wasiõmykemy, tule ruiõmykemy, iny wii itxenadÿÿõmykemy, adi bityhynykemy, boo tule. ²⁰ Hãbu tamy rarybere: —Erydÿÿdu, kia bedede ywina rewinyhyllere, uladuule wiji-ò. ²¹ Jesuisi tamy retehere tuu reðarire tahe rarybere: —Kai sohoji aõmydÿÿnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmydÿÿnadikre biu-txi. Tahe manakre biwaheludunykre. ²² Kia rybe-ki heka hãbu rabadewore. Rexitare ibedewomy urile iaõna aõna sówetyhyreki.

²³ Jesuisi retehemy iwerura-di tahe rarybera taerydÿÿna-ò: —Kia iny iaõna aõna sówemy rÿireri, tamy Deuxu Iòlòna-ò ralòke isirare. ²⁴ Ierydÿÿna mahãdu bedede ribedeòtiinyrenyryre irybe-ki. Jesuisi ixityre rarybere: —Waexiboho, isiratyhy rare Deuxu Iòlòna-ò ralòkemy. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlòna-ò. ²⁶ Tiiboho bedede ratiinyre sówemy. Widee rarybere: —Mobo tahe iòraru-ribi iny ritakre. ²⁷ Jesuisi iwerora-di retehere tahe rarybera: —Inatyhymy kōaõboka hãbu-ò isiratyhyre. Deuxu-ò tahe ibutumy aõna aõna isiraõre. ²⁸ Pedro rexiranyre rarybere: —Boholake, jiarÿboho ibutumy rerirenyra araheludunykre. ²⁹ Jesuisi rarybere tamy: —Inatyhymy adeereny ararybekre. Moõ waluukeki, rybewihikÿ luukeki, kia heka ririkre: heto, taseriòre, tyby tadi-wana, tariòre, tabede, ibutumy ririkre. ³⁰ Wijile itarasamy rarekre: 100 sÿmy, 100 seriòre, 100 tybyboho, 100 tadiboho, 100 tariòreboho, 100 tabede. Iny tamy rarybebinanykre tule. Ijõ bedede kanakre tahe taumy tÿmyra-di tiemy rarekre. ³¹ Tahe sówere juhu ludu ihewomy ròhònykre. Ihewo ludu ijõ iko-ò ròhònykre.

³² Tiiboho rydi raòwònyrenyryre Jerusalẽ hãwã-ò. Jesuisi heka rare ikorenymy. Ierydÿÿna mahãdu bedede ribedeòtiinyre. Tiiboho Jesuisi riheludunymy ihewo-ribi. Tahe

Jesuisi reraòmyhỹ idi rare waðinatxi reurò taerydỹyna mahãdu-wana. Tii relyyre ixityre aõbo ixidee kỹnyikremy. ³³ Boholabenyke inyboho roirenyreri Jerusalẽ-ò. Kowa, jiarỹ Deuxu Riòre Hãbutyhyhykỹ, inyõ riwawahinykre Deuxu aõmysdỹdỹdu mahãdu wedu-ò, bede ywina erydỹỹ mahãdu-ò. Kia warubudỹỹmy riwawahinykre tori-ò. ³⁴ Tiiboho kidiwalahikre. Watyire kanarybexinykre. Òhòte-di kidiwahãtenykre. Idi tahe kidiwarubunykre inataõ txu-di. Tahe rubu-ribi adexixakre.

³⁵ Joaõ, ijõ Txiau, wii Zebedeu riòre, tamy nade. Tahe rarybere: —Erydỹỹdu, kai aõma aõ wadeereny biwahinykre. ³⁶ Jesuisi rarybere: —Aõbohe jiarỹ adeereny ariwahinykre. ³⁷ Tahe tamy rarybere: —Kai, aiòlõnasỹ-ò kedehemynykreu, aruruwe-ribi aronykre, waseriòre ahywewe-ribi ronykre. ³⁸ Tahe Jesuisi rarybere: —Kaiboho teeryõlemahãte aõmybo textitènyteri. Kaiboho aõbohe wabemona-di biõbenyke idi Jerusalẽ-ò adiòkremy wahãredi. Kaiboho aõbohe wasebena-di mohõlebenyke idi jiarỹ anohòkremy wãhãredi. ³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biõbenykre. Sebena-di jiarỹ adohòkremy, kaiboho tule idi mohõbenykre. ⁴⁰ Tahe mobo wabire ronykre ruruwe-ribi hywewe-ribi kia heka jiarỹle ariwahinyòkre. Kia tahe iyubudỹỹmy rỹireri Deuxule kidiwahinykremy. ⁴¹ Tai debòwiò erydỹỹna mahãdu heka Joaõ-ò, Txiau-ò tamyreny iky reare. ⁴² Jesuisi tamyreny ryryre tamy kanakemy, tahe rarybere: —Kaiboho teerytenytoriwedu irurusõwe dire. Iny nihikỹ heka inymy deòdu luure. ⁴³ Jesuisi kiamy rarybere: —Kia wese tahe aworeny-ki aòkòkre. Kaiboho aòtxile mobo bõityhynyhykre, ijõ iny deòdumy rarekre. ⁴⁴ Mobo juhutyhy rarelekre, deòdumy rarekre. ⁴⁵ Deuxu Riòre Hãbutyhyhykỹ nade teòdu sòwekemy aòkõ tahe ixilemy reòdunykeny. Nade taumy wahidỹỹmy sòwemy iny tarasamy.

⁴⁶ Idi tahe roire Ijeriò hãwã-ò. Jesuisi taerydỹỹna-wana iny sòwehekỹ-wana ròhònyrenyra. Tahe rahare Bartimeu ruetãhãkỹ-ki. Bartimeu tahe Timeu riòre rare. Tii ronyre rywe-ribi aõna aõnamy rexitènyreri. ⁴⁷ Tii roholare Jesuisi Nazare ludu kia rare tahe tamy ryryra: —Jesuisi, Davi riòre, wadee maruxetòekre. ⁴⁸ Sòwemy tamy rarybere: —Rybeõmyke. Tahe aõhe-wana tii rarybemyhỹre: —Davi riòre wadi mawotòeke. ⁴⁹ Jesuisi riyryre tahe rarybere: —Tamy byryke wadee kodoikemy. ⁵⁰ Tahe rexitareu rỹire, wylemy nade Jesuisi-ò. ⁵¹ Jesuisi tamy rarybere: —Aõmybo kai taruteri adee ariwahinykremy. Tahe hãbu ruetãhãkỹ tamy rarybere: —Wawedu, ixityre arobikremy. ⁵² Jesuisi tamy rarybere: —Makre, atyhydỹỹna kai arateytenyra. Kialehe rare. Aõwesele ixityre tii robire. Tahe Jesuisihemy rare, ryki.

11

¹ Jerusalẽ iòhòmy ritehemynyrenyreu, tahe inatxi taerydỹỹna riteònyra hãwã-ò. Inatxi hãwã-ò iòhòmy, Betabaji, Betỹnia-wana. Kia-ò Oliveira hãwãlò roire. ² Jesuisi rarybere: —Kaiboho boikre kowa hãwã-ò. Kowa-ò birònykreu jumentinho mahabenykre. Moheka ityre rariaòlemy ratximyhỹre. Bieseke, wadee bididyke. ³ Inyõ adeereny rarybekeki: —Aõhekremybo idi atxitenyteri. Tahe tamy marybebenykre: —Wanyrỹ tuu rurureri. Ixityre kaò kidiòkesedỹỹnykre. ⁴ Tahe hãbu roire. Jumentinho ryro hetoijò-ki ritisanymy rỹimyhỹ. Tai riesere. ⁵ Kia hãwã mahãdu rarybere: —Aõherekibo jumentinho kaiboho tetatenyta. ⁶ Tai tiiboho Jesuisi rybe tamy riwahinyra. Tai hãwã mahãdu jumentinho riwahinyre. ⁷ Tahe ridyrenyre jumentinho Jesuisi-ò. Tiiboho tatyyreny ritidirenyre jumentinho tyremy. Tiiboho risỹnyrenyre Jesuisi ityre-ò. ⁸ Ijõboho tahe horerule ritidire ryromy, ijõ tahe tauwòhi ryromy ritidire ityre rariakemy. ⁹⁻¹⁰ Ihewo ludu, iko ludu rawyhyrarònyreri, tule ryryreri: —Tii heka wowydyna rare. Tii heka Wanyrỹ niwesekemy naderi. Wowydyna rare iny labie Davi Iòlõna. Kai Iòlõna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalẽ-ò. Dohodỹỹna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

¹² Ijõ txu biðwamy tahe Betÿnia-ribi rexitarenyreu tahe tii rama rahure. ¹³ Òwòru figueira rademy robirenymy irehe-ribi. Tahe tamy ritehemynyreu iraty-ki raharenyòlere, aomyreki figueira raty bededÿÿnanamy aokõ bede rÿimyhÿre urenana. ¹⁴ Òwòru figueira-ò Jesuisi rarybere: —Tiu heka moõ araty ritòòtyhy. Tahe ierydÿÿna roholare.

¹⁵ Tahe ritehemynyrenyre Jerusalë hãwã-ò. Tahe Jesuisi dohodÿÿna hetowo-ò ralore. Tahe kia-ribi aõna aõna-di rohonomyhÿre mahãdu, õbradu mahãdu diteònyde. Tahe nieru wibydyÿdu mahãdu, òwòrubesedÿÿ-di Jesuisi rehure. Bòtòe dinodu mahãdu rynana-di Jesuisi rehure. ¹⁶ Inyõ heka ritxydyÿnyòlere dohodÿÿna hetowo-ki. ¹⁷ Rierynanomyhÿre tahe tamy rarybere: —Raritidyÿòlemy aõbo rÿireri:

Waheto kãaõboka inatyhymy ibutumy iny witxira witxira dee ixitòedÿÿna hetomy rÿirakre. Waheto tewinytenyde wasidu hetowesele.

¹⁸ Bede ywina erydÿÿ mahãdu, Deuxu aõmysÿdyÿdu wedu mahãdu roholarenyreu, rõhõtinyrenyre: —Timybo inyboho Jesuisi rubudyÿmy rokiwisÿnykre. Tiibohe ruberumyhÿrenyre iny sòwemy dori bede riòtiinomyhÿ ibedeerydÿÿnarenre-ki.

¹⁹ Txioromy dehemynydeu, tiibohe rexitarenomyhÿre hãwãhãkÿ-ribi.

²⁰ Txu ròhòny-di, rehemynyrenyre òwòru figueira-ò. Tiibohe robirenyre rarubumy rÿireriò, taru-wana, tararoti-wana. ²¹ Pedro ixi-txi tòhòti reare tahe rarybere: —Erydyÿdu, betehe inihe aõma òwòru figueira rarubumy rÿire arybebina-di tamy tarybetaki. ²² Jesuisi dirawyònyde: —Kaibohe Deuxu bityhynomyhÿbeny. ²³ Inyõ rarybekeki kaa bede ratòòhòkÿ-ki: —Kai myike, adi adehu rÿikre berohokÿ-ki. Tahe irybe heka kedelekre. Tai inyõ rityhynykeki, tumy heka kedelekre. Tahe uritere iseòdyÿòmykre urile bityhynykre, irybe heka kedelekre. ²⁴ Iurenana adee ararybekre: —Aòtxile aõ bexitòenykre, kia heka bitakre. Bityhynykeki, inatyhymy bitake. ²⁵ Kaibohe texitòenyntereri wana aõbo inydee aky reamyhÿre kia biixãwididyÿnomyhÿke ratximyhÿre, Deuxu dori riixãwididyÿnyke aòrarurenre-ribi. ²⁶ Kai iny witxira òraru biixãwididyÿnyòkeki, boo biu-ki ratximyhÿre aòraru riixãwididyÿnyòkre.

²⁷ Tiibohe ixityre doide Jerusalë hãwã-ò. Ririranomyhÿrenyre dohodÿÿna hetowo-ki, bede ywina erydÿÿ mahãdu, Deuxu aõmysÿdyÿdu wedu mahãdu, matuari mahãdu tamy doide. ²⁸ Tiibohe tamy ritÿÿraxirenre: —Mowe ateddyÿdu kia aõna aõnomy tatÿÿnomyhÿte. ²⁹ Jesuisi dirawyònyde: —Adeereny tule araÿraxikre. Kaibohe bidiwawyònykeki, tahe jiarÿ akoreny ÿraxina arelyyke, aòrurudibo aõna aõna rewinyhÿre. ³⁰ Tahe Jesuisi ritÿÿraxinyre: —Ratysebedÿÿna, Joaõ hõrõ, kia heka tiribibo nade, biu-ribi ada hãbu mahãdu-ribi. Kia manarybeke. ³¹ Tiibohe widee rarybera: —Biu-ribi inybohe raryberenykeki, tai tii rarybekre: —Aõherakibo tahe tii tetyhynytenyòte. ³² Hãbu-ribi inybohe raryberenykeki, iny aruberumyhÿrenyre. Ibutumy iny rityhynyre Joaõ heka Deuxu rybedu raremyhÿ. ³³ Tai tahe tiibohe raryberenyre: —Inybohe reeryòrenyre. Tai tahe Jesuisi rarybera: —Hebo, jiarÿ adee arelyyòtyhy modeòdyÿdubo jiarÿ watxireri.

12

¹ Iribi tahe Jesuisi tamyreny ijyy-di rierynanomyhÿre: —Hãbu uva oworuõ wese ròbròre. Tahe riòtitynyre. Tahe hãloo riare oworuubetya-ki, ruÿdyÿnomy. Tahe utò riwinyre. Idi tahe rihuòtere hãbu mahãdu-ò. Tahe rexitare tasÿ-ribi ijõ bede-ò. ² Tahe bederatysiredemy bededÿÿnana rehemynyreu, iwedu teòdu riteònyre bederaty ritakemy. ³ Huòtedu mahãdu teòdu rimyrenyre, rihetenyre tahe riteònyre ixihyykemy. ⁴ Ixityre oworuwedu teòduò riteònyre. Kia heka irati rihetenyre ta tamy rawobinarybenyre. ⁵ Ijõ riteònyre. Kia heka rirubunynyrenyre. ⁶ Tahe oworuwedu iriòre sohojilere, tahe iluumy raremyhÿ ihewomy tii riteònyre. tahe wedu rarybere: —Wariòrele heka tiibohe rityhynyrenyre. ⁷ Kia huòtedu mahãdu widee raryberenyre: —Kia heka wedu aõna aõna tarasadu rare. Rikirubunykre tahe iaõna aõna inydeerenyre. ⁸ Tahe

rimyrenyre idi rirubunyre tahe idi rehurenre oworu-ribi. ⁹ Jesuisi ritÿÿraxinyre: — Aõhebo tahe oworuwedu rotÿÿnykre. Tii kodoikre huòtedu mahãdu hudumy, tai tahe oworu riwahinykre inywixira-ò. ¹⁰⁻¹¹ Ritina-di aõbo tariaõletenyte kia ryberiti:

—Mana-di hetowidÿÿdu rehura. Kia mana heka hetohãtxi-ki ritidimy doide. Kia heka Wanyrÿ riwinyre kia iny ruereny dee aõna aõna nihikÿ rare.

¹² Tai ijohonadu mahãdu Jesuisi mynymy ratximyhÿ tii dori rieryre ixidee lau Jesuisi ijyymy relyymyhÿre. Tiiboho ruberurenre iny sõwehekÿ lau. Tahe rexitarenyre, rexixãwidinyre.

¹³ Idi riteònyrenyre Lahi rybe-di erydÿÿdu mahãdu, Herodi mahãdu-wana tamy imynamy irybe-ki. ¹⁴ Tiiboho rarybere Jesuisi-ò: —Erydÿÿdu, jiarÿboho araerymy adi watxiwãhãrenyre kai inatyhy hãbu tate. Iny ibutumy adee wiwese wiweselere. Inatyhymy iny-ò Deuxurymy teerynanyamahãte. Tahe tiiboho ritÿÿraxinyrenyre: —Awire aõbo ada ibinare aõbo nieru rawahinymyhÿre bede dinodu-ò. ¹⁵ Timybo tahe, rikiòwyny aõbo ada aõkõre aõbo. Jesuisi rierymyhÿre tõhõtinanarenre, tahe ritÿÿraxinyra: —Aõherekibo kaiboho tiwaurihitenyteri. Wadee womati nieruõ bidiwy waitxerenamy. ¹⁶ Tahe tamy diwydenyde. Tahe tii ixityre ritÿÿraxinyra: —Kawe moõ tyytarasana rare, katahe moõ tyyritina rare. Tiiboho dirawyònyde: —Kiahe bede dinoduhõrõ rare. ¹⁷ Jesuisi rarybere: —Hÿdebo, bede dinoduhõrõ tahe tamy biwahinybeny tule tahe Deuxu aõna aõnahõrõ tamy biwahinybeny. Tiiboho bede riòtiinyrenyre.

¹⁸ Saduseu mahãdu tamy nade. Kia heka iny rubu-ribi rexixamy aõkõre-riki rierynanymyhÿre. Tiiboho ritÿÿraxinyre Jesuisi: ¹⁹ —Erydÿÿdu, Moisesi raritinyra bede ywina-di: —Hãbuõ rurukeki, tahãwyy iriòre ijõdiòkeki, tahe kia hãwyy tahãbu seriòre-wana roike. Iriòredikre taseriòre rubuòwmy roikre. ²⁰ Seriòre debòinatxi reuròmmy raremyhÿ. Juhuu ijõ roire hãwyy-wana. Tahe tii rurure iriòreõlemy. ²¹ Tahe ihewo ludu iseriòre wytese-wana roire. Tii rurure iriòreõlemy. ²² Ihewoludutyhy tule ibutumy roire wytese-wana, tahe ituerenyre iriòreõlemy. Iròòbmy tahe hãwyy tule rurure. ²³ Ixixanau tahe mohãbubo tuu rarekre. Ibutumy dori wytese-wana roire. ²⁴ Tai tahe Jesuisi tamyreny rarybere: —Kaki kaiboho teòsamy toite aõma ritina teeryòtenyteki. Tule Deuxururu teeryòtenyte. ²⁵ Ixixanau heka moõ roiòtyhy. Ibutumy iny ÿju wese rarekre biu bede-txi. ²⁶ Kaiboho aõbo tatyryritinytenyõta iny rubu-ribi kedexixakremy. Kia heka raritinyry rÿire Moisesi tyyriti-ki, òwòrusõmo ijyy-ki rÿimyhÿ. Iwese Deuxu rarybere Moisesi-ò: —Jiarÿ heka Abraõ Deuxu rare. Ijai Deuxu rare. Ijaò Deuxu jiarÿ rare. ²⁷ Jiarÿ heka rubu mahãdu Deuxu aõkõ rare, tahe iru mahãdu Deuxu jiarÿ rare. Kaiboho teòsamy toite.

²⁸ Bede ywina erydÿÿ mahãduõ nade ijohonamy. Tahe tiiboho widee raryberenyry roholareu, Jesuisi tamyreny rirawyònywihikÿreu, tahe tii Jesuisi-ò ritÿÿraxinyre: —Tibo rybe bede ywina juhuure. ²⁹ Jesuisi rirawyònyre: —Ka heka juhu ludu rare: —Boholake Israeli mahãdu, judeu ijoi mahãdu wahe. Wanyrÿ, iny Deuxu sohojile rare. ³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ixiluuke wese. Ijõ bede ywina heka ka ratyreõre. ³² Tahe Bede ywina erydÿÿ mahãduõ rarybere: —Inatyhymy kai tarybeta. Deuxu heka sohojile ratximyhÿre. ³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahãdu luukemy. Kia heka ibutumy iròduxiwelloo ratyre rare. Ibutumy wahidÿÿnaloodÿÿna ratyre rare. ³⁴ Jesuisi rieryre kia hãbu rirawyònywihikÿre tai tamy rarybere: —Kai heka Deuxu Iòlõna-ribi irehemy aõkõ. Tai tahe ibutumy ilau ruberure tÿÿraxidÿÿki.

³⁵ Jesuisi dohodÿÿna heto-ki rierynanymyhÿreu, rarybere: —Timybo Bede ywina erydÿÿ mahãdu rarybemyhÿre Kristu Davi riòre raremy. ³⁶ Davi rarybere aõmybo Deuxu Tyytybytyhy tamy narybedemy: —Wanyrÿ rarybere Wanyrÿ-ò: —Bodony warurunawe-ribi. Txìòhe rare, aòludu awarawo-txi aritidikre. ³⁷ Tahe Davile Wanyrÿ rininire. Timybo tahe Davi iriòremykre. Tahe iny sõwemy deysana-di roholarenyre.

³⁸ Tii rierynamyhÿreu, rarybera: —Bexiemyhÿbeny bede ywina erydÿÿ mahãdu lau. Tiiboho heka tyyrehe-di riraluurenyre. Tiiboho heka rybedÿÿluurenyre hãwãhãkÿ riranaki. ³⁹ Dohodÿÿna heto-ki juhuryana luurenyre. Tule ta anarÿÿ rÿiwana, juhu ryanadile tamyreny awire. ⁴⁰ Tiiboho tule wytese urimynydu aõna aõna ritarenyre. Ixitòedÿÿna rehehekÿ rexitòenymyhÿreny. Tiiboho heka aõnihikÿmy aõhòkÿmy dÿÿnana riòwynyrenykre.

⁴¹ Jesuisi retehemy rÿimyhÿ dohodÿÿna heto nieruhyna ratya-txi. Tii retehere timybo iny sòwemy tanieru-di tamy rehumyhÿ. Tahe ityhynihikÿ tamy sòwemy nieru-di rehure. ⁴² Tahe nade wytese iaòkòdu mahãduõ tii rare. Tii inatxi nieru sòmo-di rehure. Tanieru tahe nierukonana rare. ⁴³ Jesuisi rryre taerydÿÿna-ò: —Inatyhymy adee araybekre. Kowa heka wytese nieru-di rehure ibutумы iny witxira ratyre. ⁴⁴ Kaa mahãdu ibutумы nieru-di rehure rauhenyredile. Tahe wytese idi rehure ibutумы tanieru-di rexihumy taumy-ribi idi rehure.

13

¹ Dohodÿÿna heto-ribi ròhònyreu, ierydÿÿna tamy rarybere: —Erydÿÿdu, bete-heke inihe mana nihikÿ-ò, hetohokÿ-ò. ² Jesuisi rirawyònyre rarybere: —Kaiboho betehebennykre heto nihikÿ-ò. Kia heka mana ijò wityre-ki rÿiòtyhy, ibutумы heka kedejuxunykre.

³ Oliveira bederatòhòkÿ-ki tii ronyreu dohodÿÿna hetoko-txi, tahe Pedro, Txiau, Joaõ, ibutумы tamy doide rÿÿraximy iny-ribi irehemy. ⁴ Wakoreny bedelyyke, tiubo kia kÿnyikyre. Ibutумы aõna aõna kÿnyikyre wana tibo iny bedeerynyrenykre. ⁵ Jesuisi rexiranyre tamyreny rarybere: —Kaiboho anaitxenanydenyheny lau bexiebenyke. ⁶ Sòwemy dori roikre wanimy rarybemy rarekre: —Jiarÿÿ dori Kristu rare. Tahe iny sòwemy anaitxenanykre. ⁷ Kaiboho wounarybe-ò, aõbinarybe-ò, boholakreu, breburenyòmykre. Kia heka kanakremy ratximyhÿre. Urile bededÿÿnana ikonanamy aòkòhyylemyhÿre. ⁸ Uritere inylahinareny, ijòlahinareny-wana wii kidiaõbinanykre. Tule iòlòna mahãdu ijò iòlòna mahãdu-wana wii kidiaõbinanykre. Bede bedesu ijò hãwã-ki kanamytatakre. Tahe aòkòre rama kedeakre. Kia heka juhu aõhòkÿmydÿÿnana rarekre.

⁹ Kai bexiekre anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodÿÿna hetowo-ki. Kiabohoko-txi wadee kaiboho kedelyykre inatyhymy aõna aõna rÿiremy. ¹⁰ Rybewihikÿ juhuu ibutумы bede hãwã hãwã-ò kiditynydÿÿnykre. ¹¹ Tiubo aradyrenykeu, urile nohòtiòmy aõbo kaiboho marybebenykre. Kiautyhyle aõmybo rarybekremy bierykre. Kia tahe marybekre. Kai dori aòkò tarybemahãte, Deuxu Tyytybytyhy tahe rarybemyhÿre. ¹² Seriore seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre. ¹³ Ibutумы heka iny iy kedeakre wani òraru-ki. Kia heka ikonana-ò riijekreu, taumy tarasanakre.

¹⁴ Aõna aõna binahakÿ kanakreu, ibutумы rahukemy. Tiiboho kanakeu itxinonana-txi aòkò rarekemy, kaiboho mahenybenykre bederatòhòkÿ-ò, Judeia hãwã hãwã-ki ratxikeki, mahenybenykre. ¹⁵ Inyò hetotyre-ki ratxikeki, urile ròteòmy aõna aõna wydysymy. ¹⁶ Inyò bedero-ki ratxirekeki, uritere òkeseòmy tyy òrysymy. ¹⁷ Kobexeheny hãwy bòtòmy rÿira, tule hãwy tariòre ritònymy rÿira. ¹⁸ Bexitòenykre kia kanaheny bededÿÿnana sirau. ¹⁹ Aõhòkÿmydÿÿnana kanakre tiu heka tuuòre. Juhule Deuxu bede riwinyreule wiji tuu yrubule bede roimyhÿre. Tiu heka kiamy bede roiòtyhy aõhòkÿmydÿÿnanamy. ²⁰ Deuxu bede iòhòmy rirawetyyòròkeki, moheka irumy ròhònyòtyhy. ²¹ Inyò adee rarybekeki: —Kaki heka Kristu ratxireri. Kowa-ki ratxireri. Uritere ityhydÿÿòmy. ²² Sòwemy Kristu kanakre, urile Kristu inatyhy aòkò rarekre. Tule Deuxu rybedÿÿdu kanakre. Kia Deuxu rybedÿÿdu inatyhy aòkò rarekre. Tiiboho heka bededby riwinykre tule bede eryna. Deuxu hõrõ riitxenanykemy inatyhymy kòãòboka. ²³ Kaiboho warybe biyrubunykre. Adee ibutумы juhuule reòbitinyre.

²⁴ Idi webòhòna r̄yira txuu, aòhòk̄ymyd̄ȳnana itue-di, txuu heka rurunykre. Ahādu tule rurunykre.

²⁵ Taina heka kedexunykre biu-ribi. Biururu raòwèwenykre.

²⁶ Iny retehekre Deuxu Riòre dehemynyna-di. Biurawetyky-ribi kodobehekre. Kia heka lobixina kanabòtòranykre. ²⁷ Tahe tājju kiditeònykre tawedu ijoihòrò butud̄ȳmy. Kidibutunykre ibutu bedede konana-ribi, tule ibutu biukonana-ribi.

²⁸ Tahe figueira òwòru-ribi eryd̄ȳna bierybenykre. Tahe iruru raixinykre tahe, txiru ròhònykre, tai tahe bierybenykre wyra iòhòreri. ²⁹ Tule kia aòna aònamy bobibenykre, tii iòhòlereri. Ijòkile wese nyide. ³⁰ Inatyhymy adee ararybekre, kia wijinabòdu itueòtyhy aòna aòna r̄yikre hārele. ³¹ Biu, bedede-wana ituekre, tahe warybe itueòtyhy. ³² Moò heka rieryòtyhy tiubeded̄ȳnanamybo tii kòdòðsekre. Tule ȳju biutxile rieryòre. Tule iriòre rieryòre. Tule tyby sohojile rieryre.

³³ Kaiboho bexieke, beteheke. Kai dori teeryòtenyete tiubeded̄ȳnanamybo kòdòðsekre. ³⁴ Kedehemynykremy dori iwese hābu t̄yimy rarewese tii rexitareu, ririre tadeòdu. Tadeòdulemy tule ridyre itxeredu retehemyh̄kemy. ³⁵ Tahe betehe inihe teeryòteri dori tiubo kanakre heto wedu, txioromy ada ruwetya aòbo, ada hānie hābu rryy-di aòbo, ada txumy aòbo. ³⁶ Betehe inihe iny araradòlemy tii rehemynyreri aki rahakre at̄yi-ò. ³⁷ Aòna aònamy jiar̄y rarybemyh̄yre, rarybera ibutu-ò: —Bijjebeny.

14

¹ Kia-ribi inatxi txumy riuhenymy ratxireri anar̄ȳ kodohònykremy. Kia anar̄ȳ wehityhynamy heka iny ratya-di reare. Tule orotxu anar̄ȳ kia ròhònyre. Tule Deuxu aòm̄s̄ȳd̄ȳdu wedu mahādu tule bedede eryd̄ȳdu mahādu Jesuisi rimykemy ratxireri idi rirubunykemy. ² Tiiboho rarybemyh̄yrenyre: —Kiahe aòkòre anar̄ȳ r̄yireriu, iny sòwemy inydeereny kana aòbinanyheny.

³ Jesuisi Bet̄ȳnia hāwā-ki ratximyh̄y, Simaò tyybina heto-ki ratximyh̄yre. Jesuisi òwòru besed̄ȳbire-ki roimyh̄y. Tahe hāwyy aderòna òwynihik̄y-di l̄nyrena wihik̄y-di nade. Tai ihyna riwebòhònyra tahe Jesuisi ratityre-ò ritxiwira. ⁴ Inyòreny rexiykaranyke. Tahe widee rarybera: —Aòherekibo aderòna rahura. ⁵ Inywitzira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahid̄ȳnykre. Tahe tiiboho rexibynyreri hāwyy dee. ⁶ Tahe Jesuisi rarybere: —Txiohe rare, uritere ixibydȳomyke. Tii heka aòwihik̄ybo wadee riwinyra. ⁷ Kiamy aòu aòu iny aòkòdu r̄yikremy. Aòule heka tamy aòwihik̄y biwinybenyke. Jiar̄y tahe, aki aòu aòu aòkòlekre. ⁸ Tii heka rexikonanany ròwid̄ȳre. Aderòna-di watyre ritxiwire wabede-ò jiar̄y raòule. ⁹ Inatyhymy adeereny ararybekre. Aòtxile Deuxu Rybewihik̄y iny relyykre. Kia-ò kahāwyy ijyymy relyykre, ibutumy iny idi ròhòtynykremy aòbo riwinyredi.

¹⁰ Tahe Judasi Isariò Deuxu aòm̄s̄ȳd̄ȳdu-ò rara Jesuisi tamy rawahid̄ȳnykemy. ¹¹ Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi riijemyh̄yre aòu aòu bedewihik̄y tamyreny riwahid̄ȳnykemy.

¹² Juhu orotxu anar̄ȳtxure budoeni xiweloo rirubuny rahudi tahe Jesuisi eryd̄ȳna mahādu tamy rarybere: —Titxibo anar̄ȳ r̄ys̄ynamy biroxykemy atxiteri. Jiar̄yboho kowa-ò aroikre. ¹³ Tahe Jesuisi tamy rarybere: —Kaiboho boikre hāwāhāk̄y-ò. Tahe hābu-wana wii biòbinykre butxi-di riwyreriò. Tahe tii biheludunybny. ¹⁴ Aòtxile hetoò-txi ralòke, kaiboho marybebenyke hetowedu-ò: —Waeryd̄ȳdu rarybera: —Titxiwexe anar̄ȳ r̄ys̄yna arir̄ys̄ykre waeryd̄ȳna-wana. ¹⁵ Tii heka adee kiditeòsinykre hetowowitxiraò biu-txi. Ibutumy rexihumy r̄yire inydeereny. Kowa r̄ys̄yna inydeereny biywinykre. ¹⁶ Tahe ieryd̄ȳna rexitare. Roire hāwāhāk̄y-ò. Tahe ròhònyre iwese Jesuisi relyyre wese. Tahe ibutumy rexihurenyre anar̄ȳ-ò.

¹⁷ Txiorou Jesuisi nade taeryd̄ȳna waòinatxi reurò-wana. ¹⁸ Tiiboho òworubesed̄ȳ riroximahāu, Jesuisi rarybere: —Kaiboho wawana teroxitenyteri sohojiò biwawahinykre. ¹⁹ Tahe urihim̄yò rexiranyre rabadewomy. Tahe widee raryberenyre: —Jiar̄yle heka ariwahinykre. ²⁰ Tii rirawyònyre: —Kaiboho, waòinatxi reurò mahādu sohojiò. Kia

mahāduō orotxu-di wawana rebenymyhy besero-ki. ²¹ Inatyhymy Deuxu Riðre Hābutyhyhyky rakre iwese iritina rýirewesele. Kobexeheny kowa hābu heka kidiwahinykre. Tamy iny awire kedeaōlede.

²² Tiiboho riroxireriu, Jesuisi orotxu rimyreu, raorore, rexitðenyre, tahe tamyreny riwahinyre. Rarybere: —Āhāxe, kia heka waumy wese rare. ²³ Tahe viihynamona rimyre, rexitðenyre, tahe tamyreny riwahinyre. Ibutumy ibute bute iribi tuu riðrenyre. ²⁴ Tamyreny rarybere: —Kia wāhālubu wese rare. Kia hālubu heka rybe tȳmyra ywidȳyna hālubu rare. Kia inyboho kidinohōtijuadenykre. Wahālubu heka kedeljuxunykre iny rabòrònihiky dee. ²⁵ Inatyhymy ararybekre: —Ariōtyhy heka òtetibederatyrube tȳmyra ihyy tahe tiutxumybo Deuxu Iòlòna-ki ariōkre.

²⁶ Deuxuwimy rawinyrenyreu, tahe rexitarenyre Oliveira bederatòðhòky-ò.

²⁷ Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rýire.

Itxeredu tahe rirðrenykeki, budoeni rahenykre.

²⁸ Tahe rubu-ribi adexiakre, arakre akomy Kalileia-ò. ²⁹ Pedro rarybera Jesuisi-ò: —Ibutumy ararikeki, arariōtyhy. ³⁰ Jesuisi tamy rarybera: —Inatyhymy ararybekre. Wijirumy hāniehābu inatxi kydyrykreule, kai iny witxira-ò biwatxiōnykre inataō bedemy.

³¹ Tahe Pedro rarybera tarurutyhymy: —Aōkōre, aratxiōnyōtyhy, ihārele tahe awanale arurukre. Ijō mahādu tule kia wese rarybera.

³² Tahe roire Kesemani hāwāmy ninadu-ò. Taerydȳyna-ò rarybera: —Biwaraðmy bonykre kakile. Kowa-ò arexitðenykre. ³³ Tii ridyrenyre Pedro, Txiau, Joaō-wana. Jesuisi rexiranyre rabadewomy ihyy rexitðenyre. ³⁴ Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre bijjemy. ³⁵ Tahe iko-txi urihimyo rareu, resere. Rexitðenyre: —Waha, adee arexitðenykre. Adee awikeki, kia òraule tiu warðteōna. ³⁶ Tii rarybere: —Waha, adee ibutumy isiraōre. Kia bemona inyhe warðbi bitake inihe. Tahe wadeewi wadeewi-ki aōkō watxireri, tahe adeewi-ki. ³⁷ Tii rehemynyre tai rahare rōrōrenymy roirerið. Rarybere Pedro-ò: —Simaō, Tarōteri aōbo. Biijeōtyhy sohoji òramy bededȳynana. ³⁸ Biijebenykre, bexitðenykre, uritere rutaanamy ròteōmykre inatyhymy atyytyby irurudire tahe ade iruruōre. ³⁹ Tahe Jesuisi ixityre rare rexitðenyre ixiwesele. ⁴⁰ Ròðsereu, ijō-ki rahare rōrōmy ixiwesele, irurureny rautxienymyhy dori. Tiiboho rierykōre idi rirawyðnyrenyre. ⁴¹ Tahe ixbyle ròðsere tahe rarybere: —Morōbeny bexielehynybeny. Òra iòhòreri. Kia heka Deuxu Riðre Hābutyhyhyky kanawahidȳykre òrarudu mahādu-ò. ⁴² Bitȳmynybenyke, rokoireny, walòsedȳydu iòhòmy rareri.

⁴³ Tii rarybereriu, aōwesele Judasi nade. Kia heka waòinatxi reurð mahāduō rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydȳy mahādu-ribi, Deuxu aōmysȳdȳydu wedu-ribi. ⁴⁴ Lòsedu tamyreny juhūu bede eryna riwahinyre. Kawese heka rarybere: —Kowa heka inyō-ò aruwokre, tii heka hābu rare. Bimybenykre, birarenybenywhikȳykre. ⁴⁵ Judasi rehemynyrenyreu, tahe rarybere: —Wedu, wedu. Tahe tamy ruwore. ⁴⁶ Juda ijoì Jesuisi rimyra. ⁴⁷ Kia ijoìð mayrehe ritare tahe Deuxu aōmysȳdȳydu wedu deòdu nohòti riorore. ⁴⁸ Tahe Jesuisi dirawyðnyde: —Kaiboho mayrehe-di tiwaðrynyteri wasidu-wesemy aōmy, òhòte-di. ⁴⁹ Jiarȳ tahe dohodȳyna heto-ki watximyhy txuō txuōlemy adeereny araerynanywāhādenyde. Kowa-ki heka tiwamyōlemyhytenyde. Tahe aōbo iritina-ki rýireri, kia heka kȳnykremy. ⁵⁰ Ibutumy ierydȳy mahādu ririrenyre, rihenyrenyre.

⁵¹ Kia heka hābuō riheludunymyhy tyy tayredile rexitȳynymy tiiboho ridyrenyre.

⁵² Tii tahe tyy ririre tahe rahenyre tadelemy.

⁵³ Deuxu aōmysȳdȳydu wedu-ò tiiboho Jesuisi ridyre. Bede ywina erydȳy mahādu, matuari mahādu-wana ributunyre. ⁵⁴ Pedro riheludunyre irehetyhytyhymy. Rehemynyre Deuxu aōmysȳdȳydu wedu heto-ò. Tai tahe ixitðeenymy heðtywera-ò rorukumyhy heto itxeredu mahādu-wana. ⁵⁵ Deuxu aōmysȳdȳydu mahādu wedu,

tule dohodÿÿdu mahâdu alobixidu riijemyhÿre aölemy Jesuisi òludu relyymyhÿre, Kia òraru-ki rirubunyunyky. Rahaöre. ⁵⁶ Söwemy iny ruimy relyymy rÿimyhÿ. Iruinarenny wiribi hitxi hitxilera. ⁵⁷ Ijô mahâdu rÿimyhÿre relyyrehâre ruimy rarybere: ⁵⁸ —Inyboho irybe-ò roholarenymy: Jiarÿ heka dohodÿÿna heto ariixâwididÿÿnykre kia heka hâbu iwidÿÿna rare. Txu inataö-di ijô ariwinykre iwidÿÿnaweseöre. ⁵⁹ Kia heka aömybo tuu relyyrenyremy irybe wiribi hitxi hitxire. ⁶⁰ Deuxu aömysÿdÿÿdu mahâdu rÿire inysöwetya-txi. Tii Jesuisi ritÿÿraxinyre: —Kai aöbo biwarawyönykre aömybo relyyrenyleri adee òludumy. ⁶¹ Tii rerawyönyölerere ixyby tahe Deuxu aömysÿdÿÿdu mahâdu ritÿÿraxinyre: —Kai aöbo Kristu tate, Deuxu wityhy riöre. ⁶² Jesuisi rarybera: —Jiarÿ heka. Kaiboho betehebennykre

Deuxu Riöre Hâbutyhyhykÿ Deuxu rurunaweribi-ò ronyreri. Kaiboho tii betehebennykre
Deuxu Riöre Hâbutyhyhykÿ biuwetyky-ribi naderi.

⁶³ Deuxu aömysÿdÿÿdu wedu ityy riykara idi rarybera: —Aöherekibo ijô alobixidumy iny rururennyreri. ⁶⁴ Kaiboho taholatenyta aöbina binalemy rarybereriö aömybohe kaiboho tahötinymyhÿtenyete. Ibutumy heka tawo riraöhörennyra rubudukremy. ⁶⁵ Tahe ijô ityre rybeximy rarutaara rexiruehetynyre tahe tule rihetenyre. Tahe rarybere: —Mota làhà arahätennyra. Idi tahe heto itxeredu tule rihetenyre.

⁶⁶ Pedro heka ratximyhÿ bedeube-ki tahe ijadöma dehemynyde, Deuxu aömysÿdÿÿdu deödu. ⁶⁷ Pedro rexitöteenymyhÿ heötywera-ò tahe ijadöma tamy retehere. Tahe rarybera: —Kai tule Jesuisi Nazare ludu-wana atximahâte. ⁶⁸ Tahe tii rexitxiönyre: —Jiarÿ reeryöre aömybo kai tarybeteri. Tahe Pedro hetowo-ribi rõhönyre. ⁶⁹ Ijadöma ixyby ixyby itxeremy rarybere kowa ijoio-ö: —Kowa heka tii mahâduö rare. ⁷⁰ Tahe tii ixytyre rexitxiönyre. Ixybyle kowa ijoioö Pedro-ö rarybera: —Inatyhymy kai ijô mahâduöle tate. Kai dori Kalileia mahâdu tate. ⁷¹ Tii inatyhytyhyrybemy rarybera: —Jiarÿ reeryköre hâbumy tarybetenyteri. ⁷² Tahe hânie hâbu ryryra, inatxi hewoludumy. Ta Jesuisi rybe-txi Pedro töhöti reare. Iwese Jesuisi rarybere: —Inatxi hânie ryrykredi, ihewoludukomy ryrykre, wadee bedexitxiönykre inataömy. Pedro tahe iribi rexitareu, rahinyre.

15

¹ Txuu reareu, Deuxu aömysÿdÿÿdu wedu, matuari mahâdu, Bede ywina erydÿÿ mahâdu ibutumy ributunyre. Tahe Jesuisi ritaataare tahe ridyrennyre Pilato-ö. ² Pilato Jesuisi-ö ritÿÿraxinyre: —Kai aöbo judeu iölä tate. Tii rirawyönyre: —Kai ka tuu tarybeta. ³ Deuxu aömysÿdÿÿdu mahâdu wedu rarybere Jesuisi aöna aöna awimy aökö riwinyre. Tahe Jesuisi riwawyönyöhyllere. ⁴ Pilato ixybyle rÿÿraxire: —Kai birawyönyötyhy aöbo. Kai aöbo taholaleteri aömybo tiiboho autedé-ö raryberenyleri. ⁵ Tahe Jesuisi rarybeöhyllere tahe Pilato urile bede riötiinymyhÿre.

⁶ Kia heka juhuyu iny deöwarixina rare hâbu rõteduö ritakemy anarÿÿtxuu. Aötxile iny tamy rexitöenyke. ⁷ Rötönewo-ki raremyhÿ inyö Barabamy ninadu-ki. Tii tahe inywitxira aöbinadu mahâdu-wana ratximyhÿ. Kiamy inydinodu òraru-ki aöbina rÿireki, tii iny rirubunnyre. ⁸ Iny söwehekÿky-ki doide, tahe rexiranyre ixitöedÿÿmy: iny deöwarixina ködöhönykre. ⁹ Pilato dirawyönyde: —Adeereny ariölädÿÿnykekö aöbo ka judeu iölä. ¹⁰ Tii rieryre dori Deuxu aömysÿdÿÿdu mahâdu wedu tamy Jesuisi ridyrennyre iwobinanarenny lau. ¹¹ Deuxu aömysÿdÿÿdu wedu inysöwe riixitöedÿÿnyre Baraba riölädÿÿnykemy. ¹² Pilato ritÿÿraxinyre ixybyle: —Aöhebo tahe idi arotÿÿnykre. Kaiboho tuu teninimyhÿtenyete judeu iölämy. ¹³ Tiiboho rirajuarennyre: —Bitamadÿÿnyke itxeö nihikÿ-ö. ¹⁴ Ta Pilato tamyrenny ritÿÿraxinyre: —Aöbina taka riwinyre. Aöhe-wana ixytyre rirajuamymyhÿrennyre: —Bitamadÿÿnyke itxeönihikÿ-ö. ¹⁵ Pilato inydee aö riwahinykemy rõhötinnyra, tai ta Baraba riölädÿÿnyre. Idi tahe Jesuisi rihytanymy rahudi, riteönyre itxeönihikÿ-ö riukörennykemy.

¹⁶ Soldado ridyrenyire heto woube-ò. Tai tahe ibutumy soldado ributumyire. ¹⁷ Tahe tyysòborehekỹ-di rityynyrenyire. Tahe ede rataana ritidire ira-ò. ¹⁸ Tahe riry-benyrenyire: —Adee nihikỹre judeu iòlò. ¹⁹ Tahe rihetenyire bòtòre-di irati-ò, tahe ityre rarybexinyire tahe rỹire tatiowotimy rityhynykemy. ²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyire itxeònihikỹ-ò riukòrenykemy.

²¹ Kowa-di rekoarennyire hãbuõ. Simaõ Sireni inire. Kia heka Alexỹdre, Rufu-wana tyby rare. Tii nade bedero-ribi. Tiiboho tahe riitxydyỹnyire itxeò-di retyykemy.

²² Riwyrenyire bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. ²³ Tiiboho vỹ riurinyire òwòruburu-wana. Tahe tii tuu riõõlera. ²⁴ Itxeònihikỹ-ò raukòrenymy rahudi tahe ityy wirarea riatyre, tahe ityy-di rarudeòsanyire tibo iny sohoji sohoji ityy riwykemy. ²⁵ Biurasò txu Jesuisi itxeò-ki raukore. ²⁶ Iratya-ki tahe ritina rỹire: JUDEU IÒLÒ. Kia heka iny tuu rarybemyhỹrenyire. ²⁷ Tahe tii-wana inatxi wasidu itxeònihikỹ-ò riherinanyire, ijõ ruruweribi-ò, ijõ hyweweribi-ò. ²⁸ Tahe rotỹnyire aõbo Deuxu ritina-ki rỹire wese: Tii ratximyhỹ òrarudu mahãdu-wana. ²⁹ Iny reareare tara riohowimy rarybere aõbina binamy: —Kobe, kai korihe dohodỹna heto biatykemy inataõ txudile tahe ixityre bidiwinykre. ³⁰ Kaile inyhe bexitakre itxeò-ribi. ³¹ Iwesehyyle Deuxu aõmysỹdỹdu wedu, bede ywina erydỹ mahãdu-wana widee raryberenyire. Jesuisinimy raujòmorenryeri: —Tii iny witxira ritare, tiile tahe rexitaõtyhy. ³² Kristu, judeu iòlò, bodobeheke itxeò-ribi jiarỹboho arobirenykemy, tai tahe aratyhynyrenykemy. Tule wasidu tii-wana raukòrenyire itxeò-ki Jesuisimy raujòmorenryere.

³³ Txutyeyu ibutumy bede rurunyire. Tahe roire txu kaò resemey. ³⁴ Kiaule tahe Jesuisi rarybeterenyire: —Elò, Elò, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite. ³⁵ Ijoiõ heka tamy roholareu, rarybere: —Tii heka Eliasi-ò ryreri. ³⁶ Hãbuõ reare bexi ritỹxinyire vỹ juberere-di idi tahe ritidire tabòtòrejura-ò. Riwahinyire Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aõbo inyhe itarasamy. ³⁷ Jesuisi rryre irariemy idi rurure. ³⁸ Dohodỹna hetowetyy raykare inatxi weryna tyymy, biu-ribi, bede-ò. ³⁹ Soldado dinodu Jesuisiko-txi ratximyhỹre. Tahe rurureu, irubumy robire. Tahe rarybere: —Ka heka inatyhymy Deuxu riòre rare. ⁴⁰ Tule hãwy mahãduõ retehemy rỹimyhỹ irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihỹre ijõ-wana. ⁴¹ Kia heka Jesuisi Kalileia raremyhỹ, tiiboho tahe sòwemy iny-wana doide Jerusalẽ-ò.

⁴² Txioromyhe dehemynyde. Wirareasanatxu rare. Kia heka sabadotxukokile rare. ⁴³ Jyje Arimatea hãwã ludu dohodỹdu nihikỹõ rare. Tule heka tii riraòmymy ratximyhỹ Deuxu iòlòna. Tii ruberuõlemy rare Pilato-ò Jesuisiumymy ixitèdỹmỹ. ⁴⁴ Pilato rabedeòtiidỹnyire Jesuisi rurumy roimyhỹdi tai rryre soldado dinodu-ò. Tai Pilato ritỹraxinyire, Jesuisi rurumy roimyhỹdi. ⁴⁵ Soldado rarybereu Jesuisi rurumy roiremy tahe Pilato riteònyire Jesuisiumy Jyje-ò iwahidỹmỹ, ⁴⁶ Jyje ritare itxeònihikỹ-ribi tahe ritỹtenyire tyurahãkỹ-di. Idi tahe ritidirenyire mana hãloo wabedewo-ò. Tahe mananihikỹ-di riijòtòbònyra. ⁴⁷ Marie Madalena, ijõ Marie Jyrese reteherenyire titxibo tii ritidirenyreò.

16

¹ Tahe nobiutxu, Marie Madalena, ijõ Marie-wana ihewoludu Marie, Txiause, Salomese-wana rare. Tiiboho lỹnyrena riõbranyrenyire. Tahe roire Jesuisibymy idi rekoakremy lỹnyrena-di. ² Juhutxu semana bededỹnanau txuu deadeule roire wabede-ò. ³ Widee raryberenyire: —Mowexe mana ritakre ijò-ribi. ⁴ Tahe tuu robirenyire. Mana nihikỹ ritamy rỹire. ⁵ Wabede-ò rirònyrenyire, robirenyire weryrybòweselemy ronymyhỹ ruruweribi-ò. Ityy urahakỹmy ronymyhỹ. Tahe tiiboho bede riòtiinyrenyire ruberurenymy. ⁶ Tii tamyreny rarybera: —Uritere breburenyõmy. Kaiboho aõbo teòrytenyta Jesuisi Nazare ludu. Kia itxeò-ki rurure. Tii aõkõ kaki ratxireri. Rexixara

rubu-ribi. Betehebeny inihe tai ritidiraò. ⁷ Makre. Marybekre ierydỹna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. ⁸ Tahe tiiboho rihenyrenyrene wylemy wabede-ribi ruberumy. Tiiboho moò heka rarybeòhylyrenyrene ruberumyhỹrenyki.

⁹ Juhutxu semana bededỹnau Jesuisi rubu-ribi rexixare. Idi tahe juhuu àsitereribile rexitỹnynyrene Marie Madalena dee. Kia-ribi heka juhuule ritare debò inatxi reurò tyytybybinamy. ¹⁰ Tii rare Jesuisi-wana raremyhỹ mahãdu-ò. Tiiboho rabadewomy ratximyhỹreny, rahinymyhỹreny. ¹¹ Tamyreny relyyreu iwese Jesuisi tamy rexitỹnynyrene wese Jesuisi irulemy ratximyhỹreny tuu robireke, rityhynyòlerenyrene.

¹² Jesuisi rexixamy rahudi tahe, iwitxiramy rexisỹnynyrene inatxi erydỹna-ò. Tiiboho heka roimyhỹrenyrene bedero-ò. ¹³ Tahe dòsede relyyrenyrene tajoi-ò, tahe tule rityhynyòlerenyrene.

¹⁴ Tahe waòsohoji reurò erydỹna-ò Jesuisi àsitereribile rexitỹnynyrene. Tiiboho riroximyhỹrenyò rexitỹnynyrene. Tahe Jesuisi tamyreny rarybera: —Aòherekibo kaiboho iny wamy robira mahãdu tetyhynyòteri. ¹⁵ Kaiboho boibenyke ibutumy bede bede-ò Rybewihikỹ bitỹnynykre. ¹⁶ Inyò Rybewihikỹ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre òraru-ki. ¹⁷ Kia bede eryna ityhydỹdu kidiheludunykre. Tiiboho tyytybybina kiditeònykre wani-ki. Tule heka tiiboho itỹmyra rybe kanarybedenykre. ¹⁸ Hemylala rimyrenyreu, aòhe rotỹnyòlere tule rubuna monamy riòkeki, rotỹnyòlere. Tiiboho tebò ritidirenykre bina mahãdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyrene Deuxu ru-ruweribi-ò. ²⁰ Tahe tiiboho roire ibutumy bede bedemy tai bede ritỹnynyrenyrene. Wanyrỹ riwiòhenanyrenyrene tahe bede eryna-di irybe ixidee rimyrenyrene ihelududỹdu mahãdu-ò.

Luka Deuxu Rybe Wihikỹ Tỹmyra, Luka Tyyritidỹydu

¹⁻³ Wyla, Teòfilo. Adee heka watyriti ariwahinykre timybo Kristu rotỹnyre. Tuu lobixidu mahādu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinytyhyre, waiòlò, iwese ibutumy reeryrenyrehu bededỹna-ribi. Aōma inatyhymy kia rotỹnyre rare wahe. ⁴ Kia wese wahe. Iwese iny adee relyyre wese, jiarỹ adee arelyyre inatyhymy aōbo rotỹnyre. ⁵ Zacaria heka Deuxu xiwe wahidỹydu rare, Abia ijoiò wahe. Iriòrese Isabeli tahe tule xiwe wahidỹydu riokore mahāduò rare. Kiau heka Herodi judeu bedesỹ iòlòmymy raremyhỹ, Araò riokore mahāduò wahe. ⁶ Wiwanale heka awirenyre Deuxuru-ò. Òbitihyy heka ratximyhỹrenyrehu ibutumy Deuxu bededỹnanako-ò. ⁷ Tiiboho iriòreòhyyre. Ihāwyy Isabeli heka rasenadunyrehu, uladu herina dori awiòre. Ihābu tule ramatuarinyre.

⁸ Aòutxumy tahe Zacaria raaòmmysỹdỹnyre aōma templo-ki. Kiatxu heka iròtenatxumy bede rỹimyhỹre templo-ò. Tahe iwo-ki ratximyhỹre. ⁹ Hewydysi lỹnywi ritoonymyhỹ Deuxu kia deàlanamy, iwese riwinymyhỹrewesehyyle. ¹⁰ Iu ahana-ki tahe sòwemy iny rexitòenymyhỹ. ¹¹ Iu Zacaria xiwena ruruwe-ribi loosòna-ò rỹireu, hewydysi lỹnywi ritoonymyhỹre. Tahe aòwesele ýjuò rexitỹnyre Zacariako-ò. ¹² Tii tuu robireu heka rexiraòmymy ruberumy reare. ¹³ Ýju rarybere: —Brebuòmymykre, Zacaria. Deuxu roholare aixitòedỹna-ò. Tai heka adee ijyymy rareri. Ahāwyy Isabeli rariòrenykre. Kai heka Joaòmymy bininikre. ¹⁴ Tai kaiboho heka iura heka beysabenyke sòwemy; ijò iny tule reysakre iòraru-ki. ¹⁵ Tii heka hābutyhyhykỹmy rarekre Deuxu dee tiu heka vỹ riòòtyhy mona hàrihikỹ riòòtyhy. Deuxu Tyytybytyhy. Juaòtykymy ralokre tii reareu. ¹⁶ Sòwemy heka aōma Israeli mahādu Deuxu rityhinykre iòraru-ki wahe. ¹⁷ Tii heka hābutyhyhykỹmy rarekre Deuxu rybedumy Elia wesemy. Tii heka aōma Deuxu deòdỹna juhuhu rehemynymy reakre ikòlemy iny ywisidỹnakre rehemynyrehu juhuhu, aōma Deuxu Tyytybytyhy dehemynyna riijemy tuu rehemynymy rakre. Tii bede wina riòbitinykre inyy-ki. Tyby tariòre-wana wii riwoxinykremy. Tii heka iny ribedeerynykre aōma òbitimymy rỹirakremy. Deuxu luumy rỹirakre aōma ilahireny rỹira wesemy juhuhu.

¹⁸ Zacaria rarybere ýju-ò: —Jiarỹ ramatuarinyre timykre heka? Hāwyy tule rase-nadunyrehu ihārele òsana tukre. ¹⁹ Ýju rarybere: —Jiarỹ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰ Kai tetyhynyòhyteri tai kai marybeòkre uladu reakre xiery tahe marybekre. Kaa adee rarybereri dori òbitimymy rarybereri warybemynamy ibutumy rỹikre. ²¹ Iny riraòmymy rỹimyhỹ Zacaria òlòna, tahe raroorehenymyhỹ. Iroorehena rieryòhyymyhỹreny. Dòhònydeu ta, rybe-ki rexisiranymy rarybeòhyyre. ²² Tii rehemynyrehu tamy rybeòhykyre rahòra. Idi tebò-di raramynyre urile rybe riwisỹnymy rarybeòhykymyhỹre aōma timybo aòhebo rotỹnyra heka riòbitinykemy heka rarybeòhyymyhe timyrabo. ²³ Tahe taaòmmysỹdỹna rihudi, taheto-ò ròdsere ixyby.

²⁴ Idi tahe Isabeli rabòtònyre iruwyre ahādumy bede riijere rexiwòmymy. ²⁵ Isabeli rarybere: —Deuxu awi heka rare, riwatare waixỹruna-ribi. Kuladu wadeke riwahinyreri.

²⁶ Ijò ahādu tahe Deuxu Gabrieli riteònyre Nazare hāwā-ò Kalileia bede-ò. ²⁷ Ýjuò heka rybe-di ijadòma-ò. Kia ijadòma heka wii ritobinymy rỹireri tybyboho iseboho Jyje-wana roikremy. Jyje heka iòlò Davi kia mahāduò rare. Ijadòma tahe Marie inire. ²⁸ Ýju heka kiamy rarybere: —Beysakre Marie! Inynyrỹ heka awana ratxireri. Bedeòbyhykỹ adee kidiwahinykre. Tii arāwowydinyreri. ²⁹ Kia rybe-di tahe Marie rexiraykynyre. Tii rieryòmymy aomybo rare. ³⁰ Tahe ýju tamy rarybere: —Marie, Brebuòmymy! Deuxu teteysanyte. Kai awi heka rare. Tii aòwihikỹbo adee kidiwahinykre. ³¹ Kai heka mariòrekre, uladu heka Jesusimy raninikre. ³² Tii heka hābu nihikỹ rarekre. Tii Deuxu riòremy raninikre. Deuxu heka tii iòlòmymy risỹnykre, iwese Davi alabiehekỹreny ronyre

wese, tii ronykre. ³³ Tii heka ibutu Ijaò mahādu iòlòmý rarekre. Iòlòna heka tiu itueòtyhy. ³⁴ Tai tahe Marie ýju-ò rarybere: —Jikarý heka ijadòkòmattyhy watxireri. Timykibohe krabòtònykre. ³⁵ Tahe ýju rirawýdnyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremý raninikre. ³⁶ Nohòti lusaòmý anymy-ribi Isabeli riki bòtòkòmý rareke-ribi tahe bòtòmý ratxireri. Debò sohoji reurò ahādumý iahādu. ³⁷ Deuxu dee heka tiu aò isiraòre. ³⁸ Marie rarybera: —Jikarý Wahí dekòdu rare. Anomybo tarybeteri ka ibutumý rekyrubunyreri. Wadeke awire. Anowaxina tuukre irybemynamy karotýkýnykre. Idi ýju rikòmý reare.

³⁹ Idi ta tii heka Isabeli roramy rare. Zacaria sýmý Judeia bede hāwālò hāwā bede-ki. ⁴⁰ Iu Marie rehemynyreu tahe wii rirybenyreny: ⁴¹ Tiu kia aòbo uladu Isabeli kia-ki iule rexiwatxinyhý Marie-ò. Isabeli heka týxiykýle Deuxu Tyytybytyhy-di ratximyhý. ⁴² Riajuamy rare deysana-di sòwere: —Kai hāwyy ibutu-ribi deysana rarekre. Auladu tule deysana rarekre. ⁴³ Anoherekibo Wahíse waroramy naderi. Jikarý ano anokò rare. ⁴⁴ Adeke rahokujareku, kuladu wawoku-ki rexilòrelòrenymyhý tabedesa-di. Tai tahe Isabeli rýřraximy ratximyhýre Deuxu Tyytybytyhy-di. ⁴⁵ Kai bekysabenyke kia tetyhynyteki. Deuxu rybe dokuri adeke nade. Iwese tiki rarybereweesele ibutumý ráikre. ⁴⁶ Marie rarybere: —Jikarý wawoku-ribi Wahí rewokuwydyny. ⁴⁷ Wawokurityhy wadekysareri Wahí watarasadu dokuri rare. ⁴⁸ Ihyky tahe tiki tekòdu-ribi walanokonakona-ribi tōhòti rosakre. Tahe iny ibutumý hāwýky dekysanamy riwaninikre. ⁴⁹ Deuxu dokuri anomydýkýnana wiwihiký wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahinyhýre iny tamy wowydyna riwahinyreki.

⁵¹ Ixityhy nohòtidu mahādu tiki rehure. ⁵² Bede ikòlò sòwemy tiki rehure. Tule iny ianokò mahādu Deuxu riwikòhenanymyhýre.

⁵³ Rama risamahādu deke rýsýna tiki riwahinyre.

⁵⁴ Irybe tahe tiki rityhinyre anobo tiki inytybyreny deke tiki raryberemy. Tikiboho tahe Deuxu riwikòhenanyre. ⁵⁵ Ruxetòena tahe Abraò deke riwahinyre tule tikiemy iriokore deke riwahinyhýre.

⁵⁶ Marie tahe inataò ahādu Isabeli-wana riwýra. Idi tahe tasý-ò ròðsera.

⁵⁷ Bededýñnana Isabeli-ò rehemynyre. Iriòre reakremý ratxireriu, Iriòre reare. ⁵⁸ Isý mahādu heka teysana-ò roholarenýre, iery mahādu tule rabedesarenýre tamy Inynyrý raruxetòenyredi, Inynyrýreny ruxetòena tamy riwahinyreki. ⁵⁹ Tahe debò inataò txu-di, uladu notyky resynamy bede rýire. Zacaria raninykemyre. ⁶⁰ Tai tahe ise rarybere: —Anokòre, Joaòmý rarekre. ⁶¹ Isý mahādu rarybere: —Joaòmý ninadu taheka ijòkòhykyre inysýreny-ki. Anoherekibo tuukre? tai tuu raninike wahe. ⁶² Tuu Zacaria-ò rýřraxireny: —Momybo raninykre? ⁶³ Tahe Zacaria tababese riòreò rimy. Riritinyra kia: —Joaò heka inikre. Tahe ijò mahādu ibutumý ribedeòtiidýñnyre. ⁶⁴ Iu tahe Zacaria rarybere Deuxu riwowydnyre. Tahe ibutumý isý mahādu heka ruberure. ⁶⁵ Ibutumý heka tii relymy raremyhý Judeia mahādu hāwālò nihikýmy. ⁶⁶ Ibutumý tamy roholaré heka raryberenyre: —Timybo uladu rarekre? Inynyrý idi tarukimy iweribikre.

⁶⁷ Tahe Deuxu Tyytybytyhy heka Zacariatykemy ralore. Tahe Deuxu aòmýdýñnanamyhe relyre timybo rabededýñnananykremý. Tii rarybere:

⁶⁸ —Judeu mahādu Deuxu awi rare. Tii dori taijoi roramy nade.

⁶⁹ Iwiòhedýñmy tulemy tarasadu tyhy Tii heka Iòlò Davi mahādúy rare. ⁷⁰ Deuxu Rybedýñdu mahādu kia wesemy tuu raryberenyre.

⁷¹ Inydireny òludu mahādureny-ribi riki iny ritarenýkre. Iny-di heka raruxetòerenyra.

⁷² Tahe iny-ribi tōhòtirený rosaòhykyra. Tahe rarybekre timybo raryberemy inytybyrenymý. ⁷³⁻⁷⁵ Tii heka iny ritarenýkemy inydireny ratxireri inyòludurený-ribi. Kia-ò heka rarybere inylabierený Abraò-ò. Tai heka rikiwiòhenananyrenyke brebuòlemy. Òbitimý iko-ò rakatxirenýhykre. ⁷⁶ Kai wariòre Deuxu rybedumý mabekre. Kai heka mabekre Deuxuhuký rybemy rybedumý. Kai heka bòhònykre Inynyrý-kò iry biwinykremý.

⁷⁷ Asỹ mahādu-ò marybekre biu-ò hena kanakremy ihỹre. Deuxu heka tōhōti rosakre iòrarunareny-ribi. ⁷⁸ Iny Deuxureny dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹ Kia bede lurumy rỹira mahādu biuloosònamy robikre.

Zacaria rybe tahe rikonananyre. Loosòna ywinary-ò tahe ritỹnynykre.

⁸⁰ Ihewo-ribi tahe uladu ratybieny re taumy-di Deuxu tyhydỹna-ki tule. Tii heka bederahy-ki raremyhỹ. Tiutxumy rexitỹnynykre Judeu mahādu-ò.

2

¹ Kia mahādu iòlò Augusto inire. Kia heka ibutumy bede-ki inyni rityyritinykemy bede riywinyre. ² Kurina heka Siria bede dinodu rare. ³⁻⁴ Jyje heka Nazare hāwā-ki rasỹnyny raremyhỹ. Tai tahe Kalileia bede-ribi tiiboho roirenykemy Judeia bede-ò. Iòlò Davi dori tai reare, Belē hāwā-ki. ⁵ Jyje tahe rare, tii dori Davi ijoimy rareki. Marie bòtòm tii ridyre tai ihāwyy. ⁶ Tahe Belē hāwā-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire. ⁷ Tai hāwyy ratohouāseny. Idi rihetynyre awaru roxina hynaro-ò ritidikemy.

⁸ Iu tahe budoeni-di itxeredu mahādu bedero-ki ratximyhỹreny. ⁹ Idi tahe ýjuõ tamy nade Deuxu-ribi. Deuxu loosòna tamy ritynyre. Ruberurennyre. ¹⁰ Ýju tamy rarybere: — Brebuõmyrenyke. Rybe wihikỹ-di adee rehemynyreny. Ibutumy iny reysakre ka rybe-di. ¹¹ Atarasadu heka ratohouānyra Davi hāwā-ki, abiu-ò hedu wahe. Tii heka Kristu rare, Inynyrỹreny wahe. ¹² Kaiboho heka awaru roxina-ò inihe bòike itxeremy. Tai heka tohouā roireri tyy-di rarahanany. ¹³ Iule tahe sōwemy ýju widotyde Deuxu dee rawiunykemy, kiawese rawiunynyre riwowydynyreny:

¹⁴ —Biu-ki Deuxu loosòna ratxihyymyhỹre.

¹⁵ Tahe ýju ròserenyre biu-ò. Budoeni-di itxeredu mahādu widee raryberenyre. Wylemy Belē-ò ròkòirenykre itxeremy kia aõmydỹnanamy Deuxu inydee riteòsinyreny. ¹⁶ Tahe roirenyre idi tahe Marie, Jyje-txi rekoarennyre. Tii robirenyre. Tahe broreni dòròtòhòhyna-ki uladu roire. ¹⁷ Tai tahe budoeni-di itxeredu mahādu timybo ýju tamy raryberamy, rarybere. ¹⁸ Tai tahe ibutumy kia tamy roholaré ribedeòtiinyny rỹre. ¹⁹ Marie heka tōhōti itxi reare. Tahe sōwemy raraykywydynany ronyre. ²⁰ Budoeni-di itxeredu mahādu ròserenyre rawiunynyrenny Deuxu-ò Deuxumy realàre ibutu òraru-ki. Iwese ýju raryberewesetyhyle heka ibutumy rỹre.

²¹ Iribi tahe txu rỹireu tahe rare Jesuisi notyky orokré. Debò inataõ reurotxu rỹireu Jesuisi notyky raorokremy raywire. Tahe rininirenyre Jesuisimy iwese ýju rarybere myna.

²² Xiwena rỹikemy bede rỹire Moisesi bede ywidỹnamyna. Aõutxumy tahe dehemynyde Marie Jyje-wana kia idi riwinyrennykemy. Tahe Jyje ridykemy Jerusalē-ò idi ratxireri. Tai uladu-di roirenyre Deuxu-ò riteòsinykemy. ²³ Kiamy heka Inynyrỹ Ritidỹna-ki roire.

Weryrykeki, Deuxu dee rawahidỹkyre. Tii uladudelaa weryrykreki.

²⁴ Iwese tule bòtòe inatximy rawahidỹkyre ada bòtòerurà inatxi heka xiwenamy reakre Moisesi bede ywidỹna myna.

²⁵ Hābuõ tai ratximyhỹre Simeā inire. Jerusalē hāwādu wahe. Deuxu rityhynymyhỹre hābuwi rare. Tii Kristu riraòmyhỹre Deuxu deòdỹna wahe. Ijoi aõbina bina-ribi tarasadumy Deuxu Tyytybytyhy heka tai ratximyhỹre. ²⁶ Deuxu Tyytyby ihetxiu tamy rarybere: —Kai buruõtyhy Deuxu deòdỹnamy bobiòdi. ²⁷ Iu Jesuisise tyby-wana rehemynyreu Deuxu Tyytybytyhy heka Simeā riteònyre kowa-ò. ²⁸ Simeā uladu taāxiò-ki rimyre. Tahe Deuxu riwowydynyre:

²⁹⁻³¹ —Kiamy heka Wanyrỹ Iòlò arybe retyhynyre timybo tarybete wahe. Ibutumy dorihe tewinyta. Tahe aõwaxinyhe arurukre. Abiuòhenamy heka rabira. Tii ibutu iny tarasadumy rarekre biu-ò hena wahidỹdu wahe.

³² Kia heka ibutumy iny-ò loosòna tewahinyta judeukõdu mahãdu-ò. Tai judeu mahãdu tahe wowydynamy tii rarekre.

³³ Tai tahe Jyje Marie-wana bede riðtiinyre aõmybo rarybereki. ³⁴ Simeaõ tahe Deuxu deysanamy tamyreny rarybere: —Deuxu biu-ò henamy heka kia uladu rare. Sõwemy judeu mahãdu tarasadumy rarekre, tule sõwemy tasỹ ituekre. Kia heka Deuxu deòsina rare. Sõwemy heka Jesusimy rakyararybenynykre. ³⁵ Ibutumy iny rayky-ribi heka ibutumy ritỹnynynykre. Bederyry sõwemy bieryke tai aõhõkỹmy botỹỹnykre. ³⁶ Tule Deuxu rybe erydỹỹnaõ rehemynyre. Ana inire. Hãwyy rare. Tii heka Fanueli riðre rare. Asere mahãdusỹõ rare. Tii heka rasenadunymy raremyhỹ. Ijadòmamy raremyhỹu heka roire hãbu-wana. Debò inatxi reurò beòralemy heka tii-wana raremyhỹ tahe tii rawytesenyre. ³⁷ Tii 84 beòramy heka bede idi rỹire wytesemy. Tii Deuxu dohodỹỹna heto-ribi ròhònyõhyymyhỹre. Tii heka rexitòenymyhỹre rummy txumy tabyreõ-di. ³⁸ Tahe tii rehemynyre Deuxu dohodỹỹna heto-ò. Deuxumy reàlære. Idi Jesusimy imahãdu-ò rarybere tii tarasadumy rarekremy.

³⁹ Iu Marie, Jyje-wana ibutumy bede ywidỹỹnamy ituereu, riðòserenyre tahãwã-ò Nazare-ò. ⁴⁰ Jesuisi raumynymyhỹre beòra beòramy. Iruru, ibede eryna sõwemy ijõdire Deuxu dori idi tarukimyhỹre.

⁴¹ Pascoa worana bedehesi riðlòdỹỹnyre Jerusalẽ hãwã-ki. Jesuisi tyby heka iseboho roihyymyhỹreny tamy. ⁴² Tule Jesuisi waðinatxi reurò beòra-di ridyreny tamy. ⁴³ Worana bedehesi rexihureu kidiòkesedenykre doide. Tahe Jesuisi naride Jerusalẽkihikỹle. Tiiboho rieryrenyõhyyre naridemy. ⁴⁴⁻⁴⁶ Taijoiirenywanale ratxirerilemy idi ròhòtinyreny. Txusohojimy heka bede idi rỹidi, riereny. Tai rahaõhyrenyra ijesemy diòkesedenyde Jerusalẽ-ò icyby. Inataõ txu-di tahe tai nahadenyde, Deuxu dohodỹỹna hetowo-ki wahe. Tii heka bede erydỹỹdu mahãdu-wana ronyre. Roholamyhỹreny erylbe-ò rononymyhỹreny. Tule rỹỹraximyhỹreny. ⁴⁷ Tii heka ibutumy rirawyònymyhỹre. Tii dori bede ery nihikỹ rare. ⁴⁸ Iseboho tahe bede riðtiinyreny tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadakereny tewinyteri aijesereny-di watxireri. ⁴⁹ Tahe Jesuisi rirawyònyre: —Waijesereny kõmyke. Waha heto-ki watxireri, Waha aõmysỹdỹỹnamy reywinyhy watxireri. Kia aõbo teeryõhytyente. ⁵⁰ Tiiboho rieryrenyõhyyre aõmybo Jesuisi rarybereri. ⁵¹ Idi tahe dòòsedenyde Nazare-ò. Tahe Jesuisi tyby rybe rityhynyhyymy raremyhỹ. Tahe Jesusise kia ibutumy riyrubunyhyymy raremyhỹ tarayky-ki.

⁵² Jesuisi tahe raumynyre. Bede erytyhymy relere. Ibutumy he iny iluure. Deuxu wowydyna-di ihỹre.

3

¹ Tiberiò heka waiyre beòramy iðlòmymy raremyhỹ. Poncio Pilato heka Judeia bede dinodu. Ijõ heka Herodi inire. Inataõ inymy heka bede dinodumy raremy. Herodi heka Kalileia bede dinodu. Iseriðre, Filipi tahe Itureia bede, Traconite bede-wana dinodu rare. Ijõ iny tahe Lisỹnia inire. Tii Abileni bede dinodu rare. ² Anasi, Kaifa-wana heka inatxi hãbu roire. Tiiboho wiwana xiwena wahidỹỹdu wedu raremyhỹ. Kia bedeu heka Joaõ rehemynyre bedero-txi. Tii iny-ò Deuxu rybe tỹnydỹỹdu rare. Zacaria riðre rare. ³ Tii kia bede ibutumy rybe ritỹnyny, Jordaõ beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixãwididỹỹnykre. ⁴ Iwese Isaia ròritidỹỹre wesemy heka wiji rỹire.

Inyõ heka rrymyhỹ bedero-ki.

Kia:

—Inynyrỹry bexiywinybenyke. Ryòbitihikỹ biwinybenyke. Hãloo bitỹxinybenyke wimyny biijaranybenyke. Iry iðweòwena ramyhỹre heka, biòbitinybenyke.

⁵ Iratòratòkeki, wimyna biijaranybenyke. ⁶ Ibutumy iny heka Deuxu biu-ò henamy robirenykre. ⁷ Sõwemy iny nade riratisebenykre Joaõ-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke, aōwiihikỹ.

⁸ Uritere kawese ryberenyōmykre: —Abraō dori iny labiereny rare. Tai tahe ibutumy awityhy rare inydeereny.

Jiarỹ dori adeereny ararybekre: —Deuxudeewikeki, Tii kia manadile iny riwinyke. Abraō dee ijō riōreōmy kia manadile riwinyke. ⁹ Woma heka òwòruraruti riòròmhyhỹre. Kia raratynyōkeki heka, raòròkre. Heòty-di wòmny ririradỹnynmyhỹke. ¹⁰ Tai tahe iny rỹraxyre Joaō-ò: —Timybohe rakatxirenykre. ¹¹ Tai tahe rarybere: —Inyō tōre inatximy ijōdikeki, sohoji iny ijō-ò riwahinyke. Irỹsñadikeki, tule ritxuatuake ijōkō mahādu-ò. ¹² Iny witxiraō Joaō-ò rehemynyke. Tiiboho nieru tarasadu mahādu rare bede dinodu-ò. Tai rỹraxyrenyke: —Timybo aōhebo rokotỹnyrenykre. ¹³ Joaō rirawyōnyre: —Uritere aōnihikỹmy itarasarenyōmykre. Bede ywidỹna tyriti myna ta tuukre. ¹⁴ Tai tahe soldado tamy rỹraxyre: —Inyboho tahe aōhebo rokotỹnyrenykre. Joaō rirawyōnyre: —Inyō biteranyōtyhy adee nieru kanakemy. Inieru dori ahōrō aōkō rare. Beysake, adinodu-ribi tiwesebo nieru tetamahāte-di. ¹⁵ Tahe kia iny mahādu raraykynyre Joaō-di. Kowa aōbo hābu Kristu ihỹre. ¹⁶ Tai heka Joaō rarybere: —Jiarỹ heka bedi araratisebenyleri. Ijō wahewo-ribi kanakre tahe woratyre inihikỹ rarekre. Tii heka awityhy rare. Jiarỹ heka raixỹruwāhāre iwataana aritake lau. Tii heka akanaratisebenykre Deuxu Tyytybytyhy-di. Heòty-di tule wahe. ¹⁷ Iti tebò-ki ratxireri. Maixōmo ruxity hitxina-di wahe. Tii heka ritakre. Maixōmo riyrubunykre ihyna-ò. Iruixity tahe ritoonykre. Kia heòty heka tiu ruriōtyhy. ¹⁸ Aō heka Joaō rarybere. Sōwemy aōna aōnamy iwesele rarekemy. Dohodỹna wihikỹ-di tamyreny rarybera. ¹⁹ Bede dinodu Herodi heka taseriōre riōrese-wana roire. Aōbina binahākỹle riwinyre kia. Tai tahe Joaō tamy rarybere: —Kia awi aōkō rare. Ibina heka rare. Sōwemy aōna aōna bina tule tii riwinyre. ²⁰ Tai Herodi heka Joaō mynomy riteranyre ròtenawo-ki roikemy. ²¹ Joaō ixiwesehyyle rexitỹmyranomy iny riratisebenyre. Tahe tule iny witxirahe-ki Jesuisi riratisebenyre, Jesuisi rexitōenyreu, biuwetyhy rarayre. ²² Biuwetyky-ribi tahe Deuxu Tyytybytyhytle dobehemy nade bòtòderurà wesemy. Biu-ribi rybeò-ò iny roholare: —Kai heka Wariōre tate. Aluure heka jiarỹ wadeysatyhyre. ²³ Jesuisi 30 beòramy raremy taaōmysỹdỹna tyhy ritelenyreu, iny heka Jyje riōrelemy rōhōtinymyhỹre. ²⁴ Jyje heka Eli riōre rare. Matate, Levi, Maki, Janai, Jyje, ibutumy labiehekỹ Jyje rare. ²⁵ Ijō tahe Matatias, Amos, Naum, Esli, Nagai, ²⁶ Maate, Matatias, Semei, Jyje, Joda, ²⁷ Joana, Resa, Zorobabe, Salatieli, Neri, ²⁸ Meki, Adi, Cosā, Elmadaō, Er, ²⁹ Josue, Eliézer, Jorim, Matate, Levi, ³⁰ Simeaō, Juda, Jyje, Jona, Eliaki, ³¹ Melea, Mena, Matata, Natā, Davi, ³² Ijese, Obede, Boasi, Sala, Nasaō. ³³ Aminadabe, Adimim, Arini, Esraō, Peresi, Juda. ³⁴ Ijaō, Ijai, Abraō, Tera, Nakò, ³⁵ Serui, Raau, Faleki, Eber, Sala, ³⁶ Aina, Arfaxade, Sem, Noe, Lamei, ³⁷ Metusalē, Enoi, Jarete, Maleleel, Aina, ³⁸ Enosi, Sete, Adaō. Tii tahe Deuxu juhūu riwinyre iriōre wese.

4

¹ Bero Jordaō-ribi Deuxu Tyytybytyhy heka Jesuisi diòòsedỹnyde Tai heka tule bederò-ò rexiykynyra. ² Tahe Satanasi Jesuisi riurihire, 40 txu-dí wahe. Aō heka rirỹsỹōhyre Jesuisi kia itxumy txu rỹireu wahe. Idi tahe sōwemy rama risare. ³ Satanasi tamy rarybere: —Kai Deuxu Riòretyhy tate-wana heka, mana bitxienykre hinamy. ⁴ Tai Jesuisi dirawyōnyde: —Deuxu Rybe tule kiamy rarybere.

—Hābu hewa byre sohojiribile aōkō irumy rỹimyhỹre.

⁵ Tai Satanasi heka Jesuisi ridyre heto ratyti tyre. Ibutumy hāwāhākỹ riteòsinyre bede bede rỹirá. ⁶ Tahe Jesuisi-ò rarybere: —Kai biwalāhānanykeki, ibutumy aōna aōna adee ariwahinykre, ibutumy hāwāhākỹ dinodumy tule wahe. ⁷ Wahōrō heka rare. Inyō-ò aōtxile ariwahinykre. ⁸ Idi tahe Jesuisi dirawyōnyde: —Deuxu-ò sohojile walāhāna biwahinykre. Kiamy Deuxu Rybe rarybere. ⁹ Idi Satanasi Jesuisi ridyre Jerusalē hāwā-ò. Biu-txi tahe rỹire, Deuxu dohodỹna heto tyre-ki wahe. Tii narybede, kai Deuxu Riōre tyhy tate wana heka bexiwatxixinyke inihe karibi hetoratyti-ribi. ¹⁰ Ŷju riki

arayrubunykre wa. Deuxu taŷjuō bede riywinyre aramykemy. ¹¹ Tule kia rarybemyhÿre Deuxu Rybe.

Awa riki manaō riwotōmonyōtyhy.

¹² Tahe Jesuisi dirawyònyde: —Tule Deuxu Rybe rarybere: —Inyō heka Deuxu uri urihixiōtyhy. ¹³ Rexihure tahe Jesuisi urihixina. Tahe Satanasi heka Jesuisi ririre. ¹⁴ Idi tahe Jesuisi ròsere Kalileia bede-ó. Deuxu Tyytybytyhy ruru tahe tii-wana ratximyhÿre. Ibutumy heka kia hāwā-ki ibededÿñnana rierymy hÿreny. ¹⁵ Jesuisi heka dohodÿña heto-ki ròbedeerydÿñmyhÿre. Ibutumy tuu rarybere. Tuu reàlāmy rarybemy rÿimyhÿ. ¹⁶ Iribi tahe Jesuisi ròsere tai raumynyréò, Nazare hāwā-ò. Sabado txuu tahe dohodÿña heto-ò reamy raremy iwesehyyle. Tii tahe lamamy rÿire tyyriti-di rariakremy. ¹⁷ Tahe tamy Isaia tyyriti riwahinyreò. Tahe Jesuisi riijemyhÿre rybeō idi rariakemy. Tai idi rariare:

¹⁸ —Wanyrÿ Tyytybytyhy waki ratxireri. Rybe Tÿmyra wihikÿ inyko arotohodÿñkremy. Iny aōkō mahādu-ò rybe wihikÿ ararybekemy riwatare. Tule iny ròtena-ki rÿira mahādu, jiarÿ ariòlòdÿñnykemy. Kiamy heka tamyreny ararybekre. Tule ruetÿmyra ariwahinykre ruetà mahādu-ò. Iny idi rarÿñnymyhÿre mahādu-ribi, aritakre idi risinymyhÿreki. (Aōna aōnamy risÿnyrenymyhÿreki wahe.)

¹⁹ Tibedeubo Inynyrÿreny tajoi ritakremy ararybekre. ²⁰ Idi tasÿ ixyby riwerasenyre. Tahe riwahinyre ixyby kia hābu riyrubunymyhÿreò. Tii ronyre. Ibutumy kia dohodÿña mahādu idi retehemy rÿimyhÿre. ²¹ Tahe Jesuisi ritelenymy rarybera: —Wiji idi rariará heka aōbo tamy ibededÿñnanamy roire. Kia aōbo ritidÿñna-ki roireri ihetxiu. Kaimy tahe wiji rarybereri, jiarÿ heka tii rare. Tii adeereny tyyriti rariará wahe. ²² Tai tahe bede riòtiinyrenyre. Kia tahe aōmybo raryberakí. Tahe widee raryberenyre. Kaa heka Jyje riòrele ratxireri. ²³ Tahe Jesuisi ixityre tamyreny rarybere: —Aōu kaiboho wamy tarybetenyteri rybeōmy, myÿ manarybeke: Kai bexideytenyke, hàri, òhotibedu. Kiamy aōbohe wadee manarybebenykemy atxitenyteri:

Iwese Kafanaō bede-ki tewinyte wese ariwinyrenykemy wadi atxitenyteri, ahāwā-ki.

²⁴ Adeereny inihe tuu ararybekre. Rybe tÿnydÿÿdu heka òmo rityhynyōtyhy ihāwāreny-ki. ²⁵⁻²⁶ Tahe iwitxiramy ararybekre. Ibedeu kia raremyhÿu, sōwemy heka rama reamy raremyhÿ judeu sÿ mahādu. Sōwemy wytese mahādu heka ramamy rurumyhÿre. Biu heka roaōhykyre tai inataō beòra weeremyhÿ wahe Sareta hāwā heka Sidō bede-ki tii rasÿnymyhÿre. Tahe Deuxu bede riywinyre Eliasi rakemy iny sohoji wytese-ò, rÿsÿna riwahinykelemy wahe. ²⁷ Eliseu bedeu heka sōwemy tyybinadu rÿimyhÿ. Sohoji inyle riteytenyre. Naamy heka inire. Tii heka Siria bede luduō rare. ²⁸ Kia dohodÿña mahādu heka ibutumy iu tamy rakyarananyre. ²⁹ Rimyrenyre heka Jesuisi. Idi retÿhirenyre hāwālò ratya-ò ridyrenyre. Idi rehurenykemy riwisÿnyrenyre. ³⁰ Tahe Jesuisi inysōwehekÿy-txi ralore. Idi rahenyre. ³¹ Iribi tahe Jesuisi rare Kafanaō-ò, Kalileia bede-ò. Sabado txuō txuōlemy heka Jesuisi iny ribedeerynymyhÿre. ³² Sōwemy heka iny ribedeerynymyhÿre mahādu tamy awimy rÿira, irybe dori awireki wahe. ³³ Hābuō raremyhÿ dohodÿña hetowo-ki tyytybybinahakÿ-di tahe taumywo-ki ratximyhÿ. Tai tahe tii rryre: ³⁴ —Jesuisi, Nazareludu, aōhebohe ijoi bisÿnykremy atxiteri? Biwahubenykre aōbo? Jiarÿ heka araeryre mobo taté. Kai heka Deuxu deòdu atxiteri. ³⁵ Tai tahe Jesuisi tamy rarybere tyytybybina iumywo-ki riyyrykemy. Iribi riòlòdÿñnyre. Tahe idi rehure iutyde-ò idi iribi ròhònyre. Hābu aōhe risÿnyōhyyre. ³⁶ Ibutumy heka iny ribedeòtiidÿñnyre. Iny sohoji sohoji widee rarybere: —Aōrybemy aōwe tii rarybereri? Timybo iny-ribi tyytybybina riteònyke. ³⁷ Ibutumy timybo Jesuisi riwinyre, ijyynamy reare. ³⁸ Tahe Jesuisi ròhònyre Simaō heto-ò idi rare. Simaō riòrelahi webinadumy roire rubuna-di. Tai Jesuisi-ko tuu relyyrenyre. ³⁹ Tai Jesuisi ibireweribi-ò rare. Tahe irubuna iribi riòlòdÿñnyre. Tahe tii ritamadÿñnyre. Rÿsÿnaō tamy riwahinyre. ⁴⁰ Ibutumy iny tawebinadu mahādu didydenyde. Ibutumy Jesuisi riteytenyre tibò iratityre rilidimyhÿre. Sōwemy iny tyytybybina-di rÿireri mahādu riòlòdÿñnyre. ⁴¹ Iu tahe rryrymy reamy rÿimyhÿ: —Kai Deuxu Riòretyhy tate. Tii

Jesuisi rierymyhỹ tii Deuxu deòdu raremy, tyytybybina wahe. Tai Jesuisi tamy rarybere rybeòkemy. ⁴² Txu ijiramy Jesuisi rare bedero-txi ixisohojile. Iny sòwemy riijemyhỹ. Itxi rearenyre, iatysy deramy rekoamyhỹreny. ⁴³ Tai Jesuisi rarybere tamyreny: —Jiarỹ heka Rybewihikỹ Tỹmyra arelyykre iwitxira hãwã Deuxu òlòna Tỹmyramy arelyykre. Tuu Deuxu diwateònyde. ⁴⁴ Jesuisi ibutumy Judeia mahãdu bedede dohodỹyna rỹiraki rotohodỹmyhỹre.

5

¹ Jesuisi tahe aho ijà-ki rỹire Kenesare aho ijà-ki. Iny heka sòwemy Deuxu rybe-ò roholakemy iu rỹimyhỹ. ² Tii robire hãwòò inatximy roinyimyhỹre. Waxidumy mahãdu heka rirahure rià-di risuhòreri. ³ Idi tahe rimyre hãwòò. Simaò hãwò heka rare. Tii tahe ixi-di ritaranyre beroro-ò. Tai tahe tii rexidelenymy relyyre. Kia iny rỹimyhỹ mahãdu heka ribedeerynymy relyymyhỹre. ⁴ Rexihure rybe-ribi. Idi tahe Simaò-ò rarybere: —Make wa bera-txi. Rià bitidike. Bimykemy utura. ⁵ Tahe Simaò rirawyònyre: —Wanyrỹ, ruu wa wadireny aòkòhỹkylemy bedewadireny rareri, uturamy ho aòkò. Tarybete urenana anakre. Aritidikre heka rià. ⁶ Tahe ritidireu tahe, rià utura sòwemy rimyre, kia rautxienyre. Tule riykamyhỹ rià. ⁷ Talawò biòwa mahãdu-ò rryyre: —Bòdòibedenyke bidiwawiòhenanybenykemy. Inatxi hãwò heka rỹxire. Ritỹxinyre utura-di. Ihyy berahatxi-ò ijiramy riwisỹnymyhỹ ilawòreny. ⁸ Simaò tuu robire. Tii Jesuisi ratximyhỹre tahe tatiowomy resere Jesusiko-txi. Simaò Pedro rarybere: —Wanyrỹ, aribi kỹny iòhòmy arỹiòtyhy. Jiarỹ heka waòrarudimy rare. ⁹ Simaòboho bedede riòtiinymy rabadewore aòma utura sòwemy tamyreny riwahinyraki wahe. Tii tuu iximy rarybere. ¹⁰ Ibutumy tiiboho mahãdu ribedeòtiidỹnyrenyre Zebedeu riòre kia Txiau, Joaò-wana. Jesuisi rarybere Simaò-ò: —Brebuòmyke heka ikonana-ò heka utura bimyòkre. Wadee dori maaòmysỹdỹnykre hãbu wadee bimykemy. Tamyreny biwatỹnykyre. Iwese utura temymyhỹte wese, wadee hãbu wiji bimykre waerydỹyna mahãdumy rarekemy. ¹¹ Tahe waxidumy mahãdu ibutumy kaa tawaxi tarià iu ririra Jesuisi riheludunykemy.

¹² Ròirenyre rirònyrenyre ibutumy hãwã-ò. Idi tahe hãbuò rare ityyjyhykyle. Hãbu Jesuisi robireu tahe resere iko-txi, rexitònyre: —Wanyrỹ, adeewikeki biwateytenykre. ¹³ Jesuisi tamy tebò ritetemy rarybere: —Kohe, arateytenykre. Tii reytemy reare. ¹⁴ Tai Jesuisi rarybere tamy: —Inyò-ò tahe ijyyòmykre. Xiwena wahidỹydu mahãdu-ò make. Tai maxiwekre tuu Moisesi bedede riywinyre myna. Xiwenaò heka biwinymy biwahinykre. Moisesi rarybere wese wahe. Iny mahãdu-ò heka biteòsinykre. Kia riteòsinykre teytetamy. ¹⁵ Tahe ihãrele Jesuisi ibutumy rieryre. Sòwemy iny heka wirotyre raholakemy. Ijò nade aòma iwebinaduna ibina-ribi riteyteuykemy. ¹⁶ Tahe Jesuisi iribireny aòma rexitònykemy rexitare.

¹⁷ Ijò txuu ròbedeerydỹmyhỹu, fariseu mahãdu, bedede ywina rybe bedede erydỹyduò-wana rononymyhỹreny. Ibutu hãwã hãwã-ribi dotydenyde wese tahe sòwerenyre, Kalileia bedede-ribi Judeia bedede-ribi, Jerusalẽ hãwã-ribi. Deuxu deytana Jesuisi-ki ratximyhỹ. Jesuisi hãwãlò-ribi dobehede tii-wana, taerydỹyna mahãdu-wana wahe. Tahe sòwemy iny iube-ki ributunymy rononymyhỹre. ¹⁸ Iny mahãduò heka hãbu iumymy manadu kididydenykemy ratxireri Jesusiko-ò ritidirenykemy. Idi tahe hãbu webinadu wahe Jesuisi-ò rakemy bedede riywinyre. Inatyhyle riatyhinyre. ¹⁹ Iny sòwereki tahe tamy rehemynyrenyòtyhy. Tai tahe hetoratyti-ò raòwònyre hãbu webinadu-di. Iribi tahe diberesedỹnyde reroti-di. ²⁰ Jesuisi robire, rieryre aòma rityhynymy ratxirenryeri. Hãbu-ò Jesuisi rarybere: —Wy, aòraru heka raixãwidỹnyra. ²¹ Tahe fariseu mahãdu he widee raryberenyre: —Mobo kia hãbu ratxireri, timyhe tuu kia irybeòna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixãwididỹnymyhỹre. ²² Tahe Jesuisi rierymyhỹ timybo rexinohòtinymyhỹreny. Tai rarybere: —Aòherekibo kia wesemy texiraykynytenyteri. ²³ Tibohe irutaòre webinadu-ò rybe: —Aòraruna reixãwididỹnyra ada myimy mariake aòbo. ²⁴ Deuxu Riòre

Hābutyhyhyk̄y jiar̄y rare. Tai waruruna wadee Deuxu Riðre òraruna ixāwidid̄ȳnami. Katahe bierybenykre inatyhymy aōbo rarybereri: —Myike, abyre biwymy as̄y-ò ta mahe. ²⁵ Hābu tabyre rimymy tahe aōwesele tas̄y-ò rare. Deuxu riwowydynymy rare. ²⁶ Sōwemy iny ribedeòtiid̄ȳnyrenyreny. Riwowydynymy r̄ymyh̄y. Tiiboho raryberenyre: —Aōwitziramy wiji inyboho robirenyra. Tiu juhū tukōre-ribi wahe robirenyra.

²⁷ Iribi tahe nieru bede dinodu nieru mynydumy robire, Levi heka inire. Tii heka raaōmys̄d̄ȳnymyh̄y titxibo nieru tarasana-ki. Jesuisi tamy rarybere: —Manakehe wawana. ²⁸ Tahe taaōna ibutumy ririre, idi ihemy rare.

²⁹ Levi tahe taheto-ki roxinaō riòlòd̄ȳnyre Jesuisi dee. Tamy rehemynyre nieru arisidu mahādu, tule fariseu mahādu. Ibutumy iny iarixina mahādu. ³⁰ Kia fariseu mahādu kia bederyd̄ȳdumy mahādu tyritirybed̄ȳdu mahādu kie heka aōbina bi-nahylemy rarybereri Jesuisimy. Jesuisi teryd̄ȳna mahādu-wana kiamy rarybereny: —Aōherekibo kaiboho teroxitenyteri, nieru arixidu-wana, iòrarudu sōwe mahādu-wana. ³¹ Jesuisi rirawònyre: —Iny awimy ratxireri-wana, òhotibedumy reaōmyh̄yre. Webi-nadu mahādule ta tuu reamyh̄yre. ³² Òbiti mahādu-ò aōkō heka jiar̄y anade rybemy. Tiibohole heka ixi-txi tōhōti reakemy idi watxireri.

³³ Tahe tiiboho Jesuisi-ò rarybere: —Joaō heludu mahādu roxiōmy txumy r̄yire. Tule tiiboho rexitðenyrenyre. Sōwemy rexitðenyryh̄yre fariseu mahādu eryd̄ȳna tule. Tahe aijoi tahe riroximyh̄yrenyre riōmyh̄yrenyre. ³⁴⁻³⁵ Tahe Jesuisi tamy rarybere: —Hāwyymy heridu t̄myra ijoi ratxikeki heka tiu itobid̄ȳnana mahādu wahe. Kia heka riroximyh̄yke. Kia tahe t̄myra iribireny ratakreu, ijoi mahādu renarehekere. ³⁶ Tyky t̄myraō tiu tykytyby dòbònamy iny ritidiòtyhy. Timyki dori wii wiòbyd̄ȳōna. ³⁷ Vīi t̄myra heka tiu aōiròdu tyky watxiwe yla tyby-ò rarareōmyh̄yre, tukeki ta kia raykacre idi vīi urile rejujukere. ³⁸ Vīi t̄myra heka hyna t̄myra-ò rararemyh̄yke. ³⁹ Inyō vīi tybyhyk̄y riòkeki, it̄myra rexitðenyòtyhy. Kiamyki rybe. Vīi tyby dori it̄myra-ribi awi rare.

6

¹ Judeu elehyd̄ȳnyryh̄yreny txu kia idi rekoarenyre maixōmoho-di. Ieryd̄ȳna mahādu rimyra maixōmo, maixōmo, debò-di riroxityxiwimyh̄y riymy idi rare. ² Fariseu mahādu tuu robire. Tamy r̄ȳraxire: —Aōherekibo kia wese tewinyteri. Kiamy heka iwid̄ȳōmyke bede ywina rybe rarybemyh̄yre judeu elehyd̄ȳnyryh̄yrenytxumy. ³⁻⁴ Jesuisi tamyreny rarybere: —Ihetxiu Davi tamahādu-wany rama risareu, Deuxu dohod̄ȳna hetowo-ò rirònyre. Tai Davi xiwena r̄ys̄nale tajoi-wana rir̄ys̄re. Xi-wena wahid̄ȳdule heka ir̄ys̄dure, inywitxira ta aōkō. ⁵ Jesuisi rit̄nyreny tamy: —Hābutyhyhyk̄y jiar̄y rare, Deuxu Riðre wahe. Kiata sabado wedu jiar̄y rare, elehyd̄ȳnyryh̄yrenytxu wedu wahe.

⁶ Ixityre ralore dohod̄ȳna mahādu heto-ò ròbedeeryd̄ȳkemy. Hābuō tai rare tebò rabinamy. ⁷ Tahe fariseu mahādu Jesuisi-ò retehere. Riteyteynkemy kia hābu webinadu judeu elehyd̄ȳnyryh̄yrenytxu. Rexiwodohonanyre. Kiatxuu tii riwinyrekeki tahe ribinanyke judeu elehyd̄ȳnyryh̄yrenytxu, riwinykeki wahe. ⁸ Jesuisi rierymyh̄yre aōmybo tiiboho raraykynyrenyteri. Jesuisi tamy rryre, —Aōma hābu debòbina-ò: —Mynyike ini, ityareny-txi. ⁹ Tahe fariseu mahādu-ò Jesuisi rarybere: —Ar̄ȳraxikere inihe adeereny, awire adee ka hābu debò ariteytenyke sabado txuu. Aōbo adeereny awire sabadotxu wid̄ȳy. Aōwihik̄ywid̄ȳmy aōbo ada aōbina wid̄ȳmy. Rubu-ò wahid̄ȳy aōbo ada rubu-ribi itarasa aōbo. ¹⁰ Retehere! Ibutu-ò idi hābu-ò rarybere: —Ebò inihe biditeòsinyke. Tiu hābu tebò riteòsinyre tahe, reytere. ¹¹ Reburereny heka. Timybo Jesuisi ris̄nyrenyreny rexinohōtynyreny.

¹² Idi tahe Jesuisi heka hāwālòraty-ò rare ixitðed̄ȳmy Deuxu-ò. Rureherehemy heka tamy rexitðenyry bede idi r̄yire. ¹³ Txuijaramy tahe ludu mahādu-ribi waòinatxi reurò taheludutyhy mahādu ritare. Tarybemy rybedumy rininirenyre. ¹⁴ Sohoji ijō heka, Simaō inire, Pedromy idi ranire, ijō tahe Andre rare, iseriðre. Idi Txiau, Joaō, Filipi,

Bartolomeu. ¹⁵ Mateu, Tome, Tadeu Txiau, (Kia Txiau heka Afeu riðre rare.) Ijõ Simaõ Kana bedeluduõ rare, tasubedeluudure. ¹⁶ Juda Txiau riðre, ijõ Juda Isarið tahe Jesuisi tyhedÿÿdu rare. ¹⁷⁻¹⁸ Jesuisi dobehede bedero-ò hãwãlò-ribi. Tahe sówemy iny iheludu mahãdu tii-wana rÿimyhyÿ. Judeia bede mahãdu Jerusalẽ hãwã mahãdu. Tule Kalileia bede, Tiro hãwã, Sidõ hãwã mahãdu. Tiiboho wii ributunymy hãwã mahãdu Jesuisi-ò roholakemy idi reytekemy. Kia tai ròteytedÿÿmyhyÿ. ¹⁹ Ibutumy Jesuisi tyky-ò tamy adereximy risÿnymyhyÿre adeytena iribi ròhònymyhyÿ.

²⁰ Tamyreny rethehere tai ibutumy rierynanyreny: —Kaiboho aõkõreny-ki, beysebenyke. Deuxu Òlona dori ahõrõreny rare. ²¹ Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi. ²²⁻²³ Beysamy butxuenyke, inyõ umy radõnykeki tule. Kaiboho dori Deuxu Riðre tetyhynytenyete jiarÿ tiire, Hãbutyhyhykÿ Riðre wahe. Kia mahãdu eramy ijira Riðre rÿikeki beysake. Beysa tyhyki tai. Biu-ki dori aõwiwihikÿ bitakre. Deuxu rybemy rybedu mahãdu tule rotÿÿnyreny iòraru-ki. ²⁴ Kobe làhàxe kaiboho ityhy mahãdu abedesanareny dorihe rexihura. ²⁵ Kobe làhàxe ahàdyreny mahãdu, aramasanareny dori rehemynyre. Kobe làhàxe abedesareny, ahinanareny dori abrunareny rehemynyre. ²⁶ Kobe làhàxe atyhydÿÿ sówereny tule dori. Ilabiereny rybemy rybedutyhy aõkõ rityhynyreny.

²⁷ Warybe-ò taholatenyteriki inihe ararybekre. Aòludu luumy atxibenyke amykyaradurenny-di, awimy idi mabeke. ²⁸ Ibinamy aõma umy rarybekeki aõbinahakÿ riwinykeki, tamy bexitðenykre Deuxu-ò. ²⁹ Aòsÿny-ribi anahatenykeki iyre-ribi iwydõÿÿmy tamy bexirahòreke. Inyõ atyky riwykeki tule tamy arahana biwahinyke. ³⁰ Iwese aõtxiu aõna inyõ adee rexitðenykeki, tamy biwahinyke ixyby iribi iwydykõkemy. ³¹ Aõbina inyõ adee riwinykõkemy atximahãte. Iwese tiu kia aõhõkÿmy inyõ isÿdÿÿõmykre. ³² Kai aluu mahãdu sohojile iluuõmyke; òrarudu mahãdu dori tuu rÿimyhyÿre. ³³ Kai aery mahãduòle tawotõmahãte, timyki Deuxu-ribi aõ atarasaõna. Iny itxÿte iehehe mahãdu dori widee rawotõemyhyÿre. ³⁴⁻³⁵ Òrarudu mahãdu heka widee rihuòtemyhyÿre. Iribi tahe iwesele ixiby kidiwykemy idi riwisÿnymyhyÿ. Kai ta buhuòtemyhyÿke idi tehuòtete ixyby iraròsòkõmyke. Tukõkeki ta Deuxu-ribi aõ atarasaõna. Aòludu luumy atximahãbenyke. Tai Deuxu-ribi aõwiwihikÿ bitakre. Tai Deuxu wihikÿ riðremy mabekre. Tii dori inywi-ò inybina-ò awire. ³⁶ Awimy kaiboho boibeke, iwese boreny awimy biu-ki ratximyhyÿre wese. ³⁷ Inyõdee kyarakõmyke tai Deuxu adee rakyarananyheny. Inyõ taòraruna biixãwididÿÿnyõkeki, Deuxu tahe aòraruna riixãwididÿÿnyõkre. ³⁸ Ainytyhyke inyõdee imyna Deuxu adee rainytyhynanyhykyre. Deuxu ibutumy aõwi adee riwahinykre. Tiwesebo tòwahite wesemyna idi Deuxu adee ròwahikre.

³⁹ Aõmybo ribedeerynyre ijyyõmy relyre: —Inyõ ruetà heka riwiðhenanyõtyhy iwitxira iny ruetà. Tukeki heka hãloo-txi wiwana resekre. ⁴⁰ Ierysÿdÿÿ iòrysÿdÿÿdu, kia ratyre aõkõ ratximyhyÿ. Kia uladu ratyrytynyre nihikÿmy tahe erysydu tiu taerysÿdÿÿdu ratyre ratxiõmyhyÿre. ⁴¹⁻⁴² Òwòrukre nihikÿ aruety-ki roire. Aõherekibo aseriðre ruety-ribi òwòru rÿnysiõ tarasamy tewisÿnyteri. Kia heka itxenadÿÿdu tate. Juhuu òwòrukre aruewo-ribi bitakre. Idi tahe betehemy iruewo-ribi aõsõmo bitakre. ⁴³⁻⁴⁴ Òwòru wihikÿ tiu bederaty binaõ riwahinyõhyymyhyÿre. Tule òwòru binahakÿ bederatywimy raratynyõmyhyÿre. Òwòru raerymyhyÿre iraty-ò itxere rÿimyhyÿreu, beraty-ò retheemy awire ada ibinare aõbo beraty-ò retheemy awire ada ibinare aõbo. Figoraty uvaraty tiu iwitxira òwòru-ribi raheõmyhyÿre. ⁴⁵ Hãbuwi heka aõwimy rotÿÿnymyhyÿre iwo-ki tuu rÿimyhyÿremyna. Tule hãbu bina aõbinamy rotÿÿnymyhyÿre iwomy tuu rÿimyhyÿremyna aõbina bina. Inyõ dori aõmy raraykymyhyÿremyna rarybemyhyÿre.

⁴⁶ Kai rarybere boholaõkeki aõbo biwinykeki. Uritere wanidÿÿõmy. Wanyrÿmy tiwaninimyhÿtenyete tahe warybemynamy atxõhyylemyhÿtenyete. ⁴⁷ Tiwese hãbu warybe riywinyre wese adee ararybekre. Tiu heka ariteòsinykre. ⁴⁸⁻⁴⁹ Hãbuõmy akoreny arelykyre. Tii warybe-ò roholare idi imynany rotÿÿnyre. Tii kiata taheto riwinyre manadelemy ria-di. Beòra iheto reseõhyre manatyre-ki relereki wahe. Ikõmyta

warybe-ò roholakõre, kawese rotỹnyre. Taheto uritere sukile riwinyre. Beòrau ta, urile resere. Ikyhynakõreki wahe. Kiamyta rotỹnyre warybe tyhydỹdu-ò idi ityhydỹdukõ-ò.

7

¹ Jesuisi tarybe rahu-di tahe Kafanaõ hãwã-ò rare.

² Tai Roma soldado dinoduõ tai ihỹmyhỹ. Teòduõ tahe binamy irubu iòhòmny roimyhỹ.

³ Soldado dinodu Jesuisini-ò roholareu tahe, iòrysomy rarybere. Taita judeu mahãdu kia matuariõ rexitòenyre aõma kididykremy riteytenykremy kia webinadumy roireri.

⁴ Tahe Jesuisi nade juhu be kiamy Jesuisi rarybere: —Ka hãbu heka awi biwiðhenanykre heka. ⁵ Ka hãbu heka waijoi luu nihikỹ rare ihyymy ta dohodỹyna hetoõ riwinyre waijoi-ò.

⁶⁻⁷ Tai tahe Jesuisi rare tiibohe-wana. Tehemyny sỹ iòhòmny rare. Idi tahe ryrowetyakile Jesuisi-wana wii riòbnyre. Aõma soldado dinodu kia biòwa-ò wahe. Rarybere he aõma soldado dinodu kiamy rarybereri: —Noõmy heka. Ihãrele teka awimy rareòle heka bedehemy nyke. Awi tate timy heka anaixiranyõtyhy dori raixỹruwỹhỹre alau adee ixitòedỹ-ò aõma dori adee rybe rỹikekile aõweseleke wadeòdu kia reytemy reake. ⁸ Jiarỹ dori inydee radỹdu jiarỹ rare. Aõbo riwinykemy. Kia riwinyre warybemynale kia heka jiarỹ rare. Wadeòdu-ò rarybewãhãraki heka: —Kia biwinybenyke. Riwinymyhỹreny. Kai tule marybeke, beyteke. Tahe aõwese reytemy reake. Robedeòtiidỹnyre, kia tuu rarybereri wahe. ⁹ Jesuisi ròkesereri kia rarybemyhỹò wahe: —Jiarỹ ka tiu judeu mahãduy-ki. Hãbuõmy rabiõ watyhydỹnyre. Rabireri riwatyhynyreri rabireri. ¹⁰ Soldado dinodu deòdu ròðkesereri. Ixyby reytereri idi ronyre.

¹¹ Jesuisi rare terydỹyna mahãdu-di ijõ hãwã-ò. Naĩ hãwã-ò heka rare. Kiemy rahyymy heka rahyyre. Sõwemy iny iheki rare. ¹² Hãwã ijõ-ki rehemynyre tahe kia ibutumyle rehemynyre. Sõwemy iny rubudu rareò wabede-ò. Weryrybòò rurure. Ise, wytese, heka iriòre sohojihyylere. Iny sõwemy heka riheludunyre tahi-di taibru-di. ¹³ Tai Jesuisi tuu robireu, idi rexiwòtenymy kamy rarybere: —Ibrukõmyke! ¹⁴ Jesuisi debò ritidire caixaõ-ò. Iu idi itxyydu ruhurenyre. Idi tahe rarybere: —Weryrybò, bexixake wahe. ¹⁵ Weryrybò rexixamy reamy ronyre. Idi rarybere. Tai tahe Jesuisi ise-ò riwahinyre. ¹⁶ Ibutumy tasỹ mahãdu ribedeòtiidỹdunyre. Tai tahe Deuxu riwowydynymyhỹreny: —Ebe, aõherewe, Rybedu nihikỹ kỹnyhe witxijumy inydeereny rehemynyre. ¹⁷ Kia taheka bedede hãwãmy Jesuisini reare.

¹⁸ Joaõ heludu mahãdu ibutumy tuu relyyre iko. ¹⁹ Inatxinareny Joaõ riteònyre Jesuisi dỹraxyimy kamy wahe: —Kaiwe nodu aõbo tate, ada txiò aõbo ini nodutyhy ariraòrenykre? ²⁰ Idi Jesuisi-ò ròrenyre tuu itỹraxyidỹmy; —Kai we nodutyhy tate? Ta txio aõbo ini ijõ ariraòrenykre? ²¹ (Iu ta Jesuisi yla aõkõ webinadu, binanamy binana mahãdu riteytenyra, tyytybybinamy ykydu mahãdu, iruetà mahãdu sõwemy tule.) ²² Irahu-di ta Jesuisi rarybere Joaõ ijoi-ò: —Bòðsebenyke. Ibutumy kamy tabitenyta taholatenyta Joaõko-ò tuu belybenyke: —Iny ruetà bina mahãdu retehererimy, Iny rutiàre mahãdu rariarerimy, tyybinamy binana mahãdu reytererimy, iny nohõtity mahãdu roholarerimy. Iny rubu mahãdu heka rubu-ribi rexixarerimy, urimynodu mahãdu heka Rybewihikỹ Tỹmyra-ò roholarerimy. ²³ Iny bedesa heka rare, warybe tyhydỹdu mahãdu.

²⁴ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ²⁵ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ²⁶ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ²⁷ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

²⁸ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ²⁹ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ³⁰ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ³¹ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

³² Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ³³ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ³⁴ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ³⁵ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

³⁶ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ³⁷ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ³⁸ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ³⁹ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁴⁰ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁴¹ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁴² Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁴³ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁴⁴ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁴⁵ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁴⁶ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁴⁷ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁴⁸ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁴⁹ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁵⁰ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁵¹ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁵² Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁵³ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁵⁴ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁵⁵ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁵⁶ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁵⁷ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁵⁸ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁵⁹ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁶⁰ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁶¹ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁶² Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁶³ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

⁶⁴ Joaõ heludu mahãdu iribi ròhònyre tahe Jesuisi rarybere Joaõ bededỹnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. ⁶⁵ Aõma hãbu urimynodutyhy aõbo tahõtinytenyteri. Hãbu tyywihikỹdremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri. ⁶⁶ Wadee manarybeke aõbo betehemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ⁶⁷ Aõma dori tyyriti-ki rarybemyhỹre: —Tii heka wakoki kadehemynykemy ratximyhỹre, tamy relyykemy, ryõ riywinymyhỹre.

²⁸ Inatyhy kaa rare. Tie heka ibutu hābu ratyre ratximyhÿre. Ihārele tahe inyō Deuxu Iòlòna-ki ratxikeki heka iratyre ratximyhÿre. ²⁹ Tahe nieru butudÿÿdu mahādu kia-ò roholare. Tule sōwemy iny kia-ò roholare. Tiiboho Deuxu bede ywina tyhydÿÿdu mahādu roire. Tule Joaō Sebedÿÿna mahādu roire. ³⁰ Fariseu mahādu tahe, bede ywina erydÿÿdu mahādu tahe Deuxudeewina dera rare. Tai Joaō-ò ratisebemy roiōtyhy. ³¹ — Mowesebo heka wijinabòdu mahādu wesemy ratxireri. ³² Uladu mahādu wesemy tiiboho ratxireri. Tiiboho ijō uladu mahādu-ò ryrymyhÿre: —Inyboho rawiunyre, tahe kaiboho teseōtyhy. Wobina wiu rawiunyre tahe kaiboho tahinyōtyhy. ³³ Joaō Sebedÿÿdu renareherenyōmy rÿire, vÿi riōōre. Ihāre tahe kaiboho tarybete: —Tii tyytybybina-di ihÿre. ³⁴ Hābutyhyhÿkÿ jiarÿ rare, Deuxu Riòre wahe. Jiarÿ reroximyhÿre tule reōmyhÿre. Tai tahe tarybemahāte jiarÿ wabyre nihikÿlemy wamomohōkÿremy. Jiarÿ riki òrarudu liinatyhy heka jiarÿ rare, nieru tarasadu liina wahe. ³⁵ Ihāre tahe aōikōkōlemy heka taraykynymyhÿtenyete ihāre taheka òbitilemy ixi-di tahōtinymahātenyete.

³⁶ Fariseu mahāduō heka Jesuisi ritobinyre taheto-ò roximy. Jesuisi tahe rare idi ronyre roximy. ³⁷ Kia hāwā-ki tahe hāwyyō rasÿnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhykÿ rimyre. Alabastro aderònahynani rare. ³⁸ Hāwyy tahe Jesuisi hewomy ronyre, iòhòmy. Tahe aderòna ritxiwire iwatyre. Tule iwa-ki ruworuwòmÿ ratximyhÿ irube-di iwa risuhòra idi irade-di rabunyre. ³⁹ Fariseu kiamy robireu, ixideele rarybera: —Kia hābu Deuxu rybeduō aōkō rare. Tuukeki tii hāwyy rieryke aōhāwyybo tii ratxireri. ⁴⁰ Jesuisi tahe fariseu-ò rarybere: —Simaō, adee ararybekemy watxireri. Simaō tahe rarybere: —Manarybeke Waerydÿÿdu! ⁴¹ Tahe Jesuisi rarybere: —Nieru huòteduō heka inatxi hābu-ò nieru riwahinyre. Ijō 500 rihuòtera, ijō tahe 50my rihuòtera. ⁴² Idi tahe hābu inatxi nieruōhyymy rÿire òòsemy tanieru tamy. Tai tahe nieru huòtedu riwotòenyrenyre tahe ritusanyre, wiwana iòwy riixāwididÿÿnyre. Tibo huòtedu ilàhànadÿÿdu tyhyre. ⁴³ Simaō dirawyònyde: —Kia òsana 500my rihuòtere. Tahe Jesuisi rarybere: —Inatyhy rare. ⁴⁴ Jesuisi tahe hāwyy, rijemy, tahe Simaō-ò rarybere: —Kahāwyy ini bidiijeke. Jiarÿ nadehemynydeu, tii tarube-di wawa risuhòra. Kai beeō tadiwyòte. Tii tarube-di riwawasuhòra. Iu tarade-di riwawarabunya. ⁴⁵ Kai tiwawehityhynanyōte rehemynyrau, tii tahe riwaatyōhyymy ratxireri. ⁴⁶ Kai warade-ki òlÿre tetxiwiōta tii tahe aderòna wawatyre-ki ritxiwire. ⁴⁷ Tai tahe adee ararybekre. Tii inatyhymy waluure. Taòraruna ixāwidÿÿna-ki. Inyō iòraruna ibutemy raixāwidÿÿnymyhÿreki, tii inatyhymy aōkō taòraruna ixāwidÿÿdu luure. Ijō tahe inatyhyhÿkÿlemy taòraruna ixāwididÿÿdumy reamyhÿre. ⁴⁸ Tai Jesuisi hāwyy-ò rarybere: —Aòraruna reixāwididÿÿnyre. ⁴⁹ Tai roxidu mahādu widee raryberenyre: —Mohābubo kia rare? Tii òraruna riixāwididÿÿnyrerimy. ⁵⁰ Tahe Jesuisi hāwyy-ò rarybere: —Atyhydÿÿnamy textarasadÿÿnyete aòraruna sōwe-ribi biu-ò hena tetateri. Mata hÿny.

8

¹ Rexideleny raremyhÿ ralòralòmÿ hāwā hāwā ikōkōmy reamy rare kia aōma Deuxu Rybewihikÿ Tÿmyra relyymy rare. Tai ierdÿÿna mahādu waòinatxi reuròmÿ idi ròirenyre. ² Tule hāwyyō tiiboho wana ròirenyre Ijōta Marie Madalena heka rare. Juhuu tahe tyytybybinahakÿ-di raremyhÿ. Idi debò inatxi reuròmÿ tyytybybina iribi riòlòdÿÿnyre. ³ Ijōta Joana Kusa hāwyy rare. Tii iòlò Herodi heka aōmysÿdÿÿdu heka rare. Tule ijō hāwyyō Susana inire. Idi tule ihona hona Jesuisi taijoi-wana ibutemy tanierurenyre-di riwiòhenyrenymyhÿre.

⁴ Idi iny sōwemy titxiribibo dirahude kia-ò. Kia mahādu-ò heka Jesuisi ribedeerynyre ijyyòmÿ. ⁵ Alòbòròna-di dehuu heka ròhònnyre taoworu-ò. Alòbòròna-di imahādu ijō ryro-txi resere. Tai heka iny rariamyhÿre alòbòròna tyre-ki. Nawii tule tuu riroximyhÿ. ⁶ Mana rotysu-txi ijō rejuxunyreri mana rotysu-txi suu dori ibututere tai tahe iraruxiòlemy raumynyre. ⁷ Ijō tahe edey-txi resere. Raumynyre tahe edemy riòhÿtÿnyre. ⁸ Ijō resere suwi-txi. Tai ta raumynyre idi sohoji alòbòrònaty-ribi 100my

raratynyre. Jesuisi tamy rarybere: —Kaiboho òhòtirenidyeki heka inatyhymy warybe-ò boholabenyke.

⁹ Tai tahe Jesuisi-ò rÿÿraxinyrenyre: —Aòwe kaa tekewesenanyteri? ¹⁰ Jesuisi rirawyònyre: —Kaiboho heka teerytenyete aòbohe wasimy ijyy rare Deuxu dori adeereny ritÿnynynyre. Kia tahe rare, Deuxu Iòlòna aòmydÿÿnana wahe. Ijò iny-ò tahe rarybere ijyy-di relyyre.

Tai robikre tahe, rieryòtyhyke. Roholarenkyre tahe rieryòtyhyke, timybo juhuhu Deuxu rybemy rybedu mahādu rarybere wese.

¹¹ Aòmybo kia aòijyybo kia rare wahe. Alòbòròna heka Deuxu Rybewihikÿ wese rare.

¹² Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamyhÿre mahādu wese rare. Idi tahe Satanasi heka ritamyhÿre iworeny-ribi. Tai rityhynrenykòmy idi biu-ò rahenyòkremy. ¹³ Ijò tahe manasuò-txi resere heka, kia Deuxu Rybe-ò roholamyhÿre mahādu wese rare. Rybe-ò juhuhu roholamyhÿre deysana-di rityhynymyhyre. Kia manatyre resera heka irarutiòhykre. Iny mahādu wese heka rare. Idi ikyhynakòreki, iwodelòlòtòmoreki urile tatyhydÿÿna riatymyhyre. ¹⁴ Ijò tahe edesuyky-txi resere heka, kia Deuxu rybe-ò roholamyhÿre, idi iworekena sòwemy, iaòdelòlòtòmomy, idi ityhyna wahe urile riòhòtÿnymyhyre. Tai ròwiòhenadÿÿòhyymyhyre Deuxu tyhydÿÿna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aòma kia inythyhyna ratxireri. Tiu heka ityhydÿÿna riòlòdÿÿòtyhy. Kia alòbòròna tahe tai heka rokuòtyhy.) ¹⁵ Kia ijò alòbòròna suu witxi-txi reserá tasÿ iwitxira inywesemy rare. Kia ijohonadu aòma rierymyhyre. Irayky-ò ralòmyhyre. Kia iwotyhywo-ò òbitimy ratxirerí tahe, òbitilemy aò riwinymyhyre. Iwese kia alòbòròna sòwemy raty rawahinyre wese tahe tii rare. ¹⁶ Ijò ijyy tahe kiamy roire. Uritere inyò loosònaò rideòmykre butxi rawo-txi ada herina rawoò-txi aòbo. Loosòna bidekre bedewiò-ò. Tai tahe ibutumy bede ritoosònanykre. ¹⁷ Aò heka tai wasimy ratxiòhyymyhyre. Aòutxumy dori ibutumy erynamy rarekre. ¹⁸ Tahe bexijebenykre ijohona-ò. Kia sòwemy idi rÿirerimy ihÿre heka sòwemy rimykre. Kia urihimyo iwo-ki rÿireri heka iribi ritakre. Idi ibutumy rÿireri heka iribi ritakre. Urihimyo iribi iny ritakre. Urihimyo iwo-ki rÿireri heka hulemy iribi ratakre.

¹⁹ Jesuisise, tariòreboho tamy doide. Tii ròbedeerydÿÿmyhÿki isirare tamy dehemysÿ iny sòwe òraru-ki. ²⁰ Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenryeri. Adeerarybekemy. ²¹ Tai Jesuisi rarybere: —Waseriòre wa kia Deuxu rybe erydÿÿnaò rare. Kia tamy roholamynyrene heka rityhynymyhyrele heka nadi wesele rare. Tii-wana iwese waseriòre wesele rare.

²² Iribi tahe hāworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre. ²³ Jesuisi ròròmy tòru-ki. Idi tahe yhynihikÿ òbònihikÿ-wana tamyreny reare. Ruberurenyre tiiboho rÿmyrenyke lau. ²⁴ Tai tahe wylemy riixixanyrenyre: —Erydÿÿdu, Erydÿÿdu rekekoarenkyre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutumy riyryre, iny rurukre. ²⁵ —Kaiboho tiwexe ainatyhynareny? Tiiboho rabedeòtidÿÿmy ruberummy widee raryberenyre: —Aòhābuwe kaa rare. Yhyhykÿ dori òbò dori irybemy reòbyreri.

²⁶ Kanawe-ribi ijà-ò rehemynyrenyre Kerase bede-ò kalileia aho weribi-ò. ²⁷ Hābuò heka tamyreny dobehede hāwāhākÿ-ribi tamyreny dobehede. Tiiboho riòtyrònny hāwāro-ribi iu ta tyytybybina-di ratximyhyre hābu tiu rexityynyòhyymyhyre taty-di hyymyhyre. Kiamy wabedekihyyle ratximyhyre. ²⁸ Jesuisimy robireu tahe bedetxile resere tairy-di ryryre: —Aòhebo biwasÿnykre Jesuisi. Kai Deuxutyhy Riòre atxiteri. Uritere aòhòkÿmy wasÿdÿÿòmykre. ²⁹ Tahe Jesuisi heka tyytybybina iribi riòlòdÿÿnyre. Sòwemy dori riuwinyre hābu rimymyta. Riuwinyre idi rihure. Tai heka tii uritiere womati reroti-di ritaataamy riijemyhyre. Ihāre tahe ixi-ribi riòròmmyhyre. Tai bedero-txi reamyhyre tyytybybinamy rawonymy. ³⁰ Idi tahe Jesuisi rÿÿraxire tamy: —Mobo

anire? —Sōwemy wanire. Tyytybybina sōwemy dori tuu rexiykynyreki. ³¹ Tiiboho raryberenyre: —Uritere bedebinahakỹ-ò wateòdỹyrenyōmykre. Uritere s̄yù-ò noōma rarekremy hālootxi-ò. ³² Iu tahe ix̄nyi juramy riroximyhỹ hāwālò-ki. Tai tyytybybina mahādu Jesuisi-ò rarybere: —Biwateònyōke. Kowa ix̄nijura-ò biwateònybenyke aralorenkykremy. Tai Jesuisi riròtenyrenyre. ³³ Iu kia hābu-ribi tyytybybina ròhònyrenyreu tahe ix̄niwo-ò ralòreki wahe. Raòlònyra ijò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatximy. ³⁴ Ix̄nyi-di itxeredu mahādu ibutumy rajiranyra hāwā-ò tule relyyrenyre tuu iny ras̄ynymyh̄yre mahādu-ò. ³⁵ Tai iny dirahude tamy itxeremy. Idi tahe rare Jesuisi-ò. Hābu robimyh̄yrenyre tatyky-di ronymyh̄y ibutumy rexiywinymy Jesuisi-ribi iòhòmy ronyre. Kia iny mahādu heka sōwemy ruberure rabedeòtiidỹynymyh̄yre. ³⁶ Ibutumy relyyre. Kia tyytybybina timybo aòhebo rotỹynyremy. ³⁷ Kia Kadara bede ludu kia mahādu tahe rexitòenyre Jesuisi-ò iribi ròhònykremy, ilau ruberurenyreki wahe. Idi tahe Jesuisi ròkòsere ix̄ybyle reare hāworo-ò. ³⁸ Hābu tahe rexitòenyre Jesuisi-wana rakremy, kia tyytybybina-di iwo-ki ratximyh̄y wahe. Tamy rarybere: ³⁹ —Aòkòre bòkese aheto-ò. Ibutumy belyyke aòbo adee Deuxu riwinyremy. Tai ta ibutumy hāwā hāwā-ò relyyre aòhebo Jesuisi ris̄ynyremy.

⁴⁰ Kia iny sōwehekỹ mahādu heka teysa-di rimiry ridyremyh̄yre riraòhyymy ratximyh̄yreny. ⁴¹ Kia hābu dohodỹydu hetowo erydỹydu tahe nade Jesuisi-ò. Tii heka dohodỹynana dinoduò rare. Ijairu inire Jesuisi-ò sutxi resere: —Mynake wasỹ Jesuisi ⁴² Jiarỹ wa wariòre sohojile rare waòinatxi reuròmy iwyrā. Tii ka rurukremy roireri. Idi ta Jesuisi rare is̄y-ò. Sōwemy iny Jesuisi riheludunyre.

⁴³ Hāwyyò raremyh̄y heka hāwyy webinadu rare iòhò Jesuisi rexis̄ny waòinatxi beòramy heka idi ròhònyre hykyky hālubu ratxireri. Tiu heka inyò retytenyòhyymyh̄yre luahidỹydu, òhotibedu mahādu he risiranyre. ⁴⁴ Tai tahe Jesuisi tykysi-ò reare. Tai ta aòwesele reytemy reare. ⁴⁵ Jesuisi rarybere: —Mowe watxi reare? Ijò rarybereri: —Erydỹy mahādu aòkòre, jiarỹboho aòkòre. Pedro rarybere: —Aòheta sōwe iny kaki r̄yireri. Timykibo tuu tỹyrayiteri. ⁴⁶ —Jiarỹ dori reeryre. Mobo watxi rearaule reytera. ⁴⁷ Tiihe hāwyy ratxiremyh̄y ramytatamy. Tamy ramytatamy heka tamy rehemynyre. Iòraò rexibedenyre. Ibutumy iko tuu relyyre. Aòherekibo itxi reriramy. ⁴⁸ Tai tahe Jesuisi tamy rarybere: —Lerỹ, atyhydỹyna myna teyteta. Ta bexiywinymytah̄ny maa!

⁴⁹ Kie raryberemyh̄ywanale tasỹ iny witxiraòle dehemynyde. Kia aòma dohodỹyna wedu heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò ijiraòma ix̄inamy tii rake. ⁵⁰ Jesuisi kia-ò roholareu tahe Ijairu-ò rarybere: —Utile bityhybenykre. Breburenyōma tii reytekre. ⁵¹ Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaò wana kiale ralòre tamy tiiboho wana. ⁵² Ibutumy ras̄ybinamyh̄y Jesuisi rarybere: —Ibryrenyōmyke hewa rurumy aòbo roire, urile r̄òròmy roireri. ⁵³ Ibutumy rieryrenyneri tiiboho urile tai idi risinyrenyre rurumy roimyh̄yki. ⁵⁴ Jesuisi ihāre ta hirari debò-ki rimiry. Tai tahe idi rarybere: —Hirari, bexixamy, bodonyke. ⁵⁵ Ityytyby aòwesele ix̄ityre tamy ralore. Dexixade, donyde. R̄ys̄yna hirari-ò riwahinykemy Jesuisi rarybere. ⁵⁶ Tai tahe tybyboho sōwemy rabedeòtidỹyrenyre rabedesarenyre. Jesuisi rarybereri: —Utile wamy ijyyrenykyōmykre. Aòbo adeereny rewinyramy.

9

¹ Jesuisi tahe tawaòinatxi reurò taerydỹyna mahādu ributunyre. Taruru tamy riwahinyre tyytybybina iny-ribi ritakremy. Tule iny webinadu mahādu riteytenkykremy. ² Tule rarybere tamyreny: —Kaiboho belyybenykre Deuxu kia Iòlònamy tule webinadu biteytenybenykre. ³ Aò awanareny wydyrenyōmykre debòna aòkò, aòna h̄yna tule aòkòre. Tule rys̄nake aòkò, nieruke aòkò. Ainatxityyke aòkòkre. ⁴ Hāwā-ki heto-ò-txi malòkeki taile bonykre. Hāwāribihyyle bòhònykreu, kia heto-ribi bexitakre. ⁵ Ibinamy

aramyrenykreki, urile bixitakre. Idi òlòna-ki, awa bitòtynykre ibinamy tai tahateny-taki. ⁶ Tiiboho ròirenyre hāwā sōmo sōmo-di Rybewihikỹ Tỹmyramy relyyrenykemy ròirenyre. Tule iny webinadu ibutумы iteytenyreny hāwā hāwā-di.

⁷ Idi tahe iòlò Herodi ibutумы heka aōna aōna rierymy ratximyhỹ. Tai tii bede ryy rieryōhyomy ratximyhỹ aōbo riwinykre. Roholamyhỹre heka iny rybe rybe-ò. Joaō heka rexixamy ratxireri. ⁸ Ijō tahe kiamy rarybereri: —Eliasile ratxireri. Ijō rarybere Deuxu rybemy rybeduō ratxireri. ⁹ Tai tahe Herodi kiamy rarybereri: —Jiarỹ heka Joaōra resy my rewahinyre. Mobo ratxireri iwese Joaō raremy wese he ratxireri. Moobo ta kiamy raholamy watzireri. Tai Herodi tuu robikemy riwisỹnymyhỹ.

¹⁰ Jesuisi eryna iko relymyhỹreny ibutумы aōbo aōhebo rotỹỹnyrenyremy tabedỹỹnana. Jesuisi riòlònyrenyre ijō hāwā wixira-ò, Besaida hāwā-ò wahe. ¹¹ Tai iny sōwemy hekỹ rieryōlemy idi ta rieryreu tahe sōwemy ihemy rare roirehe. Jesuisi he ributумы ikole relyyre. Deuxu iòlòmy relymyhỹre. Tai ròteytedỹỹmyhỹ webinadu mahādu. ¹² Aōtxu tahe katxioromy Jesuisi eryna mahādu, waòinatxi reurò mahādu tamy raryberenyre: —Bede biywinyke ibutумы iny rỹireri hāwā-ò tarỹsỹna òbradỹỹmy. Inyboho dori bedero-ki ratxirenryeri. ¹³ Tahe Jesuisi rarybere: —Kaibohole rỹsỹna biwahinybenyke. Rirasỹnyrenykemy ierydu mahādu diwyònydenyde: —Aōheretahaka, iruyre orotxu idi inatxi uturale heka roireri. Aroikemy aōbo wadireny atxiteri rỹsỹna òbradỹỹmy insōwe-ò. ¹⁴ Txibo 5000 hābu sōwemy heka rỹimyhỹ. Jesuisi rarybere: —Bihitxinybenyke 50 iny heka iny bisỹnybisỹnybenyke. ¹⁵ Tii myna ieryna mahādu rotỹỹnyrenyre. ¹⁶ Idi tahe Jesuisi utura inatxi, orotxu iruyre rimyre. Biu-txi reteheremy rexitòenyre. Deuxu reàlāre tamy rexitòenyomy rieryrenyomy riwahiny taerydỹỹna mahādu-ò. Riwyrenyre tahe riwahiriwahinyrenyomy idi roire. ¹⁷ Ibutумы riroxirenyre idi rihydyrenyre. Ihāre ta waòinatxi reuròmy hyna ixiby rỹximy rauhenyre. Idi ierydỹỹna mahādu ixiby ributумыre.

¹⁸ Jesuisi heka ixisohojile rare ixitòedỹỹmy. Ierydỹỹna mahādu heka irarò-ki rỹimyhỹ riijemy rỹimyhỹ. Idi tahe tamy nade tỹỹraximy: —Mobohe jiarỹ raremy wamy raryberenyryeri? ¹⁹ Tai narybedenyde: —Ijō Joaō Sebedỹỹnamy adireri. Ijō ta Eliasimy adireri. Ijō ta juhūu Deuxu rybedu mahāduōmy adireri. ²⁰ Jesuisi tamy rarybere: —Adeereny tahe. Mobo jiarỹ watzireri. Idi Pedro rirawyònyre: —Kai Kristu tate, Deuxu deòdỹỹna wahe. ²¹ Tahe Jesuisi tamy rarybereri: —Uritere tuu iny-ò ijyykōkremy. ²² Jiarỹ Hābutyhyhykỹ, Deuxu Riòremy, aōhōkỹmy arotỹỹnykre. Judeu wedu mahādu, xiwena wahidỹỹdu wedu mahādu, bede ywina erydỹỹdu mahādu waderamy reakre. Jiarỹ arurukre. Inataōna txu-di arexixakre. ²³ Idi ibutu-ò rarybere: —Wahemy kanake mahādu urile ixi dee rexijōnykre. Txuō txuōlemy taitxeò rimyomy kidiwaheludunykre. ²⁴ Waòrary-ki rubudu heka biu-ò hedukre. Tukōkeki urile ixinany inatyhymy rurukre. ²⁵ Aōmydỹỹnanamy iny ritakeki, tahe taumy riōnonykeki, kia heka aōmy aōkōkre. ²⁶ Inyō raixỹrukeki warybe lau tule jiarỹ Hābutyhyhykỹ, Deuxu Riòre wahe, tai ilau araxỹrukre. Deuxuko-ò ýjuko-ò iu adehemynsỹu Deuxu iòlòna-ki wahe. ²⁷ Inatyhymy heka adeereny ararybekre. Ijō kaki rare. Deuxu iòlònamy robikre tarubukōtyre

²⁸ Tahe debò inataō txuu rỹidi, Pedro, Txiau, Joaō-wana Jesuisi ridyre. Tiiboho sohojile bederatò-ò roire Deuxu-ò rexitòenykemy. ²⁹ Jesuisi rexitòenyryeri tii tamyreny rexi-witxiranyre iu rexitòenyreu ityy heka urile rabòtòranyre. Iurahakỹmy relere. ³⁰⁻³¹ Tahe tamyreny dexitỹnynde Eliasi, Moisesi-wana tahe rarybemyhỹre Jesuisi-wana. Jesuisi rubunamy Jerusalē hāwā-ki widee rarybemyhỹrenyre, kia Deuxu bedeywidỹỹnana myna. ³² Pedroboho rōrōrenryeri. Idi tahe rexixarenryeu, tiiboho Jesuisi loosònamy robirenyre. Eliasi, Moisesi-wana tiiboho tuu robirenyre. ³³ Ròireri, Pedro rarybere Jesuisi-ò: —Wawedu, awityhymy inyhe inyboho kaki ratxirenryeri tahe rikiwinyrenykre inataō hetomy, ijō adee, ijō Moisesi-ò, ijō Eliasi-ò. Pedro rieryōlemyhỹre aōmybo rarybemyhỹ. ³⁴ Tai rarybereu Nonoe dobehede iubòròna bede ritòbònyre. Pedro, Txiau, Joaō-wana ruberumyhỹrenyremy. ³⁵ Tahe ròhònyomy reare rybeuni iuribi: —Kia heka Wariòre waluu rare. Kaiboho tamy bohòlabenyke. ³⁶ Tiiboho reteherenyre tahe inyōmy

robiõlerenyre Jesusilemy ta robirenyre. Tahe rybeõmy rjirenyre. Iu inyõ-ò aõmy raryberenyõre tuu.

³⁷ Tai tahe ijõ txu ratò-ribi dehemynydeu iny sõwehekỹmy Jesuisi-ò ròirenyre. ³⁸ Inyõ rarybere: —Erydỹydu, wariõre adee redyleri. Beteheke wariõre sohoji-ò. ³⁹ Tyytybybina rimymyhỹreu tahe riatyre bede-ò. Idi tahe urile txuu riyiyidỹynymyhỹre. ⁴⁰ Aerydỹyña-ò jiarỹ rarybera tyytybybina riteònykremy, tahe tii-boho riixãwidỹnyõhyyreny. ⁴¹ Jesuisi tamyreny rarybere: —Tiwesebededỹynanabo wjinabòdu ityhyõlemy rỹira. Tiwesebededỹynanabo akyreny-ki ariijekemy. Wade uladu bididyke. ⁴² Tahe didydenyde Jesuisi-ò. Tahe tyytybybina urile riitxỹteitxỹtenymy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymyhỹ. Jesuisi tahe tyytybybina iribi riòlòdỹnyre uladu riteyeyre. Idi uladu tyby-ò riwahinyre. ⁴³ Ibutumy iny Deuxu aõwidỹyña-di bede riòtiinyre.

Jesuisi taerydỹy mahãdu-ò rarybere:

⁴⁴ —Boholatyhyki warybe-ò, Deuxu Riõre Hãbutyhyhykỹ heka rawahidỹykre hãbu mahãdubina-ò. ⁴⁵ Tiiboho rierykõlere. Kiamy dori ilaureny riwore. Tahe ruberurenyre tỹyraxidỹyki.

⁴⁶ Ryo-ki ierydỹyña mahãdu widee rarybemyhỹre: —Mowexe wiratyre ityhykremy. ⁴⁷ Jesusireny rexiraykynymyhỹreny rieryre. Idi tahe uladuõ rimymy rarybere. Jesuisi uladuõ wana ronyrenyra. ⁴⁸ Tahe taerydỹyña-ò rarybere: —Moõ uladu ka wese wadee riwìhenanykeki, riwawìhenanyre. Moõ riwawìhenanykeki, tule waha riwìhenanyre. Mobo deòdumy reakre, tii ibutu ratyrekre.

⁴⁹ Joaõ tamy rarybere: —Erydỹydu, jiarỹboho riòlòdỹnyrerimy tuu rabirenyra inyõ tyytybybina-di animy rehureriò. Tahe iny mahãdureny aõkõ rare. Tahe jiarỹboho tamy rejijõnyrenyre iny inyijõirenyre aõkõki. ⁵⁰ Tahe Jesuisi rarybere: —Bijõnybenyõkre. Inyõ inymyreny dòdukõkeki, inyweribireny-ki tii rare.

⁵¹ Tahe Jesuisi bededỹynana iixihidu iòhòmy idi biu-ò rakreu, tii Jerusalẽ hãwã-ò rakremy rexiwinyra. ⁵² Tahe takomy inybutu bede riywinyre. Tai itỹhinamy rutòmý Samaria hãwã-ò. ⁵³ Tai tahe Jesuisi deramy rekoarenyre Jerusalẽ-ò ramyhỹreki. ⁵⁴ Txiau Joaõ-wana kia rierymy tahe narybedenyde: —Wanyrỹhỹkỹ, adee wikeki heòty biu-ribi ityreny kedesekeky aritxuhorenykre risõrenykre. ⁵⁵ Tahe Jesuisi irybereny-ki ibinamy rahare tahe reburemy taò riòsere iribireny. ⁵⁶ Idi ta iwitxira hãwã-ò roire.

⁵⁷ Tahe Jesuisi taerydỹyña mahãdu-wana roirenyre, hãbuõ tamy rarybere: —Ihyymy awana arakre titxibo makreu, ahekile arakre. ⁵⁸ Tahe Jesuisi tamy rarybere: —Ijòrò heka ihãloo dire. Nawii tỹtỹ dire. Tahe jiarỹ, Deuxu Riõre wahetoõre, Hãbutyhyhykỹ rare hãrele. ⁵⁹ Tahe ijõ hãbu-ò rarybere: —Biwaheludunyke. Tahe tii dirawyònyde: —Wanyrỹ, Waha heka rurura. Tai tahe juhoo arituunyke. ⁶⁰ Jesuisi rarybere: —Txioinihe, rubu mahãdu wii rituunyke. Kai tahe makre Deuxu iòlònamy belyyke. ⁶¹ Ijõ rarybere: —Wanyrỹ, araheludunyke. Urile juhoo wasỹ mahãdu arawehityhynanykre. ⁶² Tai Jesuisi dirawyònyde: —Inyõ ritelenykeki, tahe ixyby òõsemy rexinohõtinykeki, tii waheludu mahãduõmy rareõtyhy.

10

¹ Jesuisi 72 hãbu heka ritare inatxi inatximy tako-ò tihãwãhãwãtxibo rakreò bede riywinyre. Kiamy tamyreny rarybere: —Waijyymy rybemy boibenyke. ² Kiamy heka tamyreny rarybere: —Waaõmysdỹyña heka inihikỹ-di isirare. Iwese maixõmo iny riòròmýhỹre wese heka waaõmysdỹyña rare. Maixõmo oworu heka inihikỹre, idi aõmysdỹydu heka ibutere. Tai oworuweu-ò aõmysdỹydu bexitõnybenyke, Deuxu-ò wahe. ³ Kiaboho heka budoeni wesemy iyreny-ki boibeke. Kia-ribi nohõti losaõmykre. ⁴⁻⁵ Tai heka bexiijebenykre anierureny wydyõmy. Aõna aõna renyhinykeõ aõkõ awareny wydyõmy iny-ò ryberenyõmy iny iny-ò ryberenyõmy, rywetyatyamy abededỹyña nodỹmy. Inyheto-ò malokreu Deuxu deysanamy birybenybenyke. ⁶ Tii adee awirenykre wana heka teysakre kahetoludu. Tai tahe ixibyle adee Deuxu

deysana ròòsekre adee awiòhyykeki wahe. ⁷⁻⁹ Aõma hãwãò-ò malò-wana uritere deuròsò deòròsòõmy matximahãke. Tai tehemynomy atxiterikile bexiijemahã tetxilemy. Uritere rÿsÿna òta òtaõ aubeò ritidi wana uritere rybeòlòõmy. Birÿsÿmy rybeòlemy. Awìòhedÿÿmy ruruke wana bimymyhyõ aõbo adee riwahinymyhyõre. Iny raaõmysÿdÿÿmyhyõre heka ròtamymyhyõre. Kia wese heka biwinymyhyõke. Birÿsÿmahãke aõbo adee riwahinymyhyõke. Binaõ roiwana biteytenymahãbenyke. Kia wesemy tamy marybeke: —Deuxu Iòlòna heka iòhòmy ihÿre. ¹⁰⁻¹¹ Hãwãò-ò birònykeki, inyõ aradyrenyòkeki, boibenyke hãwãky-di. Myÿ marybebenyke tamyreny: —Aõbo wawa-ki hãwã-ki rÿireri. Wawa aritòtynykre bryby iribi ròhònykremy. Adeereny ariteòsinykre nohòti ijaranamy tamyreny. Nohòti losarenymyõmy Deuxu Iòlòna adeereny iòhòmy dehemynyde. Tahe kaiboho teramy tekoatenyde. ¹² Aõma ywisidÿÿnatxu heka tiiboho aòhòkÿmy rotÿÿnyrenykre. Jesuisi rarybere: —Tiro hãwã Sidò hãwã heka awimy aribireny ròhònykre. ¹³ Kobe làhaxe kai Korasì hãwã, tule Besaida hãwã. Òhotibe ayreny-ki rÿire, kia heka Txiru hãwã, Sidò hãwã tule kire-wana taõ òta òtareny-ribi rexiatyreny. Tiiboho tykysausuhukÿtyre rexisÿnyre bryby-di rexiereny. ¹⁴⁻¹⁵ Òhotibetxumy heka Deuxu raruxetòenykre Txiru hãwã mahãdu, Sidò hãwã mahãdu! Kaiboho tahe aòkore. Deuxu araruxetòenyòkre. Kai Kafanaõ hãwã yludu mahãdu aõbo adeereny rotÿÿnykre. Biu-ò aõbo bòibenykre. Aòkò heka heòtybina bede-txi heka boibenyke. ¹⁶ Tahe Jesuisi taerydÿÿna mahãdu-ò ixbyby rarybere: —Inyõ aradyrenykre wana tasÿ-ò. Iwese riwadymyhyõre wesele, aradyrenykre. Moo adeereny roholamymyhyõre iyubu wadee roholamymyhyõre. Wana tahe waderalemy reamymyhyõre. Waderamy reamymyhyõre tahe tule Waha deramy reamymyhyõre. Deuxu wateòdÿÿdu wahe.

¹⁷ Tanonanarenymy-ribi iribi tahe kia erydÿÿna mahãdu ibutumy dòòsedenyde. Tiiboho heka teysa nihikÿmy dòidenyde. Tybybinanahakÿ heka irybe-ki ròhònyhyõre irybereny-ki. Riòlòdÿÿnymyhyõreny wana Jesuisini-di heka ròhònymyhyõre kiamy Jesuisiko-ò tuu relyyreny. ¹⁸ Tii rarybere tamyreny: —Bexiijebebenyke jiarÿ dori Satanasimy biu-ribi rabire, biudelaa wesemy reseremy tuu rabire. ¹⁹ Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyõ ruruòtyhy itytibòrò nihikÿ arawerenykeki, tiu buruòtyhy. Tule kai aòludu rururatyre arururenymy-di boibekre. ²⁰ Ihãrele tahe uritere deysarenymyõmy atxibenyke ka ruru òraru-ki tyytybybina deòdÿÿna, ruru wahe. Kaiboho dori anireny raritinymy roimymyhyõre biu-ki kia ta ateysanarenymykre.

²¹ Iule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bede wedu tate. Umy reàlãmymy watxireri tamy retòenyre. Wadeysamy watxireri ka aõma dÿÿnana bederaremy nihikÿ iribi tewòmymy atxiteriki wahe. Tamy hete iwese iny uladu wesemy rityhynymyhyõre heka. Tai tahe tamy ritÿÿnymyhyõre. Kia adeewimy tuu rare. ²² Jiarÿ heka ibutumy Waha wadee riwahinyre. Inyõ rieryòhyymyhyõre Waha wahe. Waòrarukile tahe iny rierymyhyõre. Mobo Waha rare wahe. Waòrarukile dori rierymyhyõre. Ijõ aritÿÿnykemy watxireri. Tai tahe tiki tule riery iruru. Taile rierykre. ²³ Rexitòenymy rahudi tahe wasimy iwòtemy heka rarybere taerydÿÿna mahãdu-ò: —Kaiboho heka sòwemy aòwihikÿmy tabimymyhyõtenyde. Tai kaiboho beysabenyke. ²⁴ Ihetxiu heka Deuxu rybedÿÿdu wana kia aõmysÿnanamymy iòlò mahãdu wana. Kaireny aõmydÿÿnanamymy robikemy risÿnyre, tahe aòkòhyre. Wijile heka tuu robireri aòrarurenymy-ki. Tule tabitenyteri kaiboho ratximymyhyõre inatyhymy aõbo òbitimy Jesuisi ijyy-ò roholarenymykre tahe aòkòhyre.

²⁵ Moisesi bede ywina rybe-di räire Jesuisi lÿÿraxidÿÿmy. Iwese kai ixiluure wese, iny witxira luuke! Tii tahe Jesuisi rihixidÿÿmy rarybere: —Aòhebo arotÿÿnyke biu-ò arahenymykre. ²⁶ Jesuisi dirawyònyde: —Timybo kÿnyhe Moisesi bede ywina tyyriti-ki roimymyhyõre? Timybo tuu manarybekre. ²⁷ Tii tahe diwyònyde timybo tyyriti-ki roimymyhyõre myna:

—Deuxu adinodurenymy, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahãke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia hābu heka rexiòbitinykemy idi ratxireri. Taita rarybere Jesuisi-ò: —Mobota waeryre? ³⁰ Tahe Jesuisi ikò relyyre ijyymy. —Judeu mahādu hābu heka ratyīnamyhỹ Jerusalē hāwā-ribi, Ijeriò hāwā-ò. Iribi tahe kia wasidu mahādu rimyrenyre. Inieru ibutumy iribi ritarenyre. Ityy hỹre raòhòtere irubudỹyle rasiranyre ririre. Tahe ruruòki rỹimyhỹ. ³¹ Aõma judeu xiwenawahidỹduò heka idi rare. Tahe hābumy robire. Idi hābu-ribi irehemy rexiemy reare. Tahe tỹtxi rerikõle rare raty resere. ³² Hābuò rehemynyre tiie-ki dohodỹyna wiðhedỹduò rare, Levita wahe. Tule ratyresemy ririre. ³³ Tahe ijõ nade Samaria bedede hāwā luduò heka rare. Judeu mahādu heka Samaria mahādu luukõre. Idi tahe kia judeu mahādu roimyhỹ. Tahe Samaria mahādu hābu sõwemy riruxetðenyre. ³⁴ Idi tahe tamy rexitỹmynymy tahe iwotõmona rituahinymy ritaataamy iwotõmona. Idi tahe ka hābu relyymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rummy heka ritðenyre hykyky idi bedede nade awimy risỹnykemy. ³⁵⁻³⁷ Rudile heka heto òwy-di iwedu-ò heka nieru riwahinyre riðwynyre inatxi womati nieru. Tamy rarybere: —Biwiðhenanyre idi mabekre adòðekre riròkre. Moma arỹnaderenykre Arỹnadebenykre heka adiðwynykre adòðekreu wahe. Ka hābuhe rarybere: —Hābu bireludu ratxireri. Kia taruxetðenyreri tiðsinyre waha tieka idi hābubireludu ratxireri. Wimy raòludumyhỹre hārele taheka riwiðhenanyre. Jesuisi tamy rarybereri. —Iwesele biwinykre iweseka hābu riwinyra weselemy biwinykre. Kai aõhebo botỹtyhy mahake. Iwesele wahe. Jesuisi rỹyraxire: —Mobo hābu aõtxino biðwa rare? Mobo ibireludu wahe? Bede ywina erydu tai rirawyðnyre: —Iwiðhedỹdu wahe.

³⁸ Jesuisi, ijõ mahādu-wana ròirenyre. Hāwā-ò rirònyrenyre. Hāwyyõ rare Marta inire. Tahe ridyre tasỹ-ò tai ratxirenykemy. ³⁹ Tahe Marta heka iseriðre dire. Marie inire. Marie urile ibire-txi ronyra aõbo tarybeke roholakelemy. ⁴⁰ Marta heka raelelemy ratxireri. Aõna aõnale rotỹnymyhỹle riwinymy taile rare ratximyhỹ. Tai tahe nade Jesuisi-ò rarybere: —Jikarỹ sohojile wa watxireri waseritxðre riwawikòhenanykõhykyreri. Kai anobohe kòbitimy tai tahateri. Tamy marybeke riwawikòhenykykemy. ⁴¹ Tai tahe Jesuisi he tamy rarybereri: —Marta, Marta, aõherekibo kai taelelemy teamy atxiteri? ⁴² Sohoji aõmydỹynale heka awire. Marie awityhy aõmydỹynana ixidee rimyre. Kia moo iribi ritaðtyhy. Riwinymyhỹ awityhyreki wahe. Tamy rarybeðtyhyõ wadee roholareri iribi ariðlòdỹnyke wahe.

11

¹ Tiutxubo Jesuisi rexitðenymyhỹre, iny rieryõlemyhỹre. Jesuisi rexihudi, ijoi rarybera: —Biwaerynanybenykre iwese texitðenyteri wese, Joaõ tahe taijoi rierynanyre. ² Tai rierynanyre. Kai bexitðenykeki, kawese marybekre:

—Waha, ani ibutumy tamywimy. Wylemy mynake iny òlòdỹmy.

³ Rỹsỹna txuõ txuõlemy biwahinybenykre.

⁴ Inyðraruna biixāwidinykre, iny iwitxira-dori taðraruna ariixāwidinykre. Waatysyrenyõmy ðraruna-txi.

⁵ Jesuisi heka taerydỹyna mahādu rierynanyre ijyy-di: —Kai arỹsỹnaõmy bonykeki, abiðwa-ò make ruetya rexitðedỹmy rỹsỹnaõ huòtemy bidiwykemy: —Wy, ahina inataõ wadee bidihuòteke. ⁶ Wabiðwa rehemynyreri bedetỹi-ribi. Aõ heka wawahisidỹkõnare.

⁷ Tii òsana myỹ adee rarybekre: —Wadee ixitðedỹõmyke ruetyahakỹmy. Arỹiõtyhy waherina-ribi rexiyrubunymy heka rāireri. Ibutumy iny heka rōrōmy rỹireri. Uladu, tule iumy rōrōmy rỹireri. Wadee ixitðedỹõmyke. ⁸ Rexitðenyhyhy tai hyyhy rỹikeki tai ihārele rỹike. Abiðwatðenamy aõkõ kỹnyhe rỹike. Texitðenyterikile rỹike.

⁹ Tai heka adeereny rarybereri. Bexitðenykeki, biwyke. Biijeke aõbo teijeteri, tai tahe mahake. Ijòtòbòna bihetenyke tahe adee riraynymy tahe malòke. Tai tahe adeereny rarybera. Ibutumy rexitðenymahāke, tamy riwahinymahāke. Ibutumy iny

riijemahāke, tai rahake. Iny rihetenymahāke riraynyke. ¹⁰ Tai adeeremy rarybere: — Ixitòedÿÿki iny aō rimymyhÿre. Aōitxe-ki aōtxi ijara rÿimyhÿ. Ijò-di ròtemy ijara-ki iny ralòmÿyhÿre. Ijò-di ròtemy ijara-ki, iny ralòmÿyhÿre. ¹¹ Uladuō tyby-ò uturamy rexitòenykeki aōbo, hemylalaō tyby tamy riwahinyke irÿsÿnamy? Timyki tuukōna! Kaiboho kiamy aōbo botÿÿnybenykre? Timyki tuukōna! ¹² Uladuō tyby-ò hāniesimy rexitòenykeki aōbo, itytibòrò tamy riōkre. Timyki tuukōna! ¹³ Kaiboho aōbina binahakÿdile tahòtinymahātenyté, aōwihikÿ aōbohe ariòreremy-ò biwahinyke. Boreny aratyre heka bede rieryke, Deuxu wahe. Tamy bexitòenybenykeki, tii Deuxu Tyytybytyhy adeeremy riwahinyke.

¹⁴ Ixityre tasÿ hābuō raremyhÿ irybeōmy. Jesuisi taile ratximyhÿ tahe tyytybybina riòlòdÿÿnyre iribi. Iu tyytybybina iribi rohonyreu tahe, hābu rarybere kia rybeōmy ratximyhÿré wahe. Tahe iny sōwehekÿ mahādu sōwemy idi rabedeòtiimy rÿire. ¹⁵ Inyō tahe, inysōwehekÿ yluduō tahe kiamy rarybere: —Kia diabo ruru-di, Belisibu ruru-di heka iribi riòlòdÿÿnyre. Tii tyytybybina mahādu wedu rare. ¹⁶ Ijò tamy rarybere: —Jesuisi, araeryrenykre inihe aō biditeòsinykre wadeeremy. Inatyhy aruru biuludu ratximyhÿre. Widÿÿnaō inihe wadeeremy bitÿnynyke kialemy heka rarybemyhÿre urile riurihimy tamy aō itxerenamy riwinykelemy. ¹⁷ Jesuisi tahe rierymyhÿ aōmybo raraykynymyhÿreny. Tai heka tamy tuu rarybere: —Kia iny mahādu wiribi hitximy raraykywydinykeki, tii tahe rexihuke itueke, sÿ mahādu tule wahe. ¹⁸ Timybo Satanasiboho bede widee ribinanymyhÿrenykeki, awityhymy roirekre. Jiarÿ araeryrenyteri timybo taraykynytenyteri. Aōma Satanasi ruru-di tyytybybina ariòlòdÿÿnykemy tarybetenyteri heka reeryteri. ¹⁹ Kia riki ariwinykeki, kaiboho tule wawesele tewinytenyter. Timybo? Mobo awiòhedÿÿdureny rare? Satanasi aōbo? Kaiboho boibenyke ixitòedÿÿmy awiòhedÿÿdureny-ò. ²⁰ Jiarÿ Deuxu ruru-di ariòlòdÿÿnykeki, kaiboho bexiijebenyke, Deuxu Iòlòna tahe adeeremy iòhòra. ²¹ Hābu deburehekÿ tadebòna-di taheto riyrubunykeki, rexytyhynymy ronyke. Iaōmydÿÿna ibutumy iyrubudÿÿnamy rÿike. ²² Tahe ijò kedehemykyke iratyre teburetyhy, tahe iaōmydÿÿna ibutumy iribi riwyke. ²³ Iny wawana aōkō ratxirerimy ihÿre, tii heka waribi hitximy ratixmyhÿre. Iny wawana aōkō ratxireri, tii tahe aōtxile ramyhÿre ixideòna. ²⁴ Jesuisi ijò ijyy relyyre: —Iny-ribi tyytybybina ròhònymyhÿreu, tii heka rake ixitawo-di rake titxibo. Rubumy rarunymy rake. Bede-ki rahakeki tahe, ròhòtinyke. Aròðsekre, tikibo rarawāhāòle. ²⁵ Ixyby kòdòðsekeu tahe, isÿ ibutumy, tytymy roike iruxeraō. ²⁶ Idi ixityre ijò rimyke debò inatxi reurò tyytybybinaō. Idi tahe tamy rasÿnyrenyke. Iratyre tyhy wahe ibina. Iu kia ixisohojimy tyytybybina-di aōmysÿdÿÿmy raremyhÿy tahe, ihewo-ribi rimyra tahe iroona-ribi tahe aōnityhymy releke. Ibinatyhymy tamy rare.

²⁷ Iribi tahe hāwyyō rryyre ibutu ijohonamy: —Hāwyky heka aratxurananyre, arati-bienyke heka iny bedekòby rare. ²⁸ Tahe Jesuisi rarybere: —Deuxu Rybe tyhydÿÿdumy iratyre wadee awire. Deuxu deysanamy tamy kanakemy idi watxireri.

²⁹ Idi tahe inysōwetyhymy dehemynyde Jesuisi-ò. Jesuisi kiamy rarybere: —Iny heka kia mahādu ibinatyhymy rÿire aōwihikÿle heka riijemy rÿire. Itxerenaōmy robikre ratxireri tahe itxerena Jonasi-ribi nadelemy tahe robikre. ³⁰ Jonasi heka Ninive hāwā mahādu-ò itxerenaō heka tii rare. Tule jiarÿ heka Deuxu Riòre Hābutyhyhykÿ rare wijinabòdu mahādu dee itxerenaō jiarÿ rare. ³¹ Ibòò mahādu bede konana-ribi iòlò hāwyy Salomaō bede eryhykÿ-ò ijòhonamy irehe-ribi nade. Wijinabòdu mahādu taheka naòhyymahāde wadee ijohonamy. Salomaō ratyre heka jiarÿ watxireri. Ikonana txu tahe ibòò iòlòhāwyy rÿikre rarybekremy. Tii rarybekre: —Anoherekibo Jesuisi deramy teakamahātenyter wahe. Timykibohe irybe bedekeryna-kò ijohokuna rÿikòmÿyhÿreki wahe. ³² Ninive hāwā mahādu tule rÿikre rarybekremy iwesele. Jonasi rybe tÿnydÿÿna-ki rexirāhÿrenyke. Kaki heka Jonasi ratyre hābuō ratximyhÿre, jiarÿ wahe. Wadee ijohonadu aōkō heka toite.

³³ Moheka loosònaō rideòhyymyhÿre herinarawo-txi toosò iwasihiikÿmy roosòmÿyhÿkemy. Tiiemy heka biuòhy rademyhÿre ibutumy bede ratÿnymyhÿkemy.

³⁴ Arue umy dori it̄ynymy roimyh̄yre. Arue awikeki heka ibutumy aumy awikre. Arue ibinakeki tas̄y aumy heka bedelorokile r̄imyh̄ykre. ³⁵ Awo toos̄omy ratximyh̄yre wana, bexijemah̄ake. Aumy biemah̄ake bedeloro-ki rurunyheny. ³⁶ Bedelrohok̄y aumy-ki r̄iōmyh̄yre wana, tai tahe boosokre ibutumy titxibo bede-txi mamah̄akre wana.

³⁷ Jesuisi kiamy rarybereu tahe, fariseu mah̄aduō tamy rarybere: —Manake was̄y-ki rikiroxikremy. Tai tahe Jesuisi rare, ralore, ronyre roximy. ³⁸⁻³⁹ Jesuisi ronyreu, tebò risuh̄òre. Tai tahe idi bede riōtiinyre. Jesuisi rarybere: —Kaiboho fariseu mah̄adu, ibutumy heka texisuh̄òsuh̄omah̄atenyte. Ebò tesuh̄omah̄ate, aumy ibutumy tesuh̄omah̄atenyte. Webòròsityyludu wahe. Kaiboho heka isuhuk̄ylemy toimyh̄yte ibutu aōikōkō-di isumy roimyh̄yre aworeny-ki. ⁴⁰ Iu heka òbitimy taraykynytenyōhyymah̄atenyte. Deuxu heka iwebrò ludu riwinyre, inatyhy? Tule aworeny, araykyreny wana riwinyre. ⁴¹ Iny aōkō mah̄adu-ò maruxetòemyh̄ybenyke. Tai tahe byranybenykre heka. Ibutumy awo-ki, ahana-ribi tule ryranykre.

⁴² Kobe làh̄axe kaiboho fariseu mah̄adu. Kaiboho Deuxu dee tewahinymah̄atenyke uriōno. Debòwið aō tetatenywana heka, sohoji tewahinymah̄atenyte. Tule aōmyd̄ȳnareny aoworuróludurenyō tewyteny wana, tule tewahinymah̄atenyte. Kia awire, biwahinymah̄abenyke. Urile tahe teertytenyōhyymah̄atenyte Deuxu luuna, Deuxu òbitina. Biwahinymah̄abenyke heka Deuxu dee aōmyd̄ȳnaō. Tii tahe awire. Tule noh̄oti losarenyōmyke, luuna, òbitina. ⁴³ Kobe làh̄axe kaiboho fariseu mah̄adu. Dohod̄ȳna heto luureny ikoðh̄ok̄yle heka torokomah̄atenyte. Kaiboho arybed̄ȳnareny-ki awimy tahamyh̄ytenyte. ⁴⁴ Kaiboho kobe làh̄axe. Wobrona wesemy toite. Iwese iny rubuh̄aloo tyremy iny rariamyh̄yre wese ierykōnamy, kiawesele toite.

⁴⁵ Bede ywina bede eryd̄ȳduō heka tai ratximyh̄y. Tii tahe Jesuisi-ò rarybere: —Eryd̄ȳdu, kai heka aōbinahak̄ylemy wamyreny tarybeteri, kia wese rybe-ki. ⁴⁶ Inatyhy rare. My tahe Jesuisi ris̄ȳnyre: —Inatyhy dori tule bironybenyke aōh̄ok̄ymyd̄ȳnana. Iny dori adeeremy rarybemyh̄yre iny rybe bityhynymyh̄ybenykemy tahe ih̄arele tetyhynyōhyymah̄atenyte. Bede ywina ritid̄ȳna tewinymah̄atenyte, ih̄arele tahe tiu heka tetyhynyōhyymah̄atenyte. ⁴⁷ Kobe làh̄axe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸ Kaiboho rubud̄ȳdumy toite. Òbitile tewinymah̄atenytelemy ixidee tahōtinymah̄atenyte. ⁴⁹ Deuxu tahe rarybere umyrenymy wahe: —Tahe jiar̄y aditeònykre heka Deuxu rybed̄ȳduō tule Deuxu deòd̄ȳnaō heka aditeònykre. Imah̄aduō birubunyenkykre ihona tahe biteònybenykre. ⁵⁰ Kaiboho heka bede òrarumy boibekre kia rubud̄ȳ òraru erydumy wahe. ⁵¹ Abeli h̄alubu txiwina tahe xiwena hure rubuna. Idi tule Zacaria h̄alubu txiwina wahid̄ȳna bire-ki heka Deuxu hetobire-ki. Kohe, ihure rubureny òraru-ki aōh̄ok̄yh̄k̄ymy biòwynybenykre. ⁵² Kobe làh̄axe, kaiboho bede ywina eryd̄ȳdu mah̄adu, bedeeryna ijò rayna dinoduboho wahe. Kaiboho tahe terònyōmy bede eryny heto-ò. Tule inywitxiraō tetòenytenyte iròte lau.

⁵³ Jesuisi ròh̄onyreu, teburemy tiiboho rit̄ȳraxinymyh̄yre aōna aōnamy. ⁵⁴ Tuu ròt̄ȳraxid̄ȳmyh̄yre timykibo rirutaònyrenykemy.

12

¹ S̄owemy iny tahe ributunyre. Ube tahe r̄yximy ratxireri. Tahe juhuu Jesuisi taeryd̄ȳdu mah̄adu-ò rarybere: —Fariseu mah̄adu, saduceu mah̄adu urina biebenyke. Tiiboho dori ruidu mah̄adu roire. ² Wasimy wiji adeeremy relyyre. Tiu ta ibutumy ijyynamy r̄yikre ³ Aōbo wasimy wiji taholate heka ibutumy biuras̄omy rat̄ȳnykre. ⁴ Uritere iny lau brebuōmyke. Aumyle tii rirubunykre. Ijò ibinamy adee aōkō tii rot̄ȳnykre. ⁵ Iny lau sohojile breburenyōmykre. Deuxu lau ta buberukre. Tii dori atytyby bede bina-ò rahuke ixideewikeki. ⁶ Nawiiō kaiboho bidymyh̄ybenyke iòwy riðre iny heka riwymyh̄yrekre. Ibutumy heka Deuxu nawii rieryre sohoji sohojimy. ⁷ Deuxu ara erymy heka aōma arati-ki tiwesebo aradeti r̄imyh̄yre rierymyh̄yre. Brebuōmyke, aōma Deuxu heka anaerymyh̄yre nawii s̄omo ratyre heka rierymyh̄y. ⁸ Kai marybeke: —Jiar̄y Deuxu

retyhynyre dori tahe umy arelyyke Deuxu ýjukomy rarybeke biu-ki wahe, jiarý Deuxu Riòre Hãbutyhyhyký wahe. ⁹ Iny sòwehekýy-ki riwatxiònykeki tule aritxiònykre jiarý Deuxu ýjuko-ò. ¹⁰ Inyò Deuxu Riòremy aòbina binamy rarybekeki, irybe-ribi nohòtilosa rýikre. Deuxu Tyytybytyhymy tahe inyò ibinabinamy rarybekreki tahe, aòhòkýmy rotýýnykre irybe òraru-ki. ¹¹ Aramykeu heka uritere nohòtiòmyke aòmobo marybekremy ywisidýýna-ki. Bede heka ariwahinykre rybedýýnanau. Rybeòmyke ikotyre. ¹² Kai ixiwanale aòkòre marybeke. Deuxu Tyytybytyhy arãwiòhenanymyhýreny.

¹³ Hãbuò inysòwey-ki tahe Jesuisi-ò rarybere: —Wanyrý, Waha rurura. Waseriòre tahe ibutumy waha aòna aòna riwyrã ixidee sohojile. Tamy marybeke wadee ritxuranykemy. ¹⁴ Jesuisi tamy rarybere: —Hãbu, kia waaòmydýýna aòkò rare. Timybo ayreny-ki araywisidýýnyke? ¹⁵ Tahe Jesuisi ibutumy iny-ò rarybere: —Warybe-ò bodoholabedenyke. Ixityhyòmy! Arutyhy heka aaòna aòna-ki aòkò rare aòna aòna sòwerekãre. ¹⁶ Tahe Jesuisi ijyymy ròkewesenadýýre: —Hãbutyhy riki ioworu nihikýre. Tahe sòwemy rýsýna ributunyre. ¹⁷⁻¹⁸ Iheto tahe iyjare ibutumy ributunykemy. Tahe ixidee rarybere: —Aòhebo arotýýnykre? Waaònaheto butumy aritxiwikre. Ijò iribi inihikýmy ariwinykre. Tai ibutumy waaòwiwi. tamy aridekre. ¹⁹ Tai tahe ibutumy waòwiwi-di areysakre. Arexielehynykre, ariroxikre, ariòkre. Waruhyy areysakre. ²⁰ Deuxu tahe kia hãbu-ò rarybekre:

—Hãbu itxýtere. Kai wijirulemy burukre. Tai tahe mobo aòna rimykre.

²¹ Jesuisi taijyy rihure rexirybenymy. Kia heka aòhebo rotýýnyre iny ityhy mahãdu. Tiiboho dori Deuxuòle ityhymy aòkò ihýrenyre.

²² Kia heka Jesuisi taerydýýna mahãdu-ò rarybereri. Uritere nohòtiòlemy arýsýna tule atyymy, idi matykynykemy. ²³ Aumy heka rýsýna ratyre aònityhy ratximyhýre. Aumy heka atyky ratyre aònimy ratximyhýre. ²⁴ Nawii-di betehebennyke. Tii-boho heka ioworuòrenyre. Tarýsýna riyrubunyòhyymyhýrenyre. Deuxu heka nawii riyrubunymyhýre, irýsýna tamy riwahinymyhýre. Kaiboho tahe nawii ratyretyhy toite Deuxu dee. ²⁵ Sòwetyhymy marakywydynanykeki aòbo arumy arirarehemy mariake? Aòkòre! ²⁶ Kia aò iyjare tahe Deuxu-ò. Kia biwinybenyòkeki, aòherekibo ijò aòna aòna nihiký-di tahòtinymyhýte? ²⁷ Betehemy inihe noijasa-di. Aòma tiiboho raaòmýsýdýýòhyymyhýrenyre. Ihãre tahe iruxerarenyre ityy wiwihikýrenyre wese. Tyy ixidee riwinyòtyhy Deuxu rityyny wihiký heka tyy wihiký tamy riwahinyreri. Salomaò heka ityynihiký rare. Ihãre tahe ityy heka awityhymy aòkò noiròsò wese. ²⁸ Deuxu heka noijasa rityynymyhýre kia wijilemy idi ihýre. Biurasòmý tahe ixãwimy reamyhýre. Tii heka tyy adee kidiwahinykre. Tai tii atyreny. Tai ta ixinohòtiyredýýrenyòmy. Aòherekibo ainatyhyna ibutere? ²⁹ Tahe raykyòmy nohòtiòmy titxiribibo arýsýna adee kanakredi. ³⁰ Tyhydýýdukòdu mahãdu heka tuure. Inytybyreny heka rierymyhýre aòmýbo tarumahãte. Ibutumy heka arerymyhýre aòmýbo teamyhýte. ³¹ Tii Deuxu aòmý dýýnana sohojidile maraykynykeki heka tii ibutumy adee riwahinykre. ³² Brebuòmý ahãbenyke wariòreboho. Deuxu Iòlòna adee kanakemy, Deuxudeewina wahe. ³³ Aaòna aòna-di bohonybenyke. Iòwy tahe iaòkòdu mahãdu-ò biwahinyke. Anieruhyna wiwihikýdile boibeke. Kaki ibutudýýlemy heka biu-ò bibutunyke. Tai heka judðera aò riròòtyhy tule rararyòtyhy. Tule tai wasidu ralòòtyhy. ³⁴ Tikibo aòwirený rýikeki, tai heka araykyreny ratximyhýre.

³⁵ Ijò tahe Jesuisi rarybere: —Kaiboho bexiywinybenyke, ibutumy aòhebo rotýýnykremy bexiywinyke. Awereysanarený-di atyky beximyke. Aloosòna bitoonyke. ³⁶ Deòdu mahãdu wesemy boibenyke. Bexiywinybenyke awedu dehemynyna-ò, tii worana bedehesi-ribi rehemynyremy wahe. Iu rehemynyreu, teòdu mahãdu heka ijò riraynyke. ³⁷ Tiiboho riraòrenykeki, deysamy rýikre. Iwedu dori reximykre ityky wereysana-di tahe rýsýna teòdu mahãdu-ò riwahinykre. ³⁸ Tii ruwetyakile rehemynykeki, deòdu mahãdu reysakre. Tiiboho dori rexiraòmý rýimyhýrenyre. ³⁹ Tai heka iny rexiywinymy rýimyhýkemy rybe roimyhýre awedureny kanakreki. Aòma hãbuò kanakeki heka tiu aòma hãbuò itxeredumy ronykeki heka, tiu hãbuò iribi

rawasinyōtyhy. ⁴⁰ Kaiboho tule bexiywinybenyke wadehemynyna txu heka biijemy bonymyh̄benyke.

⁴¹ Tahe Pedro rarybere: —Wanyr̄y, kai wadeerenyle ijyymy telyyte ada ibutummy iny-ò aōbo telyyte? ⁴²⁻⁴⁴ Tahe Jesuisi riwyōnyre: —Aōtxile inyōdee, tibo deōdu taaōmys̄d̄ȳna riywinymyh̄re, kia idinodu tai awimy rahamyh̄re tii dori r̄ys̄na òbitimy riōriōmyh̄re. Idi tamy aōwiwi riwahinykre taaōna aōna-di itxeredummy tule ris̄nykre. ⁴⁵ Tii iwitxiramy rexiraykynykeki tahe, ijō teōdumy raòhòtemy urile idi risinummy kamy rexirybenymy: —Wawedu dori wiji aōkō rarerikre. ⁴⁶ Tai ierykōna-di iwedu kedehemynykre. Tuu rierymy iaōmys̄d̄ȳna-ribi ritamy aōhōk̄my ris̄nykre ityhyd̄ȳdukōdu mahādu wese. ⁴⁷ Deōdu tawedudeewi rierymyh̄re. Tai heka tuu rot̄ȳnyōkeki, tii tahe sōwemy aōhōk̄my rot̄ȳnykre, òhòtemy wahe, tamy riywinyōreki. ⁴⁸ Ijō deōdu tahe tii iwedudeewimy rieryōkeki, tii tahe aōbinamy riwinykeki, tamy tahe urihimyo òhòte tai r̄yikre. Inyō sōwemy ityhykeki, sōwemy ijō iny tamy rexitōenykre.

⁴⁹ Jesuisi ijō rarybere: —Heōty-di bede ariworonykemy heka jiar̄y anade. Tii òte raworonykremy idi watxireri. ⁵⁰ Jiar̄y ratisebenaōwesemy aralokre. Arurukre dori. Ele elemy r̄yikemy ixi-di watxireri. ⁵¹ Kaiboho tahōtinyte wadehemynyna-di. Ywina adiwedemy wadi tahōtinyte. Aōkōrehe, bede jei jeid̄ȳmy anade iribi widee rahitxihitximy r̄yikremy. ⁵² Iruyre inys̄ mahādu heka widee rahitxihitximy r̄yikre. Inataō iny iuhe òludumy r̄yikre. ⁵³ Hābu mahādu heka tyby òludumy rarekre. Hāwyy tule tadi òludumy rarekre. Iriokorese heka tariòrelahi òludumy rarekre.

⁵⁴ Ijōmy Jesuisi rarybere: —Iu biuwetyky biura-ribi ròhònyreu, Kaiboho kia rybemy tarybemahātenyde biu kòdòakre. Inatyhymy biu ròamyh̄re. ⁵⁵ Tule tarybemahāte. Yhy ibò-ribi rebonyreu, bede ratòteekre. Inatyhymy tuu ratòteemyh̄re. ⁵⁶ Itxenad̄ȳdu mahādu! Kaiboho kia terymahātenyde bede, biu aōmyd̄ȳna tule iwitxira aōmyd̄ȳnana teerytenykōlemahātenyde, beded̄ȳnana konana eryna wahe. ⁵⁷ Ijō Jesuisi rarybere: —Kaibohole teywinyōmyh̄tenyde, aōòbitinamy wahe. ⁵⁸ Aōòrarumy heka aōludu umy rarybekeki, idi ywisid̄ȳna ube-ò aradykemy ratxireri, tii-wana widee marybeke idi widi bede biòbitinymy. Aōkōkeki, tii aradykre ywisid̄ȳdu-ò idi ròtenawo-ò soldado mahādu araròtenykre. ⁵⁹ Tiu heka aòlòkōmy heka mabekre. Ibutummy iōwy biòwinykre xiery bòhònyke.

13

¹ Tahe inyō Jesuisi-ò relyyre: —Pilato rybemynamy Kalileia mahādu rururenyre Deuxu-ò raxiwerenyre. ² Kia ta Jesuisi narybede: —Kaiboho timybo irubureny-di texinohōtinytenyteri. Ijō wiratyre raòrarunanyrenykeki aōbo? ³ Ture aōkō, kaiboho bexirāh̄iōbenykeki tule burubenykre irubureny wese. ⁴ Ias̄se ijō. Iu Silòe hāwā mahādu tyre heka heto rarie resereu 18 iny sōwe rirubunyunyreny. Arāȳraxikre Jerusalē hāwā mahādu ratyre raòrarunanyrenykeki aōbo? Aōbo tahōtinytenyteri? ⁵ Kaiboho bexirāh̄iōbenykeki tule burubenykre irubureny wese.

⁶ Tahe Jesuisi kaa ijyy-wana rikewesenanyre, Figoratyò wese heka. Tahe Jesuisi kaa ijyymy delyyde: —Hābu oworu-ki figoò r̄imyh̄re. Tii iraty dilawijunyde tiubo. Tahe iraty-txi reakōre. ⁷ Tahe hābu taoworu-di itxeredu-ò narybede: —Inataō wyramy relawijunyre tahe aōkōhyra. Urile ta biòròkre. Iraty ihoōreki, awi aōkō rare. ⁸ Tahe oworu-di itxeredu dirawyōnyde: —Wawedu, txioini kawyramy idi warukikre, isu ariwinykre. ⁹ Aōkōhykrekreki tahe urile raorokre ijō wyrau.

¹⁰ Judeu mahādu elehyna txuu Jesuisi rotohod̄ȳmyh̄ judeu mahādu dohod̄ȳna heto-ki. ¹¹ Tai ta hāwyyō ratximyh̄. Tii 18 beōra webinadummy ratximyh̄ tyytybybina òraru-ki. Tii iummy rarabunymy rariamyh̄re. Ixitarad̄ȳ risiranymyh̄re. ¹² Jesuisi tuu robireu, tamy narybede: —Hāwyy, kai heka teytemy tate. ¹³ Tahe Jesuisi tebōmy rimyre iuleta reytere. Tai tahe hāwyy heka Deuxu riwowydnyre. ¹⁴ Dohod̄ȳna heto wedu tahe ibinamy Jesuisi-ki rahare, judeu mahādu elehynatxureki wahe. Takamy inyreny-ò

narybede: —Debò sohoji reurò txумы аõmysýdýñnamy rýimyhýre iu heka adeytemy ixi-di bõdðimyhýke, judeu mahãdu elehynatxu ta aõkõre. ¹⁵ Tahe Jesuisi dirawyònyde: —Kai, itxenadýýdu tate uriteremy iximy rybedu. Kaiboho judeu mahãdu elehynatxu dori abroneni, aawaru heto-ò toimahãte tuu teesenymahãtenyete, tedymahãtemy idi ibemomodýýmy bidybenykremy.

¹⁶ Kaa heka Abraõ riore riõreõ heka Satanasi 18 beðramy rimyre. Aõherekibo ta iribi retaraki sabadotxu ibinamy tahateri. ¹⁷ Tahe Jesuisi òludu mahãdu raixýrurenre Jesuisi rybe òraru-ki. Tahe ixý mahãdu awityhymy tai rahamyhý òraru-ki. Ibutumy reysarenre.

¹⁸⁻¹⁹ Tii rarybera: —Deuxu Iòlõna wexe aõwesere. Aõ-ò wexe rikiwesenaryrenkre. Tiwexe ijyy kawesere? Deuxu Iòlõna heka alòbòrõna sõmo sõmo wesemy ratximyhýre. Raumynyreu heka òwòru rariwesele relemyhýre. Nawiile tuu rýtýnymyhýre kia òwòru-ò.

²⁰ Ixityre tamy rarybere: —Aõ ijyy wese heka Deuxu Iòlõna rare. Aõwexe rikiwesenaryrenkre. ²¹ Paõ ixiòlòdýýna wese rare, iuri rare. Hãwyy paõ riwinyemyhýreu, inataõ urihixina-ki iuribemy riurinyemyhýre. Tai tahe raubýtýmyhýre, rexiòlònymyhýre.

²² Jesuisi tahe Jerusalẽ hãwã-ò rareu, hãwã hãwãmy rotohodýýmy. ²³ Iu inyõ ritýýraxinyre: —Wanyrý, Hedu mahãdu we sõwekre aõbo? ²⁴ Jesuisi tamyreny narybede: —Bexityhynybenyke ijõyja-di birònybenykemy. Sõwemy iny tahe ròtemy reakre tahe ralòõhykre. ²⁵ Hãbuõ kie taheto ijòtòbòna ritòbònyre. Iu kaiboho uritere bydyrydenkre: —Wanyrý, aralòrenyke ini. Kiata tii anawyònydenkre: —Tiludubo toite, araeryrenyõre. ²⁶ Kamy ta bidiwyònydenkre: —Inybohõle riroximy roiremyhý. Wahãwãreny-ki tòbedeerydýýmyhý. ²⁷ Ixityre anawyònydenkre: —Boibenyke aõbina bina widýýdu.

Tiludubo toite dori reerykõre. ²⁸ Deuxu iòlò-ki Abraõmy, Ijaimy, Ijaðmy, tule ibutumy Deuxumy rybedu mahãdumy bobibenykreu, kaiboho malòbenyõtyhy. Tai hii, ibru, jumytata rýikre. ²⁹ Iny ibutu bede bede-ribi, Ibòð-ribi, Iraru-ribi, Biura-ribi, Beà-ribi Deuxu iòlò-ò hãwãmy. ³⁰ Kiaremy ta, koludu mahãdu heka ibutuhewomy kedekre. Ikõmyta, hewoludu mahãdu, koludumy kedekre.

³¹ Iu ta fariseu mahãdu Jesuisi-ò narybedenyde: —Mahenyke, Herodi dori arubudýýmy araijereri. ³² Jesuisi dirawyònyde: —Bòðsebenyke kamy ijòrò-ò marybebenyke: —Jiarý tyytybybina iny-ribi retareri, tule ròteytedýýreri wiji biurasòmý. Ijõ txумы ta waaõmysýdýýna arihukre. ³³ Kiaremy ta kia rewinyreri arihukre. Deuxumy rybedu dori Jerusalẽ hãwã-ki sohojile rurukre, iwitxira hãwã-ki ta aõkõre. ³⁴ Jerusalẽ, Jerusalẽ hãwã, amahãdu heka rirubunynre Deuxu rybedu mahãdu wahe. Iwese hãnie tariõre ributunymyhýre wese terawo-ò, kia wesele arayrubunykemy rexinohõtinyre tahe kaiboho terarenre. ³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiõtyhy ixityre. Tiutxumy kamy bexirybenyke bede-ò, myý: —Deuxunimy nodu awityhy heka rare. Kiaule wamy bobikre.

14

¹ Sabadoõu Jesuisi heka fariseu mahãdu wedu mahãduõ heto-ò ralore roximy. Tahe iny idi retehemyhýreny. ² Iu inyõ taruti, tadera-di taritari-di tamy dehemynyde. ³ Tahe Jesuisi narybede bede ywina erydýýdu-ò, fariseu mahãdu-ò: —Sabado txuu deytedýýwe awire aõbo, aõkõre aõbo. ⁴ Tiiboho rirawyònyõhyre. Tahe Jesuisi hãbu riteytenymy bede riywinyre iribi tahe riòlòdýýnyre. ⁵ Ixyby narybede Jesuisi: —Txibo kaiboho ariõreõ ada abroneniõ hãloo-txi resekeki, bitabenyke Sabadotxu hãrele. Aõhe inatyhy. ⁶ Tiiboho rirawyonyõhyre.

⁷ Tahe Jesuisi roxidu mahãdu-di retehemyhýre. Tiiboho dori rynana wihiký-txi rononymyhýreny. Tai kamy tamyreny rarybere: ⁸ —Txibo inyõ bedesanaõ araarikeki. Uritere ryananawi-ò rýõmykre. Txibo dori inyõ aratyre ityhy kanake lau. ⁹ Tukeki bedesa dinodu inyõ aratyre-ò arynana-txi ronykemy adee kanarybekre. Tai tahe maixýrumy

rynana bina-ò bonykre. ¹⁰ Kialemyta inyõ araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke ryanawihiky-ò. Tai tahe kai mabedesakre ibutuko-ò. ¹¹ Tahe ixityhydỹdu mahãdu uritere reakre. Kõmyta uriixi dinodu mahãdu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asỹ mahãdu, aery mahãdu, ityhy mahãdu aarixiõmykre. Urikõ-ribi iwese teariteri wese ararihenye. ¹³ Tukõmyta roxi biwahinykeki, uriteremy rỹira mahãdu, iny tiere mahãdu, iny ruetà mahãdu biarikre. ¹⁴ Tai adeysatyhymy mabekre. Tiiboho dori tiu ixiwesemy araariõtyhy. Deuxu tahe aòwydỹdukre iu bede awikreu.

¹⁵ Ijõ roholare Jesuisi rybe tai tamy rarybere: —Deuxu Iòlõna-ki, òwòrubese rỹdu mahãdu reysamy rarekre. ¹⁶ Tahe Jesuisi rarybere: —Inyõ roxina nihikyõ riwinykemy ratxireri. Sõwemy iny ritobinyre. ¹⁷ Rexihumy rỹireu, teòdu mahãdu bede riywinyre iny kididykremy. ¹⁸ Sohoji sohoji tahe tarybe tamy riwahinyre. Ijõ taoworu tỹmyra-ò reteheke. Ijõ kanaõtyhy heka. ¹⁹ Ijõ tahe broreni debòtue riõbranyre tai riurihikreki kanaõke. ²⁰ Ijõ tahe hãwyy herinamy rexihumy rỹire tai kanaõke. ²¹ Teòdu tahe ròðsera tawedu-ò tamy relyyre. Tii reburere tahe rarybere: —Wylemy makre ibutury-di hãwã-ki. Ibutumy iny witxira witxira bididyke, iaõkõ mahãdu, itiere mahãdu, ruetà mahãdu wahe. ²² Iribi tahe teòdu ròðsera rarybere: —Ibutumy rewinyre wawedu, tahe heto rỹxiõmy rỹire. ²³ Tahe iwedu ixybymy bede riywinyre hãwã-ribi ibryrary-ò iny kididykemy: —Aruru-di bididyke, waheto dori rỹximy rỹirakremy idi watxireri. ²⁴ Juhuu watobidỹna mahãdu warỹsõna riurihiõtyhy.

²⁵ Iu sõwemy iny Jesuisi heludumy roire. Tai Jesuisi tamyreny rarybere: ²⁶ —Kaiboho aõbo inatyhymy waluu mahãdumy toite. Tuu tarybeta. Tahe boluu, adiluu, ahãwyyllu, ariòreluu, aseriòreluu, ixiluu ratyre waluuõkeki, wamahãdumy aõkõ boibeke. ²⁷ Inyõ riwaheludunykemy ratxireri, tii juhuu taitxèd riwykre. Kialemy tahe riwaheludunye inatyhymy. ²⁸ Inyõ heto rare riwinykemy ratxikeki, juhuu iòwy-di rõhõtinykre. Inieru rinykeki tahe riwinyke, aõkõkeki tahe riwinyõtyhy. ²⁹ Tii tuu rõhõtinyõkeki, tii ibutelemy riwinykre tahe inieru ituereu, ibutumy iny idi risinykre: ³⁰ —Tii taheto rarei ritelenyre tahe rexihuõtyhy. ³¹ Iòlõ wou riwinykeki, juhuu taaõbinadu mahãdu-di rariamyhõre. Idi rõhõtinyre. Ijõ iòlõ wawiò mil soldadomy ijõdikeki, tahe tii debòwiò mil ijõdikeki, tahe wou riwinyõtyhy. ³² Juhuu tahe teòdu riteònyre ijõ iòlõ-ò ireheribile tii-wana wou ixãwidỹmy rarybekemy. ³³ Akireny tule iweselere. Ibutumy aaõna aõna biriõbenykeki, waheludu mahãduõmy boibeõtyhy.

³⁴ Saa heka aõni awi rare. Tatxuberere rexihukeki tahe turibi ixãwike. ³⁵ Tai tahe suurina-ki ahirana silõna binakõki awiõhõtidiirenykeki boholaabenye warybe-ò. Suò awiõre, tule ahirana bitòbònykemy awiõre. Urile idi behuke. Kaiboho õhõtidiirenykeki, boholaabenye!

15

¹ Idi nieru tarasadu mahãdu sõwemy tamy roholamy doide. Tule ijõ iny òrarudu mahãdu rehemynyre. ² Fariseu mahãdu, tule bede ywina erydu mahãdu kawesemy rarybere: —Kahãbu ibinare. Tii òrarudu mahãdu-wana riroximyhõre, iny iehehe-wana.

³ Idi Jesuisi rierynanyre ijyy-di rawesenanyre. ⁴ Kaibohoõ òsana 100 budoeni ijõdire. Sohoji heka iy-ribi iõre. Kai aõbo makre ijesemy? Kohe, iuhe, 99, birike bedero-ki tahe biòryhyyke. Aõhe inatyhy? ⁵ Mahakre wana tahe eysamy atxikre. Tahe bidyke iuhe-ò. ⁶ Taheto-ò rehemynyre, tasỹ mahãdu-ò tahe ritobinyre: —Wawana ini kỹny bedeysabedenye. Wabudoeni-ki rahara, iõreõ wahe. ⁷ Iwesetyhylemy taheka adee reerymahãre iny òrarudu mahãdumy. Iu sohoji iny rexirahikeki, biu-ki deysana sõwemy rỹikre. Iny òbiti 99my tahe urihimyo biu-ki deysana rỹikre.

⁸ Ijõ Jesuisi relyyre: —Hãwyyõ òsõny womati ura nieru debòwiò dire. Sohoji iõre-wana, tii riijeke inatyhy? Loosõna ritoonyre, iube riwysynyre, sõwemy riijeke ihyymy tahe tai rahara. ⁹ Tii itxi reakreu, reysamy rỹira. Iu tasỹ mahãdu ritobinyre: —Wawana inihe

bedeysabedenykre. Wanieru-txi dokuri rahara. ¹⁰ Jesuisi tahe ritŷnynyre: —Iwesetyhyle biu-ki rare. Deuxu ŷju mahādu reysamy roirenyre, sohoji òrarudu rexirahĩreu.

¹¹ Ixyby tahe Jesuisi narybede: —Hābuō iriòre inatxire. ¹² Tiutxumyta ihelŷŷna tyby-ò rarybere: —Waha, ibutumy aōna aōna burukreu wadee rawahikre, wijile bidiwahinykre. Tyby tahe iaōna aōna jura tamy riwahinyre. ¹³ Iriòre helŷŷna tahe ibutumy taaōna aōna-di rare irehe-ò, iwitxira bedehāwā-ò. Tai aōbina binale riwinymyhŷre. Ibutumy tanieru tai rahure. ¹⁴ Taaōwiwi rahu-di ta, tai rama ibede mahādu rahumyhŷre. Tii uritere reamyhŷ wahe. ¹⁵ Tahe aōmysŷdŷŷnamy rarunyre. Hāwāduō tahe taixŷniòwedŷŷdumy bede riwinyre taoworu-ò. ¹⁶ Tai rama risamy ta ixŷni rŷsŷna rŷsŷmy rexinohōtinyre. Tahe aōkōre. ¹⁷ Kia tahe tōhōti deade. Kamy dexinohōtinyde: —Yla aōkō waha aōmysŷdŷŷdu mahādu irŷsŷnadireri iwana jiarŷ kaki rama warubudŷŷmyreri. ¹⁸ Ixyby aròðekre. Kamy Waha-ò arexirybenymy: —Waha, Deuxuko-ò ako-ò rexiitxŷtenyre jiarŷ raòrarunyre wahe. ¹⁹ Ariòre wese aōkōmy wadi mabeke, waitxŷte òraru-ki. Aaōmysŷdŷŷdu mahādu wese ta ararekre myŷ tii rōhōtiny. ²⁰ Tii tahe tyby heto-ò rare. Irehemy nadeò, tyby tuu dobide. Idi rexiwobrunymy tamy rajjaranyre iwehityhydŷŷmy. ²¹ Tahe tii narybede: —Waha, Deuxuko-ò, ako-ò rexiitxŷtenyre jiarŷ, raòrarunyre wahe. Ariòre wese aōkōmy wadi mabeke, waitxŷte òraru-ki. ²² Iule ta tyby teòdu mahādu-ò rarybere: —Wylemy tyywihikŷ tymyra-di bityynybenyke. Debòò tebò-ò roikre. Waò-di rawanykre. ²³ Tasŷse broreni riòre dedi birubunybenyke. Idi rikiroxirenykemy rekeysarenykre dori. ²⁴ Wariòre dori rubu-ribi wese rexixara. Ikō-ribi itxi ijara rŷira. Tahe rawobedesarenyre. ²⁵ Iwana ta iumydela tahetoreny-ò dehemynymy nade taaōmysŷdŷŷna-ribi. Tahe wobedesana-ò roholamy. ²⁶ Tahe deòdu-ò narybede: —Aòhereriwe. ²⁷ Dirawyònyde: —Ahelŷŷna kie ròðsereri aòhe rotŷŷnyòhyylemy. Tai boo broreni rirubunya. ²⁸ Iumydela tai reburere ròte deramy reare. Idi tyby tamy nade riròtenykemy. ²⁹ Tahe iriòre dirawyònyde: —Aòhe òhòkō adee raaōmysŷdŷŷnymyhŷre. Ibutumy arybe retyhynymy watximahāre. Ihāreta budoeni wadee tewahinyòhyymyhŷte, wajoi mahādu-wana idi arexideysanykemy. ³⁰ Katahe ariòre urile aōnawiwī rahura wedena mahādu-wana. Ròðsemyta kai broreni riòrede tamy terubunya. ³¹ Tai tyby dirawyònyde: —Wariòre iny ratximyhŷre kiaremyta ibutumy waaōwiwi heka ahōròle rare. ³² Iny bedesarenymy heka kawese rewinyre, wadee awireki. Ahelŷŷna dori ruruwese-ribi rexixara. Ikō-ribi itxi ijara rŷira. Tahe rawobedesarenyre.

16

¹ Jesuisi taerydŷŷna mahādu-ò relyyre ijyyō: —Hābuō inieru sōwere. Tamy deòduō ibutumy inieru-di raaōmysŷdŷŷre ijō nieru ributunykemy. Ijōtxu tahe inyō rarybere: —Eòdu riki heka anieru-di òbitimy aōkō raaōmysŷdŷŷmyhŷre. Anieru sōwemy rexihumyhŷre. ² Tahe didyde ixidee taconta retehekemy. Tamy rarybere: —Inatyhymy aōbo umy iny rarybemyhŷre? Wanierumy tyyrity aretehekemy watxireri. Òbitimy aōkōkeki, waribi arateònyke. Wanieru-di tiu maaōmysŷdŷŷnyòkre. ³ Tahe teòdu iximy rexiraykynyre: —Wadinodu riwateònyke. Aòhebo arotŷŷnyke? Warurukōre dori tahe aōmysŷdŷŷsira ariwinyòtyhy. Tule ijō iny-ribi iixitòedŷŷna riwaixŷrure. ⁴ Reerye tahe, aòhebo arotŷŷnykre. Aōwihikŷ wabiòwa dee ariwinykre. Riwateònykeki tahe wabiòwasŷ-ò arakre. ⁵ Ibutumy nieru huòtedu mahādu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi? ⁶ Tahe diwyònyde: —Adŷŷ rehuòtera, 100 hynamy wahe. Tai tahe rarybere ijō: —Iwekre tahe wylemy biritinyke, 50 wahe. ⁷ Ijō-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. ⁸ Iribi tahe hābu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahādu heka aōmydŷŷnana erydutyhy rare, ityhydŷŷdu mahādu ratyre wahe. ⁹ Tai tahe adee ararybekre. Kabede mahādu biòwamy boibeke, anieru-di. Tahe anieru ituekeki, Deuxu taheto wiwihikŷ-ò aradykre, biu-ò heto wiwihikŷ wahe.

¹⁰ Aõmydÿÿnana aõ aõkõmy kai òbitimy masÿnykeki, tule aõ nihikÿmy kai iweselemy mabeke. Inyõ heka ibutemy wasikeki, tii tule aõ nihikÿmy rawasinykre. ¹¹ Kaiboho heka kabede nieru-di òbitimy aõkõ atxibenykeki, tule biu-ki araròsòna bitaõtyhy, aõ wiwihikÿ inatyhy wahe. ¹² Iny witxira nieru-di heka òbitimy boibebenyõkeki, timybo anieru tyhy-di òbitimy boibeke. ¹³ Inyõ iny inatxi deòdumy aõkõ rarekre. Inatxinaõ dori iluukre, ijõ ta iluukõkre. Deuxu dee maaõmysÿdÿÿõtyhy. Tiu nierurahi inatyhymy teamyhÿteki.

¹⁴ Fariseu mahãdu tamy roholareu, urile idi nierurahi risinyreny, tiiboho ire nieru ributunymyhÿreny bõdÿÿluurenny. ¹⁵ Tahe Jesuisi tamyreny rarybere: —Kaiboho heka òbitimy inyko-ò ixì-di atximahãteny. Ihãre tahe Deuxu timybo toimahãte rierymyhÿre aõna aõnarenny bina. Aõmy hãbu rexinohõtinyinmyhÿre, aõtxi-ki Deuxu-ò awiõhyyre. ¹⁶ Moisesi bede ywina rybe tahe tule Deuxu Rybedu mahãdu awi rare, Joaõ Sebedÿÿdu rehemynyreu tahe ixãwire. Iu tahe Deuxu Iòlòna Rybe wihikÿ tamyra ròhònyre. Kia tahe iny ritohodÿÿnyre. Ibutumy iny kia-ò ralokremy idi ratxireri. ¹⁷ Bìu, bede rexihuke tahe isiraõre. Deuxu rybe tahe rexihuõtyhy. Kia isiratyhy rare. Ityriti rybe wedenaõ riõnonnyõtyhy. ¹⁸ Hãbuõ tahãwyy-ribi ixãwikeki, idi iwitxira-wana roikeki, tii òtadu rare. Hãwyy ixedu-wana tii roikeki, òtadu rare.

¹⁹ Ityhy mahãduõ riki tyy òwyhykÿwiwi-di rexytynymyhÿre. Tii idi rexirabedesirananyhÿre. Awimyhÿre tuu ratximyhÿre. ²⁰ Tahe urimynodu tyy my binadumy ijò-ki ixbyby ratximyhÿre. Lazaru inire. ²¹ Tii ityhy rÿsÿnauhe rirÿsÿkemy raòbirenymyhÿre. Ijòròsa dori itybinatòmny dirahumyhÿde. ²² Lazaru rurureu, ÿju mahãdu ridyrenny biu-ò ilabiereny rora-ò, Abraõ wahe. Tule ityhy rurure idi rituunynnyre. ²³ Tahe rubu-ki rubu mahãdu bedebina-ribi aõhõkÿmy dÿÿnana ityhy Abraõmy robire irehe-ò Lazaru tule irora-ki. ²⁴ Tahe ityhy dyryde: —Abraõ, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarÿ dori raòhÿtÿhÿtÿreri kaheòtywo-ki. ²⁵ Tukòleta, Abraõ narybede: —Dàa aõwihikÿ-di tatemyhÿ-di bexinohõtinyinnyke. Tukòlemyta Lazaru aõbina binahakÿle rimyre. Tahe kaki aõwimny Lazaru ratxireri. Tukòmnyta kai ibymny atxiteri. ²⁶ Ihãre ta hãloohukÿ inyko-ki rÿire. Timyki kaludu kia-ò iòhòreseõna. Tule kia ludu kaò iòhòreseõna. ²⁷ Hebose, Abraõ walabie, kamy ityhy narybede, Urile Lazaru wasÿ-ò biteònykekõ aõbo. Waseriòreboho deòwarisidÿÿmy. ²⁸ Waseriòrenny dori iruyrenny urikõ-ribi kabedebina-ò kòdòiheny. ²⁹ Tahe Abraõ diwyònyde: —Tiiboho dori Moisesi tyyriti, Deuxu rybedu mahãdu tyyriti dire. Tii tahe tamy roholarenymny rityhynnyre. ³⁰ Ityhy narybede: —Aõkõre Abraõ walabie. Kia inyõ tarubu-ribi rexixamy ròðsekeki xiery ta, taòrarunarenny-ribi rexirahÿrennyke. ³¹ Tahe Abraõ dirawyònyde ixbyby. — Moisesi tyyriti rybe-ò, Deuxumny rybedu mahãdu rybe-ò roholaõkeki, tii mobo rexixake tule ityhydÿÿõna.

17

¹ Tahe Jesuisi taerydÿÿna mahãdu-ò rarybere: —Kiemy inyõ wodohonadÿÿmy aradykre òraruna-ò besekemy. Kobe làhãxe tii kiawesemy rotÿÿnykreki. ² Tii dori ibinatyhy rare. Wadee heka kabera-txi mana-di rataataamy sÿy-ò reakenawi rare. Tukòmny uri-ribi watyhydÿÿdu tÿmyraõ riòrarudÿÿnyheny. ³ Bexiijebeny ta. Aityhydÿÿdu seriòre rexìòrarunanykeki, tamy marãhike. Tii rexirãhikeki, iaõna aõna bina-ribi bexinohõtìlosanyke. ⁴ Txu sohojiòmny adee rexibinanykeki, kai tule ibinamy tai mahamy. Tii ixì-di rexiwotòenymny adee nakeki, tule idi bexiwobrunymny bexinohõtìlosanyke iaõna aõna-di.

⁵ Jesuisi erydÿÿna mahãdu dexitòenydenyde: —Wanyrÿrenny, wainatyhynarenny ini bisòwedÿÿnyke. ⁶ Jesuisi dirawyònyde: —Ainatyhynarenny heka sunyisòmny wesekeki, kamy bederarade-ò marybekenyke: —Bexitake inihe idi bera-txi myike. Tahe tii aratyhynnykre. ⁷ Titxibo kaibohoõ eòdudirennykeki aoworu-di itxeredu ada budoeni-di itxeredu wahe. Tii taaõmysÿdÿÿna-ribi kanalokreu, kawesemy aõbo tamy manarybekre?

Wy, wylemy rikiroxikre dori. ⁸ Timyki kawese tamy arybeõna. Tukõmyta tamy marybeke: —Warÿsÿna biywinyke idi wadee, idi manakre. Ariroxikre dori. Wabyre arihu-di ta bexiðenykre. ⁹ Teòdu deòdumy rearahu-di aõbo, txiòtòetuukemy tamy rarybere aõbo. Timyki tukõna. Kiemy dori taaõmysÿdÿÿnale riwinyre. ¹⁰ Iu aõmysÿdÿÿnarenen bihudi, iwese heka atximahãbenyke kamy bexirybenymyhÿbenyke: Inyboho deòdule roire, aõtyhy aõkõ mynodu, iny aõmysÿdÿÿnarenenyle heka inyboho riwinyreny.

¹¹ Jesuisi Jerusalẽ hãwã-ò ramyhÿreu, Samaria bede, Kalileia bede wotyã-di rare. ¹² Iu hãwã-ò-txi raloreu, debo ituemy sowereny tyymy binamy mahãdu iry-ò doide, tahe irehemy rexiereny. ¹³ Iribi tamy dyrydenyde: —Jesuisi, Erydÿÿdu, wadireny ini bexiwobrunyke. ¹⁴ Tureny robireu, narybede Jesuisi-ò: —Xiwena wahidÿÿna mahãdu-ò ixi-di itxerenamy bõike. Kia-ò rariamy roirenyre, tahe reyterenye. ¹⁵⁻¹⁶ Ijõreny Samaria ludu mahãduõ reytemy iximy robireu, Deuxu riwowydÿÿnymy tamy dòðsede, rawiunymy. Tatiowomy Jesuisiko-ò resere. Tahe rarybere: —Txiòtòetuuke. ¹⁷ Tahe Jesuisi ritÿÿraxinyre: —Debò itue wese, asõwerenyre? Titxibo ta debò inaubiòwaboho roire? ¹⁸ Aõherekiwe kaa iny witxira sohojile Deuxu wowydÿÿnymy dòðsede, Samaria luduõ wahe? ¹⁹ Tahe Jesuisi tamy rarybere: —Mynyike, idi makre. Atyhydÿÿna òraru-ki dori teyteta. ²⁰ Idi fariseu mahãdu Jesuisi-ò rÿÿraxirenyre: —Tiubo Deuxu Iòlõna kanakre? Tii diwyònyde: —Timyki Deuxu Iòlõna dehemyntÿÿnamy inyõ robiõtyhy. ²¹ Tule inyõ kiau rarybeõtyhy: —Betehebeny inihe ka-ò: —Tukõmy aõbo: —Kowaki heka rare? Deuxu Iòlõna dori aworeny-ki rare.

²² Tahe taerydÿÿna mahãdu-ò rarybere: —Tiutxumy heka Deuxu Riòre Hãbutyhyhykÿ txumy bobibenykemy tahe bobibenyõtyhy. ²³ Tahe ijõ adeereny kanarybekre: —Bedetehebeny inihe kaò ada kowa-ò. Tahe iitxerenyõmykre. ²⁴ Iwese tiribi tiò biu relaanymyhÿre wese heka Deuxu Riòre Hãbutyhyhykÿ txu kÿnyikre. ²⁵ Delemy tahe tii aõhõkÿmy rotÿÿnykre. Wijinabòdu mahãdu teramy reakre. ²⁶ Noe bededÿÿnana wesemy heka rÿimyhÿkre. Iu beòra rariareu. Tahe Deuxu Riòre Hãbutyhyhykÿ kedehemyntÿÿnykre iu. ²⁷ Ibutumy heka worana bedehesi rÿire. Lisisò tahe rÿire. Hãwyy herina lisina rÿire iu. Iu tahe beòra rariare. Ibutumy ituere. ²⁸ Lòð bededÿÿnana tule iwesere. Tiibohe worana bedehesidile rÿire. Tiibohe rityhynyõtyhy. Urile hetomy riwinymyhÿre, oworumy riwinymyhÿre, aõna-di rohonymyhÿre. ²⁹ Iu tahe Lòð ihãwã-ribi ròhònyre, Deuxu heòty ityre riteònyre. Biu-ribi heòty ityre resere enxofre-wana. ³⁰ Iwesele txu tii heka rarekre heka, Wadehemyntÿÿna Deuxu Riòre Hãbutyhyhykÿ wahe. ³¹ Kiau tahe inyõ ihetotyre heka rÿire. Malòkekõ heka ahetowo-ò aõnamynamy. Inyõ tule oworu-ki rÿire, taheto-ò aõkõ ròðseke. ³² Lòð hãwyy-di mohòtynyke. ³³ Inyõ taumy riyrubunykeki, tii ruruke. Ijõ tahe wadeewimy rurukeki, tii taumy rayrubukre. ³⁴ Adeerarybere: —Bede rurureu heka inatxi hãbu ròròreri. Ijõ heka rakre dynamy reakre. Ijõ tahe rarikre. ³⁵ Inatxi hãwyy heka rÿsÿna-di raaõmysÿdÿÿnymy heto-ki ratxikre. Ijõ heka dynamy reakre, ijõ heka rarikre. ³⁶ Inatxi hãbu heka oworu-ki raaõmysÿdÿÿnykre. Ijõ heka rakre dynamy reakre, Ijõ tahe ririkre. ³⁷ Ierydÿÿna mahãdu rÿÿraxire. Titxibo rÿikre, Wanyrÿ? Tii rirawyònyre: —Titxibo iumy rubu roire-wana, rara tai wii ributunye.

18

¹ Jesuisi heka ròkewesenanyre ribedeerynyre. Kia wese heka tii ijyymy relyyre. Rexitòenyhykemy tii ribedeerynyre tule ixitòedÿÿ-ò ixirarenyõmy. ² Hãwã-ò-ki tahe hãbu matuariõ rare, tii tahe ibinare. Juizimy heka ratximyhÿre ywisidÿÿdu wahe. Tii iny rityhynyõtyhy, Deuxu lau ruberuõmyhÿre. ³ Tule heka hãwyy wyteseò tai rasÿnymyhÿre. Kia tamy ramyhÿre sõwemy. Tamy rarybera: —Biwawikòhenakryke wahe. Wakòludu tahe riwahureri. Kywisidÿÿkÿdu kai atxiteri. Anoherekibo tiwawokutòenykòteri. ⁴⁻⁵ Aõhòkõmy hãbu iaõna aõna òbitidÿÿ deramy reamyhÿre. Tahe Hãbu ixidee rarybehyyra. Inatyhymy jiarÿ inyõ rityhynyõtyhy. Tahe hãwyy wytese sõwemy wadee rarybereki, jiarÿ ariòbitinykre iaõna aõna ibutumy iòludu-wana.

Aōkōkeki tiiemy kidiwarulòlòdenyke. ⁶ Tahe Jesuisi ritỹnynyre: —Juizi bina rybe-ò kaiboho boholabenyke. My wahe. ⁷ Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitòenyre. Tii wymy riwiòhenanyke. ⁸ Tii inatyhymy taijoi mahādu riwiòhenanykre. Jiarỹ, Deuxu Riòre Hābutyhyhykỹ wymy adehemynykreu, watyhydỹỹdu-txi aōbo areakre.

⁹ Tule Jesuisi kia ijyy relyyre, iny ixityhymy ixi-di ratxityhymy kia ijō inymy kiale radònymyhỹre. Kia tahe rikewesenanyre. ¹⁰ —Iny inatxi hābumy heka templo-ò ròirenyre rexitòenykemy. Ijō fariseu rare, ijō tahe nieru arisidu rare. ¹¹ Fariseu tahe rỹimy rexitòenykemy ixidee. My wahe: —Deuxu, jiarỹ aōhābubina aōkō rare. Tai tahe umy reālāmy wahāre. Jiarỹ aōwasidu aōkō, aōðrarudu aōkō, aōðtadu aōkō. Iwese kowa nieru arisidu wese aōkō jiarỹ rare. Txiòtòetuuke tai. ¹² Semana sohoji heka wabyreō-di inatxixumy rewymyhỹre. Tule waaōna aōna ibutumy ijura adee rewahinyre. Debòwiòna-ribi sohoji rewahinymyhỹre wahe. ¹³ Nieru arisidu tahe irehemy rỹire. Biu-ò aōkō retehere, tahe rexihetenyre rexitòenyrimy Deuxu-ò. My wahe: —Deuxu, biwawotòenyke. Jiarỹ òrarudu rare. ¹⁴ Jesuisi ijyy ritỹnynyre: —Adee ararybekre. Mobo teysamy taheto-ò nade? Ixityhydỹỹdu aōbo ada ijō aōbo. Kohe ijō tuure, ixityhydỹỹdukō wahe.

¹⁵ Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydỹỹna mahādu tamy idyrenyòkremy raryberenyre. ¹⁶ Jesuisi rarybere: —Txiò, kididyke uladu wadee. Uladu wese dori Deuxu Iòlòna rare. ¹⁷ Inatyhymy ararybekre: —Moō heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòòtyhy.

¹⁸ Idi tahe iweduō rarybere: —Erydỹỹdu wihikỹ, aōwexe ariwinykre idi biu-ò arahenykemy. ¹⁹ Jesuisi tamy rarybere: —Aōbo wa wihikỹmy wadee tarybeta. Hābuō tiu awiòre. Deuxu sohojile tahe awira. ²⁰ Bede ywina tyriti kai teeryte: —Rubudỹỹōmykemy, tule òta òtaōmykemy, wasiōmykemy, tule ruiōmykemy, iny wii itxenadỹỹōmykemy, adi biywinykemy, boo tule.

²¹ Hābu tamy rarybere. —Kia bede ywina rybe retyhynyhyylere, uladudihyyle wahe. ²² Jesuisi rarybere: —Kai sohoji aōmydỹỹnale aki nasiranyde. Kai makre, ibutumy aōna aōna-di bohonykre, idi tahe kia nieru biwahinykre iny aōkōdu mahādu-ò. Kia tahe aōmydỹỹnadikre biu-ki. Tahe manakre biwaheludunykre. ²³ Kia rybe-ki heka hābu rabadewore. Rexitare ibedewomy iaōna aōna sōwetyhyreki. ²⁴ Jesuisi retehemy ibederyry-di tahe rarybera taerydỹỹna-ò: —Kia iny iaōna aōna sōwemy rỹireri, Deuxu Iòlòna-ò ralòke isirare. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaōna aōnadikeki ralòke Deuxu Iòlòna-ò. ²⁶ Ijohonadu tahe widee rarybere: —Mobo tai biu-ò hedukre. ²⁷ Jesuisi rarybera: —Inatyhymy kōaōboka hābu-ò isiratyhyre. Deuxu-ò tahe ibutumy aōna aōna isiraōre. ²⁸ Pedro rarybere: —Boholake, jiarỹboho ibutumy rerirenyra araheludunykre. ²⁹ Jesuisi rarybere tamy: —Inatyhymy adeeremy ararybekre. Moō walukeki, rybewihikỹ luukeki, kia heka ririkre: heto, taseriòre, tyby tadi-wana, tariòre, tabede, ibutumy waðraru-ki, Deuxu Iòlòna òraru-ki, ririkre. ³⁰ Ka bedekile ritakre sōwetyhymy ibutumy aōna aōna. Ihāreta biu-ò rahenykre Deuxu-wana rasỹnykemy.

³¹ Jesuisi taerydỹỹna mahādu ridyre inysōwe-ribi tamyreny rarybekemy: —Boholabenyke waijoi! Jerusalē-ò rokoirenykre. Tai iny riwarubunykre jiarỹ Hābutyhy rarehāre, Deuxu Riòre rarehāre wahe. Iwese Deuxu Rybemy rybedu mahādu rarybere wese. ³² Tiiboho riwawahinykre judeukōdu mahādu-ò. Tiiboho riwabinabinadỹỹnykre, riwalahikre, watyre rarybexinykre. ³³ Riwahetenykre òhòte-di, idi riwarubunykre. Ihāre tahe inataō txu-di tahe adexixakre rubu-ribi. ³⁴ Jesuisi erydỹỹna mahādu urile bede riòtiinyrenyre. Aōmybo tii rarybere rierityhyòrenyre. Irybe tamyreny dori ierynatyhykòreri.

³⁵ Iu Ijeriò hāwā-ribi iòhòmy roirenyre, inatxi iny ruetāmy heka rononymhỹ Jesuisi ibire-di rareu. Tiiboho nierumy rexitòenymyhỹrenyre. ³⁶ Inysōwe-ò roholarenyre

tahe, tii rÿraxyrenyrene: —Aõhereriwe. ³⁷ Tahe tamy rarybere: —Jesuisi wa rareri Nazare hãwã ludu wahe. ³⁸ Tahe ruetaõ rryre: —Jesuisi, Davi riokore! Biwatðenyke hewa! Wadi làhà inihe bexiruxetðenyke. ³⁹ Iny sówemy tamy rarybere: —Iryõmyke! Ihãre ta tii rryrmyhÿre: —Davi riokore, wadi mawotðeke! ⁴⁰ Jesuisi rryre tahe rarybere: —Tamy byryke wadee kanakemy. ⁴¹ Jesuisi tamy rarybere: —Aõmybo kai taruteri adee arutÿÿnykremy. Tahe hãbu ruetaõhãkÿ tamy rarybere: —Wawedu, ixityre arobikremy. ⁴² Jesuisi tahe tamy rarybere: —Makre, atyhydÿÿna kai arateytenyra. Kialehe rare. ⁴³ Aõwesele ixityrele tii robire. Tahe Jesuisihemy rare rry-di. Taihe ibutumy iny heka Deuxu riwowydnymyhÿ.

19

¹ Ijeriò hãwã-ki Jesuisi rehemynyrene. Idi rariareri. ² Tahe hãbuõ tahe Jesuisi riere. Zaqueu inire. Inieru sówere. Tii nieru tarasadu weduõ rare. Inieru sówere. Tii heka iyjare tahe Jesuisimy robiõtyhy. Raðwònyre tahe òwòru-txi. ³ Tii Jesuisimy robikemy risÿnymyhyÿ, tiu tuu robiõhyymyhyÿreki. Iyjare-ki tahe rexisiranyrene. Kiemy dori iny rarie rarie iko-ki rÿimyhÿ. ⁴ Tahe ijoiko-ò rexiraðe tai òwòru-ò raðwònyre Jesuisimy robikemy iribi idi kanakreð. ⁵ Iu Jesuisi tamy rehemynyrene, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rÿike. ⁶ Tahe rabedesamy wymy resere. Awimy Jesuisi rybe-ki rahare. ⁷ Tahe inyõ mahãdu iòraru-ki kamy rexirybenyrenyrene: —Aõhewe Jesuisi iheto-ò rara? Tii iny òbikõmy nodu hãrele wahe. ⁸ Zaqueu tahe Jesuisi rarybere: —Bodoholake ini, Wanyrÿ. Tahe waaõna aõna iwekre iaõkõdu mahãdu-ò ariwahinyry ararekre. Tule txibo inyõ-ribi rowasire inaubiõwa wawasi ratyre tamy ariwahinykre. ⁹ Tai Jesuisi narybede: —Wijityhyle kahãbu sÿmahãdu-ò henana rehemynyrene. Kahãbu tule Abraõ riore riðele rare. ¹⁰ Deuxu Riðe Hãbutyhyhykÿ dori iny òrarunamy resere mahãdu òrysomy itarasamy nade. Jiarÿ tiire.

¹¹ Jesuisi tamyreny rawesenanyrene timybo Deuxu Iòlõna raremy. Jerusalẽ hãwã-ò iòhõmy ratximyhÿre. Tai tahe Deuxu Iòlõna iòhõmy ratximyhÿremy roholare. ¹² Tahe Jesuisi rarybere iny ityhyõ heka: —Inyõ nihikÿ heka rakemy ratximyhÿre ijõ bede-ò ratÿinykemy. Tai iòlõmy ronykremy rare. Iribi tahe ròðsere. ¹³ Tii tahe taaõmysÿÿÿnana ririre teòdu mahãdu-ki. Teòdu mahãdu debòwiðmy heka womati tÿrÿrÿÿÿkÿ nieruõ sohoji sohoji tamyreny riwahinyrene. Tamyreny rarybere: —Nieru bitakre, idi bibutunybenykre adireny watxireri adooskre. ¹⁴ Tahe kia bede ludu mahãdu iòlò deramy ratximyhÿre tai tahe tamy rybemy iny mahãduõ riteònyrene: —Kahãbu aõkõ iny iòlòreny ronykre. ¹⁵ Ihãre tahe iòlõmy ronyrene. Idi tahe tanieru wedu mahãdu-ò rarariðwyrene. Tiwesebo teòdu mahãdu nieru ritare rierykemy. ¹⁶ Juhuludu tahe rehemynyrene: —Wawedu, betehe inihe ijõ debòwið anieru ratyre rebutunyrene. ¹⁷ Tahe iòlò sówemy riwowydnyrene: —Awityhymyhe taaõmysÿÿÿÿta. Kai heka deòdu wihikÿ tate. Kai ibutedile sówemy tewinyte tahe debòwið hãwã adee ariwahinykre. ¹⁸ Ijõ tahe rehemynyrene: —Wawedu, betehe iny iruyre anieru tyre rebutunyrene. ¹⁹ Tahe iòlò tamy rarybere: —Kai sÿ iruyre hãwãmy dinodu mabekre. ²⁰ Ijõ deòdu rehemynyrene: —Wawedu, ahãxe anieru. Jiarÿ tyky-di reraserasenyry rerarenyrene. ²¹ Jiarÿ alau raberure. Kai dori hãbu nieru tarasaery heka tate. Aõ taaõmysÿÿÿÿteri-ribi aõkõ heka nieru tetamahãte. ²² —Kai heka deòdu awi aõkõ heka tate. Arybe xiery waribi arateònykre. Kai tiwaeryte jiarÿ nieru tarasaery heka watxireri. Aõ raaõmysÿÿÿÿre-ribi aõkõ nieru retamahãre. ²³ Aõherekibo. Kia nieru yrubuna heto-ki terikõte. Tai iximyna ratyre ini iribi ratate. ²⁴ Iòlò teòdu inatxi-ò rarybere: —Wanieru iribi bitabenyke. Ijõ hãbu sówemy ròtareð rawahikre. ²⁵ Ijõ raryberenyrene: —Tii heka debòwið nieru ijõdire. ²⁶ Adee ararybekre: —Inyõ òbitimy raaõmysÿÿÿÿkeki, tii sówetyhymy ritakre. Tule inyõ òbitimy raaõmysÿÿÿÿkeki, tii ibutumy ròðnodÿÿÿkre. ²⁷ Iwedu rarybekre: —Waòludu mahãdu tahe wadee bididybedenyke. Wadera mahãdu wahe. Wako-ki birubunybenyke.

²⁸ Tarybe rahudi tahe Jesuisi rare Jerusalẽ hãwã-ò.

²⁹ Jerusalē iòhòmý ritehemynyrenyreu, tahe inatxi taerydÿÿna bede riywinyra hãwã-ò roikemy. Inatxi hãwã iòhòmý roire, Betabaji, Betÿnia-wana. Kia-ò Oliveira hãwãlò roire. ³⁰ Jesuisi rarybere: —Kaiboho boikre kowa hãwã-ò. Kowa-ò birònykreu jumenta riðre mahabenykre. Moheka ityre rariaòlemy ratximyhÿre. Biesemy, wadee bididybedenyke. ³¹ Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kað kidiòkesedÿÿnykre. ³² Tahe hãbu roire. Iwese Jesuisi rarybere wese ibutumy rÿire. Jumenta riðre ryro hetoið-ki ritisanymy rÿimyhÿ. ³³ Tai riesereu, iwedu rarybere: —Aòherekibo teeseteri. ³⁴ Tai tiiboho Jesuisi rybe myna tamy raryberenyre: —Inynyry tuu rurureri. ³⁵ Tahe ridyrenyreu jumenta riðre Jesuisi-ò. Tiiboho tatyreny ritidirenyre jumenta riðre tyremy. Tiiboho risÿnyrenyreu Jesuisi ityre-ò. ³⁶ Jesuisi rehemynyreu, ijòboho tahe tauwòhi ryromy ritidire ityre rariakemy. ³⁷ Jerusalē iòhòmý rehemynyreu, Oliveira hãwãlò-ribi, ierydÿÿna mahãdu rawyhyrarònyreri, tule ryreri.

³⁸ Tii heka wowydyna rare. Tii heka Wanyrÿ niwesekemy naderi. Wowydyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijò fariseu mahãdu rarybere Jesuisi-ò: —Marybeke aerydÿÿna mahãdu-ò tiiboho riyrykemy. ⁴⁰ Jesuisi tamy rirawyònyre: —Tiiboho riyrykeki, manale wowydynamy riryke.

⁴¹ Jesuisi Jerusalē hãwã-ò iòhòmý rehemynyreu, rahinyre. ⁴² Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre. ⁴³ Ijò txu kanakre. Ahãwã ibutumy rirurawonykre aòbina mahãdu, aòludu. ⁴⁴ Ibutumy hãwã ituekre. Iny iwo-ki tule rurukre. Mana ibutumy kedeseke. Rierykòre dori tiubo jiarÿ ahedÿÿrenymy nanade.

⁴⁵ Tahe Jesuisi dohodÿÿna hetowo-ò ralore. Tahe kia-ribi aòna aòna-di rohonymyhÿre mahãdu, òbradu mahãdu diteònyde. ⁴⁶ Rierynanymyhÿre tahe tamy rarybere: —Raridÿÿòlemy aòbo rÿireri: —Waheto kòaòboka inatyhymy ixitèdÿÿna hetomy rÿirakre. Idi kaiboho tewinytenyete wasidu hetowesele.

⁴⁷ Txu ibutumy Jesuisi dohodÿÿna heto-ki ròbedeerydÿÿmyhÿ. Xiwe wedu mahãdu, Deuxu aòmÿsÿdÿÿdu wedu mahãdu roholarenyreu, ròhòtinyrenyre: —Timybo inyboho Jesuisi rubudÿÿmy rikiwisÿnyrenykre. ⁴⁸ Tiiboho tahe aòkòhykyre iny sòwemy dori bede riòtiinymyhÿ ibedeerynadÿÿna-ki.

20

¹ Ijò txu tahe Jesuisi ròbedeerydÿÿmy, Ijyy Tÿmyra Wihikÿ wahe. Ririranymyhÿrenyreu dohodÿÿna hetowo-ki, bede ywina erydÿÿna mahãdu, Deuxu xiwena wahidÿÿdu mahãdu wedu, tule matuari mahãdu tamy doide. ² Tiiboho tamy rÿÿraxirenyre: —Mowe atèdÿÿdure kia aòna aònamy tatÿÿnymyhÿtemy. ³ Jesuisi dirawyònyde: —Adeereny tule araÿraxikre. Kaiboho bidiwawyònykeki, tahe jiarÿ akoreny ÿraxina ariwyòkre aòrurudibo aòna aòna rewinymyhÿre. ⁴ Tahe Jesuisi ritÿÿraxinyre: —Mobo Joaò ratisebedÿÿmy riteranyre? Deuxu aòbo ada iny aòbo? ⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte. ⁶ Inyò riteranyremy rakaryberenykeki, iny aruberuwÿhÿrenykre. Ibutumy iny dori Joaò rityhinyre tii Deuxu rybe-di rybedumy. Ijò ijoi mahãdu urile inyreny kidihetenykre. ⁷ Tai tahe tiiboho raryberenyre: —Jiarÿboho reeryòrenyre. Tai tahe Jesuisi rarybere: ⁸ —Hebo, jiarÿ adeereny iximy ararybeòtyhy modeòdÿÿnamy jiarÿ tuu watxirerimy.

⁹ Iribi tahe Jesuisi tamyreny ijyy-di rierynanymyhÿre: —Hãbu uva oworuò wese ròbròre. Tahe riòtitynyre. Tahe hãloo riare oworu ubetya-ki, ruÿdÿÿnymy. Tahe utò riwinyre. Idi tahe rityhere hãbu mahãdu-ò. Tahe rexitare tasÿ-ribi ijò bede-ò. ¹⁰ Tahe bederaty siredey bededÿÿnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyrenyre, rihetenyrenyre idi riteònyrenyre ixihyylemy. ¹¹ Ixityre oworu wedu teòdu riteònyre. Kia heka irati

rihetenyre ta tamy rawobinarybenyre. ¹² Ijõ riteònyre. Kia heka rirubunyrenyre. ¹³ Iwedu ixi dee rarybere: —Aõhebo arotỹnykre. Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenyre. ¹⁴ Kia oworu-di itxeredu mahãdu widee raryberenyre: —Kia heka wedu aõna aõna tarasadu rare. Rurukre, idi tahe iaõna aõna inydeerenykre. ¹⁵ Tahe rimyrenyre idi rirubunyrenyre tahe idi rehurenyre oworu-ribi. Jesuisi ritỹraxyre: —Aõhebo tahe oworu wedu rotỹnykre. Tai Jesuisi ixityre narybede: ¹⁶ —Tii kanakre oworu-di itxeredu mahãdu hudumy, tai tahe oworu rityhekre iny witxiraõ-ò. Kia-ò tiiboho roholareu, tahe raryberenyre. Timyki tukõna. ¹⁷ Jesuisi idi reny retehemy tahe rarybere: —Ritina-di aõbo tariaõletenyte kia ryberiti:

—Mana-di hetowidỹdu rehura. Kia mana heka hetohãtxi-ki heridu rare.

¹⁸ Inyõ kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹ Bede ywina erydỹna mahãdu, tule xiwena wahidỹna mahãdu wedu rimykemy riwisỹnyre kiaule. Brebumy ta turenkyõre. ²⁰ Tiiboho hãubinaõ riòwynyre tamy imy-namy irybe-ki. Tai tahe Dinodu-ò riwahinykremy aõsirakõmy timykibo irutaõmy riry-bewitxiranyrenykemy. ²¹ Tiiboho rarybere Jesuisi-ò: —Erydỹdu, jiarỹboho araerymy adi watximahãrenyre kai inatyhy hãbu Tate. Iny ibutumy adee wiwese wiweselere. Inatyhymy iny-ò Deuxurymy teerynanyamahãte. Tahe tiiboho ritỹraxyre: ²² —Awire aõbo ada ibinare aõbo nieru rawahinymyhỹre bede dinodu-ò. Timybo tahe, imposto raòwumy aõbo ada aõkõre aõbo. ²³ Jesuisi rierymyhỹre tõhõtinanareny, tahe ritỹraxyre: —Aõherekibo kaiboho tiwaurihitenyteri. ²⁴ Wadee womati nieruõ bidiwy waitxerenamy. —Kawe moõ tyytarasana rare, katahe moõ tyyritina rare. Tiiboho dirawyònyde: —Kiahe bede dinodu hõrõ rare. ²⁵ Jesuisi rarybere: —Hỹdebo, bede dinodu hõrõ tahe tamy biwahinybeny, tule tahe Deuxu aõna aõnahõrõ Deuxu-ò biwahinybeny. ²⁶ Tiiboho aõkõre. Irybe-ki rimynamy aõkõ. Urile ribedeòtiinyre.

²⁷ Saduseu mahãdu tamy nade. Kia heka iny rubu-ribi rexixamy aõkõre-riki riery-nanymyhỹre. Tiiboho ritỹraxyre Jesuisi: ²⁸ —Erydỹdu, Moisesi raritinyre bede ywina-ò, kaimy:

—Hãbuõ rurukeki, tahãwyy iriòre ijõdiõkeki, tahe kia hãwyy tahãbu seriòre-wana roike. Iriòredikre taseriòre rubuòwumy roikre.

²⁹ Seriòre debòinatxi reuròmymy raremyhỹ. Juhuu ijõ roire hãwyy-wana. Tahe tii rurure iriòreõlemy. ³⁰ Tahe iheweludu iseriòre wytese-wana roire. Tii rurure iriòreõlemy. ³¹ Iheweludutyhy tule ibutumy roire wytese-wana, tahe ituerenyre iriòreõlemy. ³² Iròòbymy tahe hãwyy tule rurure. ³³ Ixixanau tahe mohãbubo tii-wana rarekre. Ibutumy dori wytese-wana roire. ³⁴ Jesuisi rirawyònyre: —Kabede-ki hãwyyimy iny roimyhỹre. ³⁵ Ixixanabedeu heka moõ roiõtyhy, inyõ dori bede kia riòbynykre. ³⁶ Ibutumy iny yju wese rarekre biu bede-txi. ³⁷ Moisesi tatyriti itỹnyhỹkỹlemy rarybere: —Iny rubu-ribi kedexixakremy. Tai ta heòty òwòru sõmo riworonymyhỹki ixybylesỹ rarybera:

—Deuxu heka Abraõ, Ijai, Ijaò kia Deuxu rare.

³⁸ Tai Deuxu inyru mahãdu Deuxu dori rare. Iny rubu mahãdu ta aõkõre. ³⁹ Inyõ rarybere: —Arawyònakyhyna, Wanyrỹ Tate. Bede ywina tabohe teerytyhyte! ⁴⁰ Tai tahe ixyby rỹraxyiõhyrenyre.

⁴¹ Jesuisi rarybere: —Timybo bede ywina erydỹdu mahãdu rarybemyhỹre Kristu Davi riòre raremy. ⁴² Davi rarybere aõmybo Deuxu Tyytybytyhy tamy narybedemy iwiuna-ki:

—Wanyrỹ rarybere Wanyrỹ-ò:

—Bodony warurunawe-ribi.

⁴³ Txìòhe inihe, aòludu awarawo-txi aritidikre.

⁴⁴ Tahe Davile tanyrỹmy rininire. Timyki tahe Davi itybymykre.

⁴⁵ Tii taerydÿÿna mahādu rierynamyhÿreu. ⁴⁶ Tii rarybera: —Bexiemyhÿbeny bede ywina erydÿÿdu mahādu lau. Tiiboho heka tyrehetyhywidihikÿle rexi-tyynymyhÿreny. Tiiboho heka ixi rybedÿÿluurenyre hāwā riraki. Dohodÿÿna heto-ki ryananawi luurenyre. Tule ta anarÿÿ rÿi-wana, tyhytyrekile ryanana tamyreny awire. ⁴⁷ Tiiboho tule wytese aō aōkō mahādu aōna aōna ritamymyhÿreny. Ixitōedÿÿna rehehekÿ rexitōenymyhÿreny. Tiiboho heka aōnihikÿmy aōhōkÿmy dÿÿnanamy rotÿÿnyrenykre.

21

¹ Jesuisi retehemy rÿimyhÿ dohodÿÿna heto nieruhyna-txi. Tii retehere tibo iny tanieru-di rehumyhÿdi. Tai inieru sōwe mahādu nieru sōwemy ritidimyhÿ. ² Tule tahe nade wytese aō aōkō mahāduō. Tii inatxi nieru sōmo-di rehure. ³ Tai Jesuisi rarybere: —Kowa heka wytese nieru-di rehure ibutumy iny witxira ratyre. ⁴ Ijō mahādu tanieru uhedile rehumyhÿ. Tahe wytese idi rehure ibutumy tanieru-di rexihumy taumy-ribi idi rehure. ⁵ Dohodÿÿna hetomy ierydÿÿna tamy rarybere: —Erydÿÿdu, beteheke mana wihikÿ ruxera ruxera-di eryna heto riruxeranyreridi. ⁶ Jesuisi rirawyōnyre: —Kaiboho betehebennykre hetonihikÿ-ò. Kia heka mana ijō wityre-ki rÿiōtyhy, ibutumy heka kedejuxunykre. ⁷ Tiiboho ritÿÿraxinyre. Tiubohe ibutumy kidiixixāwididÿÿnykre. Tiiboho ibutumy bede konanadÿÿnamy reakre. Timybohe arieryrenykre, aōma bede ibutumy rexihukre. ⁸ Jesuisi tamyreny rarybere: —Kaiboho anaitxenanydenyheny lau bexiebenyke. Sōwemy dori rÿikre wanimy rarybemy rarekre: —Jiarÿ dori Kristu rare. Tahe iny sōwemy itxenadÿÿmy reakre. ⁹ Kaiboho wounarybe-ò, aōbina rybe-ò, boholakreu, breburenyōmykre. Kia heka kanakremy ratximyhÿre. Urile bededÿÿnana ikonanatyhy aōkō rare.

¹⁰ Tii tamyreny rarybere: —Uritere iny lahinareny, ijō lahinareny widee kanaaōbinanykre. Tule iōlōna mahādu, ijō iōlōna mahādu-wana widee kanaaōbinanykre. ¹¹ Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkÿmydÿÿnana rarekre. Aōbrebuna brebuna kÿnykre. Idi biu-ki aōwitxira kÿnykre. ¹² Tiiboho arawahinyrenykre aōludu wedu-ò, iōlō-ò. Kaiboho heka aōhōkÿmy iu botÿÿnybenykre, watyhydÿÿ òraru-ki. Tiiboho arahatenyrenykre dohodÿÿna hetowo-ki. Kiabohoko-txi wadee kaiboho kedelyykre inatyhymy aōna aōna rÿiremy. ¹³ Rybewihikÿmy ibutumy bede bede hāwā hāwā-ò belyybenykre. ¹⁴ Tiubo aradyrenykeu, urile nohōtiōmy aōmybo kaiboho marybebenykre. ¹⁵ Kiautyhyle aōmybo marybebenykre bierykre. Kia tahe marybekre. Kai aōkō dori marybekre, Deuxu Tyytybytyhy tahe rybedukre. ¹⁶ Asÿreny dori rōtenawo-ò ararōtenyrenykre. Seriore seriorele wii kidirubunykre. Tyby heka tariōre kidirubunykre. Uladule tadi, tyby kidirubunykre. ¹⁷ Ibutumy heka iny iy kedeakre wani òraru-ki adeereny. ¹⁸ Ibedeu araderenytiō reseōtyhy. ¹⁹ Bexityhymy ta tai ixiery dori biu-ò mahenybenykre. ²⁰ Ijō tahe Jesuisi rarybere: —Woudu mahādu Jerusalē rirurawonykreu heka bierybenykre aōhuluhudunamy bede rÿirerimy. ²¹ Judeia hāwā hāwā-ki ratxikeki, mahenybenykre bederatōhōkÿ-ò. Inyō Judeia hāwākikeki, iribi òlō rÿikre. Idi inyō bederokeki ixyby Jerusalē-ò rōteōmykre. ²² Kia txuu heka òwynatxumy rare. Ibutumy rybe tyyriti myna heka bede rÿikre. ²³ Kobexe heny hāwy bōtōmy rÿira, tule hāwy tariōre ritōnomy rÿira. Aōhōkÿmydÿÿnana kanakre tiu heka tuuōre. Debure nihikÿ heka kanake kia iny tyre-ki. Tiu heka kiamy bede roiōtyhy aōhōkÿmydÿÿnanamy. ²⁴ Sōwemy iny rurukre mayrehe-di. Iny sōwemy radykre ijō bede-ò aōhōkÿmy tai rotÿÿnykremy. Ityhydÿÿdukōdu mahādu rasÿnykre Jerusalē hāwā-ki iu.

²⁵ Ixityre tahe Jesuisi rarybere: —Idi webōhōna rÿira txuu, aōhōkÿmydÿÿnana itue-di, txuu heka rurunykre. Ahādu tule rurunykre, tule taina. Beōbō lau iwodÿÿ lau ibutumy iny ruberukre inihikÿ òraru-ki. ²⁶ Iu bede bede iny mahādu aōhebo rotÿÿnomy, tatōhōtibre-di tiiboho reserenyre sutyre-ki tai. ²⁷ Iny retehekre Deuxu Riōre, Hābutyhyhykÿ dehemynyna-di. Biurawetyky-ribi kodobehekre tatyhy-di.

²⁸ Tahe kia aõmydõyñana rỹikreu, ywinamy bõibenykeu, iõhõlereri.

²⁹⁻³⁰ Tai tahe Jesuisi figueirað-wana tahe bede ròkewesenanyre: —Figueirað-di ini bexinohõtinybenyke. Tii heka tairu-txi, tanoiròsò ritỹmyranymyhỹreu, tai tahe bierybenyke wya iõhõlereri. ³¹ Tule kia aõna aõnamy bobibenykre, tii iõhõlereri. Ijò-ki iõhõwesele rỹire. ³² Inatyhymy adee ararybekre, kia wijinabòdu itueõtyhy aõna aõna rỹikre hãrele. ³³ Biu, bede-wana ituekre, tahe warybe itueõtyhy.

³⁴ Tahe Jesuisi tarybe rihumy rarybere: —Kaiboho bexiebenyke, betehebennykre ixinohõtidyñrenytyhykõmy. Roxina worana bedehesi-di timybo kaiboho atximyhỹtenytedi. Mona juberere biõbenykemy mohõtinyõke. Kaiboho dori teeryõtenynte tiubedemybo adòðsekre. ³⁵ Kiatxu kanakre tahe iwese nawii mynyna wese aõwesele rimykre ibutumy bede iny mahãdu rimykre. ³⁶ Biebenyke tahe, Deuxu-ò bexitõenybenyke. Kia tahe aõhebo rotỹnykre-rihi mahenyke. Bityhynyke Deuxu Riðre, Hãbutyhyhykỹ, jiarỹ wahe.

³⁷ Txuõ txuõlemy tii Dohodỹña heto-ki ribedeerynyre ihãre tahe rummy Oliveira hãwãlò-ò rara. ³⁸ Rudile tahe sõwemy iny dohodỹña heto-ò rehemynymyhỹre Jesuisi rybe-ò ijohomy.

22

¹ Iõhõmy ratxireri Pascoa worana bedehesi kodohõnykremy. Kia anarỹỹ wehityhynamy heka iny ratya-di reare. Tule orotxu anarỹỹ kia ròhõnyre. ² Deuxu aõmysdõyñdu wedu mahãdu, tule bede erydõyñdu mahãdu Jesuisi rimykeny ratxireri idi rirubenykemy. ³ Satanasi heka Judasi Isariðwo-ki ralore, tii Jesuisi erydõyñaõ ihỹre. ⁴ Juda Isarið heka Deuxu aõmysdõyñdu-ò rara Jesuisi riwahinykemy. ⁵ Tiiboho tamy roholarenyre, reysare. Tahe tamy nieru riwahinykemy riurenanyre. ⁶ Tahe Juda rijemyhỹre aõu aõu bedewihikỹ tamyreny riwahinykemy. Wasimy riwahinykemy tii roholare.

⁷ Juhu orotxu anarỹỹtxure budoeni xiweloo rirubuny rahudi tahe Jesuisi erydõyña mahãdu tamy rarybere: —Titxibo anarỹỹ rỹsñnamy biroxykemy atxiteri. ⁸ Tahe Jesuisi heka Pedro, Joaõ-wana riteðnyre: —Kaiboho boike iny rỹsñnareny ywidõyñmy. ⁹ Tiiboho rỹraxyre. Titxibo ariwinyrenykre? ¹⁰ Jesuisi tamy rarybere: —Kaiboho boikre hãwãhãkỹ-ò. Tahe hãbu-wana wii biõbinykre butxi-di retyrerið. Tahe tii biheludunybny. Titxibo heto-txi ralore, kaiboho tule bironybenymy bitỹraxybenykre heto wedu: ¹¹ —Wawedureny rarybera: —Titxiwexe anarỹỹ rỹsñna arirỹsỹkre waerydõyña mahãdu-wana. ¹² Tii heka adee kiditeðsinykre hetowoð-txi biu-ki. Ibutumy rexihumy rỹire inydeereny. Tai rỹsñna inydeereny biwinybenykre. ¹³ Tahe ierydõyña rexitare. Roire hãwãhãkỹ-ò. Tahe rotỹnyrenyre Jesuisi rybe myna. Tahe ibutumy rexihurenyre anarỹỹ-ò.

¹⁴ Kia txu rimyreu tahe Jesuisi nade taerydõyña waðinatxi reurð-wana byremy ronyrenykremy. ¹⁵ Tii tamyreny rarybere: —Jiarỹ awanareny ariroxikemy watxiwãhãre. Karibi dori warubuna-ò arakre. ¹⁶ Inatyhymy ararybekre: —Jiarỹ konanamy alyreny-ki ariroxikre. Ixyby ta Deuxu Iòlònakile tahe rikiroxyrenykre. ¹⁷ Tahe vỹ mona hyna rimyre, rexitõenyre, tahe tamyreny riwahinyre. Ibutumy ibute bute iribi tuu riõrenyre. ¹⁸ Inatyhymy ararybekre: —Tiu ixyby tuu ariõõtyhy Deuxu Iòlòna-ki kotyre. ¹⁹ Tiiboho riroxyrieri, Jesuisi orotxu rimyreu, raorore, rexitõenyre, tahe tamyreny riwahinyre. Rarybere: —Ahãxe, kia heka waumy wese rare. Iu biroxykeu, warubuna-di mohõtinybenykemy. ²⁰ Biõbenyke! Kaa dori wahãlubu wesemy ratxireri. Tahe tamy riwahinyre riõrenykemy. Tai sõwemy iny ròhõnyke biu-ò hena-ò ibutumy òraruna ixãwididõyñmy. Tuu ròhõnyra. Kia heka wadewimy iny Deuxu-wana ratxiinyhỹre, wahãlubu òraru-ki. ²¹ Boholabeny inihe watyhedõyñdu inykyrenykile ronyre. ²² Iwese tyyriti-ki roire wese heka arurukremy, Deuxu Riðre, Hãbutyhyhykỹ, jiarỹ wahe. Kobe lãhãxe watyhedõyñdu. ²³ Tiiboho tahe widee rarybere: —Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyreny? ²⁵ Tahe Jesuisi tamyreny rarybere: —Kabede iòlò mahãduy-ki iruru dire. Bede dinodu tahe iny rininire: Iny biòwa. ²⁶ Tahe alyreny-ki kawese aõkõ ihỹre. Inihikỹtyhy inyõ ratxikeki, tii inyuhe

deòdumy ratxikre. ²⁷ Tibo inytyhy rare? Roxidu mahādu ada deòdu mahādu? Roxidu mahādu, aōhe inatyhy? Jiarỹ tahe ayreny-ki deòdu wesemy jiarỹ rare. ²⁸ Kaiboho heka wawanahyy atxitenyte aōhōkỹmy ratỹñnymyhỹreu. ²⁹ Tai tahe adee ruruna ariwahinykre. Iwese Waha wadee riwahinyre wese, adee ariwahinykre. ³⁰ Waiòlòna-ki kaiboho wawana biroxi benykre, biò benykre. Tule rynana wiwihikỹ tyre-ki rỹdu mahādumy bony benykre. Israeli iny mahādu heka kaiboho biò bitiny benykre, ibutumy judeu mahādu wahe.

³¹ Jesuisi ijō rarybere: —Simaō, Simaō, wadee boholatyhyke. Satanasi aauri-hirenykemy wadee rexitòenyre. Tahe adeereny kanake aaurihidỹmy. ³² Dori rexitòeny myhỹre, Simaō, kai bityhynyhykemy. Wadee bòdòdòsekeu, abiòwa mahādu biwiòhenanyke. ³³ Tahe Pedro diwyònyde: —Awanahyy arakre, wanyrỹ, arurukre hāre, ròtenawo-ò arakre hāre. ³⁴ Jesuisi tamy rarybere: —Pedro, kai biwatxiònyke, hānie hābu rryrkòule biwatxiònyke inataōmy.

³⁵ Jesuisi tamyreny rỹraxire: —Juhu arateònyrenyreu anieruhynakōmy, asaurenkōmy, awarenyōmy, adeereny aōbo aō rasiranyre? Tiiboho dirawyòmy: —Aōkō, aō rasiranyōhyre. ³⁶ Tahe Jesuisi narybere: —Wiji tahe txibo inyō inieruhynadikeki, saudikeki, biwykre. Txibo inyō imayrehedikōkeki tayhyitxena-di rohonykre iòwy-di tahe tii riòbranykremy. ³⁷ Kamy dori Deuxu rybe tyyriti-ki roire: —Òbitikōmy nodu mahādu-wana tii rỹire.

Ibutumy timybo tyyriti wamy rarybere heka rỹikre. ³⁸ Tamy ierydỹña mahādu rarybere: —Wanyrỹ, kaa inatxi mayrehe rỹire. Tahe Jesuisi rỹire rarybere: —Awire kia.

³⁹ Tahe Oliveira hāwālò-ò roirenyre, taerydỹña mahādu-wana. ⁴⁰ Tiiboho kowa-ò rehemynyreu, Jesuisi rarybere: Bexitòenyke! Tai tahe òraruna-txi beseòke. ⁴¹ Tahe iko-txi urihimyo rareu, taowotimy resemu. Rexitòenyre: ⁴² —Waha, adee arexitòenykre. Ade awikeki, aōhōkỹmy dỹñnana waribi biixāwidỹnyke. Tahe adeewikomykre, wadeewi ta aōkōre. ⁴³ Ÿjuō tamy nade biu-ribi tamy ruru riwahinyre. ⁴⁴ Sōwemy tahe rexitòenyre, iòsana-ribi resere bee wahe. Hālubu wese heka ihỹre resereri bede-ò. ⁴⁵ Tii rehemynyre tai rahare rōrōrenymy roireriò. Tiiboho ele risarennyre sōwemy rabadeworenyreki. ⁴⁶ Tamyreny rarybere: —Aōherekibo taròtenyteri? Biijebenkykre, bexitòenykre.

⁴⁷ Tii rarybereri, aōwesele Judasi nade. Tii-wana doide hābu mahādu. ⁴⁸ Jesuisi rarybere Judasi-ò: —Judasi, Deuxu Riòre bityhenykre aōbo, jiarỹ hābutyhyhykỹ wahe? Waòbuò-di aōbo biwatyhenykre? ⁴⁹ Jesuisi erydỹña mahādu tuu robireu, tamy rarybere: —Iny mayrehe-di araòbinanyrenykre, Wanyrỹ. ⁵⁰ Kia ijoiò mayrehe ritare tahe Deuxu aòmysỹdỹñdu wedu deòdu nohōti riorore. ⁵¹ Tahe Jesuisi rarybere: —Ixāwike. Tahe hābu nohōti riteytenyre. ⁵² Tahe Jesuisi dirawyònyde tamyreny, Xiwe wahidỹñdu mahādu-ò, dohodỹña heto itxedu wedu-ò, matuari mahādu-ò: —Kaiboho mayrehe-di, òhòte-di tiwaòrytenyteri jiarỹ wasiduòrissy wese. ⁵³ Jiarỹ tahe dohodỹña heto-ki watximyhỹ txuò txuòlemy adeereny anaerynanymahādenyde. Kowa-ki heka tiwamyòlemyhỹtenynte. Kia heka bededỹñnana rexihure. Bede luru ruru roirerimy. Tahe aōbo iritina-ki rỹireri, kia heka kỹnyikremy.

⁵⁴ Xiwena wahidỹñdu mahādu dinodutyhy-ò wedu-ò tiiboho Jesuisi ridyrenyre. Pedro riheludunyre ireheriòremy. ⁵⁵ Rehemynyreu tai Pedro ixitòteenymy heòtywera-ò ronyre heto itxeredu mahādu-wana. ⁵⁶ Pedro ratximyhỹ-ò tahe deòduò rehemynyre, ijadòma wahe. Pedro-di ijadòma retehemu ta rarybere: —Tii tule Jesuisi Nazareludu-wana ratximyhỹre. ⁵⁷ Tahe tii rexitxiònyre: —Jiarỹ reeryòre aomyboho kai tarybeteri. ⁵⁸ Ixybyle kowa ijoiò Pedro-ò rarybera: —Inatyhymy kai ijō mahāduleò tate. Tii inatyhytyhyrybemy rarybera: —Jiarỹ reerykòre hābumy tarybetenyteri. ⁵⁹ Ijō òrau tahe ijō rarybere: —Inatyhy rare kai Jesuisi-wana ahāte, Kalileia mahāduòreki. ⁶⁰ Tahe Pedro rarybere: —Hābu, reeryòre aomybo tarybeteri! Tahe hānie hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bedexitxiònykre. ⁶² Pedro tahe iribi rexitareu, ixidee iky reamy rahinyre.

⁶³ Tahe hābu mahādu Jesuisi rihetenymy, rilahirenymyhÿre. ⁶⁴⁻⁶⁵ Tiiboho riruehetynymy rihetenymy idi ritÿÿraxinymyhÿre: —Mowe arahātenyra. Idi tahe sōwemy idi risinymyhÿreny.

⁶⁶ Rudile tahe judeu wedu mahādu ributunyre xiwena wahidÿÿna mahādu-wana. Jesuisi ridyrenykemy raryberenyre dohodÿÿna mahādu-ò. ⁶⁷ Tamy ritÿÿraxinyre: —Kai aōbo Kristu tate, Deuxu Riðretyhy. Jesuisi rarybera: —Jiarÿ heka kohemy ararybekeki, kaiboho biwatyhynyðtyhy. ⁶⁸ Adeereny arÿÿraxikeki, kaiboho biwawyðnybenyðtyhy. ⁶⁹ Kaiboho bierybenykre

Deuxu Riðre heka jiarÿ rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aōbo Deuxu Riðre tate? Tii rirawyðnyre: —Iwese kaiboho tarybetenyteri wese jiarÿ inatyhy rare. ⁷¹ Tahe tiiboho raryberenyre: —Inyð irybe-ò ijohoke heka aōkōre, inybohōle dori tuu roholarenyre.

23

¹ Kia iny ka ibutumy Jesuisi ridyrenyre Pilato-ò, bede dinodu-ò wahe. ² Idi tahe aōbina binahakÿmy tuu raryberenyre: —Kahābu heka bede rijeijeinyreri iðlòmÿ ijoi radònykemy. Iribi iðlò-ò òwydÿÿ rÿiðmyhÿkemy rarybere. Ihāreta Deuxu Deòdÿÿnamy raremy idi iðlòmÿ rexininimyhÿre. ³ Tahe Pilato rÿÿraxire Jesuisi-ò: —Inatyhywe kai Deuxu mahādu iðlòtyhy tate? Tai tahe Jesuisi riwyðnyre: —Kai tuu tarybeteri, Wanyrÿ. ⁴ Tai tahe Pilato rarybere xiwe wahidÿÿdu mahādu dinodu-ò, tule inysōwe mahādu-ò: —Timyki kahābu aōhōkÿmy wasÿdÿÿōna, aōō bina dori riwinyōlere. ⁵ Tai ixyby idi risÿnyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rotÿÿnyre. ⁶ Taita Pilato rÿÿraxire: —Tii aōbohe Kalileia mahāduō ratxireri? ⁷ —Tii Kalileia mahādu rare. Kia Pilato rieryre, Herodi-ò riteðnykemy rexinohòtynyre. Tii kia dinodureki. Ihāreta Herodi Jerusalē hāwā-ki iu ratximyhÿ.

⁸ Herodi Jesuisi robireu heka reysare. Jesusimy robikemy riwisÿnymyhÿre sōwemy. Idi tahe tuu robireke, reòsare. Tai tahe reysare. Ini-ò roholahyymyhÿre. Tule aōwihikÿ witxira riwinykemy idi riwisÿnymyhÿre. ⁹ Idi tahe Herodi sōwemy rÿÿraximyhÿre. Jesuisi tahe rirawyðnyðhyre. ¹⁰ Aōbo xiwena wahidÿÿdu mahādu wedu, tule bede ywina erÿdÿÿdu mahādu sōwemy aōna aōna binamy tuu raryberenyre. ¹¹ Herodi tasoldado-wana tuu raðhòtemy idi risinymyhÿreny. Tyywihikÿ-di rirahananyrenyre. Iribi riðkesedÿÿnyre Pilato-ò. ¹² Juhuu heka Herodi Pilato òludumy widi raremyhÿ. Kia txule tahe widee rowoixirenyre.

¹³ Idi tahe Pilato tahe ibutumy xiwena wahidÿÿdu wedu, tule matuari mahādu tule ijō iny mahādu ributunyrenyre. ¹⁴ Tamyreny rarybere: —Kaiboho heka wadee tedytenyteri bede jei jeiwidÿÿdumy tuu tarybetenyte tebutenyteri heka. Jiarÿ akoreny-ò retÿÿraxinyre idi aōhe tai ibinamy rahaōhyre. ¹⁵ Tule iðlò Herodi tai ibinamy rahaōhyre. Tai diðkesedÿÿnyde. Tai iurenana ta aōhereki timyki irubuōna. ¹⁶ Urile raðhòtedÿÿkemy bede reywinyre idi ta ixinamy rakre. ¹⁷ Kiemy dori worana bedehesiu, ròtena-ribi inyō heka rōhònymyhÿke. ¹⁸⁻¹⁹ Sōwemy iny heka rirajuare: —Aōkōre uritere ta Baraba biteðnyke. Kia hābu urile ruruke. (Baraba inyrubudÿÿdure. Bede jei jeidÿÿ-ki heka ròtena-ò ralore.) ²⁰ Tai Pilato Jesuisi òlòdÿÿmy riwisÿnymyhÿ tai ixyby rarybere: —Aōkōre Jesusile ariteðnykre. ²¹ Sōwemy iny ixyby rryre: —Aōkōre, itxè-ki bitamadÿÿnyke! ²² Tahe Pilato tainatāōnamy narybede: —Aōherewe, aōwe tii ibinamy riwinyre. Aōheka tai ibinaōhyreri rubu-ò rawahikemy. Òhòteòle ta arawahinykre idi ariteðnykre. ²³ Ihāre ta iny sōwe mahādu ire rirajuamyhÿrenyre itxè nihikÿ-ò rurukemy. Ixieryta iryreny-ò roholare idi tukremy. ²⁴ Iu Pilato heka Jesuisi riwahinyre rubu-ò tumyna rexitènymyhÿrenymy. ²⁵ Ijō hābuō ta ròtenawo-ribi riòlòdÿÿnyre, iixitèdÿÿreny myna wahe. Tii hābu aleerydu rare, tahe bede jei jeidÿÿdu tule. Iwana ta Jesuisi rawahire irybemynarenymy aōhebo rotÿÿnykremy.

²⁶ Tahe Jesuisi ridyreny. Ryki tahe hãbuõ iutedereny-ò nade, Simaõ inire, Sireni hãwã ludu wahe. Nohõtiõlemy ta ityre itxeò nihikỹ ritidirenyre, iherenymy idi kanakremy.

²⁷ Sõwemy ihemy nodu sõwe. Iy-ki hãwyy mahãdu Jesuisi-di robumyhỹreny. ²⁸ Tii tahe tamyreny rexiðkesemy narybede: —Jerusalẽ hãwã ludu hãwyy mahãdu! Ixirahi bobubenyke ariðre rahi tule warahi ta aõkõre. ²⁹ Tiutxumybo bexirybenybenykre: —Hãwyyky bedekòby heka raritxòrenykorẽ mahãdu rare, tohokuã ritònykorẽ mahãdu tiku kuladu-di tarukikorẽ mahãdu. ³⁰ Tiutxumybo

bexirybenybenykre hãwãlò-ò: —Watyreny bedeseke tule hãwãlò riðre-ò bexirybenybenykre: —Biwawòbenykre.

³¹ Wiji kawesemyhỹre hee itukure hãre. Timykrebo tahe hee irubukreu.

³² Ihãre tasỹse iny inatxi hãbu òbitimy nodu aõkõ ridyreny Jesuisi-wana rurenymy.

³³ Tahe hãwãlò riðre-ò ratitybmy ninadu-ò ritehemynyreny. Tahe tii-wana inatxi wasidu itxeò nihikỹ-ò rilamadỹnyreny. Ijõ ruruweribi-ò ijõ hyweweribi-ò. ³⁴ —Waha, idireny bexiruxetòenyke rieryõhyreny dori aõmybo rotodỹnyreri.

Tai tahe ityy wimy ritxuatxukremy dado-di rehumyhỹreny tibo iwydydukremy.

³⁵ Iny retehemy rỹimyhỹ taile wahe. Judeu wedu mahãdu tule Jesuisimy rarybere: —Tii iny sõwemy rihedỹnyre, kia aõherekibo tii rexitaõreri rubu-ribi, tii Deuxu deòdỹna rarehãre. ³⁶ Tule soldado mahãdu rarybere aõbina binahakỹlemy. Diwyde tii aõna ta iny kremy rirahòreny tamy idi reare rijeny: ³⁷ —Kai inatyhymy judeu mahãdu iòlòmỹ atxiteri wana heka kaa bexitakre iribi. ³⁸ Itxeò ratya-ki tahe aõma timy roire tyyritidỹna.

—Kaa Heka judeu Mahãdu Iòlò Rare.

³⁹ Ijõ heka rarybereri Jesuisibire-ki roireriõle tamy rarybereri: —Deuxu deòdỹna tateki, bexitake tule biwatabenyke. ⁴⁰ —Wy, Deuxu lau taberuõlemahãte aõbo tule dori iny aõhòkỹmy rokotỹnykrelemy iny roireri. ⁴¹ Lòwudu tamy rarybereri: —Iny heka rurureri, aõbina binahakỹ iny riwinyre òraru-ki. Iny rurureri. Kaa hãbu rỹire tiu aõbina riwinyõhykre. ⁴² Jesuisi-ò rarybere: —Jesuisi, watxi õhõti beakre Iòlòmỹ bonykre. ⁴³ Jesuisi tamy rarybere: —Wijile heka biu-ò heka rakakre.

⁴⁴⁻⁴⁵ Txutyemy bede roronyre idi txioro txu rehehekỹ-ò bede tuu rỹire. Inataõ òramy bede rybnyre, rỹire. Heto-ki rahanaheridu urile raykare templo-ki wahe. ⁴⁶ Tahe Jesuisi rirajuare: —Waha, watyytyby adee rawahinyreri. Iu irybe rexihureu rurure. ⁴⁷ Soldado mahãdu wedu tuu robire kia aõhebo rotỹnara tuu rarybere: —Kia inatyhymy hãbu òbitityhy rare. ⁴⁸ Ibutumy iny kia robire Jesuisi rubu-ò rahinymy ròðsere rexihetenyrenymy tabreti-ò. ⁴⁹ Ibutumy tii mahãdumy ratximyhỹre iribi ireheriðremy rexijemyhỹ.

⁵⁰⁻⁵¹ Tii judeu bede mahãduõ rare. Jyjemy inire. Tahe Kristu rubuna-ki awimy rahaõhỹre tajoi mahãdu-ribi. Tii dori Deuxu Iòlõna riraðmyhỹre. Ihãwã Arimatea inire. ⁵² Tai ta rare ixitòedỹmy Pilato-ò, Jesuisi umy kidiwahinykremy. ⁵³⁻⁵⁴ Tai tahe ritare itxeò-ribi tyy ura nihikỹ-di tyy-di ritýtetyteny. Manawabedewo-ò ritidire. Tai tiu iny rahãloonaõmyhỹre. Aõma judeu mahãdu elehyna txu wahe ixiywidỹnatxumy txu rỹireu heka aõma worana bedehesi txu. ⁵⁵ Hãwyy mahãdu Kalileia-ribi Jesuisi-wana. Tiibohe doide Jyje-wana Jesuisi hãloo-ò itxeremy. ⁵⁶ Tahe timybo roimyhỹ riòtudunreny. Dòðsedenyde iribi aderõna lỹnyre ywidỹmy iumy tỹnyrenamy.

Kia rexielhynyreny sabado txu bede ywidỹna myna-di.

24

¹ Juhu txu semana bededỹnanau txuu deadeu hãwyy roire wabede-ò. Tiibohe riwyre lỹnyrena. ²⁻³ Rehemynyrenyreu, mana nihikỹ tahe ijò-ribi ratamy rỹire. Tahe ralòrenyreu, Jesuisiumy ihoõhyre. ⁴ Wabede-ò rirònyrenyreu, robirenyre inatxi hãbu. Ityy urahakỹmy ronymyhỹre tai. ⁵ Tahe tiibohe bede riòtiinyreny idi tabrebu-di suò

resereny. Ýjyõ tamyreny rarybere: ⁶ —Iny irumy kaiboho teijeteri kaki wabede-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bedeki: ⁷ —Inyõ riwawahinykre inybina-ò Deuxu Riòre Hãbutyhyhykỹ. Itxeòtyre-ki arỹikre tai arurukre. Inataõ txu-di tahe rubu-ribi arexixakre. ⁸ Tahe hãwyy irybe-di rõhõtinyreny. ⁹ Wabede-ribi rajaranyreny Jesuisi erydỹõna mahãdu-ò ijyymy. ¹⁰ Kia tiibohore: —Marie Madalena, Joana, Marie Txiause. Ijõ hãwyy tule tii-wana roireny. ¹¹ Iu tamy relyyreu, rityhynyõlereny. ¹² Pedro tahe rỹimy reare idi rajaranyre wabede-ò. Urile tykylemy robire tahe dõðsede, rexiõtiinyre.

¹³ Itxuleu ta iny inatxi hãbu Jesuisi tyhydỹõdu mahãdu tahe roirenyre Emau hãwã-ò. Jerusalẽ hãwã-ribi txibo 10 km wese irehere. ¹⁴ Ibutumy aõhebo rotỹõnyramy wiko relymy rõimyhỹre. ¹⁵ Iuleta Jesuisi tamyreny dehemynyde idi tiiboho-wana roire. ¹⁶ Tiiboho tuu robirehãre timykibo rierykõhykyreny. ¹⁷ Tahe Jesuisi rõtỹõraxire: —Aõmywe widee tarybetenyteri. ¹⁸ Iijõreny Klopamy nidu narybede: —Kai sohojilewe Jerusalẽ-ki aõhebo bedeki rỹira teerykõte. ¹⁹ Tii dotỹõraxide: —Aõherabo ta. Tiiboho tuu relyre: —Jesuisi Nazare ludu kie. Tii Deuxumy rybedu nihikỹ heka rare, Deuxu-ò dori ibutu iny-ò heka rybe-ki aõni heka aõmywidỹõ-ki heka ihỹõna rare. ²⁰ Waxiwenareny wahidỹõdu wedu tahe wadinodurenny itxeò nihikỹ-ò rurukremy riwahinyreny. ²¹ Tule judeu mahãdu tarasadukresõna raholarenny. Ihãreta tukõlemyta inataõ txumy rubu-ki bedeki rỹira. ²² Bederaras-ò-di wajioireny hãwyyõ ihãloo-ò roire. ²³ Tai itxi rekoahyyre. Dõðsedenydeki tahe Ýjymy riki robirenyremy delyydenyde. Tii Jesuisi rubu-ribi rexixamy tamyreny rarybere riki. ²⁴ Wajioirenyõ tule ihãloo-ò roireny. Inatyhy rikihe rare. Urileta riki Jesusimy robiõreny. ²⁵ Tahe Jesuisi tyhy Klopaboho-ò narybede: —Aõherewexe Deuxu Rybedu mahãdu rybe awo-ki teximytentyteri tetyhynykõtenyteriki wahe. ²⁶ Kialemy dori Kristu dori aõna aõnamy rotỹõnykremy tai Deuxu riwowydnykremy. ²⁷ Tahe Jesuisi rexideleny aõbo rybe ritina roiremy. Moisesi ryberiti juhuumy ritõnynnyre. Timybo Deuxu rybe ritidỹõdu raremy. Tiiemy heka iximyhyye rarybere. ²⁸ Ibutumy tamy relyhyre ramyhỹrehy tahe ritehemyny Emau hãwã-ò, tai inatxi hãbu rarikreõ wahe. Tahe Jesuisi rarybere: —Aõkõ arexinoranykre. ²⁹ Tai ta tamy ihãrele rarybemyhỹre: —Txioinihe bodonyke kakile. Aõma bedeki ratxinyra ratxioronytyhyra. Taile tiiboho-wana rare ihetorenny-ò. ³⁰ Rorukurenny riroxirenykremy. Tahe Jesuisi orotxu rimyre rexitõdeny Deuxu-ò. Tahe orotxu riororiorore imynarenny. ³¹ Iu tahe aõwesele rierymy reare Jesuisi. Tai iruereny raraymy rieryrenny. Tahe aõwesele iõmy iribi renny reare. ³² Tai widee rarybereny kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijõ diwyõnyde: —Kohe jiarỹ tulere. ³³ Iribi tahe ritamanyrenny. Diððsedenyde icyby Jerusalẽ hãwã-ò. Tiu waõsohoji reurõ erydỹõna itxi rekoarenny. Tai tiiboho narybedenyde: ³⁴ Inynyrõrennyhe rexixara. Pedro heka tuu robira: ³⁵ —Jiarỹboho tulerenyra wawanale rõirenyra rydi. Tule wadereny orotxu riyreyrenny. Taile reeryrenny.

³⁶ Iu kiamy relymyhỹrele, Jesuisi dehemynny deade ityarenny-txi. Riryberenyre ibutumy: —Ywina heka akirenyke! ³⁷ Ibutumy ruberurenny ilau. Urile raresõny tamy raholarenny. ³⁸ Jesuisi rarybere: —Aõhebo taberutenyteri. Breburennyõmyke hewa biwatyhynybenyke. ³⁹ Jiarỹle ratxireri. Wadeb-ò-di bedetehebedenyke, wawa-ò tule. Jiarỹ karare wadee inihe bideribedeny. Jiarỹ uni aõkõ watxireri. Uni dori idedire aõkõ wawese aõkõre bedetehebedeny inihe. ⁴⁰ Tai tahe tebõ wotõ mona, tawa wotõmona, riteðsinyre tamyrenny. ⁴¹ Ihãrele tahe rityhynyrennyõre, ibedesamy bedeki riõtinymyhỹrenny. Jesuisi tahe rexitõdeny tamyrenny aõ rirỹsõkemy. ⁴² Tamy riwahinyrenny utura wõsi deyreõ. ⁴³ Rirasõre ikorennyõle.

⁴⁴ Idi tamyrenny rarybere: —Aõma wawanale ratximahãre, õhõtirenny itxi reara. Aõma wawana atximahãtennyte juhuu. Ibutumy heka adeereny retõnynny rarybere aõmybo wamy rybe roimyhỹremy. Ibutumy heka Moisesi rybedu ritidỹõnaki iritina-ki roimyhỹre. Wiuna tule wamy riritinyre. ⁴⁵ Tai tahe ritõnynny õbitimny irakyrenny rirayrenny. ⁴⁶ Ihetxiu rybe wãhã aõma Deuxu Deodỹõna rurukre heka aõhõkõmy

rotỹnykremy. Ruru-ribi inataõ txu-di rexixakremy bede roire. ⁴⁷ Kaa rybe wihikỹ ritidỹna heka kaa Jerusalẽ bedeki robỹtỹkre ihãreta ibutumy iny iny kũkũmy bededemy robỹtỹkre. Kiamy heka ibutumy inydee marybebenykre. Iny riwatyhynymy rỹirakre heka ibutumy iõraru-ribi ariixãwididỹnyke. ⁴⁸ Tule terytenyteri ibutumy aõhebo rotỹnykremy. ⁴⁹ Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-ribi. Iribi tahe bõhõnykre karibi.

⁵⁰ Iribi tahe Jesuisi ridyrenyrene Betỹniary-õ. Tai tahe rilãhãnyrenyrene tuu tamy rexitõnyrenyrene ibutumy tamyreny. Tamy rexitõnyrenyrene heka ilãhãnamy tamy rexitõnyrene biutxile ire rexidymy ramyhỹre ryanamy ramyhỹre. ⁵¹ Iu rilãhãnanyrenyrene, biu-õ rare. ⁵² Tamy rexitõnyrene aõma lãhãnamy, wowodynamy rexitõnyrenyrene Deuxu-õ. Tai riwowodynamyrenyrene. Teysa-di diõkesedenyde Jerusalẽ-õ ixyby. ⁵³ Tai tahe Deuxu dohodỹna heto-ki ixyby ixyby rowodynamyrenyrene.

Joaõ

Deuxu Rybe Wihikỹ Tỹmyra, Joaõ Tyyritidỹydu

¹⁻² Ibutu aõna aõnakõu, Jesuisi rarehyymy raremyhỹ. Tii rybehyy my raninira. Tii Deuxu-wana ihỹre. Ihãre tahe tii Deuxule rare. ³ Tii ibutuhukỹlemy riwinyre. Tiiõhyykeki tahe, aõ releõtyhy.

⁴ Umytuedeõna wahidỹydu tii ihỹre kia-di iny mahãdu rayky ritoosõnomyhỹre ritỹnynomyhỹre wahe. Kia loosõna heka bedede luru ludu loosõna rare. ⁵ Bedede luru tỹnyna loosõna rare. Loosõna rõtamyhỹre, bedede luru tahe rõanodỹmyhỹre.

⁶ Deuxu teõduõ diteõnyde, Joaõ inire. ⁷ Tii loosõnamy rarybekremy nade. Kia rybe-di roholamyhỹreki, ibutummy iny rityhynyrenykyre. ⁸ Joaõ loosõna aõkõ rare. Urile tuu rarybekemy nade.

⁹ Jesuisi loosõnattyhy rare. Tii bedede-õ nadeu, ibutummy iny rayky ritoosõnyre. ¹⁰ Tii bedede-ki raremyhỹ, bedede widỹydu rare, ihãre tahe iny rieryõhyyre mobo tii ihỹre. ¹¹ Tasỹ mahãdu-õ dehemynyde, judeu mahãdu-õ wahe. Ihãre tahe ridyõhyyre, rityhynyõhyyre urile teramy reare. ¹² Iu inyõ Jesuisi rityhynomy ridyreu. Deuxu riõreõlemy risỹdỹnyre inimy rityhynyreki. Kia-õ tahe ruru tamy riwahinyre. ¹³ Kia ityhydỹydu tahe Deuxu-deewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyre.

¹⁴ Rybe tahe umyõ rimyre, demy rexiijenyre, inyyreny-ki rasỹnomyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre. ¹⁵ Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymy hỹ waribi juhuutyhy wahe. ¹⁶ Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde. ¹⁷ Deuxu bedede ywina tahe Moisesi õraru-ki nade inydeereny. Ruxetõenamy tahe inatyhyna Jesuisi Kristu õraru-ki nade. ¹⁸ Inyõ heka tiu Deuxummy robiõtyhy. Deuxuriõre delale heka itỹnydỹydu rare. Tuunattyhy-di taãxiõti-ki rimyre. Tiile iny-õ Deuxu ditỹnynde.

¹⁹ Judeu mahãdu Jerusalẽ-ribi xiwena wahidỹydu mahãduõ diteõnyde Joaõ dỹyrixidỹymy. Levita mahãduõ tule diteõnyde. Tahe roirenyre ritỹyrixinykemy mobo tii raremy. ²⁰ Tahe Joaõ-õ rỹyrixirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: —Jiarỹ Kristu Deuxu deõdỹyõna aõkõ jiarỹ rare. ²¹ Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyriõ wahe? Joaõ rarybere aõkõremy. ²² Tamy tahe ixityre raryberenyre: —Wakoreny bedelyyke mobo atxiterimy. Tai iny deõdỹydu mahãdu-õ arelyyrenykyre. Aõmybo iximy manarybeke? ²³ Tahe Joaõ rarybere: —Jiarỹ Isaia Deuxummy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywãhã. Inynyrỹ-õ ryõ biõbitinyke.

²⁴ Fariseu mahãdu-ribi kia mahãdu roirenyre. ²⁵ Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysenbenyteri? ²⁶ Joaõ dirawyõnyde: —Jiarỹ bedi iny reratysenbenyteri. Inyõ tahe ayrenykyle ratxireri. Tii tahe teeryõmahãtenyde. ²⁷ Tii wahewo-ribi kanakre. Jiarỹ raixỹrumy watxireri iwataana ese-ki, tii waratyreki. ²⁸ Kia ibutummy aõhebo rotỹnyre Betỹnia hãwã bedede-ki. Jordaõ bero kowa weribi ijã-ki ihỹre. Tai iule Joaõ iny riratysenbenomyhỹre.

²⁹ Txubiõwau tahe Jesuisi Joaõ-õ kedehemynykyre nade. Tahe rarybere: —Beteheke, kowa Deuxu budoeni naderi. Tii õraru-ribi iny ritakremynade. ³⁰ Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymy hỹ

waribi juhuure. Kia rarybereu tule jiarỹ tuurarybemaã. ³¹ Reeryõre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy. ³² Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-ò. Bòtde wesemy ityre-ò desede. ³³ Deuxu riwateònyre bedi iny ariratysebenykemy. Tahe riwateònyre tahe wadee rarybere: —Aõmy kai bobikre? Deuxu Tyytybytyhy rononym resekele inyõtyre-ò. Tii sohojile tahe Deuxu Tyytybytyhy-di iny riratysebenykre. ³⁴ Jiarỹ tuu rabire, tai tahe reeryre, tule taheka relyywãhãre, tii inatyhymy Deuxu Riõre raremy.

³⁵ Itxubiòwau tahe Joaõ taerydỹna inatxiò-wana raremyhỹ. ³⁶ Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi. ³⁷ Kia rybe-ò tiibohe roholareu, tahe ròirenyre Jesuisi riheludunyrenykemy. ³⁸ Jesuisi tahe tuu robire ihemy roirerimy. Tahe tamyreny rarybere: —Aõbo teijetenyteri. Tahe dirawyònyde: —Rabi (kia rybe tahe irybereny-ki, erydỹdu rare), titxibo kai tasỹnymahãte. ³⁹ Jesuisi rirawyònyre: —Bòdòibedenyke betehbenykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ. ⁴⁰ Joaõ rybe-ò ijohonaduò, Jesuisi helududỹduò, Andre rare. Tii Simaõ Pedro seriõre rare. ⁴¹ Andre tahe taseriõre Simaõ aõwesele rioryre. Tahe tamy rarybere: —Mesia-ki inybohe rahamy ratximyhỹreny. (Ka rybe, Mesia, heka. Kristumy rare, Deuxu deòdỹna rare.) ⁴² Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy rarybere: —Kai Simaõ tate, Joaõ riõrere. Iribi tahe ani Sefamy rarekre (Kani heka Pedro rare.)

⁴³ Itxubiòwau Jesuisi Kalileia-ò rakremy ixi-di rõhõtinyre. Tahe Filipi riijere. Tamy rarybere: —Wahemy manakekõ aõbo. ⁴⁴ (Filipi tahe Besaida hãwã luduò rare Pedro, Andre-wana ihãwãluduõle rare.) ⁴⁵ Filipi tahe Natanaeli witxi reare. Tamy rarybere: —Moisesi bede ywina tyyriti-ki inyõmy rarybere: —Tule Deuxu dee rybedu tyyriti-ki rarybere. Taile rahare. Jesuisi ihỹre. Nazare hãwã luduò rare. Jyje riõre rare. ⁴⁶ Tahe Natanaeli ritỹraxyre: —Aõwihikỹ aõkãbo Nazare hãwã-ribe kaddhònykre. Filipi rirawyònyre: —Manake betehkemy. ⁴⁷ Jesuisi Natanaelimy robire naderimy tahe tuu rarybere: —Kowa judeu mahãduò inatyhy rare. Tii hãbu òbiti rare. ⁴⁸ Tahe Natanaeli rarybere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysomy raõreule, umy rabire. ⁴⁹ Natanaeli rimasajuamy rirawyònyre: —Kai Deuxu Riõre tate Inyerydỹdu tate. Kai judeu mahãdu Iòlò tate. ⁵⁰ Jiarỹ adee rarybera: —Figueiraòra-ki umy rabireki. Kiakile aõbo, tiwatyhynyteri. Iratyre aõna aõna wiwihikỹ adee ariteòsinykre. ⁵¹ Inatyhytyhymy adee araybekre: —Biuwetyy riranykre. Jiarỹ biuloosòna hãbu jiarỹ rare. Ýjuboho Deuxu-ribe wadee doideò kai bobikre. Idi waribi roireò bobikre.

2

¹ Inataõ txu-di tỹmyra herina txumy reare. Kana hãwã-ki Kalileia bede-ki. Jesuisise tai ratximyhỹre. ² Jesuisi tule ritobinyre tamy rakremy taerydỹna mahãdu-wana. ³ Lisinaube tya-ki vỹ mona ituere. Tai Jesuisise Jesuisi-ò rarybere: —Vỹ mona ituere, imona kõre. ⁴ Jesuisi rarybere: —Nadi, aõhebo arotỹnykre. Aõka wawidỹkõna wabededỹnanamy aõkõka bede rỹireri. ⁵ Tahe Jesuisise deòdu mahãdu-ò rarybere: —Anowidỹkỹmy adekereny tiki rarybekeki, ibutumy biwinybenyke. ⁶ Debòsohoji reurò mana butxi nihikỹ tai rỹimyhỹ judeu mahãdu ibe-di brebu òraru-ki aõna aõna risuhòmyhỹre worana bedehesinau. Mana butxi sohoji sohoji 80 urihixina ratyre rimyre. ⁷ Jesuisi tamyreny rarybere: —Ibutumy bedi bitỹxinybenyke. Tahe ibutumy ijã ratyre ritỹxinyreny. ⁸ Katahe iribi bitake. Worana bedehesi wedu-ò biwybenyke imona. Tahe riwreny. ⁹ Kia bee heka Jesuisi riwixiranyre vỹ monamy. Tahe iwedu riurihire, rieryõre tiribibo nade. Deòdu tahe rieryre juhuu bee rare. Tahe iwedu rarybere weryrybò heridu-ò: ¹⁰ —Katahe awityhyre. Kai ijõ-ribe iwixiratyhymy tewinyteri. Ijõ iny heka awityhy iko-ò ritxiwimyhỹ. Ihewomy tahe awiriõre ritxiwimyhỹre. Kai tahe awityhy ikonana-ò teyrubunyta. ¹¹ Katahe aõna aõna wiwihikỹ iny itxerenamy juhu ludu

rare. Kana hãwã-ki Kalileia bede-ki ihÿre. Tii tarurutere riteòsinymhÿre taerydÿÿna mahãdu-ò. Tai ierydÿÿna mahãdu rityhynyre.

¹² Iribi tahe Kafanaò hãwã-ò Jesuisi dobehede tadi, taseriòre, taerydÿÿna mahãdu tii-wana roirenyre. Ijõtsumy tahe tai bede tÿnyna rÿira.

¹³ Pascoa worana bedehesi iòhòmÿ rÿireu, Jerusalẽ rotuore kia tahe judeu mahãdu worana bedehesina rare. ¹⁴ Tai Jesuisi Deuxu dohodÿÿna hetowo-ò ralore. Tahe iwo-ki itxi reare sòwemy aõna aõna-di rohonyrerìò, broreni-di ijohodu-txi, budoeni-di ijohodu-txi, bòtòde-di ijohodu-txi, tule nieru wixira wixira wibydyÿÿdu mahãdu-txi reare tai rononymhÿki. ¹⁵ Jesuisi reroti awaru hãtena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydyÿÿdu mahãdu oworubesedÿÿ-di Jesuisi rehure, tai nieru rejuxunyre. ¹⁶ Tahe rare bòtòde-di ijohodu-ò. Tamy rarybere: —Biòlòdÿÿnyke wa. Waha heto dori aõ-di ijohona aõkò rare. ¹⁷ Tahe Jesuisi erydÿÿna mahãdu tòhòti-txi reare aõbo Deuxu Tyyriti-ki roiretxi: —Waha heto yrubudÿÿna-ki dori riwasamhÿre. Ariyubunykemy dori watxireri, tai riwasareri.

¹⁸ Judeu mahãdu Jesuisi-ò rÿÿraxire: —Aõherekibo kai teòlòdÿÿnyteri. Mobo he arateranyreri tuu biwinykemy. ¹⁹ Tahe Jesuisi rirawyònyre: —Deuxusÿ-di behuke tahe inataò txu-di aditamadÿÿnyke. ²⁰ Tahe judeu mahãdu rarybere: —Ka heto 46 beòra-di relere, timykibo kai inatãò txu-di biwinykemy. ²¹ Jesuisi tahe Deuxusÿmy taumylemy rarybere. ²² Iribi tahe iu rubu-ribi iixixana-txi tòhòtirenÿ reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

²³ Jerusalẽ-ki Jesuisi Pascoa worana bedehesidÿÿna riwyre. Aõna aõna wiwihikÿ inyy-ki ritxienÿre riwinyre. Tai sòwemy iny inityhy rityhynyre. ²⁴ Jesuisi tahe urihimÿòle iny rityhynyre. ²⁵ Tii dori ibutumy iny rayky rierymÿhÿre. Inyò timy iny raremy tiu tamy aõna relyyòtyhy tii ibutumy aõerydu rareki.

3

¹ Nikodema fariseu mahãduò rare. Tii judeu mahãdu weduò rare. ² Tii rudimy Jesuisi roramy rara. Tahe tamy rarybere: —Wanyrÿ, reeryrenÿre kai Deuxu-ribi erydÿÿdu tate. Inyò Deuxu-diòkeki tii aõ wiwihikÿ riwinyòtyhy. Iwese aõ wiwihikÿ kai tewinyte wese. ³ Tahe Jesuisi rirawyònyre: —Inatyhytyhymy adee ararybekre: —Inyò ixityre reakòkeki, tiu Deuxu òlònasÿmy robiòtyhy.

⁴ Nikodema rÿÿraxire: —Timykibo matuari ixityre reakemy. Timyrabo, ixyby tadiwo-ò iny ralòkeki aõbo ixyby iny raumynyke. ⁵ Tahe Jesuisi rirawyònyre. Inatyhytyhymy rarybere. Inyò bera-ribi ratybienyòkeki Deuxu Tyytybytyhy-ribi ratybienyòkeki, tiu ralòòtyhy Deuxu òlòna-ò. ⁶ Deribi tybie heka dee rare. Deuxu Tyytybytyhy-ribi tybie tasÿ tyytyby rare. ⁷ Idi wanaòtaòmÿ aòmÿbo rarybereridi ixityre ijiranamy. ⁸ Tiò tiò yhy ribonymhÿre: —Iwodÿÿ taholate, tahe tiribibo namyhÿde teeryòmahãte tiòhe ramyhÿre teeryòte, kia wesele iny Deuxu Tyytybytyhy-ribi tybie iny rÿire. ⁹ Tahe Nikodema rÿÿraxire: —Timyrebohe kia ratxike. ¹⁰ Jesuisi dirawyònyde: —Kai judeu bede ersydÿÿdu tate ihãrele teeryòte aõbo. ¹¹ Inatyhytyhymy adee rarybere aòmÿbo reeryre, aòmÿbo rabire. Ihãrele tahe kia tetyhynyòte. ¹² Bede aòmÿdÿÿnanamy rarybere tahe tetyhynyòte. Timybo bityhynyke biu aòmÿdÿÿnanamy ararybekeki. ¹³ Iny sohojile biu-ò raòwònyre, Deuxu Riòre Hãbutyhyhykÿ rare. Tiile iribi juhu dobehede. (Tiile isÿre. Taile isÿ roire.) ¹⁴ Iwese Moisesi bederahy-ki womati hemylala ritamadÿÿnyre wese, Kiawesele jiarÿ, Deuxu Riòre Hãbutyhyhykÿ, wadi kidiwatamadÿÿnykre. ¹⁵ Tahe inyò wadi rityhynykeki, umytuedeòna tuu ritamy rÿihyy rakre.

¹⁶ Deuxu Riòre sohojihyyle rare. Deuxu bede ludu mahãdu ibutumy iluutyhyre. Tai tahe tariòre diteònyde iny rityhynykemy. Inyò tii rityhynyre-wana, umytueònahakÿ ritakre. Tii ruruòtyhy rubu bina bede-ò. ¹⁷ Deuxu taRiòre bede-ò diteònyde bede iny mahãdu tarasadumy rarekemy. Aõ iny ywisidÿÿna-ò rirutykemy aõkò. ¹⁸ Inyò rityhynymhÿreki, tii ywisidÿÿdu idi rehuòtyhy. Iny rityhynyòmÿhÿreki tiie aõhòkÿmy

dÿÿnana-txi riteònykremy Deuxu idi ratximyhÿre, tii dori Jesuisi rityhynyòhyymyhÿre, Deuxu Riðre dela wahe. ¹⁹ Ibinatyhymy iny aòmydÿÿnana bede bedemy rÿira, tai bede luru-ki rira tamy awira. Tuu loosòna nadeu, tamy ibinare. Tai tahe Deuxu riteònykemy idi ratximyhÿre. ²⁰ Inyò aòbinahakÿ rotÿÿnymyhÿre, loosòna dera heka tuu rÿira; loosòna-ò rehemynyòtyhy, rehemynyre-wana, iny taaòbina bina rierymyhÿre. ²¹ Iny tahe awiwihikÿle rotÿÿnymyhÿre-wana tii tahe loosòna-ò rehemynykremy rÿira, taaòmydÿÿnana dori Deuxudeewimy ririmyhÿre, ibutu iny rierykremy ririre.

²² Iribi tahe Jesuisi taerydÿÿna mahãdu-wana Judeia bede-ò ròirenyre. Tai heka bededÿÿnanaò riwre. Tiiboho iny ityhydÿÿdu mahãduò tai riratysebenyrenyre. ²³ Joaõ iribi iòhòmÿ ratxireri. Iny riratysebenymyhÿre. Tii Eno hãwã-ki Salì hãwã-ribi iòhòmÿ roire. Tai riratysebenyre sòwemy bee tai roimyhÿreki. Sòwemy iny tamy ratysebenymy rare. ²⁴ (Joaõ iu rotenamy ralòòlemy ratximyhÿ.) ²⁵ Judeu mahãduò, Joaõ erydÿÿna mahãdu-wana rybetere txiòdÿÿna ròhònÿra, bede ywina òbiti aòmydÿÿnanamy wahe. ²⁶ Tahe Joaõ erydÿÿna Joaõ-ò doidenyde rarybekremy: —Waerydÿÿdureny. Kai hãbumy telymy tatemahã, kia Jordaõ kanawe-ribi ijã-ki umy-wana raremyhÿ, tii ròraty-sebenyreri. Sòwemy iny tamy wirotÿre. ²⁷ Tahe Joaõ tamy rarybere: —Kia wadee awire aò aòkò iny ritamyhÿre, biu-ribi kanakékile tahe iny aò ritake. ²⁸ Jiarÿ heka Jesuisi nonanamy ijyymy diwateònyde wahewo-ribi kanakremy. Jiarÿ tii aòkò rare. Tii tahe Kristu tyhy rare. Jiarÿ kiamy juhoo rarybewãhãre: —Kia tahe teerytenyete. ²⁹ Inatyhymy tahe hãbumy heridu wesemy Jesuisi rare. Ibutumy iny tuu robikemy tamy wirotÿre. Ibiòwa weselemy jiarÿ rare. Tahe irybe-ò raholareu, reysamy rarewãhã. ³⁰ Tai wadee awire iny tii rieryreki, waribi tahe nohòti rosakemy idi watxiwãhãre.

³¹ Tii biujuxahakÿ-ribi nadeki ibutu ratyremy ratximyhÿre. Bede-ribi jiarÿ anadeki, tahe bede ludu jiarÿ rare, bede aòmydÿÿnanamy rarybewãhãre. ³² Tii rarybere aòmybo roholare, robire, tahe ijò iny rityhynyòhyre irybe. ³³ Inyò tahe rityhynykeki, tii tule ijò-ò rarybere, Deuxu inatyhy rare wahe. ³⁴ Deuxu deòdÿÿna heka irybelemy rarybere Deuxu dori Tatytybytyhy ibutumy tamy diwahinyde. ³⁵ Tyby taRiðre luure, tai tahe ibutu aòmydÿÿnana ywisidÿÿmy tamy diwahinymy diteònyde. ³⁶ Iny Jesuisi rityhynymyhÿreki, umytuedeònahakÿ-di iny rÿira. Inyò tamy ratxiòkeki, tiu umytuedeòna robiòtyhy, Deuxu ykarana dori tii-wana ratximyhÿre.

4

¹⁻⁴ Inyò fariseu mahãdu-ò rarybere: —Jesuisi Joaõ-ribi iny sòwemy diratysebenymyhÿde. Sòwemy iny ritamyhÿre ierydÿÿmy. Tahe Jesuisi aòkò ròraty-sebedÿÿmyhÿre, ierydÿÿnale tahe riratysebenymyhÿre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ò ritehemynykemy. Roirenyreu tahe Samaria bededihyyle riòhòrenyre. ⁵ Samaria bede hãwãò-ò tahe ritehemynyre. Sika inire. Ijaò riðresu-ribi iòhòmÿ ròira, tariðre Jyje-ò riwahinyre wahe. Ijaò behãloo tai rÿimyhÿ. ⁶ Txutyeyu tahe Jesuisi elerihynymy rononymhÿ tatilemy nadeki berysina werora-ki. ⁷ Tahe Samaria mahãdu hãwyyò dobehede beixemy. Jesuisi tamy rarybere: —Beò inihe wadee bidiòke. ⁸ Jesuisi erydÿÿna mahãdu tahe juhoo roirenyre hãwã-ò rÿsÿna itxemy. Tai Jesuisi riraòmÿ rononymhÿ. ⁹ Tahe hãwyy rarybere: —Kai judeu mahãdu tate, jikarÿ samaria mahãdu rare. Anoherekibo wadeke texitòenyteri bemo-momy. (Judeu mahãdu Samaria mahãdu-wana wiymy reaòhyymyhÿre. Widi òludu wesemy rare.) ¹⁰ Tahe Jesuisi rirawyònyre: —Kai heka teeryòhyyteri mobo jiarÿ rare wahe. Tule, Deuxu wahisidÿÿna teeryòte. Tiwaeryteriwana kai bedexitòenyke, tahe bee irumy ihÿre adee ariwahinyke. ¹¹ Hãwyy rarybere: —Wahì, timybo bee irumy ihÿre wadeke kanakre. Kai ahynakòre, hãloko heka behekyre bee irehere. Timybo bee iru kumy-wana ratxireri. ¹² Kai anobohe inytyby Ijaò ratyrere. Tiki heka behãloko wedu juhoku rare; idi riwahinyre inydekereny. Iribile iritxiðre riòmÿhÿre tiki-wana, ibroneni riòmÿhÿre. ¹³ Jesuisi tahe tarybetyhy-di rarybere: —Inyò kahãloobemy riòkeki, ixityre bemomomy ruruke. ¹⁴ Jiarÿ bee ariwahinyke. Inyò tahe kiabemy riòke-wana,

tiu bemy tamy umytuedeõnahakỹ riwahinyhyymyhỹre. ¹⁵ Tahe hãwyy rarybere: —Wahĩ bee tuedekõdu ikuny tuu kariõke. Tai kakò kanakõtyhy berysmy. ¹⁶ Tahe Jesuisi rarybere: —Maa hỹny, ahãbu biõryke, tahe manake. ¹⁷ Hãwyy dirawyõnyde: —Anokõre, wahãbukõre. Jesuisi rarybere: —Inatyhymy tarybeteri ahãbuõremy. ¹⁸ Kai heka iruyre ahãbu tate. Wijina tahe ahãbu aõkõ rare atỹhibiõwale wahe. Kia tahe inatyhymy tarybeteri. ¹⁹ Wahĩ, wiji tahe arakeryra, kai Deuxu rybeduõ tate. ²⁰ Wahareny Deuxumy reàlãmehỹre kahãwãlò-ki. Amahãdu anokõ, tamy tahe Jerusalẽ Deuxu deàlãna rare. ²¹ Tahe Jesuisi rarybere: —Lerỹ, warybe bityhynyke. Kanakre itxu kahãwãlò-ki aõkõ, Jerusalẽ-ki aõkõ Waha Deuxu deàlãna rarekre. ²² Kaiboho aõmybo tealãte teeryõtenynte. Jiarỹboho tahe aõmybo realãre, reeryrenyre, tarasana dori judeu mahãdu-ribi nade. ²³ Kia bededỹnany reara. Inyõ Waha Deuxu àlãnany ratximyhỹreki Deuxu Tytybytyhy-di, inatyhyna-di reàlãmehỹke. Tuu deàlãna mahãdu Deuxu rijjemyhỹre. ²⁴ Deuxu Tytyby rare: —Tai tahe tudealãnadu tatytyby-ki inatyhyna-ki tuu reàlãmehỹre. ²⁵ Kia tahe jikarỹ rekeryre, Mesia kanakre, Deuxu dekòdỹkỹnany wahe, Kristu inire. Tiki kanakreku wahe, ibutumy inydekereny anona anonamy relykykre. ²⁶ Jesuisi rarybere: —Jiarỹ tahe tiire, umy-wana wiji rarybereri wahe.

²⁷ Tahe Jesuisi erydỹna mahãdu rehemynyre. Hãwyy-wana rarybereriki tahe ribedeõtiidỹnyrenyre. Tahe inyõ tamy rỹraxiõhyre. Aõmybo tamy rỹraxire, ada aõherekibo tamy rarybereriki. ²⁸ Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere: ²⁹ —Bodoibedenyke wahemy. Betehebenykemy hãbu-kò. Tiki wakoku relykyre ibutumy anohebo ratỹkỹnymahãremy. Tiki kòsana Kristu ratxireri. Deuxu dekòdỹkỹna rare. ³⁰ Hãwã-ribi roirenyre Jesuisi-ò. ³¹ Iu hãwyy hãwã-ki rareamyhỹreu, tahe ierydỹna Jesuisi-ò rarybere: —Iny erydỹdureny rỹsỹnaõ birỹsỹke. ³² Tahe Jesuisi rarybere: —Warỹsỹnadire wahe. Kaiboho heka kia rỹsỹna teeryõtenynte. ³³ Tahe widee raryberenyre: —Inyõ kòaõboka tamy rỹsỹnaõ riwyreri. ³⁴ Jesuisi rarybere: —Wadeòdỹdu deewimy ariwinykemy idi watxireri. Kia tahe warỹsỹnare, iaõmysỹdỹna arihukemy wahe. ³⁵ Maixõmo butuna inaubiõwa ahãdu-di bidiõrarunybenykemy kaiboho tahõtinytenyteri. Tahe aõkõre adeereny ararybekre. Betehebenyke bedero-ò. Maixõmo redenamy rỹre. ³⁶ Kia maixõmo butudỹdu iõwy ritake, tahe umytuedeõnahakỹ-ò iny ributumy. Tahe wiwanale riwodeysanymyhỹre ibròdỹdu ibutumy-wana. ³⁷ Iwese inyõ rarybere wese, inatyhy rare. Ijõ tahe ibòròdỹdu rare. Iwitxira tahe ibutumy-wana rare. ³⁸ Jiarỹ kaiboho arateõnymahãre. Aõbo tebòrònyõtenynte tahe bibutumy. Juhuu inyõ raaõmysỹdỹre: —Kaiboho tahe iraty temytenynte.

³⁹ Tahe hãwyy òraru-ki sõwemy Samaria hãwã mahãdu rityhynyre. Hãwyy rarybere juhoo: —Tiki wakoku relykyre ibutumy anohebo ratỹkỹnymahãre walananonany relykyre. Kia rybe òraru-ki tahe rityhynyrenyre. ⁴⁰ Samaria hãwã mahãdu tahe Jesuisi-ò rexitõenyre tii-wana roirekemy. Tahe Jesuisi tii-wana inatxi txumy riwyre. ⁴¹ Sõwemy tahe rityhynyre Jesuisi Rybe òraru-ki. ⁴² Tahe hãwyy-ò rarybere. Wiji tahe arybe òraru-ki aõkõ retyhynyreri. Tamy tyhy-ò jiarỹle raholare, tahe reeryre tii bede iny tarasadu tyhymy raremy.

⁴³ Inatxitxu-di tahe Samaria-ribi rare Kalileia bede-ò. ⁴⁴ Jesuisile dori rarybere: —Deuxu rybeduõ uladumy ijirana bede-ki iny rityhynyõhyymyhỹ. Tiu tamy wowdynaõ riwahinyõtyhy. ⁴⁵ Kalileia mahãdu juhoo Jerusalẽ-ò tule roirenyre, worana bedehesi rỹimyhỹraõ. Ibutumy aõbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyre.

⁴⁶ Tahe ixityre Jesuisi rehemynyre Kana hãwã-ò. Juhoo tai bee riwitxiranyre wĩ monamy wahe. Bede dinodu aõmysỹdỹdu Kafanaõ-ki rasỹnyre. ⁴⁷ Jesuisi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesuisi-ò hãbu rarybere: —Manakekõ aõbo waheto-ò wariõre biteytekemy. ⁴⁸ Jesuisi rirawyõnyre: —Kaiboho bede aõmydỹnana wiwihikỹ tetehetenynteule tetyhynytenynte. ⁴⁹ Hãbu heka Jesuisi-ò rarybere: —Wanyrỹ, wylemy manake wariõre rurukreko-txi. ⁵⁰ Jesuisi rarybere:

—Bòðseke, ariðre dori awimy relera. ⁵¹ Tahe tii Jesuisi rybe rityhynyra tai ròðsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariðre reytera aheto-ò. ⁵² Hābu ritỹraxyre tiubo reytera. Tahe relyyre. Kaule, txutyeyu reytera. ⁵³ Jesuisi rarybereu, kiaule iriðre reytera. Hābu rieryre. Tai tahe idi ibutumy hābu sỹmahādu Jesuisi rityhynyre. ⁵⁴ Kia tahe Jesuisi inatxina aõna aõna wiwihikỹ iny itxeranamy riwinyre Kalileia bedeki.

5

¹ Iribi tahe judeu mahādu worana bedehesimy rỹimyhỹ. Tai tahe Jesuisi rare Jerusalẽ-ò. ² Hāwāy-ki tahe hāloo ibedỹ roimyhỹ budoeni ryijò iðhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwòtena ube iwerora-ki rỹire. ³ Sōwemy webinadu ube-ò wii rotyre, iny rueta ijõre, iny tiere ijõre, inytibina ijõre. ⁴ Tiiboho ýjuõ riraðmyhỹre. Ýju beð rerireu tahe raukỹre. Mobo juhu itxi resekeki tahe, tii reytemyhỹre. ⁵ Hābuõ 38 beðramy ibinamy roimy raremyhỹ. ⁶ Jesuisi tamy retere, rieryre tiwesebeðrabo ibinamy roimy rare myhỹ. Tahe tamy rarybere: — Kai aõbohe beytekekõ. ⁷ Hābu dirawyònyde: —Aõkõre Wanyrỹ, wawihedỹduõre. Bee rexiukỹnyrau, ijõ wako-ò ralðmyhỹre. ⁸ Jesuisi tamy rarybere: —Myikewa, abyre bimykẽ, mariake. ⁹ Aõwesele hābu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysdỹỹna txu aõkõ rare. ¹⁰ Tai tahe judeu mahāduõ tamy rarybere: —Abyre-di riraðmy, sabado txu dori òbiti aõkõ rareki. ¹¹ Tahe dirawyònyde: —Wadeytedỹỹdu wadee rarybere wabyre arimykemy. ¹² Tahe tamy rỹraxyre: —Mobo adee rarybere abyre bimykemy idi mariakemy. ¹³ Tahe hābu deytedu rieryõre mobo rare. Jesuisi dori dexitade iribi. Sōwemy iny tai rỹimyhỹ. ¹⁴ Deuxu dohodỹỹna heto-ki Jesuisi idi hābu-ki rahara. Tamy rarybere: —Kai teyteta, inatyhy. Tai tahe aðraruna biixāwidinyke, aõbinatyhy aõhe adee rotỹỹnyheny. ¹⁵ Hābu tahe rare. Judeu mahādu-ò rarybere, mobo teytedỹỹdu raremy, Jesuisi wahe. ¹⁶ Tai tahe judeu mahādu Jesuisi ibinamy rexidelenymy rarybere, sabado txuu kia riwinyreki. ¹⁷ Jesuisi tahe rarybere tamyreny: —Waha, Deuxu aõu raaõmysdỹỹre, jiarỹ tulere. ¹⁸ Tai tahe sōwemy irubudỹỹmy rurumyhỹre. Sabado txu bedeki ywina-ribi tii riwinyõre. Tule Jesuisi Deuxu wesemy rexioire, Wahamy dori rarybemyhỹreki.

¹⁹ Tai tahe Jesuisi tamyreny rarybere: —Jiarỹ ixi-di aõkõ aõmydỹỹnanamy ratỹỹnywāhāre aõbo Waha riwinyhỹre, jiarỹ tule rewinywāhāre iweselemy. ²⁰ Waha Deuxu dori waluure. Aõbo riwinyre wadee riteðsinyre, tai tahe aõruerahakỹtyhymybo bobibenykre, idi bedeki biðtiinybenykre. ²¹ Waha Deuxu dori rubu-ribi iny riixixanyhỹre. Tai tule jiarỹ iny areixixanyke ixideewikeki. ²²⁻²³ Ibutumy iny hitxidỹỹna Waha wadee tuu rarybera, tii dori iny rihitxidỹỹnyõtyhy. Jiarỹle tahe iny ywisidỹỹdumy aròhònykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateònyde. Tai inyõ riwawowydynyõkeki, tii Deuxu riwowydynyõreri. ²⁴ Inatyhytyhymy adeereny ararybekre. Inyõ warybe roholakeki, wateðdỹỹdu rityhynykeki, tii wijityhyle umytuedeõna ritake, ywisidỹỹduko-ò ròhònyõtyhy, rubu ryribi ròhònyre umy irumy ihỹre ryò iny ralðmyhỹre. ²⁵ Inatyhytyhymy adee arelyyke: —Bededỹỹnana-ki kòhòra, bededỹỹnanamy reare. Tahe rubu mahādu Deuxu Riðre rybe-ò roholakre. Roholamy rỹikeu tahe irumy rỹike. ²⁶ Tyby dori iumyõnanaõhyyre wese tule iRiðre rare. Umytuedeõna wedu rare. ²⁷ IRiðre heka hitxidỹỹna wedumy relere. Tii dori Deuxu Riðre Hābutyhyhỹkỹ tii rare, jiarỹ wahe. ²⁸ Bededỹỹnyõmy tahe bededỹỹnanamy he reare. Rubu mahādu wabedey-ki warybe-ò roholakre, tai iribi ròhònykre. ²⁹ Ibutumy aõwibo riwinyre mahādu kedexiakre umytuedeõnahakỹ-di. Kia ibinamy riwinyhỹre mahādu ywisidỹỹdu-ò rexixakre.

³⁰ Jiarỹ ixi-di aõkõ aõmydỹỹnanamy ratỹỹnywāhāre. Iwese Waha-ò raholare wese iny ywisidỹỹmy aròhònykre. Waywisidỹỹna heka òbiti rare. Wadee wimy aõkõ dori tuu watxiwāhāre. Waha wateðdudeewimy tuu watxiwāhāre. ³¹ Iximy ararybekeki,

inyõ riwatyhynyõtyhy. ³² Iwitxira heka tuu rarybereri wamy wahe. Reeryre inatyhy raremy. ³³ Kaiboho inywitxira teteõnytenyete. Joaõ ratysebedyõdu-ò rỹraxykemy ibutumy kia wamy rarybere inatyhy rare jiarỹ inatyhy rare. ³⁴ Iny wamy rarybemyhỹre, tahe jiarỹle kia reijeõhyymahãre inyle rieryõre wamy rybe, wahe. Tahe kiamy adee relyywhãre kaiboho ritamy rỹikemy. ³⁵ Joaõ tahe loosõna wesemy raremyhỹ. Tii urihimyò bededỹõnana ritoosõnomy raremyhỹwesemy tahe kaiboho atximahãtenyete. Idi urihimy-ò teysatenyete iloosõna-di, idi iribi kaiboho terarenyre. ³⁶ Jiarỹ Waha òraru-ki aõmydỹõnana wiwihikỹ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeòdu raremy riteòsinyre. ³⁷ Waha wadeòdu wamy tule relyyre. Kaiboho irybe-ò taholaõtenyete tule tii tabiõtenyeta. ³⁸ Kaiboho tamy taholaõhyymahãtenyete, tiwatyhynyõteki, jiarỹ dori iteòdỹõna rare. ³⁹ Tyyriti-ò tetehetenyete iwo-ki dori umytuedeõna-ki mahakemy tahõtinytenyete. Ritidỹõnakile wamy relyymyhỹre. ⁴⁰ Ihãrele tahe wadee taõmahãte adeereny umytuedeõna ariwahinykemy. ⁴¹⁻⁴² Aõmybo wamy iny rarybemahãkeki, aõ aõkõ rare wadee, jiarỹ dori reeryre Deuxu luuna-di aõkõ atxitenyeteri. ⁴³ Jiarỹ Wahan-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenykre. ⁴⁴ Tai heka tetyhynyõmahãtenyete. Widee dori kaiboho tewowydynmahãtenyete, tahe Deuxu-ribi wowydyna ritakemy terarenyre, sohojihyyre heka Deuxu. ⁴⁵ Kiamy tahe Waha-ò arelyyõkre, Moisesi tahe relyykre. Moisesi bede ywina dori, araròsõnyreny rare. ⁴⁶ Inatyhymy Moisesi tetyhynymahãte-wana tule jiarỹ biwatyhynymahãke, wamy dori Moisesi ròratidỹõre. ⁴⁷ Irybe bityhynyõkeki, timybo warybe bityhynyke.

6

¹ Iribi tahe Jesuisi Kalileia aho-ki ixbyby reurore, Teberiaade ahoniõre. ² Tahe sõwemy iny riheludunyre tuu robireki, aõna aõna wiwihikỹ, deytedyõna wiwihikỹ robireki. ³ Tahe hãwãlòratyy-ò Jesuisi raòwònyre taerydỹõna mahãdu-wana —rorukurenyre tai. ⁴ Judeu mahãdu worana bedehesi rexidelenykemy idhòre. ⁵⁻⁶ Tahe Jesuisi retehere inysõwehekỹ-ò, tamy rehemynyrerid. Tai Filipi-ò riurihimy rarybere: —Tikibo orotxu tamyreny rikiõbranyke riyrenykemy. Jesuisi rierymyhỹre aõbo riwinykremy ratxireri ihãrele tahe Filipi-ò kia rarybere. ⁷ Filipi tahe dirawyõnyde: —Inyõ sohoji sohoji orotxu yre sohoji riykeki, 200 prata womati nieru rakahurenyke ihãre rimyõtyhy. ⁸ Andre Jesuisi erydỹõna-ò rare, Simaõ Pedro seriõre rare. Tii tahe Jesuisi-ò rarybere: ⁹ —Weryryboõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare inysõwe-ò. ¹⁰ Tahe Jesuisi taerydỹõna-ò rarybere: —Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sõwetyhymy rorukure. ¹¹ Jesuisi orotxu rimyre. Deuxumy reãlãre, idi tahe tamyreny riwahinyre. Tule utura-wana wiwesele risõnomy. Tuu rotỹõnyre. Ibutumy heka ixideewina rirỹsõnyre. ¹² Rihydyrenyre, Jesuisi rarybere taerydỹõna mahãdu-ò: —Bibutunybenyke rauhenyru uritere ixinamy itxiwixirenyõkemy idi watxireri. Uritere idi dehurenyõmy. ¹³ Tahe ributunyrenyre iuhe waòinatxi reurõmy weriri ritỹxinyre orotxu yrere-di. ¹⁴ Jesuisi aõwiwihikỹ widỹõnomy robirenyre kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraòmyhỹre.

¹⁵ Rõhõtinyrenyre: —Jesuisi inyiolòrenomy rikimyrenykre. Tamy ròkòirenykre. Iu Jesuisi kia rieryre, ixisohojilemy rexitare ixbyby, hãwãlò-ò.

¹⁶⁻¹⁷ Ibedesou aho ijã-ò ierydỹõna mahãdu riberenyre riraòkemy. Bede rurunyre tahe Jesuisi rehemynyõhyre. Tai hãwòò rimyrenyre idi reuròkemy ijõwe-ribi ijã-ò, Kafanaõ hãwã-ò. ¹⁸ Tahe yhy deborehekỹ tiribi tiribi rebonymyhỹ. Òbò tahe resemyhỹ. ¹⁹ Sohoji urihixina idhòmy ròireny tahe Jesuisimy robirenyre. Tii betyredile tamyreny nariamy nade. Tiiboho ruberunihikỹrenyre. ²⁰ Jesuisi tamyreny rarybere: —Jiarỹle wa rare, breburenyõmyke. ²¹ Tai tahe hãworo-ò Jesuisi ronykemy tiiboho disõnydenyde. Aõ wesele tahe rehemynyrenyre tiòbo ròirenyraò.

²² Itxubiòwamy sówemy iny wii ributunyre aho kanawe-ribi ijà-ki. Hãwò sohojile tahe tai roire aho-ki. Jesuisi erydÿÿna mahãdu roirenyremy rieryrenyre. Tahe Jesuisi aõkõ idi rare. ²³ Tahe hãwòð dehemynydenyde. Teberide hãwã-ribi Jesuisi tai ratximyhÿ ìhò-ð. Tai juhu Jesuisi rexitòdenymy rÿimyhÿ tahe orotxu tamy riwahinyre. ²⁴ Jesuisi iõre tai, ierydÿÿna mahãdu iõre. Kia tahe iny sówemy robirau, hãwò-ð rimyrenyre. Iòrysomy roirenyre, Kafanaõ-ð. ²⁵ Kanawe-ribi ijà-ð rehemynyreu, tii-wana witxi reare. Tahe tamy rÿÿraxire. Waerydÿÿdureny, tiubo kað tadehemynyte. ²⁶ Aõwiihikÿ rewinyremy aõkõ tiwajetenyteri, rÿsÿna adeereny rewahinyrakile, tehydymy terÿsÿtenytakile. ²⁷ Rÿsÿna tyhy ituemyhÿre kiaòle aõkõ maaõmysÿdÿÿbenyke, tahe iwitxira rÿsÿnaõ-ð maaõmysÿdÿÿbenyke, kia ituedeõna-di aõkõ rare. Deuxu Riòre Habutyhyhykÿ dori adee riwahinykre. Kia rÿsÿna umytuedeõnahakÿ wesemy rare. Taile tahe Deuxu Waha riwateònyreri. ²⁸ Tahe Jesuisi-ð rÿÿraxire: —Timybo iny Deuxudeewimy arotÿÿnyrenykemy. ²⁹ Jesuisi dirawyònyde: —Kialemy, biwatyhybenyke: —Deuxu dori wateòdÿÿdumy rare. ³⁰ Tahe raryberenyre tamy: —Aõwiihikÿbo inyko-ð biitxeredÿÿnyke. Aõhebo botÿÿnykre, iny aratyhynykre. ³¹ Inytybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

³² Jesuisi rirawyònyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinymyhÿre, biu-ribi diwahinymyhÿde. ³⁴ Tahe raryberenyre: —Wanyrÿ, tiu kia orotxu bidiwahinymahãkre. ³⁵ Jesuisi iximy rarybere: —Jiarÿ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy. ³⁶ Adeereny heka rarybere: —Wamy tabitenyde, ihãrele tiwatyhynyõtenyde. ³⁷ Ibutumy iny Waha wadee riwahinymyhÿre wadee kanakre. Tiu ixi-ribi ariteònyõtyhy. ³⁸ Adobehede dori aõ ixideewimy aõma arotÿÿnykemy aõkõ. Wadeòdÿÿdudeewimy arotÿÿnykemy watxiwãhãre. ³⁹ Tiu ariònonyõtyhy wadee diwahinydeò kiaboho ibutumy ikonana txuu rubu-ribi ariixixanykre. Kia tahe wadeòdÿÿdu deewimy rare. ⁴⁰ Inatyhymy Waha deewimy kia rare. Iny iRiòremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahãdu aõbina binahakÿlemy rarybemyhÿre. ⁴² Kia wese rarybemyhÿre: —Kaa Jesusile rare. Jyje riòre rare. Tyby he ijoi eryna rare ise tule. Aõherekibo tii rarybereri biu-rubu nademy. ⁴³ Tahe Jesuisi dirawyònyde: —Tuu wamy ryberenyõmyke ayludurenymy. ⁴⁴ Wadeòdÿÿdu iny wadee rayky-ð rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre. ⁴⁵ Deuxu rybedu Tyyriti-ki kia rybe rÿire: —Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehemynykre. ⁴⁶ Inyõ Wahamy robiõhyymyhÿre jiarÿle tahe tuu rabimahãre, iribi anadeki. ⁴⁷ Inatyhytyhymy adee rarybemahãre. Inyõ riwatyhynykeki, umy tuedeõnahakÿ tiiwanale ratxireri. ⁴⁸ Jiarÿ orotxu wesemy jiarÿ rare. Umytuedeõna wahidÿÿdu jiarÿ rare. ⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenyre. ⁵⁰⁻⁵¹ Jiarÿ tahe biu ludu orotxu wese rare, inyõ tahe kia orotxu riykeki, tiu ruruõtyhy. Waumy ariwahinykre rubu-ð ibutumy iny òraruna òwydÿÿmy. Tamyreny umytuedeõna riwahinykre rubu-ð ibutumy iny òraruna òwydÿÿmy. Tamyreny umytuedeõna riwahinykre.

⁵² Judeu mahãdu tahe txiòdÿÿna rybemy widee raryberenyre: —Timybo tadelemy inyboho riòwenyrenykemy wahe. ⁵³ Jesuisi rirawyònyre: —Inatyhytyhymy adee ararybekre. Kaiboho Deuxu Riòre Hãbutyhyhykÿde biròðbenykeki, umytuedeõna bitabenyõtyhy. Ihãlubu biòbenykeki, umytuedeõna-di aõkõ atxitenyteri. ⁵⁴ Inyõ waderòdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre. ⁵⁵ Wade heka juhu irònatyhy rare, wahãlubu tu monatyhy rare. ⁵⁶ Inyõ wade rirokeki, wahãlubu riòkeki, wawana tiuhyy ratxireri. Jiarÿ tule

tii-wana watzihyrreri. ⁵⁷ Waha irumy ratxireri. Tii wadeòdỹdu rare iòraru-ki warumy watzireri. Tule waderòdu irumy ratxike waòraru-ki. ⁵⁸ Jiarỹ biu ludu orotxu inatyhy jiarỹ rare. Iwese bederahy orotxu heka boreny riyrewesemy aõkõ jiarỹ rare. Ihãrele tahe ituerenyre. Inyõ riwaykeki, rexisahyummy rarekre. ⁵⁹ Kia ibutumy Jesuisi rarybere Kafanaõ judeu dohodỹna-ki, rierynanyhỹreu.

⁶⁰ Iribi tahe Jesuisi-ò ijohona mahãdu rarybere:

—Kia isira tyhyre iny rieryke. Inyõ heka kia rityhynyõtyhy.

⁶¹ Jesuisile heka rexierymhỹre tiiboho tuu rarybemyhỹreki, tahe tamy rỹraxire:

—Kaa aõbohe arabinadỹnyrenyke.

⁶² Tahe jiarỹ Deuxu Riòre Hãbutyhyhykỹ, ixyby biu-ò aròðsekeki, timybo marybebentyke, kaiboho wamy bobibenykeki. ⁶³ Deuxu Tyytybytyhyle umytuedeõna riwahnymhỹre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare. ⁶⁴ Tahe inyõ ayreny ludu riwatyhynyõreri. Jesuisi tahe juhUU-ribi rierymhyre mobo rityhynyõmhyre, tule mobo tatxiòdỹdumy rarekremy. ⁶⁵ Jesuisi raryberhyummy tii-wana: —Jiarỹ juhUU rarybewãhãre. Inyõ Waha wadee riteònyõkeki tiu wadee kanaõtyhy. Tai heka tuu adee jiarỹ rarybere.

⁶⁶ Kia rybe òraru-ki sõwemy taerydỹna mahãdu ririrenyre. Tahe roirenyre. ⁶⁷ Tahe Jesuisi rỹraxire taerydỹna waòinatxi reurò mahãdu-ò. Ka bexe boibenyõkre aõbo biwaribenyõkre aõbohe. ⁶⁸ Tahe Simaõ Pedro rirawyònyre. Wanyrỹ moobo aròdirenkyre. Kaile heka umytuedeõna rybe-di atxiteri. ⁶⁹ Jiarỹboho ka aratyhynymahãrenyre. Araeryrenyre ka, kai Deuxu-ribi hãbu òbitityhymy atximahãte. ⁷⁰ Jiarỹ aratarenyre waòinatxi reurò inymy erydỹna mahãdumy. Ihãre tahe inyõ ratximyhỹre diaboõ heka tii rare. ⁷¹ Jesuisi tahe Judasi Isariòmy rarybereri. Iwò inatxinamy wahe. Simaõ-Isariò riòre tii rare. Judasi dori Jesuisi riwahinykremy ratxireri iòludu mahãdu-ò.

7

¹ Judeu mahãdu Jesuisi rubudỹmy rurumyhỹre. Tai tahe Judeia bede ludu hãwã-ò ralòomhyre. Kalileia bede hãwãdile rariamyhỹre. ² Tahe judeu mahãdu worana bedehesi iòhòmy rỹimyhỹ. Kiani tahe heto riòre worana bedehesi rare. ³ Tahe Jesuisi seriòreboho tamy rarybere: —Make wa karibi Judeia mahãdu bede-ò aerydỹna mahãdu dori aõwiihikỹ kai tewinyteò tuu robikemy. ⁴ Aõwiihikỹmy tewinyteri, tai tahe ixinamy iny tuu ibutumy robikre. Ibutumy iny ixierysymy tahòtinyteri-wana urile iny lau iwòteòmy aõna aõna wiwiihikỹ. ⁵ Jesuisi seriòre mahãdu tule rityhynyõre. ⁶ Jesuisi tahe dirawyònyde: —Wiji araõkre wabededỹnanamy dori tuu reaõmy ratxireri. Kaiboho tahe adohotalemy bòike. ⁷ Bede ludu mahãdu iny dori aluurenyre, tahe waderamy rekoarenyre. Iòrarunamy dori jiarỹ tamy rarybemahãre, ibinatyhyremy. ⁸ Kaiboho boibenyke worana bedehesi-ò. Jiarỹ tahe wiji araõkre, wabededỹnanamy reaõmy doimyhỹde. ⁹ Kia tahe Jesuisi tamyreny rarybere. Tahe Kalileia-ribi Jesuisi ròhònyõmy rỹimyhỹre.

¹⁰ Tahe iseriòre roirenyre worana bedehesi-ò. Idi tahe tule tii rare iherenymy itỹnymy aõkõ wahe, wasimy inyõ tuu robiheny. ¹¹ Judeu mahãdu tahe Jesuisi riijemyhỹre worana bedehesi òrake-ò. Rarybemyhỹre: —Titxibo tahe tii ratximyhỹre. ¹² Jesuisimy rybe ixitxiòdỹna ròhònyre inysõwehekỹ-ki. Inyõ heka awimy tuu rarybemyhỹre. Ijõ tahe ibinamy tuu rarybemyhỹre, tii iny itxenadỹdu raremy. ¹³ Inyõ tuu rarybeòhyymhỹre ibutumy ijohonamy judeu mahãdu lau ruberureki.

¹⁴ Worana bedehesi tya-ki Jesuisi Deuxu dohodỹna heto-ò ralore ribedeerynkemy. ¹⁵ Ribedeerynyreu tahe judeu mahãduò ijõ-ò rarybere: —Timykibo he kia ritidỹna rierymy tuu rarybemyhỹre. Rierykõ ihãrele iny rierynanyhỹre. ¹⁶ Tahe Jesuisi dirawyònyde: Waerydỹna-di aõkõ rebedeeryre, Deuxu wateòdỹdu rybe-di wahe. ¹⁷ Inyõ Deuxudeewimy ratxikeki, tii rierykre aõerydỹnabo òbitimy ratxireri. Tii rieryke Deuxu-ribi aõbo rarybereri ada ixi-ribi rarybereri. ¹⁸ Iny ixi-ribi rarybekeki, tiile rexiloosònanyke. Tahe iny iteòdỹdumy rarybekeki, tii tahe inatyhy rare. Tii

inatyhymy òbiti rare. ¹⁹ Moisesi adee bede ywina riwahinyre: —Tahe kaibohoõ tetyhynyõhyymahãtenynte. Tai tahe aõherekibo biwarubunykyemy atxitenyteri. ²⁰ Tamy inyõ dirawyõnyde. Kaita itxýteteri. Inyõ ka ararubunykyemy aõkõ ratxireri. ²¹ Jiarỹ inyõ reteytenyre sabado txuu tahe kaiboho wadi bede teòtiinytenynte. ²² Boholake, Moisesi bede ywina arateònyke ariòre ritòtyky aròkemy resynanykyemy. (Boboho tahe kia tuu ritelenyre Moisesi aõkõ.) Tahe notyky resyna txu rỹikeki, tuu tewinyte sabado txu hãrele. ²³ Kia sabado txu biwinybenykeki Moisesi bede ywina riywinykyemy, tahe aõherekibo wadee taykarananyteri hãbu sabado txu reteytenyreki. ²⁴ Aõ òbitimy aõkõ rare, òbitimy tahòtinyterikile. Òbitinale-di maraykynybenyke.

²⁵ Ijõ Jerusalẽ hãwã ludu mahãduõ rarybere: ²⁶ —Kia rarybemy rỹirerile, tii irubudỹmy rexinohòtinyreri. Beteheke. Butumy ijohonanamy kia rarybemyhỹre. Ihãrele taheka inyõ tamy rarybeõhyymyhỹre. Wedu mahãdu ròhòtinymyhỹre: —Ina aõkãbo Kristumy inatyhymy tii rare. ²⁷ Inyboho tahe rierymyhỹre titxiribibo tiò namyhỹde. Kristu Deuxu deòdỹna tahe kanakeu, inyõ tahe rieryòtyhy titxiribibo kanake. ²⁸ Jesuisi tahe Deuxu dohodỹna heto-ki ribideerynymyhỹreu rarybere: —Kaiboho tiwaerytenynte, titxiribibo anade tule teerytenynte. Tahe wateòdỹdu teeryòtenynte. Teròwumy heka jiarỹ anade. Tule tii inatyhytyhymy rare. ²⁹ Iribi jiarỹ anade Tii riwateònyre, tai jiarỹ tii reeryre. ³⁰ Inyõ riijemyhỹ riròtenykyemy. Tahe rimyõhyre ruberureki, ibededỹnanamy aõkõ bede rỹireki. ³¹ Iny sòwehekỹ-ribi sòwemy iny rityhynyre. Tahe inyõ rarybere: —Kristu Deuxu deòdỹna iratyre aõna aõna wiwihikỹ riwinykyemy tahòtinyteri. Aõkõre, tii dori inatyhymy Kristu rare. ³² Fariseu mahãdu kia-ò roholareu, tahe wii ributunyre xiwe wahidỹdu wedu mahãdu-wana. Tahe tiiboho soldadu mahãduõ riteònyrenyre Jesuisi rimykyemy. ³³ Jesuisi tahe tamyreny rarybere: —Urihimyò umyreny-wana watxikre, idi ta aròðsekre wateòdỹdu-ò ixiby. ³⁴ Kiaboho biwaijebenykre, waki mahabenyòtyhy. Titxibo watxireri kia-ò heka bitehemynyòtyhy. ³⁵ Judeu mahãdu tahe widee rarybere: —Titxiwexe tii rakremy ihỹre, tuu rokobirenyòtyhy tai rakaharenyòtyhy, myỹ rarybemyhỹre wahe: judeukõdu mahãdu bede-ò aõbo rakremy ixi-di ratxireri. Tai ribedeerynykyemy, judeu mahãdu-wana rasỹnykremy. ³⁶ Timybohe rarybere: —Waki mahabenyòtyhy, titxibo watxireri-ò behemyhyòtyhy, myỹ rarybereri.

³⁷ Ihewotxu worana bedehesi aõnihikỹtyhy rare. Jesuisi iu rexiukỹnyre rarybekemy: —Inyõ bemomy risakeki, wadee kanake, riòke. ³⁸ Inyõ riwatyhynykeki, Tyyritina-ki kia wese rybe rỹire:

—Iwo-ribi benihikỹ iru ròhònyke.

³⁹ Iu Jesuisi kia rarybereu, Deuxu Tyytybytyhy aõmy dỹnanamy rarybere. Iny dori rityhynykeki, iwo-ò Deuxu Tyytybytyhy ralòke. Urile tahe Deuxu Tyytybytyhy riwahinyõmy rỹire. Jesuisi dori ròðseõre biu-ò. ⁴⁰ Tahe roholare mahãdu tahe rarybere: —Ka heka hãbu Deuxu Rybedutyhy rare. ⁴¹ Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. ⁴² Tyyritina rybe-ki roire: —Kristu, Davi sỹ-mahãdu ribi kanakremy. Belẽ hãwã-ribi; titxibo Davi rasỹnyre-ribi. ⁴³ Tai tahe wiwese wese aõkõ ròhòtinyrenyre Jesuisi-di. ⁴⁴ Inyõ riròtenykyemy ixi-di ratximyhỹ, ihãrele tahe inyõ rimyõhyre.

⁴⁵ Tahe soldado mahãdu ròðsemy rare rimyõhyylemy fariseu mahãdu-ò xiwe-wahidỹdu mahãdu wedu-ò. Tahe soldado-ò rỹraxyrenyre: —Aõherekibo tedyòteri. ⁴⁶ Tahe dirawyõnyde: —Timybo inyõ kowa hãbu wesemy rarybeõhyre rybe iwitxira wihikỹmy tii rarybere. ⁴⁷ Tahe fariseu mahãdu rarybere: —Kaiboho aõbo tule araitxenanyrenyra. ⁴⁸ Inyboho mahãdu reny-ribi moõ rityhynyõhyymyhỹre, fariseu mahãdu wahe, wedu mahãdu wahe. ⁴⁹ Inyõ rityhynyre, tahe tiiboho Moisesi bede ywina rieryõre tai Deuxu aõhòkỹmydỹnana-txi idi rehukre. Aõhòkỹmydỹnana-ò ritamadỹnykre. ⁵⁰ Nikodema iyreny-ki ratximyhỹ. Fariseu mahãduõ tii rare, juhuru Jesuisi rarað rare wahe. Tii heka rarybere imahãdu-ò. ⁵¹ Juhuru roholamyhỹre aõhebo rotỹnyrað wahe idi tahe ibinakeki riròtenykyemy riijemyhỹre. Kia tahe inyõ bede ywinareny rare. ⁵²⁻⁵³ Tahe

rirawyònyrenyre: —Kai wa tule Kalileia mahãduõ atxiteri. Tyyriti-ò beteheke timybo rarybereriò: —Kalileia-ribi rybeduõ ròhònyòtyhy wahe.

8

¹ [Tahe ibutumy he tasỹ-ò reareare. Iu tahe Jesuisi rare Oliveira hãwãlò-ò. ² Biura-di tahe dòdsede Deuxu dohodỹna heto-ò icyby. Sòwemy iny tamy rare; Jesuisi ronyre; ribedeerynyre. ³ Hãwyyõ ratximyhỹ hãbu witxiraõ-wana wasimy ratximyhỹ. Tahe inywitxiraõ itxireny reare. Tai tahe Deuxu rybe erydỹdu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rỹikemy iny sòwehekỹy-ki. ⁴ Tahe raryberenyre Jesuisi-ò: —Bede erydu: —Kahãwyy tỹwe rare inyõ itxi reara. ⁵ Iny bede ywina Moisesi riwawahinyré tahe rarybere mana-di rurumyhỹkemy. Tahe aõmybo kai mynarybeke. ⁶ Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidỹkremy tebò-di suki riritinyra. ⁷ Tahe ritỹraxinyhy ihỹmyhỹ. Tahe Jesuisi rỹire; rarybere: —Inyõ òrarukõmy ratxirerile, tii mana-di juhuu tamy rehukre. ⁸ Ixityrele sỹ Jesuisi ròritidỹre suò. ⁹ Kia rybe-ò roholarenyre, tahe rexitarenyre sohoji sohojilemy, tarayky dori ribinadỹnyrenyra. Matuari mahãdu tahe juhuu rexitare. Ikonanatyhy dori rare, tahe Jesuisi hãwyywanale tai rỹire. ¹⁰ Jesuisi retehere: —Hãwyy sohojilemy robire rỹraxire tamy: —Hãwyy, titxibo mana-di arubudỹmy rybedu mahãdu rirahura. Inyõ aõhe arasỹnyõhyra. ¹¹ Tahe dirawyònyde: —Anokõre, Wahĩ. Tahe Jesuisi rarybere: —Jiarỹ tulere! Mahe, òraruna-txi tahe icyby ixemy.]

¹² Ixityre Jesuisi rarybere tamy: —Jiarỹ wabede loosõna rare. Inyõ wahemy kanakeki, bede luru-ki rariaòtyhy. Tii heka loosõna-di tarayky-ki rarekre. ¹³ Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare. ¹⁴ Jesuisi dirawyònyde: —Inatyhymy iximy rarybereri jiarỹ, tahe warybe inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryòtenyete. ¹⁵ Kaiboho waywisidỹmy tadiòlònyete, ihãre tahe òbitimy tiwaywinytenyõte tiwaerytenykõteki. Tahe jiarỹ inyõ reywinyõreri. ¹⁶ Jiarỹ inyõ ariwinykeki, waywisidỹna tahe òbiti rare. Jiarỹ dori ixiwanaale aõkõ rare. Waha, wadeòdỹdu wawana raremyhỹ. ¹⁷ Abede ywina-ki kia rybe riritinymy rỹimyhỹre: —Inatxi hãbumy wiwesehyylemy rarybekeki kia tahe inatyhy rare. ¹⁸ Jiarỹ iximy rarybemahãre tule Waha wadeòdỹdu wamy adeereny rarybemyhỹre. ¹⁹ Tahe tiiboho Jesuisi-ò rỹraxirenyre: —Titxibo boo ratximyhỹre. Jesuisi rarybere: —Kaiboho tiwaerykõmahãtenyete, Waha tule teeryõmahãtenyete. Kai biwaerybenyõkeki, tule Waha bierybenyòtyhy. ²⁰ Kia Jesuisi rarybere Deuxu dohodỹna hetowo-ki, iubeweri yrubudỹna ube-ki. Tahe inyõ rimyõhyre, ibededỹnanamy aõkõ bede rỹireki.

²¹ Iribi tahe ixityre tamy rarybere: —Jiarỹ he arakre karibi. Kaiboho biwaijebenykre tahe àrarurenydile burubenykre. Boiòtyhy titxibo arakre-ò. ²² Tai tahe judeu mahãdu widee raryberenyre: —Inatyhymy aõbo tii rexirubunykre. Tii raryberaki: —Titxibo arakremy boiòtyhy, myki tuu idi røhòtinnyrenyre. ²³ Tahe Jesuisi rarybere: —Kaiboho kaludu toite; jiarỹ aõkõre, biu ludu rare. Kaiboho bede ludu toite, jiarỹ tahe kabede ludu aõkõ jiarỹ rare. ²⁴ Tai heka adeereny rarybereri àrarureny-di burubenykremy. Inatyhymy jiarỹ tii rare: —Iwese rarybere wesemy. Tahe kia warybe bityhinyõbenykeki, àrarureny-di burubenykre. ²⁵ Tahe tiiboho rỹraxirenyre Jesuisi-ò: —Mobo he tate. Jesuisi dirawyònyde: —Timybo adeereny rarybewãhãre, juhuu wahe. ²⁶ Jiarỹ sòwemy rỹire aõna aõnany umyreny ararybeke umyreny ariwinyke ta ararybekre Waha tuu wadee rarybelemy. Tii diwateònyete tii inatyhymy rare. Irybelemy bede iny-ò ararybekre. ²⁷ Rieryõhyre tamyreny rarybere, tybomy. ²⁸ Kaiboho heka biwata-madỹnybenykre, bierybenybenykre mobo jiarỹ rare. Tule ixi-ribi aõkõ aõna aõna rewinywãhãre bierybenykre; tule iwese Waha riwaerynanymyhỹre wese, rarybemahãre. Kia tule bierybenykre. ²⁹ Wateòdỹdu wawana raremyhỹ. Iximy riwariòtyhy, jiarỹ tamy wimy rewinyhyymahãreki. ³⁰ Kiamy tarybe rahudi tahe, sòwemy iny rityhinyre.

³¹ Judeu ityhydÿÿdu mahãdu-ò Jesuisi rarybere: —Kaiboho warybe tyhy-di mohõtiny-benyhyykeki, inatyhymy watyhydÿÿdu waheludumy boibekre. ³² Inatyhyna tahe biery-benykre. Kia dori aratarenyke, deòdumy aõkõ boibekre. ³³ Dirawyònydenyde aõkõre inyboho Abraõ riòkõre roire, tiu heka modeòdumy roirekõmahãre. Timybo tarybeta: —Deòdu-ribi riwatakemy. ³⁴ Tahe Jesuisi tamy rarybere inyõ òraru-di hyy rexiòrarunykeki, tii òraruna deòdu wese hyyle rare. ³⁵ Deòdu heka heto wedu ijoihyymy aõkõ rarekre. Iwedu ixinamy rakre. Riòre tahe ijoihyymy rare. ³⁶ Tahe Deuxu Riòre heka ixinamy arateònykeki, tiu òraruna deòdu wesemy ixiby bonybenyòtyhy. ³⁷ Abraõ riòkõre inatyhymy toite. Kia tahe reeryre. Ihãrele tahe biwarubunybenykemy atxitenyteri warybe dori araykywo-di aõkõ ratxireri. ³⁸ Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri. ³⁹ Rirawyònyrenyre: —Wahareny heka Abraõ rare. Jesuisi rarybere: —Abraõ riòremy inatyhymy toite-wana, Abraõ aõmydÿÿnana iwesemy biwinybenyke. ⁴⁰ Katahe warubudÿÿmy wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudÿÿmy atxitenyteri. Abraõ tahe tiu tahe tuu rotÿÿnyòtyhy. ⁴¹ Kaiboho heka borenytyhy wesele tatÿÿnymahãtenyete. Dirawyònyde: —Aõkõre, jiarÿboho waxiriòre aõkõ roire. Deuxuhyyle iny tybyreny rare. ⁴² Tahe Jesuisi rerawyònyre: —Deuxu boo inatyhymy rare-wana inihe kaiboho waluurenre. Jiarÿ dori Deuxu-ribi anade. Ixidee wimy aõkõ anade tii diwateònyde. ⁴³ Aõherekibo teerytenyòte warybe. Isiratyhyre aõbo ijohona. Aõkõre, ityhydÿÿ isirare adeereny. ⁴⁴ Kaiboho Diabo riòre toite tamywimy biwinykemy atxitenyteri. Tii juhuu rubudÿÿdu hyy rare. Tii heka raruireri inatyhywesehekÿle wahe. Tii ruidu rare. Ruiwedu tii rare. ⁴⁵ Kaiboho heka tiwatyhynyòhyymahãtenyete inatyhyna dori jiarÿ rarybemahãre. ⁴⁶ Inyõ inihe wamy rarybeòtyhy jiarÿ òrarudu raremy. Adeereny inatyhynamy rarybereri. Aõherekibo tiwatyhynyòteri. ⁴⁷ Iny Deuxu-ribi ratxireri, Deuxu rybe roholamyhÿre. Kaiboho Deuxuhõrõ aõkõ toite. Teòdu aõkõ toite. Taita warybe-ò taholaòteri.

⁴⁸ Jesuisi-ò tiiboho dirawyònydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. ⁴⁹ Jesuisi rirawyònyre: —Aõkõre, tyytybybina-di aõkõ watxireri. Waha tahe rewowydynywãhãre. Kaibohole tiwabinadÿÿnymahãtenyete. ⁵⁰ Wowydyna ixi-di aõkõ reijereri. Waha tahe kia aõmydÿÿnanamy riwinykre, tii rierymyhyre. ⁵¹ Inatyhytyhymy adee ararybekre: —Inyõ warybemy reòbykeki, tiu rubumy tii robiòtyhy. ⁵² Tai judeu mahãdu rarybere: —Katahe inatyhymyhe inydeereny aerysydÿÿna rÿira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reòbykeki tiu rubu urihixinamy roiòtyhy tamy. ⁵³ Kai aõbo inytybyreny Abraõ ratyre awikemy aõbo ixi-di tahõtinyamahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinyamahãte. ⁵⁴ Tahe Jesuisi rirawyònyre: —Jiarÿ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhyke aDeuxumy raremy tu tarybeteri. ⁵⁵ Tahe aõkõ teeryòtenyete. Jiarÿ tate reerymahãre. Jiarÿ reeryòmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reòbymahãre. ⁵⁶ Boreny Abraõ, wamy dobide, wabededÿÿnana kanakremy tuu dobide, wabededÿÿnana kanakremy tuu dobide tai tahe reysatyhymy rare. ⁵⁷ Tahe judeu wedu mahãdu rarybere: —Kai 50 beòramy aõkõ atxiteri timyrekibo tarybeta Abraõ tabitemy. ⁵⁸ Jesuisi dirawyònyde: —Abraõ reaòule, Jiarÿ rarehyymahã.

⁵⁹ Tahe manadile rimymy reserenyre idile rirabunyky. Jesuisi tahe rexiwòmny iribi ròhònymy rare, dohodÿÿna heto-ribi.

9

¹ Jesuisi rariamy rareu, tii robimy rare hãbu ruetàmny. Tii iruetàhàkÿmy ratohouãmny herinanyre. ² Ierydÿÿna mahãdu rÿÿraxire tamy. Erydÿÿdu, aõherekibo hãbu ratohouãmnyra iruetymy, ise tyby iòrarudireki aõbo ada taòrarumy aõbo. ³ Tahe Jesuisi

rirawyònyre: —Tahe aõkõre tyby ise-ke aõkõ tiike aõkõ. Deuxu ruru wiji riteòsinykremy tahe tii kiawesemy rohonyre. ⁴ Wateòdÿÿdu aõmydÿÿnanamy arotÿÿnyrenykemy watxiwãhãrenyre. Inyboho rikiwinyrenyke ibededÿÿnanamy rÿikreu, iwese txumy rÿikre wese tahe rummy heka kanakre tai raaõmysÿdÿÿõmyhÿre. ⁵ Kabede-ki watxiwãhãreòle tahe jiarÿ bede ludu mahãdu loosõnatyhymy jiarÿ rare. ⁶ Tarybe rahudi tahe rarybexinyre suò idi tahe subororomy ritxienyre. Idi ta hãbu rueyre-ò subororo ritidire. ⁷ Tahe hãbu ruetà-ò rarybere: —Make wa bexisuhòke Silòe ahobe-di. Silòemy ninadu heka iny rybe-ki deòdÿÿna wesemy rare. Hãbu tahe rare, risuhore, dòdsede robimy. ⁸ Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitòdedÿÿdu rare, nierummy kowa-ki rexitòdenymy rononymhÿrele rare. ⁹ Ijõ rarybere tule rare. Ijõ rarybere: —Aõkõre, iwesele tahe iwitxirari. ¹⁰ Rÿÿraxirenyre tamy: —Timykibo arue reytera. ¹¹ Rirawyònyre: —Hãbuõ Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aõ bisuhòke. Tahe rare, resuhore, tai rabimy watxireri. ¹² Rÿÿraxirenyre titxibo tahe tii rara. Rirawyònyra: —Reeryõre.

¹³⁻¹⁴ Kia ruedeytena Jesuisi riwinyre sabado txuu, judeu aõmysÿdÿÿna txu aõkõ. Tahe tiibohe hãbu ridyrenyre fariseu mahãdu-ò. ¹⁵ Ixityre hãbu-ò rÿÿraxirenyre: —Timykibo riteytenyra. Tahe rirawyònyre: —Subororole waruetyre-ò ritidira, idi resuhòra, iule tahe retehera. ¹⁶ Tai tahe fariseu mahãdu-ò narybede: —Ka hãbu Deuxu-ribi aõkõ nade. Kakÿny sabadotxu bede ywina riywinyõhyre. Tahe ijõ imahãduõ rarybere: —Hãbu òraruduõ tiu deytanawiwihikÿõ kia wesemy riwinyõtyhy. Tai tahe wiribi hitximy raraykynyrenyre. ¹⁷ Tahe ixityre hãbu-ò rÿÿraxire: —Tii arue arue riteytenyra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare. ¹⁸ Tahe judeu mahãduõ rarybere: —Ise-wana tybywana widee ararybekekile, arityhynykre. Tai riteònyre tybybohoòrysomy. ¹⁹ Rehemynyreu, tahe tamy rarybere: —Kaa aõbo ariòre rare. Inatyhymy aõbo iruetàmy reare. Timykibo tahe wiji robira. ²⁰ Tahe tybyboho rirawyònyre. Inatyhymy wariòrereny rare. Iruetàlemy ka reare. ²¹ Reerykõrenyre timykibo retehera. Irue riraynyre dori, reeryõhyre. Tamy marybebenyke. Ibeòra dire ka, iximy relyyleke. ²²⁻²³ Tybyboho ruberumyhyrenyre judeu mahãdu lau. Judeu mahãdu dori, rarybemyhÿre: —Inyõ Jesuisimy rarybekeki, tii Kristu Deuxu deòdÿÿna raremy rarybekeki, tahe dohodÿÿnawo-ribi riteònykemy idi rÿira. Tai tahe hãbutybyboho kia wesemy raryberenyre. Tii ibeòra dire: —Tamy marybebenyke.

²⁴ Juhuu iruetàmy raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowydynyke. Tahe tii rarybere: ²⁵ —Tii òrarudu rare, reerykõre. Sohoji aõmydÿÿnana reeryre. Juhuu waruetàle heka reeryre, wiji tahe retehereri. ²⁶ Tahe ixityre tamy rÿÿraxire: —Aõbo tii riwinyre. Timybo arue roire. ²⁷ Hãbu rarybere: —Adeereny tuu rarybere tahe taholaõhytyenyta. Aõherek-ibo ixityre ijohonamy tarybetenyteri. Ierydÿÿnamy boibekemy aõbo atxitenyteri. ²⁸ Tuu raryberenyre aõbina binalemy. Kai heka iijoiõ atxiteri. Jiarÿboho Moisesi erydÿÿna jiarÿboho roire. ²⁹ Deuxu Moisesi-ò rarybemyhÿre. Kiamy reeryrenyre. Ka hãbumy tahe aõmy raholaõmahãreny, tiludubo rare. ³⁰ Kia wa riwateytenyra bedeòtiidÿÿna urenana tii rare. Ihãrele tahe kaibohe teeryõmy tuu tarybetenyteri. Wadee kia ajuedena rare. ³¹ Deuxu wa òrarudu ixitòdedÿÿna-ò roholaõtyhy. Kia reeryrenyre. Tahe inyõ Deuxu rityhynykeki tamywimy rÿÿrakeki, kia-ò Deuxu roholakre. ³² Bede rexidelenyre, inyõ roholatyhy iruetàmy raumynyre heka reytere. Inyõ tiu riwinyõre, wiji tahe diwinyde. ³³ Kia hãbu Deuxu-ribi nokõduõ aõkõkeki tiu aõ riwinyõtyhy. ³⁴ Tahe fariseu mahãdu aõbinahakÿlemy tuu rarybere: —Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahòtynyteri. Tahe riteònyre dohodÿÿna heto-ribi. Ihyymy riteònyre.

³⁵ Kia-ò Jesuisi roholareu hãbu riijere tahe rÿÿraxire tuu: —Kai Deuxu Riòre Hãbutyhyhykÿ aõbo tetyhynyte. ³⁶ Hãbu rarybere: —Mobo tii rare, Wanyrÿ, arityhynykemy watxireri. ³⁷ Wamy wa tabita, jiarÿleheka watxireri. Adee rarybererile watxireri.

³⁸ Tahe rarybere: —Wanyrỹ aratyhynyra he. Tahe hãbu Jesuisi riwowydynyre. ³⁹ Jesuisi rarybehyra: —Jiarỹ anade kabede-ò iny ruetà aritobixidỹnykemy; tule robimyhỹre mahãdu ariruetådỹnykre. Iny òwydỹnyamy anade. ⁴⁰ Fariseu iòhòmỹ iribi rỹimyhỹ roholare irybe-ò. Tahe tamy rỹyraxire. Inatyhykõ aõbo ka jiarỹboho tule waruetàrenyre. ⁴¹ Jesuisi rarybere: —Aruetãmỹ ahãtenyteki, aòraruna-di aòkõ toite. Tahe tarybetenye reerywãhã, rabiwãhãre. Tai aòraruhyy-di toite.

10

¹ Inatyhytyhymy adeereny ararybekre: —Inyõ budoeni yrubudỹny ijàtòbòna-di, ralòòkeki, tii tahe wasidu ixiwatxidỹnydumy rare, raòwònymy heka ralòmỹhỹre. ² Ijàtòbòna-di ròtedu, tii budoeni-di itxeredutyhy rare. ³ Iu ijàtòbòna-ò rehemynymyhỹreu, ijàtòbòna ludu tamy riraynymyhỹre. Tule budoeni irybe rierymyhỹre. Sohoji sohoji-ò ininimy tamy ryrwymyhỹre, tahe idi ròhònymy ridymyhỹre. ⁴ Ihõrõ ahana-ò ridyre, tii iko-ò rỹimy idi ramyhỹre. Riheludunymy idi raremyhỹ rierymyhỹreki irybe. ⁵ Budoeni ieryõdu riheludunyõtyhy, irybe rieryõreki. Iny ieryõdu-ribi rahenykre. ⁶ Jesuisi tamy kia bede eryna ijyymy relyyre. Tiibocho tahe rieryõhyrenyre timybo ibede erydỹnyamy rororerimy.

⁷ Tahe Jesuisi ritỹnynyre tamyreny: —Jiarỹ budoeni ijàtòbòna wesemy rãimahãre. ⁸ Ibutumy iny wakõule rehemynyre wasidu ixiwatxidỹnydumy rỹiramyhỹ. Wabudoeni ityhydỹnydu wesemy rỹirerimy ihỹre. Tiibocho wasidurybe-ò roholaõhyymyhỹrenyre. ⁹ Jiarỹ ijàtòbòna wesemy rãiwãhãre. Inyõ wamy ralòkeki, tii heka tarasanaõmy rarekre. Iwese wabudoeni ralòmỹhỹre idi ròhònymyhỹre asi wiwihikỹmy riroximyhỹre wesemy, tule ityhydỹnydu mahãdu rỹirakre, bedebyna wiwihikỹ ritakremy. ¹⁰ Wasidu heka rubudỹny nade, bedehudumy wasimy, jiarỹ tahe anade inyõ umytuedeòna ariwahinykremy, irutyhytyhy wihikỹmy wiji rỹirakremy. ¹¹ Jiarỹ budoeni-di itxeredu wihikỹ rare. Ihyy ta waumy ariwahinykre teròwyrenymy. ¹² Inyõ budoeni-di itxeredumy deòdumy risỹnykeki, tii riwisananyõtyhy, tii dori budoeni wedu aòkõ rare, deòdule rareki. Tahe iròdu brebunaõ tamy kanakeki tahe rahenyke iribi, tai ijõ rimyke, ihona tahe raòrunyke. ¹³ Deòdu heka rahenyke tii iwedu aòkõ rareki, tii aõmy aòkõ idi ròhõtinyinymyhỹre, iòwydimy aòkõ. ¹⁴⁻¹⁵ Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre. ¹⁶ Jiarỹ wabudoeni-ò-di watxiwãhãre. Aõ kabede-ki aòkõ. Ibutumy aributunykemy idi watxireri. Tai tahe sohoji ijoihyyemy heka roikre. Ibutu-di itxeredumy ararekre. ¹⁷ Tai heka Waha waluure, waumy ariwahinykreki wahe. Ihãrele tahe ixyyby idi arexiumydỹnykre. ¹⁸ Inyõ heka ixideewiòkeki riwarubunyõtyhy. Arexiwahinykre tamyreny riwarubunyrenykremy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykremy.

¹⁹ Kia rybe òraru-ki judeu mahãdu rybe rexijeijeinyre. ²⁰ Sõwemy iny ritxiõnymy rarybere: —Tii tyytybybina-di ratximyhỹre ada raitxỹtemy aõbo ihỹre. Aõherekibo tamy taholamahãtenyete. ²¹ Ijõ tahe rarybere: —Aõ tyytybybina-di aòkõ rarybemyhỹre. Tyytybybina aõbo hãbu ruetà riruedỹnyõtyhy.

²² Jerusalẽ hãwã-ki heka beòrahyy rare. Worana bedehesi hetxina Tỹmyradỹny rỹire. ²³ Salomaõ Ube-ki, Deuxu dohodỹny heto ubeõ-ki. ²⁴ Jesuisi rariamy ihỹmyhỹ. Tahe judeu mahãdu rirurawonyre itỹyraxidỹny. Tiwese bededỹnyanymybo nohõtidihiyy bede ariwyrenykre. Kai inatyhymy Kristumy tate-wana, tahe manarybeke itỹnymy. ²⁵ Jesuisi dirawyònyde: —Rarybere wahe, tahe kaibocho tiwatyhynytenyõhyte. Inatyhymy ierysymy mohõtinyinbenykeki, waaõmydỹnyana wiwihikỹ rewinyamahãre-di betehbenyke. Wahani-di kia rewinyamahãre. ²⁶ Kaibocho tahe tiwatyhynyõlemahãtenyete, wabudoeni wesemy aòkõ toite. ²⁷ Wabudoeni warybe rierymyhỹre, riwaheludunymyhỹre; jiarỹ heka ibutumy wabudoeni reerymahãre. ²⁸ Tamy umytuedeòna rewahiny-

wãhãre tiu heka ruruõtyhy. Inyõ waribi ridyõtyhy. ²⁹ Waha wadee riwahinyre. Tii heka ibuturatyre rare. Inyõ iribi ritaõtyhy. ³⁰ Jiarỹ Waha-wana sohojihyyle watiwãhãre.

³¹ Ixityre tahe judeu mahãdu mana-di rirubunykre idi rỹire. ³² Tahe Jesuisi tamyreny rarybere: —Jiarỹ sõwemy bededõbina inydee rewinywãhãre Waha ruru-di. Aõðrarukibo biwarubunybenykre. ³³ Tahe judeu mahãdu rirawyõnyre: —Kai aõmydỹynana wiwi-hikỹle tewinyte. Kia òraru-ki aõkõ ijoi adi rỹireri mana-di arubudỹỹmy Deuxumy binatyhymy tarybeteriki. Kai dori hãbu tate, ihãrele Deuxumy texininiteri. ³⁴⁻³⁵ Jesuisi rarybere: —Abede ywina-ki ryberiti rỹire. Deuxu Rybe òbitihyymy raritinyrỹ rỹire. Kiamy: —Jiarỹ rarybere: —Kaiboho Deuxu toite. Deuxu Rybe heka inyõ-ò diteõnyde. Kia mahãdu tahe Deuxulemy rininire. ³⁶ Deuxumy tiiboho rininirenyre-wana, aõherekibo wadee takyarananyteri jiarỹ tule Deuxu Riðrelemy rexininireki. Waha dori, riwatamy diwateõnyde. Timykibo kaiboho tarybetenyteri Deuxumy ibinamy jiarỹ rarybererimy ³⁷⁻³⁸ Waha-ribi bededõbina ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hãrele. Tai tahe bityhynybenymy boibeke jiarỹ Waha-wana wãhãre tule Waha wawana ratximyhỹre. ³⁹ Kabedeu ixityre riijere Jesuisi rimyky tii rexitamy rexihedỹỹnyre.

⁴⁰ Jesuisi ixityre Jordaõ bero kowa weribi-ò reurore. Joaõ juhuru rðsebedỹỹmyhỹð rare. Taile tahe tii raremyhỹ. ⁴¹ Tahe sõwemy iny tamy roirenyre. Tamy rarybere: —Inatyhymy Joaõ bededõby iny itxerenamy riwinyõre. Tahe ibutumy tii Jesuisimy rarybemyhỹre, inatyhy rare. ⁴² Sõwemy heka taile Jesuisimy rityhynymyhỹre.

11

¹⁻² Lazaru ibinamy roimyhỹ Betỹnia hãwã-ki. Marie, Marta-wana iseriðrereny rare. Juhuru Marie Jesuisi-wana raremyhỹu, tii Jesuisiwa tyre-ò tarinalỹnyrehekỹð ritxiwire, idi tahe tarade-di rirubudỹỹnyre. ³ Lazaru ibinamy roimyhỹki tahe tiiboho riteõnyre Jesuisi-ò rarybekremy: —Wahĩ, abiðwa tyhy binanihikỹmy roireri. ⁴ Jesuisi kiamy roholareu rarybere: —Kabinana hãwã Deuxu wowodynamy tamy nade. Tule riwawowy-dynyky jiarỹ dori Deuxu Riðre rare. Kabinina tahe rubuhyymy aõkõ tamy rỹike. ⁵ Jesuisi heka ibutumy iluurenyre, Marta, Marie, Lazaru-wana. ⁶ Iu Jesuisi rieryreu Lazaru webinaduna, tahe taile ratximyhỹre, rerihãrele inatxitxumy. ⁷ Iribi tahe rarybere taerydỹỹna mahãdu-ò: —Ròkòirenyke ixyby Judeia bededõ. ⁸ Tahe ierydỹỹna mahãdu tamy rarybere: —Erydỹỹdu aõherekibo ixybynomy tamy tarybeteri judeu mahãdu adi heka riwisỹnomy rỹimyhỹ mana-di arubudỹỹmy. ⁹ Jesuisi dirawyõnyde: —Txu heka waðinatxi òra bededỹỹnanamy rare. Aõhe inatyhy. Inyõ txumy rariakeki, tiu aõ òraru-ki reseõtyhy loosõnamy dori ibutumy robimyhỹre. ¹⁰ Bede lurumy rariakeki tahe, aõ òraru-ki reseke, loosõna dori ihoõreki wahe. ¹¹ Tahe ijõmy Jesuisi tamyreny rarybere: —Iny biðwareny rõrõmy roireri. Tamy arakre ariixixanykremy. ¹² Tahe imahãdu rarybere: —Wanyrỹ tii rõrõmy roireri-wana bohe, reytekre. ¹³ Jesuisi heka rarybemyhỹ Lazaru rubumy roirerimy. Tiiboho tahe rõhõninyreny urile rõrõmy roirerimy. ¹⁴ Tahe Jesuisi ritỹnytyhyra tamyreny: —Lazaru rurure. ¹⁵ Jiarỹ wa aðrarureny-ki wadeysamy watiwãhãrele tahe watiwãhãrele. Ka tahe biwatyhynybenykre. Ròkòirenykre tamy. ¹⁶ Tome ierydỹỹna mahãduõ rare. Didimomy iniõre. Tamahãduõ rarybere: —Ròkòirenyke, tule tii-wana rukururenykremy.

¹⁷ Jesuisi rehemynyreu, Lazaru inaubiðwatxumy hãloo iwòdỹỹwo-ki roimyhỹ. ¹⁸ Betỹnia Jerusalẽ hãwã-ribi sohoji urihixinamy roire. ¹⁹ Judeu mahãduy-ribi sõwemy doidenyde Marta Marieboho wotðenamy, iseriðrereny rurureki. ²⁰ Marta Jesuisi kanakre rieryreu, tahe ròhõnyre tii-wana witi reakemy. Marie tahe tahetokile rononymhỹ. ²¹ Tahe Jesuisi-ò Marta rarybere: —Wahĩ, kakile atxiberi-wana waseritxòre rurukõhykyra ikuny. ²² Ihãrele tahe rekeryre ibutumy Deuxu-kò bexitðenykeki, tiki adeke kidiwahinykre. ²³ Jesuisi tahe tamy rarybere: —Aseriðre wa rubu-ribi kedexixakre. ²⁴ Tahe Marta rarybere: —Rekeryre jikarỹ ikokunanatxu-ku rubu-ribi rexixakre, ibutumy ixixanatxu-ku. ²⁵ Jesuisi rarybere: —Jiarỹ waixixanadỹỹdu rare, umytedeõna

wahidỹydu rare. Inyõ riwatyhynykeki, tii rubu-ki roire hãrele, kedexixakre. ²⁶ Ibutumy irumy roirekeki, tiu rururenyõtyhy, tii dori riwatyhynyreki. Kai aõbohe kia tetyhynyteri. ²⁷ Tii dirawyõnyde: —Kohe, Wahĩ, aratyhynywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekònyde wahe. ²⁸ Tahe Marta ròdsere Marie taseriòre-ò rarybere: —Inyhĩ rehemynyre, kai makremy rarybereri. ²⁹ Kiamy roholareu, tahe, wylemy rỹimy reare tamy rare.

³⁰ Jesuisi dori hãwã-ò ralòõlemy raremyhỹ Marta tamy raryberekile raremyhỹ. ³¹ Tii rỹimy ròhònyre, judeu mahãdu tuu robire. Tahe riheludunyre, wabede-ò robukremy raresỹny tamy roholare. ³² Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukòhykyra. ³³ Jesuisi Marta ibru-di tule judeu mahãduhi-di retehereu tule tii rabadewonihikỹre. ³⁴ Iule Jesuisi rỹĩraxire: —Titxiwexe tii tetiditenyte. Tiiboho rirawyõnyre: —Wanyrỹ, manake itxeremy. ³⁵ Jesuisi tahe rahinyre. ³⁶ Tai tahe judeu mahãduõ rarybere: —Betehebenyke sòwemy heka tii Lazaru luure. ³⁷ Ijõ tahe rarybere: —Tii iny rueta riteytenyre. Aõherekibo Lazaru irumy ratxireriule riteytenyõra.

³⁸ Jesuisi ixyby tawo-ki bederiòtiinyre. Tahe rariamy rare wabede-ò Lazaru sui-wodỹywo-ò roire. Mana-di tahe ritxiotòbònyre. ³⁹ Tahe Jesuisi rarybere: —Mana bitake Marta tahe iseriòre rarybere: —Wahĩ, rarònyre wahe inakubikòwa txumy dokuri txuu idi rỹira. ⁴⁰ Tahe Jesuisi rarybere: —Rarybere taheka, bityhynykeki, Deuxu rurumy bobike. ⁴¹ Tahe mana iribi ritarenyre. Jesuisi retehere biu-ò rexitònyre: —Umy realãm wahe watxireri kai wadee taholataki. ⁴² Wadee taholahyy atxiteri mahãte: —Kia reeryre, kata insòwehekỹ òraru-ki kiamy rarybera adee, tai tiiboho rityhynyrenykemy wahe, kai tiwateònyteki. ⁴³ Kia rexihureu tahe ryryre: —Lazaru, bodohonyke wa ahana-ò. ⁴⁴ Kia rurumy roimyhỹ-ribi tahe dòhònyde. Iwa heka tebò-wana widee ritỹtenylemy roimyhỹ. Irati tahe tyybese-di ritỹtenymy ihỹmyhỹ. Jesuisi rarybere: —Biesebenyke wa ixinamy rake.

⁴⁵ Tahe judeu mahãduy-ribi, Marie Martaboho roraludu mahãdu, aõbo Jesuisi riwinyremy robireu tahe, rityhynyre. ⁴⁶ Ijõ tahe fariseu mahãdu-ò roirenyre tamy relyykemy aõbo Jesuisi riwinyremy.

⁴⁷ Iribi tahe xiwe wahidỹydu wedu, fariseu wedu mahãdu-wana heka ywisidỹyña mahãdu ributunyre. Dohodỹyña mahãdu wedu heka imahãduni rare. Tahe inyõ rarybere: —Ka hãbu heka aõwiwihikỹ sòwemy diwinymyhỹde. Aõhebo he rokotỹyrenykyre. ⁴⁸ Tiihyyle riwinymy rarekeki, heka ibutumy rityhynykyre. Idi tahe Roma hãwã mahãdu soldadu kanakre iny riòlòdỹynyke insy rahurenkyre. ⁴⁹⁻⁵⁰ Kaifa imahãduõ rare. Kabeòrau tahe tii ibutu xiwena wahidỹydu wedu rare. Tahe tii rarybere: —Kaiboho aõ teeryòhytyente. Hãbuõ tahe rurukre ibutu inydee. Tai tahe ibutu iny itueòtyhy. ⁵¹ Kia heka irayky-ribi aõkò ròhònyre. Deuxu irayky-ò ritidire, tii dori xiwena wedu tyhy rare kabeòrau. ⁵² Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkò rurukre. Tahe sohoji mahãduòle rabutukre Deuxu riòre bede bedemy rỹira mahãdu wahe. ⁵³ Itxuule tahe Jesuisi rubudỹymy ròhòtynyrenyre.

⁵⁴ Tai tahe ihãwã-ki rariaõre, Judeia mahãduy-ki. Tahe iribi rexitare bederahy-ò iòhòm. Hãwã-ò heka rare, Efraĩ heka inire. Taile taery mahãdu-wana ihỹmyhỹ. ⁵⁵ Judeu mahãdu worana bedehesi iòhòm rỹimyhỹ Pascoa heka inire. Ritelenykoùle heka sòwemy roirenyre Jerusalẽ hãwã-ò, tai rexiwinyrenykemy iwese bede ywina rarybere wese Pascoakomy wahe. ⁵⁶ Sòwemy iny Jesuisimy robikemy rỹimyhỹ. Tahe Deuxu dohodỹyña hetowo-ki widee rarybemyhỹre tahe rarybere: —Kanakre aõbo Jesuisi worana bedehesi-ò. ⁵⁷ Xiwena wedu fariseu-wana juhoo inyõ rarybemahãre: —Inyõ Jesuisimy robikeki, tuu wadeereny kanarybekre, tii ramykremy wahe.

12

¹ Jesuisi rare Betỹnia hãwã-ò Pascoa worana bedehesi rỹikrekoki. Debòsohoji txumy

rauhenyumy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe. ² Martaboho tahe rÿsÿna wiutadana riwinyrenyre Jesuisideewina. Lazaru Jesuisi-wana riroxikremy ronmyhÿ. Tahe Marta tamyreny rÿsÿna riwymyhÿ. ³ Marie tahe sÿwemy aderona lÿnyre-di ratximyhÿ, iÿwyhykÿre heka. Tahe tii Jesuisiwatyre ritxiwire idi tahe taradedile risuhore. Heto tahe tÿnyrehekÿlemy roire. ⁴ Judasi Isariò tule Jesuisi erydÿÿnaò rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere: ⁵ —Kaa aderona heka iÿwyhykÿ rare. Aòherekibo idi tahonyöte nieru idi bitakemy iny aòkò mahädu-ò nieru biwahinykemy. ⁶ (Judasi heka iny aòkò mahädu luu aòkò rare. Erydÿÿna mahädu nieru rubudÿÿdu tii rare. Kia nieruò tahe ixideele ritosinymyhÿre. Tai tahe aderona òwy ixidee ributunykemy idi ratximyhÿ). ⁷ Tahe Jesuisi rarybere: —Ixinamy wawatyre ritxiwike, wahaloo-ò waherina heka riryrymy tuu ritxiwireri. ⁸ Kaiboho heka aöu biwiòhenanymy ahäbenyke iny aòkò mahädu awanareny dori rarehyymy rarekre. Jiarÿ tahe kaki aratxihiyyke aòkò rare.

⁹ Judeu mahädu Jesuisi rehemynyreriò roholare. Tahe sÿwemy iny tamyreny nade itxeremy. Tule Lazaru-ò itxeremy nade rubu-ribi rexixareki. ¹⁰ Tai tahe xiwewahidÿÿdu mahädu wedu tule Lazaru rubudÿÿmy rarybere. ¹¹ Lazaru òraru-ki dori sÿwemy judeu wedu Jesuisi rityhynyre.

¹² Itxubiòwau tahe Jesuisi nade Jerusalë-ò kia-ò tahe roholare ibutumy worana bedehesi ludu mahädu. ¹³ Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyreri, kai bededÿÿdÿÿdu tateki! Kai Deuxuni-di tateri. Kai judeu iòlòtyhy tate. ¹⁴ Jesuisi nade jumenta riòre tyre-ki, tuu dori ihetxina tyyriti-ki roire wesemy. ¹⁵ Kiamy wahe roire: —Judeu riòre mahädu uritere brebuömy atximahäbeny aiòlòreny dori kanakre jumenta riòre tyre-ki.

¹⁶ Iery mahädu kia rieryöhyre juhuu. ¹⁷ Iribi tahe tÿhÿti itxi reare ritidÿÿna hetxina-ki roiremy, Jesuisi biu-txi ròsemy rareu wahe tÿhÿtirenny itxi reare. Tule sÿwemy iaömydÿÿnana rybe hetxina-ki riritinymy rÿimyhÿre. Kia-di tahe idi tÿhÿtirenny reare. ¹⁸ Inyò itxeredu heka Lazaru ixixanamy relyyre. Tai tule iny sÿwemy doidenyde. Kia Jesuisi riwinyreò heka roholarennyre. ¹⁹ Tai tahe fariseu mahädu widee raryberenyre: —Ibutumy ihemy roirenyre. Timyöre, aöhe heka rikisÿnyrennyötyhy.

²⁰ Inyò worana bedehesi-ki grego rybedu mahäduò ratximyhÿ. Tii tai Deuxu reäläkemy ratximyhÿ. Tii Besaida häwã ludu-ò Kalileia bede luduò ratximyhÿ. ²¹ Tahe grego rybe mahädu tamy rarybere: —Wanyrÿ, jiarÿboho, Jesuisimy arobikemy watxirennyeri. ²² Filipi tahe Andre-ko relyyre. Ta wiwana roirenyre Jesuisi-ò. ²³ Jesuisi rarybere: —Aòkòra, Wabededÿÿnana iòhòra Deuxu Riòre Häbutyhyhykÿ rubuna-ò, wahe. ²⁴ Inatyhymy adeereny ararybekre: —Jiarÿ alòbòròna rijuxunymyhÿre wesemy aresekre suò, arurukremy. Aruruòkeki ixivanahyyle ararekre. Arurukre-wana sÿwemy araratynykre. ²⁵ Inyò ixiluukeki heka, ruruke. Kabede-ki tahe ixiluukeki, tii rexiwinymy umytuedeöna-ò ratxike. ²⁶ Inyò wadeòdumy ratximyhÿkeki, tii riwaheludunyke. Tai titxibo aratxikeò tii wawana ratximyhÿke. Inyò wadeòdumy rareke-wana, tii Waha riwowydynykre.

²⁷ Katahe wabedewonihikÿmy watxireri. Timybo ararybekre, Waha, kia rubu aömydÿÿnana-ribi biwatake. My òsana arexitòenykre. Aòkòre, kiaòle heka kabede-ò anade. ²⁸ Waha, anityhy-ò iny riwowydynykre watxireri. Iule tahe rybeò-ò roholarennyre: —Kia rotÿÿnyre ihäre ta ixityre tuu rotÿÿnykre. ²⁹ Tahe iny sÿwehekÿ kia rybe-ò roholare. Tahe rarybere: —Biumytxyle rare. Tahe ijò rarybere. Aòkòre ÿju rare. ³⁰ Tahe Jesuisi rarybere: —Waòraru-ki aòkò kia rybe rÿireri, aòrarurenny-ki, tamy bohoolabenykemy. ³¹ Wiji tahe ywisidÿÿna kÿnyikre, bedemy iny rÿira mahädu-ò. Kia mahädu iòlò, Satanasi, kanahitxidÿÿkre. ³² Iu jiarÿ itxeò-ki riwaukokreu, ibutumy iny heka ixidee adiwiutadännykre riwatyhynnykre. ³³ Iu tii kia rarybereu, tarubuna ritÿnyrenny timybo rurukre. ³⁴ Iny sÿwehekÿ dirawyònyde: —Jiarÿboho raholarennyre bede ywina-ò. Tii rarybere: —Tiiemy Kristu rarehyymy rarekre. Timybo kai tarybeteri: —Biwaukokremy.

Mobo tahe Deuxu Riðre Hãbutyhyhykÿmy tuu tarybeteri. ³⁵ Tahe Jesuisi dirawyònyde: —Urihimyòle loosòna awana rariamy ratxireri. Idi atxiteriule idi mariake, bede luru atxi kanakelau. Inyò bede luruki rariakeki, tiobo rake rieryòhyyre. ³⁶ Waloosòna atxiteriule, biwatyhynyke waloosònamy, taile waloosòna mahãduòmy boibeke. Kiarybe rahu-di tahe Jesuisi iribi rexitamy rexiwore. ³⁷ Tii sòwemy bedeòtiidÿÿna ikoreny-txi riwinyre. Ihãrele tahe sòwemy rityhynyòre. ³⁸ Kia tahe Isaia tyyriti-ki roire, tahe iwesele tuu rarybere wese wiji rÿira rotÿÿnyre:

—Wanyrÿ, Iny rybe tÿnydÿÿnareny tiiboho rityhynyòhyyre, Deuxu taruru tamy riteòsinyrehãrele rityhynyòre.

³⁹ Tai rityhynyòhyyre. Isaia, Deuxu rybedu ijòmy ròritidÿÿre:

⁴⁰ —Deuxu riruetànyre, irayky riteredÿÿnyre. Tai rieryòhyymy robiòhyymyhÿre. Tiu heka Deuxu rityhynyòhyyre. Tiu riteytenyòhyyre.

⁴¹ Isaia Jesuisi loosònamy robire. Tai tahe tuu ròritidÿÿre. ⁴² Ihãrele tahe dohodÿÿna mahãdu wedule sòwemy rityhynyre. Urile fariseu mahãdu òrarukile, ijò-ò tuu rarybeòre, dohodÿÿna mahãduy-ribi riòlòdÿÿnyheny. ⁴³ Tiiboho dori Deuxu wowydyna luurenyòre inywowydynale luurenyre.

⁴⁴ —Iny riwatyhynymyhÿkeki, wadeòdÿÿdule rityhynymyhÿre. ⁴⁵ Inyò wamy robikeki, iule wadeòdÿÿdumy robike. ⁴⁶ Jiarÿ loosòna wesemy anade bede-ò. Tai tahe iny riwatyhynykeki, bede luru ribi ròhònyke. Tai heka anade. ⁴⁷ Inyò warybe-ò roholake hãrele riywinyòkeki, tahe jiarÿ tii wiji ariywidÿÿnyòke. Jiarÿ dori tarasaduhyylemy anade. ⁴⁸ Inyò riwatyhynyòkeki, warybe-ò roholaòkeki, ikonana txuu tahe ywisidÿÿna-ò ralòke, warybe-ò rityhynyòmyhyreki aòhòkÿmy dÿÿnana-ò heka kia ralokre. ⁴⁹ Jiarÿ ixi rayky-ribi aòkò rarybemahãre. Wahale rybe wadee riwahinymyhÿre. Kia wesele relymahãre. ⁵⁰ Deuxu rybe bede ywina-di diwateònyde umytuedeòna wahidÿÿna kia rare. Kiale heka reeryre.

13

¹⁻³ Pascoa worana bedehesi txumy txuu rÿire. Tahe Jesuisi rexieryre ixyby tyby-ò ròðsekremy ihÿre, ibededÿÿnana iòhòmy roireki. Tule rexieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydÿÿna mahãdu-wana riroximyhÿreny. Judasi Isariò (Simaò riðre) taile ratximyhÿ. Juhuu diabo tamy rarybere iruule Jesuisi rityhenykeny. ⁴ Jesuisi sòwemy taerydÿÿna mahãdu luure. Tai tahe rÿire, tatytyre ludu ritare òsuròna rimyre, idi rexiwety-ataare. ⁵ Hynaro-ò bee ritxiwire taerydÿÿna mahãduwaa risuhokremy tahe òsuròna-di tawetya-ki ihÿmyhÿ-di iwa rirubudÿÿnyre. ⁶ Tahe Jesuisi rehemynyre Simaò Pedro-ò, Pedro rarybere: —Aòkòre kai wawareny suròdòòmyke. ⁷ Jesuisi rirawyònyre: —Kai heka teeryòte aòherekibo resuhòreri. Ihewo-ribi tahe bierykre. ⁸ Pedro rarybere: —Aòkòre, wawasuròdòdÿÿòmy. Jesuisi rirawyònyre: —Arisuhòòkeki wawanahyy aòkò mabeke. ⁹ Pedro rarybere: —Wawasohojile aòkò bisuhokre, wadebò warati-wana tule wahe. ¹⁰ Tahe ritÿnyre Jesuisi; inyò ròhòre-wana iwale rasuhòke. Iuhe ibutumy tyralemy rÿimyhÿre. Kaiboho yralemy toite. Sohoji tahe aòkòre. ¹¹ Jesuisi tatyhedÿÿdu rayky rierymyhÿre. Tai tahe rarybera, ibutumy aòkò tyraremy.

¹² Jesuisi iwasuròdò rexihureu, tatytyre ludu retyynyra roxina-ò ròðsere. Tamyreny rÿÿraxire: —Kaiboho teerytenyete. Aòhebo jiarÿ kia ratÿÿnyra. ¹³ Adeereny aritÿnynykre. Kaiboho tiwaninitenyete anyrÿmy, aòhe inatyhy? Aerydÿÿdumy, inatyhy heka jiarÿ rare tahe òbitimy tarybetenyete. ¹⁴ Jiarÿ aerydÿÿdureny anyrÿreny heka awareny resuhore. Tai tahe kaiboho wiwa bisuhòbenykre. ¹⁵ Iwese jiarÿ rexideòsinyre wese kaiboho biwinybenyke. ¹⁶ Inatyhymy adeereny ararybekre. Deòdu dori tawedu ratyre aòkò rare. Rybe-ò ijohonadu dori rybedutyhy ratyre aòkò rare. ¹⁷ Kia warybe teerytenyete. Tahe biwinybenykeki bedèòbynatyhy adeereny kanakre. ¹⁸ Ibutumy umyreny aòkò rarybereri jiarÿ araeryreny, aratarenyeki, wahe. Rybe tyyriti-ki roire kiamy:

—Kia wawana riroximyhÿrele heka riwatyhenykre. Ele elemy tuu rotÿÿnykre.

¹⁹ Wiji rarybereri heka wylemy kia tuu rotÿÿnykre. Tuu rotÿÿnykreule, kaiboho bierybenykre òbitimy raryberé wahe; jiarÿ biwatyhynybenykemy wahe. ²⁰ Inatyhytyhymy ararybekre: —Inyõ adee aditeònykre. Inyõ tii rityhynymy kididykeki, tii riwadymyhÿre. Inyõ kidiwadykeki wadeòdÿÿdu ridymyhÿre, Deuxu rityhynymyhÿre wahe.

²¹ Tahe Jesuisi rabadewonihikÿmy rononymhÿ. Tahe rarybera: —Iny sohojiõ ayreny-ribi riwatyhenykre. ²² Tahe wii riijerijereny. Mokobo rarekremy rõhõtinyreny. ²³ Jiarÿ, Joaõ Jesuisi weribi ranywÿhÿ, tii dori sòwemy waluure. ²⁴ Tahe Pedro wadee narybewasidi: —Tamy inihe myÿraxike mobo raremy. ²⁵ Tahe jiarÿ retoruny: —Wanyrÿ, mowexe ratxireri. ²⁶ Jesuisi rarybere wadee: —Kia orotxu ituudÿÿtamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaõ riðre rare. ²⁷ Tahe Judasi riyre. Iribi tahe Satanasi aòwesele tamy ralore. Jesuisi heka Judasi-ò rarybere: —Aõhebo botÿÿnykre wylemy makre biwinykremy. ²⁸ Tahe riroximy rÿimyhÿ mahãdu rieryõre aõmybo Jesuisi rarybemyhÿ. ²⁹ Judasi Isariò dori nieru hyna yrubudÿÿdu heka rare. Tai tahe rõhõtinyreny Jesuisi worana bedehesi aõna aõna riwykemy riteònyre, ada iny aokõdu mahãdu-ò nieruõ riwahinykemy. ³⁰ Judasi orotxu yre riyemy rahudi tahe ròhònymy rare bede luru-txi.

³¹ Judasi ròhònymy rahudi tahe Jesuisi rarybere: —Wiji tahe Deuxu Riðre Hãbutyhyhykÿ loosònamy iny robimyhÿre taraykywo-ki. Tii heka jiarÿ rare. Deuxu-ò waòraru-ki wowodyna riwahinykre. ³² Deuxu loosònamy tahe waki iny robikeki, Deuxu riwatoosònyreri aòwesele ibutumy iny tuu robike. ³³ Waluudu mahãdu warìðre wesemy atximahãtenyete, umywanareny urihimyoòle ararekre, idi tahe arakre. Tahe biwajebenyhãrele waki mahabenyòtyhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyòke. ³⁴ Bede ywina tÿmyra wese adeereny ariwahinykre kiamy wahe: —Wiluurenykemy wahe: —Iwese jiarÿ aluurenyre wese tule kaiboho wiluurenyke. ³⁵ Wiluurenykeki ibutumy iny rieryrenykre kai waerydÿÿna mahãdumy tate.

³⁶ Tahe Simaõ Pedro ritÿÿraxinyre: —Wanyrÿ, titxibo kai makre. Jesuisi dirawyònyde: —Titxibo arakre-ò wiji kaiboho boibenyòke, iribi tahe wahemy bodoikre. ³⁷ Tahe Pedro rarybere: —Wanyrÿ aõherekibo araòkre wiji ahemy waumy kie aòraru-ki ariwahinykemy watxireri. ³⁸ Inatyhymy aõbo aumy biwahinykre waòraru-ki. Inatyhytyhymy ararybekre: —Hãnie hãbu robukõule kai biwatxiõnykre inataõmy.

14

¹ Kaiboho bedeòtiidÿÿrenyõmyke bedewona-ki. Kaiboho Deuxu tetyhynytenyete, tai tahe biwatyhynykre. ² Wahasÿ-ki sòwemy sÿÿ rÿimyhÿre kialemyre heka tai. Kaweseòkeki adee inatyhymy rarybemahãre. Jiarÿ tahe arakre sÿÿ adeereny ariwinykemy. ³ Ariwinymy arahudi tahe ixbyle aòrysmy addòðsekre. Tahe aradyrenykre titxibo-txi aratxireriò kaiboho tule matxibenykre. ⁴ Kaiboho dori teerytenyete titxibo wasÿry roire. ⁵ Tahe Tome rarybere tamy: —Wanyrÿ, titxibo makreò reerykõreny. Tai tahe timykibo asÿry reeryreny. ⁶ Jesuisi dirawyònyde: —Jiarÿ wa ryy rare. Deuxu inatyhyna jiarÿ rare. Umytuedeõna wahidÿÿdu jiarÿ rare. Inyõ waòrarukile Waha dee rakre. ⁷ Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete. ⁸ Idi Filipi rarybere: —Wanyrÿ, boo inydee biteòsinyke, tai tahe awike. ⁹ Tahe Jesuisi rarybere: —Filipi, sòwemy bededÿÿnana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteòsinykemy. ¹⁰ Jiarÿ Waha-ki watxiwãhãre tule Waha waki ihÿre. Kia aõbohe tetyhynyõte rarybewãhãre, kia iximy aokõ rarybewãhãre. Waha waki ratximyhy tii taõmydÿÿnanamy rotÿÿnyre waumy-ribi. ¹¹ Waha-ki watxiwãhãre, tule tii waki ihÿre, kia bityhynybenyke. Aõwiwihikÿ rewinywãhãre òraru-ki biwatyhynybenyke. ¹² Inatyhytyhymy adee ararybekre: —Inyõ riwatyhynykeki, wawesele aõwiwihikÿ riwinykre. Tahe watyreaõ riwinykre. Jiarÿ dori Waha-ò arakre. ¹³ Tai wanimy

aõmy bexitðenybenykeki, tii tahe ariwinykre. Iny Waha-ò wowydyna riwahinykemy idi watxireri, iRiðre wahe jiarỹ rare. ¹⁴ Tai aõma wani-ò bexitðenybenykeki, tii tahe riwinykreadeereny. ¹⁵ Inyõ waluukeki tii wabede ywina riywinytyhyke. ¹⁶ Waha-ò arexitðenykre ijõ wiðhedỹydu adeereny kiditeðnykremy waderòwmy. Tii aõu aõu adeereny hyyle rarekre. ¹⁷ Tii Deuxu Tyytybytyhy rare. Tii inatyhynamy rieryreny, iny bede bede mahãdu wahe. Deuxu Tyytybytyhy ixidee ridykemy. Tuu dori robiõtyhy rieryõtyhy. Kaiboho tahe teerytenyete. Tii dori umywanareny ratximyhỹre, aworeny-ki ratxikremy. ¹⁸ Jiarỹ heka ixisojojimy ararisidỹnyõtyhy. Jiarỹle adee adoosekre. ¹⁹ Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰ Kia txuu kaiboho bierybenykre jiarỹ heka Waha-ki watxiwãhãremy. Kaiboho tasỹ waki ahãtenyete. Jiarỹ tule akireny watxiwãhãre. ²¹ Inyõ wabede ywinareny dikeki tahe, riywinykeki, waluudu rare. Waha tule iluukre. Jiarỹ tule iluutyhyre. Tamy tule arexideòsinykre. ²² Judasi tamy rarybere: (aõ Isariò aõkõ kỹny, iwitxiraõ.) —Wanyrỹ, aõhekremybo wadeereny bedexideòsinykre tahe bede bede ludu mahãdu-ò aõkõ wahe. ²³ Jesuisi rarybere: —Inyõ waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy. ²⁴ Iny waluuõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny. ²⁶ Tahe Deuxu Tyytybytyhy, awiðhedỹydu, tii araerynanykre ibutumy aõna aõnamy. Timybo jiarỹ adeereny raryberemy akananohõtiijaranydenykre. ²⁷ Ywina adeereny adiwahinykre waywina wahe. Iwese bede bede ludu mahãdu riwahinymyhỹre wese aõkõ ariwahinykre. Uritere nohõtityreõmy brebuõmy. ²⁸ Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu. ²⁹ Kaa bede reakoki tuu rarybereri. Tuu reakreu tahe, kaiboho biwatyhynybenykre. ³⁰ Sõwemy heka adeereny ararybeõkre, bede dinodu dori tehemyrysỹ iðhõmy ihỹre, Satanasi wahe. Tii heka wadee iruruõhyyre, riwateðnyõtyhy. ³¹ Jiarỹ Waha luure. Rewinywãhãre aõbo Waha ariwinykemy riwateranymyhỹre. Botamanyke: —Ròkòirenyke.

15

¹ Hãjutò òwòna wese wihikỹ jiarỹ rare. Waha tahe bede rade wysydỹydu wese rare. Bede òbebure iratyõkeki ið riðròke. Iratydikeki iðsõmo iribi risihere. Tai tahe sõwetyhymy nihikỹmy raratynyke. ² Kaiboho bede rade-ò wesemy toite. Warybe-di aòsõmoreny aribireny resihemahãre. Katahe òbitimy toite bederatymy raratynykemy. ³⁻⁴ Kaiboho biwamymy wadi myikre. Iwese bede radeõ raðròðmyhỹkeki irulemy rỹikre raratynyke. Aõkõkeki ruruke. Kaiboho iwesele toite. Waki beàrenyõbenymyhỹkeki, tiu Deuxudeewimy atxibenyõtyhy. ⁵ Jiarỹ hãjutò òwòna wese rare. Kaiboho ibede radeò wese toite. Waki beerenybenykeki, jiarỹ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy. ⁶ Inyõ waki rariõkeki, iwese iny bede rade rubu-di rahuleke, tii iwesele inyõ rahukre. Juhuu rimyre, idi heòty-ò rehure, tai roomyhỹre. ⁷ Kaiboho waribi boibenyõkeki, warybe õhõti-ribi rosaõtyhykeki, aõtaxina wadee bexitðenybenykre, tai ibutumy adee ariwahinykre. ⁸ Iwese bede rade sõwemy raratynymyhỹre wese, kaiboho, aõna aõna wiwihikỹ biwinybenyke Deuxu dee. Kiakeki tahe Deuxu deàlãna sõwemy ritakre. ⁹ Iwese Waha waluure wese jiarỹ aluurenyre waluuna-ribi boibenyõke. ¹⁰ Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhỹre wese tahe Waha luuna-ribi jiarỹ tiu rahònyõhyyre. ¹¹ Wadeysana awo-ki ratxikemy jiarỹ adi watxireri. Eysana sõwemy mabekemy adi watxiwãhã. Tai tahe warybe adee rarybere. ¹² Wabede ywina heka kaa rare: —Wiluukemy. Iwese jiarỹ aluure wese wiluurenykemy. ¹³ Inyõ taery dee rurukeki taluunadireki, tii luunatyhy ijõdire. ¹⁴ Kaiboho wadeewi biwinybenykwana tai inatyhymy wabiòwa toite. ¹⁵ Tahe aõ wadeòdumy aõkõhe araninirenykre. Kaiboho

wabiòwa toite jiarỹ dori Waha-ribi raholare adee tuu relyywãhãre. ¹⁶ Kaiboho tahe tiwatatenyõhyyte, jiarỹ tahe aratarenyire kaiboho boibenykemy. Sõwemy aõna aõna wiihikỹ botỹnybenyke. Tule kia aõna aõnamy tule roihykemy. Tai tahe aõmy Waha-ribi wani-di bexitõenybenykeki, adee riwahinyhy rareke. ¹⁷ Wiluubenyke: — Kia tahe wabede ywina adeereny adiwahinyde. ¹⁸ Bede ludu iny mahãdu eramy reakeki myỹ uritere nohõtiõmy juhoo dori waderamy waluuõre. ¹⁹ Kai bede ludu iny tate-wana iny aluuke, tahe aõkõre. Tai tahe iny eramy reamyhỹre. Bede ludu mahãdu ribi jiarỹ aratara. Bede ludu mahãdu aõkõ tate urenana. ²⁰ Adee heka rarybere aõmybo. Uritere iribi nohõti lusaõmy kia wahe: —Deòdu tawedu ratyre aõkõ rare. Tai wadee aõbina binamy iny rotỹnymyhỹre. Adeereny tule aõmy rotỹnykremy wahe. Tiiboho warybe riywinyrenykeki, arybe tule tiiboho riywinyrenykre. ²¹ Kia tahe adee ratỹnymyhỹre wanimy rybe òraru-ki, tiiboho dori wadeòdỹna rieryõreki. ²² Tuu ararybeõre wana inihe tiiboho òrarudiõhyyrenyire. Katahe rarybere tai tahe tiiboho rarybeõtyhy rieryõremy. ²³ Inyõ waluuõkeki, tule Waha luuõtyhy. ²⁴ Jiarỹ heka ibutuko-ò wowydyna iitxerenarenymy rewinyõrewana, tiiboho òrarudiõhyyre inihe. Tahe rewinyamahãre, tuu robimyhỹrenyire, ihãrele tahe waluuõre tule Waha luuõre. ²⁵ Kiamy heka rotỹnyre bede ywina ritidỹna-ki roireki. Tai heka tuu rotỹnymyhỹre. Kiamy wahe ritidỹna-ki roire:

—Tii heka bede òraru aõkõ rare, ihãrele tahe iluuõrenyire.

²⁶ Deuxu Tyytybytyhy adee ariteònykre. Tii, wiðhedỹdu rarekre inatyhynamy rierynanykre. Tahe, tii kedehemynykre wamy rarybekre. ²⁷ Tule kaiboho wamy marybebenykre, wawana hyy ahãtenyteki.

16

¹ Kiamy adee rarybemahãre òraruna-txi ixekemy. ² Tiiboho heka anatakre tohodỹna hetowo-ribi. Kobe, bede dỹnnana iðhõmy kadeakreu inyõ anarubunykeki, kia Deuxudeewimy tuu konohõtinkyre. Tii Deuxu wiðhedỹdu raremy ixi-di kõnohõtinkyre. ³ Tiiboho Waha rieryõhyyhỹrenyire tule riwaeryõmyhỹre. Tai tahe kiamy adeereny rotỹnymyhỹrenyire. ⁴ Iu adeereny aõmydỹnnana kedehemynykre, õhõtireny itxi reake timybo adeereny relyyretxi. Tiu heka tuu rarybeõhyyre, umywanarenhyhy dori wãhãre. ⁵ Katahe arakre wadeòdỹdu-ò. Kaiboho bỹrãxibenykekõ aõbo tiobo arakre-ò. ⁶ Kaiboho heka tabedewomy toite kamy rarybereriki. ⁷ Ihãrele tahe inatyhymy adeereny ararybekre: —Adeereny awikre arakreki wahe. Jiarỹ araõkeki awiðhedỹdu, Deuxu Tyytybytyhy kanaõkre. Arakeki tahe tii aditeònykre adeereny. ⁸ Iu kanakreu, tii inydee kiditeòsinykre irayky binadiremy, iòbitina-di aõkõremy, òrarunadiremy. Deuxu dori òrarudu riywisidỹnykre. ⁹ Taòraruna ixidee kiditeòsinykre tiiboho riwatyhynyõrenyriki. ¹⁰ Tahe ixidee kiditeòsinykre. Jiarỹ iratyre waòbitina direki. Waha-ò dori arakre, wamy bobibenyõtyhykemy. ¹¹ Deuxu ixiwisidỹna ixidee kiditeòsinykre kabede dinodu dee rarybere tii rexihukremy. ¹² Jiarỹ heka sõwemy adee ararybekemy watxireri, ibutumy tahe isiramy ixidee boholabenyke. ¹³ Txiòhe rare. Deuxu Tyytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. ¹⁴ Tii waaõmydỹnnana adeereny ritỹnynykre. Tai kidiwatoosònanykre. ¹⁵ Ibutumy Wahahõrõ heka wahõrõ rare. Tai heka tuu adeereny rarybereri waaõmydỹnnana adeereny kiditynynykremy. ¹⁶ Urihimyò riðre heka waõkre, idi tahe ixityre wamy bobibenykre. ¹⁷ Tahe ijõ ierydỹna mahãduõ widee rarybere: —Timybo tii rarybere: —Urihimyò iõkremy tii rarybereri, tule ixiryre wamy bobibenykremy. Tule Waha-ò arakre. Timybo heka rieryrenyõhyyre aõmybo rarybera. ¹⁸⁻¹⁹ Tiiboho Jesuisi-ò rỹrãxirenykremy ratxirenyreri. Tahe Jesuisi rierymyhỹre tuu rỹrãxikre. Tahe Jesuisi tamyreny rỹrãxire: —Kaimy ixidee tỹrãxitenyteri. Wananamy waðkesenalemy. ²⁰ Inatyhymy adeereny ararybekre: — Iny bede mahãdu urile reysakre, kaiboho tahe araryrenyra urile mahinybenykre,

birajuabenykre, mabedewobenykre. Idi tahe kaiboho beysabenykre. ²¹ Iwese hãwyy ijera iòhòreki, rabedewomyhÿre, taaòhòkÿmydÿÿnana-di ròhòtinymyhÿre. Idi tahe reamyhÿre. Iu tahe tòhòti rosamyhÿre tohouã tÿmyradile reysamyhÿre. ²² Iwesele kaiboho mabedewobenykre, ixityre wamy bobebenykreu tahe, kaiboho beysabenykre. Inyò heka deysana aribireny ritaòtyhy. ²³ Kiatxu tahe uritere watÿÿraxidÿÿomykre inatyhymy adeeremy rarybereri. Waha-ribi aomy bexitòenybenykeki. Tii adeeremy kidiwahinykre wani òraru-ki. ²⁴ Tiu heka aomy texitòenytenyòmahãte wani-di. Bexitòenybenyke, tai bitabenykre. Tai tahe kaiboho beysabenykre.

²⁵ Ibutumy rybewòtemy adeeremy rarybewãhãre wahe. Idi tahe tuu adeeremy ararybeòkre. Idi tahe itÿnytyhymy Waha aritÿnynykre adeeremy. ²⁶ Kiatxu tahe bexitòenybenykre wani-di jiarÿ ararybeòkre umyreny Waha-ò. ²⁷ Waha dori alu-urenyre, kaiboho waluurenyreki, Deuxu-ribi anade tetyhynytenyteki. ²⁸ Waha-ribi anade, bede-ò adehemynyde ihãrele bede-ribi arakremy Waha-ò. ²⁹ Jesuisi ierydÿÿna mahãdu rarybere: —Wiji tahe itÿnytyhymy tarybeteri. Rybewòte-di aòkò tarybeteri. ³⁰ Kai ibutumy teeryte. Inyò dÿÿraxiòmy adee. Kai inatyhymy Deuxu-di tanate. Kia jiarÿboho retyhynyreny. ³¹ Tahe Jesuisi tamy rÿÿraxire. Inatyhymy wijityhyle tetyhynytenyta. ³² Wabededÿÿnanamy heka reara. Kaibohoò sohoji sohojimy tasÿ tasÿ-ò rakre. Biwaribenykre ixi sohojilemy arÿikre. Tahe ixi-wana aòkò watzikre, Wahawanale arÿikre. ³³ Kaheka aõna aõnamy adeeremy rarybere ywina-di araykyreny-ki boibekre. Bede-ki kaiboho aòhòkÿmy botÿÿnybenykre. Ihãrele beysabenyke, Jiarÿ heka Deuxu òludu mahãdu-di ròtara.

17

¹ Jesuisi rarybemy rahudi tahe retehere biu-ò rarybere: —Waha, wabededÿÿnanamyhe reara. Ariòre watxiwãhãre. Wowydyna wadee biwahinyke tai tahe adee wowydyna adee ariwahinykre. ² Kai, Waha, ibutumy wadee ruruna tewahinyta iny deòdÿÿnamy. Tai umytuedeõna ariwahinykre biu-ò hedu mahãdu-ò. ³ Kia heka umytuedeõna rare: — Deuxu inatyhy tate sohojihyy tate. Tii araeryrenykeki tahe eòdÿÿna Jesuisi Kristu riryrenykeki. Kia umytuedeõna rare tamyreny. ⁴ Aõ aõmysÿdÿÿnabo wadee tewahinyte, ibutumy adee rewinyre. Tai heka arawowydynyra kabede-ki. ⁵ Iu bede rexidelenyreu umywanahyy rarewãhã. Sõwemy loosõna nihikÿ-di rawãhãre. Tahe wiji, Waha, kia loosõnale ixityre bidiwahinykre umywanahyymy ararekre. ⁶ Kai iny mahãduò wadee tewahinyte bede mahãdu-ribi. Tamyreny umy rarybemahãre. Juhu tiiboho ahòrò roire. Idi wadee tewahinyte. Tiiboho arybe riywinymyhÿre. ⁷ Ibutumy waaòmydÿÿna aribi retamahãre. Kia heka wiji tiiboho rieryrenyra ibutumy aribi nade. ⁸ Aõrybebo wadee tewahinytamy tamy rarybemahãre. Tiiboho rityhynyreny, rieryreny aribi jiarÿ anade, kai wateòdÿÿdu tate. ⁹ Iòraru-ki adee rexitòenyre. Tiiboho amahãdu roire. Wadee tewahinyte, bede mahãdu-ò raru-ki aòkò adee rexitòenyre. ¹⁰ Ibutumy wahòrò, ahòrò rare. Tule ahòrò, wahòrò rare. Tai heka iny mahãdu riwatoosònanymyhÿre. ¹¹ Jiarÿ adee arakre tai kaki arareòkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwesehyymy roirekre. ¹² Tiiboho-wana rarewãhãu ani òraru-ki reyrubunymahãre, wadee tewahinyteki. Timy heka reõnonyòhyre ijò, sohojile tahe reõnonyre. Juhuu dori Ritidÿÿna roire ijò sohojiò ariõnonykremy. Ihyy tahe reõnonyre, Judasi Isariò õnodÿÿduhyymy rarekre. ¹³ Ka tahe arakre arora-ò. Tii heka inyò rarybemahãre ibutumy wadeysana iworeny-ò ralòmhyhÿkemy. ¹⁴ Jiarÿ arybe tamyreny rewahinymahãre. Bede mahãdu iny dori terarenyre, tiiboho bede mahãdu iny aòkò roireki. Iwese jiarÿ bede ludu hãbu aòkò rare wese. ¹⁵ Bede-ribi tarasamy aòkò heka adee rexitòenyre. Urile ibina bina widÿÿ-ribi biyrubunykyre. ¹⁶ Tiiboho tahe wiji ijò bede witxira ludu roire, iwese jiarÿ rare wese, wahe. ¹⁷ Arybe-di tiiboho biòbitinyke, tai ahòrò mahãdumy rarekre. Arybe dori òbitityhy rare. ¹⁸ Iwese bede iny-ò tadiwateònyte wesemy, Jiarÿ tiiboho reteònyre bede ludu mahãdu-ò rarybekremy. ¹⁹ Tamyreny xiwena

wesemy adee arexiwahinykre. Òbitihyymy ararekre, tai tiiboho òbitihyymy roirekremy inatyhyna-di. ²⁰ Aõ tamy sohojile aõkõ heka rexitðenyneri. Ibutumy kia rityhynymy rÿirakre-ò dori rexitðenyneri. ²¹ Tai tahe ibutumy wiwese wesemy rõhõtinyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahãdu rityhynykre ateòdÿÿna watxireri urenana. ²² Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³ Jiarÿ taireny wãhãre, kai waki ahãte. Tai tahe inyboho butuhyymy rokoirekre. Wii riòbitinymyhÿrenykre. Tai bede mahãdu rierykre tadiwateònyteki. Tule wamahãdu luu tate urenana Waha, iwese waluure wese. ²⁴ Waha, titxibo ararekre, tiiboho wawanahyymy roirekre, wamahãdumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinyte. ²⁵ Waha òbiti, bede mahãdu araeryõre Jesuisi tahe araeryre. Wamahãdu tule rieryre tadiwateònyte. ²⁶ Jiarÿ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarÿ taireny ararekre.

18

¹ Jesuisi rexitðenymy rahudi tahe roirenyre taerydÿÿna mahãdu-wana Cedrõ beawe-ribi kowa ijã-ò heka reurðenyre, tahe bederaty oworuro-ò rirðenyre. ² Judasi heka Jesuisi tyhedÿÿdu heka ibede rieryre, Jesuisi dori taerydÿÿna mahãdu-di tamy rahyymyhÿre. ³ Tahe Judasi, soldado mahãduò tadinodu-wana ributunyre. Fariseu mahãdu-ribi xiwena wedu wahidÿÿdu-ribi Judasi soldado yrubudÿÿdu mahãdu rihitxinyre tule xiwena deòdu mahãduò rihitxinyre tii-wana rakremy roirenyre. Tahe tamy ritehemynyrenyre tòbòra heòty-wana. ⁴ Jesuisi rexieryre ibutumy aõmybo tamy kodotÿÿnykre. Tahe iny mahãdu-ò rexidorunyre. Tahe rÿÿraxire tamy: —Mowe teijetyneri. ⁵ Tahe dirawyònyde: —Jesuisi Nazare hãwã ludu reijereri. Tahe Jesuisi rarybere: —Jiarÿ wa tiile rare. Tahe Judasi ityhedÿÿdu tii mahãdu wanale nade. ⁶ Jesuisi tamyreny rarybereu, tahe rexilòhòrarienyre iribi, tahe suòle reserenyre. ⁷ Ixityre Jesuisi tamy rÿÿraxire: —Mowe teijeteri. ⁸ —Jesuisi Nazare hãwã ludu, tiiboho dirawyònyde. —Rarybera tahe jiarÿ raremy wahe. Tiwajeteri-wana tahe biwadyke urile ixinamy wajoi rirahuke. ⁹ Kawesemy wahe irybe hitxina wadee tewahinyteò heka tiu reõnonyòhyywãhãre. Jesuisi, kiamy rarybere tamyreny irybe hitxina wesemy ibutumy tuu rotÿÿnykremy. ¹⁰ Tahe Pedro tamaydese ritamy reare tahe xiwena wedu deòdu riwotõmonyre. Malòò heka inire. Pedro Malòò nohõti riorore ruruwe-ribi ludu wahe. ¹¹ Jesuisi rarybere Pedro-ò: —Amaydese birutyke. Jiarÿ Waha deewimy aõhebo arotÿÿnykrekõ aõbo wadi tahõtinyteri. Aõhòkÿmy arotÿÿnyòkemy aõbo wadi tahõtinyteri.

¹² Tahe soldadu, tadinodu-wana, judeu yrubudÿÿdu-wana Jesuisi rimyre ritaataamy ridyre. ¹³ Kia beòra Kaifa xiwena wedu tyhy rare. Anasi iriòre labie rare. Tai tahe juhuu Ana-ò ridyre. ¹⁴ Kaifa tahe juhuu judeu mahãdu-ò rarybere: —Wiji beòramy hãbuò iny mahãdu òraru-ki rurukremy rahõtinyneri.

¹⁵ Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore òtity ijòrore-di. ¹⁶ Pedro tahe ahanakile rÿire. Kia Pedro-wana rare. Rohonyre hetowo-ribi hetojò-di itxeredu-ò rarybere, tahe Pedro ridyre hetowo-ò. ¹⁷ Kia ijadòma, heto ijò-di itxeredu rarybere Pedro-ò: —Kai Jesuisi erydÿkÿna mahãdunokõ anobo tate. Tahe Pedro dirawyònyde: —Aõkõre. ¹⁸ Tahe soldado yrubudÿÿdu tai rahetòmÿ rÿimyhÿ, heto ludu deòdu mahãdu-wana txtutà riki. Pedro iyreny kile rÿimyhÿ rahetòmÿ.

¹⁹ Tahe xiwena wedu tahe Jesuisi-ò rÿÿraxire. Aõhebohe aerydÿÿna mahãdu-wana tadothÿÿnymahãte. Timybohe tebedeerynymahãte. ²⁰ Tahe Jesuisi ritÿÿnyre: —Ibutumy inyko relymahãre iwasimy aõkõ heka relymahãre. Judeu dohodÿÿna hetokile relymahãre Deuxu dohodÿÿna heto-wana. Titxibo judeu mahãdu ributunymyhÿremy relywãhãre. ²¹ Tai aõherekibo wadeele tÿÿraxiteri. Myÿraxike wadee ijohonadu-ò.

Tiiboho ka rieryrenyre aõmybo rarybere. ²² Jesuisi kia rarybereu, soldadu itxereduõ rihetenyre. Tahe rarybere: —Tu heka rybeõmyke xiwena wedutyhy-ò. ²³ Jesuisi dirawyònyde: —Jiarỹ ibinamy aõmybo rarybera-wana, manarybeke tuu. Aõkõkeki, awimiy rarybera-wana aõherekibo tiwahetenyre. ²⁴ Anasi tahe Jesuisi ridykemy riteònyre tataanadihyyle Kaifa-ò, xiwena wedutyhy wahe.

²⁵ Kowa tahe Simaõ Pedro ratximyhỹre rahetòmỹ rỹimyhỹ. Inyõ rỹỹraxire: —Kai aõbo ierydỹyna mahãduõ tate. Tahe rexitxiõnyre. Jiarỹ ijõ aõkõ rare. ²⁶ Xiwena wedu deòduõ Pedro-ò rỹỹraxire: —Tii heka Pedro ritõhõtiorore ijoio rare. Tahe tamy rarybere: —Umy taheka rabire tii-wana bederaty oworuro-ki atximahã-ò. ²⁷ Pedro ixityre rexitxiõnyre. Aõwesele tahe hãnie hãbu robure.

²⁸ Idi tahe Kaifa heto-ribi Jesuisi ridyrenyre ywisidỹyna-ò bede dinodu heto-ò rudiulere. Tiiboho rirònyõhyre brebuna-di rexisunyrenyheny. Rirònyrenykeki, tahe Pascoa worana bedehesi rỹsỹnaõ rirỹsỹõtyhy. Tiiboho dori rõhõtinyre rirònykeki, brebuna raremy. ²⁹ Tahe Pilato ròhònyre tamy rarybekremy: —Tahe Jesuisimiy tamy rỹỹraxire kia hãbuny terajuatenyteri aõhebohe rotỹynra. ³⁰ Tahe dirawyònyde: —Aõbibina binamy rotỹynkõhyra wana inihe aridyrenyõhyreri. ³¹ Tahe Pilato rirawyònyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudỹmy rybe aõkõ rare. Inyõ heka arirubunyrenyõtyhy. ³² Kia rybe tahe Jesuisi rybe wesemy rare. Tii dori iximiy rarybere timybo rurukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidỹyna-ò Jesuisi-ò rỹỹraxire: —Kai aõbo judeu mahãdu iòlò tate. ³⁴ Jesuisi ritỹỹraxinyre: —Yraxina aõbo ahõrõ rare ada ijõ aõbo wamy kia rarybere. ³⁵ Tahe Pilato rarybere: —Jiarỹ wa judeu mahãdu aõkõ wãhãre. Aõbinatyhymy aõbo he tewinyte. Judeu mahãdu wadee tiwadyte. ³⁶ Jesuisi dirawyònyde: —Waiòlòna hãwã bede ludu aõkõ rare. Waiòlòna kaki ratxikeki wamahãdu wadee raaõbinanyke. Tai tahe judeu mahãdu-ò riwawahinykemy aõkõ watxiwãhãre. Tahe aõkõre kabede ludu aõkõ Waiòlòna rare. ³⁷ Pilato tahe rarybere: —Kai aõbo inatyhy iòlòmỹ tate. Tahe Jesuisi dirawyònyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyõ inatyhynamy luukeki warybe-ò roholamyhỹre. ³⁸ Tahe Pilato rỹỹraxire: —Aõbo inatyhyna rare. Ta rybe rahudi tahe judeu mahãdu-ò rarybekemy rare. Tiu kỹny kahãbu-ki aõ ibinamy tai rahaõhyra. ³⁹ Inyõ ariteònykemy watxireri kaiboho wadi tõhõtinyhytyenyteri ka woranabedehesi-ki. Tahe judeu iòlò aõbohe ka ribi ariteònykre ywihyyle. ⁴⁰ Tahe ixityre ibutumy rryrenyre: —Kia hãbu aõkõre, Baraba biteònyke (Baraba heka hãbu debore wasidu rare.)

19

¹ Idi tahe Pilato Jesuisimiy rerotiyhyta-di raòhòtekremy soldado mahãdu riteranyre. ² Soldado mahãdu edehekỹ rataanadile ira-ò ritidire, iumy tahe tylỹrehekỹ-di ritynyre iòlòtywesekekemy. ³ Tamy rehemynymyhỹre: —Aõherebo iòlòtyhy wesena, tahe rihetenyre. ⁴ Pilato tahe ixityre ròhònymy iny-ò rarybekemy: —Ixityresỹ adeereny redyreri. Bierybenyke. Aõ heka tai ibinaõhyymy idi retehewãhãre. ⁵ Tahe Jesuisi ròhònyre ede rataana-di tylỹrehekỹ-di. Tahe Pilato tamy rarybere: —Kakỹnyhe tiire. ⁶ Tahe xiwena wedu mahãdu, yrubudỹydu mahãdu tuu robireu, rryrenyre birubunybenyke, itxè dee bitamadỹnyke. Pilato rarybere: —Kaibohole itxè-di bitamadỹnybenyke. Jiarỹ tahe tai ibinamy aõki rahaõhyymahãre. ⁷ Tahe judeu mahãdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, tii dori Deuxu Riòremy rexininimyhỹre. ⁸ Pilato kia-ò roholareu tahe, ruberutyhyre. ⁹ Ixityre ralore ywisidỹyna heto-ò: —Rarybere Jesuisi-ò, tiribi wexe tanate. Jesuisi rirawyònyõhyre. ¹⁰ Tahe Pilato rarybere: —Bidiwarawyònyõkre aõbo. Jiarỹ warurudire anarubunyke aõbo ada arateònyke aõbo. ¹¹ Jesuisi rirawyònyre: —Aruru-di aõkõ tate. Deuxu kidiwahinykekile tahe biwateònyke ada biwarubunyke. Tai tahe adee wawahidỹydu aratyre iòraru dire. ¹² Tai tahe Pilato iteòdỹmy rurure.

Tahe judeu mahãdu tamy ryryre: —Kai biteònykeki tahe, Iòlò Cesar biòwa aòkõ tate. ¹³ Kiarybe-ò Pilato roholareu tahe, Jesuisi diòlòdÿnyde ahana-ò. Pilato tahe ywisidÿyna ryna-ò rexisÿnyre. Kia ubeni heka Rirana Ijàti inire. Tahe judeu rybe-ki heka Kabata inire. ¹⁴ Pascoa worana bedehesitxu sexta feira rÿire. Txutye iòhòmÿ tahe bede rÿire. Tahe Pilato rarybere judeu mahãdu-ò: —Betehebenyke aiòlòreny-ò. ¹⁵ Tahe tiiboho ryryreny. Bidybenyke! Itxeònihikÿ-ò birubunybenyke. Pilato tahe tamy rarybere: —Aiòlò aòbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. ¹⁶ Tahe Pilato Jesuisi tamyreny riwahinyre rirubunyrenykemy.

¹⁷ Tiiboho heka Jesuisi ridyreny. Iitxeò tamy riwahinyre idi retyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki. ¹⁸ Tai itxeò nihikÿ dee ritamadÿnyre ijõ hàbu inatxiò-wana Jesuisi itxeònihikÿ itya-ki rÿire. Hàbu wiò wiòmÿ idi rÿire. ¹⁹ Pilato riritinyre ritidÿyna-ò Jesuisi tyre-ò ritidire. Kawesemy ritidÿyna roire: —JESUISI, NAZARE HÃWÃ LUDU, JUDEU MAHÃDU IÒLÒ. ²⁰ Hãwã-ribi ireheriòremy roire. Tai tahe sòwemy judeu mahãdu tuu robire iritidÿnyamy. Inataò rybemy witxira riti heka inataòmÿ roire. Judeu rybe ijõre, latim rybe ijõre, grego rybe ijõre. ²¹ Judeu xiwena wedu mahãdu Pilato-ò rarybere: —Judeu mahãdu Iòlò rarybere: —Iritidÿòmÿke wa. Kawesemy biritinyke: —Tii rarybere judeu mahãdu Iòlò raremy. ²² Tahe Pilato dirawyònyde: —Iwese reritinyre wesemy rarehykremy.

²³ Soldado Jesuisi itxeònihikÿ-ò ritamadÿnyamy rahudi tahe, ity ritxuatxuakremy diwyde. Inaubiòwa heka riywinyra. Wirarea riwykremy soldado mahãdu idi rÿireri. Iyhy-itxena tahe iretydyna-di aòkõ rare. ²⁴ Tahe ijõ widee rarybere: —Iyreyredÿrenyòmÿke wa urile ta idi rikihurenkyre mobo ritakremy. Kia ryberiti-ki tuhy roire: —Watyy ritxuatxuare ijõ yre wimy riywinyreny. Tule wayhyitxena tyre-ki rehurenkyre mobo ritakremy. Tahe iwese Tyyriti rarybere wese, soldadu mahãdu ibutumy aòhebo risÿnyre.

²⁵ Inaubiòwa hãwyy retehemy rÿimyhÿ Jesuisi itxeònihikÿ iòhòmÿ. Jesuisise taser-iòre-wana, Marie Madalena ijõre, Klopa hãwyy ijõre. ²⁶ Jesuisi tadimy robireu, Joaõ, taerydÿyna luunadu bire-ki, tahe rarybere: —Nadi beteheke wa kowa ariòre rare. ²⁷ Tahe Joaõ-ò rarybere: —Kaa adi rare. Ierydÿyna Joaõ tahe ridyde taheto-ò tai rasÿnykemy.

²⁸ Jesuisi tahe rieryre ibutumy rexihuramy tahe rarybere: —Ariòkemy watzireri. Kaimy heka rarybere aòbo Ritidÿyna-ki roire riwinykemy. ²⁹ Tai tahe vÿi mona silÿnyhÿkÿ-ki raharenkyre. Tahe Jesuisi-ò iwereheni wese-ò rituunymy idi riteònyre iry-ò teòdimy. ³⁰ Jesuisi tuu riòre idi tahe rarybere: —Ibutumy Waha aòmÿsÿdÿyna rexihumy roire. Tahe ròtiòròmÿ resere iule ta rurure.

³¹ Kia sabadotxu heka worana bedehesitxu nihikÿò rare, brebuna rare. Tai tahe hàbu rubu itxeò-ki ririkòkemy tuu rarybemyhÿre. Tai Pilato-ò judeu mahãdu rexitònyre hàbuti riòròmÿ riteònykemy, itxeò-ribi ritakemy. ³² Tahe soldado mahãdu hàbuti wiòle riorore. ³³ Jesuisi tahe rurumy roireki iti riòròore. ³⁴ Soldadoõ tahe Jesuisi-ki rojyre iweki tahe hãlubule rohonyre bewana. ³⁵ Kia tuu rabire tahe òbitimy tuu jiarÿ rarybere, Joaõ wahe. Waritidÿyna inatyhy raremy, reeryre. Kaiboho bityhynybenykemy, adireny watzireri. ³⁶ Kaheka ibutumy iritina hetxina tuu rarybere heka ibutumy tuu rotÿÿre. Kia wesemy roire: —Iti riòròòkre, sohoji aòkõ. ³⁷ Ijõ iritinaõ kawesemy roire: —Rirorenkyre tònori-di idi reteherenkyre tamy.

³⁸ Jyje heka Arimatea hãwã luduõ rare. Idi tahe tii Pilato-ò rexitònyre Jesuisi umymy rituunykremy. Tii heka Jesuisi heluduõ rare. Judeu mahãdu lau ruberumyhÿ tai Pilato-ò rare wasimy. ³⁹ Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rummy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sòwemy, 45 urihixinamy riutxienanyre. ⁴⁰ Tahe Jesuisi umy tyky jurarehe-wana ritÿtenyre aderòna wanahyyle. Kawesemy dori judeu mahãdu iny rituunymyhÿre. ⁴¹ Itxeòalamana-ribi bederaty oworu iòhòmÿ roire. Ityi-ki tahe wabede tamyra roire. Mana hãloo rÿire tai heka moo rawabedenyòhyre. ⁴² Tai tahe rawabedenyore iòhòreki, tule judeu worana bedehesina txumy roireki.

20

¹ Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rÿiremy idi retehere. ² Tahe rajaranyre Simaõ Pedro-ò, ijò Jesuisi luunaduõ wahe, Joaõ-ò, jiarÿle wahe. Tahe wadeereny rarybere: —Wahĩ tahe hãlokowoku-ribi ritakarenyra. Titxibo ritidira, rekerykõre. ³ Pedro tahe ròhònyre, Joaõ-wana wabede-ò roire. ⁴ Wiwana rajaranyre tahe jiarÿ Pedro ratyre rajaranyre tamy. Jiarÿle heka juhu tamy rehemynyre. ⁵ Tahe rawebesere iwo-ò itxeremy. Irahanalemy rabire. Ta ralòõhyyre tamy. ⁶ Idi Pedro rehemynyre ralore tamy. Tule irahanamy robire. ⁷ Jesuisi rati rasirahana rihitxiny my roire ixivanale. ⁸ Tahe jiarÿ juhu rehemynyre tahe Pedro hewomy ralore. Tuu robire, retyhynyre. ⁹ Tiiboho dori ritina rieryrenyre ihãre tahe rierytyhykõlerenyre. Jesuisi rubu-ribi rexiixixanykemy ritina roire. Tii tahe rierytyhykõlerenyre. Tahe wiji rieryrenyra. ¹⁰ Tahe ixyby raõkeserenyre inyetoreny-ò.

¹¹⁻¹² Marie tahe robumy wabede-ribi iòhòmy rÿire. Rawebesere tahe wabedewo-ò itxeremy. Inatxi ÿjummy robire iwo-ki itykyuramy roimyhÿ. Ijò heka rÿmy rononymhÿ Jesuisi ratiherina tyre-ki. Ijò tahe iwaherina-ki rononymhÿ. Jesuisi umy tahe iõre. ¹³ Tahe ÿju Marie-ò rÿÿraxire: —Hãwyy, aõherekibo tabureri. Rirawyònyre: —Wahĩ kumy dokuri riwumy ramyhÿre. Rekerykõre titxibo ritidira. ¹⁴ Iu rarybereu tahe tahewoõle roosere. Jesuisimy robire rÿimyhÿò. Tii heka rieryõhyymyhÿ tii Jesuisi raremy. ¹⁵ Tahe Jesuisi rÿÿraxire: —Hãwyy aõmybo tabuteri, mobo teijeteri. Bederaty oworu ywidÿÿdu raremy heka tii ròhòtynyre: —Tahe dirawyònyde: —Wahĩ, kai anobo karibi tetakata-wana wakoku tuu belykyke. Tahe jikarÿ karikorykremy. ¹⁶ Tahe Jesuisi tamy ryryre: —Marie! Marie rokesemy reare riijemy: —Wahĩ, erydÿkÿdu! (Tii hebraika rybe tuu rarybere: —Raboni, wahe.) ¹⁷ Jesuisi rarybere tamy: —Waroorehedÿÿõmyke wa. Waha-ò dori raõlemy wãhãre tahe arakre. Kai tyhydÿÿdu seriòre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxuren-ò. ¹⁸ Idi tahe rarybere erydÿÿna mahãdu-ò Wanyrÿmy rabira. Marie Madalena relyyre timybo raryberamy.

¹⁹ Semana juhu ludu txuu, txioromy heka Jesuisi erydÿÿna mahãdu wii ributunymy rÿimyhÿ hetowoõ-ki. Ibutumy ijò ritòbòtòbònyra judeu mahãdu lau brebumy. Jesuisi tahe nade iyreny-ò rexitÿnynyre. Rarybere: —Ywina araykywo-ki atxikemy idi watrixeri. ²⁰ Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarenyre Jesuisimy robireki wahe. ²¹ Ixyby tamy Jesuisi rarybere: —Ywina araykywo-ki rarekemy idi watrixeri. Iwese Waha diwateònyde wese tule arateònykre. ²² Iu tahe ribunymy rarybere: —Deuxu Tyytybytyhy tetateri. ²³ Inyòrarunaõ biixãwididÿÿnykeki tule kia òraruna ariixãwidinyke. Tule aõkõkeki, ijò òraruna biixãwididÿÿnyõkeki, kia tule ariixãwididÿÿnyõke.

²⁴ Tome (Inatxina iniõre) tii waòinatxi reurò mahãduõ rare, tahe tairenyõre heka Jesuisi nadeu. ²⁵ Jesuisi erydÿÿnaõ rarybere: —Wanyrÿmy rabirenryra. Tahe Tome tamyreny rarybere: —Retyhynyõre kÿnyhe.

²⁶ Semana sohoji bededÿÿnanamy idi rÿire, ixyby wii ributunyre Jesuisi erydÿÿna mahãdu. Iu tahe Tome tii mahãdu-wana ratximyhÿ. Ijò ritòbòtòbònymy rÿimyhÿ. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watrixeri. ²⁷ Tahe Jesuisi Tome-ò rarybere: —Betehe inihe wadèbòrurena-ò ebò inihe tamy bidadidike. Tule wawerurena-ò ebò bidadidike. Itxiòdÿÿõmyke wa, bityhynyke. ²⁸ Tome tai dirawyònyde: —Wanyrÿ, waDeuxu. ²⁹ Tahe Jesuisi rarybere: —Tome, kai aõbo biwatyhynykre wamy tabiterikile. Sõwemy deysana inyõ kanakemy wãhãre tiiboho dori wamy robiõre hãrele riwatyhynyrenyre.

³⁰ Jesuisi heka sõwemy aõwihikÿbo riwinyre. Ierydÿÿna mahãdu heka kia aõmybo robire. Kia aõmydÿÿnana heka ihoõre kaki iritina-ki. ³¹ Kaa ritidÿÿna reritinyre Jesuisi Kristumy rare. Deuxu deòdÿÿna rare. Kia bityhynybenykemy wahe, Deuxu Riòre wahe tetyhynyteri-wana tahe umytuedeõna bitakre, ini òraru-ki wahe.

21

¹ Iribi tahe Jesuisi rexitÿnynyre Tiberiade ahohokÿ ijà-ki. Kia wesemyre heka. ² Ibutumy heka juhu rÿimyhÿ: —Simaõ Pedro, Tome Didimo iniõre, Natanaeli. Tii Kana hãwã ludu rare, Kalileia bedeki. Zebedeu riðreboho ijõre, inatxi Jesuisi ierydÿÿnaõ ijõre. Rarekie. ³ Tahe Simaõ Pedro rarybere tamyreny: —Rià teredÿÿmy arakre. Imahãdu rarybere: —Jiarÿboho aroirenykre ahemy. Tahe roirenyre hãwò-di. Aõhomy aõkõ ruu idireny nade. ⁴ Tahe bedeki ratÿnyrau heki Jesuisi ÿnyrakile ratximyhÿ. Ierydÿÿna mahãdu tahe rieryõhyymyhÿre. ⁵ Jesuisi rryre tamyreny rÿÿraxire: —Ijoi moõ rokoreny. Utura aõbo temytenyta? Rirawyõnyre: —Aõkõre wa. ⁶ Kaiboho biterebenyke rurunawe-ribi taita bimybenykre. Tahe riterenyre sõwemy rautxienyre irià heka ritusinyõhyymyhÿrenyre utura sõwereki. ⁷ Kia ierydÿÿnaõ Jesuisi luunaduõ rare jiarÿ, Joaõ wahe. Jiarÿ tahe Pedro-ò rarybere: —Inynyrÿle wa rare. Pedro Jesuisi raramy roholareu, tatyky tawetyamy ritaamy tamy resere, tade hekÿlemy rareki. Tahe resere bera-txi tamy rakremy. ⁸ Ijoi mahãdu rià-di narurunymy nade utura sõwereki. Tahe 100 urihixinamy ÿnyra-ribi ratximyhÿreny. ⁹ ÿnyra-ò rejuxunyre tahe, robirenyre heõtymy obiurawo-ki. Orotxu tule tai rÿire. ¹⁰ Jesuisi tamy rarybere: —Uturaõ bidiwybedenyke wiji temytenytaõ. Simaõ Pedro hãworibile rià-di rarurunyre. Sõwemy heka tai utura nihikÿ rÿimyhÿ, 153 wahe. Ihãre tahe rià raðròðhyre. ¹¹ Tahe Jesuisi rarybere: —Manake hewa biroxi benyke. ¹² Ibutumy ierydÿÿna mahãdu rieryre tii inynyrÿreny raremy. Tai tahe inyõ rÿÿraxiõhyre: —Mobo tii raremy. ¹³ Tahe Jesuisi orotxu rimyre. Tamy riwahinyre. Ixiyrubule utura tamy riwahinyre. ¹⁴ Kia tahe ihewotyhy my Jesuisi rexideòsinyre taerydÿÿna mahãdu-ò, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-ò rÿÿraxire: —Simaõ, Joaõ riðre, kahãbu mahãdu waluure. Kai tahe iratyre aõbo waluure. Tii rirawyõnyre: —Kai tiwaeryte, aluure. Tahe Jesuisi rarybere: —Wabudoeni riðre bidiðwenyke. ¹⁶ Ixityre rÿÿraxire: —Simaõ, Joaõ riðre, kai aõbo waluure. Tahe Pedro rirawyõnyre: —Kohe, Wanyrÿ aluure jiarÿ, tiwaeryta. Tahe Jesuisi rarybere: —Bidyke wabudoeni biðwenykemy. ¹⁷ Ihewotyhy my tahe Jesuisi rÿÿraxire: —Simaõ, Joaõ riðre, kai aõbo waluure. Iu tahe Pedro rabadewomy ronyre, ixityremy rÿÿraxireki. Tahe dirawyõnyde: —Wanyrÿ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biðwenyke. ¹⁸ Inatyhy my adee ararybekre. Iu ijoi morõkõmy tatemahãu, ixivanale textyynmahãte ixidee wimy titxibo tamahãte. Iu tahe mamatuarinykre inywitxira aratyynykre, Ebò biteòsinykre iny arataataanykre tahe inyõ aradykre titxibo noderamy beakreò. ¹⁹ Kiamy heka Jesuisi rarybere ritÿnynykre my timybo Pedro rubu-ò rÿikremy. Tai Deuxu riwowodynkyre. Idi tahe Jesuisi rarybere: —Biwaheludunyke wa. ²⁰ Tahe Pedro retehere Joaõ Jesuisi hemy rarerið, Joaõ Jesuisi luumy raremyhÿ. Joaõ ihetxiu Jesuisi-ò iðhòmy rÿÿraxire jiarÿ wahe: —Mobo iwahisidÿÿdukremy, ihewo ludu roxina rÿireu. ²¹ Tahe Pedro Joaõmy robireu, rÿÿraxire Jesuisi-ò Joaõmy. Aõbo he tamy rotÿÿnykre. ²² Tahe Jesuisi rirawyõnyre: —Tii rurukõlemy adòðsekemy idi watxikeki, timybo tahõtinyte. Adee tahe biwaheludunyekile awike. ²³ Ierydÿÿna mahãdu rarybemy raremyhÿ: —Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhuu rarybere: —Tii rurukòðle adoosekre-wana, timybo tahõtinytenyteri.

²⁴ Jiarÿ tahe kia aõmydÿÿnanamy relymahãre, Joaõ wahe, reritiny mahãre. Inatyhy my kia tuu rare, jiarÿ tuu relymahãre.

²⁵ Sõwemy aõmydÿÿnanamy tahe Jesuisi riwinyre. Inyõ ibutumy riritinykeki, iritina heka bedeki ritÿxinykre tyyriti sõwekre-wana.

Aõhebo Rotÿÿnyre

Aõhebo Rotÿÿnyre Jesuisi Erydÿÿna Mahãdu

¹ Juhuu adee ratyritinyreu, Teòfilo, relyyre ibutumy Jesuisi aõbo riwinyré, aõmybo bedede rierynanyrémy. ² Deuxu Tyytybytyhy bedede erydÿÿnamy taerydÿÿna woludu mahãdu rierynanyre. Tahe taerydÿÿna mahãdu-ò bedede ywina riwahinyre. Iribi tahe Jesuisi ròdsere biu-ò. Kia ibutumy juhUU adee relyyre. ³ Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexideòsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿnyre, tamyreny rierynanyre Deuxu Iòlònamy. Txuò txuòlemy iny inatxi-waitue txumy rierynanyre. ⁴ Tiiboho-wana riroximy raremyhÿu, Jesuisi tamyreny rarybere: —Uritere Jerusalẽ-ribi ixtarasarenyòmy. Urile Deuxu Tyytybytyhy awo-ò kanakre xiery, Jerusalẽ-ribi boibenye. Deuxu rarybere Tyytybytyhy kiditeònykremy. Tule juhUU Jesuisi kia rarybere. ⁵ Deuxu Tyytybytyhy aworeny-ò kanalokre. Kia ratisebenaò wesele rare, Deuxu Tyytybytyhy ratisebena. Iwese Joaõ juhUU bero-ki iny risebenyere wese, kia rare. Kia-txu tahe, iòhòmy roire.

⁶ Tahe, juhUU ibutumy wirotirenyre, Jesuisi dee rÿÿraxirenyre: —Wanyrÿ, kai aõbo wiji iny Iòlòreny bediwahinyleke inywedureny wesemy ixyby ronykemy. ⁷ Tahe Jesuisi dirawyònyde: —Waha-ki ywisidÿÿnatxu doimyhÿde. Tiile rierymyhÿre. Kai aòkòhykre. ⁸ Tahe Deuxu Tyytybytyhy aworeny-ò kanalokre, rurunatyhy arayky-ò bitabenye. Kia tahe warubu-ribi waixixanamy belyykre ibutumy Jerusalẽ hãwã mahãdu-ò, Judeia hãwã bedede mahãdu-ò, Samaria hãwã bedede mahãdu-ò, iribi tahe ibutumy bedekonana bedede iny-ò. ⁹ Tarybe rahudi tahe Jesuisi ixihyy rexidymy raòwònyre biu-txi. Iòre biuwetyky-txi. Tiiboho rarirenyre bedede-ribi idi reteherenyre. ¹⁰ Idi retehemyhÿ iòtududÿÿtyhymy. Inatxi hãbumy ityy uramy aòwesele rÿimy reamyhÿre hãbu mahãduko-txi. ¹¹ Tahe tiiboho raryberenyre: —Hãbu, Kalileia bedede mahãdu, itxereòmahãbenye. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòdòsekre.

¹² Jesuisi erydÿÿna mahãdu ratximyhÿrenyere Oliveira òwòruraty hãwãlò-ki. Tahe dòdsedenyde Jerusalẽ hãwã-ò. Jerusalẽ rehe iribi doide sohoji urihixina rehemymy. ¹³ Tahe wii rotyrenyere rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿrenyere: Pedro, Joaõ, Txiau, Andre, Filipi, Tome, Bartolomeu, Mateu, ijò Txiau (tii Afeu riòre rare), Simaò Zelòte, Judasi (ijò Txiau iwitxira, kia riòre rare). ¹⁴ Ijò iny tule tai ronymyhÿ, Jesuisise, hãwyy ijò ronymyhÿ, Jesuisi seriòre mahãdu tule rorukumyhÿrenyere. Ibutumy rexitòdenymyhÿrenyere wiwese wiweselemy ròhòtinymyhÿrenyere.

¹⁵⁻¹⁶ Ijò txubiòwamy 120 inymy wii ributunyre ixybyle. Tahe Pedro rÿire kiamy tamyreny rarybere: —Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyre, Judasi tiiboho riwiòhenanyre. Iwese ka tyritina-ki roire wesele, inatyhymy ibutumy rotÿÿnyre. ¹⁷ Judasi inybohoòmy raremyhÿ. Tii nieruò ritare Jesuisi òludu-ribi tamyreny ridyeki. Tahe kia nieru-di subutebedeò riwyre. ¹⁸ Tahe idi Judasi rexibòtòtaara. Idi tahe tasubute bedero-txi taratythikÿle-ribi resere. Tahe iumy ruare iwona rejuxunyre. ¹⁹ Iribi ijyy heka ibutumy Jerusalẽ mahãdu-ò tuu ijyy rÿire. Tahe kia subutebede rininirenyre hãlubu bederomy. ²⁰ Iòlò Davi kia wese riritinyre tawiunatyriti-ki:

—Ixinamy iheto rÿike, inyò taisÿòmy.

Ijò:

—Inywitxiraò teròwmy tai rarekre iaòmysdÿÿna rimykremy.

²¹⁻²² Inyò tahe teròwmy iaòmysdÿÿna rimykremy. Tule rikimyrenyke Jesuisi ixixanamy ijyyduò inywanahyy rybe ritÿnykemy. Inyò Jesuisi sebedÿÿna-di itxereduò

rikimyrenykre, inyõ tuu robire Jesuisi nonanamy tule rikimyrenyke. ²³ Tahe inatxi hãbumy ritarenyre: Jyje (Basaba inire) Justu iniòdrysna rare, ijõ hãbu tahe Matxia rare.

²⁴ Iribi tahe rexitòdenyre: —Kiamy heka Deuxu dee raryberenyre:

Kai Wanynyrÿreny, ibutumy inyrayky teeryte, Deuxu. Biteòsinyke tibo rikitarenykemy.

²⁵ Tii ritÿxinykre ixihyymy ratximyhÿre mahãdu. Judasi deròwomy rarekemy, Judasi dori iny-ribi ròhònnyre taòrarunaòwydÿÿnamy rare aõhòkÿmy rotÿÿnykemy. Tahe rare tiobo rareò. ²⁶ Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

2

¹ Pentecostemy ninadu lisina kia txumy txuu rÿireu, ibutumy iny rorukurenyre tarynanakile. ² Aõwesele biu-ribi wodÿÿõ nade yhynihikÿwesele ibutumy heto-ò ralore tai rorukumyhÿrenyrewo-ò. ³ Heòty helÿÿresi wesemy nade. Iny sohoji sohoji tyre resere. ⁴ Ibutumy iny tykumy heka Deuxu Tyytybytyhy ralòmÿ rÿire. Ta raryberenyre iwixira rybemy. Deuxu Tyytybytyhy tamy rybe riwahinyre wese tahe raryberenyre.

⁵ Deuxu dee òbitimy hãbu mahãdu noduò rasÿnymy raremyhÿ Jerusalẽ hãwã-ki. Judeu mahãduõ ihÿre. Ibutumy bede bede hãwã hãwã-ribi nade. ⁶ Kia-ò roholareu, wii ributunyre ijohonamy. Tahe rexieryõhykyre aõmybo rõhõtinyrè tahe widi bede riòtiinyre iny sohoji sohoji tarybe tarybeòlemy roholareki. ⁷ Urile bede riòtiinytyhyrenyre. Tahe raryberenyre deysana-di:

—Betehebenny iny, kowa rybedu Kalileia bede ludu mahãdu ratxireri.

⁸ Timykibo iny ryberenymy rarybereri. Iny sohoji sohoji tarybeòle raholareri.

⁹⁻¹⁰ Kaheka inyboho bede bede ludu roire: Partia mahãdu, Media mahãdu, Elaõ mahãdu, tule ka bede ludu mahãdu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hãwã luduõ tule kaki ihÿre. ¹¹ Timybo inyrybereny witxira witxira-ò iny roholarenyreri. Deuxu rybemy rarybereri ibutumy inyryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahãdu, Arabia mahãdu, Deuxu aõmydÿÿnana wihikÿ-ò raholarenyreri. ¹² Tahe bede riòtiinyrenyre. Rieryõrenyre aõbo rare. Tahe widee rÿÿraxirenyre iny sohoji sohoji-ò aõbo raremy. ¹³ Ijõ tahe tawobinarybe rarybere:

—Tiibohe rururenyreri, itxÿtemonamy riòreri.

¹⁴ Tahe Pedro rÿire waòsohoji erydÿÿna-di, tahe tii rexidelenyre rarybekemy:

—Boholake inihe, ibutumy kaibohe, Judeia mahãdu, Jerusalẽ sÿludu-wana —kia bierybenykemy.

¹⁵ Inyõ rarybereri itxÿtemonamy riòrerimy. Tahe inatyhymy aõkõ rare. Txuu rati rariarerile heka rudilettyhyre. ¹⁶ Joel juhoo Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

¹⁷ —Kiamy Deuxu rarybere:

—Ikonanatxuu watyytybytyhyhykÿ aditeònykre ibutumy inydee. Ariòrereny, hãwyy hãbu-wana, warybe rierynanykre. Weryrybò tahe matuari-wana rarasinytyhykre.

¹⁸ Ibutumy wadeòdu-ò, lerÿ, hãbu, ibutuwo-ò Deuxu Tyytybytyhy kanalokre. Tuu raryberenykre, ritÿnynyrenykre.

¹⁹ Aõ tÿmyra ariteòsinykre biu-ki, bede-ki. Hãlubu, heòty, worona-wana ròhònnykre.

²⁰ Txuu heka ilybyhykÿlemy relekre. Ahãdu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhònnykre.

²¹ Kia bedeu, inyõ Inynyrÿnimy rexitòdenykeki, tii jiarÿ aritakre iòraru-ribi. Kia Deuxu rybe rare.

²² Judeu mahãdu, Israeli mahãdu, boholabenyke warybe-ò: Deuxu sòwemy aõna aõna witxira witxira-di, bedeòby-di riwahinyre. Inatyhymy Jesuisi Nazare hãwã ludu mahãduõ riteòsinyre. Inatyhymy rare. Kaibohe heka teerytenynte. ²³ Kaibohe Jesuisi temyteu, Deuxu juhoo rimykremy rierymyhÿre. Rexierymy rõhõtinyre kawesemy bede roimy

rarekre. Kaiboho Jesuisi terubunytyente. Kaiboho itxeò nihikÿ-ki tetamadÿÿnytenyete hãbubina debòreny-di. ²⁴ Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy. ²⁵ Davi juhuu rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiòhenanymyhÿre. Tai wawo deysana-di ritÿxinymyhÿre.

²⁶ Wadòròtò wowydyna tamy rewahinymyhÿre. Reeryre ibutumy rubuhetowo-ki awityhymy wãhãré, iribi dori aròhònykre.

²⁷ Kai watyytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

²⁸ Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] ²⁹ Pedro ijò rarybemyhÿre: —Tahe kiamy heka mohòtinybenyke, Waseriòreboho. Davi heka aõ iximy aõkò rarybereri. Tii tahe hãloowo-ò roire. Itityby heka kakile iny-wana ihÿre. ³⁰ Tahe Davi Inynyrÿ deròwmy rybeduò raremyhÿ. Deuxu inatyhyna rybe-di Davi-ò narybede. Kia tahe: Iriòre riòreò bede dinodumy kodonykremy taiòlò ryna-ki. Kia iòlò Davi rieryre. ³¹ Davi tahe Kristu ixixanamy juhuu narybede. Kristu umy dori rubu-ki rariòhyre. Iumyde rarònyòre. ³² Jesuisi Kristu, Deuxu riixixanyre. Ibutumy inyboho tuu robirenyre. ³³ Jesuisi ronymyhÿre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri. ³⁴ Davi raòwònyòre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. ³⁶ Boholake judeu mahãdu. Kaa inatyhy hyy rare. Itxeònihikÿ-ki Jesuisi terubunytyente. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile ròhòtinyrenyente. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aõhebo rokotÿÿnyrenyente.

³⁸ Tahe Pedro dirawyònyde: —Bòðsebenyke aòrarureny-ribi ixbyby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy. ³⁹ Kristu juhuu rarybere:

—Ibutumy heka Deuxu Tyytybytyhy bimybennykre, ariòre rimykre, iny hãwã wixira ludu rimyke. Ibutumy Deuxu dee wimy tahe rimykre.

⁴⁰ Pedro relyymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabennykre.

⁴¹ Kia rityhynyré heka tahe ratisebedumy roiremyhÿ. Ralore kiatxuu 3000 iny iòhòmy Jesuisi tyhydÿÿdu mahãdu-ò. ⁴² Tahe Jesuisi erydÿÿna mahãdu rierynanymyhÿre, wii ributunymy roiremyhÿ, paò rioroororenyre wideereny: rexitònemy roiremyhÿ.

⁴³ Iny sohoji sohoji bede riòtiinymy rabrebumy hitxinymyhÿre. Jesuisi erydÿÿna mahãdu bedèby sòwemy riwinymyhÿre. Aõna aõna wiwihikÿmy riwinymyhÿre.

⁴⁴ Ibutumy rityhynymyhÿre mahãdu, sòwemy wii riwiutyre. Ibutumy aõna aõna wimy riywinyre. ⁴⁵ Taaõmydÿÿna, tasu-wana idi rohonyre. Wimy tahe ritxuatxware. Ibutumy ityhydÿÿdu iaòkò mahãdu dee riwahiriwahinyre. Inyò aõna aõna rauhenykeki, tamy riwahinyre. ⁴⁶ Deuxu dohodÿÿna heto-ki txuò txuòlemy wii ributunyre. Tahe tota hetomy paò riyrieryrenyente. Riroxirenyente ibutumy teysarenymy wii wese ròhòtinyrenyente. ⁴⁷ Tuu reàlarenyente Deuxumy. Ibutumy iny hãwãhakÿ mahãdu awimy tai raharenyente. Deuxu rimyre txuò txuò lemy ralore mahãdu kia ritakemy.

3

¹ Pedro, Joaõ-wana rare Deuxu dohodÿÿna heto-ò rexitòenykemy, inataõ òra bedeu. ² Deuxu dohodÿÿna heto ijò inyõ rininire, ijò ruxerahakÿ. Txuõ txuõlemy hãbu tibina ridyhyhyymy iny tamy reamyhÿre. Tamy iny ralòmhyhÿkeò tamy nierumy rexitòenykemy. Tii tuu hyy uladumy reareu ihyy itibinare. ³ Pedroboho rirònyrenyreu, hãbu tibina tuureny robire. Nierumy tahe tamyreny rexitòenyre. ⁴ Pedro juhu tamy retehere idi rarybere:

—Bedeteheke wadireny.

⁵ Tai hãbu retehemy ronyre, nieruõ iribi riwykemy ròhòtinyre. ⁶ Pedro rarybere:

—Aõ ijòkõre, womati tÿrÿrÿhÿkÿ ijòkõ, pratakõ. Tahe aõbo idi watzirerile ta adee ariwahinykre. Jesuisi Nazare hãwãludunimy adee ararybekremy idi mariakremy. Kia deytana adee ariwahinykre.

⁷ Pedro, hãbu debò rimymy ritamadÿÿnyre. Aõwesele iruru iti-ò ralore. ⁸ Hãbu rexiwatxinyumy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwatxinyumy ralore. ⁹ Ibutumy iny idi retehere rariarerimy, Deuxumy reàlärerimy. ¹⁰ Inyõ rarybere: —Tii ijò ruxerahakÿ-ki nierumy rexitòenymyhyremy, inyboho tii reeryrenyre. Tai tahe idi bede riòtiinyreri timykibo aõna aõnamy rotÿÿnyramy.

¹¹ Hãbu ta Pedro, Joaõboho werora-ki xiery. Idi tahe ibutumy ributumy Salomaõ heto ijò ahanawo-ò. ¹² Pedro kia robireu tahe, tamy rarybere: —Judeu mahãdu, wadireny itxereõmy, bededÿÿõmy. Jiarÿboho inyururu-di aõkõ ka hãbu reteytenyrenyra, Deuxu rurudile wahe. ¹³ Abraõ, Ijai, Ijaò kiaboho Deuxu heka hãbu riteytenyra. Tybyreny Deuxu kia heka riwinyra. Deuxu, Kristunimy riwowydynyre, rubu-ribi riixixanyraki. Kaiboho tahe Jesuisi Kristu tedytenynte Pilato-ò. Pilato tii riteònykemy ratxireriu, kaiboho tamy rarybere: —Aõkõre, tii deòdÿÿõmy. Ijõ biteònyke. Tai tahe rubudÿÿduò riteònyre. ¹⁴ Jesuisi òraru widÿÿdu aõkõ rarehyymy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiònytenynte, tewahinytenynte. ¹⁵ Umytuedeõna wahidÿÿdu tii rare. Kaiboho tahe terubunyte. Deuxu tahe tii riixixanyre rubu-ribi. Inyboho ierydu, iitxeredu ratximyhyrenyre. ¹⁶ Rityhynyrekile hãbu tibina reytemyhyre. Kia hãbu teerytenynte. Jesuisini tyhyna kia riwinyre. Hãbu ibuturu-ò reytera, tai òbitimy raramy ratximyhyre. ¹⁷ Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre. ¹⁸ Tahe Deuxu tarybe riwahinyre ihetxiu rybedu mahãdu-ò kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy ròhònyre. ¹⁹ Kaiboho ixi-txi õhòti reakemy Deuxu-ò biòðsekemy. Tai tahe aòraru aribi tii ritakre. Inynyrÿ adeereny kiditeònyke aõwihikÿmy Deuxu-ribi, biu-ribi. ²⁰ Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre. ²¹ Tii biukile rarekre wiji. Ijõ bede tÿmyra wihikÿkre iòhòmny rahudi tahe kanakre. Kia bededÿÿnanau tahe rarybere ihetxiu rybedu mahãdu. ²² Tahe Moisesi ijõmy rarybere: —Deuxu rybeduò kedelekre asÿ, aijoi-ribi tii rarekre. Iwese Deuxu riwatere wese rybeduõmy ararekremy, iwesele tii Inynyrÿ kiditakre. Tamy bohlabenykre irybe aõmybo kanarybekremy. ²³ Kia, Deuxu rybedu rybe-ò inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴ Deuxu rybedu sòwemy kia bededÿÿnanamy rarybere. Samueli juhuy rarybere. Idi sòwemy ijõ kiamy rarybere. Ihyymy ta wiji kabededÿÿnana roimyhÿre. ²⁵ Kaiboho Deuxu ihetxiu rybedu roire atximahãtenyteri Deuxu juhuy rarybere Abraõ-ò. Ariòre-ribi iny sòwemy ruaruakre. Kia ibutumy ariòre hãwã hãwã-ki rasÿnykre. Kia iny-ribi inyò ròhònykre ibutumy iny wiòhedÿÿdumy rarekre. ²⁶ Deuxu tariòre Jesuisi adeereny riteònyre aòraru-ribi arahitxinykemy, arawiòhenanykemy. Kia tahe Pedro tamyreny rarybere.

4

¹ Pedroboho tamyreny rarybereu, tamyreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy re-

hemynyre. ² Pedro, Joaõ-wana iny-ò relymy raremyhÿ: —Inyõ Jesusimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relymyhÿreki, kia hãbu mahãdu riykaranyrenyre. ³ Taita rimyre, Pedro, Joaõ-wana. Ròtena-ò ridyre. Wijile tahe tamy ixidee roholaõrenyra, txiorotyhyreki. Biurasou tahe roholakremy riòlòdÿÿnykre. ⁴ Iny sówemy Deuxu rybe-ò kia txuu roholare. 5000 hãbумы, ijõ iny tule. Tiiboho Pedroboho-ò roholare. Tahe sówemy rityhynyrenyre.

⁵ Itxu biòwamy tahe Jerusalẽ-ò rehemynyre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynyre. ⁶ Anasi tule rehemynyre. Deuxu-ò xiwena wahidÿÿdu mahãdu wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre. ⁷ Tahe dinodu mahãduõ Pedroboho ritamadÿÿnyre ibutu kia mahãdu koð. Tahe ritÿÿraxinyre: —Aõrurudibo iny teteytedÿÿnymahãte. Monidibo kia tewinytenyte. ⁸ Ta Pedro tykymy heka Deuxu Tyytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. ⁹ Hãbu tibina aõmydÿÿnanamy tiwatÿÿraxinyte-wana, adeereny kiamy arirawyònykre. ¹⁰ Jesuisi Kristu Nazare hãwã luduni-di kia rybe ruru-di rewinyrenyre. Kia tahe bierybenyke. Kaiboho dorikÿhe Jesuisi itxeð nihikÿ-ò teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre. ¹¹ Jesuisi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹² Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuõ-di kia rybe ritÿÿnyrenyre. Tai iny bede riòtiinyrenyre, tiiboho dori tyyriti erydu aõkõ roire. Urile Jesuisi-wana roiremyhÿ, kiale iny rieryrenyre. ¹⁴ Hãbумы inyboho robirenyra juhUU itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyrenyraki. ¹⁵ Tahe ibutumy iny dohodÿÿna heto wo-ribi riteònyre. Tahe wimy rarybere: ¹⁶ —Aõhebo rokotÿÿnyrenykre kia hãbu-di. Inatyhymy tiiboho aõwihikÿ riwinyrenyre. Kia rikitxiõnyrenyõtyhy. Ibutumy Jerusalẽ hãwã mahãdu kia rieryre. ¹⁷ Tai kiamy rokotÿÿnykre. Tamy rakarybekre tiu Jesusimy ixiby rybeõmykremy. Tai Jesusimy rybe-di rikiixãwãdidÿÿnykemy. Inyõ-ò kiamy rarybeõtyhy. Kia wese raryberenyre rybe ywidÿÿdu mahãdu. ¹⁸ Idi tahe rarariòwyre Pedro Joaõ-wana tamyreny rarybere: —Jesuisi nimy rybeõmy, bibedeerynyõtyhy irybemy. ¹⁹ Tahe Pedro, Joaõ-wana tamyreny dirawyònyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre. ²⁰ Aõbo jiarÿboho rabirenyré, raholarenyré, kialemy araryberenykre. Inyõ riwarybebinanyõtyhy. ²¹ Idi ta ixityre tamyreny raryberenyre, rybedÿÿõkemy. Tahe riteònyrenyre. Tamy aõwidÿÿõmy rÿimyhÿ hãwã mahãdu dee ruberurenreki. Hãwã mahãdu dori Deuxu reàlãmyhÿre hãbu riteytenyraki. ²² Kia hãbu dori 40 beðra ratyremy tabeðra-di ratximyhÿre riteytenyrau.

²³ Pedroboho rexitamy roirenyreu, ityhydÿÿdu seriðre òrysomy roirenyre. Tahe tiiboho tamyreny relyrenyre iwese dohodÿÿna heto wedu matuari mahãdu-wana tamy rarybere wesemy. ²⁴ Tahe wiwese wesele røhõtinereri wese, Deuxu-ò rexitònyrenyre: —Kai, Waha, inylòlòreny atximahãte. ²⁵ Kai, ibutuwidÿÿdu tarybete: Davi, inytybyreny-di tarybete Atytybytyhy tamy ritÿÿnyrenyre, iwese tii rarybekemy. Davi eòdumy raremyhÿ. Irybe tyyriti-ki roimyhÿre kiamy:

—Judeukõdu mahãdu raykarananyreri. Kia awimy aõkõ ihÿre. Waijoi aõ òbitinadibo aõkõ røhõtinereri.

²⁶ Dinodu mahãdu wiributumyre Deuxuòludumy rÿikremy. Tule Kristu, kia Deuxu deòdÿÿna òludumy rÿikremy.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributumyre ariðre Jesuisi òludu rÿirakremy. ²⁸ Tiiboho riwinyre iwese kai tarybete wese, Waha, kia aõmydÿÿnanamy rÿirakremy. ²⁹ Kai, Waha, teeryte iwese tiiboho raryberemy, aõma,

rybeõmykemy. Tahe eòdu biwiòhenanykre arybe-di ihãrele rarybekemy brebuõ-di.
³⁰ Biwiòhenanykre, Waha, eòdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariòreni òraru-ki kia riwinykremy. ³¹ Tahe ixitòdedÿÿna rexihureu, heto ramytatamy. Deuxu Tyytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aõkõ tiiboho relyymyhÿrenyre.

³² Ityhydÿÿdu mahãdu iaõna aõna-di wii riwiòhenanyre. Inyõ rarybeõhyra: — Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ. ³³ Deuxu Jesuisi erydÿÿna mahãdu riwiòhenanytyhyre irybemy relyyrenyre, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenyre. ³⁴⁻³⁵ Tai tahe ityhydÿÿdu mahãdu aõna aõnamy rasiranyõhyra. Ityhydÿÿduõ ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxumy riwahinyre ibutu-ò timybo iny sohoji sohoji tuu rurumy rÿiramy.

³⁶⁻³⁷ Jyje tule kiawesele riwinyre. Tasubedeõ-di rohonyre, idi iòwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inyrybe-ò riwiurònanyre, rybe-di wiòhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

5

¹ Idi tahe tule ijõ hãbu, Anania ninadu, tahãwyy Safira-wana tasubederenyõ-di rohonyrenyre. ² Iòwy tahe txuralem y diwyde Jesuisi erydÿÿna mahãdu-ò tasubede òwyreny ibutumy risÿnyrenyreri. ³ Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tyytybytyhy-ò taruiteri. Aõherekibo iòwyjura-di atxiteri. ⁴ Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee. ⁵ Kia-ò Anania roholareu, rurulemy resere. Tai ibutumy iny ruberutyhyre. ⁶ Weryrybò tahe iumy rihetynyre. Tahe ritamadÿÿnomy riwyre rihãloonykremy.

⁷ Inataõ òra bededÿÿnanamy reare tahe Safira, Anania hãwyy rehemynyre. Aõ heka rieryõhyre tahãbu rubuna rieryõhyre. ⁸ Pedro tamy rÿÿraxire: —Tiwesemybo asu teòwynyta —ahãbu rarybere wesele aõbo. Tahe tii dirawyònyde: —Kohe, iwesele rakòwònyre. ⁹ Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodÿÿ-ribi rehemynyreri. Tule tii aradykre rubumy. ¹⁰ Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy. ¹¹ Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhÿre.

¹² Jesuisi erydÿÿna mahãdu sõwemy wowydyna aõmydÿÿnana riwinyrenyre. Tule deytenuwihikÿtyhy sõwemy riwinyrenyre. Ityhydÿÿdu mahãdu wii ributunymyhÿre Deuxu dohodÿÿna heto ube-ò. Salomaõ ubetyhy inire. ¹³ Kaa hãwã mahãdu dori sõwemy ruberumyhÿre Jesuisi erydÿÿna mahãdu-ò wiutàdà lau. Tamy rabutuõhyre ijohonamy. Ihãrele tahe ijõ rityhynymyhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyre. ¹⁴ Ityhydÿÿdu mahãdu rasõw-erenymyhÿre. Hãbu, hãwyy tule ralòmymhÿre Inynyrÿtyhy-ò. ¹⁵ Webinadu mahãdu iny ridymyhÿre ryò, hãwã hãwã-ribi. Tai Pedro nonana-ki riraòm y roimyhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohõtinyre. ¹⁶ Ibutumy Jerusalẽ-ribi iòhòm y rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahãdu, Jesuisi erydÿÿna mahãdu-ò rexinaanymyhÿre. Tule kiawedu eryna mahãdu riwiòhenanyre. Saduseu imahãdu ni rare. ¹⁸⁻²⁰ Tai tahe xiwe wedu mahãdu, Jesuisi erydÿÿna mahãdu rimyrenyre idi rehurenyre hãwã ròtenawo-ki. Rummy tahe Inynyrÿ ÿjuò riraynyre ijò, tahe ridyre ahana-ò. Tamyreny rarybere: —Boibenyke Deuxu àlana heto-ò. Bexideòsinybenyke iny sõwehekÿ-ò. Tamyreny bitÿnynybenyke timybo Jesuisi umytÿmyra inydee riwahinymyhÿre. ²¹ Iwese ÿju

rarybere wese, txuu ratÿnyreu, dohodÿÿna heto-ò ralomyhÿre. Tai rierynarenymyÿre. Tahe xiwena mahãdu wedu dehemynyde, tii-wana ratximyÿ-wana. Israeli nohõti juradÿÿdu mahãdu ributudÿÿnyre. Ibutumy judeu mahãdu, matuari mahãdu bedeerÿtyhy mahãduõ rare. Tahe soldado itxeredu-ò riteònyre ròtena-ò iòrysyrenemy. ²²⁻²³ Tahe roirennyre. Ròtena-ki tai rahaõre. Ròsere tamy relyyre: —Ròtena-ò rehemynyra. Txiòtòbòhòkÿlemy rÿire. Tahe reraÿnyreu, aõho aõkõ rare. ²⁴ Dohodÿÿna wedu xiwena wedu-wana kia roholareu, tiiboho rexieryrenyòhyyre aõbo riwinyrenykemy, aõhebo rotÿÿnyrenykemy. ²⁵ Iwesemy røhõtinyrerikõnalemy, inyõ dehemynyde. Tai rarybere: —Ròtena-ki tetidite mahãduõ, dohodÿÿna heto-ki ratxireri. Iny kowa ritohonyreri. ²⁶ Tai tahe soldado dinodu, soldado itxeredu-wana riòryre ta didydenyde ywilemy. Tamy heka aõhe risÿnyòhyyre mana huna-di tamyreny kedehukemy heka soldado røhõtinyre. ²⁷⁻²⁸ Tahe dehemynyde ritamadÿÿnyre inysõwe weduko-txi. Tahe wedutyhy rybe ritelenyre: —Jiarÿboho heka juhu adeeremy rarybere uritere Jesuisi nimy bede erydÿÿrenykõmykemy. Ihãrele tahe tuu tebedeerÿnytenyta ibutumy Jerusalẽ hãwã iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunyrenyramy. ²⁹ Tahe Pedro taijoi-wana rarybere: —Iwese Deuxu wadeeremy rarybere wese, arityhynyrenykre. Hãbuõ iwitxiramy wadeeremy rarybekeki, tiu arityhynyòtyhy. ³⁰ Kaiboho inatyhymy Jesuisi terubunytenyde. Òwòru nihikÿ itxeò-ò tetamadÿÿnytenyde. Inybyby Deuxu tahe rubu-ribi riixixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iòlòmny rarekemy, ibutu tarasadumy rarekemy. Tai ibutu Israeli ijoi mahãdu-ò òraru bedewona ixãwina riwahinykemy. ³² Inyboho heka kia aõmydÿÿnamy robimyhÿrennyre, tai heka reerymahãrennyre inatyhy raremy. Inyõ Deuxu rityhykeki, tii Tatytybytyhy tamy kidiwahinyke. Tii tule kia aõmydÿÿnamy rarybemyhÿre.

³³ Xiwena wahidÿÿdu mahãdu wedu tamy roholarennyre, rakyarananyrennyre, irubudÿÿmy idi ratximyÿ. ³⁴ Tahe fariseu mahãduõ lamamy rÿire. Ònosõna erydÿÿduõ tii ihÿre. Ibutumy iny tii riijemyhÿre rityhynymyÿreki. Kamalie heka inire. Tahe tii rarybere: —Jesuisi erydÿÿna mahãdu-di biòlònyke urihimyo ahana-ò. ³⁵ Idi tahe taijoi-ò rarybere: —Hãbu, Israeli mahãdu, bexiijebynyke kia hãbu-ò, aõhebo botÿÿnybenykre. ³⁶ Kaiboho dori òhõtireny beabenyke Teudani-txi. Juhuu dori dinoduõmy tii raremyhÿ. Tii ixìlòdÿÿnihikÿmy iximy rarybere. Sõwemy heka iny tii-wana raremyhÿ tahe 400 hãbumy ihemy rare. Inyõ tahe rirubunnyre rityhynymyÿre mahãdu tahe iribi raubÿtÿre. Tahe aõ heka rimyòhyyre, ibutumy iõre. ³⁷ Iwitxirau ijò-txi òhõtireny rearennyke. Judasi inire. Tii Kalileia mahãduõ rare. Iu bede dinodu iny-di rariareu tahe, tii rexiòlòdÿÿnyre. Sõwemy iny riheludunnyre. Tii tule rurure. Taityhydÿÿdu mahãdu tule raubÿtÿre. ³⁸ Tule wahe kahãbu mahãdu rare ixinamy biteònyke. Hãbu kia aõmydÿÿnana dinodukeki, aõmy aõkõ relekre. ³⁹ Deuxu tahe idinodukeki, tiu heka idi behuòtyhy. Deuxu òludu wesemy heka kai tesumahãte. Tai tahe Kamalie rybe-ò ibutumy rityhynyrennyre. ⁴⁰ Didyde he Jesuisi erydÿÿna. Rihetenyde. Idi tamyreny rarybere: —Rybeõmyke Jesuisi nimy. Tahe ixinamy riteònyre. ⁴¹ Tiiboho iribi rexitarennyre, reysatyhymy ratximyÿ, Jesuisini òraru-ki dorikÿhe tiiboho aõhòkÿmy rotÿÿnyrennyraki. ⁴² Txuõ txuõlemy Rybewihikÿ ritÿnynymyÿrennyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deòdÿÿnamy nade.

6

¹ Tahe ityhydÿÿdu rasõwetyhynymy rÿiramyÿ. Iu ityhydÿÿdu wytese mahãdu-ò rÿsÿna riwahinymyÿre, grego rybedu rexinaanymyÿre rÿsÿna wahidÿÿdu mahãdu dee. Judeu mahãdu wytese sõwemy rÿsÿna ritamyhÿrennyre waratyrennyre. Kia wesemy heka judeukõdu mahãdu rarybere. ² Jesuisi erydÿÿna waò inatxi reurò mahãdu, ibutumy ityhydÿÿdu didydenyde kia aõmydÿÿnana-ò roholakemy. Tahe raryberenyre: —Deuxu rybe erydÿÿ rikiixãwidynyrennykeki, wytese rÿsÿna ariwahinyrennykemy, kia heka òbiti

aõkõ rare. ³ Tai tahe kaiboho hãbu mahãduõ bitabenyke ayreny-ribi debò inatxi reurð hãbumy bitabenyke. Hãbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhykÿle, kiaweselemy hãbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarenkyre. ⁴ Tai jiarÿboho arexitðenywãhãrenkyre watxiwãhãrenyke. Deuxu rybemy arierynanymahãrenyke. Kiawese Jesuisi erydÿÿna mahãdu rarybere. ⁵ Ibutumy heka tuu raryberé, tamyreny awire. Tai tahe hãbu mahãdu ritarenkyre. Estevaõ ijõre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiðkia mahãdu juhoo rare. Judeu bede erydÿÿna tyhydÿÿdu juhoo tii rare. ⁶ Ityhydÿÿdu mahãdu tiiboho didydenyde Jesuisi erydÿÿna mahãdu-ð. Deuxu-ð rexitðenyrenyke tahe Jesuisi erydÿÿna ityre tebò ritidirenyke.

⁷ Deuxu rybe heka ibutu ijohonanamy rÿire. Ityhydÿÿdu mahãdu-ð sówetyhymy tamy ralòmhyÿre Jerusalẽ hãwã-ki. Xiwena widÿÿdu tule sówemy Jesuisi rityhynyke.

⁸ Estevaõ heka Deuxu luuna sówemy ratximyhÿre. Sówemy Deuxu ruru-di ratximyhÿre. Deuxu urihixina nihikÿmy inyko-ð riwinymy raremyhÿ. Aõdeytenawiwihikÿ wesemy tule riwinyke. ⁹ Kowa hãwã-ki tahe judeu dohodÿÿna heto iwixira rÿimyhÿre. Libertu mahãdumy rexininire tajoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bede luduõ-ribi, Afia bede luduõ-ribi tii-wana doidenyde. ¹⁰ Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tyytybytyhy-di ihÿre. ¹¹ Tai tahe hãbu-ð raryberenyke: —Kaiboho heka Estevaõ dee maruibenykre. Jiarÿboho dori araðwynyrenkyre. Kawesemy maruibenykre, my: —Jiarÿboho Estevaõ rybe-ð raholamy rãiwãhãrenyke. Tii Deuxumy aõbinahakÿlemy rarybemyhÿre, Moisesimy tule. ¹² Kia-ki heka Estevaõ dee iny raykarananyke, judeu matuari mahãdu tule tamy raykarananyke. Ibutumy Estevaõ òrysmy roirenyke tahe rimyrenyke, ridyrenyke rybe ywisidÿÿna-ð. ¹³⁻¹⁴ Tahe ruidu mahãdu didydenyde. Tahe tiiboho raryberenyke, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwixiranykre, ibutumy Moisesi inydeereny rierynanyke. ¹⁵ Ibutumy iny ywisidÿÿna mahãdu Estevaõ-ð retehere. Iòsana, ÿju òsÿnÿwesehekÿlemy tamy røhòtinyrenyke.

7

¹ Tahe xiwe wedu Estevaõ-ð rÿÿraxire: —Kia aõbohe inatyhy rare. ² Estevaõ tahe dirawyðnyde. Wanyrÿboho, Wahaboho, Ijyymy adeereny arelyykre. Warybe-ð bohoolabenyke. Mesopotamia bede-ki Deuxu biu-ribi rexitÿnynyke Abraõ-ð, inytybyreny-ð, Harã hãwã-ki rasÿnyõreu. ³ Tamy Deuxu rarybere: —Abede-ribi boibenykre. Alahi riòkòre mahãduy-ribi makre. Manakre ijõ bede-ð adee dori asÿbede ariurihikre. ⁴ Iribi tahe Abraõ Kadeu mahãdu bede-ribi roirenyke Harã hãwã-ð tai rasÿnykemy. Iribi tahe tyby rurureu, Deuxu kað didyde ka bede-ð titxibo kaiboho wiji tasÿnymahãtemy. ⁵ Abraõ-ð sÿõ riwahinyõre timy urihimyðòhÿy. Tahe idi tamy riwahinykemy, iri-òre-ð riwahinykemy Deuxu tamy rarybere. Abraõ iri-òreõre, ihãrele Deuxu tusÿmy tamy rarybere. ⁶ Tule Deuxu tamy rarybere: —Ariòkòre ijõ bede-ki rasÿnykre 400 beðramy. Kowa ariòkòre heka deðdu wesemy raaõmysÿdÿÿkyre. Iwedu mahãdu heka ibinamy idi rarekre. ⁷ Jiarÿ tahe iny ariðwynykre, Deuxu rarybere, ibinamy widi rÿira mahãdu. Iribi ka bede-ð kòdòhònykre wamy kaki reàlamyhÿkemy. ⁸ Idi urihixinaõ Abraõ-ð Deuxu riwahinyke, tøhòti itxi reakemy. Uladu notyyresyna aõmydÿÿnana tamy riwahinyke. Idi tahe Ijai reareu, Abraõ Ijai notyy riorore debò inatã reurð txu-di. Iribi tahe Ijai tari-òre Ijað ritøtykyrorore. Iribi tahe Ijað tari-òre notyky riorore. Tiiboho wað inatximy riðrenaduõ roire. Inatyhymy tiiboho inytybyreny rare. ⁹ Idi waðsohoji inytybyreny mahãdu Jyje dee rexiwobinanyhÿre. Idi rohonyke Egito-ð ramyhÿre mahãdu-ð. Tahe Deuxu tii-wana raremyhÿ. ¹⁰ Iaõhòkÿmy dÿÿnana-ribi Deuxu ritamyhÿre. Egito i-òlò, Faraðmy ninadu rare. Deuxu heka Jyje luumy Farað

risÿnyre. Faraò rue-ò heka Jyje bedeerydÿÿna sówemy ratximyhÿre. Faraò ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre. ¹¹ Ramamy rubu nihikÿ dehemynde ibutusu-ò, Egito-ki, Kanaã bede-ki. Sówemy iny aõhòkÿmy rotÿÿnyre. Inytybyreny rÿsÿnaõ-ki rahaõhyre. ¹² Egito maixõmo rÿimyhÿreò, Ijaò roholare. Tahe inytybyreny riteònyre iòrysomy. ¹³ Idi tahe ixityre iòrysomy riteònyreu, Jyje tamyreny rexideòsinyre. Tai tahe Faraò Jyje sÿmahãdu rieryre. ¹⁴ Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiibohe 75 inymy rimyre ibutumy. ¹⁵ Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶ Tahe iumyreny diwyde ritoonyre wabede-ò, Sikeni hãwã-ò. Abraõ kia wabede juhoo riwyre nieru-di, Emo riòre-ribi. ¹⁷ Deususÿ-ò wahidÿÿna juhoo rarybere Abraõ-ò. Ibededÿÿnana iòhòre Deuxu tamy riwahinykemy. Inybohe Egito-ki rasówemyhÿreny. ¹⁸ Ikonanau tahe iòlò iwitxiramy ròhònyre Egito bede iòlòm. Tii Jyje rieryòre. ¹⁹ Tii iny ijoi riitxenanyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituereny. ²⁰⁻²¹ Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi dòhònydeu, Faraò riòre rimyre itibiedÿÿmy tariòre wesemy. ²² Ibutumy Egito bedeerydÿÿnana tamy rierynanyre. Tii heka rexiòlònyre rybedunihikÿmy aõmydÿÿna widÿÿdu nihikÿmy. ²³ Moisesi iny inatxiwa itue beòra-di rÿireu, tamahãdu, Israeli mahãdu roramy nade. ²⁴⁻²⁵ Egito mahãduõ Israeli mahãduõ rihetenyre, Moisesi tuu robire. Tahe Moisesi tii rirubunyre, Israeli mahãduõ riwìhenanykemy, Egito mahãduõ rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi ròhòtynyre. Tahe aõkòre rieryòhyre. ²⁶ Ijò txu biòwamy tahe Israeli hãbu inatximy wiwana ròrenymyhÿ. Moisesi ronyre iyreny-txi riixãwididÿÿnykemy. Rarybere: —Kaibohe seriòre toite, aõherekibo wii tehetenytenyteri. ²⁷ Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸ Kai biwarubunyekò aõbo, iwese kau Egito mahãduõ terubunyte wesemy. ²⁹ Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riòremy kowa reare. ³⁰ Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿu, ÿjuò tamy rexitÿnyre bede rade tòbòhòkÿy-ki tamy roomyhÿre. ³¹ Moisesi kiamy dobideu, bede riòtiinyre. Tamy itxeremy rehemynyre. Tahe Deuxu rybe-ò roholare. ³² Jiarÿ borenny Deuxu watxireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheòhyre. ³³ Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynyke. ³⁴ Wiji tahe waijoimy rabireri Egito-ki. Tiibohe aõhòkÿmy rotÿÿnyreny. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò. ³⁵ Ka Moisesi heka Israeli mahãdu juhoo teramy reare. Tamy rarybere juhoo mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwìhedÿÿdure. ³⁶ Tahe Moisesi Egito-ribi iny ritamyhÿre. Egito bede-ki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷ Kaa Moisesi heka rarybere Israeli mahãdu-ò: —Ayreny-ribi, amahãdu-ribi rybedu nihikÿmy Deuxu kidi-tamadÿÿnykre iwese riwatamadÿÿnyre wese. ³⁸ Kaa Moisesi tajoi-di wii ributunyre, bederahy-ki ihÿmyhÿ inytybyreny-wana heka ratximyhÿ. ÿju-wana tii ratximyhÿ Sinai hãwãlò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹ Tahe inytybyreny ityhydÿÿ deramy rare. Reòbyòrenyre. Ixybyle Egito-ò ròðsekemy ròhòtynyre. ⁴⁰ Tahe iny Araõ-ò rarybere: —Ritxoo deuxuõ inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyòre. ⁴¹ Kiatxu tahe broreni riòreò riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aõbo tebò-di riwinyrenyreki. ⁴² Tai tahe Deuxu rexitare iribi, taina rityhynykemy. Iwese

rybeduõ iu tyyriti-ki riritinyre wese:

—Israeli mahãdu, kaiboho xiwena tetoonytenynte, irõdu xiwena tetoonytenyta. Wadee aõkõ tahe kia tetoonytenyta 40 bedramy bederahy-ki.

⁴³ Kaiboho tewytenyta ritxoohetero riõre. Mòlõki inire, aritxoo deuxuni. Tule Renifa taina ijõ aritxoonire. Kia tewinytenynte, tetyhynytenynte wahe. Tai tahe arateõnyrenykre Babilonia weribihikÿ-õ wahe.

⁴⁴ Inytybyreny heka Deuxu rybe bede ywina tyky heto riwinymyhÿre bederahy-ki. Iwese Moisesi-õ Deuxu riteõnyre wesemy kia riwinymyhÿrenynte. ⁴⁵ Iribi tahe inytybyreny tatyby-ribi tyky heto ritare, tii-wana riwymyhÿre kabede-õ, Josue tadinodu-wana. Iu Deuxu iko-ribi riteõnyre, ibutumy tai sÿ mahãdu tii-wana riwymyhÿre, ihyy tahe Davi reare. ⁴⁶ Deuxu heka sõwemy Davi luure. Davi heka rexitõenyre Ijaõ Deuxu dee heto riwinykemy. ⁴⁷ Tahe tii aõkõ riwinyre, Salomaõ iwidÿÿdure. ⁴⁸⁻⁴⁹ Deuxu biukisÿdu tahe hãbu widÿÿna heto-ki rasÿnyõmyhÿre. Iwese Deuxu rybeduõ rarybere wese:

—Biu tahe warynana rare, bede tahe wawa elehyna rare. Timybo inyõ wadee heto riwinyke, Inynyrÿ rarybere. Iwo-ki tahe waelehyna arihynyõkre.

⁵⁰ Deuxu rarybere:

—Ibutumy aõna aõna jiarÿ rewinyre.

⁵¹ Tahe Estevaõ rakonananyre he tamyreny rybena heka rõhõnyre: —Kaiboho araykytererenynte. Deuxu Tyytybytyhy rybe-õ taholaõhyymahãtenynte. Iwese iny tybyreny riwinyrenynte wesemy. ⁵² Ibutumy Deuxu rybedu mahãdu-õ ibinamy iny tybyreny riwinymyhÿrenynte. Tiu ihetxiu Deuxu õbiti hãbu kanakedõ, tiiboho raryberenyre, rirubunyre irybedu. Kaiboho tahe Deuxu õbiti hãbu-di ijõ-õ tewahinytenynte, terubunytenynte. ⁵³ Deuxu bede ywina ÿju mahãduõ adeereny diwahinydenyde, kia bede ywina kaiboho tetatenynte, tahe tetyhynyõhyymahãtenynte. ⁵⁴ Tahe kiamy Estevaõ rarybereu, tiiboho heka rebure nihikÿre. Urile txyde-ki ruruamyhÿre tamy. ⁵⁵ Estevaõ tahe Deuxu Tyytybytyhy-di iwoki ratximyhÿre. Tahe biu-õ retehere: Deuxu loosõnamy robire. Jesusimy robire lamamy rÿire Deuxu rurunawe-ribi. ⁵⁶ Tahe Estevaõ rarybere: —Jiarÿ wa rabireri biu juxahakÿmy. Jesusimy rabireri Deuxu deõdÿÿna. Lamamy heka rare Deuxu rurunawe-ribi. ⁵⁷ Tahe ryrymyhÿre, tõhõti ritõbõnymyhÿrenynte, raijeranyre tamy. ⁵⁸ Ridyre hãwã-ribi, mana-di tahe tamy rehumyhÿre, rirubunyrenynte. Erydÿÿna ijyydu tahe taderamy ririrenyre Saluko-txi tamy riyrubunykeny. ⁵⁹ Iu mana-di rehureu, Estevaõ rexitõenyre: —Wanyrÿ, Jesuisi, watyytyby kai bimyleke awana ararekremy. ⁶⁰ Tahe tatiowotimy resere, ryryre: —Wanyrÿ, kia õraruna iõwydÿÿomyke. Idi tahe rurure.

8

¹ Salu tahe kia õbitimy raremyhÿ rõhõtinyre, Estevaõ rurureu. ² Iribi tahe ityhydÿÿdu mahãdu aõhõkÿmy rotÿÿnymyhÿre. Judeia wedu mahãdu dori, iõludumy rÿimyhÿre. Tai tahe ityhydÿÿdu sohoji sohoji Jerusalẽ hãwã-ribi rõhõnyre. Urile Jesuisi erydÿÿna mahãdu sohojile rÿire. Judeia bede hãwã mynamyna robÿtÿre, Samaria bede-õ tule. Tahe hãbu ityhydÿÿduõ Estevaõ umy riwyyrenynte rihãloonykremy. Tahe rahinymyhÿrenynte, rirajuamyhÿrenynte. ³ Salu tahe ityhydÿÿdu mahãdu hudumy. Wii risÿnymyhÿre. Ihetorenywo-õ ralõmyhÿre tahe ridymyhÿre hãwyy, hãbu, rõtenawo-õ rirõtenykeny.

⁴ Iu tahe ityhydÿÿdu mahãdu ijõ bede-õ roire mahãdu Deuxu rybemy relyymyhÿre ibutu hãwã-ki. ⁵ Filipi ijõ raremyhÿ. Tii Samaria hãwã-õ rehemynyre. Tahe Kristumy tamyreny relyre. ⁶ Iny sõwemy rityhynyrenynte aõmybo Filipi rarybemyhÿremy. Tahe deytõdÿÿna wiwihikÿmy iny robimyhÿrenynte, tyytybybina deõdÿÿnamy tule robirenyre. ⁷ Tahe riteõnyre, tyytybybina iny-ribi rõhõnyre, rirajuamyhÿre. Tule iny webinadu raraserasemy roimyhÿre, tule inytiere-wana. Tahe ibutumy riteytenymyhÿre.

⁸ Tai tahe ka hãwã-ki deysana nihikÿ rÿire.

⁹ Samaria hãwã-ki tahe hãbuõ raremyhÿ. Simaõ inire. Tii wodohonana widÿÿdu ihÿre. Iny riitxenanymyhÿre. Tahe riõtiinyrenynte. Tii iximy rarybemyhÿre moõ

wiwihikÿmy raremyhÿmy. ¹⁰ Ibutumy iny tii rityhynyreny, hãbu wedu mahãdu tule, hãbu aõtxile mahãdu tule. Tiiboho raryberenyre: —Simaõ Deuxu ruruna rare. Ruruna nihikÿ inire. ¹¹ Tiu bedeu aõkõ iny riitxenanymy raremyhÿ, riõtiinyreny. Tai tahe rityhynymyhÿreny. ¹² Iu tahe Filipi Jesuisi Kristunimy, Deuxu òlõnamy tamy relyymyhÿre. Tai tahe rityhynymyhÿre, raratysebemyhÿreny. ¹³ Iribi tahe Simaõ itxenadÿÿdu tule Jesuisimy reõbyre, raratysebeny. Tahe Filipi-wana ihyy ròirenyre bede õtiidÿÿna-di retehemyhÿre aõbo Filipi riwinyremy.

¹⁴ Samaria hãwã mahãdu tahe Deuxu rityhynyre. Kia-ò Jesuisi erydÿÿna mahãdu roholare Jerusalẽ-ki. Tai tahe Pedro Joaõ-wana riteõnyreny kowa-ò. ¹⁵ Rehemynyrenyreu, Deuxu-ò rexitõenyreny Deuxu Tyytybytyhy tamy kanakemy. ¹⁶ Inyõ dori Deuxu Tyytybytyhy-di rÿiõmyhÿ. Urile Jesuisi Inynyrÿni-di raratisebedÿÿmy rÿiramyhÿ. ¹⁷ Tahe Pedro Juaõ-wana tebõreny ityreny ritidire. Tahe Deuxu Tyytybytyhy tamy nade. ¹⁸ Kiamy Simaõ robire, aõma, debõtidina-di Deuxu Tyytybytyhy nade. ¹⁹ Tai tahe tamy rexitõenyre: —Ka heka wanieru rare. Bidiwahinyke kia ruruna. Tahe inyõ tyre wadebõ aritidikeki, tamy Deuxu Tyytybytyhy kanakemy. ²⁰ Tahe Pedro tamy dirawyõnyde: —Aõkõre, anieru rakemy watzireri awanale rububede-ò. Deuxu ruruna dori anieru-di biwykemy mohõtinyke. ²¹ Kia heka aõmysÿdÿÿnakõre wayreny-ki. Arayky, awo, õbitimy aõkõ ratximyhÿre Deuxu dee. ²² Mabedewomy atximahãke aõraruna-ki, aõbo tahõtinyte. Bexitõenyke Inynyrÿ-ò tii õsana aõraruna-ribi araxãwididÿÿnykre. ²³ Kai dori texiwaritinymahãte. Aõraruna adi nararotinymyhÿde. ²⁴ Tahe Simaõ tamy rarybere: —Wadee bexitõenybenyke Inynyrÿ-ò, kia aõkõ waki kÿnyikemy, aõmybo tarybetenyteki aõbo.

²⁵ Iribi tahe, Pedro Juaõ-wana Inynyrÿ rybemy rarybemyhÿreny, relyymyhÿreny tai. Sõwemy Samaria bede hãwã hãwã-ki Rybewihikÿ relyymyhÿre, Jerusalẽ-ò ròõserenyreu.

²⁶ Filipi Samaria hãwã-ki raremyhÿ. Tahe Inynyrÿ ÿjuõ tamy rarybere: —Bexiywinyke, make ibõ-ò. Kasa hãwã ryhykÿ bimyke. Jerusalẽ-ribi ryy rare, bederahy-ki rare. Tahe Filipi rare. ²⁷⁻²⁸ Tahe inyõ-wana wibymy reare. Tii Etiopia bede luduõ rare. Etiopia bede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròõsereri Jerusalẽ-ribi. Kowa Deuxu reålãmy rare, tahe tasÿ-ò ròõsere iawarutewedile. Isaia Deuxu rybedu tyyriti-di rariamy tii rononymhÿre. ²⁹ Deuxu Tyytybytyhy Filipi-ò rarybere: —Make, awarutewe-ò, mariake ibire-di. ³⁰ Tahe Filipi tamy rajaranyra. Roholare tyyriti-di rariareriò. Tahe Filipi rÿÿraxire: —Kai aõbo teeryte aõbo rare, aõdibo tariateri. ³¹ Tahe dirawyõnyde: —Aõkõre, inyõ dori wadee ritÿnynyõre. Timybo arierykemy. Manaõwõnyke wabire-ò bodonyke. Tahe Filipi raõwõnyre. ³² Tii kia-di rariareri tyyriti-ki:

—Iwese iny budoeni rubudÿÿdu-ò riwyre wese, tii iwesele ridyreny. Budoeni-ribi iny isira riororeu, rirajuaõlere. Iwesetyhyle Tii rarybeõlere.

³³ Iehehenamy tamy raryberenyre wese hãbu ehehe wesena, õbitimy aõkõ idi riywinyreny. Inyõ rarybeõtyhy iriõkõremy, iumy dori bede-ribi ituera.

³⁴ Tahe tii Filipi-ò rarybere: —Wadee manarybeke momybo rybedÿÿdu rarybereri, iximy aõbo ada ijõmy aõbo. ³⁵ Tahe Filipi kia Tyyritidile rexidelenymy relyyre. Jesuisimy Rybewihikÿ Tÿmyramy tamy relyyre. ³⁶ Rydi rariamyhÿre idi rehemynyrenyre beõ-ò. Tahe tii Filipi-ò rarybere: —Kowa bera rare. Biwaratisebenykekõ aõbo, adee awikeki. ³⁷⁻³⁸ Tahe Filipi dirawyõnyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Rìre raremy. Tahe tewe irira riixãwidinykemy riteõnyre. Tahe itewe-ribi ròhõnyra, bera-ò ribereny. Tahe riratisebeny. ³⁹ Bera-ribi rotuoreu, Filipi aõwesele iõmy reare. Inynyrÿ Deuxu Tyytybytyhy ridyre. Hãbu ixiby Filipimy robiõhyyre. Tahe tary-di rariamy rare. Teysanatyhy-di tÿximy rare. ⁴⁰ Idi tahe Filipi rexieryreu, Asoto hãwã-ki rehemynymy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemynyre.

9

¹ Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò. ² Tamy rexitòenyre: —Arybe tyyriti ariwykremy watzireri Damasu hãwã dohodÿÿna heto wedu-ò. Tai tahe kowa-ki ityhydÿÿdu-ò-txi areakeki, aõtxile hãbu hãwyy aõbo, aridykemy Jerusalẽ hãwã-ò, ariròtenykemy. ³ Tahe iòhòmy Salu rare Damasu hãwã iròte iòhò-di, idi tahe loosò-nahakÿ Salu tyre resere. ⁴ Tahe bedè-txi resere, tahe rybeõ roholare: —Salu, Salu, aõherekibo aõna aõnamy ibinamy wadee tatÿÿnymahãte. ⁵ Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watzireri, aõna aõnabina binamy wadee tadotÿÿnymahãte wahe. ⁶ Myike, mariamy tahe hãwãhãkÿ-ò malokre. Taita inyõ adee rarybekre aõhebo botÿÿnykremy. ⁷ Tahe Salu ijoì rìòryre rybeòhyy rÿimyhÿ. Rybe-ò roholare, tahe tuu robiòhyyre. ⁸ Salu suribi rÿireu, iruetà wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasu hãwã-ò. ⁹ Tahe hãwãhãkÿ-ki txu inataò txu idi rÿire aõmy robiòhyyre, riroxiòhyyre, bemy riòòhyyre.

¹⁰ Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyònyre: —Aõbo rare, Wanyrÿ, kakile watzireri. ¹¹ Tahe Jesuisi riteònymy rarybere: —Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitòenyre. ¹² Tii umy robireri tarasi-ki. Kai tehemynteri wese, irue-ò ebò bitidikemy, biteytenykemy. ¹³ Anania Jesuisi-ò rirawyònyra: —Wanyrÿ, sòwemy kia hãbumy rybe-ò raholara. Aõbina binamy ityhydÿÿdu-ò risÿnymy raremyhÿ Jerusalẽ-ki. ¹⁴ Deuxu dohodÿÿna heto wedu tyyriti diwyde kaki ityhydÿÿdu rutysÿny rirutekemy. ¹⁵ Tahe Inynyrÿ tamy rarybere: —Aõwaxina tamy makre, Jiarÿ dori, kia retara wadee aõmysÿdÿÿdu nihikÿmy rarekemy, judeukòdu mahãduko, iòlòrenyko, tule Israeli mahãduko wanimy rarybekre, aõma, warybetÿmyra wihikÿmy. ¹⁶ Tamy aritÿÿnykremy tiwesebo aõhòkÿmy rotÿÿnykremy wanimy rybeòraru-ki. Kia ibutumy Jesuisi rarybere Anania-ò. ¹⁷ Idi ta Anania rare tamy Judasi heto-ki. Ralòmy rahudi, tahe, tebò ityre ritidira. Tahe rarybera: —Salu, waseriòre, Inynyrÿ adee riwateònyra. Tiile, Jesusile heka ryro-ki adee rexitÿnyre. Tiile heka riwateònyra arue ritxuakemy, tule Deuxu Tyytybytyhy atykmy ralòkemy. ¹⁸ Tahe aõwesele irue-ribi rejujura aõ yjy wesele. Tahe ixityre robira. Idi rÿimy rahudi tahe, Anania riratysebenyre. ¹⁹ Idi riroximy rahudi tahe, inatyhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki. ²⁰ Idi dohodÿÿna heto-ki rybe ritÿnyre. Rarybere: —Jesuisi heka Deuxu Riòrele rare. Kiawesele rybe-di ritynynymyhÿre. ²¹ Tahe uri ijohonadu mahãdu urile bedè riòtiinymy rÿimyhÿ. Tahe inyõ rarybere: —Kia aõ heka ityhydÿÿdu rubudÿÿdule ratxireri, Jerusalẽ-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò. ²² Salu tahe ire riixiòlòdÿÿnymyhÿhyyre. Judeu Damasu hãwã ludu rieryòhyymyhÿ aõmybo rarybemy. Tii rarybere: —Jesuisi Kristule rare, Deuxu deòdÿÿna rare.

²³ Tiwese txubo txu idi rÿidi tahe judeu mahãdu rarybere irubudÿÿmy. ²⁴ Tahe Salu rierymy rÿimyhÿ tahe inonana-ò rexiywinymy rÿimyhÿ. Rummy tahe, txumy hãwã ijò-ki rirubunykemy retehemy rÿimyhÿ. ²⁵ Tahe ijò erydÿÿna mahãdu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hãwã ahanaube-ò.

²⁶ Salu Jerusalẽ-ò rehemynyreu, ityhydÿÿduky-ò ralòkemy ratxireri, tahe urile ilau ruberumy rÿimyhÿ. Erydÿÿna mahãdu ròhòtinyre: —Tii ityhydÿÿdu inatyhy aõkò ratximyhÿremy. ²⁷ Banabe tahe rityhynymy ridyre Jesuisi erydÿÿna mahãdu-ò. Tahe relyyre iwese Jesuisi Salu-ò ryki rexitÿnyremy tamy raryberemy. Tule relyyre iwese Jesusinimy Salu rybe ritÿnydÿÿnymyhÿremy, Damasu hãwã-ki. ²⁸ Tahe taihyy Salu ratximyhÿre. Tiò tiòle reamy ratximyhÿre rybe ritÿnydÿÿnyrerimy ihÿre, ruberumy aõkò. ²⁹ Salu rarybera grego rybe heka erydÿÿna mahãdu-ò. Widee rarybehymyhÿrenyre.

Idi tahe kia mahãdu Salu rubudÿÿmy roromyhÿre. ³⁰ Ityhydÿÿdu seriðre kia rieryreu, tahe Salu ridyrenyre Sesaria hãwã-ð. Iribi tahe Tarso hãwã-ð riteðnyre.

³¹ Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynyrÿ dee òbitina-ki rariamyhÿre, rityhynymy hÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

³² Ibutumy hãwã hãwãmy Pedro rariamyhÿre. Tule robehere Lida hãwã-ð ijõ ityhydÿÿdu mahãdusÿ-ð. ³³ Tai Eniamy ninadu-txi Pedro reare heka rare. Lumy heka imyremyrehëkÿ heka rare. Debð inatað reurð beðramy heka herina-ki bede idi rÿire ³⁴ Pedro rarybere tamy: —Enia, Jesuisi Kristu arateytenykre. Myike, aherina biyrubunyke. Aõwesele hãbu rÿira. ³⁵ Ibutumy Lida hãwã mahãdu Sarona hãwã mahãdu tuu robire, tai Inynyrÿ rityhynyrenyre.

³⁶ Jõpe hãwã-ki hãwyy ityhydÿÿdu rasÿnyre. Tabita inire. Kiani riwiurðnyre, watxi wese heka rare. Kia heka aõwiwihikÿ widÿÿdu heka rare. Aõna aõna sõwemy iny-ð riwahinymy hÿre. ³⁷ Ijõtxu heka webinadumy resere, ihyy ta, rurure. Risuhòmmy rahudi tahe, ritidire hetowo ratyaluduwo-ð. ³⁸ Laida hãwã iðhòmmy rÿire, Jõpe hãwã-ribi, Ityhydÿÿdu roholare Pedro Lida hãwã-ki ratximyhÿreð, tahe hãbu inatxi diteðnyde Pedro òrysmy. Uritere eleõkõmy kanakemy tii-wana. ³⁹ Pedro tahe tii-wana rare. Rehemynyrenyre, tahe ridyre hetoratya ludu wo-ð. Ibutumy wytese mahãdu robumy rÿimyhÿre, rubuweroramy. Tahety, tatyboho ritxeredÿÿnymy tamy riwinyreð. ⁴⁰ Tahe Pedro rarybere ibutumy rexitakemy. Tahe rexitðenyre taowotimy resemy. Tahe rex-iðkesere rubu-ð rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹ Pedro tebò tamy riwainyre tahe rÿire. Tahe wytese-ð, ityhydÿÿdu-ð rryre. Tamy riteðsinyre hãwyy irulemy roirerimy ihÿremy. ⁴² Jõpe hãwã mahãdu ibutumy kia rieryre. Sõwemy iny tahe Inynyrÿ rybe rityhynyre., ⁴³ Txu sõwemy Pedro Jõpe hãwã-ki ihÿmyhÿ Simaõmy ninadu heto-ki. Simaõ heka iròduty wysydÿÿdu rare.

10

¹ Italia soldado mahãdu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahãdu-wana. ² Tii uriwahidÿÿna diwahinyde tule sõwemy rexitðenyre Deuxu-ð. ³ Aõutxu inatað òra bedeu iðhòmmy, rasina wesemy Deuxu ÿjumy tii robira, tamy rehemynyreri. Tahe tamy rryre:

⁴ —Oreniliu, rimasajuare-ribi riwawyðnyre: —Aõherekibo, Wanyrÿ. Tahe ÿju rarybere Oreniliu-ð: —Aexitòedÿÿnamy Deuxu rierymyhÿre. Tule ijõ-ð awahisina Deuxu rierymyhÿre.

⁵ Biteðnyke eðdubohoõ Jõpe hãwã-ð Simaõ Pedro òrysmy. ⁶ Tii Simaõ iròdutyky iyxidÿÿdusÿ-ki ihÿre, bera ijã iðhò-ki. ⁷ Ýju rybedu rexitareu, teòdu inatxi-ð rryre. Tule tasoldado mahãduy-ribi inyõwihikÿ rihitxinyre. ⁸ Kia ibutu-ð relyymy rahudi tahe riteðnyre Jõpe hãwã-ð.

⁹ Ijõtxu txutyetxuu, tiiboho hãwã-ð iðhòmmy ròire. Kiaule Pedro raðwònymy rÿimyhÿ hetotyre-ð rexitðenykemy. ¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraðmy rÿimyhÿ. Idi rasi wesemy røhòtinymy rÿire. ¹¹ Tahe robire: biuwety ruamyhÿre wese tuu robire. Riã wesemy aõna tamy dobehede. ¹² Riã wo-ki ibutumy iròdu, nawii, hemylala, aõbo dòkõnakõnale. ¹³ Rybeð-ð roholare: —Myike, Pedro, birubunyke, biroxike. ¹⁴ Pedro rirawyðnyra: —Aõkõre, Wanyrÿ. Kia dòkõna reròkõhyy-wãhãre, isuisure dori. Ixityre tamy rarybere: ¹⁵ —Aõbo Deuxu risuhore wese isuisumy rybeõmyke. ¹⁶ Ixityre narybede. Iu tahe aõwesele ridyre biu-ð.

¹⁷ Tahe Pedro kia aõbo raredi heka røhòtinyreu, Oreniliu-ribi hãbu mahãdu rehemynyre. Simaõ heto riijemyhÿ tahe ijòhòkÿkile rahare. ¹⁸ Tahe rryrenyre: —Simaõ Pedro aõbo kakile ratxireri. ¹⁹ Pedro, tatxuu rasina-di røhòtinyreu. Deuxu Tyytybytyhy tamy narybede: ²⁰ —Myike tahe, bobehëke. Inatað hãbu dori araijereri. Tii-wana makre adee dori aditeðnyde. ²¹ Tai Pedro robehere. Tamy rarybere: —Jiarÿ aòrysydu rare.

Aõherekibo tòitenyte. ²² Tahe rirawyònyre: —Oreniliu hãbu òbiti rare. Tii Deuxu dee ijohonaduõ rare. Ibutumy judeu bede mahãdu awiremy tuu rarybemyhÿre. Ýjuõ tamy rarybere aòrysomy kiditeònykremy, adee roholakremy. ²³ Tahe Pedro tamyreny rarybere: —Kakile inyboho ròkòròrenykre.

Ihewoludu txu, rÿidi tahe Pedro tiibohe-wana ròirenyra. Ijõ ityhydÿÿdu seriòre tule roirenyra. ²⁴ Ijõ hewo ludu txu Sesaria-ò rehemynyreny. Oreniliu tii riraòmyhÿre. Tajoi mahãdu tabiòwawoludu mahãdu-wana ributunymy rÿimyhÿre. ²⁵ Pedro rehemynymy raloreu, Oreniliu ròhònyra heto-ribi tahe tatiowotimy iko-txi resere riwowodynkyemy. ²⁶ Tahe Pedro ritamadÿÿnyre. Rarybere: —Mynyke wahe. Jiarÿ hãbule watrixeri. ²⁷ Tahe rarybemy ralòmyhÿ, sòwemy wii ributunyreriò itxi reare. ²⁸ Ta Pedro tamyreny rarybere: —Judeu mahãdu iny witxira mahãdu-wana wibutudÿÿòmy, iòhòmy wiribi riraòmy. Kia teerytenyte. Deuxu dori riwaerynadÿÿnyre kia wese aròhòtinkyre. Iny wiwese wiwesele raremy aròhòtinkyemy. ²⁹ Tahe tai waòrysomy teteònyteu, aòtaximy anademy wanohòti rÿire. Tai tahe adeeremy arÿÿraxikre. Aõherekibo waòrysomy aòtaxina teteònyte. ³⁰ Ta Oreniliu rirawyònyre: —Inaubiòwa txumy txu rÿire tahe hãbu tyky tÿrÿrÿhÿkÿ-di wako-txi rexitÿnyra. Iule wesemy tahe waheto-ki rexitòenywãhare. ³¹ Tahe wadee rarybera: —Oreniliu aexitòedÿÿna-ò Deuxu roholara, ijõ-ò awahisina rieryra. ³² Biteònyke Jòpe hãwã-ò Simaõ Pedro òrysomy. Simaõ, iròdutyky iyxidÿÿdusÿ-ki ihÿre bera ijà iòhò-ki. ³³ Aòwesele tahe, aòrysomy reteònyre. Awimy tahe tateriki rahara. Inyboho kakile ributunymy ihÿreny, aroholakemy ibutumy Deuxu-ribi aòmybo manarybekemy. ³⁴ Tahe Pedro rarybere: —Deuxu dee iny ibutumy wiwese wiwesele rare. Kia reeryre. ³⁵ Ibutumy bede bede hãwã ludu Deuxu rityhynykeki, aòbo tamy òbiti riwinykeki, tii Deuxu ixidee rimyke. ³⁶ Kia rybe tahe Deuxu riwahinyre judeu mahãdu-ò. Rybewihikÿywina kia diwyde inydeeremy bedeerny. Kia Jesuisi Kristumy rarybere ibutunyrÿna kia rare. ³⁷ Joaõ ijõ ratysebenaomy rarybere, idi tahe kia rybe hãletedÿÿmy rexidelenyre Kalileia-ki. Tahe ibutu judeu mahãdu bedemy rarybere. Kia kaibohe teerytenyte. ³⁸ Iwese Deuxu Tyytybytyhy, taruru-wana Jesuisi Nazare ludu tyre-ki ditxiwede wesemy relyymyhÿre. Iwese Jesuisi reamy raremyhÿ wesemy aòwihikÿ riwinymyhÿremy, tule iny Diabo rururawo-ki ratxirerimy ihÿre Jesuisi iribi riteònyre, ta reteytenymyhÿre. Deuxu dori Jesuisi-wana ihÿre. Ibutumy kia teerytenyte. ³⁹ Tahe ibutumy judeu mahãdu hãwã-ki riwinymyhÿre, idi itxeredumy inyboho roiremyhÿre. Ihãre tahe tii Jesuisi rirubunyrenyre, òwòru itxèd nihikÿ-ki ritòhãletenymy ritamadÿÿnyreny. ⁴⁰ Inataõ txu-di tahe Deuxu rubu-ribi riixixanyre, tahe tii riteòsinyre inyò-ò. ⁴¹ Tatarasanaòòle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riòrenyreki, iixixana hewomy. ⁴² Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde. ⁴³ Ibutumy iny Jesuisinimy tamy rityhynykeki, iòraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

⁴⁴ Pedro rarybemy raremyhÿu, Deuxu Tyytybytyhy ibutu rybe-ò ijohonadu tyre-ki resemymy ralore. ⁴⁵ Pedro-wana rare mahãdu, judeu mahãdu òbiti, tahe riòtiinyre judeukòdu mahãdu-ki Deuxu Tyytybytyhy ralòmy rareki. ⁴⁶ Raholare dori rybe witxira-di raryberenyreò, tiibohe Deuxumy heka reàlòmyhÿre. Tahe Pedro tamyreny rarybere: ⁴⁷ —Inyò rarybeòkre, iratysebedÿÿòmykemy, tiibohe dori Deuxu Tyytybytyhy-di ratxirenyre inyweserenyle. ⁴⁸ Tahe Jesuisi Kristu nimy iratysebenkyemy riteònyre. Tahe rexitòenyrenyre Pedro idi iyreny-ki ijõ txumy ramyhÿre.

11

¹ Judeukòdu mahãdu Deuxu rybe roholamy rityhynymyhÿre. Kia-ò tahe Jesuisi erydÿÿna mahãdu roholare kiamy ityhydÿÿdu seriòre mahãdu tule roholare. Judeia bede ludu ratximyhÿ mahãdu ibutumy kia rare. ² Pedro ixityre Jerusalẽ-ò rehemynyreu,

tahe judeu ityhydÿÿdu mahãdu tuu tamy narybede. ³ Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyre. ⁴ Iribi tahe Pedro ikoreny relyyre ibutumy taaõna aõnamy. Kia wesemy Pedro rarybere: ⁵ — Jõpe hãwã-ki watxiwãhã. Tahe rabire rasinawesemy riã nihikÿ biu-ribi robehere-ò. Iwese inyõ ìhòti inaubiòwa-ki rimymyhÿre wesemy wadee robehemymy roimyhÿre. ⁶ Tahe aõbo heka iwo-ki ratximyhÿdi, retehenihikÿmy rãiwãhã iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿõmyhÿre wesemy. ⁷ Iribi raholare rybeò-ò: —Myike, Pedro, birubunyke hewa aõtxile birubunyke tibo biròkemy. Aõkõrewa Wanyrÿ, tiu heka reròòwãhãre. Judeu mahãdu bede ywina heka tiu iny kia riròòtyhy. ⁸⁻⁹ Tahe ixityre rybeò tamy rarybere: —Marybeòke kia ibinamy. Aõbo Deuxu awimymy rarybere, kia wiji tahe ibinamy aõkõ rare. Deuxu dee awikeki, kia awi rare. ¹⁰ Inataõ heka tuu rotÿÿnyre. Iribi tahe kia riã, ibutu-wana iõre biuribihyy heka iõre. ¹¹ Iribi tahe hãbu inataõ dehemynymy deade tai watxiwãhã-ò. Tii diwaòryde riwadykremy Sesaria hãwã-ò. ¹² Tahe Deuxu Tyytybytyhy wadee rarybere tii-wana arakremy. Nohòtiõmy heka aõbo judeukõdu mahãdu raremy. Tii-wana makre ele elemy. Tahe kia debò sohoji reurò seriòremy wahemy rare. Tahe retehemynyrenyre waòrysmy riteònyrenyre heto-ò tahe ralòrenyre Oreniliu heto-ò. ¹³ Iribi tahe Oreniliu rarybere iwese ÿju ihetowo-ki tamy rexitÿnyrenyre rarybereri: —Oreniliu, inyõ biteònyke Simaõ Pedro òrÿsymy Jõpe hãwã-ki. ¹⁴ Tii rybe tÿmyraõmy adeereny kanarybekre. Tai tahe ibutumy asÿ ijoi-wana aòraru-ribi kanatakre. Kia Oreniliu inydee rarybere. ¹⁵ Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tyytybytyhy ityrenyre resere iwo-ò ralòkemy iwese watyrenyre resere wesele juhuu. ¹⁶ Tahe Jesuisi rybe wanohòti itxi reare tiubo raryberemy: —Joaõ heka inatyhymy bedi iny ratisebenyre, kaiboho tahe Deuxu Tyytybytyhy-di akanasebedÿÿdenykre. ¹⁷ Judeukõdu mahãdu Inynyrÿ Jesuisi Kristu rityhynymyhÿre. Tai Deuxu tamy diwahinyde iwese wadeereny juhu riwahinyre wesetyhyle. Deuxu Tyytybytyhy uriõno wesele tamyrenyre diwahinyde. Mobo jiarÿ raremy wahe tuu Deuxu dee aõmy ararybekemy. ¹⁸ Iribi Pedro rybe-ò roholareu tahe timyhe tamy irybekõna. Tule Deuxu riwowydnyrenyre: —Inatyhy wa rare Deuxu heka judeukõdu mahãdu-ò heka umytuedeõna riwahinyre. Inyõ rityhynykeki, ixirahÿkeki, tarasana rimyrenykre.

¹⁹ Iu tahe Estevaõ rurureu, ityhydÿÿdu aõhòkÿmy rotÿÿnyreu tahe, ityhydÿÿdu mahãdu Jerusalë-ribi ròhònyre. Tii heka relymyhÿre Rybewihikÿmy judeu mahãduòle kÿny wahe, iwitxira witxira-ò aõkõre. Tahe ibutu bede-ò ritelenymy ròrenyre. Senisia-ki relyyre. Xibri bedebute-ki tule relyyre, Atxiòkia hãwã-ki tule relyyre. ²⁰ Ijõ ityhydÿÿdu mahãdu Jesuisi Rybewihikÿ tÿmyra rarybere. Tiiboho Xibri bedebute-ribi ròhònyre, Sireni-ribi ijõ rybedu ròhònyre Atxiòkia-ò. Tiiboho relyyre judeukõdu mahãdu-ò tule. ²¹ Deuxu riwiòhenanyre sòwemy iny rityhynyre, Jesuisi ryò ralòrenyre. ²² Jerusalë ityhydÿÿdu mahãdu kiamy roholare. Tai tahe Banabe riteònyrenyre Atxiòkia-ò. ²³ Banabe rehemynyreu tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiòhenanykremy: —Ìhòtyhymy Deuxu-ribi atximahãbenyke, aworibityhy Deuxu bityhynybenyke. ²⁴ Banabe heka hãbu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sòwemy iny rexiròtenyre Inynyrÿ mahãdu-ò. ²⁵ Idi tahe Banabe rare Tarso hãwã-ò Salu ijesemy. ²⁶ Tai rahareu tahe, didymyhe dòòsemymy nade Atxiòkia-ò. Sohoji beòramy idi bede rierenyre. Sòwemy iny ribedeernymyhÿrenyre. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani tamyrenyre riwahinyre.

²⁷ Aõutxu tahe dehemynyde Deuxu rybedu mahãduõ Jerusalë-ribi Atxiòkia-ò. ²⁸ Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu ìlòmymy raremyhÿu, kiamy rotÿÿmyhÿre. ²⁹ Tai tahe ityhydÿÿdu mahãdu he nieru riwahinykremy rÿire Judeia bede sÿdu ityhydÿÿdu

riwiòhenanykremy. Tahe nieru riwahinyre tiwesebo idi ratximyhÿre wesemy tamy riwahinyre. ³⁰ Tahe nieru riteònyre, moma-wana Banabe Salu-wana Jerusalë dohodÿÿna heto matuari mahãdu-ò riwyre.

12

¹ Kia bededÿÿnanamy heka Herodi judeu iòlòmý raremyhÿ. Iribi tahe rexidelenymy riwinyre heka ityhydÿÿdu mahãdu kia òludumy risÿnykre myhÿ. Tii riteònyre aõna aõnamy risÿnykemy ityhydÿÿdu mahãdu-ò. ² Tii mayrehe-di rubudÿÿmy riteònyre Joaõ seriòre wahe, Txiau wahe. ³ Tai tahe judeu wedu mahãdu heka tamy wihikÿlemy tuu rotÿÿnyre. Herodi rierymy raremyhÿ idi Pedro rimyre. Tahe worana bedehesi rÿire. Paõ taurina ihoõ inire. Kia ibutumy rotÿÿnyre kia bedehesi rÿireu. ⁴ Tahe Pedro riròtenyre, ròtenawomy wirutyre. Aõmamy soldado mahãdu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahãdu-ò riwahinykre. Kia Herodi rexinohòtidÿÿnyre. ⁵ Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitòenyhyumy rÿire Pedro tòenamy. ⁶ Txubiòwamy tahe itxu riywinyrenyre iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmý roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijò soldado rotena ijò-ki ratximyhÿre. ⁷ Inynyrÿ ÿju heka Pedro weribi rihetenyre riixixanykemy. Loosòna itÿnyhÿkÿlemy ròtena ritoosònyre. Tamy rarybere: —Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyre. ⁸ Tahe ÿju tamy rarybere: —Awamy birutyke, bexitynyke. Kiamy riwinyra. Ijò arahana birutyke tahe biwaheludun-kye. ⁹ Iribi ròhònryra he tai ròròreri-ribi wahe. Kia ibutumy heka rasi weselemy Pedro ròhòtinyre rieryòre inatyhy aõbo ada rasi aõbo. ¹⁰ Juhu heka ikoludu soldado mahãdumy reare idi ihewoludumy reare iribi rehemynymy rÿire ahana ijòtyhy-ò. Womatilere heka iijòtòbònare. Ixiwanale heka rarayre ijòtòbòna. Iribi tahe roirenyre hãwãry-di ririranyrenyre. Idi tahe ÿjuhe iòre iribi. ¹¹ Tahe Pedro ròhòtinyre, rieryre heka aõhebo rotÿÿnyraò. Wanyrÿ ÿju riteònyre riwataru Herodi-ribi judeu mahãdu-ribi. Katahe wadee aõhe rotÿÿnyrenyòtyhy. ¹² Ròhòtinymy rÿire juhoo urihimyo idi tahe rare Marie heto-ò. Joaõ Markuse heka tii rare. Tai ityhydÿÿdu mahãdu rÿimyhÿ tahe rexitòenyrieriò Pedro tamy rehemynyre. ¹³ Tahe ijò he rihetenyre. Ijòtòbòna-ò nade mobo raremy rierykemy ijadòma deòdu. Rode inire. ¹⁴ Tahe Pedro rybe rieryra. Reysamy raijaranyre iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy. ¹⁵ Tiiboho raryberenyre: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyre: —Pedro aòkò rare, taÿjulemy tahe rare. ¹⁶ Tahe Pedro riheterihetenymy rÿimyhÿre. Idi riraynyrenyre. Pedromy robirenyrau, bede riòtiinyrenyre. ¹⁷ Pedro tahe tamyreny tebò reara roholarenkemy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyre: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

¹⁸ Txuu ratÿnyreu, soldado mahãdu ierysymy wii risÿnyre timybo Pedro aõhebo rotÿÿnyramy. Tahe jei jei aõnire. ¹⁹ Herodi iijesemy riteònyre tai moõ tai rahaòhyllera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi ròhònryra. Sesaria hãwã-ò bededÿÿnanaò riwya.

²⁰ Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributunyrenyre tamy ròirenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyre iwe-ribi mahãdureny. Tahe ròirenyre Herodi-ò tamy rexitòenyrenyre, tamy ykaraòmykemy. Tarÿsÿna dori diwyde iòlò bede-ribi, Herodi bede-ribi. ²¹ Herodi tahe itxu riywinyre. Kia txuu tahe ròhònryre tamy. Rexteritynyre taiòlòtyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hãbu aòkò rarybereri, Deuxu wahe. ²²⁻²³ Aõwesele Deuxu ÿju heka Herodi rirubunyre, tii Deuxutyhymy reàlàòreki. Woudò rubudÿÿnamy rurure.

²⁴ Deuxu rybe tahe ibutumy roholare. Sòwemy iny tahe rityhynyre.

²⁵ Banabe Salu-wana nieru riwahinymy rahudi tahe, diòsede Jerusalë-ribi Atxiòkia-ò. Joaõ Marku tii-wana ridyre.

13

¹ Atxiòkia dohodÿÿna heto mahãdu-ki rybe tÿnydÿÿdu mahãduò, bede erydÿÿdu mahãduò rÿimyhÿre. Kaheka inireny rare: Banabe, Simaò, iniraròsòna Nike rare. Lusu ijõre, tii Sireni hãwã ludu rare. Manaì ijõre, tii Herodisÿ-ki ratibienyre, Salu ijõre. ² Ibutumy tahe Inynyrÿmy reàlàre, riroxiòhy heka bede riemyhÿ. Tahe Deuxu Tyytybytyhy tamyreny rarybere: —Jiarÿ waaòmÿsÿdÿÿna dire Banabe-ò, Salu-ò. Kaiboho heka biteònybenykre kia riwinykremy. ³ Tahe roxiòhyymy bede riemy, rexitònyrenyre. Tebòreny iratytyre ritidirenymy, idi riteònyrenyre tabede tÿina-ò.

⁴ Deuxu Tyytybytyhy tahe tiiboho riteònyrenyre. Selusia hãwã-ò tamy riberenyrenyre. Tahe hãwòò rimyrenyre Xibri bedebute-ò. ⁵ Tahe rehemynyrenyre Salamina hãwã-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiðhedÿÿdu wese heka rare. ⁶ Tahe ibutumy bedebutemy rekoarenyre. Ritehemynyrenyre hãwã-ò Pafumy ninadu-ò. Tai tahe judeu mahãdu witxi deade, Bajesuisi heka inire. ⁷ Tii Deuxu rybeduòmÿ raremyhÿmy iximy rarybere tahe aòkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸ Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakòmÿkemy. Wanyrÿ tyhydÿÿkòmÿkemy dori tuu risÿnyre. ⁹ Salu tahe, Paulo ijõ ini rare. Deuxu Tyytybytyhy heka itykymy ralòmÿ rÿimyhÿre. Tahe Paulo retehere Elimasi-ò tamy rarybere: ¹⁰ —Kai Satanasi riòre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyrÿ-ribi iny riixãwididÿÿnyre. ¹¹ Deuxu heka wiji araòwynykre, aòhòkÿmy arasÿnykre, aruetàmÿ bonykre. Txu bobiòkre bede biwyke. Iule tahe aòwesele bede torohokÿlemy reare. Robiòhyymy reare. Urile riemy ratximyhÿre, iny riwiðhenanykemy, ryy tamy ritÿnynykemy. ¹² Tahe kia bedebute dinodu tuu robire aòhebo rotÿÿnyramy, tai bede riòtiinymy rononymhÿ tahe tii Inynyrÿ rityhynyre.

¹³ Iribi tahe Paulo ròhònÿra taijoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòsede Jerusalë-ò. ¹⁴ Tahe Paulo Banabe-wana roirenyre. Peke-ribi riòlònÿre tahe rekoarenyre Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirònÿrenyre judeu mahãdu dohodÿÿna heto-ò. Sabado txu rÿire. Rononymhÿre ijohonamy. ¹⁵ Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriòre, arybemy idi atxiteri-wana marybeke aòwaxiny bitÿnyke. ¹⁶ Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexidelenyre: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò. ¹⁷ Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasòwedÿÿnyre. Iribi tahe Deuxu Egito-ribi ritarenyre tebò ruruteretyhy-di. ¹⁸ Tiiboho bederahy-ki 40 beòramy bede riereu, Deuxu taaòbina bina riòludunyre. ¹⁹ Kanaã bede-ki debò inatxi reuròmÿ ixÿju ixÿju mahãdumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahãdu tamy riwahinyre. 450 beòra rahureu, tahe Samueli Deuxu rybeduòmÿ raremyhÿ. ²⁰ Idi tahe rybe ywisidÿÿdu mahãdu tamy riwahinyre. Tahe 450 beòra rahureu, Samueli Deuxu rybeduòmÿ raremyhÿ. ²¹ Iribi iny Deuxu-ò rexitònyre iòlòmÿ tamy kadiwahinykemy. Tahe Deuxu Salu tamy riwahinyre, iòlòmÿ. Salu tahe Kixi riòre rare. Benjami mahãdu rare. Tahe 40 beòramy iòlòmÿ ronyre. ²² Salu iribi ritareu, tahe Davi, Deuxu ritamadÿÿnyre iòlòmÿ. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. ²³ Tahe Davi riòkòre-ribi Jesuisi

ròhònyre, Israeli tarasadumy rarekemy. Iwese juhuhu Deuxu rarybere wese. ²⁴ Jesuisi naõdeu, Juaõ ritÿnyre Israeli mahãdu-ò iòrarureny ririkemy idi raratisebenykemy. ²⁵ Juaõ rybe tÿnydÿÿna kònanau, tamyreny rarebere: —Jiarÿ wa iwese tahòtynytenyteri wese aõkò jiarÿ rare. Kaiboho tiwaraòõhyymahãtenyete. Betehebenyke, tii, wahewomy kanakre. Jiarÿ aõ aõkò rare, iwatisana arieseòtyhy iwa ritakemy, tii dori waratyre wihikÿreki. ²⁶ Waseriòreboho, Abraõ riòre riòremy ibutumy inyboho roire, tule Deuxu reàlàmy rÿira mahãdu kaki ratximyhÿ. Deuxu inydeereny biu-ò hedu rybe diwahinyde. ²⁷ Jerusalẽ mahãdu, iwedureny-wana raeryòhyre tii tarasadu rare. Ibutumy sabado txu rybedu tyyriti-di rariamyhÿre tohodÿÿna heto-ki, tahe aõbo rare rieryòhyre. Jesuisi rubudÿÿmy raryberenyreu, iwese rybeduò rarybere wese, tiiboho rotÿÿnymyhÿre. ²⁸ Tiiboho aõbina bina-ki tai rahaòhyra, ihãrele irubudÿÿmy rexitòenyre Pilato-ò. ²⁹ Iwese ibutumy Jesuisimy riritinymy roireri wese, ibutumy tuu ròhònyre. Tahe itxeò nihikÿ tyre-ribi ritarenyre. Tahe mana hãloo rawo-ò ritidirenyre. ³⁰ Tahe Deuxu rubu-ribi riixixadÿÿnyre. ³¹ Tii-wana iny mahãduò roirenyre juhuhu Kalileia-ribi Jerusalẽ-ò. Rexixamy rahudi tahe, tii mahãdule tuu robihyymy txuu widireny rÿire. Kia mahãdule inysòwey-ki relymyhÿre. ³²⁻³³ Deuxu juhuhu rarybere inytybyreny-ò aõhebo rotÿÿnykemy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrenyre. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bomy watxiwãhãre.

³⁴ Kiamy heka Deuxu rarybere Jesuisimy: —Rubu-ribi ariixixanykemy, tiu rasunymyhÿre bede-ò ròðseòtyhy. Iwese Davi-ò jiarÿ rarybere wesemy ibutumy adee bede ariwinykre.

³⁵ Deuxu ijò wiuna Ritidÿÿna-ki tule rarybere. Iwese Jesuisile rarybere wese, kiamy roire: —Eòdutyhy umy rasÿnyòtyhy kai dori waumysudÿÿ-ò teijemahãte.

³⁶ Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre. ³⁷ Jesuisi umy tahe rasunyòre Deuxu dori rubu-ribi riixixadÿÿnyreki. ³⁸⁻³⁹ Jesuisi bityhynybenykeki, aòraru riixãwidinyke. Kiamy Moisesi bede ywina ihoòhyre adeereny. Kia bierybenyke waseriòreboho, tiile, Jesuisi, adeereny relywãhãrenyre. ⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biòtiinybenyke, aõbo jiarÿ rewinyrerìò. Inyò adeereny ritÿnynyke ihãrele. Tiu heka bityhynybenyòtyhy.

⁴² Tahe Paulo irybe rexihura. Iribi ròhònyre Banabe-wana. Rexitòenyrenyre ijò sabado biòwau tarybetybydile ixbylye relykemy. ⁴³ Iny ritobinymy rahudi, judeu mahãduò, judeu bede erydÿÿna ityhydÿÿdu mahãduò tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymyhÿkemy.

⁴⁴ Ijò sabado rehemynyreu, ibutu iny hãwã-ribi doimyhÿdenyde Deuxu rybe-ò ijohonamy. ⁴⁵ Judeu mahãdu tahe inysòwemy robireu, tiiboho rexiwaritinymyhÿrenyre. Tiiboho raryberenyre aõbinahãkÿlemy Deuxuru-ò. Paulo riki inatyhymy aõkò tii rarybemyhÿre. ⁴⁶ Paulo Banabe-wana ihãrele brebuòlemy raryberenyre: —Juhuhu adeereny Deuxu rybe dobehede. Tahe kaiboho tetyhynyòtenyete, tai judeukòdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaòte adeereny aõ aõkòreki. ⁴⁷ Kia Inynyrÿ bede ywina wadeereny riwahinyre: —Kai loosòna wesemy atxikre judeukòdu mahãdu-ò. Kai tarasanary ritÿnynykre ibutu inyko-ò. ⁴⁸ Judeukòdu mahãdu kia-ò roholareu, tahe reysarenyre. Deuxu rybe riwowydynyrenyre tai. Tahe rityhynyre, timybo Deuxu juhuhu ritare wesele tamyreny umytuedeòna riwahinyremy. ⁴⁹ Inynyrÿ rybemy kia bede-ki ibutumy relyre. ⁵⁰ Tahe judeu mahãdu rarybere hãwyywihikÿ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre. ⁵¹ Paulo Banabe-wana tawa-ribi bryby riòhòwirenyre tamyreny tiiboho ibinareki. Tahe Ionio hãwã-ò roirenyre. ⁵² Atxiòkia ityhydÿÿdu mahãdu tahe reysamy rÿimyhÿre. Deuxu Tyytybytyhy-di tÿximy ihÿre.

14

¹ Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrenyrene, tarurumy he relyyrenyrene. Sõwemy judeu mahãdu, judeukõdu mahãdu-wana rityhynyrenyrene ijyy. ² Tahe ijõ judeu mahãduõ rityhynyõre. Ijyy deramy reamyhÿre, tule ijõ-ò tule rarybere ityhynyõkemy. Tahe Paulomy, Banabemy aõ òta òtalemy rarybemyhÿrenyrene. ³ Ihãrele tahe Paulo Banabe-wana bede nihikÿ riwyrenyrene tai. Tamy rybe ritÿnyhy roiremyhÿ ibrebuõlemy. Inynyrÿ taruxetõena rybetyhydÿÿnamy riwiðhenanyrene tiiboho bedeòbyna widÿÿdu renyreki. ⁴ Hãwã mahãdu ritxuare. Ijõ heka judeu wedu mahãdu rityhynymyhyre, ijõ tahe Paulo Banabeboho rityhynymyhyre. ⁵ Judeukõdu mahãdu, judeu mahãdu, tawedureny-wana widee rarybere Paulo Banabe-wana riòkòròrenykemy tamy mana-di rehurenkemy. ⁶ Tahe tiiboho rexieryrenyrene tahe rihenyrenyrene. Tahe ròirenyrene Listra hãwã-ò, Debi hãwã-ò, kia Laonia hãwã hãwã-ò rare. Tule rariarenyrene kowa bedewo-ki. ⁷ Tahe kowa tiemy ritÿnyhy roiremyhÿ Rybe tÿmyra wihikÿ-di.

⁸ Listra hãwã-ki heka hãbuõ-txi rekoarenyrene, itierere heka. Taihy heka ronymyhyre. Tuuhyy heka ratohouãmy ijarananyrene. ⁹ Tii tahe Paulo rybe-ò roholare. Paulo tamy retehere. Kia tahe Paulo rieryrene hãbu teytetyhynadire Paulo riteytenkemy. ¹⁰ Tai tahe tamy rarybere tarybe riterenymy: —Mynyke, òbitimy. Ta hãbu rexiwatxinyrene, rariare. ¹¹ Ijohona mahãdumy robireu, aõbo Paulo riwinyrenyrene tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinohõtidiÿÿnyhyre. Inydeereny deuxu wesemy dobehede. Iumyreny tahe hãbu wesemy rare. ¹² Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyrene irybe sõwetyhyreki, tii rybedureki. ¹³ Jupite xiwena wydydu horeru bederade-di dehemynyde. Tohodÿÿna heto hãwã ahana ube-ki rÿire. Broreni xiwe wesena tamyreny hãwã mahãdu riworonykemy, riwahinykemy. ¹⁴ Kiamy roholareu, Paulo Banabe-wana tatykyreny riykaranyrene idi rihurennyrene. Tahe ralõmy reare inysõwey-txi rarybekemy. ¹⁵ Tamy ryryre: —Aõhebo tatÿÿnytenyteri. Jiarÿboho hãbulemy watxirenyreri. Kialemy adeereny rarybewãhãre, Deuxu rybetÿmyra wihikÿ. Adeuxurenny-di nohõtirennyõmy. Bedewidÿÿdu ta mohõtinybenyke. Tii dori benihikÿ riwinyrene, ibutumy biu-ki riwinyrene, tahe Deuxutyhy-di mohõtinybenyke. ¹⁶ Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy. ¹⁷ Urile tahe tamy rexideòsinyrene tamy biu riwahinyrene taoworumy raratynykemy. Tai tahe kaiboho arÿsÿna dire, Deuxu debò-ribi, awo-ki eysanadire. ¹⁸ Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, inydeereny bidiwahinyõke.

¹⁹ Iribi tahe judeu mahãdu-ò Atxiòkia-ribi, Ionio-ribi tamyreny raryberenyrene Paulo rubudÿÿmy. Hãwã òtityube-ò Paulo ridyrenyrene. Mana-di tamy rehumyhyre. Tahe rubu wesemy ririrenyrene. ²⁰ Idi tahe ityhydÿÿduõ tamy wirotyre. Paulo tahe suribi rÿire tahe tii-wana nalòde hãwã-ò. Ijõtixu biòwamy tahe Banabe-wana Paulo rexitare ijõ hãwã-ò, Debi hãwã-ò. ²¹ Ka hãwã-ki tahe Paulo rybe tÿmyra wihikÿ ritÿnynyrene. Sõwemy tai rityhynyrene, Pauloboho ròðserenyrene Listra hãwã-ò, Ionio hãwã-ò, Atxiòkia-ò. ²² Ibutumy hãwã-ki Pauloboho ityhydÿÿdu mahãdu riwiðhenanyrenyrene, tiiboho rityhynyhyemy ratximyhykemy. Tamyreny rarybere: —Kaiboho aõhõkÿmy botÿÿnybenyke, ihãrele malòkemy titxibo Deuxu Iòlò ratximyhyre-ò. ²³ Ibutu ityhydÿÿdu mahãduy ribi ritamy rÿimiyhyre rarekemy, idinodumy. Matuari mahãdu-ribi tii ritare. Iu ritareu tahe, rexitòenyrene Deuxu-ò tule byreõhyy txuõ riwyrenyrene. Inynyrÿ-ò rexitòenyrene: —Kia ibutumy aratyhynyrenyrene, tai tahe biywinymy ahãke. ²⁴⁻²⁵ Pisidia bede-ki rekoamyhyrenyrene Panfilia bede-ò. Kowa-ò Rybewihikÿ tÿmyramy relymy rahudi Peke-ki, Atalia hãwã-ò dobehede. ²⁶ Tai hãwò nihikÿ welòdi-di rimyrenyrene. Tahe Atxiòkia-ò rorore. Kowa-ribi juhuule rybe tÿmyra wihikÿ ijyy-di dòhònyde. Kowa juhuu rexitòenyrene tamyreny Deuxu ruxetòena-wana rarekemy. ²⁷ Atxiòkia-ò rehemynyrene, Paulo, ibutumy ityhydÿÿdu mahãdu ditotynyde. Tai heka tamyreny rarybere iwese Deuxu riwiðhenanyrene wese ibutumy iaõmydÿÿnana-di. Iwese judeukõdu mahãdu rityhynykemy. Deuxu tamy ityhyna

ijòtòbòna riraynyre wese. ²⁸ Idi bededÿÿnana riwynihikÿre ityhydÿÿdu mahãdu-wana.

15

¹ Hãbuõ Judeia mahãduõ ditehemnydenyde ta teòsamy ribedeerynyrenyre. Kawese ribedeerynyre: —Moisesi Tyyriti bede ywina, notykyresynamy, rityhynyòkeki, iny rataòtyhy. ² Iribi tahe Paulo Banabe-wana tamyreny rarybehyy rare. Tai tahe inyò tamy rarybere Jerusalẽ matuari mahãdu-ò roirenykemy aomydÿÿnana rexiòbitinyrenykemy. Iny wixira-ò Jesuisi erydÿÿna mahãdu-ò rarybekemy heka tamy, Pauloboho iteòdÿÿmy rarybere. Tahe ijõ hãbu mahãduõ tule tiiboho-wana riteònyrenyre. ³ Dÿÿraximy heka tamy ròirenyre, aõ aomydÿÿnabo ratxirerímý wahe. Sòwemy dohodÿÿna mahãdu ihemy roirenyre urihimýò, tai tahe ririrenyre. Tahe Senisia bede bedemy, Samaria bede bedemy riòhòrenyre. Relyyre judeukòdu mahãdu tule ityhydÿÿdu mahãdu-ki rÿirerimý. Tai ibutumy ityhydÿÿdu mahãdu reysare. ⁴ Tahe ritehemnyrenyre Jerusalẽ-ò. Wihe ritotynyrenyre ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relyrenyre aomybo Deuxu rotÿÿnyre iyreny-ki, timybo ri-wiòhenanyré. ⁵ Tahe hãbu mahãduõ tai raremyhÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ rÿire ribedeerynykemy. Tahe rarybere: —Inydeereny kia wese rare. Judeukòdu tyhydÿÿdu ibutumy notyyresyna-di ròhònyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre òbitimý aòkò watxireri.

⁶ Idi tahe Jesuisi erydÿÿna, matuari mahãdu-wana wii ributunyre rybe òbitidÿÿmy. ⁷ Rybe sòwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatara Rybewihikÿ rybedumy judeukòdu mahãdu-ò tuu aritÿnynykemy, tiiboho tule rityhynyrenykemy. Tai rarewãhã. Kaiboho kia ibutumy teerytenyte. ⁸ Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukòdu mahãduõ tule ixidee rimyky. Kia wese tuu riteòsinyre inydeereny. ⁹ Deuxu wiribi lahiximý aòkò iny riwinyrenyre. Wiwesehyyle ihÿre. Tiiboho inywesele ihÿrenyre. Tiiboho rityhynyrenyre, heka irayky rityranyrenykemy ritarenýke. ¹⁰ Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahãdu tyre-ki tetiditenyteri. Inytybyreny tiu retyyòre tule inyboho idi retyyòre. ¹¹ Inynyrÿ, ruxetòenale-di iny ritamyhÿre. Tule judeukòdu mahãdu kia weselere ritamyhÿre.

¹² Tahe aomy rarybeòhyrenyre. Ibutumy he Paulo Banabeboho rarybereò, roholarenyre. Tiiboho heka relyrenyre tule bedeòby wihikÿ aõna aõna-wana Deuxu riwinyremý tadebò-di wahe. ¹³⁻¹⁴ Iribi tahe rexihurenýre tasÿ, Txiau rÿire rarybekemy: —Waseriòreboho, bodoholabedenýkre inihe warybe-ò: —Pedro kÿny adeereny rarybere, timybo Deuxu judeukòdu mahãdu roramy rare iny mahãduõ ixidee ritakemy tanityhy-ò. ¹⁵ Kiawesemy he tule ihetxiu Deuxu rybemy rybedu mahãdu riritinyre, kamy wahe: ¹⁶ —Wanyrÿ heka rarybera: —Adòòsekere, ixyby ariwinyumy aritamadÿÿnykre aòdohodÿÿna heto Davi juhuu riwinyre. Idi tahe resere. Ixyby ariwinykre. ¹⁷ Tai tahe judeukòdu mahãdu-ribi iuhe riwaòrykre wamy rityhynykemy. Wanyrÿ, Deuxu, kiamy heka tiiboho rarybekere, ibutumy jiarÿ retarenýreki. ¹⁸ Kawesemy Wanyrÿ tuhyy rarybemy raremyhÿ, tule wiji ihÿre. ¹⁹ Tai heka kiawidÿÿòmý rakatximyhÿrenýkre. Tamyreny rybeòmý rakatximyhÿrenýke. Judeukòdu mahãdu Deuxumy rityhynyrenýre, iny bede ywina reny tyhydÿÿmy tamyreny rybeòmý. ²⁰ Kialemy heka tamyreny rakaryberenykre: Suritxoo xiwe-ribi iròdude ròrenýòmý. Tule òta òta òraruna widÿÿòmý, iròdu hãlubu-di ròrenýòmý, ihãlubu rejuxunyòmýhÿre-wana. ²¹ Kiamy heka rakatximyhÿrenýke. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aòkò kia ritÿnynymy raremyhÿ.

²² Tahe kiamy heka rahòtinyrenyre, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakere. Tai Atxiòkia-ò riteònyrenykemy Paulo Banabe-wana. Tahe Judasi ritarenýre tule iniòrysna Basaba rare. Ijõ tasÿ Sila inire.

Ka hãbuboho ityhydÿÿdu mahãdu awimy tai raharenyre. ²³ Katyyriti tiiboho-wana rakre. Kawesemy tyyriti rare: —Jiarÿboho, erydÿÿna, matuari, seriõre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-õ ka tyyriti rakre Atxiõkia hãwã-õ, Siria bede-õ, Silisia bede-õ. ²⁴ Inyõ rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteõnyrenyõhyre. Kia reerymy watxirenyreri. ²⁵ Tahe wiwesele rahõtinyrenyre riki, hãbubohoõ Paulo Banabe inyluudu-wana reteõnyrenyreri. ²⁶ Kia hãbu Paulo Banabe-wana hãwã binahakÿ-õ roimyhÿrenyre Jesuisi Kristu Inynyrÿni-di. Ixi-txi rõhõtinyõlere, brebumy. ²⁷ Judasi-wana tule adee raryberenykre kia aõmydÿÿnanamy, katyyriti rewahinyrenyre wese. ²⁸ Kawese inyboho rõhõtinyinmyhÿre, Deuxu Tyytybytyhy dori inyrayky rewihenanyre. Kia bede ywinalemy adeereny rarybereri biywinybenykemy. ²⁹ Uritere, suritxoo xiwe-ribi irõdude rõrenyõmy irõdu, ihãlubu-di rõrenyõmy, ihãlubu rejuxunyõmyhÿre-wana. Tule õta õtana õraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhãre.

³⁰ Tahe hãbuõ iny inaubiõwamy Atxiõkia hãwã-õ rõirenyre. Tahe Atxiõkia tyhydÿÿdu mahãdu ributunyre. Iu tahe tamyreny tyyriti riwahinyre. ³¹ Tahe idi rariarenyreu, ritÿnynymy tamyreny. Ribedeerynyrenyre. Tai tahe reysarenyre. ³² Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahãdu-wana rohonymy hÿre. Tai tahe rirurudÿÿnymy hÿre. ³³ Aõtxumy raroorehenyre, tahe seriõre mahãdu tamyreny rarybere: —Bõibenyke he ateõdÿÿdu mahãdu-õ. Biõkeseke wowina-di Jerusalẽ hãwã-õ. ³⁴ Tahe Sila rõhõtinyre rarikremy Atxiõkia-ki. ³⁵ Tahe Paulo Banabe-wana naride Atxiõkiakile. Inynyrÿ rybemy rierynanyrenyreri, ritÿnynyrenyreri, ijõ seriõreõ-wana.

³⁶ Aõtxumy tahe Paulo rarybere Banabe-õ: —Rõkõõsekre kÿnyhe, ibutumy hãwã hãwã-di tai juhuu Inynyrÿ rybemy ritÿnynymahãreõ wahe, rikiwehityhynanykremy timybo ityhydÿÿdu mahãdu nyimyhÿde-õ. ³⁷ Tahe Banabe Joaõ-Marku ridykemy tamy reare. ³⁸ Paulo heka Joaõ-Marku ridyõkemy ratxireri, Panfilia hãwã-ki dori iribireny rõhõnyreki, riwiõhenanyõreki. ³⁹ Marku ridykemy wiwese wesemy aõkõ rõhõtinyrenyre teratyhylemy ratximyhÿ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-õ, hãwõ-di rõira. ⁴⁰ Paulo tahe Sila ridyra. Seriõre mahãdu tahe Pauloboho riixitõedÿÿnyre, Inynyrÿ ruxetõena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodÿÿna mahãdu riwiõhenanykemy, rirurudÿÿnymy hÿkemy.

16

¹ Pauloboho tahe Debi hãwã-õ rehemynyre. Ihyy tahe Listra hãwã-õ rare. Tai tahe Tximõtxi-wana witxi rekoare. Tximõtixise judea tyhydÿÿduõ rare. Tyby tahe grego mahãduõ rare. ² Listra, Ionio ityhydÿÿdu seriõre Tximõtxi luure. Tximõtiximy widee rarybere: —Tii iny hãbu tyhy rare. ³ Tahe Paulo Tximõtxi-wana rakemy rexiywinymy raremyhÿ. Tahe rexitarenykre kotyreu, Paulo, Tximõtxi notykyresymy riteõnyre, kowa judeu mahãdu õraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare. ⁴ Iribi tahe rõirenyre hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu rõhõtinyinmy hÿremy. ⁵ Tai tahe ibutumy dohodÿÿna heto mahãdu tii rirurudÿÿnymy hÿre ityhydÿÿna-di. Tule ijõ rityhynymy hÿre txuõ txuõlemy ralokemy ityhydÿÿduõmy rarekemy.

⁶ Pauloboho Asia bede-õ rõirenyõre rybe ritÿnynykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿrenyre. ⁷ Misia bede-õ rehemynyreu, Bitinia bede-õ rõirenykemy riwisÿnyrenyre. Tahe Jesuisi Tyytyby tamy riteõnyõhyre, ritirÿmyhÿre. ⁸ Tahe Misia bedemy rekoare, tahe Troaji hãwã-õ robehere. ⁹ Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÿimyhÿõ,

tuu robire. Tahe hãbu ryrymyhÿ tamy: —Manake Macedonia-ò, biwawiòhenanykemy. Kia Paulo rasi-ki tuu robire wese. ¹⁰ Tahe tarasi rahureu, tamyhe wylemy aroikemy watxiwãhãrenyrene. Jiarÿ, Luka, Paulo-wana. Deuxu dori inydeereny rarybereri Macedonia-ò ròkòirenykremy, Rybewehikÿ rikiubÿtÿnyrenyreny. Kialemy ròkòhòtÿnyrenykre.

¹¹ Tahe Troaji hãwã-ribi ròhònyre hãwò yhywydynalaworo-ki. Samotrasia hãwã-ò imynahyy riòhòrere. Ijò txu tahe Niapoli hãwã-ò riòhòreri. ¹² Iribi tahe Filiposi hãwã-ò roirenyre. Juhuludu hãwã rare Macedonia bede-ki. Roma hãwã mahãduò tule tai rasÿnymyhÿre. Tai txuò rewyrenyrene. ¹³ Sabadotxu tahe hãwã-ribi reòlònyrenyrene bero ijã-ò. Rahòtÿnyrenyrene tai ixitòedÿÿna-ò rÿimyhÿremy. Tai tahe hãwyyò rexibutunymy rÿimyhÿ. Tahe rorokorenyrene tamyreny raryberenykemy. ¹⁴ Hãwyyò Lidia inire, inyrybe-ò tahe roholatyhymyhÿre. Tii Txiatira hãwã luduò rare. Tii tylÿre ijohodure, tule Deuxu tyhydÿÿdure. Inynyrÿ irayky riywinyrene Paulo rybe rityhynykemy. ¹⁵ Tahe ibutumy isÿmahãdu-wana riratysebenyrene. Tai tahe tamy Lidia rarybere: —Inaanokãbo ityhydÿÿkÿdumy watxiwãhãre-wana, wahetoku-kò manakre. Tai tahe iheto-ò ròirenyrene irybe-ki.

¹⁶ Aõtxumy tahe riberenyrene ixitòedÿÿna-ò. Itxi rekoarenyrene ijadòmaò-txi, deòdu rare. Iwo-ki tyytybybina ralòmy rÿire. Tai ijadòma relyrene inyko aõhebo iny-ò rotÿÿnykremy. Tai sòwemy nieru ritare tawedu-ò. ¹⁷ Tahe waherenymy dyrymy nade: —Deuxu ibuturatyrene rare. Iteòdÿÿkÿna mahãdu kia mahãdu rare. Tikiboho rarybemyhÿre timybo iny taòraru-ribi ratakemy. ¹⁸ Tuheka rarybehyy raremyhÿ. Aõtxumy tahe Paulo tai rexirare, tamy ròdsemy reare. Rarybere tyytybybina tai ratxirerìò: —Jesuisi Kristu nimy iribi arateònykre. Bexitakre. Tahe aõwesele iribi ròhònymy reare.

¹⁹ Iwedu tahe rieryrene nieru idi ritaòkre ta rymyrenyrene Paulo Sila-wana. Retÿhimy rare ywisidÿÿdu-ò, hãwã elehyna ube-ò. ²⁰ Tahe ijadòma wedu rarybere ywisidÿÿdu mahãdu-ò: —Kaa judeu mahãdu iny hãwãreny dibinadÿÿnymyhÿde. ²¹ Tiiboho iny ribedeerynymyhÿre aõ iny bede ywinareny-di aòkò. Inyboho Roma hãwã mahãdu rare. Tai kia-ki aõhe arotÿÿnyòtyhy. ²² Tai tahe sòwemy iny Paulo Sila radònyrene. Ywisidÿÿdu mahãdu tahe ityy ibòrò-ribi ritxuahakÿre idi tahe rityhenymy tuu raòhòtere. ²³ Tuu raòhòtere, tuu raòhòtere, idi tahe ròtenawo-ò idi rehurenyrene. Ròtena-di itxeredu-ò rarybere: —Kaa rahenykre-wana, kaile budurukre. ²⁴ Tai rirutere iraru-txi rarutxi-ò iwa ritidire òwòru iwodÿÿwomy raratyheny. ²⁵ Ruetya tahe Paulo Sila-wana rexitòdenymy roimyhÿ Deuxu dee. Ijò ròtenawoludu mahãdu roholamy rÿimyhÿ tai. ²⁶ Aõwese bede ramytatare. Ròtena ijòtòbòna rirayrene hãbu mynyna iribi rejuxunyrene. ²⁷ Tai tahe itxeredu ijò iraymy idi retehereu, rexirubunyrenyrene tamaydese ritare. Ròtena woludu mahãdu rahenyramy tii rexinohòtÿnyra. ²⁸ Paulo tahe tamy ryryre: —Ixirubudÿÿòmyke, kakile watxirenyreri, ibutuhukÿlemy. ²⁹ Itxeredu ryryre loosòna kidiwykemy tahe ralore ramytatamy brebumy. Paulobohoko-ò resere tatiòhomy. ³⁰ Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke. ³¹ Tahe rirawyònyrene: —Inynyrÿ Jesuisi bityhynykre kile, tarasanamy myikre, asÿ mahãdu-wana. ³² Tahe tamy Deuxu Rybe-di ritÿnydÿÿre ibutumy isÿ mahãdu-ò. ³³ Iruule tahe riwisinanyrenyrene ibrò wotòmona risuhòra. Idi tahe itxeredu raratysebenyrene tasÿ mahãdu-wana ibutumy. ³⁴ Iribi tahe itxeredu ridyrenyrene taheto-ò riroxikemy tahe ibutumy reysanihikÿrenyrene, Deuxu rityhynyrenyraki.

³⁵ Txu deadeu tahe ywisidÿÿna dinodu ijò ywisidÿÿna mahãdu riteònyrene, ròtena-ribi Pauloboho riteònykremy. ³⁶ Itxeredu tahe Pauloboho-ò rarybere: —Ywisidÿÿna mahãdu arateònykremy riwateònyreri. Bòibenyehe, wowina-di, biòlònybenyke. ³⁷ Paulo tahe rirawyònyrene: —Aòkòre, araòtyhy. Jiarÿboho Roma hãwãhãkÿ mahãdu kaa watxirenyreri. Tii riwayhytanyrenyrene idi ròtenawo-ki riwasÿnyrenyrene. Ywisidÿÿdu mahãdu wii rotykòhyyrene riwaròtenyrenyrene. Wasimy ka tiu ariòlònyòtyhy. Tiiboho kodoikreule tahe ariòlònykre. Tii he riwaòlòdÿÿnykre. ³⁸ Tahe ywisidÿÿna mahãdu tawedu-ò rarybere. Tahe tiiboho ruberurennyrene Pauloboho Roma hãwã mahãdu roireki wahe. ³⁹ Tai tahe dòi-denyde tamyreny, aõwaxina riòlònykremy. Tahe làhãmy tamy rexitòdenyrene. Tutyhy-ki

aõkõ làhà ararutara. Tai riteònyrenyreu, hãwã-ribi rexitarenkemy tamy rexitònyra.⁴⁰ Rexitarenyreu, Pauloboho tahe Lidia heto-ò ròðsere. Ibutumy ityhydÿÿdu tahe wii ritotynyre, wii riwiòhenanykemy. Idi tahe riòlònyre kia hãwã-ribi.

17

¹⁻² Tiiboho rekoarenyre Afipoli hãwãmy, Apòlonia hãwãmy tahe rehemynyre Tesalonia hãwã-ò. Judeu dohodÿÿna hetoõ tai rÿimyhÿreò. Paulo, iwese aõu riwinymyhÿre wesele rare tamy. Ralore rybe-di rarybekemy. Inataõ sabadomy tai riraynyre tyyriti ritidÿÿna tamy ritÿnynykemy. ³ Rybe hitxina rurukremy tuu relyyre. Tahe Paulo tamyreny ritÿnynyre iwese Kristu durudemy idi dexiixixanyde rubu-ribi. Kia iny rityhynyra Jesuisi inatyhymy Deuxu deòdÿÿna raré. ⁴ Tahe ijohonadu mahãduò rityhynyre. Tule ijõ judeukõdu mahãdu rityhynyre. Tule ijõ hãwyy wihikÿ mahãduò rityhynyre sõwemy. ⁵ Tahe judeu mahãdu dinodu tuu ròhãrumyhÿre. Tiiboho tahe hãbu binahakÿ mahãduò wii rotyre aõbina ritelenykremy. Tahe ròirenyre Ijasõ heto-ò Pauloboho rimiranykremy, ywisidÿÿna-ò idi retÿhikremy. ⁶ Tai tahe rahaõhyyre tai. Tahe Ijasõ ritarenyre ijõ ityhydÿÿduò-wana. Tahe ridyrenyre ywisidÿÿna-ò. Tahe raryberenyre ywisidÿÿdu mahãdu-ò: —Paulo, Silamy urile bede diòtanymyhÿdenyde, aõna aõna binahakÿlemy rotÿÿnymyhÿre. ⁷ Ijasõ tahe ritirÿmyhÿre taheto-ki. Tiiboho iny òludu roire. Iny iòlòreny rityhynyòtyhy. Jesuisi ka iòlòrenyre. ⁸⁻⁹ Ibutumy iny idi røhòtinyre, tule ywisidÿÿna mahãdu rexitònyre nieru ririkemy. Tai xiery tahe ròhònyke. Tai tahe ririrenyre nieruò.

¹⁰ Kiaru tahe ityhydÿÿduò Pauloboho riwiòhenanymy iribi riòlònykemy Bereia hãwã-ò. Tahe rehemyhÿreu, dohodÿÿna-ò ròirenyre. ¹¹ Kia hãwã-ki judeu mahãdu iny awi rare, Tesalonia hãwã mahãdu wese aõkõre. Teysamy tamy roholarenyra. Idi heka rariara Tyyriti-di, òbitimy Paulo rybe aõbo roirerimy rierykemy. ¹² Tahe sõwemy judeu iny rityhynyre. Judeukõdu mahãduy-ribi sõwemy rityhynyrenyre, hãwyy wihikÿ, hãbu-wana tule rityhynyrenyre. ¹³ Bereia hãwã-ki Paulo Deuxu rybe ritÿnynymy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-ò raryberenyre: —Pauloboho bibinadÿÿnyke. ¹⁴ Tahe ityhydÿÿdu seriòre mahãdu aõwesele Paulo riteònyrenyre ahohokÿry-di. Sila, Tximòtxi taile rarire. ¹⁵ Hãbuò rare Paulo-wana Atena hãwã-ò. Iribi tahe dòðsede hãbuò. Paulo tamy tarybe riwahinyra Tximòtxi Sila-ò, wylemy kanakremy.

¹⁶ Paulo Atena hãwã-ki riraòreu, tahe robire suritxoole rityhynymyhÿreò. Tai tahe tii rabadewore. ¹⁷ Idi tahe Paulo ralore dohodÿÿna mahãdu heto-ò judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuò txuòlemy. Tule hãwã ube-ki rarybemyhÿre hãwã-di reamyhÿre mahãdu-ò. ¹⁸ Aõutxumy tahe Epikuriu mahãdu Paulo-txi nade. Estòiku mahãdu ijõre. Tiiboho, aõbo rybe rare kia erydu roire. Tiiboho he Paulo raujõmorenyre: —Aõmy aõkõ, kiarybedu rarybereri. Ijõ tahe rarybere: —Tii Deuxu tÿmyramy rarybereri. Paulo dori juhuy Jesuisi ixixanamy relyymy raremyhÿ. Tai kiamy raryberenyre. ¹⁹ Paulo tahe ridyrenyre. Tai iny roholamy rÿimyhÿreò ridyrenyre: —Rybe tÿmyramy telymahãtemy inihe bedelyyke wakoreny. Tamy kia rarybere. ²⁰ Aõkõre inihe aõna aõnamy tarybemy atxiteri, aõwitxira witxiramy. Tai aroholarenkemy watxirenryeri. ²¹ Atena hãwã mahãdu, tule iwitxira bede luduò tai rasÿnymyhÿre, aõ tÿmyraòðle roholarenkemy ratxirenryeri. ²² Tahe Paulo rÿire rybenatya-ki. Rexiòrarunymy rarybere: —Atena hãwã mahãdu, kaiboho Deuxu rybe hyky tahòtinymahãtenyte. ²³ Jiarÿ hãwãmy rariamy watxireriu, sõwemy xiwena-di retehera. Ijõ-di kiamy retehera iritina-di: Kaa Deuxu heka inyò rieryòhyymyhÿre. Ka Deuxumy kÿny heka akoreny arelyykre, teerymahãtenyte-di aõkõ tuu teàlamahãtenyte. ²⁴ Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aõ hãbu widÿÿna heto-ki aõkõ tii rasÿnymyhÿre. ²⁵ Tiu heka tii aõmy reaòtyhy hãbu aõ tamy riwahinyòtyhy. Tule tahe inydee ibutumy aõna aõna riwahinymyhÿre, ele wesena, umy, ibutumy inydee

riwahinyre. ²⁶ Hãbu sohojiõ-ribi ibutumy iny rõhõnyre iriðre riðremy bede witxira witxiramy rasÿnymy rÿirakemy. Urile wiribi rihitxihitxinyre. Tiu tamy riteðsinyre, tikibo rasÿnymy rÿirakemy. ²⁷ Ibutumy Deuxu rajemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iðhõmy ratximyhÿre. ²⁸ Deuxu òraru-ki inyboho ibutumy irumy ratximyhÿreny, ririranyhÿre, ihoõkeki tahe aõ rikiwinyrenyõtyhy. Atyyriti widÿÿduõ kiamy rarybere: —Inyboho heka Deuxu riðre. ²⁹ Inyboho Deuxu riðre rareki, urile nohõtiõmy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohõtiõmahãbeny. Hãbu rayky-ribi, hãbu debò Deuxu releremy nohõtiõmahãbeny. ³⁰ Ihetxiu tii Deuxu rieryõhyreny. Tai tahe iðrarunareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taðraru-txi ixi-txi nohõti ijaranamy, tai tahe rabadewomyhÿkemy. Kia tahe ibutu iny-ò rarybereri, iny taðraru ririkemy. ³¹ Deuxu Jesuisi riixixanyre rubu-ribi. Tai tahe ibutumy tii rityhynyrenyemy ihÿre. Aõtxumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenkyre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watxireri. ³³ Idi tahe Paulo rare iribireny. ³⁴ Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynyre, Damari inire, tule ijõ mahãduõ rityhynyre.

18

¹ Paulo tahe Atena hãwã-ribi rõhõnyre Oritxi hãwã-ò. ² Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynyde. Prisila ihãwyyinire. Iòlò Laujiu Roma hãwã-ribi ibutumy judeu mahãdu diteðnyde. Tai heka nade kaweribi-ò. ³ Paulo iaõmysÿdÿÿna rierymyhÿre, tyyheto widÿÿ. Tai tahe tiibohe-wana rajoinymyhÿre wiwana raaõmysÿdÿÿrenyemy. ⁴ Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymyhÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿnynymyhÿhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶ Katahe judeu mahãdu tamy raykaranany raremyhÿ. Aõbinahakÿlemy Jesuisimy rarybere. Tahe Paulo tatyy riohowire iixãwidinykemy riteðsinykemy. Tahe tamyreny rarybere: —Jiarÿ aõkõ bede òrarure. Kai aðraruna-di burukre-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyykre. ⁷ Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire. ⁸ Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhÿre. Tule sõwemy Oritxi hãwã mahãdu rityhynymyhÿre. Paulo riratysebedÿÿreny. ⁹ Paulo tahe rummy rõrõmy roire. Tai tahe rasina wesemy robire. Inynyrÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰ Jiarÿ adi watxiwãhãre urenana. Inyõ adee aõhe rotÿÿnyõtyhy. Sõwemy iny rÿire kaki watyhydÿÿdu. Kia Jesuisi tamy rarybere. ¹¹ Tai he Paulo bede riijere sohoji beðra weeremy tai bede riere. Ribedeernymyhÿre Deuxu rybemy.

¹² Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykemy. Tahe tiibohe Paulo rimyrenyre idi kanakremy ywisidÿÿdu dinodu-ò. ¹³ Kiamy raryberenyre: —Paulo, Deuxu deàlanamy iny dibedeernymyhÿde. Tai bede ywina rityhynyõhyymyhÿre. ¹⁴ Tahe Paulo ixideele rarybekemy ratxireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke. ¹⁵ Tahe aõkõre, urile abede ywina rybedile rarybemyhÿre,

tai ywisidÿÿnami idi araõkre. Kaibohole biywisidÿÿnanybenyke. ¹⁶ Tahe Kalio ibutumi diteõnyde ywisidÿÿna hetoube-ribi. ¹⁷ Tai tahe judeu mahãdu dohodÿÿna heto wedu rimyrenyre. Sõteni inire. Tule raðhõterenyre ywisidÿÿna heto ube-ki. Kalio tahe kia ðhõtèna-ò aõhe rotÿÿnyõhyllere.

¹⁸ Oritxi hãwã-ki Paulo rare myhÿre sõwemy he tai txu riwyre. Idi tahe seriðre mahãdu-ò rarybere: —Arakre. Tahe hãwõð-di he rare, reurðkemy Siria bede-ð. Tahe Prisila Akila-wana tii-wana ròrenyre. Paulo Deuxu-ò rarybere aõmybo rotÿÿnykremy. Idi tahe rexihumi kia rÿire. Tai tahe tarade risyre nohõti ijerana wesemy. Sekrea hãwã-ki tarade risyre. ¹⁹ Tahe ritehemynyre Efesu bede-ð. Prisila Akila-wana ririre. Iribi tahe rare tyyriti ritÿÿnyremy judeu mahãdu dohodÿÿna heto-ð. ²⁰ Tii mahãdu tahe Paulo rexitðenyre tai aõutxumy tai ratxunykemy. Tahe rarikõkemy ratxireri. ²¹ Karibi ròhõnyreu, tamy rarybere: —Deuxudeewikeki, ixyby addòsekre. Efesu-ribi ròhõnyreu, yhydynamawõð rimyre.

²² Ritehemynyre Cesaria bede-ð. Iribi resereu, Jerusalẽ hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiòkia hãwã-ò rare. ²³ Tai bededÿÿnana riijere idi tahe rara. Rariamy rare hãwã hãwã-di, Alatxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhyre, riwiðhenanymyhyre.

²⁴ Iu tahe inyõ judeu mahãduõ dehemynyde Alexÿdria hãwã-ribi. Apòlo inire. Tii ribedeeryny wihikÿmyhyre tyyriti, tarybe-di rotohonymyhyre, Deuxu rybe rieryreki. ²⁵ Inyõ Apòlo rierynanyre timybo Inynyrÿ Jesuisi aõmydÿÿnana raremy. Tai Jesuisimy ribedeerynymy raremyhÿ, deysanatyhy-di rarybemyhyre. Tii tahe Joaõ ratysebenale rieryre. ²⁶ Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy ronmyhyre. Idi tahe tiiboho Apòlo ridyrenyre ibutumi Jesuisi aõmydÿÿnanamy tamy ritÿÿnykemy. ²⁷ Iribi tahe Apòlo ratÿÿnykemy rexiwonyre Grecia bedey-ki. Ityhydÿÿdu seriðre tamy rybe riwahinyre, Grecia ludu seriðre mahãdu-ð, aõma, riryludunykemy, rehemynykeu. Tahe rehemynyreu, sõwemy riwiðhenanyre kia tyhydÿÿdu seriðre, Deuxu ruxetõena ityhydÿÿdu mahãdu. ²⁸ Tii dori judeu mahãdu raykyrybe itxÿte riwitxiradÿÿnyre iny sõwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19

¹ Apòlo, Oritxi hãwã-ki rareu, Paulo rabetetÿÿnyre kabedey-ki idi rehemynyre Efesu hãwã-ò. Kowa ityhydÿÿdu mahãduõ-ki he rahare. ² Tamy Paulo ritÿÿraxyre: —Tetyhynyteu, Deuxu Tyytybytyhy ixidee aõbo temytenyte. Tahe rirawyõnyre: —Aõkõre he, aõmybo tarybeteri. Deuxu Tyytybytyhy reeryõrenyre. ³ Paulo rÿÿraxyre: —Taratysebetenyteu, mobohe tetyhynytenyte. Tahe rirawyõnyrenyre ixityre: —Retyhynyrenyre ibutumi Joaõ Sebedÿÿdu riwabedeerynyremy. ⁴ Paulo tahe tamyreny ritÿÿnyre: —Joaõ sebedÿÿna urihimyõ iwitxi rare. Tii kiawese rybe ritÿÿnyre: iny taòraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵ Kia-ò roholareu tahe, raratysebenyre Inynyrÿ Jesuisi nimy. ⁶ Paulo iratytyre tebò ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷ Waòinatxi reurð hãbumy rÿiramy.

⁸ Inataõ ahãdumy Paulo reamy raremyhÿ judeu dohodÿÿna heto-ð. Tiiemy rarybehymyhyre, riðbitinymyhyre, Deuxu Iðlõnami ritÿÿnynymyhyre. ⁹ Paulo-ò ijohonaduõ rityhynyõhyymyhyre, teramy reamyhyre. Deuxu aõmydÿÿnanamy ibinamy rarybemyhyrenyre iny sõwey-ki. Tai tahe Paulo rexihitxinyre judeu dohodÿÿna heto-ribi. Txirano kia tyyriti rybena heto-ð txuõ txuõlemy ralòmmyhyre taerydÿÿna-wana. Tahe rabedeerynymyhyre. ¹⁰ Tahe bede riere inatxi beðramy. Tai tahe ibutumi iny Asia bede ludu mahãdu Inynyrÿ rybe-ò roholammyhyre, judeu mahãdu, tule judeukõdu mahãdu. ¹¹ Deuxu aõna aõna wiwihikÿ riwinyre Paulo debò rihuðtere. ¹² Paulo tykyyre riwyrenyre

webinadutyre ritidirenykremy. Tyky òsuròna wesemy ijõmy riwyre. Tai tahe webinadu riteytenymyhÿre. Tule tyytybybinahakÿ iny-ki raremyhÿu, aõwesele iribireny ròhònymy reare tykyre òraru-ki. ¹³ Ijõ judeu mahãduõ ratÿinyre hãwã hãwã-di inyõ ribi tyytybybina ritakemy. Tiiboho tyytybybina riteònykemy idi ratxireri. Tai tahe Inynyrÿ Jesusini-di riteònyre. Kia wesemy rarybere: —Paulo, Jesusi rybe ritÿynymyhÿre, tai Jesusini òraru-ki iribi bòhònkyre. ¹⁴ Debòinatxi seriòre kia riwinyre. Sewa tybynire, judeu xiwena widÿÿdu kia wedu tii rare. ¹⁵ Tahe Jesusi ni-di tyytybybina-ò rarybereu, tyytybybinaõ dirawyònyde: —Jesusi reeryre, Paulo reeryre, tahe mobo atxiteri. ¹⁶ Tahe hãbu tyytybybina-di ratxirerí, ityrehekÿle dexiwatxinyde, rihetenyre, ibutumy riwotòmomyre ityky ritare tai hetowo-ribi hãbu mahãdu tadehekÿlemy rahenyre. ¹⁷ Ibutumy Efesu hãwã mahãdu kia rieryrenyre, judeu mahãdu, judeukõdu mahãdu. Tahe ibutumy ruberure, Jesusi ni nityhydÿÿhÿkÿmy ini raremyhÿki. ¹⁸ Sõwemy ityhydÿÿdu taòrarureny riixitòdedÿÿnymyhÿre, dohodÿÿna mahãduy-ki. ¹⁹ Ijõ ityhydÿÿdu juhoo tyytybybina rierymyhÿrenyre, tiiboho tahe tatÿyriti diwyde itxenadÿÿmy rybetyriti, òwòruwidÿÿ kia tyriti. Tahe iny retehemyhÿreruki kia tyriti sõwemy ritoonyre. Idi ibutu tyriti juhoo òwy wese inyõ riritinyre. Iòwy tahe 50 mil womati ura nieru juhoo iòwyre. Ihãrele tahe idi rahure. ²⁰ Ibutumy kia bede mahãdu Deuxu rybe-di ròhòtinihikÿrenyre.

²¹ Idi tahe Paulo tarayky-ki ròhòtinyre: —Judeukõdu mahãdu bede-ò arakremy ixi-di watxiwãhãre. Juhoo Jerusalẽ-ò arakre Macedonia bede-di Akaia bede-di arariamy arakre. Adòòsekreu, tahe Roma hãwã-ò arakre. ²² Tai tahe tawihedÿÿdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaõ riwyre.

²³ Kia bededÿÿnanau aõbina nihikÿ rÿikemy riwisÿnyre Deuxury òbitina òraru-ki. ²⁴ Dimitiu heka womati tÿrÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhÿreki. ²⁵ Dimitiu ributunyre ibutumy womati ritxoo widÿÿdu, tamahãdu-wana. Tamyreny rarybere: —Wanyrÿboho adeereny ararybekre. Inyboho nieru ritamyhÿrenyre kaa aõmysÿdÿÿ-ki. Kia tahe teerytenyte. ²⁶ Paulo rarybemyhÿre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymyhÿre. ²⁷ Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre. ²⁸ Kia roholareu tahe, raykarananyrenyre. Ryryrenyre: —Diana awi rare inydeereny. Tii Efesu hãwã deuxu rare. ²⁹ Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyrenyre tahe ridyrenyre butunaube-ò. Tiiboho Paulo tÿimahãdu rare, Macedonia hãwã mahãdu rare. ³⁰ Tahe Paulo ralòkemy rexiwonyre tatÿi mahãduhe-ki, iny sõwey-ki tahe taerydÿÿna ijoi ritirÿre. ³¹ Tule ijõ bededinoduõ, Paulo wiðhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³² Tiilemy ijõ rarybemyhÿre. Ijõ iwitxiramy rirajuamyhÿre. Urile wimy rauriurire. Aõherekibo ibutumy rÿirerí, iny rieryòhyre. ³³ Alexÿdre iny sõwey-ribi rimyrenyre tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy. ³⁴ Iny sõwemy idi retehereu, judeu mahãduõ raremy rieryreu tahe rirajuatyhyre. Tahe inatxi òramy rirajuahyy rÿimyhÿ: —Diana awi rare. Tii heka Efesu deuxu rare. Kiamy ryryrenyre. ³⁵ Idi tahe hãwã weduõ riixãwididÿÿnyre. Tahe rarybere: —Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyruubuwãhãrenyre. Kaki biu-ribi mana ritxoo desede. Ibutumy kia reeryrenyre. ³⁶ Kia inatyhy rare. Tai tahe rikiyrymy rokorokorenykre. Aõwesele aõwidÿÿõmy. ³⁷ Kaa hãbu tedytenyteri. Aõhe rotÿÿnyòreri. Aõ-di rawasinyòhyreri dohodÿÿna heto-ribi. Aõbinahakÿ iny hãwyy deuxumy raryberenyòhyreri. ³⁸ Dimitiu tamahãdu-wana aõbo tai reny ibinamy ihÿrenykeki, ywisidÿÿdu-ò idi rakre. Tiiboho heka wii ributunymy rÿireri. ³⁹ Ijõ rybe

tahe atxibenykeki, ijohonadu mahãdu adibutunykre arybe-ò aroholarenykemy. Iwese inyboho rotÿÿnymyhyre wese arieryrenykre. ⁴⁰ Roma hãwã dinodu òsana aõmybo inymyreny kanarybekre. Wiji inyboho aõhebo rotÿÿnyrenyrerimy. Aõ kÿnyhe ið-kì ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna. ⁴¹ Tahe riixãwididÿÿnyre. Ròðsere ibutumy.

20

¹ Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonnyreny Deuxu-deewimy rierykemy. Idi tahe ritobinyreny. Rare heka Macedonia bede-ò. ² Ibutumy titxibo rexitomonymyhy ritohodÿÿnymyhyre ityhydÿÿdu mahãdu-ò. ³ Tahe Akaia bede-kì heka bede riijere inataõ ahãdu. Tahe rexiywinymyhyre ratximyhy Siria bede-ò rakremy hãwò-di ridymyhyredi heka rakremy rexiywinyre. Idi tahe judeu mahãduõ irubudÿÿmy rarybemy nyimyhÿ. Inyõ Paulo rierydÿÿmy, tai ta Macedonia bede-di ròðsere Siria bede-ò rakemy. ⁴ Hãbuõ ramyhyre tii-wana Jerusalẽ-ò, ta kamahãdu Asia bedeòle he roirenyre. Sopatu ijõnire, tii heka Bereia hãwã mahãdu rare, Biru heka Sopatu tybunyi rare. Aristarku ijõre, adelahelÿÿna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu rare, Tximòtxi ijõ rare. Tule ijõ Asia bede ludu rare, Txitxiò ijõ, Trofimo ijõre. Rarekie. ⁵ Kiaboho juhutyhy rexiraòmy roirenyre. Paulo riraòmy Troaji hãwã-kì. Tule riwaraokre —Luka jiarÿ ka tyyriti widÿÿdure. ⁶ Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyre.

⁷ Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxiny my rirÿsÿkemy. ⁸ Tahe Paulo iu rybe ritÿnyreny itxu biòwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhyreny. Hetoranoa-kì biu-kì rÿimyhÿre. Kanoõtyhy-kì rabuturenyre. Tiu Paulo rarybemy rarybemy rexihukõhyre, biurasòmy rakreki. Tahe sòwemy heka lamparina rÿimyhÿre. ⁹ Ronymyhy, moma inire, Otxiu. Aõma-kì ronymyhy, heto janela tyre-kì biu-kì. Ta tòhòti rosare, ròròmy resere. Iribi reare, biuribihikÿle resere suò. Rurure. ¹⁰ Tahe Paulo robehemy rare tamy. Tatiowotimy resere weryrybò rimykremy iwetya-kì. Paulo rarybere: —Bedeòtiidÿÿomyke irulemy roire. Deuxu ixyby iumy tamy riwahinyre. ¹¹⁻¹² Weryrybòmy irumy robirenyre tahe, ibutumy reysarennyre. Tai tahe Inynyrÿ bemona, rÿsÿna-wana tuu rirÿsÿrennyre biu-kì wahe. Paulo ixityre rarybere. Txu iòlò iòlòmy rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: —Kowa ayhywydyna lawò arimykre.

¹³ Tahe jiarÿ, Luka, wamahãdu-wana roirenyre yhywydynalawò-di Aso hãwã-ò Paulo-wana rekoarennykemy. ¹⁴ Rehemynyrennyre tahe, Paulo ralòmy yhywydyna laworo-kì. ¹⁵ Imytxubiòwa tahe Kio hãwãko-txi rehemynyre. ijõ txu tahe Samosì hãwã-kì rehemynyre. Ijõ tahe rehemynyre Mitilene-ò. ¹⁶ Paulo ixitamadÿÿ deramy reare Efesu hãwã-ò. Raeleemy ratximyhy Jerusalẽ-ò rehemynykemy, aõma, Pentecoste kia judeu worana bedehesi-ò raeleelere.

¹⁷ Tahe Miletu hãwã-kì rehemynyre, dohodÿÿna matuari mahãdu tamy he rarar-iòwyre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere: ¹⁸⁻¹⁹ —Tahe tiiemy Asia bede-kì Inynyrÿ-ò raaòmÿsÿdÿÿhy watiwãhãre. Aõmy aõkò ixidee rahòtynywãhãre. Rahinymahãre, Inynyrÿ dee rybe retÿnynmahãre. Warube resehy watiwãhãre. Tai ta rebuna nihikÿ waumy-di rarewãhã. Judeu mahãdu heka sòwemy wamy rarybemy riwarubunnykemy. Kia ibutumy aõmydÿÿnana teerytenyte. ²⁰ Tiu raberuõhywãhãre Inynyrÿ nimy rybemy. Ibutumy rarybewãhãre iny sòwey-kì tule heto hetowomy relymahãre. ²¹ Judeu mahãdu-ò retÿnyrennyre tule judeukòdu mahãdu-ò taòraru ririkemy Deuxu dee taòraru-txi tòhòti reakemy rabadewokemy. Tule Jesuisi Kristu rityhynykemy. ²²⁻²³ Katahe wiji arakre karibi Jerusalẽ hãwã-ò. Deuxu Tyytybytyhy heka wadee dyrymyhyde. Aõhebo

arotÏÏnykre, reerykõre. Kiale reerywãhãre, aõma, Deuxu Tyytybytyhy wadee rarybemyhÿre ibutu hãwã-ki, aõma, aõhõkÿmy arotÏÏnykre kowa. Rotenawo-ki aroikre. Myle reeryre. ²⁴ Tiiemy tamy raaõmysÿdÿÿmahãre. Kiale wadee Inynyrÿ Jesuisi rewahinyre urenana. Kia ariwinyõkeki, aõ aõkõ heka jiarÿ waumy-ki. Tii arelyyãhãke inyko-ò rybe tÿmyra wihikÿ, timybo Deuxu inyluurenyre. ²⁵ Araerynanywÿhÿreny Deuxu Iòlõnamy, wamy tahe bobibenyõtyhy ixityre. Kia reerywãhãre. Jiarÿ tule umyreny arobiõtyhy. ²⁶ Tahe adeereny aõmybo ararybekre. Ryranymy heka watxiwãhãre ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy. ²⁷ Tiiemy rarybehyy rarewãhã ibutumy Deuxu bede ywinamy. ²⁸ Tai tahe ix-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiõhedÿÿdumy kaiboho toite. ²⁹ Karibi arohonykreu, aitxeredu mahãdu kanakre. K reeryre. Adeereny õbitimy aõkõ rierynanykre. Tiiboho ahola wesemy ratximyhÿreny. Iwese budoeni-ò imynymy ròsemy ramyhÿre wese heka kedehemynykre. ³⁰ Inyõ heka aityhydÿÿdu seriõre yrìbi iwitxira aõna aõnamy kidierynanymyhÿkre. Taijoi kididymyhÿkre tarybe-ò ijohonamy. ³¹ Tahe biijemy boibekre. Inataõ beõramy awana rarewãhã. Kiamy rarybereri, irìbi nohõtilosarenyõmy. Txu-wana, ruwana adireny ròrenyãhãre. Rahinymy heka aõrarureny-ki watxiwãhãre. ³² Tahe ararirenykre Deuxu-wana ix-di he awimy renykre. Tii heka adireny rarekre. Tii tahe nohõtilosarenyõmy, boibekre Deuxu rybe-di. Tii heka riwiõhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre. ³³ Tiu heka jiarÿ ijò hãbu-ribi nieru tarasamy rahõtynyõhyymahãre tyy wiwihikÿ tarasamy raruõhyymahãre. ³⁴ Tiiemy wadeb-ò-ribi hyy hyy raaõmysÿdÿÿmy rarewãhã waaõmydÿÿnana òwydÿÿmy. Tule rewiõhenanywãhãre tii-wana watxiwãhãre mahãdu. Kaiboho teerytenyete kia. ³⁵ Ibutumy rewiõhenanywãhãre iaõkõ mahãdu kia heka tuu tabitenyete kia rewinyamahãremy. Teerytenyete timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶ Tahe rybe-ribi rexiureu, tatiowotimy rotamanyreny wiwana rex-itðenyrenykre. ³⁷ Tahe rahinyreny, rimyreny tamy wõreny, aõna rakreki, kia-ki rexythynereri tamyreny. ³⁸ Tiiemy rabadeworennyre tiu tuu robirenyõkremy. Tahe hãworo-ò tiiboho-wana roirenyre.

21

¹ Irìbi ròhõnyreu tahe, õbitihyy rare Kòsi hãwã-ò. Ijõ txu tahe Rodesi hãwã-ò ritehemynyre. Irìbi tahe Patara hãwã-ò ritehemynyreny. ² Tai tahe rahare hãwõ-ki, Senisia hãwã-ò rakremy rexywinyreri. Roirenyre kia yhywydynamaw-ò-di tahe rorukurenymy ròirenyre tamy. ³ Xibri bedebute weribi-ò reurore, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãw-ò-ribi aõna aõna-di rekoarennyre. ⁴ Tamy roirenyreu tahe, rÿÿraxirenyre kahãwã ityhydÿÿdu mahãdumy. Tai raharennyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tyytybytyhy tuu tamyreny rarybemyhÿre. ⁵ Tahe semana ituereu, diòðsedenyde ixby hãworo-ò. Ibutumy diberenydenyde ityhydÿÿdu mahãdu tiiboho-wana ÿnyra-ò, hãwyy, uladu, ibutumy. Tahe rexitðenyrennyre. ⁶ Ritobinyrennyre tahe, riòðserenyre heto-ò ixby.

⁷ Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãrennyre txu sohojilemy bede reijereny tai. ⁸ Ijõ txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuru aõma ityhydÿÿdu mahãdu wiõhedÿÿduõ juhutyhy rare. ⁹ Tii heka inaubiõwa iriõre rare. Tahe heridu aõkõ ijadõma mahãdu rare. Ijadõma mahãdu heka Rybewihikÿmy rybeduõle rare. ¹⁰ Tahe aõtxu taile watxiwãhãrennyre. Tahe hãbuõ dehemynyde

Judeia bede-ribi, moma inire Abusi. Tii tule Deuxu rybe-di rarybemyhÿre. ¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tyytybytyhy wa kiamy rarybere: — Kia wereysana wedu heka iwese rataataamy räire wesele heka tule rataataamy rÿikre Jerusalê-ki judeu mahâdu heka kia riwinykre ta riwahinykre judeukõdu mahâdu-ò. ¹² Tamy raholarenyre tahe, raryberenyre Paulo dee raõkremy Jerusalê-ò. Jiarÿboho raryberenyre tamy tule ijõ tule tamy raryberenyre. ¹³ Tahe Paulo rarybere: — Hirenyõmyke, tiwabedewodÿÿnytenyteri. Rexiywinymy watxireri Jerusalê ròtena-ò aralòkemy. Tamy sohojile aõkõ kÿny, tule Deuxu dee wikeki tahe arurukre Inynyrÿni òraru-ki. ¹⁴ Timy heka Paulo nohõti rareadÿÿrenyõke tiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

¹⁵⁻¹⁶ Iribi tahe iny aõna aõna rexiwinymy Jerusalê-ò roirenykemy. Ijõ ityhydÿÿduõ Cesaria-ribi iny-wana roirenyre. Tahe retehemynyrenyre, Menasõ heto-ki rasÿnyrenykemy ityhydÿÿdu riwadyrenyre. Menasõ heka juhutyhy ityhydÿÿdumy ralõmy raremyhÿ. Juhuu tii Xibri bedebute-ki rasÿnymy raremyhÿ.

¹⁷⁻¹⁸ Jerusalê ityhydÿÿdu mahâdu ibutumy awimy riwamyrenyre. Jiarÿ, Luka wahe, Paulo-wana, ijõ ityhydÿÿdu-wana. Ijõ txu biòwamy tahe Paulo riwadyrenyre Txiaumy robikremy. Tule ijõ Jerusalê dohodÿÿna matuari mahâduõ tai ronyre. ¹⁹ Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukõdu mahâdu Deuxu rityhnyremy. ²⁰ Kiamy roholareu, Deuxumy reàlarenyre ibrò-kí. Tai tahe inyõ rarybere: —Paulo, sõwemy judeu mahâdu rityhnyre. Kai teeryte, inyseriòre, ibutumy judeu mahâdu bede ywina riywinymy ratximyhÿhy. ²¹ Inyõ umy rarybere, raroimyhÿre kaki Jerusalê-ki. Judeu ityhydÿÿdu mahâdu-ò rarybere: —Paulo he Moisesi bede ywina-ribi nohõtirosakemy tii riteònyre. Paulo riernanyreri judeu ityhydÿÿdu mahâdu-ò kia judeukõduy-ki rasÿnyre mahâdu-ò. Kia inyõ riki rarybere, Paulo uladunotyky resyna riteòdÿÿõreki riki. ²² Tii kÿnyhe roholarenkre kaò themynyterimy. ²³ Tai kiamy rikiwinnyrenkre. Inaubiòwa hãbu katxi rare tarade riwysnykremy. Deuxu-ò tarybetyhy riwahinyrenyre, tai tahe tarade riwysnykremy. ²⁴ Kai tule makre iwesele arade riwysnykre Deuxu dohodÿÿna heto-ò. Tahe iradereny synaòwumy biòwynykre. Tai tahe ibutumy aluukre judeu mahâdu bede ywina tetyhynmahãteki wahe. ²⁵ Aõ inyboho ka judeukõdu mahâdu. Ka bede ywinaõ rityhnykemy aõkõ tuu iny ratxirenyre. Kaa adeereny tuu rarybewãhãrele rityhnyrenykemy: —Ka aõma rÿsÿna ritxoo rÿsÿnamy iwahidÿÿnalemy irÿsÿõmy, tule iròdude ihãlubu ijeradÿÿõreri, uritere irÿsÿõmy, tule òta òta òraru widÿÿõmy. ²⁶ Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

²⁷ Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahâduõ tuu robira. Tiibohe iny-ò rarybere Paulo rimykremy. ²⁸ Sõwemy iny tamy wi rotyre Paulo òludumy. Tiibohe kiamy rirajuarenyre: —Haeli mahâdu, wylemy bodoike. Biwawiòhenanybenyke. Ka hãbu ratxireri iny bede ywinareny òludumy ritÿÿnymy rÿimyhÿre. Iny dee narybemyhÿde judeu mahâdu bede ywina rityhnyõkemy, tule iny Deuxu dohodÿÿna hetomy, judeukõdu kawo-ò didyde tai tuu ribinadÿÿnyreri. ²⁹ Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahâduõ ityhydÿÿduõ rare, judeukõdu mahâdu aõkõ tii ihÿre. Tahe judeu mahâdu røhõtinyre Paulo dohodÿÿnahetowo-ò Trofimo ridyramy. Tahe Paulo ridyòlere. ³⁰ Tahe sõwemy iny rakyarananyre tamy, aõma kia hãwã hãkÿludu mahâdu. Sõwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbòna riratoòbònyre. ³¹ Tahe rirubunykemy ritelenyre heka. Tahe soldado dinodu tyhy roholare aõma ibutumy Jerusalê hãwã-ki jei jei-di rÿireri. ³² Tai tahe soldado tawedu diteònyde kia tai jei jei mahâdu rÿireriò. Tahe soldado robirenyrau, riixãwidinyrenyre, Paulo òhòtedÿÿ-ribi. ³³ Kia soldado wedu tyhy Paulo mynymy riteònyre. Tahe ritaataarenyre

womati reroti-di. Tahe rexitònyre kia inydee mobo he ratxireri. Aõhebo he tii rotÿÿnyrerimy. ³⁴ Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bede rieryõhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre. ³⁵ Ryòwòna-di rotuòrau tahe, hãwã mahãdu aõkõre he reburera. Soldado mahãdu Paulo taaxiò tyre ritidimy idi rara iny rimyheny. ³⁶ Iny he rirajuamy rarybemyhÿre: —Bidybenyke, birubunybenyke wahe. Myhe soldado mahãdu hewomy rirahumyhyre.

³⁷ Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watzireri. Tahe soldado dinodu ritÿÿraxinyre: —Kai aõbo kreku mahãdu rybe teeryte. ³⁸ Kai jiarÿ araeryre. Kai Egito mahãdu dinoduõ tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò. ³⁹ Aõkõre, Paulo dirawyònyde, tii aõkõ watzire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bede-ki. Judeu mahãdu tule jiarÿ rare. Kaki iny mahãdu-ò ararybekemy watxiwãhãre. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirenyre. Judeu mahãdu rybe-di tamyreny rarybere.

22

¹ Kawese Paulo tamyreny rarybere: —Waseriòre, waluuboho, wabededÿÿnanamy adee arelyykre. Wamy bohولاتyhyke.

² Judeu mahãdu rybe-ò roholareu tahe, riyrytyhymy rorukurenyre. Tii heka rarybere: —Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bede-ki rare.

³ Kaki Jerusalẽ-ki ratyritinymy rarewãhã, Kamalie ninadu tyyritina-ki. Ibutu Judeu mahãdu bede ywina bede reeryre Kamalie-wana. Ibutumy Moisesi bede ywina-di riwaerynanymyhyre. Tii tahe reywinywãhãre, retyhynytyhywÿhÿre. Ibutumy Deuxu bede ywina ariwinykemy ixi-di rahòtinywãhãre iwese wiji iwidÿÿmy tarutenyteri wesele wahe. ⁴ Jiarÿ ka ityhydÿÿdu mahãdu aõhòkÿmy rotÿÿnymyhyremy reteòwãhãre ihyyle ijõ rubudÿÿmy reteònywãhãre. Hãbu hãwyy-wana reròtenywãhãre ròtenawo-ò. ⁵ Waaõmydÿÿnanamy bierybenykre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyyriti rewyre Damasu hãwã dohodÿÿna heto-ò. Tai tahe tyyriti-di risÿnyre ibutumy ityhydÿÿdu mahãdu aõhòkÿmy rotÿÿnykemy, tule womati reroti-di rataataakemy Jerusalẽ-ò kididykemy. ⁶⁻⁷ Iòhòmy txutyemy iijira-ò, Damasu hãwãry-ki watxiwãhã. Tahe loosòna itÿnyhÿkÿmy wadee dehemynyde. Bedetxile resere. Tahe rybeõ raholare: —Salu, Salu, aõherekiwexe aõbina binahakÿle wadee tadiwinymahãte. ⁸ Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watzireri, Jesuisi. Kai aõbina binale wadee tadiwinymahãte. ⁹ Hãbu wawana rÿimyhÿ, aõ rieryõhyre aõmybo wadee rarybemyhÿre tahe loosònamy he robirenyre. ¹⁰ Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykremy. ¹¹ Tai tahe rabiõmy räiwãhã kia loosòna ritÿÿrÿhÿkÿreki. Tai wabiòwa ryy wadee ritÿÿnyre wadebò-ki riwamymy Damasu-ò arehemynykemy. ¹² Tai tahe hãbuõ wadee rehemynyre, Ananiamy ninadu. Tii heka Deuxu tyhydÿÿduõ rare, bede ywina rityhynymyhyre, ibutumy Judeia mahãdu, Damasu hãwã-ki heka tuure. ¹³ Tii tahe wadee rarybere: —Waseriòre, Salu, aruebimyke ixityre bobikemy. Aõwesele tahe rabimy reare. Ananiamy rabire. ¹⁴ Tahe ixityre wadee narybede: —Inytyby Deuxu juhoo aratare, aõbo tamywimy bierykemy. Tule Jesuisimy bobikemy, Deuxu òbiti hãbu. Tule boholakemy aõbo tii adee kanarybekeò. ¹⁵ Tai tahe biwykre irybewihikÿ tÿmyra ibutu bede bede iny-ò. Belyke timybo taholatemy, tabitemy. ¹⁶ Tai tahe rooreheõmykre. Wijile makre maratysebekre. Aòraru-ribi yrahakÿlemy mabekre, Wanyrÿnimy tetyhnyte xiery. ¹⁷⁻¹⁸ Idi tahe Jerusalẽ-ò rehemynyre wahe, aõtxumy ixitònemy rarewÿhÿ Deuxu

dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bòhònykre Jerusalẽ-ribi. Warybemy tamy marybekreu, rityhynyrenyõtyhy. ¹⁹ Tahe Inynyrÿ-ò rarybere: —Ibutumy hãwã-ki aityhydÿÿdu mahãdu rehãtenyre, rewotomonyre, reròtedÿÿnyre. Ibutumy kaki kia rierymy roimyhÿre. ²⁰ Arybe tÿnydÿÿdu rirubunyre, moma Estevaõ, jiarÿ taile watxiwãhãre. Rewiõhenanywÿhÿ irubudÿÿdu mahãdu tyy reyruunyre aõma mana-di rihurenyre wahe. ²¹ Tahe Deuxu wadee rarybere: —Bòhònyke wa Jerusalẽ-ribi. Irehetyhymy arateòkre judeukõdu mahãdu-ò. Kia Paulo tamyreny rarybere.

²² Tahe kia iny roholamy rÿimyhÿre kia Paulo iximy relyyreò. Tahe raykaranany rryre: —Bidyke karibi ahana-ò, birubunyre. Irumy rareòkre idi watxiwãhãrenyre. ²³ Tatyky riohowire, brybysi-di biu-txi rehure, rrymyhÿrenyre. ²⁴ Soldado dinodu tahe riteònyre iwo-ò ridyrenykemy awaru òhòtenahãkÿ-di tuu raòhòtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre òsana tuu raòhòtekeki. Kia soldado dinodu ròhòtynyre. ²⁵ Tahe Paulo ritaataarenyre. Imy rahudi tahe Paulo rarybere soldado dinodu-ò: —Jiarÿ Roma hãwã mahãduõ rare. Wamy maòhòtebenyõtyhy, aywisidÿÿna mahãdu wadee roholaõre tebutunyõteki. Kia riwadÿÿkõkemy roimy rare. Abede ywinareny adee rarybere kia widÿÿõmy. ²⁶ Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahãduõ rare. Tai tahe aõbina bina tamy iwidÿÿõmy. ²⁷ Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahãduõ aõbo atxiteri. Paulo tahe narybede: —Kohe, jiarÿ, kia mahãduõ watxireri. ²⁸ Tai tahe soldado dinodu narybede: —Jiarÿ tule watxireri. Nieru sõwe-di reòwynyre tuu aronykemy. Tahe Paulo rirawyònyre: —Jiarÿ tiu kia watxireri. Waha dori Roma mahãduõ raremyhÿ. ²⁹ Tai he soldado mahãdu iribi ròhònyre aõwesele tii Roma mahãdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare ròtena-ribi ròhònykemy. Judeu xiwewahidÿÿna dinodu inyõ ributunyre ywisidÿÿdu mahãdu-wana. Tahe Paulo ridyre tamy. Tii dori rierykemy ratxireri aõherekibo judeu mahãdu Paulo deramy rÿireri.

23

¹ Paulo tamyreny retehere, dinodu mahãdu-ò wahe. Tahe rarybere: —Waseriòreboho, Deuxudile watximy ramahãre. Tiiemy aõbina binamy aõkõ watxireri, tamy iluuna-di tyhy watxiwãhãre. ² Anania hãbu-ò rarybere, iòhòmy Paulo-ribi rÿireriò: —Iry-ò bihetenybenyke. ³ Paulo tahe tamy narybede: —Kai wa aõ aõkõ tate. Hetotira ura wese tate, awo arayky isuisure. Waywisidÿÿdu wesemy talòmny atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri. ⁴ Tahe iòhòmy Paulo-ribi rÿireri, tamy rarybere: —Kia wesemy rybeõmy Deuxu xiwe wahidÿÿdu wedu-ò. ⁵ Tahe Paulo rarybere: —Aõkõre, reeryõhyre aõxiwe wedubo ratxirerí. Tyyriti kiamy rarybemyhÿre: Tiu riki wedumy aõmy rybebinamy aõkõke. ⁶ Idi tahe Paulo rexierymy resere. Tahe ixidee ròhòtynyre. Ka iny sòweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryre: —Waseriòre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde. ⁷ Imy rahudi tahe fariseu mahãdu saduseu mahãdu-wana wiribi rihitxinyre. ⁸ Saduseu dori rubu-ribi ixixana rityhynyõhyymyhÿrenyre, tule ÿju, tyytyby-wana rityhynyõre. Fariseu mahãdu tahe, kia ibutumy rityhynymyhÿre. ⁹ Tai tahe sòwemy rajei jeimy rÿimyhÿ. Tahe fariseuõ rarybere Paulo òbitimy ratximyhÿ. Aõ teòsamy tai tuu arobirenyke kÿnyhe aõkõre. ÿjuò òsana tamy rarybera ada tyytyby aõbo. ¹⁰ Tai ta tarurutyhymy rryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixiby soldado heto-ò.

¹¹ Rummy tahe Paulo weribi Inynyrÿ tamy narybede: —Brebuõmy aõ-di nohõtiõmyke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

¹²⁻¹³ Tahe biurasõttxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyõtyhy bemy rikiõrenyõtyhy. Paulo rurukeki xiery ta rikiroxirenykre. ¹⁴ Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyrenyre iwese Paulo rubudÿÿmy ratxireri wese. ¹⁵ Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho rõhõtinkyre. Tai tahe ry kana-ò rearaki tahe ijoi rikirubunykre. Kia judeu mahãdu xiwe wedu-ò rarybere. ¹⁶ Tahe Paulo seriðre woludu, ilana rubudÿÿmy rarybereð roholare. Tahe ralore soldado heto-ò tahe tuu Pauloko relyykemy. Tahe relyyre. ¹⁷ Kia roholamy rahudi ta Paulo rariðwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ò, aõma, ijyy-di ratxirerimy tamy relyykemy. ¹⁸ Tahe ridyre soldado dinodu tyhy-ò tahe rarybere: —Paulo kÿny ka weryry-di riwateðnyreri aõmybo ako relyykemy. ¹⁹ Tahe dinodu weryry axið iyre ribi rimyre, tahe iny-ribi rirehenyry rarybekemy: —Aõbo wexe wako belyykre, weryry. Tahe relyyre: ²⁰ —Wylana Paulo ridykremy judeu mahãdu adee rexitðenykremy ratxirenyre. Tiiboho adee raryberenykre: —Rikitÿÿraxinykre ijõ aõmydÿÿnana. ²¹ Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwòmny rÿikre, iny inatxi wa itue hãbumy, wylana rubudÿÿmy. Tii ruruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre. Ahana òsana inyõ rÿireri wylana ridykremy adee kedexitðenykremy. Wylana òludu tahe ryijàti-ki rexiwòmny rÿireri. ²² Tai soldado dinodutyhy weryry-ò rarybere: —Uritere inyõ ierisyõmykre wadee tuu telyyteri. ²³ Tahe inatxi soldado dinodu rarariðwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dòhòny-ribi, ijõ 70 soldado awarutyre-ki, ijõ 200 soldado tõnori-di. ²⁴ Kia ibutu-wana Paulo bidybenykre awarutyre-ki Cesaria hãwã-ò. Biyrubunymy boibenyke Feli, kia bededinodu-ò. ²⁵ Tahe tyryiti riwinyre kia wese:

²⁶ —Jiarÿ Laujiu Lucio, warybe reritinyreri. Warybe wehityhyna rewahinyreri Feli-ò, Wanyrÿtyhy, bede dinodu-ò rewahinyre. ²⁷ Hãbuõ adee reteðnyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteðnyre ritakremy rubu-ribi, tii Roma hãwã mahãdumy rareki. ²⁸ Redyra heka ywisidÿÿna mahãdu-ò. Aõherekibo rimyrenyremy arierykemy. ²⁹ Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai ruruemy aõkõ idi rewisÿnyre. ³⁰ Judeu mahãdu rarybemy ramyhÿre irubudÿÿmy. Kiamy raholareu tahe, adee reteðnykemy resere. Tule irubudÿÿmy rõhõtinyra mahãdu adee rarybekemy reteðnyre. Tiiboho aõbo raremy rarybekre. My kie warybe rewahinyre.

³¹ Idi tahe soldado mahãdu Paulo ridyre, iwese idinodu riteðnyre wese. Rudile ridyre Atxipatxi hãwã-ò. ³² Tahe biurasõttxumy tahe tatilemy rare mahãdu ròðsere soldado heto-ò. Ijõ soldado awarutyre ludu Paulo iridyre Sesaria-ò. ³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyryiti-wana. ³⁴ Kia tyryiti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawyðnyde: —Jiarÿ, Silisia hãwã mahãdu rare. ³⁵ Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyrubudÿÿ idi risÿnyre Herodi ywisidÿÿna heto-ò, Pretòriu ninadu-ò.

24

¹ Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduõ-wana rehemynyre, moma, Tertuliu inire. Paulomy aõbinabinahãkÿ rybemy rareri bede dinodu-ò. ² Tahe Paulo didyde. Tertuliu rarybere Paulomy. Awiõmy rybe tahe ròhònyre. Juhuu Feli-ò rarybere: —Kai

Wanyrÿ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutumy iny bede hãwã hãwã-ki iny tewiðhenanymahãte. ³ Tai tahe omy reãlãtyhymy he watxiwãhãre. Urihimyòle adee Paulo aõmydÿÿnanamy ararybekre. ⁴ Txioi inihe làhã, boholabeny. ⁵ Tiiemy jei jeyhy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduõ rare, kia weduõ rare. Tii Jesuisi rityhynyre. ⁶⁻⁷ Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyrenyre tahe, ywisidÿÿmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. ⁸ Tahe inydee rarybere: —Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere. ⁹ Ijõ judeu mahãduõ rarybere: —Kia inatyhy ibutumy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-ò riteòsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sõwe beõra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhãre adee ararybekremy. Wað inatxi reurõtsumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reãlakemy. ¹² Tiu heka jei jei rewinyõhywãhãre dohodÿÿnaõ-ki aõkõ, hãwãy-ki aõkõ. ¹³ Aõmybo wamy rarybemy rÿireri heka, aõ inatyhy aõkõ. ¹⁴ Sohoji aõmydÿÿnanamy tahe akoreny arelyykre, inatyhy rare. Retyhynywãhãre heka aõbo Jesuisi rierynanymyhÿremy. Tiiboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhÿre wesele jiarÿ tule Deuxu inatyby retyhynymyhÿre. Ibutumy bede ywina tyyriti-ki riritinymy rÿimyhÿremy retyhynywãhãre. ¹⁵ Iny, òrarudu mahãdu, ityhydÿÿdu mahãdu kedeixiakremy rubu-ribi. Kia retyhynywãhãre. ¹⁶ Tiu ibutumy òbiti widÿÿmy raruwãhãre. Deuxu-txi tule ibutu hãbu rue-ki. ¹⁷ Jerusalẽ-ribi rarewãhãu, tiwese beõra rewyre tahe ixyby dõsede Jerusalẽ-ò aõkõ mahãdu wahidÿÿna wesemy ariwahinykremy xiwena wese Deuxu-ò. ¹⁸ Deuxu dohodÿÿna heto-ki watxiwãhã, òbitimy rãire, ibutu bede ywina reywinymy rawãhãre. Tahe waxiwena-di waðludu wamy robire. Iny sõwemy weroramy watxiwãhã. Rybe jei jei rarybeõhyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhÿreny. ¹⁹ Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿreny. ²⁰ Aõbo waki teòsamy rahare ywisidÿÿna mahãdu-ko rãireu, tamy rokoholakre. ²¹ Sohoji aõmydÿÿnanalemy rarybere teòsamy. Kiamy rarybere: —Retyhynyre rubu ixyby kedexiakre. Tai ywisidÿÿna mahãduko-ki watxiwãhã.

²² Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: —Lisiu, aõma, soldado dinodu tyhy rehemynyreu, bede rikerydÿÿnanykre. ²³ Tahe Paulo rõtena heto wese-ò ratximyhÿreki, riðsedyÿnyre. Ta rarybere he soldado dinodu-ò: —Ywimy idi ratximyhÿkemy. Tule rarybere: —Iò ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.

²⁴ Iribi nade Feli tahãwy-wana Drusila. Ihãwy heka judeu mahãduõ rare. Riteònyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii òbiti-di iny rõhõtinky tulle ywisidÿÿna txumy Deuxu kanakremy ritÿnyre. ²⁵ Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnykre, ixyby adee ararãrìowykre. ²⁶ Tule Feli ijõ nieru Paulo-ribi ritakemy ratxireri, tai rararìowyre ijõtzu ijõtzu tii-wana rarybekremy. ²⁷ Inatxi beõramy bede idi rÿire. Iwitxira bede dinodu ralore Feli deròwy. Porsiu Festu inire. Feli tahe judeu mahãdu tuure tamyreny aõò riwinykemy ratxireri tahe Paulo ririre rõtewo-ki.

25

¹ Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi ròhònyre Jerusalẽ-ò rakemy. ² Tahe xiwe dinoduõ, judeu mahãdu dinoduõ tamy

rarybere Paulo aomydÏÏnanamy. ³ Tamy rexitòenyre Paulo-di wylemy kanakremy. Kiamy heka rexinohòtidÏÏnyre ryrowetya-ki rirubunyrenykremy. ⁴ Aòkòre, Paulo ratxirekre Sesaria-ki, Festu rarybere, jiarÏ tahe aròðsekre ele elemy kowa-ò. Kaiboho adinodu mahàdu wadi roikre kowa-ò. Rokoholarenykremy ywisidÏÏna-ò. ⁵ Tule kaiboho aòrybedikeki, Paulomy, kowa-ò rarybekremy.

⁶ Iribi tahe debòwiò txu òsÏny txu idi rÏidi tahe ixyby Festu dòðsede Cesaria-ò. Irootxu tahe Paulo ywisidÏÏna ròhònyre. Tahe Paulo ridykemy riteònyre ywisidÏÏna butuna-ò. ⁷ Tahe judeu ywisidÏÏna mahàdu heka sòwemy tuu aòbina binahakÏmy Paulomy rarybemyhÏre, Jerusalè-ribi rehemynyreu. Aò inatyhymy aòkò. ⁸ Paulo tahe rexitxiònyre: —JiarÏ kÏny kia-di aòkò watxiwàhàre. Tii rarybere: —Tiu heka judeu mahàdu bede ywina ratyre aòna aònamy ratÏÏkòre. Tiu heka Deuxu dohodÏÏna hetomy rewinyòwàhàre, tiu Roma dinodu bede ywina ratyre aòhe ratÏÏnyòwàhàre. ⁹ Idi tahe Festu rÏÏraxire Paulo-ò: —Kawexe texiywinymy atxiteri Jerusalè-ò makremy. Kowa ywisidÏÏna ariwinykemy adee roholakremy. Kiamy Festu rarybere aòwihikÏmy riwinykemy ratxireri judeu mahàdu dee. ¹⁰ Tahe Paulo rirawyònyre: —Aòkòre, arakre he Iòlò tyhyòhòkÏle arehemynykre. Tii wadee roholakre. —JiarÏ dori ixiwinyhyhy tamy arakre. Kai teeryte jiarÏ aòkò tudÏÏduramy. ¹¹ Aòma aòbo waki binamy relera-wana heka arurukre. Aòkòkeki tahe aòbo awihykÏle rewinyre-wana heka timy inihe warubudÏÏòmy. Iòlò tyhyle wadee roholakemy he ixide rahòtinereri. ¹² Festu tawidhedÏÏdu-ò rarybere. Idi ta dirawyònyde: —Awire, iòlò tyhy-ò atxiteri urenana kÏnyhe aòwaxiny makre.

¹³ Iribi tahe aòtxumy tahe iòlò Agripa dehemynyde, Benise tariðrese-wana. Festu roramy rareri. ¹⁴ Tahe tii-wana rarybemyhÏre aòtxu, Festu-wana. Idi tahe Paulo aomydÏÏnanamy iòlò-ò rarybere: —Ròtenawoluduò roireri ròtenawo-ki. Tai he Feli ririre jiarÏ iaomydÏÏnana arierykremy. ¹⁵ Aòma Jerusalè-ki watxiwàhàu, dohodÏÏna wedu mahàduò wadee heka rarybere: —Tii arirubunyky heka wadee rityhenymy hÏre. Judeu mahàdu matuariò tule kia rarybere. ¹⁶ Tahe tamy jiarÏ rarybere: —Aòkòre, aòma Roma mahàdu kia bede ywina dori tuu aòkò roimyhÏre. Juhu heka rakre ywisidÏÏna-ò tahe relyykre heka iximy, taòludu mahàduko-ki. ¹⁷ Kaò juhu ditehemynydenydeu, tamy rarybere. Ijò txu he reyruubunyre ywisidÏÏna-ò roholakremy tahe Paulo ridykemy aditeònyde. ¹⁸ Tahe aòmybo tamy rarybere heka, iwese rahòtineri wese aòkò tii riwinyre. ¹⁹ Aòbo ityhynareki heka tuheka rÏire. Inyò heka tii rarybemyhÏre Jesuisi rurulemy. Tahe Paulo rarybemyhÏre irulemy ihÏre. Tai kÏnyhe rimymy ramyhÏre. Riròtenymy hÏre. ²⁰ Tai tahe tiemy rahòtineri: Timy taheka aòhe arotÏÏnykre ka aomydÏÏnana-di. Paulo-ò retÏÏraxire aòma Jerusalè-ò aòbo rakemy ywisidÏÏna-ò. ²¹ Tahe Paulo rarybere: —Iòlòðle rakremy aòbo. Tii wamy roholakeki, teòdu waòrysomy ariraokre. Tai tahe ròtena-ò ixybyle rerutyre. ²² Tahe iòlò Agripa rarybere: —JiarÏ aroholakre inihe kia hàbumy. Tahe Festu dirawyònyde: —Biurasòmy tamy bodoholakre.

²³ Idi tahe itxu biòwamy dehemynyde, iòlò, Benise-wana, ywisidÏÏna heto-ò. Ibutumy he iny ralore, soldado wedu mahàdu, iny ityhymy rÏira mahàdu, ibutumy raloralore. Tai tahe Festu Paulo didyde. Tahe rarybere: ²⁴ —Iòlò Agripa, ibutumy ka wadee ijohonadu-wana, ka hàbu heka ibutumy iny he irubudÏÏmy he idi rÏireri, judeu mahàdu kaki tule Jerusalè mahàdu. ²⁵ JiarÏ rahòtinereri aò heka riwinyòhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri. ²⁶ Aòbo tamy ariritinykre. Aò heka waritidÏÏkònare. Aò dori riwinykòre. Tai redyreri adee iòlò Agripa. Tamy juhu boholakre. Iribi tahe wadee manarybekre aòbo ariritinykremy. ²⁷ Timy kÏny wateòdÏÏkòna uritere òhynaòhòkÏle Iòlòtyhy-ò ariteònyòtyhy.

26

¹ Tahe Agripa Paulo-ò rarybere: —Aòwaxiny belyykre aijjymy. Paulo he tebò riukore he rarybekremy.

² Wadeysamy he watxireri, Iòlò Agripa. Jiarÿ dori iximy arelyykre ako. ³ Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴ Tiiemy uladule aratyritinyde aõma judeu òbitina-di. ⁵ Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalẽ-ki ratyritinyre. Jiarÿ fariseu mahãduò òbiti jiarÿ rare. ⁶ Kia rybe òraru-ki wiji ywisidÿÿna-ki rãire. Jiarÿ dori retyhynywãhãre aõbo Deuxu inytyby-ò rarybere. ⁷ Jiarÿ Deuxu rybe òlona reraòwãhãre. Tule judeu ijoi riraòmyhÿre, waòinatxi reurò ijoi mahãdu. Tiiboho Deuxumy reàlãmy raremyhÿ, rummy, txumy. Iòlò Agripa, kia raròsòna òraru-ki judeu mahãdu wadee aõbina binamy rarybemyhÿre. ⁸ Rubu-ribi ixixana jiarÿ retyhynymy hÿre. Araÿraxikre iòlò. Kia aõbohe wadeòsana raremy kaiboho tahòtinytenytere. Deuxu heka ixiby iny kidiòkesedÿÿnykre taumy tuedeòna-ò. ⁹ Jiarÿ heka juhuu awimy heka aõbina binahakÿ widÿÿ dee rahòtinyre, Jesuisi Nazare hãwã ludu dee. ¹⁰ Sõwemy ityhydÿÿdu mahãdu reròtenyre ròtenawo-ò Jerusalẽ-ki. Dohodÿÿna heto wedu rewawiohenanyre tyyriti riwahinyreki. Kia irubudÿÿmy wi risÿnyrenyre, jiarÿ rarybere: —Awire heka birubunybenyke. ¹¹ Jiarÿ heka ityhydÿÿdu mahãdu aõhòkÿmy rotÿÿnykemy wi resÿnyre bede bede-ki. Aõbinabinahãkÿlemy ityhydÿÿdu rerybedÿÿnywãhãre. Jiarÿ aõnimity reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò. ¹² Rare heka Damasus hãwã-ò ityhydÿÿdu òrysomy. Jiarÿ tyyritidi rare, dohodÿÿna wedu ritina-di. Tule ibede ywina-di rare. ¹³ Tahe Damasus iòhòmy rareu, loosònaò diwatoosònyde, txu loosòna ratyre ihÿre. ¹⁴ Jiarÿboho rejuxunyrenyre tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymy hÿte. ¹⁵ Jiarÿ rarybere: —Mowe, Wanyrÿ tate. Tahe dirawyònyde: —Jiarÿ wa, Jesuisi rare. Wadi aõbina bina tewisÿnyte. ¹⁶ Katahe myikre. Adee rehemynyre, aratara ixidee, wadeòdumy mabekremy. Warybeduò mabekre. Ibutumy wamy belymy mabekre aõhebo adee wiji rotÿÿnyreri. Iribi tasÿ ixityre adee adehemynykre. Tule kia-di marybekre. ¹⁷ Ibutumy asÿ-wana arayrubunykre. Tai ta judeu mahãdu-ò arateònykremy watxireri, judeu mahãdu-ò tule. ¹⁸ Iwese iny ruetà-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitinykre tamyreny òrarudu roire aõma ixi-txi tõihti reakremy loosòna-ki rariakremy, Satanasi bedelrohokÿ-ki aõkõ, kia ryki aõkõ rariakremy. Deuxu uri bede ywina rimymy hÿkre ixidee. Ibutu bede bedemy rÿira wajioimykre. Tyramy taòraru-ribi rÿira, ritamy rÿira, riwatyhynymy rÿira. ¹⁹⁻²⁰ Tai, Iòlò Agripa, iwese warasina-ki riwateònyre wese, retyhynyhyre. Juhuu Damasus hãwã-ki jiarÿ ròhãletere, iribi Jerusalẽ-ò, tule Judeia bede-ki, ibutu judeukõdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tõihti reakremy inatyhymy aõna aõna wiwihikÿ riwinykemy Deuxu dee. ²¹ Tai judeu mahãdu riwamyre Deuxu dohodÿÿna heto-ki, warubudÿÿmy ròhòtinyre. ²² Deuxu tahe wawiohedÿÿdu ratximy hÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre. ²³ Juhutyhy rarybere: —Kristu, rurukremy iribi tahe kedexixakremy rybe loosòna kidiwykremy judeu mahãdu-ò, tule judeukõdu mahãdu-ò.

²⁴ Tahe Paulo iximy rarybereu, Festu raryre: —Paulo, kai wa itxÿtere. Aõnityhymy tatyritinymahãte. Tai arayky tebinanyta. ²⁵ Tahe Paulo rirawyònyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare. ²⁶ Tule Iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa. ²⁷ Aõbo Deuxu rybedu mahãdu riritinyre aõbo, kai tetyhynymahãte. Reeryre jiarÿ, kai tetyhynymahãte. ²⁸ Tahe Agripa riixãwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahòtinyte, wadee tarybeteki. ²⁹ Paulo rirawyònyre: —Kohe, wadee awire, kai tulekemy. Ibutumy kaki wawesekemy adi rahòtinyre. Kai tule warybe sõwemy aõbo ada aõkõre aõbo Deuxu bityhynybenykemy watxiwãhãre tule wajiohonana-wana. Aõna sohojidile taanamy

aõkõ watzireri, wawomati reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre. ³¹ Widee reny wiwe-sele rōhōtinyrenyrene. Ka hābu timyhe rubudÿÿona he ròtena-ki irutysyōna he, tii dori aōhe rotÿÿnyōtyhy aōna aōnamy. ³² Tahe Agripa Festu-ò rarybere: —Rikiteònyrenyke idi watzireri, tahe tii inihe iòlōtyhyle rarybekemy ixidi ratxireri. Tai kÿnyhe, txiointihe, aõkõre.

27

¹ Tahe rexiywinymy rexihurennyre Italia bede-ò, Roma hāwā-ò aroirenykremy hāwò-di. Tahe ròtenayrubudÿÿduō tii-wana rakre, irubudÿÿdu renymy. Julio inire. Tii iòlò yrubudÿÿdu mahādu dinoduō rare. Ridyrennyre Paulo ròtena woludu mahādu-wana. Jiarÿ, Luka tule ihemy rare. ² Tahe rerònyre yhywydyna lawò-ò. Adrÿmitxiludu tahe kia lawò rare. Tule hābuō wawana rare. Aristarku inire. Tii Macedonia bede luduō rare. Tesalonia ihāwā rare. Tahe hāwò rexihynnyrennyre adòikemy Asia bede-ò. Tahe ròirenyre. Ijōtxu biōwa Sidoma beàbeà-ò rehemynnyre. ³ Paulo taery mahādu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteònyre titxibo rakelemy. Paulo ery mahādu aōna aōna tamy riwahinyre. ⁴⁻⁵ Tahe iribi ròhònyrennyre. Xibri bedebute roosibymy ralore yhy dori tiribi tiribi reamyhÿreki. Tahe iribi riòlònyre. Tahe Silisia bede-ribe riòlònyre, tule Panfilia bede-ribe ijō bede-ò reronyre. Tahe Miha hāwā-ò ritehemynnyre Lisia bede-ki. ⁶ Tai soldado dinodu hāwò nihikÿ riijemyhÿu, ihe-ki roikemy, tahe ijō-ki rahare Alexÿdria luduō-ò. Hāwò tahe rexiywinymyhÿre rakremy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. ⁷ Sōwemy heka txuu wadireny rÿire. Urihimyòle rexihejiwāhārennyre. Isirare heka Kinidu hāwā-ò dehemynsÿ. Ihārele tahe retehemynnyre Samona hāwā mynatyhyle raròrennyre. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoiwāhādenyde ihyy tahe retehemynnyre Rywihikÿmy ninadu-ò. Kia heka Laseia hāwā-ribe iòhòre.

⁹ Sōwetyhymy txuu wadireny rÿire yhynihikÿ bina òraru-ki. Inarehe lisina txu-ribe ròhònyre. Tai tahe bededÿÿnana ibutumy roimyhÿre. Tai brebunamy bede roimyhÿre. ¹⁰ Paulo tahe tamyreny rarybere: —Wanyrÿboho, ka tÿina isiratyhykre inydeereny. Inynonanareny iòhārure aōna aōna ibutumy inyribireny ituekre, hāwò rabohokre ada ijō aōbo rikururennykre. ¹¹ Tahe soldado dinodu Paulo rybe rityhynyōhyre. Yhylawò wedu tòruludu-wana tii rityhynyre. ¹² Yhylawò wedu, tòruludu-wana iwitxiramy rōhōtinymyhÿre, beòra tai riekòkemy beà dori ibinareki. Ijō tule tahe roirenykemy ixide ihÿrennyre rehemynnykemy Fenisia beà-ò. Kia heka Kreta bedebute beàō rare. Biuweribitya-txi ròròmyhÿre, tai awire kia beà, beòra bede riwykemy. ¹³ Ijō rarybere: —Rikoirenyke, yhy dori rebonyreri, tamy rekehemynnyrennykemy. Tahe womatisana riukore. Roirenyre yhy-di. Tahe iòhòmy Kreta bedebute rotÿÿnyra. ¹⁴ Aōwesele heka yhy nihikÿ dehemynnyde bedebrò-ribe. Kia yhy nihikÿ iraro bedebrò ludu inire. ¹⁵ Ka yhy nihikÿ taruru-di riwyre hāwò nihikÿ. Juhu yhyonana weribi-ò riwisÿnyre. Idi iwo rexieryre ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hāwò nihikÿwo-ki hāwòriòre riwyre. ¹⁷ Idi tahe rōhōtinyre hāwò nihikÿ rabòhòke-txi roholarennyre, tai tahe ritaarennyre iwetya-txi. Tahe ruberurennyre, Libiamy ninadu beòlau, tahe welòhòkÿ ritare iribi rexitarennykemy. ¹⁸ Ijōtxu roirenyre yhynihikÿ tamy realemy iu, tai tahe aōna aōna-di rehure ibutemy rawetarikemy. ¹⁹ Tasÿ txuō idireny reare. Idi rehurennyre aōmybo rekoakōmyhÿrennyredi rawetarityhykemy. ²⁰ Txu sōwemy rewyrennyre txumy, tainamy ribe renyōhyre. Yhynihikÿ reamyhÿ. Tai sōwemy ruberumy rÿimyhÿ rubu lau. ²¹ Sōwemy heka bededÿÿnana riwyre roxiòhy. Tahe Paulo iyrenny-ki rÿire, tahe tamyrenny rarybere: —Wanyrÿboho, warybe-ò taho-laòhytenyete Kreta-ribe ròhònyrennyreu. Aratohonyrennyre iribi inyboho kodoikòkemy. Boholabenybe-wana ta inihe aōna itueōhyre. ²² Ihārele tahe deysana-di adeereny ararybekre. Inyō ruruōtyhy, hāwò nihikÿ sohojile rabohokre. ²³ Jiarÿ dori Deuxu deòdu

rare. Kaurumy dori Deuxu ÿju wadee nade. ²⁴ Tahe rarybere: —Paulo, brebuõmy. Kai iðlòko-ò makre. Deuxu dori ruxetòena kidiwahinykre. Tiu heka aruburenyõna aijoi-wana. ²⁵ Tahe wanyrÿboho, brebuõmyreny. Jiarÿ dori Deuxu retyhynyre, iwese wadee rarybere wese, rarekre. ²⁶ Urile tahe inyboho kiditehemynydenykre bedebuteõ-ò. Kia tahe Paulo rarybere.

²⁷ Waðinaubiòwa rummy beronihikÿ tya-ki bederijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iðhòmmy roholarennyre. ²⁸ Tahe beõ urihixina-di riurihire, wawiò dera urihixinamy beõ riurihire. Idi iko-txi ixityre riurihire tai waiyre dera urihixinamy rimyre. ²⁹ Tahe rahõtynyrennyre manale tai roimyhÿremy. Tai tahe manatisana-di inaubiòwa lòru ludu-ribi rehurenyre. Iribi rexitðenyre wylemy txuu kanatÿnykemy. ³⁰ Hãwò aõna hydÿÿdu mahãdu hãwò riòre riwesere bera-ò. Idi risÿnyre ijõ manatisana ritidikremy hãwò jura-ribi. Urile tahe rahenykremy røhõtynyre. ³¹ Paulo tahe rierymyhÿ tahe soldado wedu-ò rarybere: —Soldado mahãdu tule roholare: ³² —Hãwò aõnahydÿÿdu mahãdu hãwò nihikÿkÿro-ki rariõrenykeki, kaiboho atuerenyke. Tai tahe soldado hãwò riòre reroti riàrore tahe resere bera-txi rahenyre. ³³ Txuu iðhòmmy natÿnyde, tahe Paulo tamy rarybere: —Wiji wað inaubiòwa txummy kaiboho teraòtenyde tabyretenyõhyy. ³⁴ Ijõ birÿsÿbenyke, arurureny rexiðlònykemy, kaibohoõ dori burubenyõtyhy. Aradeti sohojiõ tiu iõõtyhy. ³⁵ Rarybemy rahudi tahe, paõ sohoji Paulo rimyre. Ibutura-ò Deuxummy reàlære. Idi tahe paõ riorore, riyre. ³⁶ Ijõ reny reysarennyre, taita tule riyrennyre. ³⁷ Tahe 276 iny hãworo-ki roirenyre. ³⁸ Tahe ibutumy iwo rihyrennyre tahe maixõmo wesena-di rehurenyre hãwò nihikÿ rawetarinykemy. ³⁹ Bede ratÿnyreu, inyõ rieryõhyyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre: —Rikirònyrennyke hãwò-di iwo-txi. ⁴⁰⁻⁴¹ Tahe manatisana riukòrennyre tahe welò riderenyra hãwojura-ò iraròsòna riesere. Tahe riteleny realòkemy. Urile esetere tið tiðle hãwò ridymyhÿ beõ òhòkÿle idi rehure rorokòhòkÿle, rimyre taile òbò hãwòlòru ribohonyre. ⁴² Soldado mahãdu røhõtynyre ròtena mahãdu rahenyketxi. Tai rirubunykeny røhõtynyre bede-ò robunyke lau. ⁴³ Soldado wedu tahe Paulo ritðenyre rubu lau, tai tahe riteðnyre rirubunyõhyyre: —Tibo alobueryre, juhuru suð rakemy, soldado wedu kia rarybere. ⁴⁴ Tibo alobueryõke tahe òwòru àre hãwò-ribi rimymy idi rakre. Kiamy heka ibutumy rethemynyre su-ò, inyõ ruruõhyyre.

28

¹ Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire. ² Biu riwasebenyrennyre yhyjutyty riwasarennyre. Tai tahe tiiboho heðty riworyrennyre wahetònarennyre. Tiiboho riwawisinanyrennyre awimy wadireny roiremyhÿ. ³ Paulo hee ributunyre heðtyworonamy. Idi rehureu, hemylala he wo-ribi heðty lau ròhònyre, tai ruruare Paulo debò-ki. ⁴ Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruõre bera-ò, ka tahe kidiòwynykre inyõ òsÿny rirubunyreki wahe, rurukre heka. ⁵ Paulo tahe hemylala tebò-ribi riatyre heðtyru-txi. Ta aõhòkÿmy rotÿÿnyõhyyre. ⁶ Tahe imahãdu idi rethemy rÿimyhÿ tarubulemy resekeò, ada tebò ratarinybohokeò aõbo. Sõwemy riraòre, aõhebo rotÿÿnyke, tahe aõkòhyyre. Tai tahe iwitxiramy røhõtynyrennyre: —Tii deuxuõle òsÿny ratxireri. Tiiboho raryberenyre kia.

⁷⁻⁸ Hetoõ tai iðhòmmy rÿire, Publio iwedure. Tii heka ityhy rare iwedu rare kabedebute-ki, tii bedeòtiidÿÿna rare. Tai taheto-ò riwadyrennyre. Awihyye wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebò ityre ritidire, rexitðenyre, tahe riteytennyre. ⁹ Tai tahe ibutumy bedebute ludu webinadu Paulo dee wii rotyre. Ibutumy reyterenyre. ¹⁰ Tai tahe uriiõno inydeereny riwahinyre aõna aõna. Sõwemy rÿsÿna hãworo-ò rahyre inydeereny. Kia hãwò beðra bede kia beà-ki riwyre.

¹¹ Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyreny. Inataõ ahãdumy bede wadireny rÿidi. ¹² Sirausa hãwã-ò retehemyny. Tai tahe inataõ txumy wadireny rÿire. ¹³ Iribi tahe Rejio hãwãmy rekoarenny. Ijòtxu tahe Pozuli-ò reòlòny. Inatxi txu-di retehemyny yhy ibòò-ribi debonydeki. ¹⁴ Tai seriòreõ ratximyhÿ. Tiiboho rexitòenyrenny tii-wana ratxikemy debòinatxi reurò txumy. Kiamy heka Roma hãwã-ò roireny. ¹⁵ Roma ityhydÿÿdu mahãdu roholare jiarÿboho retehemynyrerimy. Tai tahe doidenyde Apio hãwã ube-ò. Tule aõ-di ijohona Heto Inataõ hãwã-ò doidenyde. Paulo tiiboho robireu, Deuxu reàlãmehÿ, reysamyhÿ.

¹⁶ Tahe Roma hãwã-ki Paulo ixideewimy rasÿny. Urile soldadoõ aõu aõu tii-wana ratximyhÿ.

¹⁷ Inataõ txumy bede idi rÿidi, Paulo ributunyyre judeu mahãdu dinodu. Wii ributunyyre, tamyreny rarybere: —Wanyrÿboho, waseriòreboho, jiarÿ aõ rewinykõre wajioi Judeu mahãdu dee. Tule lahirybe õnosõna ratyre aõ rewinyõhyre. Ihãre judeu dinodu riwamyyre. Tahe diwahinyde Roma dinodu mahãdu-ò. ¹⁸ Tiiboho heka riwatÿÿraxinyre ibutumy. aõ heka waki ibinamy rahaõhyre. Tai tahe riwateònyrenny ratxirenny. ¹⁹ Wajioi tahe Judeu ijoi heka waòludureri. Tai tahe Iòlò-ò jiarÿ rarybere arakemy. Aõ dori wajioi dee waòraruõre. ²⁰ Tai heka arabutunyyrenny, warybe-ò boholabenykemy, wadi retehekemy womati reroti-di riwataataara. Judeu mahãdu raròsõna òraru-ki kawesemy watxireri. ²¹ Tahe judeu dinodu mahãdu rirawyònyre: —Aòkõre, inyõ rehemynyõre Judeia bede-ribi. Ijybinamy umy relyyõre. Inyseriòre mahãduõ kaò dehemynyõde. ²² Aroholarenny timybo tahòtinymahãte-ò. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu rarybereny.

²³ Tahe riywinyre itxu Paulo rybe-ò ijohonamy. Idi tahe Paulo heto-ò sòwemy iny doidenyde tamy roholakemy. Tii Deuxu ijy ritÿnyrenny ruidu rexideleny, txioromy rexihure Moisesi Tyyriti ritÿnyrenny tule ijõ rybedu Tyyriti-di ritÿnyrenny, iwese Jesuisi Iòlòtyhy kanatxikre wese kabede-ki. Kia Jesuisi aõmydÿÿnanamy ritÿnyrenny. ²⁴ Ijõ roholare aõmybo Paulo rarybereò, Jesuisi rityhynyrenny. Ijõ tahe aòkõre, rityhynyõre. ²⁵ Ijõ teramy reare. Rÿire, ròhònykemy. Tahe Paulo tamyreny rarybere: —Deuxu Tyytybytyhy booreny dee rarybere Isaia tyyriti-ki. Awimyy rare. Kawese roire:

²⁶⁻²⁷ —Makre tamy marybekre: —Boholabenyke, ta tiu aerysrennyõna. Betehekere arue-di, ihãre tahe aerysrennyõna. Iruereny, iraykyreny, tõhòtirenny ritòbònymahãrenny. Tai tiu tiiboho robirenyõtyhy, rieryrennyõtyhy, roholarennyõtyhy. Tai diwatyhynyõhyymyhÿde. Tai heka iòraru-ribi ariteytenyõkre.

²⁸ Bierimyy boibeke Deuxu tarasana judeukõdu mahãdu-ò rare. Tiiboho dori roholarennykre. ²⁹ Paulo tarybe rahudi tahe, judeu mahãdu ròhònyrenny sòwemy widee rarybemyhÿrenny.

³⁰ Roma hãwã-ki Paulo rasÿny inatxi beòramy tahetohuòtenawo-ki. Ibutumy heka dÿÿraximyy iheto-ò rehemynyrenny, Paulo ridyre tamy rarybekemy. ³¹ Deuxu Iòlònamy Paulo iruru-di relyhyymyhÿre. Inynyrÿ Jesuisi Kristu aõna aõnamy rierynanymyhÿre. Tiu inyõ aõhòkÿmy risÿnyõmyhÿre Paulo rybe xãwikemy.

Roma

Paulo Ryberiti Roma mahãdu-ò

¹ Paulo jiarỹ rare, tyyritiwidỹdure wahe. Jiarỹ heka Jesuisi Kristu deòdu rare. Tii riwatare rybe tỹnydỹdumy ararekremy. Deuxu Rybewihikỹ wahidỹdumy ararekremy. ² Juhuu dori Deuxu rarybere Rybewihikỹ riwahinykemy. Deuxu rybedu mahãdu kia rybe riritinyre, Ritidỹnatyhy-ki. ³ Kiamy heka Deuxu Riòre rybe tyhydỹnyamy rarybere, Davi riòre riòkòreò wahe. ⁴ Deuxu Jesuisi Kristu rubu-ribi riixixadỹnyreu, tariòremy tahe riteòsinyre rurunatyhy-di. Jesuisi tahe inatyhymy Inynyrỹ ihỹre. ⁵ Tii ruxetòena inydeereny riwahinyre. Irybe òraru-ki, jiarỹboho aròirenykemy watxireri. Ityhyna aritỹnynykemy judeukòdu mahãdu-ò, tai tiiboho rityhynyrenykykemy. ⁶ Kaiboho tule judeukòdu mahãdu atxitenyteri. Tahe Deuxu ityhydỹna mahãdu atxitenyteri, Jesuisi Kristu ijoimy rỹrakemy adeereny rarybereki. ⁷ Ibutumy adeereny warybe rewahinyre, Kia Deuxu taijoimy remyremy mahãdu wahe. Ruxetòena, ywina-wana adeereny-ò kanakemy watxireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reàlamahãre, atyhynareny-ò iny ibutumy roholamyhỹreki. ⁹ Deuxu-ò rexitòenymahãreu, anirenymy rarybehymy watxiwãhãre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe. ¹⁰ Jiarỹ rexitòenyhy watxiwãhãre arorarenymy arakemy Deuxudeewikeki. ¹¹ Umyreny arobikemy watxireri, tai adeereny arelyykemy aõmydỹỹ wihikỹò Deuxu Tyytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre. ¹² Jiarỹ arawiòhenanykemy watxireri, tule kai biwawiòhenanykemy watxireri. Tai rikexideysanytyhykemy inatyhyna-ò. ¹³ Sõwemy heka arahyykemy watxiwãhãre arorarenymy. Iribi nohõti losaõmy tahe wadi rarurunymyhỹre aõbo, riwateònyõhyymyhỹre heka. Jiarỹ Deuxu dee waaõmysỹdỹna awikemy watxireri ayreny-ki. Tai kaiboho ako-ò boikemy wadee awire, iwese ijò judeukòdu mahãduko-ò ararybekremy watxireri wese. ¹⁴⁻¹⁵ Tuheka ibutu iny-ò ararybekremy watxireri, hãwã witxira witxira mahãdu-ò, tule. Iny mahãdu-ò aõkòre mahãdu-ò tule. Tuu ariwinykre ibutumy iny-ò, iny bedeeryrenyõ mahãdu-ò tule. Adeereny tule Rybewihikỹmy arelyykemy watxireri Roma hãwã ludu mahãdu-ò.

¹⁶ Jiarỹ dori Kristu Rybewihikỹ-ki araxỹruòtyhy. Irybe dori Deuxu ruru rare. Ibutumy iny rityhinykeki ritakemy ratxikre. Judeu mahãdu-ò juhUU nade tai tahe iuhe-ò judeukòdu mahãdu-ò. ¹⁷ Deuxu òbitina ratỹnynymy namyhỹde Rybewihikỹwo-ribi. Tyhyna-di ritelenyre tule tyhyna-di ihỹmyhỹre. Inyõ tyhyna-di òbitimy rỹikeki, tii ruruòtyhy, idi awimy rareki.

¹⁸ Deuxu yarana biu-ribi namyhỹde ibutu òraruna hudunamy. Iwidỹdũ hudunamy. Bina widỹdũ dori inatyhyna ribinanyhỹre, raruinymyhỹre Deuxu rybe ribynymyhỹre? ¹⁹ Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhỹre. Tai Deuxu aõhòkỹmy risỹnymyhỹreny. ²⁰ Juhuhukỹle heka Deuxu aõmydỹỹnanamy iny robimyhỹre idi tii tyhynamy tule rierymyhỹre itỹnyhỹkỹlemy, irurunahyy wahe. Aõu aõu kia ibutumy iny rierymyhỹre, Deuxu widỹnyamy iny robireki wahe. Tai tiu iny ixitxiòdỹna. ²¹ Rieryreny tii Deuxumy raremy. Tahe rexiwowydynyõhyre timybo iny Deuxu dee rexiwowydynyhỹkemy wahe. Tamy àlanatyhy riwahinyõhyymyhỹre. Idi rõhõtinyinymyhỹreny Deuxu irayky rõhõtinyinymyhỹre wesemy idi rõhõtinyinymyhỹre. Irayky tahe reòsamy ratximahãre. ²² Tiibohole bedeerytyhymy ixidi rõhõtinyinreny. Tahe itxỹtele roire. ²³ Deuxu rubutere rityhynykenawi tahe tiiboho heka ritxoo deouxõ ireije riwinymyhỹreny tatyhydỹnyamy. Ibinamy heka mywese riwinymyhỹre, nawii

wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhÿrenyre.

²⁴ Deuxu heka òraruna-ò riwahinyrenyre, itxÿtenareny òraru-ki. Iny òta òtadu mahādu heka wiwanale aōòta ixÿruna riwinymyhÿrenyre. ²⁵ Deuxu inatyhyna dori tiiboho riwiurònyra ruina-ò. Ritxoo dee rexitòdenyrenyre, aōbo Deuxu riwinyre, kia. Deuxule iny reālākōmyta ratximyhÿrenyre.

²⁶ Deuxutyhy tahe rityhynyōhyre, Deuxu ibutu widÿÿdu tiu riteālànymy rakananyōtyhy. Kia òraru-ki òtaòtana nade. Hāwyy, hābu-wana aōkō roimyhÿre wideele heka aōhebo rotÿÿnymyhÿre. Kia heka òbiti aōkō rare. ²⁷ Tule hābu, hāwyy-wana aōkō rōimyhÿre, wiwanale aōhebo rotÿÿnymyhÿre. Òbiti aōkō heka kia rare. Riwyrenykre kia òraru òwydÿÿna, aōhōkÿmy dÿÿnana wahe. Iny sohoji sohoji taaōbina ixÿruna òraru-ki ixidee rimykre.

²⁸ Tōhōti heka Deuxu-txi reaōhyymyhÿre. Tai tahe timybo ixideewimy riwinyrenykemy roirenyre Deuxu-ribi. Tahe riwinyrenyre ibutumy aōbina binahakÿle. ²⁹ Aōimy aōko ratximyhÿre aōbina bina-di roiremyhÿ: òtaòtana-di, aōbina binahakÿ-di, aōikōkō-di, rarekemy ixidee ririmyhÿre, teramy heka rÿira. Ihāru-di rÿira iny rubudÿÿmy dori rōhōtinymyhÿre, rarybehymy ratxirerimy ihÿre, ruidu nihikÿ ihÿre, ujōmo-di rÿira. ³⁰ Aōbinamy inymy rarybemyhÿre, Deuxu derare, ixiluulerenyre, rexyhynymyhÿre, òraru tÿmyra riwinyrenyre, tyby tadi-wana rityhynyōhyre. ³¹ Irybe sohoji aōkō heka rare. Iluunaōre, ibinatyhyre, inydee iruxetòeōre. ³² Deuxu rarybere: inyō kia riwinykeki heka ruruke. Tiiboho kia rieryrenyre. Ihāre tahe aōhebo rotÿÿnyre. Kia sohojile aōkō. Reysarenymyhÿre iny witxira iherenyki aōhe rutÿÿnykreki.

2

¹ Tutyhy-ki aōkōramy rybeōmy. Kai dori tutyhyle òraru tewinymahāōte. Inyō rybemy ywisidÿÿna ijōmy rarybeke-wana ixilemy ywisidÿÿna-ò rexythyenye. Tii dori kia ibutumy tule riwinymyhÿre ibinamy wahe. ² Inyō kia aōbina binahakÿ riwinymyhÿkeki, Deuxu ywisidÿÿna-ò inatyhynalemy tamy kòdòhònykre. ³ Kai tuleke —kiamy biwinykeki, Deuxu ywisidÿÿna-ribi mahenyōtyhy. Kai dori ywisidÿÿdumy texideòsinyte ihāre tahe iòraru wesele tewinymahāte. ⁴ Deuxu ruxetòena sōwemy adi rexiruxetòdenanymyhÿre. Kia-di bexirāhikemy adi ratxireri, tiemy ywimy aōna aōna bina riemyhÿre ratximyhÿre, awi heka adee rare. Kai aōbohe iribi òhōti rosakre kia heka arabedeòtiidÿÿnymyhÿre. Arabedewodÿÿnymyhÿre iòraru-ki. Kai aōbohe kia teeryōte? ⁵ Kai arybedÿÿsaeryōre rybe ijohona teeryōte òhōtiōre. Tai tahe Deuxu yarana ixideele tebutunymahāte. Ijōtxu Deuxu yarana txumykreu. Tai Deuxu ywisidÿÿdu òbiti rexitÿnynymy rÿykre. ⁶ Iny sohoji sohoji taaōna aōna myna aōmy rotÿÿnykre, aōhebo rotÿÿnymyhÿreki wahe. ⁷ Inyō aōwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosòna widÿÿmy rarutaamymyhÿrenyre. Tule iny rarehykykrena-di rarutaamymyhÿrenyre. Imyna Deuxu tamyreny riōkre. ⁸ Kia ixidile rōhōtinymyhÿre mahādu tahe, Deuxu woxibrunale, yaranale ritakre. Tii-boho dori inatyhyna rityhynyōhyymyhÿrenyre, aō òbitile aōkō riwinymyhÿrenyre. ⁹ Aōhōkÿmydÿÿnana, bedewona kanakre ibutumy aōbina bina widÿÿdu mahādu-ò, judeu mahādu-ò juhuu idi judeukōdu mahādu-ò. ¹⁰ Wowydyna, àlana, ywina tahe kanakre aōwihikÿ widÿÿdu mahādu-ò judeu mahādu-ò juhu delemy idi judeukōdu mahādu-ò. ¹¹ Deuxu-ò heka ibutumy iny wiwese rare. ¹²⁻¹⁶ Tii heka aōhōkÿmy risÿnykre ibutumy iny òrarudu mahādu. Moisesi bede ywina ihoōrehārele tii rurukre. Judeukōdu mahādu heka Moisesi bede ywina rybe ijōkōre. Tahe bede ywina iny rierykeki, idile Deuxu iòraruna riywinykre. Inyō Deuxu bede ywina rybe roholare tahe rityhynyōre, kia tahe Deuxu dee ibinatyhyre. Ibutumy kia iny rurukre, òtÿÿ iraykywokile aōbo ibinare, aōbo òbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohōtinymyhÿre ada dexiòbitidÿÿnymyhÿde, Rybe

wimy rarybemyhÿre Jesuisi Kristu heka hãbu aõmydÿÿna ritÿnynykre imyna timy rarekremy. Deuxu dori iteradÿÿdure.

¹⁷ Kaiboho, judeu mahãdu, texinohõtinytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiòwatyhy rareki. ¹⁸ Kai heka aõbo Deuxu-ò awire teeryte. Aõbo ibinare, teeryte. Uladuule ibede ywina rybe teeryte, tai òbitityhyle adeereny awire. ¹⁹ Kai Deuxu-ò nonana bitÿnynyke iny ruetã mahãdu-ò dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahã ixi-di tahõtinytenyte. ²⁰ Tule kia ixi-di tahõtinytahãte. Kai bede erydÿÿdukõdu mahãdu erydÿÿdumy atxiterimy ixidi tahõtinytahãte. Uladu erydÿÿdumy atxiterimy ixi-di tahõtinytahãte. Kai bede ywina rybe tyyritiõ dire. Kia adee ibutumy inatyhyna rare bedeerydÿÿÿna. ²¹ Kai iny erydÿÿdumy atximahãte. Timyrekibo kai texierynanyõmahãte. Kai wasimy aõkõ tòerydÿÿnanymyhÿte. Timyrekibo tawasinymahãte. ²² Kai hãwyy òta aõkõ tetÿnynymahãte. Timyrekibo kai tuu tatÿÿnymahãte. Suritxoo dee àlana deramy iximy tarybemahãte. Aõherekibo erydÿÿ-ribi aõmydÿÿÿnana tewinymahãte. ²³ Kai bede ywina rybe luumy iximy tarybemahãte. Kai Deuxu-di texixiwedenymyhÿte. Ihãre tahe bede ywina rybe tetyhynyõte. Kiawese Deuxu texirudÿÿÿnymyhÿte. ²⁴ Iwese juhuu riritinyre wese wiji roimyhÿre: —Aòraru-ki tahe bedemy iny rÿira Deuxumy aõna aõnabinamy rarybemyhÿre. ²⁵ Kai bede ywina rybe bityhynykeki, õtyky resynadike, awire judeu mahãdu dori rare. Tahe bede ywina rybe bityhynyõkeki, õtykyresyna adee aõ aõkõre. ²⁶⁻²⁷ Iwesetyhylemy iny rare tõtyky resynaõ mahãdu. Tiiboho bede ywina rybe rityhynykeki, tõtyky resyna-di mahãdu wesemy roirekre. Judeukõdu mahãdu heka bede ywina rybe rityhynykeki, kia adee ixÿruna rare. Kaiboho dori Deuxu bede ywina rybe tetyhynyõte õtyky resyna dire hãrele. Bede ywina rybe dire hãrele. ²⁸⁻²⁹ Inyõ judeu mahãdu wesemy ihÿre. Ihãre tahe judeu mahãdu inatyhy aõkõ rare. Tõtyky resyna-di judeu mahãdu inatyhy aõkõ rÿira. Judeu mahãdu inatyhy tawokihyyle kia idi rÿira. Iwesele notyky resynadÿÿÿna kia rÿira. Inywokihyyle rare. Aõ bede ywina rybekile aõkõ tuu rÿire inyrayky wydynamile kiawesemy inyõ rÿira. Hãbu-ribi wowodynamy ritaõtyhy. Deuxu ribile ritake.

3

¹ Tibohe judeu mahãdu deewinare. Notyy resynale tamywina. Kia aõbo ibuturatyre awire judeu mahãdumy rareki? ² Inatyhy rare, sõwemy, Deuxu dori tamy juhu Ritidÿÿÿna riwahinyre. ³ Inyõ rityhynyõre-wana kia riwiurònyõhyymyhÿre Deuxu heka òbiti rare. ⁴ Inatyhy urenanamy Deuxu raremyhÿ. Iny mahãdu tahe roidumy rÿiramyhÿ. Iwese ritina-ki roire wese Deuxumy rarybereri: —Kai arybe òbitina-di atximahãte urenana wahe. Inyõ araurihikeki, kai inatyhyna-di biòlòdÿÿnykre. ⁵ Inyboho òbiti aõkõ roire. Kia tahe Deuxu òbitina riteòsinyre. Timykibo Deuxu inydee aõhõkÿmydÿÿÿnana riwahinykre. Mobo heka kia òbitimy aõkõ rarybekre. Jiarÿ hãbu rayky-di wese rarybereri. ⁶ Kia òbiti rare. Kiaweseõkeki timybo Deuxu bede aõhõkÿmy dÿÿÿnana riwahinykre. ⁷⁻⁸ Kai tarybete: —Jiarÿ raruirã. Urile kia Deuxu inatyhyna reteòsinyre. Aõherekibo Deuxu aõhõkÿmy riwasynyre. Kiarybe iwitxira rybewesemy rare: —Ibinamy rakatximyhÿkeki, awihikÿ kia-ribi ròhònykre. Aõkõre, kiamy rybedu mahãdu aõhõkÿmy dÿÿÿnana ritamyhÿkre. Kia riki wamy rarybere, ruimy wahe.

⁹ Aõhe aõbohe, inyboho aõbo inywitxira-ribi awityhyreny. Aõkõre. Jiarÿ reteòsinymahãre ibutumy judeu mahãdu, judeukõdu mahãdu ibutumy òrarudu roire. ¹⁰ Kiamy Tyyriti-ki roire: —Tiu heka inyõ òbitiõre. ¹¹ Inyõ heka Deuxu rieryõhyymyhÿre. Timy heka riòryõhyymyhÿre. ¹² Ibutumy iny rexiõnonymyhÿre Deuxu-ribi wahe. Aõmy aõkõ tiiboho rexiwinyreny. Iny riuheõhyymyhÿre aõbo awiré. Sohoji aõkõ aõhebo rotÿÿnyre aõbo awiré. ¹³ Ibòtòijò heka rubuwabede iraymy roimyhÿre ròwese rare. Tiiboho iny itxenadÿÿÿdu rare. Irybe heka hemylalatyhyju wese rare. ¹⁴ Aõbina binahakÿlemy heka inymy rarybemyhÿre. ¹⁵ Iti heka teyrewa rare hãlubu txiwimy iny rubudÿÿÿmy tule. ¹⁶ Titxibo ramyhÿre-wana heka aõbina binanale riwahinymyhÿre,

aõhõkõyle ririmyhõre. ¹⁷ Tiiboho dori ywimyno rieryõmyhõrenyre. ¹⁸ Deuxu lau heka ruberuõtyhymyhõrenyre, Deuxu rityhynyõtyhy.

¹⁹ Bede ywina rybe heka tatyhydõyõna mahãdu-ò diõde. Kia tahe inyboho rieryrenyre. Tai heka iny rexitxiõnyõtyhy Deuxu-ò. Tai heka ibutu dee aõhõkõmy dõyõnana-ò riywinymy rõyikre. ²⁰ Bede ywina rybe-ribi iny ibutumy rieryre ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rexitaõtyhy iywina òraru-ki.

²¹ Wiji tahe Deuxu òbitina ratõynynymy ihõre bede ywina rybe-ribi lahiximy. Ihetxiu rybedu-di kia ritõynynymy ihõre bede ywina rybe ritina-di. ²² Deuxu riòbitidõyõnyra. Ibutumy Jesuisi Kristu tyhydõyõdu kanakre. Deuxu dee dori ibutumy bede bede ludu wiweselere. ²³ Ibutumy raòrarunymyhõre. Deuxu òbitina tamy rauhenymyhõre. ²⁴ Deuxu taruxetõena-di ibutumy riòbitidõyõnyre Jesuisi Kristu tarasadureki. Tii iny-ribi iòwydimy aõ rexitõenyõhyre. ²⁵ Deuxu Jesuisi-di rubuna iny òraru riixãwididõyõnyre iòwy tii riòwynara, iny kamy rityhynkemy. Kawese-ki Deuxu òbitina ritõynyrara. Juhuu Deuxu iny òraruna-ò reteheõmyhõre aõnityhymy iywisidõyõna direki. ²⁶ Tahe wiji inyòraru-ò retehemyhõre riixãwididõyõnykemy. Tai tahe tii òbitire tule Jesuisi Kristu tyhydõyõdu òbitidõyõdure. ²⁷ Mobo Deuxu-ò rarybekre jiarõ awiremy? Aõkõre, inyõ rarybeõtyhy. Bede ywina rybe tetyhynyõte. Deuxu iny òbiti widõyõdure, ibede ywina ywidõyõ aõkõre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidõyõnyke bede ywina rybe ywidõyõ aõbo? Aõkõre! ²⁹ Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihõre. ³⁰ Deuxu sohojile rare. Iny wiwanale riòbitidõyõnykre judeu mahãdu judeukõdu mahãdu-wana. Ibutumy ityhyna òraru-ki riòbitidõyõnyke.

³¹ Ityhyna aõbo bede ywina rybe riixãwididõyõnyra? Aõkõre, bede ywina ihãre rõire.

4

¹ Timybo ararybekre inytybyreny Abraõmy. ² Aõbo riwinyre aõkõ idi rex-iòbitidõyõnyre. Tai tahe rexityhynyke inyko-ò. Tahe Deuxuko-ò aõkõ. ³ Kamy heka Ritidõyõna-ki roire: —Abraõ heka Deuxu rityhynyre taile tahe rexiòbitidõyõnyre. Deuxu dee tii òbitityhy rare tii rityhynyrekile. ⁴ Iny aõmysõdõyõdu raòwymyhõke iaõmysõdõyõna myna. Urimy aõkõ dori raòwymyhõre taaõmysõdõyõnaòwyle dori ritamyhõre. ⁵ Inyõ rityhynymyhõkeki, tii òbitina ritamyhõre Deuxu-ribi. Deuxu dori òrarudu mahãdu òbitina widõyõdu rare. Kia uriõno rare. ⁶ Davi heka juhUU riritinyre iwese teysatyhymy iny rarekremy wahe. Deuxu dori òbiti mahãdu dee riraykydõyõnyre òbitimy roirekemy. Tii ixidee aõ riwinyõre. Davi kiawese riritinyre: ⁷ —Teysatyhymy iny rõirakemy Deuxu iòraru riixãwididõyõnyreu tõhõti-ribi iòraru rosakeu. ⁸ Teysatyhymy iny rõirakemy iòraru-txi Inynyrõ nohõti ijeraõmy ihõkre. ⁹ Deysana aõbo judeu mahãdu sohojile riteysanymyhõre ida judeukõdu mahãdu tule. Tulere! Inyboho dori rarybere: —Abraõ tyhynale tamy òbitina diwahinymyhõde. ¹⁰ Tiubo tahe Abraõ òbitina ritare notyky resynako-ki ada ihewo-ki aõbo, ikoure. ¹¹ Juhuu dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydõyõdu tyby wese rare, Judeukõ mahãdu wahe. ¹² Notyky resynako-ki òbitina ritare. Tõtyky resyna-di mahãdu tyby wesemy riki Abraõ ratximyhõre. Tiile tõtyky resynakõ-ki Deuxu rityhynytyhymyhõre. ¹³ Deuxu Abraõ-ò rarybere tii ibutu bede bede wedu wesemy ratximyhõre iriòre iribi rimyky. Tahe bede ywina rybe òraru-ki aõkõ tuu ihõre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre. ¹⁵ Bede ywina rybe dori Deuxu aõhõkõmy dõyõnana diõde iny ribedeerynykemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijõõre-wana òraruna ijõõre. ¹⁶ Tahe inatyhyna-di sohojile iny aõna aõna wiwihikõ ritamyhõke. Tai iruxetõena-ribi nade. Tahe aõmybo Deuxu rarybere ibutu riòreriõremy tuu rõyikre. Bede ywina rybe mahãdu tule bede ywina rybekõdu

mahādu-wana wiwana Deuxu rityhynyre. Abraõ riõre wesemy ibutummy tai inyboho roire. ¹⁷ Iwese Ritina-ki roire wese: —Jiarỹ aratare ibutu inytyby wesemy mabekemy. Ibutummy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahādu riixixanymyhỹre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre. ¹⁸ Timy heka rariõrenykemy ixidee rõhõtinyõhyymyhỹre. Deuxu dori tamy rarybere: —Kai heka ariòkòrereny sõwemy atximyhỹkre. Kai hāwā hāwā tybymy mabekre. ¹⁹ Abraõ tatyhyna ritxiõnyõhyyre. Timy heka 100 beòramy idi ratximyhỹre, ixāwire uladu-ribi ramatuarinyreki. Tule ihāwyy Sara iuladu herina-di kõremy rõhõtinyre. ²⁰ Timy heka ritxiõnyõhyyre Deuxu Rybe. Rityhynymyhỹre Deuxu deàlāna riwowydinyre. ²¹ Tii heka rierymyhỹre Deuxu irurudire irybe wesemy aõ rỹkemy. ²² Tai tahe Deuxu tamy õbitina tamy diwahinyde. ²³ Aõ iòraruki aõkõ kia ryberitina awimy raeryre, tamy sohojile aõkõ dori rarybere. ²⁴ Iny òraru-ki tule kia tuu roire. Iny tule inatyhyna-di õbitina ritakre. Inyboho dori rityhynymyhỹre, Inynyrỹ Jesuisi rubu-ribi ixixana widỹỹdu Deuxu raremy. ²⁵ Jesuisi iòludu-ò iwahidỹỹmy rara inyòrarureny-ki tai rurure. Tahe iny õbitina wahidỹỹna-ò diixixanyde rubu-ribi.

5

¹ Jesuisi tyhydỹỹ òraru-ki Deuxu inyboho rimyrenyire. Idi awimy rokoirekremy tii-wana, Jesuisi Kristu-wana wahe. ² Deuxu ruxetðenawo-ki inyboho rotamanymyhỹrenyire. Jesuisi Kristu tyhydỹỹna òraru-ki tamy rotamanymyhỹre. Deuxu loosõna worojuxanaõ-di rokoirekre. Tai inyboho reysamy ihỹre. ³ Inyboho bedewona-di hyy ihỹrenyire. Ihārele tahe inyboho teysarenyire. Kia dori iny riwiðhenynymyhỹre rarõsõna ijõdikemy ruru inydeereny riwahinykemy. ⁴ Inyboho rikijjerenyhyykeki, Deuxudeewimy rikiwinyrenyke. Deuxudeewina rikiwinyrenykeki, rarõsõna rikitarenykre. ⁵ Iny rarõsõna tarasana aõkõkeki, uritere rakabedewoõtyhy, Deuxuluuna dori inywo-ki ratxireri. Deuxu Tyytybytyhymy inydeereny wahidỹỹna rare. Tii dori inyworeny-ki Deuxuluuna ritidire. ⁶ Iruruõmy inyboho roiremyhỹre awimy riwinykemy. Tai tahe Kristu inydeereny, inyboho ibinare hāre rurure, Deuxudeewireu. ⁷ Isirare inyõ hābu õbiti dee ruruke. Tahe hābu wiwihikỹ dee õsana iny rurukre, kia heka irutaõre. ⁸ Deuxu tahe luunatyhy inydeereny diteõnyde. Iny òrarudurenyre hāre, Kristu inykireny rurure. Juhuu heka inyboho òrarudu roire. Ihārele Deuxu taluuna nihikỹ inydeereny diteõsinyde. Tai heka Kristu inyòrarureny-ki rurure. ⁹ Irubuna òraru-ki heka Deuxuru-ò inyboho õbitimy ihỹrenyire. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhỹre. ¹⁰ Juhuu Deuxu òludu inyboho roire. Tahe wiji ibiðwamy inyboho roire, iriõre iny òrarureny-ki rurureki, wahe. Wiji tahe rybe òludu mahādu-ribi wiutādānamy rỹire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki. ¹¹ Inyboho heka iwitxira Deuxu-wana ratximyhỹrenyire. Tai tahe reysamy ratximyhỹre. Inyboho Deuxu biðwamy ratximyhỹrenyire. Jesuisi Kristu Inynyrỹ òraru-ki heka ture.

¹² Hābu sohoji òraru-ki òraruna bedek-ki ralore juhū, Adaõ òraru-ki wahe. Taile tahe rubu nade bedek-ki. Idi ibutummy iny raðrarunyre. Adaõ òraruna-txi resereu, rubu ibutummy iny-ò resere. ¹³⁻¹⁴ Juhū Adaõ rurure. Iribi tahe ibutummy iny rurure. Moisesi tule rurure. Tahe bedek ywina òraru-ki aõkõ tiiboho rurure. Bedek ywina dori Adaõ rubu hewo-ò Deuxu riwahinyre Moisesi-ò. Deuxu heka iny òrarunamy aõkõ rõhõtinyre, tabede ywina dori kiau riwahinyõre. Adaõ heka Deuxu rybe rityhynyõre, tai tahe rurure iwese Deuxu rarybere wese. Tule iòraruna òraru-ki ibutummy iny raðrarunymyhỹrenyire. Adaõ heka Jesuisi-ò rakewesenanykre. ¹⁵ Tiiboho wiwanale aõ kabede-ò aõ diwymyhỹdenyde. Adaõ heka rubu diwyde. Jesuisi heka runa diwyde. Adaõ heka sõwemy iny-ò rubu riwahinyre. Jesuisi tahe sõwetyhy-ò Deuxu ruxetðena riwahinyre, tarasana tamyreny riwahinyre. Òraruna sohoji-di heka Adaõ rubu riwahinyre ibutu iny-ò. Jesuisi tahe ibutummy iny-ò biu-ò hena riwahinykemy ratxireri iòraruna sõwere

hãrele. Umytuedeõna wahidÿÿdu tii ratxireri. Kia awityhyre. ¹⁶⁻¹⁷ Inatyhymy Adaõ widÿÿna ibinare. Jesuisi widÿÿna heka awityhymy rare inydeereny. Inyboho dori Jesuisi-wana irumy ratxirenyre aõu aõu kowa bede wihikÿ-ki, Deuxu òraru-ki. ¹⁸ Aõhõkÿmy dÿÿnana heka Adaõ widÿÿna diwyde ibutumy iny-ò. Jesuisi tahe òbitina diwyde ibutumy inydeereny. ¹⁹ Adaõ heka Deuxu rybe rityhynyõre. Tai iny sõwemy òraruna-txi resere. Jesuisi tahe Deuxu rybe rityhynyre. Tai iny sõwemy heka òraruna-ribi ritare. ²⁰ Deuxu tabede ywina rybe riwahinyre. Tai tahe iny aõbina rierymyhÿre. Òraruna-di sõwemy ihÿreki, tai Deuxu ruxetõena sõwetyhymy ihÿre. ²¹ Juhuu òraruna ratximyhÿre iny umyreny-ki. Inydeereny rubule riwahinyreny. Wijile tahe Deuxu ruxetõena riwahinyre inyummyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrÿ òraru-ki heka, umytuedeõna inyboho ijõdire.

6

¹ Timykibo Deuxu inydireny rexiruxetõenykeu watxireri Deuxu ire inydireny raruxetõenykemy ire rexiòrarunanymyhÿre hãrele. Timyki tuuõna. ² Aõkõhyre. Inyboho heka òraruna dee rubumy ihÿreny. Timykibo iny ihymy òraruna-txi rekeseke? Aõkõhyre. ³ Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururenyre. Kia teerytenyete. ⁴ Tiu inyboho risebenyre Jesuisi òraru-ki, tii-wana inyboho rurure. Tai iru tÿmyra-di inyboho ihyre. Iwese Deuxu taruru-di Jesuisi riixixadÿÿnyre wese tule inyboho iru tÿmyra-di rokoireke. ⁵ Iwese tii rurure wese, inyboho tule rukurenykre òraruna dee. Iwese Kristu rexixadÿÿnyhe wese inyboho tule òraru-ribi ixãwira tii-wana rarehyykremy. ⁶ Iny umy tyby tule rurure Kristu itxè-ki. Tai inyboho heka òraruna deòdumy aõkõ ihÿreny. ⁷ Inyõ rurukre, tii òraruna-ribi ixãwimy ihÿre. ⁸ Inyboho Kristu-wana rurukeki, tii Kristu-wana irumy ratxikre. ⁹ Kristu rexixare tii ixyby ruruõtyhy. Rubu ixyby tamy reaõtyhy. Kia tahe inyboho rierenyre. ¹⁰ Jesuisi rurure, iny òraruna ixãwina rubulemy rurure. Wiji tahe irumy ihÿre Deuxudeehy. ¹¹ Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrÿreny Jesuisi Kristu tyhydÿÿki. Kiawesele mohõtinyke Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyete. Òraruna-txi ixyby besekeõtyhy. Ixideewimy aõkõ rikiwinyrenyke, aõ ibina wahe. ¹³ Aumyreny biwahinybenyke Deuxu-ò iwese iny iru tÿmyra-di ihÿreny. Tai tahe òbitile biwinybenyke, òraruna-txi beseõtyhy aõ iyja aõkõ. ¹⁴ Òraruna rybe-ò ijohorenyõmy. Tii dori awedu aõkõ rare. Deuxu ruxetõena-ò bexiweloromahãbenyke.

¹⁵ Aõbo tahe awityhyre. Ruxetõena òraru-ki aõbo rekexiòrarunymyhÿke. Aõkõhyre. ¹⁶ Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunybennyõtyhyke òraruna bityhynybenykemy. ¹⁷ Wowydyna Deuxu-ò kanakemy watxireri. Juhuu kaiboho òraruna deòdumy ahãtenyete. Tahe wiji inatyhyna erydÿÿna tetyhynytyhytenyete. ¹⁸ Wiji tahe kaiboho òbitina deòdumy atxitenyete. Tahe Deuxu deòdumy wiji toite, tii ixideewimy timybo adirenykre. ¹⁹ Iwese juhUU òrarunawidÿÿna-ò texiwahinymahãte wese, wiji bexiwahinybenyke Deuxu-ò, òbitiwidÿÿna-ò wahe. Òbitimy rarybemahãre, itÿnytyhy kaiboho dori õhõtitymy toite aiximynatyhyrenyõ òraru-ki. ²⁰ Òraruna deòdumy atxitenyete, Deuxu tetyhynyõtenyete. ²¹ Kia aõmydÿÿnana wiji ixãruna adeereny rare. Aõbo tahe awimy juhUU tewinytenyete. Kia heka rubule riwahinymyhÿre. ²² Òraruna-ribi ixinamy atxitenyete. Kaiboho Deuxu-ò ibutumy texiwahinyte. Tai umytuedeõna tetatenyete. ²³ Òraruna òwy heka rubu rare. Inyõ òraruna riwinykeki, tii ruruke, kia òraruna òwy rare. Deuxu wahidÿÿna tahe umytuedeõna rare, Jesuisi Inynyrÿ rurureki wahe. Idi tiile-wana tukre.

7

¹ Waityhydÿÿdu seriðre, kaiboho bede ywinamy teerytenyete. Tai bieryke aomybo ararybekre. Inyõ irulemy rariakekile, bede ywina tamy aõ rare. ² Arawesenanykre. Hãwyy heka ihãbu-wana ihyymy ihÿre bede ywina myna. Hãbu rurukeki, tahe ixinamy ihÿre ijõ-wana roikremy. Hãbu ruruõkeki tahe, ixinamy aõkõ ihÿre, ijõ-wana roikremy. ³ Inyõ-wana roikeki, hãwyy wedenamy raninikre. Ihãbu rurukeki, tii ixinamy rarekre. Ijõ-wana roike. ⁴ Kia wese rare, waseriðreboho, ayreny-ki. Kaiboho bede ywina dee tarutenyete. Kaiboho dori ityhydÿÿdu mahãdu atximahãtenyete. Kaiboho Deuxu hõrõ mahãdu atximahãtenyete. Rubu-ribi ixixadu mahãdu atximahãtenyete, Deuxudeewina biwinybenykemy. ⁵ Juhuu ixideewile aõ tewinymyhÿtenyete, rubu aõmydÿÿnana wahe. ⁶ Wijile tahe bede ywina-ribi ixinamy inyboho roimyhÿrenyete. Iwese ihetxiu tyyriti bede ywina rityhynymy aõkõ ihÿreny, wiji Deuxu Tyytybytyhy aõmydÿÿnana inyboho rityhynyrenyete.

⁷ Timybo? Bede ywina aõbo ibinamy rare. Aõkõre. Ihoõkeki tahe òraruna jiarÿ arieryõtyhy. Bede ywina rarybere wasiõmy. Kiale reeryete aõbo wasimy rare, inyõ aõ arimykemy watzireriu, kia òraruna wasiweselemy rare. ⁸ Timyki, jiarÿ òraruna waerysyõna bede ywina tuu rarybekõkeki. Bede ywina dori aõbina binamy riwabe-deerynetye. ⁹ Jiarÿ juhuu bede ywina reeryõre. Reeryete tahe aõmydÿÿnana binale wadee rarerenyete. ¹⁰ Deuxu heka bede ywina riwahinyete juhuu. Tamy ruru riwahinyete bede ywina wahe. ¹¹ Tahe bede ywina òraru-ki heka òraruna riwahinymy. Tai tahe õnosõna riwarubunyete. ¹² Kia bede ywina tahe awi rare, òbiti rare. Õnosõna awi rare. ¹³ Timybo rare. Òbitina aõbohe riwarubunyete. Aõkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reerynetye. ¹⁴ Bede ywina heka Deuxu Tyytybytyhy aõmydÿÿnana rare. Jiarÿ heka inyle rare, òraruna heka wawedu rare. ¹⁵ Aõbo warayky dee ibinarele, kiale rewinywãhãre. Aõbo awimy warayky dee rare, kia rewinyõhyete. Aõherekibo? Reeryõre. ¹⁶ Rexierymyhÿre aõbo rewinywãhãre. Reeryete kaa bede ywina awi rare. Tai heka rabadewomy watziwãhãre. Jiarÿ dori bede ywina bede ywina riti reerymy watziwãhãre. ¹⁷ Retxiõnymy watziwãhãre. Waruruõhy heka watziwãhãre. Aõwi ariwinykeò. Òraru heka iõhõmy waribi ratximyhÿre waruru ratyete ratximyhÿre waribi. Tai heka òraru rewinywãhãre. ¹⁸ Waumy ehetyxina tahe ibinatyhy rare. Aõbo awi rare heka ariwinykemy rewisywãhãre ta heka rewinyõhywãhãre. Aõwi rewinyõhywãhãre! ¹⁹ Jiarÿ rarurunymãhãre heka aõbina ariwinykõkemy. Tahe ihãrele heka rewinywãhãre. ²⁰ Reeryete aõhebo ratÿÿnymyhÿre. Jiarÿ ixìðrarudÿÿ wãðraruna wadi raitxÿteitxÿtenymyhÿre. ²¹ Deuxudeewimy heka ariwinykemy watziwãhãre. Tahe araðrarunymãhãre. ²² Waumytÿmyra rarurunyetyhymãhãre Deuxudeewi widÿÿna ariwinyke. Awityhy rare wadee. ²³ Ijõ tahe waumywo-ki, waraykywo-ki, ratximyhÿre, waumyehetyxina waki ratximyhÿre. Wadi rarurunymyhÿre riwamymy ratximyhÿre. Aõbina widÿÿmy heka wadi rimymy ratximyhÿre. Reòludunyõhyymyhÿre waraykymy heka rahaÿnanymyhÿre. Aõwesele heka tuu rahaÿnanymyhÿre, riòludunyõmyhÿreki wahe. Raraykynymãhãre warayky-ki, Deuxudeewimy watzikemy. Tule tahe reerymãhãre òraruna deòduò jiarÿ rare wahe. Waumytÿmyra tahe wadee rarybemyhÿre òbitimy aõmydÿÿnana ariwinykemy. Waumyehetyxina tahe kialemy wadee rarybemyhÿre —òraru ariwinykelemy. ²⁴⁻²⁵ Tai heka urile warayky raleileinymyhÿ. Mobo riwatake waumyehetyxina bina bina aõmydÿÿnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateõnymy wadi rarekre. Wowydyna tamy ariwahinyete.

8

¹ Tai heka Jesuisi Kristu tyhydÿÿdu mahãdu rubutyhy-ò heka raõtyhy. Deuxu heka tii ritarenkyete tii-wana rarehyete. ² Deuxu-ò Tyytybytyhy dori warurutymyra-di riwarurudÿÿnyetyhyete. Rubu-ribi dori Jesuisi Kristu riwatare ixinamy ararekemy. ³ Inyboho heka Deuxu Bede Ywina rierynetye, Moisesi tyyritina wahe. Tii heka iny òraruna-ribi

iny ixinamy ririradỹnyrenyhyre. Jesuisi Kristule, aõbo, òraruna ruru rahumyhyre. Aõma rakahurenyõtyhy heka iny rururenydi aõma òraruna ixitawo-di. Rikityhynyrenyõtyhy heka aõma ixitawo-di aõbo bede ywina Tahe Deuxu tariòre diteònyde iny umyreny-wesemy wahe. Tiu heka iòrarunaõhyre. Tai heka rexiwahinyre iny òrarureny-ki. ⁴ Tai rikityhynyrenyke aõma Deuxu bede ywina. Iny nohõtireny rosake aõbo umy ehethinareny inydeereny rarybemyhyré. Ijohonarenyõmy ta, irybe-ò, Deuxu Tyytybytyhy rybeòle rokoholamyhyreny. ⁵ Aõbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhyke. Ixideewimy widỹmy burubenykeki tahe, aõwaxina bohobabenyke umyehetxina rybe-ò. ⁶ Deuxu Tyytybytyhy rybe-ò ijohona heka iny umytỹmyra-ò ridymyhyre, umytuedeõna-ò, ywina-ò. Umy ehethina rybe-ò iny rohola wana, tahe rubu-ò iny ridymyhyre. ⁷ Umy ehethina dori aõma rare, Deuxu òludu. Deuxudeewimy aõkõ heka riwinyry ihỹre tiu riwinyõtyhy. ⁸ Inyõ ibutumy òraruna ixideewimy riwinykeki, tiu heka Deuxudeewina riwinyõtyhy. ⁹⁻¹¹ Kaiboho tahe kiawesemy aõkõ heka toite. Deuxu Tyytybytyhy heka aworeny-ki rasỹnyrenyhyre. Tai heka umytỹmyraõ heka kaiboho ijõdirenirenyre. Deuxu Tyytybytyhy heka kaiboho ijõdirenirenyke. Inyõ Deuxu Tyytybytyhy ihoõkeki, tiu tii ityhydỹdu aõkõ rare. Aumytyhy heka rurukre aòrarunaõ direki wahe. Atytyby tahe iruhymy ratxikre, Kristu dori aòraruna riixãwididỹnyreki wahe, Deuxu araòbitidỹnyreki wahe.

¹² Tai waityhydỹdu seriòreboho. Umy ehethina rybe-ò uritere ijohonarenyõmy. ¹³ Irybe deradỹna-ò beòbybenykeki, kaiboho heka burubenyke. Aõkõkeki arurenymy mariabenykre, Deuxu Tyytybytyhy-di wahe. ¹⁴ Ibutumy Deuxu Tyytybytyhy rybe-ò roholamyhyre mahãdu, tiiboho tahe Deuxu riòre roire. ¹⁵ Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aõkõ wahe, buberubenyõtyhy. Waha-my tahe marybemyhybenykre heka. Deuxu Tyytybytyhydile wahe. ¹⁶ Ijoiarenymy rakatxirenirenyke. Aõmybo Deuxu Tyytybytyhy-di inydeereny roimyhỹreki heka, tuu inatyhymy rakatximyhỹrenirenyke inyboho iriòre roireny wahe. ¹⁷ Ibutumy aõbo Jesuisi Kristu inydeereny riwahinymyhyke heka, tule inyhõrõ reny heka rare. Iwese tii wowydyna iribi rikitarenirenykeki, tii-wana heka aõhõkỹmy rokotỹnyrenirenyke.

¹⁸ Aõhõkỹmy rokotỹnyrenirenyke tahe aõnihikỹmy aõkõ rare, urihimyoòle wahe. Inydeereny dori wowydynaõ kidiwahinykre, sòwetyhymy. ¹⁹ Ibutu bede bede aõna aõna riraòmy roimyhỹre, aõma-ò, Deuxu Riòre mahãdu ibutumy rubu-ribi ixixana kiditỹnyrenyke, rexixamy ibutumy rỹirakre idi biu-ò rirahukre wahe. ²⁰ Kiatxu tahe ibutumy bede bede raaòbinanyke. Iwese Deuxu juhoo riwinyre-ribi resere iny òraruna òraru-ki. Deuxu dori tuu bede riwinyre txioinyhe tahe, raròsòna rỹire, riwitxiranyke. ²¹ Rekeysarenirenyke heka Deuxu riòremy heka rakatxirenirenyke. Tii ibutumy bede bede-ribi iny ritarenirenyke ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritỹmyranyke iwese tariòre itỹmyrare wese. ²² Kaa wiji tahe ibutu aõna aõna aõhõkỹmy rotỹnyreny rỹira iròdu alòbòròna, ibutumy heka uladu ijira dese wese heka riijemy aõna aõna rỹira. Aõma, ixixanatxu dehemynykòlemy roimyhỹreki wahe. ²³ Tiibohole sohojile aõkõ, tule inyboho Deuxu Tyytybytyhyre hãre, kia delemy inydeereny rawahinyre hãre, aõhõkỹmy rotỹnyrenyhyrenyre idi tiu Deuxu tariòremy risỹnyrenykeny riraòmyhyre. Kia tahe inyboho riraòmyhyreny. ²⁴ Inyboho dori tararòsòna-ki kawese awirenyre. Inyõ iraròsòna itỹnykeki, aõbo tahe riraòmyhyke. ²⁵ Tai tahe Deuxu rikityhynyrenyke rikiraòrenymy aõma, inydeereny tuu raryberé, rikitarenykré. Rikiyrymy rikiraòmy rokorokomyhyrenyke.

²⁶ Iwesele tahe Deuxu Tyytybytyhy heka iny riwiòhenanyrenyke. Inyumy aõmydỹnanareny heka aõhebo rotỹnyrenyhyre txuõ txuõlemy iny riwiòhenanyrenyhyrenyke. Inyboho riwiòhenanyrenyke aõma inyboho rierykòreki ixitèdèdỹ. Deuxu Tyytybytyhy inydeereny dori rexitèdènyrenyhyre tii inyboho heka aõmy rybe inyboho rierykòmyhyrenyre inydee risỹnyreny rarybemyhyre

tuu. ²⁷ Inytybyreny heka ibutumy inyraykyreny, inyworeny, rierymyhÿre. Tii heka rexitòenymyhÿre inydeereny iny òbitinaren-y-di, iny ywinaren-y-di iny riixitòedÿÿnymyhÿreny. ²⁸ Ibutumy aõbo inydeereny rabeledÿÿnananymyhÿré heka inydeereny awire. Deuxudeewina heka rikiwinyrenyke inydireny ratximyhÿre Deuxu dori inyluuren-y. Tii dori iny ridy-re tariò-re wesemy. Tii dori kiamy juhuu ròhòtin-y. ²⁹ Juhudihikÿle Deuxu ròhòtin-y mobo tamy rakemy. Tahe tiu rierymyhÿre mobo aõma inyboho tamy kanakré. Tiu heka rierymyhÿre timybo widi rarekré, tariò-re wesemy idi rarekré. Iriò-re heka sòwemy iseriò-re relekre. Iriò-re tahe juhuule ityhydÿÿdumy iuhe rÿire, iseriò-re wesemy wahe. ³⁰ Tii heka inyboho rihitxinyren-y. Tii heka ryrymyhÿre tamy, kanakemy. Tii inyboho tamy ritehemyny-reu, heka inyboho tamy ritehemynyren-y. Iny òraruna-ribi inyboho riixāwididÿÿnymy Deuxu, Jesuisi, Deuxu Tyytybytyhy ywina heka inydeereny riwahiny-re.

³¹ Ywimy rakatxirenykemy heka inydeereny ròhòtinymy ihÿre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikÿre. Deuxu heka inyworeny-ki ratximyhÿre. Tii heka inydinoduren-y. Inyòluduren-yòhyre ratxirenyke, sohojiò. ³² Ibutumy inydeereny riwahinykre —inydeereny dori taRiòretyhy dori diwahinyde. Diwahinyde heka inydeereny rurukremy. Deuxu heka iny riixāwididÿÿnyren-y. ³³ Inyboho heka òbitimy ratximyhÿren-y tamy rakatxirenykemy. Tii dori iny riwinyren-y òbitimy. Inyò rarybeòtyhy iny òbitimy aõkò ihÿre. ³⁴ Inyò heka inymyren-y rarybeòtyhy rukururen-ykemy. Jesuisi Kristu dori inydeereny rurure, iny òraruren-y-ki. Tii ixityre rubu-ribi rexixare inydeereny. Katahe rononymhÿre Jesuisi heka rexitòenymy rononymhÿre inykireny. Deuxu-ò heka iny riixitòedÿÿnyremy inydireny rononymhÿre. ³⁵ Tiu heka rihitxinyòtyhy, aõma Jesuisi Kristu luureki wahe. Aõhòkÿmydÿÿnana dori rakatxireny. Tii heka iny rirubun-yrenyke. Iny rama rirubun-yrenyke inieruòmy. Bede brebuwo-ki rakatxirenyke. Inymyren-y rarybemyhÿkre. iny rirubun-yrenykre. Ta Deuxu inywanaren-yhy ratximy ihÿre. Tiu heka Deuxu-ribi aõ iny rihitxinyren-yòtyhy. ³⁶ Inyboho heka rubu riraòhyky ratximyhÿren-y, rexiwinyhykyle. Kia rikiwinyren-yke aõma Deuxu luuna-di xiery —iwese budoeni tarubuna riraòmy rÿimyhÿre wese. Deuxu rybe inykoreny tuu relyymyhÿre. ³⁷ Taiki heka imahāduy-ribi rokotarenykre. Kia òlòna inyhòròren-y rare. Kristu dori inydeereny rurure. Aõ heka iny rihitxinyren-yòtyhy Deuxuluuna-ribi. Rubu dori iny rihitxinyren-yòtyhy. Umy tiu iny-ribi rihitxinyòtyhy. Ýju dori tiu iny rihitxinyòtyhy. Aõbinahakÿ heòty, rubu bina heòty dori tiu Deuxu luuna-ribi rihitxinyòtyhy. ³⁸ Aõ heka iny rihitxinyòtyhy Deuxuluu-ribi. Biu wenonana dori, beheÿ ratyre, tiu Deuxu luuna-ribi iny rihitxinyòtyhy. Wiji aõna aõna itòmo rahudi aõna aõna, aõtxi aõna aõna tiu iluuna-ribi rihitxinyòtyhy. ³⁹ Kia ibutumy wadee inatyhy rare. Jesuisi heka Deuxu inydeereny ritÿmynymyhÿre ibutumy iluuna iny òraruren-y-ki rurureu.

9

¹ Kaiboho waijoireny, waityhydÿÿdu seriò-re mahādu. Kristu hòrò jiarÿ rare, inytyhy rare. Deuxu Tyytybytyhy, Jesuisi Kristu-wanale rierymyhÿre kia inatyhy rare. ² Rabedewomy heka watxireri waijoi rityhynyòreki. Deuxu Tyytybytyhy kia rieryre. Txuò txuòlemy, ruò ruòlemy rabedewomy watxihāre. Txiole txiole aõmydÿÿnanamy adeereny ararybeke kaiboho tarasanaò boibekemy. ³ Deuxu riwatxuhoke Kristu-ribi waijoi deròwmy, iwìdhedÿÿkeki. Jiarÿ heka ihyy arurukemy waijoi ityhydÿÿdukòdu mahādu wahe ixì-di tamyren-y rahòtinymy watxireri. Kia biu-ò hena ritaren-ykemy wahe. Tahe aõkò-re heka. ⁴ Deuxu heka tamyren-y sòwemy diwahinyde. Ihārele tiiboho ijohona deramy rekoamahāren-y. Aõma, rihitxinyren-y heka taijoirenymy. Ridyren-y heka bederahy-ò loosòna-ki biuwetykywo-ki. Tahe tamyren-y rarybere tii iluurenymy. Tamyren-y heka sòwemy aõ kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryren-y. ⁵ Tamy heka Deuxu wowydynaò riwahinyren-ykemy Deuxu teòduò kanake tii tamy rarybere.

Tybyreny dori ilahiboho dori rityhynyreny, tii Deuxu sōwemy rityhynyreny. Kristu tahe tule judeu mahāduō ratximyhÿre, waijoi wahe.

⁶ Deuxu rybe inatyhytyhy rare. Sōwemy iny judeu mahādu wese roire. Ibutumy tahe judeu mahādutyhy aōkō roire. ⁷ Ibutumy judeu Abraō riōre riōre rÿira mahādu aōkō heka Deuxu riōremy rarekre. Deuxu heka Abraō-ò rarybere: —Ijai riōrele ariòkōre rarekremy ijō aōkō. Ibutumy Abraō riōre, Ijai riōre aōma ityhydÿÿdu aōkō roire. ⁸ Ijō iriōrekōna mahādu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahādumy rÿira —judeu mahādu tyhy wahe. ⁹ Juhuu tahe Abraō-ò Deuxu rarybere: —Ahāwyy Sara, iriōredikre ijō beōrau wahe. ¹⁰⁻¹¹ Iu tahe Ijai iriōre hāwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriōredelamy reakre riywinyra. Ijō tahe Ijaò ini rarekre. Kawese Deuxu rarybere uladu reakōule: —Jiarÿ heka Ijaòmy retamy rarybere Ijau aōkō. Jiarÿ aōna aōna sōwemy tamy adiwahinykre. Deuxu kiamy rarybere Ijau reakōule. Tiu aōwiihikÿ aōbina bina riwinyke aōkō. Myle roireri. Deuxu riteòsinyre ijō tarasanamy reake-ribi tahe ijōle tuu reare. Aō uladu tuu riwinyreriki aōkō Deuxudeewimy tuu riwinyre. ¹² Juhuutyhy Rebeka-ò rarybere: —Idela taseriōre deòdumy rarekre. ¹³ Iwese tyriti-ki roire wese: —Ijaò iluure tahe Ijau aōkōre.

¹⁴ Aōmybo tahōtinyteri? Deuxu aōbo adee ibinare kia riwinyreki? Aōkōre heka. ¹⁵ Deuxu rarybere Moisesi-ò: —Jiarÿ heka awimy inyōdee ariwinykre, tahe tuu ariwinykre. Inyōdee ruxetōena ariwahinykeki, tamy ariwahinykre iixideewimy. ¹⁶ Deuxu ruxetōenale heka rare, iny aōmysÿdÿÿ sōwehekÿmyreki aōkō inydee tarasana riwahinykre. ¹⁷ Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kÿny ariwahinyre ruruō kai bonyke iòlòmÿ. Tai tahe ibutumy iny wani wiihikÿ-ò roholakre. ¹⁸ Ibutumy Deuxu iixideewimy tuu riwinyrÿ rÿirakre. Ruxetōena riwahinyke tamywi tahe riwahinyra.

¹⁹ Inyō tahe wadee timy rarybeōtyhy: —Aōherekibo kawesemy Deuxu inyō aōhe risÿnykre ada amobohe Deuxu aōwidÿÿna deramy reakre. ²⁰⁻²¹ Tiu moō rarybeōtyhy Deuxumy ibinamy. Iu inyō butxi riwinykreu, aōma sudeō rimykreu, riwinykre heka butxiwiihikÿō tamywikeki. Ibinaō riwinykeki tasÿ iwesele riwinyke ibinamy tuutyhymy. Bedenamy riwinyke noijaka tamy ridemyhÿkemy. Ijō butxi tamy wikeki. ²² Iwesele heka Deuxu rare. Rebureke heka inyōdee raykarananyke. Ijō-ò tahe awike ta ruxetōena-di riwiòhenanyke iaōna aōna riijemy. ²³ Idi tahe rōkōhōtinyreny timybo Deuxu wina, Deuxu loosōna awiremy iruxetōena inydeereny riwahinyhyymyhÿre. ²⁴ Judeukōdu mahādu Deuxu ritare. Judeu mahādu yribi sohoji aōkō. Inyboho. ²⁵ Osea tyriti-ki rybeō kiamy tai roire Deuxu rarybere wahe: —Ijō mahādumy sÿ aronykre wariōremy. Tahe waijoiy-ribi aōkō waijoiō mahādu aōkō waijoimy arininikre idi aritakre. Tuumy ararekre. Tiu heka luuna juhuu inyō rewahinyōhyre. ²⁶ Deuxu rarybere tiu: —Kaiboho juhuu waijoi aōkō toite, tuuōmyta kowa-ki wariòerenymy boibekre. ²⁷ Isaia tule rarybemyhÿre aōma judeu mahādumy wahe. Sōwemy, sōwemy imahāduō hāre tahe, ibutumy tarasanamy reakre. ²⁸ Deuxu ele elemy rotÿÿnykre timybo rarybere myna. Ijō-ò ruxetōena riwahinykre ijō-ò adehuna riwahinykre riixāwidinyrenykre. ²⁹ Ijō Ritidÿÿna-ki Isaia rarybere: —Deuxu ibutu dinodu heka ruxetōena riwahinyōkeki, ibutumy judeu mahādu riixāwididÿÿnykre iwese Sodoma hāwā Komora hāwā-wana riixāwidinyre wesemy wahe.

³⁰⁻³¹ Timybo rakaryberenykre kia aōmydÿÿnanamy? Kialemy: —Judeukōdu mahādu-ò Deuxu tarasana riwahinyre tiu Deuxu riijeōhyymyhÿre hārele. Judeu mahādu heka rityhynykemy idi ratximyhÿre ibede ywidÿÿna-di tahe tiu heka ritaōhyymyhÿreny tarasana. ³² Bede ywina rybe riyrubunykehāre awikehāre tiu tarasana ritaōtyhy. Rityhynytyhykekile heka tuuke. Tai tahe ritaōre tarasana, rityhynytyhyōreny. Tai tahe iwere mana iny riatymyhÿre were rydÿÿnareny. ³³ Ijōti nihikÿ heka roimyhÿre. Tiu heka riòhòreōtyhy iweribi-ò. Deuxu rybe-ki kia wesemy roire: —Judeu mahādury-ki

mana nihikỹ wese retidimy doimyhỹde. Sõwemy heka iny rỹira tiu heka ityre-di rariaõtyhy biu-ò hena-ò dehemynydeki wahe. Kia iny rityhynomy Jesuisi Kristu rỹirale tahe ritakre tarasanaõ heka inatyhymy.

10

¹ Waityhydỹdu seriõre, rexitõenomy wãhãre heka Deuxu-ò ibutumy judeu mahãdu biu-ò henamy rỹikemy. Kiamy tuu rarumahãre. ² Reerymahãre tiiboho ibutumy rityhynymahãrenyremy Deuxu. Tiiboho ityhydỹnareny tahe õbitihyky aõkõre. ³ Tiiboho kiamy rõhõtinyinmahãrenyre aõma judeu mahãdu heka bede ywina rybe rityhynyrenykekile rexiõbitinykemy heka rõhõtinyinmahãrenyre Kristu-ò ta rexiwelõrõkõlemy Kristu bede-ò rexihumyhỹre, tai Deuxu iny-di awimy rarekemy. ⁴ Bede ywina heka Deuxu aõmydỹna tarasana aõkõ heka rare. Kristu rityhynymahãrenyke. Kia weseleke heka tii rimyreny rexiõbitinyre. ⁵ Moisesi dori rõritidỹre tuu: — Inyõ tiu õraruna-txi reseõhy rarekeki, taile iny tarasanamy ratxike. ⁶ Kiamy heka ityhydỹna namyhỹde. Uritere inyõ Kristu biu-ribi kòdidykemy ixinohõtityõna Kristu kidiwykredi uritere nohõtirenyõmy, isiratyhyre wahe. Tuu aõkõ iny õbitidỹna-ki rahamyhỹre. ⁷ Uritere Kristu ixixana-di mohõtinyinõmyke isiratyhyre dori kia-ribi õbitidỹna kiditakremy. ⁸ Tii heka inyboho ribedeerynanyhỹre. Iõhõlemy heka iny-ribi ihỹre warybereny wahe. ⁹ Iny taykyrenyke rityhynymyhỹre inykile. Tai tahe rarybere inywitxira-ò aõma Kristu iny wedureny ihỹremy wahe. Inyworeny-ribi rikityhynymyhỹrenykeki. Aõma Kristu heka Deuxu riixixanyre rubu-ribi. ¹⁰ Taiki tahe biu-ò hena rakatarenykre. Aworibityhy rikityhynymahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynomy ratximyhỹremy tai tahe tuu relemy ratxike. ¹¹ Kiamy heka Ritina-ki roimyhỹre: —Inyõ rityhynytyhyhyke heka teysamy ratxike. Tiu heka anabedewoõtyhy tatyhyna-ki. ¹² Judeu mahãdu dori judeukõdu mahãdu-wana wiwesele rare. Ibutumy heka sohojihyyle iwedure, Inynyrỹ wahe. Ibutu heka inydee riwahinymyhỹre aõmybo iny rexitõenymyhỹre wahe. ¹³ Iny rexitõeny-wana Inynyrỹni-di tarasanamy, tai iny-ò riwahinymyhỹre. ¹⁴ Teerykõte heka timybo idi ratximyhỹre rexitõenomy. Timybo bieryke inyõ tuu relykõhãre heka rityhynyke. Tamy heka roholaõtyhy inyõ tuu relyõkeki tiu ityhydỹõna. ¹⁵ Inyõ heka raõtyhy, inyõ biteõnyõkeki wahe. Kiamy tahe Tyyriti rarybereri: —Kia Rybewihikỹmy rybedu heka awi heka rare, dehemynyna heka awire, deysana rybe dori diwymyhỹde. Deuxu rybena ywina wihikỹ heka diwymyhỹde. Tai tahe iny reysamy heka aõma Deuxu Rybewihikỹ tamy riwymyhỹreki wahe.

¹⁶ Ibutumy aõkõ tahe rityhynymyhỹre. Iwese Isaia Deuxu rybedu rarybere wese: —Inynyrỹ, Rybewihikỹmy tamyreny heka rarybemyhỹreny. Ihãrele tahe rityhynyõhyymyhỹreny. ¹⁷ Ityhyna heka Rybewihikỹ-ò iny roholamyhỹreu, rityhydỹmyhỹre. Kristu ityhyna tamy kedehemynykre, rybe wihikỹ õraru-ki wahe. ¹⁸ Dỹrãxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhỹre. Tyyritina-ki roire: —Deuxu rybe tỹmyra wihikỹ ibutumy riteõnymyhỹre hãwã hãwãmy. ¹⁹ Ijõ arỹrãxikre: —Judeu mahãdu aõbo kia rieryõmyhỹre? Moisesi tyyriti-ki roire: —Deuxu biu-ò hena judeukõ mahãdu-ò ariwahinykre. Waijoi mahãdu ariwoxibronyky. ²⁰ Isaia tahe idi tuu rarybere: —Iny wiwana mahãduõ heka Deuxu riijemyhỹre. Tii rexitõnyreny taõdrysydu mahãdu-ò. Itxi reare. ²¹ Isaia rarybere Judeu mahãdumy kia: —Ihãrele Deuxu iny ritobinyrerimy ihỹre iny, iny nohõtibinaki wahe.

11

¹ Kaiboho heka timybo tahõtinyinmahãtenyete Deuxumy? Tii aõbo taijoi-ribi nohõti rosaremy —judeu mahãdu-ribi? Aõkõre. Jiarỹle, Paulo, judeu mahãduõ rare. Jiarỹ heka Abraõ riokoreõ rare. Benjami ijoiõ heka jiarỹ rare. ² Deuxu taijoi-ribe nohõti rosaõtyhy. Tii juhoo ritare. Elia juhoo Deuxu-ò taijoimy rarybere. Ryberiti-ki kia roire: ³ Tiiboho heka rybedu mahãdu rirubunyre. Tule axiwenã wahidỹna ribõhõnyre. Jiarỹ sohojile

aluure Deuxu. Tule ròrubudỹmy wadi ratxirenyreri. ⁴ Timybo Deuxu heka Elia-ò di-rawyònyde: —Aòkõre, kai ihewoludutyhy waluunadu aòkõ tate. Waluunadu 7000 inymy rỹire aribihiximy wahe. Tule Bali suritxoo tiu rityhynyrenyõhyymyhỹre. ⁵ Katahe wijile iwesele rare. Iny ibutemy Deuxu hõrõ mahãdu rỹire. Tii taruxetòdenadile ritarenyre. ⁶ Deuxu ruxetòena heka aõ iòwy-di aòkõ riòwynymyhỹre Deuxu riwahinymyhỹre. Aõwiihikỹ diwinymyhỹdenydeki aòkõ heka tuu heka ratximyhỹrenyre iòwydikeki tahe aõ ruxetòe aòkõ rare. ⁷ Deuxu heka judeu mahãduõ rihitxinyre tarasanamy reakré. Ijõ tahe iwety mahãdu wesemy ijõ rỹira. Deuxu tamy tarasana-ò rryreri tiiboho roholaõre. ⁸ Tyyritina-ki rarybemyhỹre rõrõmy ratximyhỹrenyremy. Deuxu heka riruberenyre ihãre ta tõhõtireny ratòbònyrenyre. Taita rieryõhyrenyre heka Deuxu Tyytybytyhymy rarybemyhỹrenyreki wahe. Iwesele heka wijina roimyhỹre. ⁹ Ihetxiu Iòlò Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenykre idi aõhõkỹmy rotỹnykre. ¹⁰ Irue idymy releke tiu robiõkemy. Tiumy rarabunykre iaõbinabina-ki.

¹¹ Adeereny arỹraxikre kiamy: judeu mahãdu resereu ixãwire aõbo? Aòkõre. Urile tarasana nade judeukõdu mahãdu-ò tai. Judeu mahãdu ibinamy tai rõhõtinkyemy. ¹² Judeu mahãdu òraruna òraru-ki heka sòwemy iny-ò aõwiihikỹ nade, judeukõdu mahãdu-ò wahe. Tahe awityhymy rarekre ibutumy judeu mahãdu ralokremy. ¹³ Jiarỹ, Paulo wahe, rybe wahidỹdu heka jiarỹ rare. Judeukõdu mahãdu-ò tii heka jiarỹ rare. Uritere nohõti losarenyõmy kia waaõmysdỹna rare. Kia awi heka wadee rare. ¹⁴ Deuxu heka adeereny aõ nihikỹ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisỹnykre. Kia wese òsana ijõ tarasanamy rimykyemy. ¹⁵ Judeu mahãdu wiji rityhynyõreri. Tai Deuxu ijõ mahãdu-ò biu-ò hena riwahinyre, judeukõdu mahãdu-ò wahe. Iny sòwemy tai ritamy rỹimyhỹre òraruna-ribi. Iwese inyõ rubu-ribi riixixanyre wese kia rare iu judeu mahãdu ralòkreu wahe. ¹⁶ Juhuu paõ ere awimy Deuxu-ò biwahinykeki, ibutumy paõ ihõrõ rare. Òwòru rutysõmo Deuxu-ò biwahinykeki, ibutumy òwòru ihõrõ rare. ¹⁷ Òwòru ere judeu mahãdu wese rare. Tiiboho òwòru-ribi raòrõmy raremyhỹ. Kaiboho judeukõdu mahãdu teròwmy atximahãtenyete. Kia òwòruru wesemy òwòru-ò ralòmy atximahãtenyete, tai tahe arumy atximahãtenyete. ¹⁸ Ixityhymy nohõtirenyõmy. Kaiboho dori iratyre awimy aòkõ atximahãtenyete. Òwòru rutysõmo aramyre judeu mahãdu tyby wese wahe. Aòkõkeki, kai bedesekre òwòru desede wese. ¹⁹ Kaiboho òsana marybebenykre: Tiiboho òwòru-ribi ritamy raremyhỹ inyboho rikibynyrenykre. ²⁰ Inatyhy rare. Urile õhõti-ribi losarenyõmy tiiboho iribi ritamy raremyhỹ rityhynyõrenyreki. Tule kaiboho talòmy tatemyhỹ tetyhynymyhỹtenyete. Tai ixiwededỹõrenyre urile bexityhynymy. ²¹ Judeu mahãdu heka òwòru rutyhy wese raremyhỹ. Ihãrele tahe Deuxu òwòru-ribi ritare. Timybo tahõtintytenyteri —Deuxu aratarenyõtyhy. Tule aratarenyke timykeki. ²² Deuxu dori ywimy rare ijõ-ò. Tule tii isirare ijõ-ò: —òraruna-txi besebenykeki, tii aratarenyke. ²³ Judeu mahãdu ixyby rityhynyrenykeki, ixyby Deuxu ritidikre iherina-ò. Deuxu irurudirare ixyby ritidikremy —isiraõre Deuxu-ò. ²⁴ Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirenyre wese. Judeu mahãdu dori òwòru ludu wesele rare.

²⁵ Waityhydỹdu seridre, inatyhynaõmy adeereny arelyykre. Deuxu rieryre tiwese-mybo judeukõdu mahãdu rityhynykre. Ikonana kaiboho bityhynybenykreu, judeu mahãdu ixybyle kanalokre. ²⁶ Tai tahe ibutumy judeu mahãdu ritakremy. Tyyritina-ki heka kiaweselemy roire: —Siaõ-ribi tarasaduõ kanakre. Ibutumy heka judeu mahãdu òraruna-ribi kòdòðsekre. ²⁷ Kia bedeu heka aritakre iòrarureny wahe iwese tuu rarybere wese juhuuhukỹle. ²⁸ Katahe rasòwemy roira aõma judeu mahãdu wahe. Tiiboho Rybewihikỹ òludu roire. Tamyreny heka awi aòkõ Rybewihikỹ. Kia heka adeereny awimy ròhònyre. Tetatenyeta dori Deuxu-ribi aõma iwahidỹna aõna aõnawidỹnamy. Deuxu juhuu taluunamy walabiereny-ò rarybere. ²⁹ Deuxu heka tiu riwitxiranyõhyymyhỹre. Releke wana heka riwinymyhỹre tahõrõ mahãdu dee. ³⁰ Judeu mahãdu heka Deuxu

rityhynyõmy roimyhÿre wahe. Tai heka Deuxu ruxetòena adeereny diwahinyde. ³¹Katahe judeu mahãdu heka wiji roire ityhydÿÿmy aõkõ. Aõtxu tahe Deuxu ruxetòena ixybyle rimykremy rÿira. Deuxu heka iximymy iny riteònyrerimy ihÿre. ³²Deuxu ibutumy òraruro-ò rityhere idi taruxetòena ritÿnynkemy.

³³Iny Deuxureny aõwi dinodu heka rare. Ibedeerytyhytyhy rare. Inyõ ibedeywidÿÿna rieryõhyymyhÿre. ³⁴Tiu rikieryrenyõtyhy irayky, tiu rikibedeeryrenyõtyhy. ³⁵Inyõ tiu Deuxu tadiwidÿÿdumy isÿnyõna. ³⁶Ibutumy dori Deuxu-ribi hikÿle nade ixidee. Ibutumy iruru namyhÿde. Tai tahe ibutumy wowydyna tamy rikiwahinyrenykemy inyboho ratximyhÿreny.

12

¹Tahe waityhydÿÿdu seriòreboho, aumyreny heka biwahinybenyke Deuxu-ò. Aramyrenykemy òbitihyylemy. Kia wowydynatyhy Deuxu-ò. Tii dori ibutumy aõma inydeereny riwinyre. Kia ibutele rarekre tamy. Tii dori sõwemy riwinyre inydeereny. ²Uritere riraõmy bede ludu mahãdu wesemy. Iwixiramy boibeke. Tai Deuxu dee awimy kia rarekre. Aumy tÿmyramy ibutumy biwinymahãke. Tai tahe Deuxu ribedeerynanykre aõbo awire.

³Jiarÿ heka Deuxumy rybeduõmy rare adeereny. Tai adeereny ararybekre bexi-ijebenyke. Òbitimy marybemy aumy-ribi. Deuxu-ribi ityhyna adeereny diwahinydekí heka aõhe botÿÿnykemy mohõtinyinmahãbenyke. ⁴Umy heka sõwemy txura txura roire, umy hitxi hitxinamy rÿire. Kristu ityhydÿÿdu mahãdu kia wese rare, Kristu woludu mahãdu wahe. ⁵Tule Kristu mahãdu sõwemy aõmysÿdÿÿna wixira rÿire. Sõwemy iny wiribi hitxi rÿire. Iwese umy sohoji wese Kristu wo mahãdu rÿire. Ibutumy wiribi hitximy raaõmysÿdÿÿmy iwidÿÿmy rÿimyhÿke. Inyboho heka ibutumy iaõmysÿdÿÿna Deuxu-ò rikiwinymyhÿrenyke. ⁶Deuxu heka aõwidÿÿna widÿÿna wixira iny sohoji sohoji-ò riwahinymyhÿre. Kai heka tÿnydÿÿna abrysikeki, awimy bexityhynyke awimy biwinykemy. ⁷Awimy wiðhedÿÿmy atximahãte wana, bõwiðhenanyke awimy. Rybedÿÿdumy atxiteri-wana awimy òbitimy bibedeerydÿÿmy. ⁸Deuxu rybemy rybedu atxiteri-wana marybeke inydee bexityhynymy. Deuxu sõwemy adee nieru riwahinyre-wana, bõwiðhenanyke inywixira. Inydinodumy atxiteri-wana, òbitimy maaõmysÿdÿÿ ibutu dee. Kia dohodÿÿdukeki botohodÿÿkre inyõ aõ biwahinykeki awowi-di bowahike.

⁹Wiribi ihitxidÿÿõmy. Tuu luu-di tahe inywixira hitximy. Uritere rybeõmy urirybele. Uritere rybe òbitikõmy rÿireò noõmy. ¹⁰Kaiboho ityhydÿÿdu seriòre atximahãtenyete. Tai wiluumy atxibenyke. Widee biwowydynybenyke, ixidee aõkõ. ¹¹Aõmysÿdÿÿna-di boibenyke. Ibutumy Inynyrÿ-ò biwinybenyke eysareny-di. ¹²Beysamy atxibenyke ywina-di aõkõkÿmy dÿÿnana-ki. Bexitòenyhyymahãbenyke. ¹³Aityhydÿÿdu seriòrey-ki inyõ aõ ihoõkeki, tamy biwahinyke ahõrõ-ribi. Inyõ ihetoõkeki, bidybenyke aheto-ò. ¹⁴Inyõ ibinamy adeereny riwinykeki, tahe ibinamy aõkõ biòwynyke. Bexitòenyke Deuxu-ò tamy. ¹⁵Inyõ reysakeki, tii-wana beysake. Inyõ rahinykeki, robukeki, tii-wana mahinyke, bobuke. ¹⁶Ywimy ibutumy iny-wana boibebenyke. Ixityhy aõkõ nohõtiõmy. Kai dori ibutumy aõkõ teeryte, tule aaõmysÿdÿÿ bina awimy bimybennyke. ¹⁷Inyõ adeereny ibinamy riwinykeki, ibina-di aõkõ biòwynybenyke aõma uritere ywihyylemy boike. ¹⁸Wiwesehyyle ywimy rÿimyhÿre. ¹⁹Inyõ umy aõma rarybekeki, uritere ixiòwydÿÿmy nohõtiõmy. Deuxu-wana birimy. Tii heka riòwynykre iaõhõkÿmydÿÿnana-di. Kia tahe roire Tyyritina-ki. ²⁰Aõma aõludu ramamy ruru wana, tamy rÿsÿna biwahiny, bemy tii ruru wana, tamy bee biwahiny. Tai tahe tii raixÿrure aõbo adee riwinyre lau. ²¹Aõbinahakÿ rÿira-wana, uritere iijiradÿÿõmy. Ibutumy aõwiwihikÿle aõ biwinymyhÿke. Tai tahe rexihuke aõbina bina.

13

¹Bityhynyke bede dinodu. Deuxu dori risÿnyre bede dinodumy. Ibutumy dinodu heka Deuxule inydeereny riwahinyre. ²Inyõ bededinodu rityhynyõkeki, tii heka Deuxu rity-

hynyõmyhÿre. Iny òbitimy ratxikeki, tiu bede dinodu rimyõtyhy ròtena-ki aõhõkÿmy dÿÿnana rotÿÿnyõtyhy. ³ Inyõ òbitimy ratxikeki heka tiu bede dinodu lau ruberuõtyhy aõhe risÿnyõtyhy. Urile iny aõðaõtaley rotÿÿnyre tahe, tiile ruberumyhyre bede dinodu lau. ⁴ Bityhynybenyke ibutumy bede ywina aõbo dinodu mahãdu raryberé. Brebuõlemy botÿÿnybenyke. Deuxu diteõnyde heka bede dinodu iny riwiðhenanykemy. Kai aõhõkÿmy botÿÿnymyhyke aõðaõtamy tatÿÿnymahãte-wana. Bede dinodu dori tuu nade. ⁵ Ibutumy bede dinodu bityhynyke. Tii heka biwinybenyke Deuxu dee kia awire. Tai heka aõhõkÿmy botÿÿnybenyõtyhy. ⁶ Tule iðwy biðwynymahãbenyke. Ibutumy heka biðwynymahãbenyke aõma tuu dinodu rarybemahãre wesemy. Tai dori riðwynymyhyre iaõmysÿdÿÿdu. Tii heka anawiðhenanymyhyde. ⁷ Biðwynymahãbenyke aõbo òbitire, ibutumy wahe. Aõma dinodu iðwydÿÿmy rariðwymahãre-wana biðwynyke ibutumy awedu mahãdu wahe. Bityhynyke ibutumy.

⁸ Inydee tanadevenymahãte-wana, biðwynyke òbitihyylemy. Inywitzira luumy atximahãke ibutumy iny wahe. Tii dori Deuxu bedeywina-ki bede òtiidÿÿna xiery ratximyhyre. ⁹ Ibutumy Deuxudeewire heka kaa rare. Aeryna luumy iwese ixiluure wese, tahe tamy ibinaõre. Kai rubudÿÿõmy aõbo, ada wasimy iribi texiwonyte ada ihãwyy-wana maðtakemy aõbo, texinohõtidiÿÿnyte. Uritere aõbina-di ixinohõtidiÿÿõmy aeryna-ò. Uritere aõbina widÿÿõmy. Aerynaluumy mabeke iwese kai ixiluure wese wahe. ¹⁰ Luuna inyõ-di rarekeki ibina inyõdee riwinyõtyhy rare. Ibutumy Deuxudeewina heka riwinymyhyre. Tii sohojile heka bede ywina-ki awityhyre.

¹¹ Tule heka òbitimy matximahãke. Bededÿÿnana dori iðhõmy resera. Bede ityre reakremy namyhyde. Bexixabenyke wa, Inynyrÿ heka iðhõmy ratximyhyre inonana-ò. Iðhõtymy relera juhu rityhynyrenyre-ribi. ¹² Ruu heka ròhõnymy rare. Txuu tule iðhõmy wahe. Uritere aõbinahakÿ bedeluruhukÿ aõmydÿÿnana widÿÿõmy. Diabo ijesu bitake aõwiwihikÿ widÿÿ wahe. ¹³ Òbitimy biwinymahãke iwese txu rojuxana iny ratximyhyre wese. Tai ibutumy iny rarybemahãke kai iluumy atximahãtemy. Uritere abededÿÿnana huduõmy —itxÿteõmy, òtaõmy, adeburemy ijiraõmy, ihãruõmy. ¹⁴ Bexitõenymyhyke Inynyrÿ Jesuisi Kristu-ò wahe anawiðhenanykemy. Tai tahe ibutumy òbitimy biwinymahãke. Uritere arayky aõmydÿÿnabinabina nohõtiumy.

14

¹ Ijoiõ ityhydÿÿdu mahãduõ amahãdudÿÿmy rurukeki, ròtena ixinamy ralòke iityhyna ibuterehãre tii-wana aõna aõnamy widee rybetyhymy rybeõmyke. Aribi hitximy raraykynyke hãre, bidyke. Ihãrele birõtenybenyke. ² Ityhyna irurukõmy ratximyhyre hãre birõtenybenyke. Tii òsana kiamy raraykynymyhyre: Iny rexiðwynyke iròdude riròmyhyrenyremy ijõ rõhõtinyke. Kai tahe òsana mohõtinyke kiamy. Tuu ibinaõre. Ityhynareny urihimyðle rare. Brebunale sÿny roholamyhyre. ³ Inyõ tahe ibutumy riròmyhyre. Awimy idi tahõtinyinmahãte-wana, wiribi hitximy aõkõ. Uritere iðhõresedÿÿrenyõmy. Deuxu dori ridymyhyre iwesemy iweselemy. ⁴ Deuxu deòdumy tii rare. Eòdumy aõkõ. Deuxu-ò tii rirawyõnyre aõhebo rotÿÿnymyhyremy. Deuxu rarybeke aõbo òbitire, aõbo teðsare. Deuxu heka tii ritamadÿÿnymyhyre. ⁵ Kiamy rakaraykywesenananyrenykre. Txuõ aõworana bedehesi heka judeu mahãdu riwinymy roimyhyre. Kia txuule Deuxu-ò reàlananymyhyre rexinohõtidiÿÿnymyhyre. Tahe aõkõre. Ijõ ityhydÿÿdu mahãdu tahe aõkõre. Tii iwitzira rexinohõtinyinmyhyre. Ibutu txuu tamy awire Deuxu àlana riwainymyhyre. Ixideewimy iny sohoji sohoji raraykywydynanymyhyre. Ixitawimy Deuxu riwowydnyre. Ibutumy iny òbitimy ixidee raraykynyke. ⁶ Kaiboho atxu biwinymyhybenykeki, kia tahe awire. Xiwenade riròkeki, tii tule Deuxudeewire riwinyre. Inyõ aõkõ riwinyre. Tii tule awimy riwinymyhyre Deuxudeewina wahe. ⁷ Ixideewimy rikiwinyrenyõtyhy inynyrÿ-ò dori inyboho roire. ⁸ Inynyrÿdeewimy rikiwinyrenyke. Ihõrõ rare, aruruhãrele, aõkõhãrele. ⁹ Jesuisi Kristu rubu-ribi rexixare tai butu wedumy. ¹⁰ Inyboho heka ihõrõ mahãdu roire. Tai

uritere inyseriòre rybeòmy ixiradỹyòmy. Inyboho dori sohoji sohoji Deuxuru-ò rex-ideòsinyrenykre. Iu tii ibutumy iny riywisinykre. ¹¹ Kiamy heka Ritidỹyna-ki roimyhỹre. Inynyrỹ heka rarybere: —Inatyhymy, Ibutumy warue-ò tatiowotim� resekre. Rarybekre heka wamy Jiarỹ Deuxu raremy. ¹² Iny sohoji sohoji iximy relyykre Deuxuko-ò.

¹³ Uritere inywitxira-ò ryberenyòmy tii ibinamy rare uritere aòwidỹyòmy, iòraru-ki ixihydỹydu òraruna-txi resehemy. ¹⁴ Jiarỹ tahe kiamy rahòtinyre. Kia aòmydỹynana aò aòkò rare Deuxu-ò. Xiwena rỹsỹna rirỹsỹkeki aò aòkò rare. Uritere kia nohòtidu dee ibinare. Tiiboho riròòke. Xiwena rỹsỹnarỹsỹ òraru-ki aijoiò bibedewonyhenylau irỹsỹòmykre. ¹⁵ Aityhydỹydu seriòreò òbitiòmy ratxikeki tahe iru-ki arawidỹyòmy atximahã. Tamy dorihe òbitim� aòkò heka idi ròhòtinyke. Tii heka tule riwinykelemy ixidi ròhòtinyke. Timy aòki teòsamy rahaòhyymyhỹre aòma, xiwena rỹsỹna-ki. Kai aòki awim� aòma awityhy irỹsỹòmyke Deuxu Riòreò dibinadỹyinyke lau wahe, Kristu dori iòraru-ki rurure. ¹⁶ Kaki awim� òbitim� mahakeki. Biwinykeki inywitxiraru-ki atxikeki, kia tai uritere rieryòmy aki rahake. ¹⁷ Riroximyhỹrenyke, riòmyhỹrenyke —kia Deuxu Iòlòna dee aò aòkò rare. Aòmale tahe ròkòhòtinytyhymyhỹreny: wiòhedỹyna, ywina eysana. Deuxu Tyytybytyhy inydeereny wahidỹyna wahe. ¹⁸ Kia wese iny rỹikeki heka Deuxu dee wina rare, inydee tule. ¹⁹ Wii rikiwiòhenanymyhỹrenyke ibutumy wiwesehyyle ywina-di. Tai iny tyhynareny rikikyhnanyrenykeny. ²⁰ Rỹsỹna òraru-ki aòhe wisỹdỹy renyòmy, butumy dori Deuxu riwinyre. Kia inyò iòraru-ki aòwitxiramy ròhòtinykeki tahe ibinare. ²¹ Aò dee rỹsỹ vỹi momo heka ibinare, tai tii rexiòrarunyekeki aòraru-ki urile bexiijònybenyke. ²² Kaa biwinykeki timybo Deuxu dee òbiti relemyhỹre, urile ibutu-ò tuu rybeòmy iny bedeòby, kia ira-ki aò ibinakòre. ²³ Ijò urihim� tatyhnymy ratximyhỹre heka iximy riatyke. Adee tahe òbiti heka rare. Aòbo riwinyre heka òraruna rare. Tai iwidỹyòmy.

15

¹⁻² Iny ixira-di heka ròkòhòtinyrenyke ibutumy aòbo iny riwinymyhỹredi. Idi ròkòhòtinytyhymyhỹrenyke inywitxira aòlaubo ruberumyhỹre. Iny òbiti erykò mahãdu-di. ³ Kristu dori kaki raremyhỹu ixideewim� aòkò tuu riwinymy raremyhỹ. Wiwana ritidỹydu wesemy riki riritinymyhỹre: nade aòhòkỹmydỹynana-ò tai heka bede-ò nade. Riòludunyre heka aòbo iòludu aòbinabinahãkỹ rarybere heka riwawludunymy raremy. ⁴ Tuheka roimyhỹre ihetxi Tyyritina-ki inywiòhedỹyna reny. Iny heka ribedeerydymyhỹrenyke ywina-di rakatxirenykeny rikiraòrenyke heka Deuxu aòmy bede dỹynana wahe. Rahykyu òraru rahykyu wahe rubu. ⁵ Tii heka wadee awire wii biwiòhenanyke. Deuxu anawiòhenanykeny adireny watzireri. Iwese Jesuisi Kristu riwinyre wese.

⁶⁻⁷ Iluu ratxirenykeny irumy wiluumy matxibenykeny. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rỹike òbitim�. Tai tahe inyboho ywinale rekealàmymyhỹre Deuxu-ò, tii Jesuisi Kristu tybyreki wahe. ⁸ Deuxu ihetxi mahãdu òraru-ki Jesuisi Kristu heka judeu mahãdu deòdurenymy ioxisỹnyre. ⁹ Iwese rybettyritityhy rarybere wese: —Idi judeukòdu mahãdu Deuxu riwowydinykeny. Tai adee ariwiunykre judeukòdu mahãduy-ki. Jesuisi Kristu heka nade inatyhy riteòsinykeny. Judeu mahãdu riwiòhenanykeny Jesuisi Kristu nade. ¹⁰ Kiamy heka roire wiuna Ritidỹy-ki kia rarybere. Àlana adee ariwahinykre wiuna-ki judeukòdu mahãduy-ki ani-di arawiuunykre. Ijò-ki tulekre: —Tuheka wiuna-ki raritidỹy roimyhỹre judeukòdu mahãdu beysake wa judeu mahãdu-wana. ¹¹ Ijò-ki kiamy roire: —Àlana heka biwahinykeny Inyryrỹ-ò idi watzireri, kaiboho tule judeukòdu mahãdu. ¹² Deuxu dee rybeduò, Isaia tuu rarybere: —Rexiriòkòremy heka irybe roimyhỹre. Ijese riòkòre wahe. Tii judeukòdu mahãdu iòlòmy ronykre. Tiile heka riraòmy roimyhỹkre. ¹³ Jiarỹ rexitòdenyreri, Paulo, kaiboho, Deuxu heka arateysanyrenyke sòwemy ywina-di, tyhydỹyna-di. Kiamy heka adireny heka watzireri, waseriòreboho. Jiarỹ heka rexitòdenyhy watzimyhỹre

Deuxu arawiòhenanykemy adeereny rexiterenymy watxiwāhāre. Deuxu Tyytybytyhy ruruna-di raròsòna-di adeereny kidiwahinykemy watzireri.

¹⁴ Kaiboho òbitimy ahātenyete waityhydỹdu seriòreboho. Sòwemy aõna aõna witzira teerytenyete. Inywitzira bibedeerynybenyke dori teerytenyete. ¹⁵ Ihārele taheka atxireny wanohõti reare inatyhymy tai warybe rewahiny Deuxu riwatyhynymy kawese riwasỹnyreki. ¹⁶ Biwateònyke taheka judeukõdu mahādu-ò. Jesuisi Kristu dori riwatate tadeòdumy idi judeukõ mahādudikemy. Iu Deuxu rybe wihikỹmy rarybemyhỹreu, xiwena wahidỹdu wese rare. Kia tahe judeukõdu mahādu Deuxu-ò awike. ¹⁷ Tai tahe Jesuisi Kristu-wana rexibedesanymyhỹre Deuxu-ki waaõmysỹdỹna òraru-ki. ¹⁸ Jesuisi Kristu Rybewihikỹ tỹmyra-di rareri. Rexitòenymy rare adeereny. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watxiwāhāre. Jesuisi Kristu adeereny riwinyreki wahe. Jiarỹ reerykõre iwitzira mahādu-di. Tahe aõma waaõmydỹnana reeryre. Tiu dori biwawiòhenanyke judeukõdu mahādu aritakemy. Deuxu mahādu judeukõdu rarekemy. Òbitimy ikoreny-ki raremyhỹ. ¹⁹ Rybe wihikỹmy rybe-di rarewāhā tamyreny. Aõna aõna wiwihikỹ irureny-ò rewinywāhāre. Deuxu Tyytybytyhy-di Jerusalē hāwā-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikỹmy. Ibutumy waaõmysỹdỹna rewinyre, Deuxu wadee riwahinyre wahe. ²⁰ Ihāre tahe ararybekemy watzireri tiu iny roholakõmyhỹre mahādu-ò. Ijõõ dohodỹna iny ritohodỹnymyhỹre. Tai ikomy ararybekemy ixidi watzireri. ²¹ Isaia dori kia Tyyriti roire: —Tiu iny tamy roholakõmyhỹre tamy ijohonaõmy rarybere. Tai rierymyhỹre. Tai tahe roholakre tahe rityhynykre.

²² Tai heka raraõlemy watxiwāhāre —adeereny. ²³ Katahe kaki rexihumy waaõmysỹdỹ ratzireri. Katahe arorarenymy arake watzireri beòrakõle arakemy ixidi watzireri. ²⁴ Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatximyhỹreu tahe tako-ò biwaixidỹnybenykre. ²⁵ Ikoki taheka wahidỹõ ariwykre Jerusalē-ò. Jerusalē hāwā mahādu dori aõhõkỹmy rotỹnymy rỹramyhỹ. ²⁶ Macedonia bede-ki Akaia bede-ki tamy nieruõ riwahinykremy ratzireri dohodỹna mahāduõ kia rama rahureri mahādu wahe. ²⁷ Tiiboho riwiòhenanyre deysana-di. Kia òbiti rare. Iribi tahe Deuxu rybe aõmydỹnana, Judeu mahādu-ribi nade. Tai tahe judeukõdu mahādu, tule judeu mahādu riwòhenanymyhỹke taaõwiwi-di. ²⁸ Kaa nieru-di arakreu, tahe aroramy arehemynykre. Iribi Espanha-ò arakre. ²⁹ Tuu awana watzikreu, tahe teysamy Inynyrỹ-di rakatxikre.

³⁰ Bexitòenyke wadee waõmysỹdỹna sòwemy watzireri ariwinykremy. Deuxu Tyytybytyhy heka sòwemy wadee nade adeereny ariwahinykremy, luuna sòwemy adeereny ariwahinykre. ³¹ Tule ityhydỹdukõdu mahādu Judeia wadee aõbinahākỹ wadi ratximyhỹre. Wadi bexitòenybenyke jiarỹ iribi arahenykre. Tule kaa nieru rewyreri waribi teysamy rimyrenykre. ³² Tai tahe awanareny tahe wadeysamy arehemynykre Deuxudeewikeki. ³³ Deuxudeewikeki wii riki Deuxu ywina adeereny watzireri. Kie.

16

¹⁻² Fibi hāwyy ityhydỹdu seriòreõ adee rakre. Tii heka Sekrea hāwā ludu dohodỹna mahāduõ rare. Tii heka dohodỹdu mahādu riwiòhenanymyhỹre aõu aõu aityhydỹdu seriòre wesemy. Tii kaiboho biwiòhenanykre, tii dori sòwemy riwawiòhenanyre.

³ Birybedỹnyke Prisila Akila-wana. Tii wawiòhenadỹdurenny. ⁴ Tii wadee sòwemy riwinyre rubu lau ruberuõtyhy. Tai jiarỹ reālāwāhāre tamy, tule tuu ibutuma Judeukõdu dohodỹna mahādu. Iheto dohodỹna mahāduõ warybe wehityhyna biwahenyre. ⁵ Epenetu-ò biwehityhyny. Tii ibutumy ityhydỹdu-ribi juhuule rityhynyre Asia bede-ki. Tii wabiòwa rare. ⁶ Marie adeereny raaõmysỹdỹtyhyre. Biwehityhyna wanimy. ⁷ Adroniko, Junia wana biwehityhynanykre. Tiiboho judeu mahāduõ roire. Ròtenawo-ki wawana roiremyhỹ. Dohodỹna mahādu rierityhyre. Deuxu deòdỹna mahādu heka wakomy rityhynyre. ⁸ Ijõ waityhydỹdu biòwa Ampliato inire. Tamy kanarybekre tule. ⁹ Urbano, Estaki-wana tule Kristu dee wawiòhedỹdu tule rybe wehityhyna tamy

biwahinyke. ¹⁰ Apele heka ityhydÿÿdu tyhy rare. Biwehityhynanyke. Aristabulo-wana heto woludu mahãdu biwehityhynanykre warybe tamy. ¹¹ Tule biwehityhynanykre Herodiaõ —waijoiõ tii rare judeu mahãduõ wahe. Kristu dee dori kia iny òbiti rare. Narciso heto ludu ityhydÿÿduõ heka tule biwehityhynanykre warybe tamy. ¹² Tule Trifena, Trifosa, Peside-wana raaõmysÿdÿÿmy Inynyrÿreny-ò biwehityhynanykre wary tamy. ¹³ Rufu tule Deuxu dee aõmysÿdÿÿdu rare ise tule. Tii dori nadi wesemy riwawisinanyre. ¹⁴ Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahãdu. ¹⁵ Filologo, Julia-wana, Nereu taseriòre-wana, Olimpa, ityhydÿÿdu mahãdu tii-wana ratxireri ibutu-ò warybe wehityhyna. ¹⁶ Ibutumy aseriòre debò bimye biwehityhynanybenykre ibutumy. Ibutumy Kristu tyydÿÿdu mahãdu-ò arawawehityhynanykre. Tule kaki dohodÿÿna irybe wehityhynanyre adeereny riwahinyreri.

¹⁷ Rybeõ roire kaa rybe tyyriti ixiydynako-ki. Ijõ aõhe dÿÿnana doimyhÿde kia hetowo hitxina-ki. Iwitxiramy heka taerydÿÿna mahãdu —iwese inydeereny erydÿÿnamyhÿre wesemy aõkõ kia lau tahe bexiebenyke. ¹⁸ Aõ Jesuisi dee aõkõ raaõmysÿdÿÿnyre. Ixidee tule heka raaõmysÿdÿÿmyhÿre aõ ixidee ritarenkemy röhötinymyhÿreny. Tiiboho heka rarybewihikÿmyhÿreny, aõma, ruikedÿÿmy timy bede erykõ tuu ratximyhÿreny. ¹⁹ Jiarÿ wadeysamy watxireri kaiboho òbitimy ibutumy toiteki. Araerywãhã jiarÿboho aõbo òbitire uritere aõbina widyyõmy. ²⁰ Deuxu ywisidÿÿna wahidyyna dori Satanasi riixãwididÿÿnyke. Jesuisi Kristu Inynyrÿ wiòhedÿÿna adeereny riwahinykemy idi watxireri.

²¹ Tximòtxi dori wawiòhedÿÿdu rare. Lucio, Ijasõ, Sosipatu, wajudeuijoi-wana tule adeereny irybe wehityhyna riwahinyre. ²² Jiarÿ, heka Tercio, reritinyreri aõbo Paulo rarybere adeereny. Jiarÿ adeereny warybe wehityhyna rewahinyreri. ²³ Jiarÿ heka Kaio heto-ki watxireri, dohodÿÿna rabutunyreki watxireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyseriòreny rare. Ibutumy heka kaa irybe weityhyna adeereny rewahinyreny. ²⁴ Inynyrÿ Jesuisi Kristu ruxetòena ibutumy adeereny kanakemy idi watxireri. Kie.

²⁵ Deuxu irurutyhy-di rare. Tii heka adi riyrubunykemy adi watxireri. Iwese rybeweityhyna rarybere wesemy, ruru adee riwahinykre. ²⁶ Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahãdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhynanykre. ²⁷ Deuxu-ò àlàna biwahinykeki tii dori bedeeryna ratximyhÿre Jesuisi Kristu òraru-ki wowydyna tamy biwahinybenykre aõu aõu. Kie, Paulo.

1 Oritxi Mahãdu-ò

1 Oritxi Hãwã Dohodÿÿna Mahãdu-ò

¹ Paulo jiarÿ Deuxudeewimy deòdumy wãhãre, Jesuisi Kristu deòdÿÿna-ki wahe. Jiarÿ waityhydÿÿdu seriòre Sòteni-wana adee warybereny adiwahinyde. ² Oritxi hãwã dohodÿÿna mahãdu-ò heka watyriti adiwahinyde, Jesuisi Kristu òbitidÿÿna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydÿÿdu mahãdu-ò. Tii iny Iòlòrenymy heka ratximyhÿre. ³ Ruxetòena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlò-ribi.

⁴ Deuxumy reàlãmy watxiwãhãre, Jesuisi Kristu adeereny ruxetòena diwahinydeki. ⁵ Ibutumy dori iribi tòerymy ahãte arybena-di, erysydÿÿna-di. ⁶ Kristu dee rybena akireny roimyhÿre. ⁷ Iribi awahidÿÿna rauhenyòreri, kaiboho dori Kristu deòsidÿÿnamy teraòmahãte. ⁸ Jesuisi arawiohenanyhy rarekre bededÿÿnana konana-ò, tatxuu òbitimy ixiko-ò, rexilamadÿÿnykemy. ⁹ Deuxu òbitihyira. Tii aratobinyra Tariòre Jesuisi Kristu-wana rarekremy, iny Iòlòrenymy.

¹⁰ Jiarÿ adeereny rexitòenyre Jesuisi Kristunimy iny Iòlòrenynimy wiwese wimy wimy bityhynymy marybebenyky. Wadee awiòre wiribi hitxi hitxidÿÿ. Wii bitotynytyhymy boibekemy adireny watxiwãhãre, araykyreny-ki, aerysynareny-ki. ¹¹ Kaiboho waseriòre mahãdu, wimy taujõmotenyteri. Lòe hetowoludu mahãdu kia wako relyyra. ¹² Inyõ wadee rarybemyhÿre. Ijõ mahãdu heka Paulo rityhynymyhÿre ihõrõ mahãdu wahe, ijõ heka Apòlo rityhynymyhÿre ijõ tasÿ Pedro rityhynymyhÿre, ijõ tahe Kristu rityhynymyhÿre. ¹³ Aõherewe, Kristu be iny rihitxihitxinymyhÿre. Paulo be itxeò nihikÿ tyre-ki rurure adeereny. Pauloni-di be rasebere. ¹⁴ Inyõ he ròratisebenyòre. Krispu, Kaiowanale tahe resebenyre. Tai tahe wabedesamy watzireri. ¹⁵ Kiamy ta heka inyõ rarybeke lau reijõnymahãre: —Jiarÿ Pauloni-di rexisebenyre. ¹⁶ Tefana hetowoludu mahãdu adiratisebenyde. Inyõ reratisebenykeki wanohõti reaõhyre. ¹⁷ Kristu dori aõsebedÿÿmy aõkõ diwateònyde Rybewihikÿmy rybemy. Bede erydÿÿna nihikÿmy rybemy aõkõ diwateònyde, Jesuisi itxeò-ki lamana ariwòkemy aõkõ, kia inydeereny rurureki wahe.

¹⁸ Kristu itxeò rubumy ijyy heka ityhydÿÿdukõdu dee itxÿtena rare. Biu-ò hedu mahãdu dee tahe, Deuxu ruru kia rare. ¹⁹ Kiamy tahe iritidÿÿna roire: ierysydu mahãdu erysyna-di ariixãwidÿÿnyke. Bede erydu rayky-di adijõnykre. ²⁰ Titxibo tahe bede erydu rare. Tyyritimy erydu heka titxibo rare. Titxibo tahe wiji dÿÿraxidu rare. Kabede ludu bede erysyna heka Deuxu-ò itxÿtedÿÿna rare. ²¹ Bede bede ludu mahãdu rõhõtinyre bedeerytyhymy. Tai tahe Deuxu iximy rierynanyõhyre. Kia tahe Deuxudeewire. Iny rybewihikÿmy rybe heka iny witxira-ò itxÿtere. Kia-di tahe Deuxu iny ritareri iny rityhynyreki. ²² Judeu mahãdu aõwiwi rÿikemy aõbo raremy ratzireri. Judeukõdu mahãdu bede erysydÿÿna-di rarekemy riijemyhÿre. ²³ Kristu itxeò-ki lamanamy iny rarybemyhÿrenyre. Kia tahe judeu mahãdu riojinyre, judeukõdu mahãdu dee itxÿtena kia rare. ²⁴ Tahe Deuxu rariròwysyna judeu tule judeukõ mahãdu-ò heka Kristu erydÿÿna tule ruruna rare ihedÿÿnarenymy. ²⁵ Deuxu itxÿtedÿÿnamy rybe hãbu bedeery ratyre rare. Deuxu iruruòkeki, tii hãbu ruru ratyre iruru rare.

²⁶ Waseriòre mahãdu arariròwysyna-di mohõtinybenybeke. Betehemy iny erysyna mahãdu-ribi sòweòre, Deuxu rariròwysyna mahãdu. Dinodu mahãdu sòweòre, iny Iòlòtyhy mahãdu-ribi sòweòre. ²⁷⁻²⁸ Deuxu heka aõna aõna itxÿtena ritare bedeeryhykÿ mahãdu riixÿrudÿÿnykremy. Aõna aõna ruruò Deuxu ritare aõna aõna ruru-di riixÿrudÿÿnykremy aõna aõna derare, aõ aõkõ rare Deuxu ritare aõ-di aõ aõkõ-ò rijjanykre. ²⁹ Tai dorihe inyõ rexityhnykòkemy Deuxuko-txi. ³⁰ Kaiboho dori Jesuisi Kristu hõrõ toite. Tii heka inydee ibutumy rare: erysynamy òbitinamy, tamanamy,

tarasanamy rare biu-ò hena wahe. Deuxu kia ibutumy diwahinyde inydeereny. ³¹ Kia dori ritina rybe-ki roire: —Inyò rexiwowodynykeki, Deuxu-ki rexiwowodynyke.

2

¹ Waseriòreboho aõ hãbu bede erynihikỹ wese aõkõ adeereny anade. Deuxu rybe-tyhydỹnanamy ararybekremy. Rybenihikỹmy heka rarybeõre. ² Tii sohojile reeryre akireny rarewãhãu, Kristu itxeò-ki lamanale wahe. ³ Akireny rarewãhãu waruruõmy rarewãhã, ixĩru brebu tahe riwamytatadỹnyre. ⁴ Wabedeerydỹna erytyhy rybe-sirahakỹ-di aõkõ rarybereri iny rityhynkemy. Urile tahe Deuxu Tyytyby ruru-di rarybewãhãre. ⁵ Hãbu erytyhydỹna aõkõ bityhynkemy adi wãhãre Deuxu ruruna tahe atyhynarenymy heka idi toite.

⁶ Ityhydỹdu umy-ò bede erydỹna-di rarybemahãre. Kabede aõmydỹnana bede ery aõkõ rare. ⁷ Kia tahe Deuxu erydỹna tyhyre. Kia heka hãbu mahãdu lau riwòmyhỹre. Juhu inydeereny riywinyre. ⁸ Kia bede erydỹna inyõ wiji lòlòtyhy mahãdu rieryõre. Kia rierymyhỹkeki, Wanyrỹ wowodyna-ribi itxeò-ki ritamadỹnyõhyyre inihe. ⁹ Iwese Ritidỹna roireri wese rare: —Rue lobixiõhyymyhỹre, nohõti heka roholaõhyymyhỹre, inywo rieryõhyymyhỹre, aõbo Deuxu riwinyre taluuna mahãdu dee, tamy riwahinykremy. ¹⁰ Deuxu Tyytybytyhymy kia inyboho riteòwarixinyreny. Itytyby ibutumy rieryre. Deuxu raykywo-ribi aõ ritỹnynymyhỹre. ¹¹ Inyle heka iny ixi-rayky rierykre, kawese tule Deuxu tyytybydile aõna aõna rierykre. ¹² Bede aõmydỹnana aõkõ inydeereny wahisidỹdu rare. Deuxu Tyytyby tahe inydeereny wahisidỹdure. ¹³ Kiadile Deuxu wahisidỹna iny reeryreny. Kia iny reerydỹnanamahãreny hãbu bede erydỹna-di aõkõ, Deuxu Tyytyby rybe-di tahe reerydỹnanywãhãre. Kia iny retỹnynymahãre iny Deuxu Tyytybytyhy-di mahãdu-ò. ¹⁴ Iny Deuxu Tyytybytyhy-di rỹiõra mahãdu dee Deuxu Tyytybytyhy aõmydỹna dera. Tamy itxỹte rare. Rierykõre. Deuxu Tyytybytyhydile iny rierymyhỹre. ¹⁵ Iny heka Deuxu Tyytybytyhydikeki ibutumy rierymyhỹre. Inyõ tahe tuu aõmy tuu irybeõna. ¹⁶ Ryberiti-ki roire: —Mobo tahe rieryre Wanyrỹ rayky, mobo tamy aõ ritỹnynykre inyõ aõbo? Inyboho Kristu rayky ijõdire, iwesele raraykynymyhỹre.

3

¹ Waseriòreboho adeereny rarybeõhyyre hãbu Deuxu Tyytybytyhy-di rỹira wesemy. Hãbu òrarudu wesemy rỹirawesemy adeereny ararybeke. Uladu wesemy Kristutyhydỹ-ki rỹira wesemy adeereny rarybere. ² Huỹsy-di òedỹ araerynadỹnyrenyreu rỹsỹnaterere wesemy aõkõ erydỹnasiramy aõkõ rybe. Kia rỹsỹna rỹsỹmy texiwinyõtenyete. Wiji tule texihumy aõkõ toitenyete. ³ Òrarudu wesemy dori ahãtenyete. Ihãrumy, ijãmy atximyhỹtenyete. Tai tahe òrarudu mahãdu wesemy ahãte ityhydỹdukõdu mahãdu wesemy ahãtenyete. ⁴ Inyõ rarybekeki: —Jiarỹ Paulo erydỹnyay-ki rare. Ijõ rarybekeki: —Jiarỹ Apòlo erydỹnyay-ki rare. Tiibohe ityhydỹdukõdu mahãdu wesemy ihỹrenyete. ⁵ Aõbohe Apòlo, aõbohe Paulo. Deuxu deòdu heka inyboho roire. Inyribireny tetyhynymy teerymahãtenyete. Iwese Deuxu iny sohoji sohoji-ò aõmydỹna riwahinyre wese, tai tetyhynytenyete. ⁶ Ta jiarỹle rybemy rarybere iny aõty ribòrònymyhỹre wese, Apòlo rybe ritỹnynyete iny alòbòròna ribenymyhỹre wese rituunyre. Deuxule tahe idimyhỹre iwese alòbòròna riumydỹnynymyhỹre wese. ⁷ Tai tahe tòbròrdỹdu aõ aõkõ rare; ituudỹdu tule aõ aõkõ rare. Deuxule aõwedu wedu heka rare. Tiile ityhydỹdu widỹdu nihikỹ rarekre. ⁸ Tòbròrdỹdu ituudỹdu-wana sohoji wesemy ihỹrenyete. Sohoji sohoji tauri wahisidỹ ritakremy, iwese sohoji sohoji raaõmysỹdỹmyhỹre wese. Wiwana dori Deuxu dee iny raaõmysỹdỹmyhỹre. ⁹ Inyboho heka Deuxu wiòhedỹdu mahãdu roire. Kaibohe tahe Deuxu oworu wese toite. Iwese tahe Deuxu heto wese kaibohe toite.

¹⁰ Heto widỹdu deyrewese wese retelenyete. Ibutumy Deuxu ruxetòdenamy kia rewinyre. Juhumana retidire idi tahe itira ityre reòdònyra. Ywimy biwinybenykre. Awimy bitamadỹnykemy. ¹¹ Jesuisi Kristu juhumana wese heka rare, inyõ tiile tarasadu wahe

ijõ manaõ teròwomy ritidiõtyhy. ¹² Ibutumy juhumanatyre-ki relereri. Ijõ womati tÿrÿrÿhÿkÿ, ijõ prata-di ijõ manatÿny-di, ijõ òwòru-di, ijõ òteti-di, ijõ horeru-di. ¹³ Kia txuu Kristu txu wahe riteòsinykre aõdibo sohoji sohoji raaõmysÿdÿÿmyhÿre heòty dori riurihixinanykre. Aõhebo iny rotÿÿnymyhyreki. ¹⁴ Juhumanatyre-ki iny aõmydÿÿna rÿikeki, tii uri iwahisidÿÿnana ritakre. ¹⁵ Iny aõmydÿÿna rasòkeki tii rònodÿÿkre. Ihãre tahe tarasana ritakre heòtyroobymy wahe.

¹⁶ Kaiboho Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasÿnymyhyre. ¹⁷ Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihòròtyhy wahe.

¹⁸ Ixi itxenadÿÿõmy, inyõ bedeerymy ixi-di ròhòtinykeki, raitxÿteke tai tahe bedeery inatyhy-ki rareke. ¹⁹ Kabede bede eryna tahe Deuxu dee itxÿtena rare. Kia Ritidÿÿna-ki tahe roire: —Bede erynadu tyhy tabedeerydÿÿna-ki Deuxu-ò rònodÿÿre. ²⁰ Ijõ Ritidÿÿna-ki roire: —Wanyrÿ, bede erydu rayky rieryre. Kia raykywi aõ aõkõ rare, rybetyhy aõkõ. ²¹ Iny aõmydÿÿnana-di ixiwowydydÿÿõmy, ibutu dori ahòrò rare. ²² Paulo, Apòlo, Pedro, bede, umy, rubu, aõmydÿÿna wijina, aõmydÿÿna bede kanakre, ibutumy ahòrò rare. ²³ Kaiboho Kristu hòrò toite. Kristu Deuxu hòrò rare.

4

¹ Inyboho Deuxu deòdu roire, ibutumy idi mohòtinybenyke tii inykireny ihÿre. Inyboho dori Deuxu aõmydÿÿnana erykòdu tÿnydÿÿdu roire. ² Deuxu tÿnydÿÿdu òbitihyky rarekemy. ³ Wadi ròhòtinykeki awimy aõbo ibinamy aõbo kia tahe wadee aõ aõkõ rare. Aõbo dohodÿÿ tÿnydÿÿdu mahãdu wadi rohòtinyke kia wadee aõkòhykyre. Jiarÿ tahe ixi-di dehummy rahòtinyòhyamahãre. ⁴ Jiarÿ reeryõre inyõ aõbinamy wadee rexiwonyke warayky wadee òbiti rare. Tahe ihãrele òbitimy iko-ki rare. Wanyrÿ tahe wadi timy ròhòtinyke. ⁵ Kia tahe wiji idi timy nohòtiõmy. Jesuisi nonanako-ki. Tii tahe kanakreu, ibutumy wasimy aõ rÿira ritÿnynykre, ibutumy iny raykymy rÿira ritÿnynykre. Kia txule ibutumy iny tabedeòby ritakre Deuxu-ribi.

⁶ Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykemy kia: ierysydÿÿrenyõmy aõbo iritidÿÿnawo-ki ihoõre. Kia wese keki, ijõ tÿnydÿÿdu ijõ ratyre ryiòtyhy. ⁷ Mobo iny wiribi iwitxiramy ihÿre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. ⁸ Kaiboho ibutumy aõ ijòdire. Tatyhytenyete, iòlò wesemy taditehemynyte iny arawiòhenanyrenyõre. Wadee awire kaiboho iòlòmy ahãtenyete. Tai jiarÿboho awana ariòlònykre. ⁹ Kiamyre òsana. Deuxu dee heka inyboho deòdÿÿna mahãdu rurukrerke mahãdu roire ibutuko-txi, ÿjuko-txi, hãbukò-txi. ¹⁰ Kristu òraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukòrenyre. Kaiboho orarudirenyre jiarÿboho inyõ waluurenyõre. Kaiboho tahe ibutu luuna toite. ¹¹ Ihãre tahe wiji ramamy, bemomomy, tykyõmy rekoamyhÿre. Tule sÿywisidÿÿna rÿiõre. Tule jiarÿboho wahãwã òbiti ihokòre. ¹² Ihãre inyboho naaõmysÿdÿÿmyhÿde iny debò-di irukemy. Inyõ inydeereny aõbinamy rarybekeki, awilemy inyboho rirawyònymyhyre. Inyõ aõsirahakÿle inydee riwinykeki, aõmy rybeõmyke. ¹³ Rybebinamy inyboho dee reakeki, ihãrele Deuxumy tamy rarybemyhÿre. Rÿnysityby wese inydireny tiiboho retehemyhyre, iijese ijese wesemy.

¹⁴ Kia ròritidÿÿreri aixÿrudÿÿrenymy aõkõ, tahe wiòhedÿÿdumy retirÿreri binadÿÿna lau, iwese inytybyò tariòre rierynanyre wese. ¹⁵ Tahe sòwemy Kristu-ki bede erydÿÿdu rÿire. Sòwemy aõkõ bobohomy rÿirenyre. Kristumy heka jiarÿ sohojile borenymy rare. Rybewihikÿ erysyna-di dori borenymy rãire. ¹⁶ Kia dori kaiboho wawesemy boibekemy adireny watxireri. ¹⁷ Tai Tximòtxi reteònyre adeereny. Tii wariòre luu wesemy ratxire. Tii òbiti rare Wanyrÿ-ò. Tai watxi òhòtirenny reake iwese Jesuisi Kristury wese rariamyhyreki, tule iwese reerynanyre wese ibutu dohodÿÿna hetowo-ki. ¹⁸ Inyõ ixiwowydymy ixidi ròhòtinymyhÿ iwese arura-ò araõreki. ¹⁹ Wanyrÿdeewikeki arakre wylemy arorarenny-ò. Tai arierykre ixiwowydymy nohòtidu irybe sohojile aõkõ

arierykre, aõhebo rotỹnyre tule arierykre. ²⁰ Deuxu òlòna heka rybe sohojile aõkõ rare, rurutyhy heka rare. ²¹ Aõbo tahe awityhyre òhòte-di adehemyny aõbo, ada luuna-di ywina-di adehemyny aõbo?

5

¹ Dohodỹna mahāduy-ki òrarutyhy-di riki toite kia tahe rare: hābuõ heka tyby-hāwyytyby-wana roire. Kia òraru tahe ityhydỹdukõdu mahādu riòludunyõhyymhỹre. ² Kia hyyle ixi-di aõ aõkõ tōhõtinyinmyhỹte. Aõherekibo bede teòtiinyõtenyete tahinyõmy idi texitòenyõhytyenyete. Hābu kia riwinyre, ityhydỹdu mahāduy-ribi biòlòdỹnyke. ³ Jiarỹ akireny-ki watxiòrerihāre, tahe warybetytyby awanareny ratxireri, iwese jiarỹ awana ratximyhỹre wesele. Tahe wadohodỹna ariwahinykre kahābuny ibinamy riwinyremy. Tahe ityhydỹdu ributunykeu, ⁴ warybetytyby akireny rỹireu, Jesuisi Kristu ruru akireny rỹireu, kahābu Satanasi-ò biwahinybenyke. ⁵ Tai kahābu umy Satanasi-ò biwahinybenyke itytytyby tahe rahenykre Wanyrỹ Jesuisi kia nonanatxu-u. ⁶ Arybe iximy wydy awi aõkõ rare. Taholaõtenyete aõbo kia rybe-ò; iuri ibutere paõ widỹna sòwemy rauridỹra uridỹna heka òraru wese heka rare. ⁷ Idi behubenyke iuri hitxina-di, tahe paõ iuriõmy rỹirekre wese boibekemy òbitimy, Kristu tule buddeni xiwedỹna wesemy inydeereny rurure, iny Pascoareny worana bedehesi dorihe rarỹnymy rare. ⁸ Tai tahe ixena roxina rikiwinyrenyke. Paõ iuri-di ryiõmy rakatximyhỹreny. Kia uri paõ òraruihetxina wese rare. Paõ tỹmyra, òbitire, inatyhyre, tii rikiyrenyke. Kia tahe rare òbiti widỹna wahe.

⁹ Adeereny watyriti rewahinyre òrarudu mahādu roo-ki risiõmy, òtadu mahādu-wana boiõkemy. ¹⁰ Ibutumy òrarudu mahādu-ò aõkõ adeereny rarybere. Iny ibina mahādu, wasidu mahādu, Deuxutyhy luukõdu mahādu. Kia-wana noõrenymykeki, bede-ribi ihyyle bexihitxinyke. ¹¹ Wiji watyriti kia wese rewahinyre. Ityhydỹduy-txi ròtedu òrarudu rarehykeki, kia roo-ki risiõmy tule iny ibina mahādu, Deuxutyhy luukõdu, ujõmomy rybedu, wasidu, axaxa momodu, kia mahādu-wana tahe byreõmy. ¹² Ityhydỹdukõdu mahādu ywisidỹdu aõkõ jiarỹ rare. ¹³ Deuxu dohodỹdukõdu mahādu hitxidỹdu rarekre. Deuxu Ryberiti-ki roire: —Òrarudu ay-ribi biòlòdỹnyke.

6

¹ Iny ityhydỹduõ widee raurenanykeki, aõbohe awire? Erysydu-ò rikidy aõbo ada ityhydỹdu mahādu-ò rybeke aõbo? Uritere ityhydỹduòle marybekre. ² Ityhydỹdu mahādu bede bede mahādu ierysydỹkre. Kia teerytenyõta aõbo. Ityhydỹdu mahādu bede bede mahādu ierysydỹkeki, aõna aõna iyja tahe teeryõtenyete timy rasỹdỹnykemy. ³ Tahe inyboho ýju aõmydỹnana rikieryrenykre. Kiakeki iratyre kabede aõmydỹnana rakieryrenhyhyke. ⁴ Erysydỹnana ijòdikeki, aõherekibo erysydu ityhydỹdukõdu-ò radymyhỹre. Ityhydỹdule aõtxi awire. ⁵ Kia heka adeereny ixỹruna rare. Hābu erysydu ityhydỹdu mahāduy-ki ratxiõre aõbo ierysydỹ-ki. ⁶ Erysydu ijòdihāre ta ityhydỹdu seriòre wii ridyke aõbo ityhydỹdukõdu erysydu-ò, kia awiõre. ⁷ Ityhydỹdu wii ridykeki, kia tahe iaõ bede eryõmy rare. Inyõ adeereny aõmy rotỹnykeki, urile tahe aõhõkỹmy rotỹnykre. Kia heka Inynyrỹ-ò òbitire. ⁸ Kaiboho ityhydỹdu hāre aõhõkỹmy wii tesỹnymahātenyete. ⁹ Òrarudu mahāduõ-ò, Deuxu Iòlòna uri riwahiõtyhy. Kia teeryõtenyete, iny ywimynoduõ, Deuxutyhy luukõdu, wiriòrese-ò òtadu, hābu hāwyy wese rexiwahinymyhỹre ijõ hābu-ò. ¹⁰ wasidu, ixidee imynomy nohõtidu, axaxamomodu, jei jeimy rybedu, inywitxira aõmydỹnana wydydu, kia-ò Deuxu Iòlòna uri rawahiõtyhy. ¹¹ Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixāwidinyde anatade Deuxu Tyytybytyhy-di.

¹² Ibutumy ariwinyke ixidee wikeki ibutumy aõmydỹnana tahe iwidỹ awiõre. Ibutumy arotỹnyke ixidee wikeki, aõ aõkõ tahe waumy-di rarekemy raremyhỹ. ¹³ Rỹsỹnaheka weryri-ò ralòmhyhỹ kia-ò heka ihỹmyhỹre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rỹire. Deuxu umydikemy dorihe

riwinyre. ¹⁴ Deuxu Inynyrỹ riixixanyre rubu-ribi. Tule iny kidiixixanykre taruru-di. ¹⁵ Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe. ¹⁶ Inyõ hãbu aderana-wana roikeki, sohoji umyhyyle wiwana roireke. Kia teerytenyõte aõbo? Kia Tyyriti Iritina-ki roimyhỹre, hãbu hãwyy-wana sohoji umyhyyle wiwana roireke. ¹⁷ Moo Wanyrỹ-wana ributunykeki, sohoji Deuxu Tyytybyle rareke. ¹⁸ Òraru-ribi teòrehemy atximyhỹbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake. ¹⁹ Aumy Deuxu Tyytybytyhysỹ rare. Kia aõbo teeryõte? Deuxu rexiwahinyre awo-ki rasỹnyhyummy rarekremy. ²⁰ Kaiboho aumy wedu aõkõ atxitenyteri. Jesuisi Kristu adee rurureki. Tii òwynihikỹ-di anadyde, Kia tahe aumyreny-ki Deuxu-ò bealàbenyke, òbitimy bexisỹnyke aumyreny-di.

7

¹ Atyyriti dỹỹraxi rerawyònyreri. Kia rare: hãbu hãwyy-ò aderexiõhyykeki, kia heka awire. ² Hãbu tahãwyydihyyle rareke, tule hãwyy tahãbudihyyle rareke òta òta òraru dori sòwerek. ³ Hãbu tahãwyy-ò umy wahisidỹỹna tamy riwahinyke. Hãwyy tahãbu-ò umy wahisidỹỹna riwahinyke. ⁴ Hãwyy taumywedu aõkõ rare, ihãbu iwedure. Tule hãbu taumywedu aõkõ rare. Ihãwyy iwedure. ⁵ Wiòmysadỹỹõmy. Urile rexitòenykemy aõutxu-ò wii riòmysanykre. Urile ixideewimy wiwana ratxike. Idi wiwana roikre Satanasi riixiranyheny bededỹỹnana riijereki. ⁶ Kia warybe bede ywina aõkõ rare. Urile wadohodỹỹna rare. Adee awikeki, tuu bityhynybenykeki. ⁷ Ibutumy hãbu wawese rỹirakeki, awire. Iny sohoji sohoji tahe, Deuxu bede ywisidỹỹna tamy riwahinyra ijõ wiribi lahitxi ihỹre.

⁸ Ixihy mahãdu-ò wytese mahãdu-ò wadohodỹỹna rewahinyre: wawese hyy rỹirakeki, awire. ⁹ Ixiweduokeki, tahe boikre, tii arasahy mabekelau. ¹⁰⁻¹¹ Hãbu hãwyyumy heridu-ò warybe rewahinyra, tahe warybe aõkõ rare, Wanyrỹ rybe. Kia rare: Hãwyy uritere tahãbu ririõhyyke. Hãwyyõ tahãbu-ribi rexihitxinykeki, ijõ-wana roiõke ada tahãbuwanale ixiby roike. Tule hãbu uritere tahãwyy risiõmy. ¹² Ijõ-ò warybe rewahinyra Wanyrỹ rybemy aõkõ: Ityhydỹỹdu seriòre ihãwyy ityhydỹỹdukõdukeki, uritere iatysyõmy hãwyy tii-wana rarekemy ratximyhyreki. ¹³ Hãwyy ityhydỹỹdu ihãbu ityhydỹỹdukõdukeki, tule uritere iatysyõmy tahãwyy-wana rarekemy ratximyhỹreki. ¹⁴ Hãwyy dori ta hãbu ityhydỹỹdukõdu riòbitinymyhỹre rityhydỹỹnymyhỹ tii-wana ratximyhỹreki. Hãwyy ityhydỹỹdukõdu iwesele ta hãbu risỹnyre. Aõkõkeki ariòre ityhydỹỹdukõdumy raremyhỹ. Ka tahe rityhynyreki. ¹⁵ Ityhydỹỹdukõdu resekeki ixinamy rake. Kia wesekeki, ityhydỹỹdu ritaamy aõkõ ihỹre. Kaiboho ywina-di boibekemy Deuxu ratximyhỹre. ¹⁶ Hãwyy, teeryte ta hãbu rityhynykre aõbo, ada aõkõre aõbo? Aõkõ, teeryõte.

¹⁷ Iwese Deuxu iny sohoji sohoji rihitxihitxinyre wese, boibemahãke. Iwese atximahãtenyete wese Deuxu anatadenydeu kia wese boibeke. Kiamy heka reerynanyamahãre ibutumy dohodỹỹna-ki. ¹⁸ Inyõ notyky resyna-di bityhynykeki, kaweselemy mabeke. Inyõ õtyky resyna-di aõkõ bityhynykeki, juhoo tatemahã wese mabeke, notyky resydỹỹõmy. ¹⁹ Notykyresy aõ aõkõ rare, ityky resykõ tule aõ aõkõ rare. Deuxu bede ywina ywidỹỹna, kia heka aõ wihikỹ rare. ²⁰⁻²¹ Iwese Deuxu ibutumy iny ditade wese, juhu widỹỹnalemy mabeke. Deòdumy aõbo tetyhynyte, tahe tuhyummy mabeke. Awedudeewimy bexihukeki tahe, idi make araokorore-ribi bohonykeki, tahe make. ²²⁻²³ Deòdu-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyõ mahãdu rityhynyrenykeki, tiiboho deòdu roire. Deuxu aradyra òwyhykỹ-di tai tahe hãbu deòdumy aõkõ boibeke. ²⁴ Ityhydỹỹdu seriòre, iwese atximahãte wese adee tarasanamy Deuxu rarybereu, kia wesele boibeke.

²⁵ Ijadõma-ò bede ywinamy Wanyrỹ Deuxu tarybe diwahinyõde. Ihãrele wadohodỹỹna adee ariwahinykre kialemy. Deuxu dori tatòenamy riwaòbitinyre. ²⁶ Aõhebo kowa rotỹỹnyre, awi aõkõ rare. Kia tahe aratohonykre: Iwese iny ratximyhỹre wesehyy,

boibeke. Tii tahe wadee awire. ²⁷ Kai aõbo hãwyyemy heridu tate. Tahe ixihitxidỹỹmy nohõtĩõmy. Kai aõbo hãwyyemy heridu aõkõ tate. Tahe hãwyyemy herimy nohõtĩõmy. ²⁸ Tahe hãwyy-wana boikeki. Tii òraruna aõkõ rare. Tule ijadõma roikeki tule òraruna aõkõ rare. Ibutu iny heridu iaõmydỹỹ-ki aõhõkỹmy rotỹỹnyrenyke. Ilaui jiarỹ adeeremy rarybere inyõ aõhõkỹmy rotỹỹnyheny. ²⁹ Bededỹỹnana he iòhõre. Tai tahe adee rarybere waseriõreboho, inyõ heridu ixihyno wese ratxikemy. ³⁰ Iny bedewomy ratxirerĩ, ixibedewodỹỹ-ribi tõhõtĩ rosake. Iny deysamy ratxirerĩ, deysa-ribi nohõtĩ rosake. Inyõ aõ riwyyemyhỹre, ihokõ wese rotỹỹnyke. ³¹ Kabede aõna aõna kai bierysynanykeki iwese ierysydỹỹõmy bisỹnyke. Kia aõna aõna ibutomy ituekre. Bededỹỹnanahe aõwesele rexihukre. ³² Ixiraõmy ahãbenyke, kiamy tahe adee watxiwãhãre. Inyõ heridu aõkõ Deuxu aõmydỹỹna riywinymyhỹke, iwese Deuxudeewimy ratximyhỹkemy. ³³ Iny heridu heka bede aõmydỹỹna riywinymyhỹre, iwese tahãwyyeewimy ratximyhỹkemy. ³⁴ Kiamy rihitxinyre. Hãwyy tule heridu aõkõ Deuxu aõmydỹỹna riywinymyhỹre taumy Deuxu Tytybytyhy õbitidỹỹmy. Hãwyy heridu tahe bede aõmydỹỹna-di rõhõtĩnymyhỹre tahãbudeewimy riywinykemy. ³⁵ Kia aratohodỹỹnyra adeeremywikremy. Kaiboho arataaõtyhy. Urile anawiõhenanymahãde Deuxu iòhõmyhỹreki. Iòkõramy ibutomy arahenyrenykeny watxiwãhãre.

³⁶ Ijadõma tibiedỹỹdu tatibiena-õ õbitimy aõkõ risỹnyemy rexinohõtĩnymyhỹre. Ijadõma tahãbumy herina bede-õ rehemynyke. Tahe tatibiedỹỹna-di inyõ-wana roikemy idi ihỹre, ixinamy roike. Kia òraruna aõkõ rare. ³⁷ Weryrybõ heriõkemy raruronykeki, tii tahe awire. Tii dori irurudire iheridỹỹnyke heny. Tii ixiumy wedu rare. ³⁸ Tahe riheridỹỹnykeki, tii awire. Tule riheridỹỹnyõkeki, iratyretyhy awire.

³⁹ Hãwyy hãbu-wana rỹihyyke hãbu irumy. Rurukeu tahe hãwyy aõtxile roike. Urile Wanyrỹ Deuxudeewimy. ⁴⁰ Tahe wytesetyhymy ratxihiyykeki, teysamy rỹikre. Tuheka jiarỹ rahõtĩnyreri. Deuxu Tytybytyhy wawo-ki ratxirerimy idi rahõtĩnyreri.

8

¹ Katahe adeeremy ararybekre: Suritxoo-ò rỹsỹna xiwedỹỹnany. Inyboho ibutomy bedeery roire. Bede ery iny aõnityhymy rixinohõtĩnyre. Luuna tahe inywiõhedỹỹdure. ² Inyõ aõerysydumy rexinohõtĩnykeki tii aõwihikỹ rieryõre. ³ Inyõ tahe Deuxu luukeki, Deuxu tii rierymyhỹre. ⁴ Kaa rỹsỹna suritxoo-ò xiwemy rawahimyhỹre. Kia tahe aritỹnynykre. Inyboho rieryrenyke suritxoo aõ aõkõ rare. Sohojihyy heka Deuxu rare. ⁵ Iny deuxu aõ òta òtalemy rininimyhỹre biu-ki, bede-ki. Iwese deuxu sõwemy ihỹre wese wedu sõwe rare. ⁶ Inydeeremy Deuxu sohojile rare. Inytybyreny. Tii ibutu aõna aõna riwinyre. Tamy inyboho roire. Tule inydeeremy Wanyrỹ sohojile rare, Jesuisi Kristu. Tii ibutu widỹỹdure. Tii ratximyhỹre xiery inyboho ratximyhỹrenyke. Tamy inyboho roire.

⁷ Tahe ibutomy kia iny rieryõre. Iny sõwemy suritxoo iny reõwarimy rỹira. Tii riki ixiwenedumy riroxikeki, tai òraruna tuu relemyhỹre. ⁸ Rỹsỹna aõkõ riwatyhenyrenyke Deuxu-ò. Tai roxiheny rỹire. Rikirỹsỹrenyõkeki, rikiõnonyrenyõtyhy. Rikirỹsỹrenykeki, aõ rikitarenyõtyhy. ⁹⁻¹⁰ Bexiebenyke. Urile ityhydỹỹdu aokõdu ixihe-ki iatysyõmy, aurihixinahe-ki. Suritxoo hetowo-ki inyõ umy robikeki teroxiterimy, tii tule ijõ rỹsỹmy rexiwonyre, xiwe rỹsỹmy. ¹¹ Tai tahe aõraru-ki aseriõre atyhyna-ki òraruna-txi resekre. Tamy Kristu tarasamy rurure. ¹² Kiamy ityhydỹỹdu seriõre-ò taõrarunyteki, tule Kristu-ò textiõrarunyte. ¹³ Tai rỹsỹna òraru-ki ityhydỹỹ-ki waseriõre òraruna-txi resekeki, jiarỹ kia rỹsỹna ariroxiõtyhy, waseriõre òraru-ki.

9

¹ Jiarỹ adeeremy rexihyyemy watxiwãhãre. Jesuisi teodỹỹnany jiarỹ watxiwãhãre. Jesuisimy, Inynyrỹrenymy rabiõremy tahõtĩnymahãtenyke aõkõ, Jesuisimy rabire. Waõraru-ki kaiboho ityhydỹỹdumy toite. Deuxu dee waõmysỹdỹỹ òraru-ki ayreny-ki. ² Inywitxiraõ-ò òsana Deuxu deodỹỹnakõmy watxiwãhãre. Adeeremy tahe inatyhymy Deuxu teodỹỹnany wãhãre kaiboho dori wateodỹỹna urihixinamy ahãtenyke Deuxu dee.

³ Kia tahe warawyòdđyña rare iny wixiraò-ò: ⁴⁻⁵ Jiarỹ ariroxikeki, ariòkeki, tai aòkòhe awilere. Ityhydđyđu hãwyyò-wana, wawana aridykekò aòbo awileke. Kawese ibutumy Deuxu teòdđyña mahãdu rotỹmyhỹre, tule Jesuisi seriòre, tule Pedro. ⁶ Jiarỹ, Banabewanahyyle raaòmỹsđdđyñwãhãre iny aòreny tarasanamy. Kia rikirirenykeki, awikeki, aòbo. ⁷ Inyò aòbina-ò rakeki, ta aò aòbo riòwinyke? Aòkòre. Inyò oworumy uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunymyhykeki, ihowỹsomy aòbo riòmỹhỹke? Kohe, riòmỹhỹke. ⁸ Kabexe hãbu wese aòbo jiarỹ rarybereri? Tule tahe bede ywina tyriti aòbo riritinymy rỹimyhỹre. ⁹ Moisesi bede ywina ritidđyña-ki rỹimyhỹre: —Broreniry itaaòmỹhỹ maixòmo tyre rariamy risymyhỹreu. Deuxu aòbo broreni riwotòenymyhỹre. Aòkòre. ¹⁰ Tahe waòrarureny-ki aòbo kia rarybere. Kohe. Inyò ròbròmỹhỹreu, iyremy ritakemy ròhòtinymyhỹre. Tule inyò riòròmỹhỹreu, ijòò ixidee ritakemy ròhòtinymyhỹre. ¹¹ Deuxu Tytytybytyhy aòmỹdđyñanamy adeereny anaerynanykeki, idi aòna aòna aribireny aritaleke, aòbo? Kia aònityhyre aòbo? ¹² Iny wixira aò aribi ritake-wana, jiarỹboho iratyre iu aròtarenykemy arotỹnyrenyke. Tahe tiu ròtaòhyyre. Deuxu Rybewihikỹ tỹnydđyña ariokòròòtyhy. Tai ibutumy aò wixira wixira riòludunywãhãre. ¹³ Dohodđyña heto deòdu irysyna ritamyhỹre dohodđyña heto-ribi. Xiwe dinodu aò rỹsỹna ritamyhỹre xiwena-ribi. ¹⁴ Kia wese Deuxu rarybere; inyò Rybewihikỹ ritỹnynykeki, ibutumy aòmỹ reamyhỹre ritamyhỹre, Rybewihikỹ aòmỹsđdđyñbro-ribi. ¹⁵ Tahe jiarỹ aò aribi retaòhyyre tule kia reritinyreri aò aritakemy aòkò aribireny. Warybe inyò riònonykemy aòkò watxiwãhãre iko-ki tahe arurukre. ¹⁶ Jiarỹ Rybewihikỹ retỹnynymahãre, rexierymahãre dori aritỹnydđyke. Kia heka aòhòkỹ aòkò waloosònadikemy rare. Rybe aritỹnynyòkeki, heka aòbinatyhyò wadee kanake inyhe. ¹⁷ Ixidee wimy Rybe aritỹnynymyhỹkeki, tai ki aritakre. Ixideewimy aòkò aritỹnynyke-wana, ihãrele tahe itỹnydđymy iwahisidđyña wadee roire. ¹⁸ Kiake-wana, timybo wawahidđyña ihỹre. Kia heka rare. Rybewihikỹ tỹnydđy-ò arexiòwinyòtyhy. Aòbo inatyhymy wahòròre, retaòhyywãhãre.

¹⁹ Jiarỹ inydeòdumy aòkò rarehyywãhã. Tahe iximy rexideòdunyre sòwemy iny òraru-ribi aritakemy. ²⁰ Judeu mahãdu-ò judeu wesemy jiarỹ rexisỹnyre, judeu mahãduò dori òraru-ribi aritakemy idi watxireri. Moisesi bede ywina yrubudđyđu mahãdu dee ixiwesemy rexisỹnyre iòraru-ribi dori aritakemy. Urile jiarỹ kia bede ywiny rubudđyña aòkò rare. ²¹ Bede ywina aòkò mahãdu dee ixiwesemy rexisỹnyre. Urile Deuxu bede ywina dire jiarỹ Kristu bede ywina yrubudđyđu jiarỹ watxiwãhãre. Kia iòraru-ribi aritakemy jiarỹ rexisỹnyre. ²² Irurukòdu mahãdu-ò waruru aòkò wesemy rexisỹnyre, irurukòdu mahãduò ritakemy. Ibutu iny deewesemy rexisỹnyny rarewãhã, aòtxile tii-bohoò aritakemy iòraruna-ribi. ²³ Ibutumy rewinyre, Rybewihikỹ dee iwiòhedđyđukemy ixi-di wãhãre.

²⁴ Ijarana ròhònykeu ijaramy ijaranadu sohojile ròhònyra. Tiile wahidđyña ritake. Kaiboho maijarenybenyke tii bitakemy. ²⁵ Ibutumy ijaradu ixidi rorenymyhỹre aòikòkòmỹ rexierynanymyhỹre. Kia riwinymyhỹ wahidđyña ritakemy. Kia wahidđyña retybykre. Inydee wahidđyña tahe retybyòtyhy. ²⁶ Jiarỹ kawesemy raijaranyre aò aritakemy. Axiò ijesumy resuwãhãre yhyle rehetenyneri wese aòkò. ²⁷ Waumy-di ròrenyhyywãhãre. Wadeòdu wesemy waumy resỹnyre. Tai dori resỹnyre. Jiarỹ inyò-ò Rybewihikỹ aritỹnynykeki, ywimy dehudu wesemy aòkò arareke, adehuky-ribi riwata lau.

10

¹ Boholabenyke weseriòre ityhydđyđu mahãdu. Inytybyreny kia biuwetyky nonoe rawo-di roimyhỹ. Tule ahobesòhòkỹ rawo-di reuròrenyre. ² Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynyrenyre. ³ Deuxu Tytytyby rỹsỹna sohojile wiwese wesele ibutumy rirỹsỹre. ⁴⁻⁶ Deuxu Tytytybytyhy mona sohojile ihỹre. Bee manay-ribi nade. Mana tahe Kristuweselemy ihỹmyhỹre. Inynyrỹ kiamy roiremyhỹu. Deuxudeewimy aòkò riwinymyhỹre. Tai rurure bedero-ki. Kia tahe inydeereny bedery urihixina erysđdđyñamy ratxireri, inyboho-dori aòbina widđyña

aõkõ rokohotinyrenykemy, iwese tiiboho riwinyre wese aõkõ. ⁷ Inyboho suritxoo tyhydÿÿdukõmy rokoireke iwese ijõ mahãdu tuu rerinanymyhÿre wese kõkremy. Ritina-ki roimyhÿre: —Tiiboho rononymhÿre riroxikemy, riõkemy. Tahe ritamanyrenyre risinykremy. ⁸ Tule òta òtamy rokotÿÿnyrenyõke iwese tii riwinyre wese —tai 23.000 iny rurure sohojtxu-u. ⁹ Deuxu urihixirenyõmyke, iwese tii riwinyre wese. Tai rururenyre hemylala jurutana-ki. ¹⁰ Iburaõmyke iwese tii ribuarenyre wese. Tai rubudÿÿdu rirubunyre, Rubu Ýju wahe. ¹¹ Kia tahe bede ery urihixidÿÿna erysyna inydeereny ratxireri. Riritinymyhÿre iny bede erynarenymy. Bededÿÿnana konana-ò iðhòmny inyboho roire. ¹² Tahe inyõ òbitimy rÿimy rõhõtinykeki, tii rexijemy ratxike reseke lau. ¹³ Ixirana isirare inydee rehemynyõtyhy rikiòludunyõtyhy. Deuxu awi rare. Riattyõtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyrekye.

¹⁴ Waluuna mahãdu, kaiboho suritxoo luuna-ribi bexiebeny. ¹⁵ Adeereny rarybere, kaboho dori abederyrenyre kai bedeerywesetyhymy toiteki. Mohõtinybenyke aõmybo rarybereridi. ¹⁶ Deysanamonaahyna aõbo ityhydÿÿdu mahãdu wowydyna rare Kristu hãlubu wesemy tuu riõreki? Iny paõ riyreyrenyre, Kristu umy wesemy aõbo rare? Inydee aõbo wowydyna rare? ¹⁷ Inyboho sõwe roire. Urile tahe paõ sohojihy rare. Sohoji butunahymy rare, paõ sohojiribile yre yre rarÿsÿreu, inyboho sohojilemy roire. ¹⁸ judeu ijoi-ò betehebennyke. Kia xiwe rirÿsÿrenyreki, xiweribile ritamyhÿre. Kia aõbo òbitire. ¹⁹ Timybo jiarÿ rarybereri? Rÿsÿna aõbo xiwenamy diwahinydeki, kia aõbo aõ rare ada ritxoo aõ aõbo rare. ²⁰ Kiamy aõbohe jiarÿ rarybereri? Aõkõre, tuu aõkõ rarybereri. Urile, kia raxiwemyhÿre, diabo tyytyby-ò rare. Deuxu-ò aõkõ raxiwemyhÿre. Kaiboho diabo tyytyby-ò tamy bexijemy. Tii-wana uritere noõmy. ²¹ Wanyrÿ monamy biõkeki, tai diabo monamy tule biõõke. Wanyrÿ roxi-ki biroxikreki, tule tai diabo rÿsÿna rÿsÿõmykre. ²² Deuxu aõbo iny kidihãrudenykre. Inyboho aõbohe ityhyrenyre iratyre?

²³ Aõwaxiny tuu botÿÿnyke. aõmydÿÿnana awire. Ihãre tahe awiõre. Aõmydÿÿnana ixidee wimy botÿÿnyke. Urile aõmydÿÿnana riwiðhenanayõhyre. ²⁴ Uritere aaõmydÿÿnana sohojidile nohõtioomy; tule inywitxira aõmydÿÿna-txi õhõtì beake tai aõwihikÿmy tamy biwinykre. ²⁵ Birõmyhÿke ibutumy aõ rÿimyhÿre meriadu-ki, nohõtioomy aõbo raremyhÿmy. ²⁶ Ibutu bede aõmydÿÿna Wanyrÿ wahidÿÿna rare inydeereny. ²⁷ Ityhydÿÿdukõdu mahãduõ aratobinymy, kai makeki, biroxike ibutumy aõbo adee kidekre. Dÿÿraxioomy araykywydyna òraru-ki. ²⁸ Tahe adee rarybekeki; kia ritxoo xiwe rare. Irÿsÿõmy, kia hãbu raykywydyna òraru-ki tamy ibinare wahe. ²⁹ Araykywydyna òraru-ki aõkõ jiarÿ rarybere, tahe iwitxira òrariki. Ijõ hãbu witxira rayky-di aõkõ aritõhõtinyinmyhÿke. Kia òsana inyõ rarybekre. ³⁰ Dealãnadile jiarÿ ariroxiwãhãkeki, timybo inyõ ibinamy wamy rarybeke. Deuxu-ò dori rexideylydÿÿnyra. ³¹⁻³² Tai tahe, biroxibenyke-wana, biõbenykeki, aõmy botÿÿnykeki, ibutumy Deuxu wowydyna-ò botÿÿnyke. Inyõ atyhyna-di iatysyõmy, judeu mahãduõ-ò, judeukõdu mahãdu-ò, tule Deuxu tyhydÿÿduõ-ò. ³³ Ibutu dee rarurunywãhãre tamywikemy. Waaõmydÿÿnana sohojile aõkõ rahõtinyinwãhãre ibutu iny aõmydÿÿna dee rahõtinyinmahãre tarasadÿÿmy.

11

¹ Iwese jiarÿ Kristu wesemy watximyhÿre wese kaiboho wawesele boibekre.

² Ararybekre: —Kaiboho awirenyremy kaiboho dori iwese bede eryna araerynanyre wese ibutumy teyrubunymahãtenyete. ³ Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyyrati ratyre rare. Tule Deuxu tahe Kristu ratiwi ratyre rare. ⁴ Hãbu rexitõenyreu, ritÿnynykeu tarahety-di, Kristu rityhynyõre. ⁵ Hãwyyõ tahe rexitõenykeu, ritÿnynykeki tarahety-di aõkõ, tii tahãbu rityhynyõre. Tii dori tarade rasymyhÿre wese ratximyhÿre. ⁶ Hãwyyõ tarade rihetynyõkeki, tii tarade riorokre. Hãwyy tarasylau raixÿrukeki, tahe tara rihetynykre. ⁷⁻⁹ Hãbu tara rihetynyõmyhÿkre dohodÿÿna heto-ki. Bera-ò tyytyby wesemy Deuxu dee hãbu rare. Deuxu dee hãbu rare.

Hāwyy tahe hābu dee-ki rare. Hābu heka hāwyy-ribi aōkō dori iwidỹỹ rare. Hāwyy tahe hābu umy-ribi iwidỹỹ rare. Hābu hāwyy dee aōkō relere. Hāwyy tahe hābu dee relere. ¹⁰ Tai tahe hāwyy tara riwòmyhỹke. Iu tahe hābu rityhynymyhỹre ýju òraru-ki. ¹¹ Deuxu ityhydỹỹduy-ki wiwesele wiweselemy ratximyhỹre. Hābu hāwyy-di ratxikemy; hāwyy hābu-di ratxikemy. ¹² Iwese hāwyy hābu-ribi relereu wese, hābu hāwyy-ribi reamy raumynymyhỹre. Deuxu ibutumy riwinyre. ¹³ Kaiboho mohotinybenyke: Hāwyy rexitòenyreu, tarade rihetynyke, aōbo ada aōkōre aōbo? ¹⁴ Hābu iraderehemy rỹira, tarati rityhynyōmyhỹre tuu rỹira. Kiamy bede riwaerynanyrenyre. ¹⁵ Hāwyy tahe irade rehely rỹira ixiruxeradỹỹmy rỹira, hety wese tamy iò rarekremy wahe. ¹⁶ Inyò iwixiramy rexinohòtinykeki, tamy ararybekre, kia wese: Inyreny-ki kia bede ywina rare ibutumy dohodỹỹna heto-ki.

¹⁷ Aōwesebo botỹỹnykremy adee ararybekre. Wade awiøre iwese ahātenyete wese kaiboho tebutunyenyeu, kia arawiòhenanyòhyre urile tahe arabinanytyhyrenyra. ¹⁸ Juhuu ararybekre timybo raholaremy: kaiboho texihitxinytenyete dohodỹỹnaheto-ki, kia tahe retyhynyriòremy watxireri. ¹⁹ Wiribi bexihitxinybenykeki, tai iny òbiti rỹira bierybenykeny. ²⁰ Bibutunymyhỹbenykeu, Inynyrỹ roxina aōkō terỹsỹmahātenyete. ²¹ Ijò detiteremy taroxina riwymyhỹre inywitxirako-ki. Ijò aō rimyòmyhỹreki rama risamyhỹre. Ijò tahe sòwetyhymy riòmy raitxỹtemyhỹre. ²² Kai aōbo ahetoøre, tai biroximyhỹkemy, biòmahākemy? Kia wese-ki Deuxu dohodỹỹna heto aōbo tetyhynyòhyymahāte. Iaōkō rỹira mahādu tule teixỹrudỹỹnymyhỹtenyete. Aōmybo ararybekre. Arawowydydỹỹnyrenykeny aōbo? Aōkōre. Tai arawowydydỹỹnyrenyòtyhy. ²³ Kia Inynyrỹ-ribi retare, tule aerynamy adeereny rewahinyre. Kia wahisidỹỹnadyna txuu, Jesuisi Inynyrỹ orotxu rimyre. ²⁴ Rexitòenyredi, riòròre, idi tahe rarybera:

—Kia heka waumy rare. Adeereny wahidỹỹmy watxireri. Kia biwinymyhỹkreu, watxi òhòtirenny reakemy.

²⁵ Tule riymyhỹre rahudi, tahe bemona hyna rimyra, idi tahe rarybera:

—Kia heka wadeewimyy Deuxu, iny-wana ratximyhỹre. Wahālubu òraru-ki kia riwinyre. Kia biòmahābenykreu, aōu watxi òhòtirenny reakemy.

²⁶ Tiubo paò biymahābenykreu, bemona hyna-ribi biòmahābenykreu, warubu rybe tetỹnynytenyeteri idi addòsekrey. ²⁷ Tai inyò òhòtiòmy riykeki-wana, riòkeki-wana, tii Jesuisi umymy hālubumy òraru-ki ratxireri. ²⁸ Sohoji sohoji taaòmydỹỹnana-di rohòtinykre, idi tahe riymyhỹre, riòmyhỹkre. ²⁹ Inyò Jesuisi umy-di rōhòtinyòkeki, ixidee aōbinahakỹ kidiwinyke. ³⁰ Kia òraru-ki sòwemy binamy òhyyle toite, tule iny sòwemy rurumy rỹira. ³¹ Iny ixi-di rohòtinykeki, aōbinahakỹ rexierykeny, tahe iny rexiòbitinyke. Deuxu tai aōhòkỹmy rotỹỹnyòtyhy. ³² Inynyrỹreny inyboho riòbitinymyhỹre. Kiamy heka bede mahādu-wana aōkòkeki, aōhòkỹmy rotỹỹnyrenykre. ³³ Kiamy, waseriòreboho, roximy bibutunykrey, ijò wii biraòbenykre. ³⁴ Inyò rama risamy rỹikeki, taheto-ki riroxike tai rihuòmy rỹimyhỹkre Deuxu ywisidỹỹna-ki. Adee arehemnykreu, ijò kia aōna aōnamy aròerynanyrenykre.

12

¹ Deuxu Tyytybytyhy bede eryna witxira witxiramy adeereny ararybekre, araerynanyrenykeny. ² Ityhydỹỹdukòdumy toitemahāu, aōò aradyrenyre suritxoo rybeòhòkỹ-ò. ³ Tai arabedeerynryeri: Inyò Deuxu Tyytybymy rarybemyhỹkeki, tii rarybeòtyhy: Jesuisi ibina rare. Tule inyò uri rarybeòtyhy: Jesuisi Wanyrỹ rare. Tii Deuxu Tyytybytyhydile tuu rarybekre.

⁴ Deuxu Tyytyby bede eryna witxira witxira sòwemy rỹire. Deuxu sohojile tahe iwahidỹỹdu rare. ⁵ Aòmysỹdỹỹwi-ribi lahitxi rare, tahe Inynyrỹ sohojile rare tamy rakaaòmysỹdỹỹnyke. ⁶ Aòmydỹỹna wiribi lahitxi rare, tahe Deuxu sohojile ibutudỹỹdu rare. Tii iny-ò aòmysỹdỹỹna widỹỹna riwahinyre. ⁷ Sohoji sohoji tabedeeryna witxira witxira Deuxu Tyytybytyhy-ribi ritamyhỹre ibutu iny wiòhedỹỹmy. ⁸⁻⁹ Inyò-ò bede eryhykỹ wahidỹỹmy ratxireri, Deuxu Tyytybytyhy iwahidỹỹdure. Ijò-ò tahe rybe

bedeerydÿÿ wahidÿÿmy ratxireri, iwahidÿÿdu tiile rare. Ijõ-ò tahe ityhydÿÿtyhy-ki rarekemy. Deuxu Tyytybytyhy iwahidÿÿdure. Ijõ-ò tahe, òhotibedumy rarekemy. Deuxu Tyytybytyhy risÿnyre rare. ¹⁰ Ijõ-ò tahe, bededby widÿÿdumy rarekemy, ijõ-ò rybe-di tÿnydÿÿdumy, ijõ Tyytyby erydumy, ijõ rybewitxiramy rarybekemy, ijõ rybe wiuròdÿÿdumy. ¹¹ Deuxu Tyytybytyhy sohojile tahe iwahidÿÿdu rare. Tii sohoji sohoji-ò riwahinymyhÿre ixideewimy.

¹² Iny umy sohojihyy rare. Urile iaomÿdÿÿnana sòwere. Kia wese ityhydÿÿdu rÿira ityhydÿÿdu mahäduy-ki, Kristu-ki iny sohojihyyre. ¹³ Sohoji sohoji mahädu-ribi rabutura, ijõ judeu mahädu-ribi, ijõ judeukòdu mahädu-ribi, ijõ deòdu mahädu-ribi, ijõ deòdukòdu mahädu-ribi. Wiji tahe Deuxu Tyytybytyhy-di sohoji hõrõmy iny rÿire. Idi tahe inyboho tÿximy rÿire. ¹⁴ Umy dori sohoji aomÿdÿÿnana-di aokò rare, sòwere tahe. ¹⁵ Inywa rarybekeki kia rarybekre òsana: jiarÿ umy aomÿdÿÿnana aokò watxireri, debò aokò dori rare. Kia rarybekeki, ihäre ta umy aomÿdÿÿnana aokò watxireri. ¹⁶ Nohõti rarybekeki: rue aokò jiarÿ rare, tai dori umy aomÿdÿÿnana aokò rare, Kia rarybekeki, ihäre ta umy aomÿdÿÿnanale ratxireri. ¹⁷ Ibutumy umy ruelemy ratxikeki, timybo rokoholarenkyre. Ibutumy nohõtileyemy ratxikeki, timybo rue rareke timybo robirenykre. ¹⁸ Deuxu ibutumy aõ ritidire, titxibo ixideewimy rõhõtinyre. ¹⁹ Ibutumy aomÿdÿÿnana wiweselehekÿkeki, timybo raaomÿsÿdÿÿnyke? ²⁰ Inatyhymy aomÿdÿÿnana sòwere. Umy tahe sohojilere. ²¹ Rue debò dee rarybeotÿhy: Kai aõ aokò tate. Tule ratiheka waò rybeomÿ: Kaikòkeki wadee awike. ²² Kia kÿnyhe. Aõ aomÿdÿÿnana inydeereny iruruomÿ aomÿ aokò rÿire wese, tii aõwityhy rÿire. ²³ Tule aõbo inydee aomÿ aokò rÿira tamyhe woreke rÿimyhÿre iruxeramy aokò rare, iny woreke rÿimyhÿre. ²⁴ Aõbo inyummy-ki iruxeramy rare, kia uridÿÿomÿ. Deuxu tahe umy aomÿdÿÿnana ibutumy ributumy. Tii aõ ibuturatyre rityhynyre. ²⁵ Kiawese alòreomÿ umy-ki ibutumy umy aomÿdÿÿnana wiwana raaomÿsÿdÿÿnymyhÿre wii riwiòhenanymyhÿre. ²⁶ Sohoji aomÿdÿÿnana txubererekeki, iuhe rubererenyke. Ijõ teysakeki inyõ riwowydynykeki iuhe reysake. ²⁷ Boholabenyke, kaiboho Kristu umy mahäduõ toite. Ityhydÿÿdu sohoji sohoji heka umy aomÿdÿÿnanaõ wese rare. ²⁸ Deuxu ityhydÿÿdu mahäduykile iny rihitxinyre. Juhuu Jesuisi teòdÿÿdu mahädu, ihewo-ribi Deuxu rybe tÿnydÿÿdu mahädu, idi ierydÿÿdu, aõwiwihikÿ widÿÿdu, òhotibedu mahädu, wiòhedÿÿdu, din-oduwesedÿÿnadu, rybewitxira ersydumy. ²⁹ Ibutumy deòdu aõbo roire? Ibutumy tÿnydÿÿdu aõbo roire? Ibutumy erydÿÿdure aõbo? Ibutumy aõwiwihikÿ widÿÿdure aõbo? Aokòre wii ihitxihitxire. ³⁰ Ibutumy ywisidÿÿ rieryre aõbo? Ibutumy rybe witxira rybedu aõbo? Ibutumy rybewitxira wiuròdÿÿdure aõbo? Aokòre. ³¹ Tahe, eryna wiwihikÿmy mynymy, atximyhÿbenyke. Tahe ariteòsynkyre tibo rry.

13

¹ Ibutumy iny rybe witxira witxira arierykeki, ÿju rybe adierkykeki, kia tahe luuna-di aokòkeki, jiarÿ aõwodÿÿna widÿÿna wesemy ararekre. ² Jiarÿ ibutumy Deuxu rybewahidÿÿ eryna ijõdikeki, ibutumy bedeery ijõdikeki, hãwãlò iherina-ribi aritake watyhydÿÿna kiadikeki, tahe luuna-di aokòkeki, aõ aokò watxireri. ³ Ibutumy waaomÿdÿÿna iny aokò mahädu-ò ariwahinykeki. Waumy Kristu Rybewihikÿ dee òraru-ki wòsikemy ariwahinykeki, tahe luuna ijoòkeki, kia heka aokòweseleke. ⁴ Inyõ luunadikeki, ywimy rarekre, awimy rarekre, ihãrukomÿ rarekre, luunadikeki, ixityhydÿÿdukomÿ rarekre. ⁵ Inyõ luunadikeki ihÿkÿhÿkÿmy aokò rarekre. Ixisohojidile aokò rõhõtinykre. ⁶ Òbitiõna-di deysaomÿ, inatyhyle kedeysakre. ⁷ Moõ iluunadireki ibutumy aõhebo rotÿÿnykre, ibutumy rityhynykre, ibutumy riraòkre, ibutumy riòludunykre. ⁸ Luuna tiu itueotÿhy, tahe rybe tÿnydÿÿna aõutxumy ituekre, rybewitxiramy rybe ituekre, bede eryna ersynamy tule ituekre. ⁹ Inyboho iyrelemy rieryrenyre. Tule iyrelemy ritÿnynyre. ¹⁰ Aõutxumy tahe kia iyre rexihukre, ibutumy kanaerykre, kia hãbu òbiti tyhy kedehemynykeu, Kristu wahe. ¹¹ Uladumy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe,

wauladumy nona rerire. ¹² Wiji tahe inyboho robirenyre, iwese itxerenatÿnykowese-ki, kiatsu tahe, wiòsanamy rokobirenykre. Katahe iny rieryrenyre txuraò, kiatsu tahe, iwese tii inyboho dierydenyde wese rikierenykre. ¹³ Tahe inataò aomydÿÿna rÿire: ityhydÿÿna, iraròsòna, luuna. Ijò ratyre tahe luuna rare.

14

¹ Luuna-di boibeke ibutu ijò ratyre. Tyytybytyhy ersyna biijebenyke. Iratyre biijebenyke Deuxu rybe tÿnydÿÿna erydÿÿna. ² Inyòheka rybe witxiramy rarybekeki, hãbu-ò aòkò rarybereri. Deuxu-ò sohojile rarybere. Inyò irybe rieryòre. Deuxu Tyytybytyhy rybe tii erydure. ³ Inyò Deuxu rybemy rarybemyhÿreu, iny-ò rarybereri. Tai riwiòhenanymyhÿre, riòbitinymyhÿre, riteysanymyhÿre. ⁴ Inyò rybe witxiramy rarybereu, tiilehyy rexiwiòhenanymyhÿre. Inyò tahe rybe ritÿnynyke wana, dohodÿÿna mahãdu riwiòhenanyre. ⁵ Ibutumy rybe witxiramy rarybekeki, tii tahe wadee awire. Tahe ibutumy Deuxu Rybewihikÿmy rierynanykeki, kia iratyretyhy wadee awire. Deuxu rybe tÿnydÿÿna tahe, rybe witxiramy rybedu ratyre rare. Wiuròsòdÿÿdudile rybe witxiramy rarybeke dohodÿÿdu mahãdu wiòhedÿÿmy rarekemy. ⁶ Jiarÿ adeeremy ararybekeki, rybewitxira-di. Tiwesebo arãwiòhenanyrenyke. Urile bede erytÿmyra-di, erynatyhyhyky-di, inatyhyeryna-di araerynanykeki, kia-di tahe arãwiòhenanykre. ⁷ Ka tahe wiudÿÿna rare. Wyhyhykÿ jurònawesena ada rerotisòmo wiudÿÿna kidiwiunykeki, tahe awimy riwiunyòke, timykibo iny rieryke aòbo riwiunyreri. ⁸ Tule juròna òbitimy ritxurònyòkeki, timykibo aòbinadu mahãdu rierykre aòbina-ò nomy rexiwinykemy. ⁹ Kaiboho tule kiawesere. Inyò arybe rieryòkeki, tiwesebo rieryke aomybo tarybetenyteri. Kiawese dori yhydeele tarybetenyteri wese. ¹⁰ Inatyhymy sòwemy rybe witxira rÿire bede-ki, ibutumy tahe aòna aònamy rybedu rarybere. ¹¹ Aomybo rarybere arierykòkeki, rybedu dee jiarÿ iny witxira, rybewitxiraò tamy rare, tule tii wadee rare. ¹² Kaiboho Deuxu Tyytybytyhy eryna teijetenyteri. Tai dohodÿÿna mahãdu wiòhedÿÿmy marurunybenyke. ¹³ Inyò rybe witxiramy rarybekeki, iòbitidÿÿnamy rexitòenyke. ¹⁴ Rybe witxiramy arexitòenykeki, watyytybyle rexitòenyteri waraykywydyna-ò ralòòtyhy. ¹⁵ Tai tahe aòhebo arotÿÿnykre? Watyytyby-di, warayky-di arexitòenykre. Idi watyytyby-di warayky-di arawiunykre. ¹⁶ Kai atyytybyle-di texitòenymyhÿteu, timykibo inyò rierykemy? Idi rarybeke aixitòedÿÿna rexihukeu. Tii dori arybe rieryòre. ¹⁷ Kai tahe inatyhymy awimy texitòenye, tai tahe iny aò rieryòhyre, idi riwiòhenanyòtyhy. ¹⁸ Deuxumy reàlàwãhãre. Jiarÿ dori aratyrereny rybe witxiramy rarybemahãre. ¹⁹ Tahe dohodÿÿna mahãdu-ò iruyre rybe eremy ierysynamy ararybeke ada sòwemy rybe eremy iwitxira rybemy anarybekeki. Juhule wadee awityhyre ijò ratyre-ki iny kiawese inatyhymy reerynanyre.

²⁰ Waityhydÿÿdu seriòre uladu raykywesemy aòkò bexiraykynymyhÿbenyke. Inyery bedeeryhykÿ wese maraykynybenyke. Aòibina ersynale uladu aòeryò wesemy boibeke. ²¹ Bede Ywina tyyriti-ki kia rÿire: —Kia inydee, hãbu rybe witxira-di anarybekre. Ihãre ta warybe dee tiiboho roholarenyòkre. —Kiamy tahe Wanyrÿ rarybere. ²² Inatyhymy tahe iwitxira rybe rybemy ityhydÿÿdu mahãdu dee deòsina aòkò rare. Kia ityhydÿÿdukòdu mahãdu dee deòsina rare. Tule Deuxu rybe tÿnydÿÿna ityhydÿÿdu mahãdu-ò rare. ²³ Dohodÿÿna mahãdu wii ributunykeu, rybewitxiramy rarybemyhÿreki. Ityhydÿÿdukòdu mahãdu ralòkeki, iny ierykòdu ralòkeki, timybo tii ròhòtinyke. taitxÿtetenyterilemy idi ròhòtinyke. ²⁴ Tahe ixityre ityhydÿÿdukòdu mahãdu ralòkeki, tahe Deuxu rybemy rarybereriò, ralòkeu, tii rexierykre òrarudumy rare, ibutumy aòwòmny roholare tarayky riixixanyke. ²⁵ Aòbo tawo-ki riwòmny rÿimyhÿredi rexierymy ixi-di ròhòtinykre. Tai resekre tatiowomy Deuxu deàlànamy reàlàkremy. Tule rarybekre: —Inatyhymy Deuxu ayreny-ki ratxireri.

²⁶ Aòhebo dohodÿÿna-ki rokotÿÿnyrenykre waseriòreboho wii rikibutunyrenykreu. Kia heka rare: Inyò wiuòmny kanawiunykre, ijò tasÿ Deuxu rybe bede erydÿÿna kedeerynanykre, ijò itÿnydÿÿnamy kanarybekre, ijò rybewitxiramy rybena kanarybekre, ijò

iwiuròsòdǵǵnamy kanarybekre. Aõhebo botǵǵnybenyke ityhydǵǵdu wiðhedǵǵnamy rarekemy. ²⁷ Inyõ rybewitxiramy rybemy ratxire riki, inatxi inataõlemy rarybeke, wihewomy, tule iwiuròsòdǵǵdulemy rarybekre. ²⁸ Wiuròsòna ihoõkeki, rybeõlemy ronyke dohodǵǵna heto-ki. Ixiwanale Deuxu-di rõhõtinyre, rexitðenymy. ²⁹ Urile inatxi, inataõlemy rybe tǵnydǵǵdumy rarybekre wana, ijohonadu mahãdu tahe irybe-di rõhõtinytyhyke timybo. ³⁰ Ijõhonadu-ò itǵnydǵǵna rybemy ratxikeki, rybedu rexihudi rarybekre. ³¹ Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. ³² Rybe tǵnydǵǵdu mahãdu rayky, tiile rexierymyhǵkre. ³³ Deuxu tahe wimy uriuridǵǵdu aõkõ rare; tii tahe õbitina widǵǵdu rare. Ibutu ijõ dohodǵǵna heto-ki kia wesemy rare.

³⁴ Hãwyy tahe dohodǵǵna-ki roholamy rǵimyhǵre rybeõhykymy tai aõwedumy aõkõ. Ywilemy rǵirake iwese judeu bedeywidǵǵna roimyhǵre wese. ³⁵ Tǵǵraxonadikeki taheto-ki tahãbu-ò rǵǵraxike. Hãwyy dohodǵǵna-ki rarybemyhǵre heka ixǵruna rare. ³⁶ Timywese tahõtinytenyete. Deuxu rybe aõbo aykyreny-ki rõhònnyre ada kaiboho sohojile aõbo ijõdire.

³⁷ Inyõ rybe tǵnydǵǵdumy ixi-di rõhõtinykeki ada Deuxu Tyytybytyhy-ò wiðhedǵǵnamy rarekeki. Timybo rarybekre. Kia waryberiti heka Deuxu bede ywidǵǵna rierykre. ³⁸ Inyõ kia rityhynyõkeki, tii wile ratyhyõdǵǵõkre.

³⁹ Iribi tahe waseriõre tǵnydǵǵdumy boibekemy atxibenyke. Ixinamy rybewitxiramy iny rarybemyhǵke. ⁴⁰ Ibutumy aõhebo botǵǵnybenyke. Òbitilemy, ywilemy.

15

¹ Aõtxi õhõtireny araijaradǵǵnykre. Kia tahe rare. Rybewihikǵ iwese adeeremy retǵnynyre wese, tetyhynytenyete wese, tule tetyhynyhy ahãtenyete. ² Tai tahe tarasanawo-ki ahãtenyete rybe teeryhy ahãtenyete ki iwese retǵnydǵǵnyre wese. Aõkõkeki arðtenareny aõtyhy aõkõ adeeremy ihǵre. ³ Juhuutyhy adeeremy retǵnynyre iwese raholare wesemy. Kia rare: Kristu iny õrarureny dee rurure. Kiamy heka ritidǵǵna roire. ⁴ Tule mana wabede-ò rahãluure. Inataõ txu idi rǵidi tahe, rubu-ribi rexixare, ritidǵǵna rarybere wese. ⁵ Rexideòsinyre Pedro dee, idi tahe waðinatxi mahãdu dee. ⁶ Idi tahe 500 iny ratyre tuu robire. Kia iny ityhydǵǵdu seriõre mahãdu ibutumy rexibutumymyhǵre Jesusimy robire. Ijõ rurure kia butudǵǵnay-ribi, tahe ijõ irulemy ihǵmyhǵre. ⁷ Iribi tahe Txiau tuu robire, idi tahe ierydu mahãdu ibutumy tuu robire. ⁸ Ihewo-ribi tahe jiarǵ tuu rabire. Iwese uladu ibededǵǵnanakõmy reare wese tuu rabire. ⁹⁻¹¹ Jiarǵ ierydu hewo ludu rare. Uritere erydumy wanidǵǵõmy watxiwãhãre, raixǵrure wahe. Jiarǵ dori juhuru ityhydǵǵdu mahãdu aõhõkǵmydǵǵdu rare. Deuxu ruxetðenale dori aõmy watxiwãhãre. Iruzetðena aõnihikǵmy waki riwinyre. Jiarǵ dori ibuturatyre aõmysǵdǵǵna rewinyre. Tahe jiarǵ aõkõ wãhãre. Deuxu ruxetðenamy wahãre jiarǵ aõbo ada tiiboho aõbo adeeremy relyyrenyete, idi kaiboho tetyhynyletenyete.

¹² Kristu rubumy roira-ribi rexixara, kiamy heka rarybemahãrenyete. Aõherekibo inyõ rarybereri rurumyhǵre-ribi inyõ rexixaõkremy. ¹³ Inyõ tiu rubu-ribi rexixaõkeki, Kristu tahe rexixaõre tarubu-ribi. ¹⁴ Kristu rubu-ribi rexixaõre wana, jiarǵboho aõmy waryberenyõna idi aõ atyhydǵǵnaõna. ¹⁵ Kristu inatyhymy rexixaõkeki, inyboho Deuxumy ruimy rybedu mahãdumy roire. Kristu ixixana rybemy dori jiarǵboho rarybemyhǵrenyete. Kiata bohe Deuxu, Kristu riixixanyõlere. ¹⁶ Rubumy roimyhǵre mahãdu rexixaõkeki, taita Kristu rexixaõre. ¹⁷ Kristu rexixaõkeki, ainatyhynareny aõ aõkõ rare. Aðrarudile ahãtenyete. ¹⁸ Tule, ityhydǵǵdu-ri rurure mahãdu, biu-ò rõiõtyhy. ¹⁹ Kabede-ki sohojile inyboho Kristu riraðmyhǵreki, inyboho bedewotyhytyhymy roire.

²⁰ Inatyhymy taheka Kristu rubumy roire-ribi rexixare. Tii juhuuludu rubu bede-ribi dõðsede mahãdumy roirekemy, tai iny tule rekexixarenyete. ²¹ Iwese hãbu sohojiõ rubu diwyde wese, tule hãbu sohojiõ rubu-ribi ixixana diwyde. ²² Iwese Adaõ-ki ibutumy iny rurukemy rǵimyhǵkemy tule Kristu-ki ibutumy ixixana kiditakre. ²³ Kristu bededǵǵnana kedehemyhǵkre, rubu-ribi ixiby ixixana kòdðhònnykre. Kristu juhuru

rexixare, ihewomy tahe taeryna mahādu kidiixixanykre. ²⁴ Tai tahe bede konanakre. Jesuisi ibutu wedu mahādu, bede dinodu mahādu, Iòlò mahādu kanahukre. Tahe ibutummy tyby Deuxu-ò òlòna kidiökre. ²⁵ Jesuisi tahe ibutu ratyre Iòlòmý ratxikemy rarehykre. Iòludu mahādu ibutummy iwarawo-ki rýikre. ²⁶ Iòludu konana heka, rubu rare. Tii tule riixāwididýňnykre. ²⁷ Ryberiti kiawese roire: —Deuxu tahe ibutummy iwarawo-ki ritidireri. Iximy ritidiötyhy tii dori tidisidu rare. ²⁸ Rexihudi tahe tule iRiòre ritidikre. Tai tahe Deuxu ibutu iòlòmý rarekre.

²⁹ Rubummy rýira ixby kedexixaökeki aöherekibo iny deròwy teratisebenyteri, rubummy roira mahādu hārehekýle wahe. ³⁰ Aöherekibo berebunatyhyhyký-txi inyboho iòhārumy ratximahārenyre txuö txuölemy. ³¹ Ibututxu rubu reijemyhýre. Adeereny wawowydynatyhymy watxireri. Jesuisi Kristu Inynyrý òraru-ki. Tai heka kia lau rarybe-mahāre. ³² Hābu mahādu-ò Efesu hāwā-ki iròdu debure-ò aöbina wese resumahāreki aötyhybo aritakre? Inatyhymy aöbo? Rubu rexixaökeki, rikiroxiryrenyke, rikiörenyke, biurasòmý dori rukururenkyre. Aö aökö inytyhydýňna. Kia riki ityhydýňduködu mahādu tuu rexirybenyre, abiòwa mahādukeki. ³³ Ixi itxenadýňömy: kia biòwa bina dori iny ixihemy riatymyhýhýre. ³⁴ Ywityhylemy boibeke, òbitilemy òrarurenömy, sòwemy iny Deuxu rieryöre. Kia heka iny ixýrudýňnareny rare, tai rarybewāhāre.

³⁵ Tahe inyö kanarybemyhýkre: —Timybo rubu kedexixakre. Aöумыwesemykre iummy? ³⁶ —Itxýte, juhū alòboròna rabròökeki tiu txuhuöna. ³⁷ Telòho iny ribòrònyötyhy, ityle iny ribòrònyke. Iwese maixòmoty ribòrònyke ada oworuty wese. ³⁸ Ibututy-ò Deuxu iraty ummy riwahinymyhýre ixideewireki. Deuxu ixideewimý alòboròna ritxuhudýňnymyhýre timybo? ³⁹ Dee ibutummy wiwese wese aökö rare. Inyde, iròdude, nawiide, uturade ibutummy tahe wiribi hitxi hitxire. ⁴⁰ Biumy rýira mahādu tule lahixire, aöwitxira witxira bedemy rýira kia wowydynareny wiribi hitxire. Tii-wana wimý rahixirananyre. ⁴¹ Txuu ahādu, taina, iloosònareny wiribi hitxire. Taina ijö taina-ribi iruxeratyhyre. ⁴² Tai tahe kia wese rubu-ribi ixixana rýimyhýre. Umy rubu su-ò rahāloodýňmyhýre rarònyhe txu. Idi tahe irulemy kòdòhònykre, alòboròna ruhunymyhýre wese tahe ummy tuedeönaö. Bede luruhuký-ki rahāloodýňmyhýre, tahe loosònatyhy-ki kòdòhònykre. ⁴³ Iruruö-di ummy heka rahāloodýňnymyhýre ibinare, tahe iruxeramy tarurutyhy-di kòdòhònykre. ⁴⁴ Iny ummy wesemy rahāloodýňmyhýre, tahe tyytyby wese kia ummy-di kòdòhònykre, biuludu mahādu wahe. ⁴⁵ Kiamy heka ritidýňna-ki roire. Iny ummy riuhemyhýreki, tule tyytyby ummy riuhemyhýremy rýire: Juhū inyiru Deuxu riwinyre Adaö heka rare. ⁴⁶ Juhu tahe inyummyreny tayry-di riwinyre idi tahe ritytybynyre. ⁴⁷ Juhū ludu hābu suribi ije rare. Ihewo-ribi Hābu biu-ribi ihýre Kristu wahe. ⁴⁸ Juhū hābuwesemy ibutummy iny bede ludu ihýre juhū inytyhy wese wahe. Hābu biuludu wesemy ibutummy biu ludu mahādu ihýre. ⁴⁹ Tai tahe kabede hābu wesemy inyboho rýimyhýrenyre wesereki, tule biu ludu Hābu wesemy rýkýirenyke.

⁵⁰ Waityhydýňdu Kia heka rarybemahāhyreri, iwese inyboho ihýmyhýrenyre wesemy tiu Deuxu òlòna-ò ralòötyhy. Iny ummy heka ruruhy ummy rare, tai tahe Deuxu òlòna ritaötyhy, kowa-ò dori iny ummy ruruötyhy. ⁵¹⁻⁵² Tahe aöbo teeryöte adee aritýnykyre: Ibutummy iny ruruökre. Ibutummy ityhydýňdu iny ruruöde iummy riwitxiratýmyranykre, aöwesele reakre, iny tarue riberenymyhýre wese reakre, ikonana juròna ritxurònykre. Juròna ritxurònykre idi ibutummy ityhydýňdu rubummy rýira riumywitxiratýmyranykre umytuedeöna-di. Inyboho ityhydýňdu mahādu tulekre. ⁵³ Tahe rekexiwiurònyrenyke, iny bede ummy dori rurumyhýre. Rakaumnykyre ummy witxira-di taita rukururenötyhy. ⁵⁴ Iny ummy witxiradikre, tahe kia rybe rexihummy rýikre: Ryberitina rarybere: —Rubu ijesu rikitarenykre: ⁵⁵ —Aöherekibo rubu, aijesuna wawana tetaöta? Aöherekibo tiwamytxitidýňnyöte? ⁵⁶ Òraru rubumytxitidýňdu rare. Bedeywidýň òraru rurudýňna rare. ⁵⁷ Deuxu umymy rekealàmymhýkre, tii dori ijesu inybohoreny ritakemy riwìdhenanymyhýre. Jesuisi Kristu Inynyrý-di diwìdhenanymyhýde. ⁵⁸ Tahe weseriòre luu mahādu, bityhynyhybenyke, ywihyymy

ahābenyke, Wanyrỹ aōmysỹdỹña-ò hyy tiemy ahābenyke. Aaōmysỹdỹña Wanyrỹ dee, idi inydee awimy rarootinymyhỹre.

16

¹ Nierumy ararybekre. Kia bibutunykemy kowa tyhydỹdu mahādu-ò, Judeia mahādu wahe. Iwese Alaxia mahādu-ò ròerynanyre wese, kaiboho tule ijō dee bitabenyke. ² Semana juhu ludu txuu, iny sohoji sohoji tiwesebo tōtatenyte jura birarenymahābenyke rawahikremy. ³ Tai adehemynykreu kia nieru rexihumy rỹkre myiōtyhy tahe ijō rarasamy. Tahe mobo kai tyyriti-di biditakre, tii-wana nieru iny ariteōnykre Jerusalē-ò. ⁴ Tahe jiarỹ arakewana iny dee wikeki, tuu wawana kodoikre. ⁵ Macedonia bede-ò arakre rahudi arehemynykremy adeereny watzireri. Macedonia-di delemy arakre. ⁶ Araroorehenykre òsana biubede taile arahukre awanarenhyhyle. Tai ele elemy biwatỹidỹnykre titxibo arakemy. ⁷ Deuxudeewikeki urihimyo aōkō akireny bede arieke bededỹñana arahukre akireny. ⁸ Efesu hāwā-ki Pentecoste woranabedehesi konana-ò ariijekre. Idi tahe arakre. ⁹ Ijòtòbònahakỹ wese irayhyky rỹimyhỹre waaōmysỹdỹñ. Tai waaōmysỹdỹña irutaōre, ihāre ta wamy òludu sōwere. Namy sōwehymy taheka òludu rỹire.

¹⁰ Tahe, Tximòtxi rakeki, iixỹru lau bijemy tii dori Deuxu aōmysỹdỹña diwinymyhỹde wawese. ¹¹ Inyō Tximòtxi-di aōmy aōkō ihỹkeki heka wadee awiōre. Wadee itỹina-ò biwiòhenanybenyke ywina-di. Reraòmahāre dori ityhydỹdu seriòreboho wana kanakemy. ¹² Inyseriòre Apòlo-ò sōwemy rarybewāhāre arorarenymy rakemy ijō iny seriòreboho-wana. Tahe tii heka Deuxudeewimy aōkō idi rōhōtinymyhỹre. Idi tahe rakre ixideewimy tiu txumybo.

¹³ Aōu aōu bexiywinylemy borukubeke. Inatyhymy òbitimy myibenyke, hābu rurutere wesemy bexirurudỹnyke. ¹⁴ Aōhebo botỹnybenykemy ywina-di luuna-di botỹnymy boibemahāke.

¹⁵ Tefana, tasỹ mahādu-wana Akaia bede ludu-ki ityhydỹdumy juhuu rare. Kia teerytenyte. Tiiboho ityhydỹdu mahādu wiòhedỹduhymy ihỹrenyke. ¹⁶ Tamy boholabenyke, ibutumy tamy wityhymy biwinybenyke. Tule kia wese wiòhedỹdu biwiòhenanybenyke. ¹⁷ Tefana, Fortunatu, Akaio kaò ditehemynydenyde. Taita wadeysamy watzireri. Tiiboho riwawiòhenanyrenyke kaiboho kaki aōkō atximahātenyteki. ¹⁸ Tiiboho wawo-ribi riwateysadỹnyke, araykyreny òsỹny tule wahe. Kia mahādu heka ratyhydỹmyhỹke.

¹⁹ Kaki Asia bede-ki ibutumy dohodỹña mahādu tarybe wehityhyna adeereny riwahinyreri. Akila, Prisila-wana taluuna Wanyrỹnimy rybe adee riwahinyrenyri taheto-ki dohodỹñareny mahādu tule wahe. ²⁰ Ibutu seriòre mahādu rybe wehityhyna adeereny riwahinyreri. Birybenybenykreu wii bimybennykre wiwetya-ki seriòrewesemy tamy luòsòna òbitityhyna-di buòbenyke.

²¹ Iroo tahe jiarỹ ariritinykre wadebò-di wahe. Jiarỹ Paulo warybe wehityhyna rewahinyre. ²² Inyō Inynyrỹ luuòkeki, aōbinahakỹbo tamy kanake, kiamy rexirybenyke: 'Maranata' kia heka Jesuisi wymy kanake rare. ²³ Deuxu luuna adeereny kanakemy idi watxiwāhāre. ²⁴ Ibutu-ò waluuna Jesuisi Kristumy. Kie.

2 Oritxi Mahãdu-ò

2 Oritxi Hãwã Dohodÿÿna Mahãdu-ò

¹ Jiarÿ, Paulo, Deuxu deòduõ watxireri Deuxudeewireki. Tahe katyyriti re-wahinyrenyore Oritxi hãwã dohodÿÿna mahãdu-ò. Iny seriòreney Tximòtxi wawana ihÿre. Tule re-wahinyrenyore ibutu ityhydÿÿdu mahãdu roholakemy Akaia bedeki.
² Ruxetòena, ywina-wana adeereny kanakemy idi watxireri Deuxu inytybyreny-ribi Jesuisi Kristu Inynyrÿ-ribi.

³⁻⁴ Deuxu heka Jesuisi Kristu tyby rare. Iny wiòhedÿÿdu ihÿre. Ruxetòena sòwemy inydeereny riwahinyrenyore. Ibutumy aòmydÿÿna-di riwiòhenanyrenyore. Tai tahe iny witxira rikiwiòhenanyrenyore Deuxu wiòhedÿÿna-di.
⁵ Iwese Kristu aòhòkÿmy dÿÿnana kaiboho teerytenyete wese, Kristu wiòhedÿÿna bitamy bierybenyke.
⁶ Jiarÿboho aòhòkÿmy arotÿÿnyrenyore, awiòhenadÿÿnyrenyore tuukre. Tai tahe tarasana iribi bitake. Deuxu-ribi wiòhedÿÿna arimynyrenyore, kia biu-ò hena iribi bimyke arawiòhenanyrenyore. Tai tahe kaiboho arururenydikre aòhòkÿmy botÿÿnybenyore.
⁷ Tahe wararòsòna sòwemy ihÿre akireny. Tiubo aòhòkÿmy dÿÿnanamy botÿÿnybenyore tule wiòhedÿÿna bitabenyke iwese aritarenyore wese.
⁸ Waityhydÿÿdu seriòre, Asia bedeki jiarÿboho sòwemy aòhòkÿmy ratÿÿnyroiremahã. Wadeereny heka isiratyhyre ibedeki. Tai heka raberumy roiremahã arururenyore lau.
⁹ Rahòtinyrenyore tai wakonanareny sana. Kiamy heka wadeereny ditÿÿnyde bedereny: ixi-di inyò nohòtiòmy, Deuxudihyyle wahe. Tii dori rubu-ribi ixixadu rare.
¹⁰ Inatyhymy tii riwatarenyore kia brebuna-ribi. Ibutu aòna aòna-ribi riwatarenyore ixityre.
¹¹ Kaiboho dori wadeereny Deuxu-ò texitòenytenyteri. Tahe ibutumy ixitòena-ò Deuxu kodoholakre tai riwiòhenanyore. Tahe ibutumyiny Deuxu riteàlananyore.

¹² Ibutumy jiarÿboho heka kia Deuxudeewimy rewinyrenyore. Tai heka wadeysarenyore jiarÿboho. Awanareny heka tule rarybemahãrenyore: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di.
¹³⁻¹⁴ Idi mariakele, biritinykele, bierykele, kia reritinyrenyore adeereny. Wiji urihimyoòle teerymy toite. Jesuisi txu tahe ibutumy bierybenyke. Jiarÿboho areysarenyore bierybenykeki wahe. Tule kaiboho beysabenyore.

¹⁵⁻¹⁶ Juhuu rahòtinyre kiawesemy: arakemy ixi-di rahòtinyre. Juhuu heka Macedonia hãwã bedeki arakemy ixi-di rahòtinyre. Iule tahe aroramy arakemy heka ixi-di watxiwãhã. Òkeseu tasÿ tule, aroramy adehemynyore. Tai wiòhena inatximy bitake. Jiarÿ ayrenyore areakre, Judeia bedeki arakemy kaiboho biwawiòhenanybenyore.
¹⁷⁻¹⁸ Reòsamy watxirerimy aòbohe wadi tahòtinytenyteri? Ixiòrarukile aòbohe tuuremy adee araÿraxikre? Tuu aòbo iximy rarybere kohe, myÿ, iule. Aòkòre, myy rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myy, iule.
¹⁹ Tai heka raryberenyore: —Inatyhy rare. Myÿ wahe, Deuxudeewinamy. Sila Tximòtxi-wana kia Deuxu rybe-di adeereny ritÿÿnyrenyore, Jesuisi Kristu iriòremy, jiarÿ tule adeereny kia retÿÿnyrenyore.
²⁰ Inyboho ratximyhÿre Jesuisi Kristu-ò. Kristu heka Deuxu widÿÿdu watxireri. Inyumenyore ratximyhÿre. Deuxu heka tuu iny rierynanyrenyore, tii inatyhy.
²¹⁻²² Tii heka iny ritamyhÿrenyore; rihitximyhÿrenyore; tahòrò mahãdumy riwinyore. Inydeereny riwahinyore Deuxu Tyytybytyhy inywoereny-ò risÿnyore. Tai heka inyboho ròhòtinyrenyore inydeereny ibutumy riwahinyrenyore.

²³ Deuxu heka warayky rieryre. Tai heka rarybemahãre, inatyhy raòre Oritxi hãwã-ò. Tai heka adiride ixinamy.
²⁴ Araryberenyòtyhy jiarÿboho aòbo bityhinybenyore, marybebenyore. Kaiboho dorihe inatyhyna tetyhinytenyete. Urile tahe arawiòhenanyrenyore deysana-di Deuxu Tyytybytyhy dee deysana-di.

2

¹ Tai wawo rerahòrera. Arakemy aòkò abedeòtiidỹnyrenymy ixityre. ² Arabedeòtiidỹnyrenykeki tahe mobo riwateysanykre. Kaibohole toite. ³ Tai adeereny reritinyre. Anaòtyhy heka abedeòtiidỹnyrenymy. Kaiboho dori deysana-di biwasỹnybenyke. Iu wadeysamy watxireriu, kaiboho tule beysabenykre. Kia heka reerywiwire jiarỹ. ⁴ Adeereny reritinyre bedewona-di ranywãhãu; warube rytynmahã. Bedeòtiidỹny-na-di arasỹnyrenykemy aòkò kỹny. Tahe timybo aluurenyremy kaiboho bierybenykemy adeereny reritinyre.

⁵ Bedewonamy relyykeki, tiu inyõ wii ribedewonyreu, riwabedewonyõtyhy. Aõtxi arabedewonyreny. Waryberiti isirare aòkò ihỹre. ⁶ Aõhõkỹmy dỹnyanam yla aòkò rotỹnyre. Tai ixinamy rarekre wiji. ⁷ Wiji tahe iwitxira aõmydỹnyana biwinyke: biwiòhenanyke iixãwididỹnyadikemy. Tai tahe bedewona-di sõwetyhymy riatyõtyhy bedewona-ribi wahe. ⁸ Tii luunatyhy-di biernanybenyke.

⁹ Tai heka adeereny õnosõna rewahinyre. Tai juhoo waritidỹny adeereny re-wahinyre. Jiarỹ heka kaiboho rexywinymy aõbo atxitenyterí ityhydỹny-ò. Kiamy adireny watxireri. ¹⁰ Kai biixãwididỹnykeki heka, jiarỹ tule ariixãwididỹnyke. Kia adeereny rikiwinyrenyke Kristu òraru-ki. ¹¹ Tahe Satanasi tiu iny riatyrenyõtyhy. Inyboho rieryrenyre tii kia riwinykemy riwisỹnymyhỹré.

¹² Jiarỹ heka ròirenyre Troaji-ò Rybewihikỹ tỹnydỹny Kristuni-di. Tamy rete-hemynyreu, isiraõlemy tai Rybewihikỹ dohodỹny, Inynyrỹ riwawìhenanyre wahe. ¹³ Tahe wabedewomy watxiwãhã inyseriòreny Txitu-ki rahaõrekí. Tai tahe kia iny mahãdu reteòwarinyre arakremy Macedonia hãwã-ò rare.

¹⁴ Tahe Deuxu deysana! Deuxu-wana watxiwãhãreny. Tahe kia ijesu tai ritake. Kristu heka ridykre ijesu tarasadu mahãdu. Rokoirenykre heka ihe-ki. ¹⁵ Iwese aderõna lỹnyrehekỹ ibutumy idi riãlãnymyhỹre wese heka, kia wese inyboho roire. Ibutumy iny rierykemy heka ityhydỹnydu mahãdu rỹrerimy ihỹre. Lỹnyrena wihikỹ Kristu ritoonyre wese Deuxu-ò inyboho roire. Iny lỹnyrena wese heka rare. Ityhydỹnydu, ityhydỹnydukõdu mahãdu-ò ramyhỹre. ¹⁶ Kia rityhynyõmyhỹre mahãdu tahe, tỹnyre rirubunyre. Rityhynymyhỹre mahãdu tahe tỹnyre iruweselemy rare. Kia aõmysỹdỹny biwinybenyke. Isirare heka iaõmysỹdỹny. ¹⁷ Inyboho heka sõwemy inywese aòkò iny roire. Iwese iny riwymyhỹre aõðwyriòre idi ijohomy, kia wese karybe rare. Kia Deuxu deòdu mahãdu heka iòwydimy aòkò rybe riwymyhỹre. Tahe inyboho heka inatyhymy rarybemyhỹreny. Deuxu dori inydeereny rarybere òbitinamy. Riwateònyrenyre òbitina-di araryberenykemy.

3

¹ Timyre heka tyyriti ritididỹny raruõhyymahãreny jiarỹboho awirenyremy. Tahe waribireny tule aribireny kia Ritidỹny arihurenyõtyhy. ² Kaiboho heka Kristu tyyriti wese aõma toite. Riritinymy heka roimyhỹre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehebonyke. Tai tahe rierymy idi rariake ixideele. Idi rariake hãre tahe idi rexibedeerynyke. ³ Kaiboho heka Kristu tyyriti wese heka toite. Inydeereny iwahidỹny heka tii rare. Kia tyyriti witxiramy rare. Aõ ritidỹny manamy aòkò riwinyreri. Deuxu Tyytybytyhy-di tahe riwinyreri. Aõ manatyre-ki aòkò ròritidỹny inyraykyreny-ki, inywo-reny-ki ròritidỹnyhỹre. ⁴ Deuxu heka retyhynymahãre, Kristu òraru-ki wahe. Tai tahe tuu rarybereny mahãre kiawesemy. ⁵ Jiarỹboho heka warururenyõhyre kaa aõmysỹdỹny widỹny-ò. Iny ruruna heka Deuxu-ribi sohojile nade. Tii iny wiòhedỹnydu, aõ iny rikiwinymyhỹrenyke-ò wahe. ⁶⁻⁸ Irybe tỹmyra dohodỹnydumy heka inyboho roire. Ihetxiu bede ywina wesemy aòko heka ròritidỹnyre Deuxu Tyytybytyhy ihỹre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidỹnyre. Deuxu loosõna tule ròhõnyre, riwahinyreu wahe. Moisesi òsỹny-ribi sõwemy loosõna ròhõnyre. Idi tahe riixãwididỹnyre. Tahe judeu mahãdu

reteheõhyymyhÿre iòsÿny-ò, iòsÿny loosònadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosòna wiihikÿ-di bede ywina tÿmyra tahe iratyre awi rare. ⁹ Tii heka iny-di ixāwikemy ratxireri. ¹⁰ Tahe iratyre rybe tÿmyra rare. Iny òraruna-di ixāwikemy ratxireri. ¹¹ Kia urihimyo rÿire awi rare. Iratyre tahe umyuedeõna rare.

¹² Iny raròsòna sòwemy ratximyhÿreny. Tai tahe inyboho ruberuõhyymyhÿreny. ¹³ Moisesi wesemy aõkò rakatximyhÿrenyke. Imahādu rayktxymy dori rÿirenyre. ¹⁴⁻¹⁵ Imahādutxymy dori rÿirenyre. Moisesi bedeywina-di rariakeki, irayky ritòbònyke. Kia rierõreny iraykyreny ratxynymyhÿreny. ¹⁶ Kristu rityhynyre xiery, irayky raraymyhÿre. Iwese Moisesi òsÿnytòbòna iòsÿny-ribi resere wese kia rare. ¹⁷ Kia Tyyriti-ki Inynyrÿreny heka Deuxu Tyytybytyhy rare. Tikibo Deuxu Tyytybytyhy rÿikeki kowa ibutumy iny ixinamy rÿike. ¹⁸ Tahe ibutumy inyboho heka Deuxu wowydyna iny òsÿnyreny-ki ijòdire. Iwese iny òsÿnyreny itxena-ki iny retehemyhÿ wese, Deuxu wowydyna ibutumy robimyhÿke iny òsÿnyreny-ki. Inynyrÿ he Deuxu Tyytybytyhy rare. Iribi tahe wowydyna nade. Kia wese inyboho heka Inynyrÿ wesemy relemyhÿreny. Inihikÿmy delemyhÿdenyde. Tii dori iny worenny-ki raaòò-taòtamyhÿre.

4

¹ Deuxu taruxetòena-di heka kia aõmysÿdÿÿna inydeereny diwahinyde. Tai heka ikonanakòdumy idi rakatximyhÿrenyke. ²⁻³ Ibutumy heka rikiwinymyhÿrenyke aõbo òbiti rare. Aõbina binahakÿ widÿÿ-ò heka rekexijerenyke aõbo òbitirele heka rikiwinyrenyke; rikiwiurònyrenyõtyhy heka Deuxu rarybereriki, tuu. Deuxuruðhyyle rikiwinyrenyke. Inatyhyna loosòna-ki heka rakatxirenyke. Ibutumy heka rikiwinyrenyke ibutu itxerena òbitimy wahe. Inyboho ritÿnynymyhÿre Rybe tÿmyra wihikÿ. Inyõ-ribi riwòmny roimyhÿkeki tahe kia rityhynyõmyhÿrele tuu ritidimy roike. ⁴ Kiakeki tahe Satanasi iitxeredÿÿ-ò riijònyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhyymyhÿre aõma Rybewihikÿ tÿmyra-ò. Rarybemyhÿre dori Kristu heka Deuxu yrubule rare. ⁵ Iximy aõkò rarybemahāreny. Inynyrÿ Jesuisi Kristulemy heka rarybemahāreny. Inyboho heka deòdumy inyboho ratximyhÿreny adeereny. Jesuisi òraru-ki kia rewinyamahāreny. ⁶ Juhuu Deuxu rarybere: —Bedeluru-ribi heka loosòna doosòmÿhÿde. Tii heka loosòna-di inraykyreny ritoosònanymyhÿre. Tai heka iny Deuxu ersydÿÿna inyboho rierenyreny. Kristu òsÿny-ki sohojile tuu rokobirenyke.

⁷ Kia heka aõna aõna wiwi inydeereny heka rare. Ihyna òwy riðre wesemy inyymyreny ratxireri, butxi weselemy wahe. Tai heka Deuxu sohojile irurudire, inyboho aõko irurudire. ⁸ Ihārele heka aõbo iny riwinyke rierõhyymyhÿre timybo aõ iny riwinyke heka. ⁹ Aõhòkÿmy dÿÿnana heka inydeereny rehemynymyhÿre tai inyboho ikyhynamy riemyhÿreny. Inyboho heka bedewodihyy ratximyhÿreny, tahe tiiemy iny raròsònarennydihyy inyboho ratximyhÿreny. ¹⁰ Inyboho heka itxi tòhòti reahyy inyboho ratximyhÿreny, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirenyke. Tai iny witxira heka tuu robikre kiamy, Jesuisi rirudÿÿnanamy. ¹¹ Jesuisi òraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inykireny. ¹² Kia-ki heka iny rubukonanareny inykireny rare. Tahe iruna akireny tule ratximyhÿre. ¹³ Kiamy heka Ritidÿÿna roire: —Jiarÿ retyhynyre. Taita rarybere: —Kia weselemy roire. Retyhynyrenyleri tai heka jiarÿboho tule raryberenyleri. ¹⁴ Jesuisi ixixadÿÿdu heka rare. Kaa tule inyboho tule riixixanyrenyke. Rikirònykre heka Deuxuko-txi. Kaiboho tule boibenyke wawanareny. ¹⁵ Jiarÿ wawanareny kia adeereny relere. Tamy Deuxu ruxetòena sòwetyhymy ramyhÿre-wana heka riwahinymyhÿre iratyre sòwetyhymy tamy deàlana riwahinymyhÿre. Kia heka Deuxu wowydyna-ò tuu ratximyhÿre. Bedewoõmy.

¹⁶ Iny bedewonaõhyyre heka. Iny umyreny retybynyre. Txuõ txuõlemy heka ratymyrananke inywo-ki. Tiie heka aõbo rierynyre inatyhy wahe. ¹⁷ Iny bededÿñanareny heka urihimyòle roimyhÿre. Iny wowodynarenyko-ki heka aõhõkÿmy dÿñnana inyboho ritarenyke inydireny retehemyhÿre. Retyhenyrenyre wowydyna-ò awityhyremy inyboho idi retehemyhÿre iny idi retehõmyhÿredi. ¹⁸ Aõbo iny tuu robimyhÿre bede bedemy tuu iny robimyhÿre ibutumy idi reamy. Aõbo iny tuu robiõmyhÿre heka tiu itueõtyhy. Kia-di tahe inyboho rõhõtinyinmyhÿre.

5

¹⁻² Inyummy tÿmyrahakÿ heka inydeereny kidiwahinykre Deuxu, iwitxira biu bede-ki wahe. Aõ hãbu wahisidÿñna-ki aõkõ Deuxu-di wahisidÿñna-ki heka tuukre kia umy tÿmyra wahe. Tiu heka itueõtyhy. Rakabedeworenykre heka bede-ki iny telesõreny-ki rasÿnyreki inywo-ki wahe. ³ Inyboho heka biubede-ki inysÿreny inyummytÿmyra-ki rõkõhõtinyinmyhÿrenyke. Kaa iny umyreny wahe. Rabedewomyhÿrenyre. Umy tÿmyraõ heka rikitarenykemy inyboho ratximyhÿreny. ⁴ Aõherekibo inyboho wiji rabedeworenyre? Inyboho heka Deuxu bedewihikÿ-ò arõirenykekõ aõbo? Inyreny rikitarenykemy aõkõ wiji. Kaki aõhõkÿmy dÿñnana riwawobededÿñnyra. Kia aõbo umy tÿmyra tyre tahe rikirutyrenyke ijõ wahe. Ijõ rikitarenykre umytuedeõnaõ. Tiu itueõtyhy. Kia riwinyre inydeereny kia wahe. ⁵ Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde. ⁶ Kia iwese juhuu rarybere wese heka tuu rotÿÿnykre. Tai heka inyboho teysamy ratximyhÿreny. Kabede-ki inyboho ratximyhÿre heka inyummyreny ratximyhÿre heka aõ Inynyrÿ-wana aõkõ ratximyhÿre. ⁷ Tiu heka rokobirenyõtyhy rikityhynyrenykekile ka idi rakatxirenykre. Inyboho rieryreny timybo rarekre wahe. ⁸ Jiarÿ wadee awire kabede-ribi arexitate Deuxu-wana arasÿnyke wahe. ⁹ Aõma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aõbo awire heka tamy awire. ¹⁰ Inydireny retehemyhÿre. Aõbo inyboho riwinymyhÿreny. Aõbina bina rikiwinyrenyke heka aõhõkÿmy dÿñnana inydeereny riwahinykre. Aõwihikÿ riki rikiwinyrenyke wana tasÿ. Aõbo awityhy inydereny kidiwahinykre.

¹¹ Inynyrÿ heka inyboho rityhynymyhÿre. Tai inyboho iny witxira-ò tuu sõwemy relymyhÿreny. Ibutumy heka Deuxu iny rierymyhÿreny. Kaiboho heka tule tiwaerymahãteny. ¹² Kia heka reraõmy watximyhÿrenyre biwaerybenyke. Ararybeõtyhy heka adeereny jiarÿ awiremy. Tahe wadee ka awire kaiboho waluurenyke. Hãbu iumyle awimy rÿirerimy ihÿremy idi rõhõtinyinmyhÿre. Tii heka òbiti aõkõ rare. Kia biwyõnybenykemy adireny watxireri. ¹³ Juhuu iny rieryremy itelesõ. Inymyreny rarybekeki itxÿtemy inyboho roiremy. Rakaryberenyke heka aõbo inyboho dori Deuxu dee. Aõmysÿdÿñrenymyhÿreki inydireny rõhõtinyinmyhÿre. Inymyreny rarybekeki inyboho awilerenyremy. Iòrarureny-ki tuu rakatxirenyke. ¹⁴ Kristu luuna heka kiamy iny riraykydÿñnymyhÿre. Tii heka rurure iny ibutudee. Tii rurureu, ibutumy inyderõwrenymy rurure. ¹⁵ Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. ¹⁶ Rakaraykynyrenyke timybo hãbu awiré, ibinaré. Kaimy heka rakaraykynyrenyke. Aõ iwese iny witxira raraykynymyhÿre wese aõkõ raraykynyrenyke. Aõma inyboho aõbo Jesuisi Kristu-di raraykynymyhÿre heka. Ixityre aõbo tuukre. ¹⁷ Tii heka umy tÿmyra tuedeõna-di ratximyhÿre iwitxira ratximyhÿre. Juhu iaõmydÿñnana iribi ixãwira. Tahe wiji raraykywydynanyre iwitxiramy. Ibutumy iaõna aõna ihetxiu heka rawitxiranyre, awi-ò. ¹⁸ Deuxu heka ibutumy kia riwinyre tamy. Inyboho heka iòludu roire, juhuu wahe. Wiji tahe iliinamy ijoi ratximyhÿre. Iny witxira heka iliinamy rarekemy idi watxiwãhãre. ¹⁹ Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitxiranydenyke. Kia Kristu òraru-ki tuu ratximyhÿre.

²⁰ Jiarỹboho Deuxu deòdu roire. Tai Kristu deròwymy adeereny rarybereri: Iluuna ixidee ixby bimybenyke. Wii biwowixinybenyke. ²¹ Deuxu heka iny òraruna ritidire Kristu tyre-ò. Kristu inyòrarunareny riwyre. Wiji tahe Deuxu òbitina inydeereny riwahinymyhỹre.

6

¹ Jiarỹboho tahe raaòm̄sỹdỹnyrenyke Deuxu dee. Deuxu ruxetòena dori tetatenyete, tai idi mohòtynybenyke, òhòtirenny-ribi losaòm̄yke. ² Boholabenyke aòm̄ybo Deuxu rarybereriò. Jiarỹ heka aluurenyre iurenana tahe ka arybe-ò raholareri. Arawiòhenarenyre iu wadee textidenyete, wadee taryete. Boholake wiji heka bitabenyke Deuxu ruxetòena. Wiji heka biu-ò hena txumy bede rỹre. ³ Inyò iny aòm̄sỹdỹnyreny ibinamy rarybekeki, uritere ijò iny bedeworenyòm̄y, jiarỹboho òraru-ki. ⁴⁻⁵ Jiarỹboho dori Deuxu deòdutyhy roire. Tai rikiteòsinyrenyke ibutumy aòbo inyboho dori Deuxu deòdu roire. Tai riteòsinyke ibutumy aòbo iny riwinymyhỹke. Aóna aóna rikiteòsinyrenyke. Òhòte wakireny rỹimyhỹre. Ròtenawo-ò ralòm̄yhỹrenyke. Bedeweweky-ki aòhòkỹmy ratỹnyimyhỹre. Sòwemy heka reòludunyre aónana bina binahakỹ reòludunyre. Aò òta òta reòludunyre. Sòwemy heka raaòm̄sỹdỹnyrenyke. Sòwemy heka aòm̄sỹdỹnyrenyke; tỹikò bede reijereny; byreòm̄y bede reijereny; ⁶ òbitimy heka rewinyrenyke. Aòm̄a, ywiny-di ròwidỹnyrenyke bedeeryna-di. Ka roirewãhã iny iwitxira rewiòhenanyre. Ibutumy kia rewiòhenanyroirewãhã. Deuxu Tyytybytyhy heka wawanahyy roiremyhỹ. Luuna heka inydee reteòsinyrenyke Inatyhyna rybe heka retỹnyimyhỹrenyke. Sòwe heka ritỹnyimyhỹreny, jiarỹboho Deuxu deòdu roire wahe. ⁷ Òbitina dori wadebònareny wese rare Satanasi itxemy. Jiarỹboho heka remymahãrenyke aritarennyke. Tule iny rexijemyhỹre òbitina-di. ⁸ Ijò heka waluurenyre inyò tasỹ aòbina binahakỹle wadee riwinymyhỹre. Ijò heka Rybewihikỹmy wadee raryberemyhỹre. Ijò tasỹ rybe binamy wamyre, raujòm̄o. Inatyhyna rarybemyhỹre. Tai wamy ruidu riwaninimyhỹrenyke. ⁹ Ibutumy heka iny riwayreny. Tahe rieryòm̄y heka inatyhy rare. Watxiwãhãrenyke rubu wese ihãre tahe warumy watxiwãhãrenyke. Tiiboho heka rubu wesemy inydireny ratximyhỹrenyke. Aòhòkỹmy ratỹnyrenyke hãre raruòm̄y watumyhỹrenyke. ¹⁰ Aóna aóna heka bedewonihikỹmy ròhònyre. Tiiemy wadeesahyy watxiwãhãrenyke. Jiarỹboho heka urimynodule watxiwãhãrenyke. Ibutumy inyboho rityhydỹnyrenyke. Aòhomy aòkò inyboho ratximyhỹrenyke tahe ibutumy inydire roimyhỹrenyke.

¹¹⁻¹² Tahe kaiboho ityhydỹnydu seriòre mahãdu Oritxi hãwã-ki. Jiarỹboho heka kaa òbiti-my aóna aónamy rarybemyhỹre. Kaiboho heka ijohona derarennyke aòm̄ybo rarybemyhỹrenyke. Jiarỹboho heka aluurenyre. ¹³ Kai wariòre wesemy adee rarybereri. Umy iwese jiarỹ aluure wese, kai waluurenyre.

¹⁴ Boholabenyke warybereny-ò ityhydỹnydukòdu mahãdu-wana aòm̄sỹdỹnyrenyke. Timybo òbitinaò heka aòbinaò-wana raaòm̄sỹdỹnyke. Timybo heka loosòna bedeluru-wana ratxike? Aòkòre! Tiu wiwana rauriòtyhy. ¹⁵ Satanasi heka Kristu-wana raaòm̄sỹdỹnyrenyke. Ityhydỹnydu mahãdu wiwesehyule raraykynyke rỹira. Ityhydỹnydukòdu mahãdu-wana tahe wiraykyweseke aòkòre. ¹⁶ Deuxu aòm̄sỹdỹny heka iwitxi rare, suritxoo aòm̄dỹnyrenyke-ribi, wahe. Kaiboho heka Deuxu dohodỹny ijoimy toite Deuxu oworeny-ki ratximyhỹre. Deuxule heka kawesemy rarybere: —Jiarỹ heka wasỹ ariwinykre ayreny-ki. Jiarỹ iDeuxumy aronykre tiiboho waijoimy. Rorokurennyke. Tai tahe Inynyrỹ rarybere wiribi bihitxinyke. Inybina-ribi bexihitxinybenyke.

¹⁷ Bexiebenyke òbitikòre-ribi wahe. Uritere tamy adi rexihumy, ixierya aramynnyke ixidee wariòre wese.

¹⁸ Warurutyhymy adee rarybere. Boomy heka adireny ararekre, jiarỹle wahe. Deuxu rurutere rare Jiarỹ.

7

¹⁻² Deuxu ibutumy tuu rarybere: —Kai ityhydÿÿdu waseriòre mahädu. Tai tahe rikex-òbitinyke ibutu aõmydÿÿnana-ribi. Iny umyreny-ki rokobirenyke inyummyrenny-ki. Òbitimy heka rakatxirenyke iko-ò, Deuxuko-ò. Aõma waluumy heka atximahäbenykemy rahõtinywähäreny. Iny-ò aõ bina bina rewinyòhyywähäreny. ³ Tuhe kaa rarybere tahe ixityre anarybekre. Aluurenyre jiarÿboho ibutuhyye ratximyhÿre iny rummy ratximyhÿre häre tasÿ rukururenykre tulekre. ⁴ Wadee heka awire ibutumy kaiboho ratximyhÿreny. Kai aõwixira wixira wadeereny rÿira umy retyhynyreki. Isirare heka wadee kia ratximyhÿhärele Wadeysatyhymy heka watxiwähäre, wiòhedÿÿtyhy òraru-ki, ijyy òraru-ki.

⁵ Jiarÿboho retehemynyre Macedonia bede. Taita tule elehynaòhyyre wadereny. Ibutumy heka aõna aõna, òta òta wixira wixira; bede bede ihyyemy aõkõre rÿire tai. Aõma bedewonihikÿ heka watelesõreny-ò ralore. ⁶⁻⁷ Deuxu riwawiòhenanyreny; Txitu diteònyde wadereny. Tii rybereny heka awiremy kaiboho. Tai tahe reysareny jiarÿboho. Kaiboho tabedewomy atxitenyteri waòraru-ki. Katahe wadeysa nihikÿmy watxireri. ⁸ Adeereny warybetyyriti rewahinyreki tabedewomy atxiteny. Tai tahe reysamy watxireri. Ihärele heka tyyriti adeereny arawahinykre. Kaiboho heka tabedewotenyte iribi tahe aõmydÿÿna kaiboho tewixiranyteny teòbitinytenyte ibutumy. ⁹ Tai tahe jiarÿ reysamy watxireri. Aõbinare dori rewinykõre arawiòhenanyreny heka. ¹⁰⁻¹¹ Deuxu heka iny ribedeòtiidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijõ bedeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿteny. Deuxu heka kia riwinyre awiòhedÿÿnamy aõma kaiboho awireny. Aõ wixira wixira sõwemy akireny rÿireri, aõ òta òtareny. Kiadile tahe aõma òbitihyyemy òhò ayreny-ribi kaiboho heka taykarananyteny. Kaiboho heka waluudumy teleteny. Kaiboho biwinybenykemy aõbo òbitimy ratximyhÿre iwidÿÿmy taroteny. Ibutumy heka òbitihyyemy rarekemy idi teteheteny. ¹² Tai kia tyyriti adeereny rewahinyre. Aõ kia rewinyre heka aõ iny iòrarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe. ¹³ Tai heka wadeysamy watxiwähäre. Aõ inyboho sohojile aõkõre teysa ratximyhÿreny. Txitu tule teysamy ihÿmyhÿre, kaiboho tawiòhenanyteki ¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahäreny, inatyhynamy. Tule mobo rarybere Txixu-ò. Ka tahe inatyhy rarybemy ratximyhÿre. ¹⁵ Tai heka Txitu kia luuna heka aõnityhymy akireny rare. Itxi heka tõhòti akireny aõma Deuxu tetyhynymahäte-txi. Kaiboho tedytenyteki. Ihärele urihimyo ruberumy ratximyhÿ. ¹⁶ Reerymahäre jiarÿ kaiboho òbitimy boibekre. Tai wadeysamy watxireri.

8

¹ Deuxu ruxetòena-ki heka sõwemy riwinyre Macedonia dohodÿÿna mahäduy-ki wahe. Jiarÿ tuu arelyykemy idi watxireri waseriòreboho. ² Sõwemy heka iaõna aõnareny iaòtaòtarenyre tiiboho. Aõhõkÿmy rotÿÿnyreri tiiboho. Ihärele ka deysamy heka relereny. Reysareny heka. Tiiboho heka iaõkõreny. Aõhohomy aõkõ heka roiremyhÿ. Kiahärele heka sõwemy riwahinyre tamahädu wiòhedÿÿmy. ³⁻⁵ Riwahinyre heka sõwemy ixideewimy. Sõwemy riwahinykelemy wadee rarybere. Tiiboho heka sõwemy wiòhedÿÿmy rurumy roiremyhÿ. Tai inyboho ribedeòtiinyre sõwerek. Kia judea bede, dohodÿÿna mahädu, kia wiòhedÿÿmy. Juhu heka tiiboho rexiwahinyreny Inynyrÿreny-ò. Tule Deuxu deewina inydee riwahinyre. Iny wiòhedÿÿnarenymy rexiwahinyre. ⁶ Tai tahe jiarÿ rarybereri Txitu-ò: —Kai biwiòhenanykemy iaõmydÿÿnareny-ò. ⁷ Kaiboho heka sõwemy tetyhynyteri. Kaiboho heka Deuxumy awimy tarybemyhÿteny. Kaiboho heka teeryteny Deuxu aõmydÿÿnana. Kiaboho heka waluureny waluurenymy boibeke wawiòhedÿÿduren. Biwawiòhenanybenyke. Tai heka sõwemy bexiòlòdÿÿnybenyke adireny watxireri. ⁸ Aõ

bede ywinaõ heka adeereny rewahinyõhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijõ dowiõhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. ⁹ Deuxu ruxetòena teerytenyete, Jesuisi Kristu ruxetòena wahe. Tii heka ityhy rare. Tii rikõdÿÿnyre heka aòrarureny-ki. ¹⁰ Taihyky tetyhynytenyete Deuxu aõmydÿÿnana-di. Kiamy heka raraykynyre. Arawiõhenanykemy heka adireny rahõtinyre kanau bedeu. Tewiõhenanytenyete inatyhymy. Tai tahe biconananybenyke kia kanau bedeu tewinytenyete heka biconananybenyke. ¹¹ Aõma ireiõno, uriõno biwahinybenykeki, Deuxu heka rimyke. Kia-di rõhõtinyke. ¹² Kia uriõnomy idi teywinomy atxiteri-di rõhõtinyke. Tamy wahidÿÿmy aõkõhykeki tahe Deuxu aõma raraykynyõtyhy. ¹³⁻¹⁴ Jiarÿ heka isiramy adee ariwinyõtyhy aõ. Kaiboho heka sõwemy kaa wiji toite, Tai tawowi-di inyõ ròõkeki, taaõnasõwe myna Deuxu-ò riwahinykre. Iaõkõkeki tai ibinamy Deuxu rahaõtyhy. Tai biwiõhenanybenyke heka ihoõmy rÿira mahãdu. Jiarÿ heka aõ retòenyre aõkõ rare, biwahinybenykemy. Kai ihoõmy atxikeki tahe, tule inywitxira anawiõhenanykre. Taita wiwanale wiwesehyule ròhònykre. ¹⁵ Kiamy heka Tyyriti-ki Ritidÿÿna roire: —Hãbuõ heka sõwemy ributunyre. Tahe aõhe rauhenyõhyre tamy kia ibutuna-ribi wahe. Ijõ tahe ibutelemy ributunyre hãbuõ wahe. Tiile heka aõ tamy rasiranyõhyre.

¹⁶ Txitu awiõhedÿÿrenomy rurumyhÿre iwese awiõhedÿÿrenomy rurumyhãre we-sele wahe. Deuxumy reallàre tai, Deuxu dori tuu rotÿÿnyre. ¹⁷ Taita ixinamy ararenomy rehemynykre. ¹⁸ Riwiõhenanyrenyri iwitxira seriòreõ. Ibutumy dohodÿÿna mahãdu-ribi tii rityhynymyhÿre aõma Rybewihikÿ-di ritÿÿnymyhÿre awimy. ¹⁹ Dohodÿÿna mahãdu rihitxinyre wawana kanakemy. Ibutumy Inynyrÿ loosõna heka tuu ratximyhÿre. Tule riteòsinymyhÿre ibutumy iny rikiwiõhenanyhÿrenykemy. Tai heka inyseriòreny reteònyrenyri ityhydÿÿdu mahãdu. ²⁰ Tai inyõ kia nierumy inyõ rarybeõtyhy. ²¹ Òbityhylemy rikiwinyrenyke ibuturu-ò. ²² Ijõ tii-wana rake. Reurihirenyre heka tii wiõhedÿÿmy raked, tai heka tii wiõhedÿÿmy ratxireri. ²³ Txitu heka waliina rare; wawana raaõmysÿdÿÿnymyhÿre heka rare. Jiarÿboho heka awiõhedÿÿrenomy rarumahãreny. Ijõ seriòrenyõ nade dohodÿÿna-ò wiõhedÿÿmy. Tai kaiboho wowydyna tamy biwahinybenyke. ²⁴ Tai tahe dohodÿÿna mahãdu kaki rierykre. Tai rityhynyrenykre aõmybo umyreny rarybere. Tule wiluomy atxiteri.

9

¹ Reerywãhãre jiarÿ wiõhedÿÿmy tarumahãtenyete Judeia bede-ki. Tahe kiamy aõ aõkõ ariritinykre. ² Reerywãhãre timybo akireny rare. Jiarÿboho heka awimy raryberenyre umyreny Macedonia hãwã mahãdu-ò. Myheka rarybere: —Akaia bede seriòre mahãdu wiõhedÿÿmy rexiwinomy ratximahãrenyre kau beòrau. Tai tiiboho rexideysananyreny. ³ Tai heka kaa seriòre mahãdu reteònyre. Tai heka awikre biwiõhenanybenykre dori. Kiamy iwese rarybereri heka inatyhy rare. ⁴ Araixÿrukre heka jiarÿ aõma bexiwinybenyõlemy wiõhedÿÿna-ò atxibenykre-wana. Tule kaiboho maixÿrubenyke. ⁵ Tai heka inyseriòreny reteònyre akorenomy. Tahe iu arehemynykre, bexiwinybenyke. Biwahinybenyke wiõhedÿÿmy atxitenyteri ixideewimy. Aõ jiarÿ adeereny rexitòenyre aõkõ wiõhedÿÿmy.

⁶ Kia hãbu ibutemy ròbòromyhÿre heka ibutelemy tamy aõna aõna ruhunykre. Kia hãbu sõwemy ribrònymyhÿre tahe tamy sÿ sõwemy aõna aõna ruhunymyhÿre tamy riwahinykre bederaty aõmydÿÿnana. ⁷ Tai heka iny sohoji sohoji ixideewimy tiwesebo riwahinymyhÿke. Riwahinyõke tahe aõ tuu rurukõreri urenana tuu ratxike. Deuxu dee riwahinymyhÿke mahãdu deysana-di riwahinymyhÿre kia iny mahãdu Deuxu tuure. ⁸ Deuxu heka riwahinymyhÿre sõwemy aõmybo tarumahãte kia inydeereny iratyre. Ibutumy aõmybo tarumahãte heka tule iny witxira biwiõhenanybenyke. ⁹ Kiamy Ritidÿÿna-ki roire: —Tii tawowi-di iaõkõ mahãdu-ò. Ròwahimyhÿre. Kia tahe iinydee wobrona tiemy rosaõmy rarekre. Deuxu heka riwahinymyhÿre tibo alòbòròdu-ò. ¹⁰ Inydee riwahinymyhÿre paõ iny rirÿsÿke. Tahe tule sohoji sohoji

òwòrutymy rurumyhÿre heka tamy riwahinymyhÿre. Kia ribòrònymyhÿre tahe Deuxule ritxuhudÿmyhÿre. Tahe sòwemy bitakre Deuxu-ribi. ¹¹ Kia rimymyhÿre mahàdu tahe Deuxumy reàlàmyhÿre. Kia tewinymahâte heka Deuxudeewimy tewiòhenanymahâte. Deuxu heka sòwemy rimymyhÿre eàlànareny iòraru-ki. ¹² Kaiboho heka Deuxu mahàdu teriwiòhenanytenyte. Kia sohojile aòkò. Tule aòraru-ki tiiboho Deuxu-ò wowydyna sòwemy riwahinyrenyke. ¹³ Kaiboho Rybewihikÿ tÿmyra tetyhynytenyteri, Kia ibutumy rierymyhÿre kaiboho dori uriòno tewiòhenanytenyteki, tai iny wowydyna Deuxu-ò riwahinykre. ¹⁴ Adeexitòrenykre aluumy heka relekre Deuxu adee ruxetòena riwahinyreki. ¹⁵ Deuxu-ò wowydyna iny-ribi kanakemy heka idi watzireri. Wahidÿÿna wihikÿ dori Deuxu inydeereny riwawahinyre.

10

¹ Jiarÿ Paulo heka aòmybo adeereny arexitòrenykre. Aòherekibo tamy tarabemahàtenyte awanareny watxiwãhãu urihimiyòle watyhyna watzirerimiy wamy tarybemahàtenyte. Jiarÿ heka awana rybetere-di rarybeòmahãre awanareny watzireri wana. Tiu rareu, taheka ròritidÿÿre rybetere-di wahe. ² Ròhòtinwãhãre. Rexitòrenyteri. Awi heka rare. Ywina-di iny risÿnymyhÿre. Inyò wamyreny ibinamy rarybekeki tahe tule ararybeke heka. ³ Inatyhymy kabede-ki inyboho rasÿnymyhÿreny. Rakaaòbinanykeki, inyumyreny aòbinana wesemy rare. Tebònadirenyre. ⁴ Tebònadirenyre. Aò kabedemy iny rÿira kia debòna wese aòkò kÿny. Deuxu debòna heka rÿira irurule heka rare. ⁵ Inyò aòbinamy Deuxumy rarybemyhÿkeki, tai tahe kia wadebònareny remymy resewãhãrenyre kia ixãwididÿÿnamy wahe. Ibutumy Deuxu òludumy ratximyhÿre heka remywãhãrenyre Deuxu rierykemy Kristu rityhynykemy wahe. Kaiboho heka ibutumy tetyhynymahàtenyte. ⁶ Kaiboho biatybenykeki, tahe, rexihuhymy rÿimyhÿre aòhòkÿmy dÿÿnana-ò. ⁷ Kaiboho heka tetehemahàtenyte aòna aòna-ò ahana-ribi wesele wahe. Inyòraraykynykeki ratximyhÿreny ixinamy tuu raraykynyke. Jiarÿboho heka tule Kristu mahàdu hòrò iny ratxirenyteri. ⁸⁻⁹ Deuxu heka ruuò wadee diwahinyde arawiòhenanykemy tai raixruòmyhÿre. Tai heka abrebudÿÿrenymy aòbo kariti rewinyre. Urile tahe aumydÿÿreny adireny rewisÿnywãhãre aò bede arãatyremy aòkò. ¹⁰⁻¹¹ Ityriti rybetere heka ribrebudÿÿ tahe rehemynyreu heka tii aòkò rybetere-di rarybemyhÿre. Awityhymy aòkò rarybemyhÿre riritinyreu. Iwese ròritidÿÿre wesemy aòkò rarybere. Iu adehemynykreu tahe, iwese ròritidÿÿre wesele heka anarybekre. ¹² Iny tai ratximyhÿre heka sòwemy ixidi ròhòtinymyhÿre tii awiremy. Kia tahe watzimyhÿreny kia raryberenyòtyhy. Tii dori raitxÿtemy ratximyhÿ. ¹³ Aòmy iximiy rarybemyhÿre dori tii awimiy iximiy rarybemyhÿre heka urile tuu raraykynymyhÿ. Timybo Deuxu inydee raryberele rikiraòmyhÿke. Kiawesele inydeereny awire. ¹⁴ Iaòmysÿdÿÿna heka timybo rikiwinyrenykele iny riijemyhÿrenyre. Juhu heka Rybe tÿmyra wihikÿ heka adeereny adiwykemy idi watxiwãhãre. Rewyrenyre heka juhoo Rybe tÿmyra wihikÿ adeereny rewyre. Tai heka tuu raryberenyòhyymahãrenyre timybo iny witxira aòmysÿdÿÿna riwinymyhÿreny. ¹⁵ Kaiboho heka aityhydÿÿnareny raumynykre. Tii heka wadeereny awire. Jiarÿboho heka aòmysÿdÿÿna wihikÿ sòwemy ariwinyrenykeki watzirenyteri ayreny-ki, Deuxudeewireki. ¹⁶ Idi tahe aròrenykre rybe-di aritÿnynyrenykreki ijòbede-ò, Rybe tÿmyra wihikÿ-di wahe. Aòmy ararybeòtyhy aaòmysÿdÿÿnareny iwitxira rewinyremy. Kiamy heka Ritidÿÿna-ki roire: ¹⁷ —Urile tuu rybe rÿike Inynyrÿ timybo riwinyrelemy. ¹⁸ Iny ixidi ròhòtinymyhÿre tii awireny. Tahe awi aòkò rare Deuxu-ò. Deuxu tahe awimiy tai rahamyhÿre tii idile ròhòtinymyhÿreki.

11

¹ Jiarÿ òsana urihimiyò raitxÿtemahãremy kaiboho wawana tòiterimiy ixi-di atxitenyteri. Ihãrele taheka urihimiyò reòludunymahãre. Jiarÿ heka okorenyre iwese Deuxu ratximyhÿre wesele. ² Ywimiy atximahãbeny adireny watzireri. Kaiboho iwese ijadòma hàbumy roikre wese toite. Hàbu heka Kristu rare. ³ Jiarÿboho raberuwãhãrenyre

kaiboho Kristu-wana atximahābenyke lau wahe. Iwese Eva hemylala riitxenanyre wese wahe. ⁴ Inyō kanakeki rōhāletedȳmy Jesuisi witxiramy. Tahe kaiboho bityhynybenykekile jiar̄y heka raberumahāre. ⁵ Ijō dori rit̄ynynymh̄yre iwese inyboho rit̄ynynymh̄yrenyre wese aōkō iwitxiramy. ⁶ Kaiboho heka tahōtinymahātenyete t̄yndȳȳdu wihik̄ȳmy inykireny ratximyh̄yre. Tahe awiremy idi tahōtinymahātenyete. Tai iwesele inyboho roire awi heka roire. ⁷ Tahe iwese tii awityhymy rarybemyh̄yre wesemy aōkō inyboho rarybemyh̄yrenyre. Tahe iny rierymyh̄yrenyre inyraykyreny-ki. Sōwemy heka tuu adeeremy rarybemahārenyre. Iu jiar̄y rybe rit̄ynynymy akireny rarewāhāu, kiau heka adeeremy rexitōenyōhyyre iōwydȳȳmy. Iyjamy heka ixidee reijenyrenyre kaiboho bexiōlōnybenykemy. Teōsare òsana iwese rewinyre wese. ⁸ Ijō dohod̄ȳȳna mahāduō heka riwaōwynyre adeeremy arit̄ynynyrenykemy. Iwese iribi rawasinyre wesemy heka rahōtinyre. ⁹ Iu akireny rybe-di t̄yndȳȳmy rarewāhāu tiu rexitōenyōhyyre adeeremy biwawiōhenanykemy. Macedonia hāwā-ribi dori ityhydȳȳdu, mahādu seriōreō aōmybo raruwāhāre wadee diwyde. Tiu heka aō aribireny aritaōtyhy. Tuu rarehy wese heka wiji rarekre. ¹⁰ Kristu inatyhynamy wadee rarybereri kia wese tule ararybekre ibutumy Akaia hāwā hāwā-ki. ¹¹ Jiar̄y heka aluunihik̄yrenyre. Taile heka tuu rarybewāhāre Deuxule rieryre. ¹² Kia rybe t̄yndȳȳdu heka iwese rewinywāhārenyre wesele rōwid̄ȳȳmyh̄yre. Kia heka rewinywāhārenyre heka kia rarybereri heka aō wiribi lahitxi aōkōmy rarybereri. ¹³ Kahābu heka inatyhy Deuxu deōdȳȳna aōkō ratximyh̄yre. Ruile heka iaōmys̄dȳȳna-ki rōhōnymyh̄yre. Rexit̄ynynykemy Kristu deōdȳȳna mahādu-ò. ¹⁴ Tahe aōkōre heka Satanasi tule rexiwitxiranymyh̄yre. Ȳju wesemy tii rexideōsinymyh̄yre. Kia hābu teōdu rare. Tai heka irehemy iribi rexiijaranyre òbiti deōdu mahādu ratxireriki wahe. ¹⁵ Urile tuu iny idi rōhōtinykelemy heka tuu ratxirerimy ih̄yre. Tahe aōkōre. Ikonanau tahe aōhōk̄ȳmy d̄ȳynana ritarenkyre aōbo riwinymyh̄yre òraru-ki.

¹⁶ Ixityre tuu ararybekre. Inyō raykykōmy jiar̄y itx̄yte raremy. Ararybekre heka waaōmydȳȳnanarenymy. ¹⁷ Teramy ijirarenyōmyke aōmybo ararybekre. Deuxu dori tuu arybedȳȳ-ò riwaijōnymy, tai heka rarybere itx̄yte wesele watximahāremy. ¹⁸ Kaiboho heka taholamahātenyete itx̄yte mahādu-ò. Katahe bodoholabedenkyre aōmybo ararybekre. ¹⁹ Inyō kedehemynykeki kaa biwinybenkyre. Tahe tewinymahātenyete aōna aōnamy aōkō wahe. ²⁰ Inyō araitxenanyrenykeki uritere aōmydȳȳrenyōmy tamy. Jiar̄y heka ariwinyōtyhy tuu, wadee awiōre. ²¹ Ijō rarybemyh̄yre inyō. Tule jiar̄y ararybekre. Itx̄yte wesemy ratximyh̄yremy. ²² Tii heka Hebreu mahādumy tii rexininire. Jiar̄y tule kia tuu rare. Ijaō mahādumy heka tiiboho rexininirenyre. Jiar̄y tule. Abraō riokoremy rarybemyh̄yre. Jiar̄y tuleri. ²³ Kristu deōdumy heka tii rexininimyh̄yre. Rarybemahāre itx̄yte wesemy. Jiar̄y heka iratyre deōduwimy watxiwāhāre. Jiar̄y raaōmys̄dȳȳ nihik̄yre. Rōtenawo-ò riwarutyrenyre iratyre. Riwhatenyrenyre iratyre. Arurure inihe iratyre. ²⁴ Judeu mahādu heka 39 hetenamy wamy raōhōtere iruyre sōwemy wahe. ²⁵ Roma mahādu tas̄y inataōmy riwhatenyrenyre. Sohoji ta mana-di watyre rihure. Ijōtxu heka hāwoninihik̄y heka riorore. Aōutxu heka bera-ki rāire ruu ibutumy txuu tule ibutumy rehure. ²⁶ Ibutumy reamy rarewāhā aōma wasidu bede aōmydȳȳnanamy bera-ki tule arurure inihe. Judeu mahādu warubudȳȳmy wadi riwis̄nyre. Tule judeukōdu mahādu tulere. Hāwāhāk̄y-ki brebunatyhymy watxiwāhā, bede rahy-ki tule, ahohok̄y-ki tule. Waliinaō inatyhy aōkō tai ih̄ymyh̄y. Tai heka riwaitxenanyrenyre. ²⁷ Aōmys̄dȳȳ nihik̄y tai. T̄yikōhyky heka bede reijemy rarewāhā. Rama riwasare; bemy rarowāhāre. Timy heka t̄ynatykyō ihoōhykyre sōwemy wahe. ²⁸ Tai tahe rahōtinyre ibutu dohod̄ȳȳna mahādu-di. ²⁹ Urihimyōle taruru-di ratxireri wana jiar̄y tule iheki waruruhohomy aōkō relemahāre. ³⁰ Inyō raōrarunymyh̄yre wana jiar̄y rabadewowāhāre iōraru-ki. Jiar̄y rexideōsinywāhāre waaōkōre urityhywāhāre. ³¹ Deuxu Jesuisi Kristu tyby dori riwaerymyh̄yre aōu aōu heka iny rakanihik̄ȳnykre. ³² Iu Damasu hāwā-ki rarewāhāu, Iòlò Areta bede dinodu heka riwamymy riwateōnyre. riwamykemy hāwāhak̄yry ijō-ò. ³³ Weriri nihik̄ywomy riwawōmy riwatidire, Walina

mahādu. Tahe heto raroo-ribi riwaatyre hāwā ahana-ò. Tai tahe rahenyre iribi.

12

¹ Jiarỹ heka ararybekemy watzireri. Aō aōkō rarehārele heka ararybekemy watzireri. Wiōhedỹña aōkō heka rare. Wanyrỹ wadee riwahinyre aōna aōnamy heka rabire rasina wese jiarỹ sohojile wahe. Kiamy heka arelyykre wiji. ²⁻³ Tahe 14 beòramy heka Deuxu ityhydỹđuō ridyre biu-ò tasỹ-ò wahe. Deuxule rierymyhỹre inatyhy aōbo rare ada aōkōre aōbo. ⁴ Kahābu Deuxu-ribi heka rybeōkemy roholare. Tahe rarybeōtyhy. ⁵ Iximy tahe ararybeōkre kia wadeysarehāre. Waaōhōkỹmy dỹñnanadile areysakre. ⁶ Urile ararybekre timybo releremy. Taile tahe iny tuu rarybekre. Tuheka rabire sōwemy aōwiihikỹmy. Jiarỹ awiremy iny wamy raraykynyheny. ⁷ Tahe Satanasi aōbinana witxirahakỹbo wadee riwahinyre. Ixidi arōhōtinyōkre. Jiarỹ aōwiihikỹ jiarỹ raremy wahe. Araraykynyōkemy. ⁸ Inataōmy heka Inynyrỹ-ò rexitōenyre kiamy waribi ritakemy. ⁹ Tii wadee rarybere: —Waruxetōenale heka adee awire. Aōbo kai taaōkōteu heka waruru adee rewahinyre. —Tai tahe jiarỹ reysare, waaōkōreu wahe. ¹⁰ Tahe awire, waōkōna, warurukōna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukōkreu, warurudikre.

¹¹ Rarybere heka hābu itxỹte wesele heka rarybereri. Kaiboho iòrarureny-ki heka kia wesemy rarybereri. Inatyhymy heka jiarỹ kia rybe tỹnydỹđu mahādu bina ratyre watziwāhāre. Ayreny-ki rarewāhāu heka teerytenyte. ¹² Aōna aōna wiihikỹ, deytana wihikỹ, bedetiidỹña ayreny-ki rewinyre kia Kristu deòdumy watzimyhỹreki wahe. ¹³ Rybe tỹnydỹđu òwyō heka aribireny retaōhyre.

¹⁴ Ihewoludu txu tahe aroramy arakemy ixidi watzireri. Inataōmy reywinyra aroramy arakremy wahe. Aribi nieruō aritaōtyhy. Urile arawiōhenanyrenykremy adireny watzireri. Uladu riki heka tyby riyrubunyōtyhy. Tyby tahe uladu riyrubunymyhỹre. ¹⁵ Ibutumy idi watzireri heka arahukre arawiōhenanyrenykremy. Adeereny wylemy arihukre. Jiarỹ heka aluurenyre. Kaiboho aōbo tule waluurenykre? ¹⁶ Waòraru-ki heka adee isiraōkre heka. Ihārele tahe inybina wamy rarybemyhỹre: —Tii itxenadỹđu rare. ¹⁷ Wamahādu tule aribireny ritaōtyhy ijō. ¹⁸ Txitu reteònyrajō ityhydỹđu seriòreō-wana. Tii aōbo aō aribireny ritare? Aōkōre. Txitu wawesele heka tii rare.

¹⁹ Taōmysỹdỹña heka awiōhedỹñnarenymy rare. Aō wadi jiarỹ awiremy nohōtirenỹomy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiōhedỹñrenymy. ²⁰ Raberumahāre heka arehemynykrey, iwitziramy atxibenybeke lau. Tule wadi iwitziramy betehebentyke ixiweserenymy aōkō. Ihāru, adebure. Aōkemy watzireri. Iny aōbina binamy wimy rarybemyhỹre. Iny ixidile rōhōtinerimy ihỹre mahādu. Kia aroholakeki tahe wadee awiōre. Riyrubunymyhỹre. Riyrubunyōhyymyhỹre. ²¹ Raberuwāhāre heka arahinykre heka akotxireny iōhāru òraru-ki. Aōna aōna witxira witxira òta òtamy rōhōtinymyhỹre, raraykynymyhỹre. Sōwemy heka riwinyre ta ixi-txi tōhōti reaōhyymyhỹre kia riwinyretxi.

13

¹ Tahe ikonana txu roraludu heka jiarỹ rare. Inyō aōbina binamy wimy rarybemyhỹreki waribi ihitxihitximy heka tuu rarybemyhỹre. Iny rimymyhỹre heka tuu robimyhỹre; tuu rarybemyhỹre. Wiweselemy heka tuu rarybekre. ² Iny iòrarudimy rỹikre-wana, ibutumy heka aōhōkỹmy rotỹñnykre arehemynykrey. ³ Aōmy Kristu rybemy heka rarybekre. Tai bierybenykre. Aōmy warurudỹđure heka bierybenykre Kristu wahe. ⁴ Kristu heka itxeò-ki rurure irururenyō wahe. Jiarỹ warurunarenykō òraru-ki. Tahe Deuxu ratximyhỹre, iruruna-di. Tii-wana heka inyboho heka ratximyhỹrenyire iruruōmy. Tai awanarenyle watzireri, tahe tii-wana Deuxu ruruna-wana watzireri. ⁵ Ixi-di heka betehebentyke. Bexiurihibentyke tyhyna-di atxitenyterimy. Jesuisi Kristu awo-ki watzireri. ⁶ Kia terytenytemy, inatyhy. Tahe jiarỹboho inatyhymy aōna aōna riijerenyire. Kia aōbo teerytenyte. ⁷ Jiarỹboho rexitōenyrenywāhārenyire.

Òraruna widỹỹrenyõmykemy. Kaiboho aõwiwi biwinybenyke. Kia òbitimy watximyhỹrenyreki aõkõ, kiemy òbitimy boibenykemy. ⁸ Aõbo heka inatyhyna wiðhedỹỹnale rikiwinyrenyke. ⁹ Kaiboho arurudimy atxitenyteri-wana heka, jiarỹboho warurudimy watxiwãhãrenyke, kia wadeereny awi rare. Rexitðenymahãrenyke kaiboho òbitimy matxibenybekemy, ywimy ahãbenykemy. ¹⁰ Tai heka adeereny ratyryritinyreri kiamy. Aribireny irehemy watxiwãhãre taheka arawiðhenanyrenyke. Arehemynykreu tahe timy heka aõhõkỹmydỹỹnanamy arõhõtinyõtyhy, kia waaõmysỹdỹỹna rare. Inynyryĩ dori iny wiðhedỹỹnarenymy nade. Iny aõhõkỹmy dỹỹnanamy aõkõ.

¹¹ Arakre tahe waseriðreboho. Idi biwisỹnybenyke ibutumy òbitimy biwinybenykemy. Warybe-ò heka boholabenyke. Wiwese weselemy maraykywydynanybenyke wiribihitximy aõkõ. Ywina-di matximahãbenyke. Deuxuluuna heka tule akireny ratxikre. ¹² Wii birybenymyhỹbenyke ityhydỹỹdu seriðre mahãduõ tai wiluummy atximahãbenyke. ¹³ Ibutumy Deuxu ijoi mahãdu heka adee rybe riwehityhynanyreri. ¹⁴ Jesuisi Kristu Inynyryĩ ruxetðena heka akirenykemy watxireri. Deuxu luuna aki rỹikre. Deuxu Tyytybytyhy awana rỹikre.

Alatxia Paulo Tyyriti, Alatxia Mahãdu-ò

¹ Jiarỹ Paulo, rybeõmy nodu rare. Inyõ riwateònyõhyyre. Jesuisi Kristule, Deuxu inytyby, Kristu ixixadỹỹdu-wana riwateònyre. ² Jiarỹ ityhydỹỹdu seriðre-wana. Kaa watyyritireny rewahinyreri Alatxia bedeludu mahãdu-ò, ibutumy dohodỹỹna mahãdu-ò, ityhydỹỹdu mahãdu-ò wahe. ³ Ruxetðena ywina-wana adeereny kanakemy idi watxireri Jesuisi Kristu-ribi, Deuxu inytybyreny-ribi. ⁴ Jesuisi rexiwahinyre iny òrarureny-ribi iny ritarenkemy. Wiji bede aõmydỹỹnabina-ribi iny ritarenkemy. Kia dori Deuxu-ò inytybydeewimy rare. ⁵ Tamy àlana aõu aõu kanawahimyhỹke.

⁶⁻⁷ Jiarỹ bede reòtiinyra, rybe witxiraõ elelemy tetyhynmahãteki. Rybewihikỹ witxira ihoõre. Juhuu Kristu taruxetðena-di bedebina-ribi aratarenyre. Inyõ adee rare. Idi Deuxu Rybewihikỹ riwitxiranykemy. Tai tahe atyhydỹỹna ribinadỹỹnyra. Tai tahe kiamy adee rarybera. ⁸ Inyõ aõbo, jiarỹ aõbo, ada biuludu ýju aõbo, adee Rybewihikỹ witxiraõ rarybekeki, Deuxu kyarana tamy kedesekeki idi watxireri. Rybewihikỹ-ò juhu waribi taholateny. Kia sohojile inatyhyre. ⁹ Iwese rarybere wese ixityre ararybekre. Inyõ Rybewihikỹ riwitxiranykeki, aõmybo juhuu taholateny-ribi, Deuxu kyananamy resekre. ¹⁰ Deuxudeewimy taheka watxireri hãbudeewimy aõkõ. Jiarỹ hãbudeewimy araximyhỹkeki Kristu deòdu aõkõ jiarỹ rare.

¹¹ Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke. ¹² Kia tihãbuõ-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynanyre. ¹³ Kaiboho taholateny, iwese jiarỹ judeu mahãduy-ki raremahãu lu Deuxu ityhydỹỹdu mahãdu aõbinamy rewinydỹỹnananyhỹre. Idi ariixãwididỹỹnykemy rarewãhã. ¹⁴ Wamahãduy-ki sõwemy iratyre raremahã judeu mahãdu bede ywina ywidỹỹ-ki. Idi retyhynyhyymahãre wahona mahãdu ratyre, byrena erỹdỹỹna-ki. ¹⁵ Iribi tahe Deuxu riwamyre taruxetðena-ki. Ratohouãnyõlemy rareò juhu riwahitxinyre. ¹⁶ Wadee Deuxu tariðre riteòsinykremy ratximyhỹ judeukõdu mahãdu-ò tuu ararybekemy wadi ratximyhỹ. Iu inyõ dee aõmy rarybeõhyyre Jerusalẽ hãwã-ò raõhyyre. ¹⁷ Ròtyhydỹỹõmy raremahãu. Deuxu deòdỹỹna mahãdule rỹiramyhỹ. Ihãrele tahe tamy rybemy raõra. Iribi tahe rahònyra Arabia-ò. Idi tahe ixityrele addòsede Damasu-ò.

¹⁸ Inataõ beòramy heka kowa-ki reijere. Idi tahe rare Jerusalẽ-ò Pedro roramy. Tahe bede reijere waiyre txumy tai. ¹⁹ Ijõmy heka rabiõhyyre deòdỹỹna mahãduõmy. Txiaulemy heka rabire, Kristu seriðremy. ²⁰ Ka heka watyyriti inatyhy rare. Deuxuko-txi inatyhy rare. ²¹ Idi Siria bede-ò rare, tule Silisia bede-ò. ²² Judeia bede-ki Kristu dohodỹỹdu mahãdu wamy lobixidu aõkõ rỹira. ²³ Uritỹỹna roholamyhỹre: —Kia juhu inyhudurenymy inydireny raremyhỹ, wiji tahe tyhyna-di dobedeerydỹỹnananyhỹde. Juhu tahe tii tyhyna rahukemy riwisỹnyre. ²⁴ Kia ibutu òraru-ki tahe Deuxu-ò deàlamyhỹde wamy, Paulo wahe.

2

¹ Waðinaubiðwa reurò beòra-di rexihureu, ixyby Jerusalẽ-ò ròðsere. Banabe, Txitu-wana redyre. ² Rawãhãre heka rasi wese-ki aõmybo rabireki. Retỹnyre iny-ò iwese inywitxira-ò rarybemyhỹremy. Dohodỹỹdu mahãdu ratyre retare tamy rihitxinyre rarybekemy. Tuu arierykemy watxireri ywimy watxiwãhãremy. ³ Txitu wawana ihỹre, tii judeukõdu mahãduõ hãrele tahe itõtyky resymy rarybeõhyreny. Tiiboho waki ibinamy rahaõhyreny. ⁴ Idile røhõtinyinmyhỹre ityhydỹỹdukõdu mahãdu. Tiiboho nalòdenyde waixãwididỹỹnarenny-ò retehekremy, iny Kristu-ki ijõdiwãhãre-ò. Tiiboho ixiwesemy iny-di risỹnykemy ratxirenyreri. Tiiboho ityhydỹỹdu wesemy rexisỹnymyhỹre. ⁵ Tamy jiarỹboho raholarennyõhyymahãre inatyhy Rybewihikỹ aribireny ritaõhykemy. ⁶⁻⁹ Dohodỹỹdu mahãdu ratyre mahãdu heka Joaõ, Txiau,

Pedro-wana rare. Tiiboho ibutu erysyna ratyre rÿiraki, kia aõ aõkõ wadee rare. Tiiboho aõ tÿmyra riwabedeerynyõre. Deuxu-ò tahe ibutummy iny wiwesehy rare. Deuxu riwateònyrenyrene judeukõdu mahãdu-ò Rybewihikÿ wahisidÿÿmy. Kia Joaõboho wiwesehyylemy widi rõhõtinyre riwawehitynanyra jiarÿ Banabe-wana. Tai tahe iwese Pedro judeukõdu mahãdu-ò rare. Tiiboho tahe ritÿÿnynymyhÿke judeu mahãduòle wahe. ¹⁰ Urile riwatyhenyra iny aõkõdu mahãdu ariwiòhenanymahãkemy. Kia juhuhu ariwinykemy watxiwãhãre.

¹¹⁻¹² Atxiòkia-ò Pedro rehemyhÿreu jiarÿ tuu rarybere timybo ibinamy riwinymy ihÿremy rexiitxenanymyhÿreki. Hãbuõ Txiau-ribi rehemynyõrau, tii judeokõdu mahãdu-wana riroxire. Irahudi tahe dehemynydenydeu, riroxiòhyylemy rexitare. Judeu mahãdu rybe lau ruberure. ¹³ Ijõ judeu iwesele rotÿÿnyre. Ihewoludu Banabe tulere. ¹⁴ Tuu rabireu, òbitimy aõkõ Rybewihikÿ inatyhy wesemy aõkõ rotÿÿnymy raremyhÿ tahe rarybere ibuturu-ò, Pedro-ò. Kai judeu mabekeki, tahe judeokõdu mahãdu wesemy tanabededÿÿnanamy ahãte. Uritere judeukõ mahãdu judeu mahãdu wesemy isÿdÿÿõmy. ¹⁵ Jiarÿboho tahe judeu mahãdumy reamahãrenyrene. Judeukõ mahãdumy aõkõ watxiwãhãrenyrene. ¹⁶ Iny bede ywidÿÿna aõkõ iny ritamy roire. Kia Kristu iny rityhynymyhÿrele iny ritamy roire. Bede ywina ywityhydÿÿna iny ritaòtyhy. ¹⁷ Iny Kristu-ki tarasana ritamy ratxikeki, tahe òrarudu tyhymy ronykeki, Kristu aõbo òraruna widÿÿna rare? Aõkõre. ¹⁸ Jiarÿ bede ywiny ywidÿÿna-ò aròðsekeki, òrarudumy ararekre. Kia jiarÿ idi ariatymy rÿimyhÿre ixityre ariwinykeki òrarudumy arareke. ¹⁹ Jiarÿ bede ywina rarumy rãire wese, Kristu-ò warumy ararekemy. Kristu-wana jiarÿ raitxeòkirubudÿÿnanymahãre. ²⁰ Jiarÿ ixidee warumy aõkõ wahãre. Kristu tahe wawo-ki riwarudÿÿnanymy ihÿre. Warumy watxireriwana Deuxu iriòretyhydÿÿna òrarukile warumy wãhãre. Tii waluumy ratximyhÿre. Tahe wadee rexiwahinyra. ²¹ Deuxu ruxetòedÿÿna aribynykemy aõkõ watxireri. Bede ywina tyhydÿÿna òraru-ki ywityhydÿÿna tahe inyò ritakemy ratxireri. Kia-di inatyhymy inyò rexitakeki tahe, Kristu uriòle rurure.

3

¹ Alaxia mahãdu timybo tahõtinyteri kaiboho òhõtibede-di rierykõrenyrene. Kia-di òsana tahõtinyre. Moòwòru ijeranamy ahãtenyete. Jesuisi Kristu itxeò-ki rururedi taholatenytyhyta. Òhõtì-ribi aõbo kia rosare. ² Kiale arierykemy watxireri timybo tahõtinytenyteri: Deuxu Tyytybytyhy temytenyta bede ywina widÿÿnamy aõbo ada inatyhyna tyhydÿÿnamy aõbo. ³ Juhu urile tetyhynytenyete idi ixiumykile tadexityhynymy ahãtenyete, bede ywina ywisidÿÿna wahe. ⁴ Kaiboho òbitimy tahõtinyòtenyete. Kia aõbo aõhòkÿmy tatÿÿnytenyete uriòhyyòle? ⁵⁻⁶ Aõkõre, uriòkele aõkõre òsana tahõtinyteri. Deuxu Tattytybytyhy adeereny diwahinyde. Kia aõbo riwinyre bede ywina ywisidÿÿ kaiboho tamahãtenyete? Aõkõre, tetyhynmahãteki kia riwinyre. Deuxu aõna aõna wiwihikÿ akoreny-ki riwinyre. Kia sohojile iny ritake. Abraõ Deuxu rityhynyrene. Tai tahe tamy òbitimy rare Deuxu-ò, iòraru iribi riixãwididÿÿnyraki. ⁷ Tai ibutummy rityhynymyhÿre mahãdu Abraõ riòremy rÿira. ⁸ Tyyriti-ki roimyhÿre kia: — Deuxu heka judeu mahãdu sohojile aõkõ riòbitinykre. Ibutummy iny riòbitinykre ityhydÿÿ erysydÿÿna òraru-ki. Rybewihikÿ erysyna Abraõ-ò juhuhu dehemynyde. Kia wese Tyyriti doide: —Aòraru-ki ibutummy iny-ò deysana kanakre. ⁹ Tahe ityhydÿÿdu mahãdu Abraõ wesemy teysare. Abraõ dori ityhydÿÿdu rare. ¹⁰ Inyò bede ywina rityhynyòkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidÿÿna dori roire: — Inyò ibutummy bede ywina riywinyòkeki, tamy Deuxu txuhòbina kedealeke. ¹¹ Òbiti mahãdu rityhynymy ronykre. Kia riki Ritidÿÿna roire. Tahe bede ywina heka inyboho aõkõ riòbitidÿÿnyre. ¹² Bede ywina heka iwitxi rare ityhyna-ribi. Tahe inyò bede ywina rityhynymy ratxikeki, tii ibutummy rityhynymy rarehyke. ¹³ Inyboho Deuxu bede ywina rikiwinyrenyòkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadÿÿnyrene inydee iòwydÿÿna-ki.

Beteheke Tyyritidỹna roire: —Inyõ òwòru itxeò-ki ritamadỹnykeki, tamy txuhòbina kedelekre. ¹⁴ Deuxu narybede heka Tatytybytyhy iny-ò riwahinykemy. Wiji tahe inyõ rityhinykeki, Deuxu Tyytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵ Waseriòreboho, jiarỹ hābu wesemy ararybekre. Iny inatxi jurasadỹna ritina riwinykeki, inireny ritidikeki, inyõ riwitxiranyõtyhy. Tai ijõ witxira riritinyõtyhy. ¹⁶ Boholabenyke, Deuxu juhū Abraõ dee narybede: —Abraõ riòre hewoluduò Kristumy. Abraõ riòre sōwe dee rarybeòre. Sohojideele rarybere. Tahe tariòre-ò Kristumy rarybere. ¹⁷ Tuheka rarybereri: —Deuxu juradỹna wese juhū rarybere, 430 beòra bede rỹire idi tahe bede ywina nade. Kia Deuxu juradỹna riixāwidinyõtyhy. ¹⁸ Tarasany bede ywinawidỹna òraru-ki kidiwahinykeki, wahisidỹna aòkõ heka rare. Tai Deuxu heka Abraõ-ò jurasadỹna riwahinyre. Iòwydimy aòkõ juhū dori rarybere tii kidiwahinykemy. ¹⁹ Aòherekibo heka nade? Kia nade òraruna òraru-ki Kristu nadeule kỹny juhu ludu wese aòkõ roire. Kristu heka Deuxu deòdỹna rare. Iwese Deuxu rarybere wese riwahinyre. Tii Abraõ riòre riòre-ribihyy reare. Ýjumy bede ywina nade. Iny itya ludu debò-ki rehemynyra. Moisesi iwahidỹdure. ²⁰ Boholake, Moisesi sohojile aòkõ itya ludu ratxireri bede ywina riwahinyre. Deuxu tahe sohojile rare irybe riwahinyre. ²¹ Bede ywina aòbo Deuxu jurasadỹna riixāwidinyke? Aòkõre. Bede ywina umy ituedeòna riwahinykeki, òbitidỹna inatyhymy bede ywina nade. Tahe aòkõre. ²² Deuxu Tyyriti rarybere: ibutumy iny òraruna-di ratxireri. Kristu iny rityhinykeki, Deuxu jurasadỹna tamy riwahinyke.

²³ Ityhydỹna rehemynymynykoki bede ywina iny rityhynymyhỹre ròtenawo-ki inyboho roire wese. Kia-ò iny riraòhymy rỹimyhỹre inatyhydỹna kedehemynykemy. ²⁴ Uladu bedeerydỹdu wese bede ywina rare inydeereny. Kristu rehemynykõu, inyboho bede ywina rityhynyreny. Tai Kristu-ò inyboho òbitimy ronykremy ityhydỹna òraru-ki. ²⁵ Ityhydỹna-ò iny rehemynyre, uladu bede erydỹdu-ribi ixāwimyhỹre. ²⁶ Kristu-ki ibutumy Deuxu riòre atximahātenyete ityhydỹna-ki. ²⁷ Ibutu dori Kristu-ò taratisebenyete, Kristu wesemy tatỹnyete. ²⁸ Kristu tỹnydỹna-ki wiribi hitximy aòkõ boibe, judeukõdu mahādu, iny-wana, deòdu deòdu aòkõ-wana, ijoi hāwyy-wana ibutumy wiwese wesele Kristu-ki rỹike. ²⁹ Kristu-ki mabekeki, Abraõ riòre riòrelemy mabekre. Jurasadỹna rareasadỹdumy atximahātenyete.

4

¹ Ijyyõ arelyykre —rareasadỹduò deòdu wesemy raremyhỹ tii uladumy rareu, ibutu wedu rare hāre wahe. ² Urile tyby rarybere raumynykõule, tii tatibiedỹdu rybe rityhynymyhỹre. ³ Kia wese iny rare. Uladu wesemy bede aõmydỹnana rityhynymyhỹre juhū. ⁴⁻⁵ Iribi tahe bededỹnana he rehemynyra. Deuxu tahe Tariòre diteònyde ijadòma ririòredỹnykremy. Bede ywina tyhynakremy reare. Tii nade bede ywina tyhydỹdu mahādu tarasamy kia tyhyna-ribi ritakemy tariòre wesemy ritibienykemy. ⁶ Deuxu Riòre wesemy iny ihỹreki iny-ki ratximyhỹreki, Tatytybytyhy inywo-ò risỹnyre. Tai inywo-ribi rarybemyhỹre: —Waha, Waha. ⁷ Wiji tahe deòdu wese aòkõ atxiteri, Deuxu riòretyhy wese atxiteri. Tule Deuxu rareasadỹduòle tate.

⁸ Juhū Deuxu teeryòtenyete. Kaiboho deuxu witxira wese tetyhynytenyete — deuxu inatyhy aòkõ tetyhynytenyete. ⁹ Ka tahe Deuxu teerymy ahātenyete tetyhynmahāte. Deuxu anaerynymyhỹdenyde. Ixyby bede aõmydỹnana-ò òòsedỹõmy, arawihenyõreki. Deòdumy aòkõ ixyby rỹimy boibeke. ¹⁰ Txu yrubudỹõmy, ahādu yrubudỹõmy, beòra yrubudỹõmy. ¹¹ Inatyhymy ada aòkõre aòbo waaõmysỹdỹna adeereny reònonyra?

¹² Wawesehymy boibeke. Jiarỹ dori tatemahā wese raremahā, waseriòreboho. Kaiboho wadee aòbina tewinyõmahātenyete. ¹³ Kia teeryte. Jiarỹ juhū adeereny Deuxu rybemy rarybereu, jiarỹ iu wabinawāhāu. ¹⁴ Wabinana heka isirare adeereny, ihāre tahe waderaõre tahe wadi arukirenrya, iwese ýju Deuxu-ribi jiarỹ anade wese kaiboho

tiwamytenyte, iwese taheka Jesuisi Kristule jiarỹ rare wese wadi tewisỹnytenyte. ¹⁵ Titxibo rare eysanareny juhoo adi toite wahe. Kaiboho aruereny wii tesỹnyny toitemyhỹ kaiboho wakyrenyrenki. ¹⁶ Jiarỹ aõbohe aõludumy relera, inatyhy rybe adeereny rarybereki? Aõkõhyre. ¹⁷ Hãbuõ arãitxenanyhỹreny. Aluu wese heka ratxirerimy ihỹre. Aõlõnamy dori rarunyeri. Tiiboho wabiõwana-ribi atarasamy adi ihỹreny. ¹⁸ Aõwihikỹ erysomy marurunyke. Tii tahe awire, awanale watzireriki aõkõ. ¹⁹ Wariõre wese, adeereny aõhõkỹmy ratỹỹnyre, hãwyy reamyhỹre mytxitxi wese jiarỹ rare adeereny Kristu awo-ki rexilamadỹỹnyhykemy. ²⁰ Awanareny ararekemy watzireri. Tai tahe warybe witzira-di kia anarybekemy watzireri. Aõhebo adeereny heka arasỹnyre arawiõhenanykemy watxiwãhãre. Timybo reerykõre dori.

²¹ Inyõ bede ywina tyhydỹỹdumy ratxikeki, wadee manarybeke kiamy: aõmybo bede ywina raryberamy teeryteri? ²² Kia Tyyritidỹỹna-ki roire Abraõ riõre inatxire. Juhoo ludu teõdu-ribi, Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deõdu-ribi aõkõ. ²³ Deõdu riõre ibutu dee wese nade. Abraõ hãwyy riõre aõkõre Deuxu rybewahisidỹỹna xiery reare. ²⁴ Kia ijyy-di rawesenanyreri. Inatxi hãwyy inatxi jurasadỹỹna wese heka rare. ²⁵ Ijõ Haari inire, deõduni. Iriõre deõdumy rarekemy reare. Sinai Hãwãlõ wese tii rare. Kowa tyre-ki bede ywina inydee riwahinyre. Jerusalẽ wesemy roimyhỹre kia mahãdu deõdumy dori rỹira, tariõre-wana. ²⁶ Jerusalẽ tyhydỹỹna mahãdu, biu ludu tahe deõdu wese aõkõ rare, ixinamy inyboho roire. Abraõ hãwyytyhy riõre wese inyboho roire. ²⁷ Tyyritidỹỹnaõ dori roire: —Hãwyy ariõreõ beysakre. Birajuakre ariõrekõhãrele beysamy ariõredikire heka. Hãwyy risina riõre sõwetyhyre, hãwyy ihãbu-di ratyre. ²⁸ Waseriõreboho, kaiboho rybe ywisidỹỹna riõre wesemy ahãtenyte, Ijai wesemy. ²⁹ Iwese ibutu ludu wesemy reareõ aõbina riwidỹỹnanymyhỹre. Deuxu Tyytybytyhymy reareõ. Wiji, tahe kia weselemyhỹre. ³⁰ Tyyritidỹỹ rarybera: —Biteõnyke deõdu tariõre-wana. Rareasadỹỹdu ibutumy rimykre. Hãwyy deõdu aõ aõkõ rimykre tariõre-wana. ³¹ Waseriõreboho, deõdu riõre wese aõkõ inyboho roire. Hãwyytyhy riõre tahe iny roire.

5

¹ Kristu inyboho ritare ixinamy inyweduoõduõlemy roirekemy. Kawese rokoirekemy. Deõdu wese ixiby rukunynyrenyõkre.

² Jiarỹ, Paulo, adeereny rarybereri: inyõ notykyresyna-õ ròõsekeki, Kristu riwiõhenanyõhyymyhỹre. ³ Ixityre ararybeke. Inyõ rinotykyresynanykeki, bede ywina ibutumy tii riyrubunyhyyke. ⁴ Inyõ bede ywina rexiõbitinymy ratxikeki, Kristu-ribi rexihitxidỹỹnymyhỹre, ruxetõena tyhyna-ribi rexitare. ⁵ Deuxu riwaõbitinyrenyre Tatytybytyhy õraru-ki kia retyhynyreny. Kia reraõreny. ⁶ Jesuisi Kristu-õ notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare. ⁷ Juhoo awimy tuu tatyynmahãte, inatyhyna-ki ijera wihikỹmy teamyhỹte, moõ inatyhyna-ribi anaixãwididỹỹnyde. ⁸ Deuxu aõkõ atarasadu juhoo ixãwididỹỹnyde. ⁹ Inyõ paõ riwinykeu, ibutenode ritxiwikeki ibutumy ratarinyke. Inyõ ibinamy urihimyo arabedeerynykeki sõwemy ribinadỹỹnyke. ¹⁰ Jiarỹ Wanyrỹ retyhynyre, kaiboho wawesemy mohõtynybenykemy adireny watzireri. ¹¹ Waseriõreboho jiarỹ waõludu dire. Kia tahe riteõsinyre notyky resynamy rarybeõre ijõ wamy raryberehãre. Kia ararybekeki sõwemy wahemy kanakre. Itxeõ tỹnydỹỹna rybe rityhynykemy. ¹² Kowa mahãdu õte rexihukemy idi watzireri. Adeereny aõbina diwinymyhỹdenyde.

¹³ Kaiboho Deuxu arateõnyrenyre, urile õraruõmy boibeke kaiboho bede ywina-ribi ixinamy boibeke. Wii biwiõhenanyhỹbenyke, wiluurenkemy. ¹⁴ Bede ywina ibutumy rexibutunyre rybe-ki kia tahe rare: —Inyluuke ixiluure wese. ¹⁵ Wiwana bõrenybenykeki, kaiboho widi buruakeki, bexihãrubeny ibutumy wii mahubenyheny.

¹⁶ Tai jiarỹ rarybere, Deuxu Tyytybytyhy deewimy boibekemy deõbiredỹỹna iwidỹỹõmy boibeke. ¹⁷ Deõbiredỹỹna dori Deuxu Tyytybytyhy õluduna-ki ramyhỹre. Wimy õludurenyre. Tai aõbo adeereny awire iwidỹỹ adeereny isirare. ¹⁸ Tahe,

Deuxu Tyytybytyhy arateòsinyrenykeki, bede ywina ywidÿÿna aõkõ bityhynyke. ¹⁹ Deòbiredÿÿna aõna aõnamy dÿÿnana-ki kia roire: aderanadino, aõbinade, raykyõmy, òta òta, ²⁰ suritxoomy àlàdÿÿna, òwòruna wii, òlududÿÿna, aõbinaluu, ihãru, kyara, wobiredÿÿna, wiribihitxina, ²¹ ibutu aõmydÿÿna ixixiburedÿÿ, axaxaluu, rÿsÿnaluu byrehekÿ, tule ijõ aõna aõnà sòwemy kawesere. Inyõ kia aõna aõnawidÿÿ rieryekeki, Deuxu òlòna rareasadÿÿdu aõkõ roikre. Tuu rarybere juhuule. ²² Ka heka Deuxu Tyytybytyhy aõmydÿÿnanamy rybena roire: iwahidÿÿna kia rÿire, tii dori inywomy rÿira. Wiluuna, deysana, ywina, ruxetòena, wina, òbitidÿÿnana, ²³ ibutu-ò awina, ixidee inytyhyna, ixirydÿÿna, tai bede ywina ihoõhyre kia-ò. ²⁴ Kristu hõrõ mahãdu kia itxeò-ki ritidirenyre: deòbiredÿÿna, aõmydÿÿnana bina-ribi, deòsana aõmydÿÿnana-ribi

²⁵ Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenykre ²⁶ Ixi deàlànaranaròsò luukemy aõkõ rakatximyhÿrenyke. Tai tahe ixixiburedÿÿna-di aõkõ, rakatxirenyke. Wiòbiredÿÿna-di rakatxirenyõke.

6

¹ Waseriòreboho. Inyõ òraruna-txi resekeki, kaibohe ywina-di biòbitinybenyke. Bexihãrumahãbenyke kia òraruna-txi ixeyõmy boibekõkemy. Kaibohe dori, Deuxu mahãdu toite wahe. ² Wiitxykywydywesemy wii biwiòhenanybenyke ibutu aõmydÿÿnana-ki. Iwesekeki, Kristu bede ywina tetyhynmahãtenyete. ³ Inyõ ixidee aõlemy ròhòtynykeki, tahe tii aõhy aõkõ rare, tii rexiitxenanyhÿre. ⁴ Ixinamy iny sohoji sohoji taaõmydÿÿna-ò retehemyhÿke, aõhebo rotÿÿnymyhÿremy wahe. Idi tahe ixi aõmydÿÿnale-di kedexityhynmyhÿkre, tabireludu aõmydÿÿna-di aõkõ. ⁵ Iny sohoji sohoji dori taitxyky riwymyhÿke.

⁶ Inyõ Deuxurybe erydÿÿna ijòdikewana tabedeerydÿÿna mahãdu-ò ibutumy erysyna wiwihikÿle-di rirareamahãke. Tule bedeery mahãdu heka tohodÿÿna mahãdu-ò aõna aõna wihikÿ riwahinyhÿre. ⁷ Ixiitxenadÿÿõmy. Inyõ heka Deuxu itxenadÿÿõmy alòbòròna-ò iny ribòrònykeki, tiile tahe raumynyhyymyhÿre. ⁸ Inyõ òraruna ribòrònykeki, rubule taumy-ki ritake. Inyõ Deuxu Tyytybytyhy deewimy tuu rotÿÿnykeki umytuedeõna ritake. ⁹ Aõwihikÿ widÿÿhyemy boibeke. Kia-ki elemy ruburenyõmy. Aõwihikÿ widÿÿhy boibekeki, adeereny aõwihikÿ wahidÿÿna wese kanake. ¹⁰ Ibutumy inydeereny aõwihikÿ widÿÿ-ki inyboho abededÿÿnanawikeki ibutumy iny rikiwiòhenanyrenemy, rÿkÿirenyke, ityhydÿÿdu mahãduõ bexiywinyhÿy ahãbenykemy iwiòhedÿÿ-ò.

¹¹ Tuhe, jiarÿle ariritinykre, Paulo wahe. Betehebeny inihe ritidÿÿna nihikÿ reritinyra wadebò-di. ¹² Inyõ ayreny-ki wohyna ixidee rimykeny ratxireri, kia adeereny õtyky resynamy adi ratxirerihyymyhÿre. Kristu itxeòmy tiibohe ritÿÿnyrenykeu aõhòkÿmy rotÿÿnyõmykemy ròhòtinymyhÿre. ¹³ Notyky resyna mahãdu bede ywina rityhynyõre. Tiile rexityhynmyhÿre. Kaibohe irybe-ò boholakemy atxiteri. ¹⁴ Jiarÿ arexiwowodynanyõhyymahãkre, Wanyrÿ Jesuisi Kristu itxeò-di areysakre, biu-ò hena òraru-ki wahe. Bede aõmydÿÿnana waki rÿimyhÿre, itxeò-ki retamadÿÿnyra waribi ixãwira. ¹⁵ Notyky resynadÿÿ aõ aõkõ rare. Notyky resynadÿÿkõ tule aõ aõkõ rare. Urile biu-ò hena-di boibekele tahe aõ rare. ¹⁶ Kia bede ywina bityhynybenemy boibekeki, Deuxu-ribi ywina, ruxetòena, adeereny kanakemy idi watxireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixiradÿÿõmy ararekre. Beydÿÿna dori waumy-ki roimyhÿre, Jesuisi rybe rybemy rybedu òraru-ki.

¹⁸ Waseriòreboho, Jesuisi Kristu ruxetòena akireny rÿikemy watxireri. Kie.

Efesu Paulo Tyyriti, Efesu Hãwã-ò

¹ Paulo, Jesuisi Kristu deòdÿÿna jiarÿ rare. Deuxudeewimy tahe kia rare. Efesu hãwã ityhydÿÿdu mahãdu —ò kalemy warybe rewahinyreri. Kaiboho ywimynodu mahãdumy toimahãte. ² Ruxetòena adeereny kidiatykemy Deuxu-ribi idi watxireri tule Jesuisi Kristu Inynyrÿ-ribi.

³ Deuxu, Inynyrÿ tybyreny, inyboho tuu reàlãmihÿreny. Tii dori inydeereny wihikÿ inywo ywinamy diwahinyde Jesuisi òraru-ki biukihikÿle wahe. ⁴ Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aõkõu tii rihitxinymy ritakremy rÿimihÿre, inyboho wahe. Kristu-ki iny rihitxinymy rÿire. Iny òbitimy rÿirakemy rihitxinymy, ywimy nodumy wahe. Kiamy heka rokoirekre Kristuko-txi luuna-di. ⁵ Ihetxiu tamywimy Deuxu rihitxinymy ritare, inyboho wahe. Iriòereny wesemy rokoirekemy. ⁶ Kiamy heka Deuxu riwinyre àlàna, wohyna-wana tamy rikiwahinyrenkemy tii dori inyluurekÿ wahe. Kristu hãlubu òrarukile biu-ò henareny iny nade. Iny òrarurenny riòwynyde taruxetòena wihikÿ òraru-ki. ⁷⁻¹⁰ Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kiditynynkemy idi ratxireri. Tamywimy tahe inydeereny riteòsinyre. Iwese tii ròhòtynyre wese. Bededÿÿnana rexihukreu. Kristu-ki ibutumy aõna aõna biu-ki bede-ki rÿikremy ihÿre. Kiamy tahe Deuxu ròhòtynyre. ¹¹⁻¹² Kristu òraru-ki Deuxu juhoo iny mahãduy-ribi inyboho rihitxinymyreny. Tii diwahinyde inydeereny uriònojura jurana. Tii dori ixideewilemy ibutumy aõhebo rotÿÿnymihÿre Deuxu kia hitxidÿÿna mahãdu ixidile wowydyna mahãduò rÿirakemy rÿimihÿre. Inyboho juhoo rityhynyreny Kristu-ò. ¹³ Kaiboho kiaò toimahãte. Juhoo rybe inatyhy-ò taholatenyete, tetyhynymihÿtenyete tarasa Rybewihikÿ-ò wahe. Tai tahe Deuxu Tyytybytyhy-di ratidÿÿna wesemy iny dee ritidimihÿre. Deuxu Tyytybytyhy dori tii kidiwahinykemy rarybere, ihetxiu wahe. ¹⁴ Uriòno jura jurana Deuxu Tyytybytyhy rare inydeereny. Deuxu tahòrò mahãdu ritakreu, tuu reàlarenkyre tuu, inyboho dori kia mahãduò roire.

¹⁵ Tahe jiarÿ, Paulo, tule umy raholamahãre Jesuisi Kristu atyhydÿÿna-ò, tule aluuna ityhydÿÿdu-ò. Tai tahe Deuxu-ò àlàna-di araxitòedÿÿnyrenymahãre. Wanohòti aribireny rosaõhyymihÿre. ¹⁶⁻¹⁷ Deuxu tahe Jesuisi Kristu biu loosòna tyby rare. Tii araykyreny-ò bederyna kidiwahinykemy watxireri, awolyrana kidiwahinykemy watxireri. ¹⁸ Tai tahe araykrawoni ritÿnynkemy watxireri. Tai kaiboho bierybenykre Deuxu iryna. Tule ityhyna biu loosòna-di bierybenykre watxireri. ¹⁹ Deuxu taruruna sòwemy diwahinymihÿde ityhydÿÿdu mahãdu-ò. Iruruna tahe aõni rare inydeereny uriòno jura jurana. Kia tule bierybenykre watxireri. ²⁰⁻²¹ Kia irurumy inyboho tuu robirenyre, Kristu rubu-ribi rexiixixanyre, taruruna weribi ronykemy disÿnydeu, biukihikÿle wahe. Kristu tahe ibutu ruruna witxira witxira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijnani ratyre, tule kanakremy ihÿreni ratyre rare. ²² Deuxu tahe ibutu aõna aõna witxira witxira Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe. ²³ Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymihÿre.

2

¹ Juhoo kaiboho rubumy tãimahãte òraruna òraru-ki. ² Juhoo kaiboho be-deaõmydÿÿnana bede-ki toitemahã juhoo Satanasi deòdÿÿna tetyhynymy toitemahã. Tii bedeyhy ruruna dinodu rare. Ityhydÿÿdukòdu mahãdu wiji dori rityhynymy rÿira, itxiòdÿÿdu mahãdu wahe. ³ Ityhydÿÿdukòdu mahãduy-ki juhoo tule inyboho roiremahã

—ibutumy ixideerenywymy inyboho riwinyreny; inyraykyreny wydyna-deewimy tule inyboho riwinyreny. Ehehewidỹ̄du inyboho roiremyhỹ̄, tuu ratybienymy rarehy dori tuu rare. Iwese ijõ roiremyhỹ̄ wese. ⁴ Deuxu tahe sówetyhymy ruxetòena diwahinymyhỹ̄de, inyluurenyreki. ⁵⁻⁶ Deuxu inyboho rurudỹ̄nyre Kristu-wana rubu-ribi riixixanyreny. Kristusỹ̄-ki biu-ki tii inyboho risỹ̄nyre tai rokonyrenykemy. Iruxetòena òrarukile abiu-ò henareny dire. ⁷ Iruxetòena kiditeòsinykre bededỹ̄nana robehemy roireki wahe. Iwese sówehyymy iruxetòena diwahinyde wesemy. ⁸ Tarasana Deuxu ruxetòenaribile nade aityhydỹ̄nareny òraru-ki tuu rare. Iny-ribi aõkõ nade. Deuxu wahidỹ̄na rare. ⁹ Iny-ribi rarybekre inyõ ixityhydỹ̄my tahe aõkõre Deuxu ruxetòenakile tuu rare. ¹⁰ Tii tahe ibutumy iny riwinyreny. Òbiti aõmydỹ̄nana widỹ̄dukemy iny riwinyre Jesuisi Kristu òraru-ki. Deuxule juhoo rõhõtinyre òbiti widỹ̄dumy aõbo rokoirekemy.

¹¹ Tahe kaiboho uritere nohõti losaõmy kaiboho judeukõdu mahãdu toite juhoo mahã. Kiamy judeu mahãdu arãninimyhỹ̄reny, notykyresykõdu mahãdu wahe. Tii dori notyky resydu mahãdu roire, iyresynadireki wahe. ¹² Juhoo tahe aruta wesele toite Kristu-ki aõkõ. Judeu mahãdu-ribi rihitxiny nyimyhỹ̄de. Deuxu rybe ywisidỹ̄na ludu aõkõ toite. Araròsòna renyõhyre. Adeuxurenyõhyre bede bedemy. ¹³ Juhu irehemy Deuxu-ribi toite mahã. Tahe wiji Jesuisi Kristu hãlubu òraru-ki araòhòdỹ̄nyny toite. ¹⁴ Jesuisi Kristu tahe iny ywidỹ̄na rare. Kyarana tahe òtity wese itya-ki rỹ̄imyhỹ̄re judeu mahãdu aribi kia rihitxinyre. Tahe kia òtity ritxiwire tahe sohoji mahãdulemy riwinyre. ¹⁵ Tahe Kristu rurureu tahe ixãwire kia bede ywina. Tahe inatxi wimy òludu mahãdu sohoji iny tỹ̄myrahyyemy riwinyre. Tahe ywina rõhònyre wiwana ributunyra tahe Deuxu taluuna tamy riwahinyra. ¹⁶ Jesuisi taitxeò-ki rurureki, ywina rieryreny. Tahe kyarana-ribi riixãwididỹ̄nyre. ¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukõdu mahãdu wahe. ¹⁸ Tahe kaiboho jiarỹ̄boho-wana sohoji Deuxu Tyytybytyhy òrarukile Deuxu-ò rekexitòenyrenyke. ¹⁹ Kawese tahe kaiboho ityhydỹ̄du mahãdu-ò talote. Iny-ribi lahitxi aõkõ toite, Deuxusỹ̄ mahãduòle heka toite. ²⁰ Deuxu rybedu, tadeòdu-wana hetoõ wesemy kaiboho boibekre. Jesuisi Kristule iko ludu mana wese rare. ²¹ Jesuisi Kristu òraru-ki wiwesehyyle heto awimy rỹ̄ire. Tai Inynyrỹ̄ hetotyhy relemy rexihumyhỹ̄re. ²² Kaiboho tule matybienybenykre Deuxu Tyytybytyhy hetoõ wese wahe.

3

¹ Tai jiarỹ̄, Paulo, rotena-ki nodu wesemy rare Jesuisi Kristu òraru-ki. Judeukõdu mahãdu dee kiamy heka watxiwãhãre, adeereny wahe. ² Deuxu ruxetòena wadee riwahinyre. Kaiboho aõbo tuu taholatenyõmahãte. ³ Deuxu dori tawòtena diteòsinyde wadee. ⁴⁻⁵ Jiarỹ̄ kiamy juhoo reritinyriòrere katyyritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyõ riteòsinyõhyre. Wiji tahe riteòsinymy ihỹ̄re Deuxu Tyytybytyhyle tahe deòdu-ò, rybedu-ò ritỹ̄nynymy ihỹ̄re. ⁶⁻⁷ Kiamy heka rare: kaiboho, judeukõdu mahãdu, wii ributunyre inyboho-wana judeu mahãdu wahe. Uriõnowi jurawi juramy idi rokoirekre, sohoji mahãdulemy wahe. Kristu Rybewihikỹ̄ òraru-ki ityhydỹ̄du mahãdu-ò rirònyreny. Kia rybe-di rybedumy diwateònyde, ruxetòena wahidỹ̄naõ wadee nade Deuxu ruruna sówè-ribi. Ityhydỹ̄du mahãduy-ribi jiarỹ̄ aõ aõkõmy watxiwãhãre retyhynytyhymy aõkõ watxiwãhãre. ⁸ Ihãrele Rybewihikỹ̄ rybedumy ararekre Kristu aõmydỹ̄nana heka iny raykywydyna ratyre awimy ihỹ̄re. Kiamy judeukõdu mahãdu-ò arelyykemy riwahitxinyre. ⁹ Ibutu inyõ rybe wòtena aritỹ̄nynykemy watxiwãhãre juhoo Deuxu Jesuisi-wana ibutumy aõna aõna riwinyre kiau rybewòtena riwòmy roimyhỹ̄re Deuxu-ki. ¹⁰ Wijina tahe riteòsinykemy ihỹ̄re dohodỹ̄na-ki. Tai tahe ibutumy biu-ribi rurunadu, bederydỹ̄du rierykemy timykibo Deuxu bede erysyna-di raremyhỹ̄ ibutumy aõna aõna erysyna-di. ¹¹ Iwese Deuxu ibutumy aõhebo rotỹ̄nykemy ratximyhỹ̄re wese iny rierykre, Inynyrỹ̄ Jesuisi Kristu

òrarukile wahe. ¹² Tai tahe iny rexideòsinymyhÿre brebuòlemy Deuxu ixitòenadÿÿna-di Kristu dori inyboho rityhynymyhÿre. ¹³ Tai kaiboho ixiihodÿÿrenyòmy ahàke, jiarÿ aòhòkÿmy ratÿÿnyreki kia dori awowydyna rare, waaòhòkÿmy dÿÿnana wahe.

¹⁴ Tai tahe umyreny Deuxu-ò rexitòenyre Inynyrÿ Jesuisi Kristu tyhy-ò wahe. Ibutu sÿ mahàdu tyby Deuxu rare. ¹⁵ Ruruna adeereny kidiwahinykemy idi watzireri, tawowydyna sòwe-ribi wahe. ¹⁶ Deuxu Tyytybytyhy rurutyhy araykywo-ò kidiwahinykemy watzireri. ¹⁷ Tai Kristu aworeny-ki kanasÿnymyhÿkemy rahòtinymahàre atyhyna direki kaiboho heka wiluutyhymy boibekemy watzireri. ¹⁸ Tai ibutu ityhydÿÿdu mahàdu-wana Kristu luuna bierybenyke. Inyò Kristu luuna awire rieryòtyhy. Ihàrele tahe bierybenyke iwese rare wesemy. ¹⁹ Tai Deuxu-di bexilÿxinykemy idi watzireri.

²⁰ Deuxu iruruna dire. Tai iny ixitòena ratyre inydeereny kidiwahinykemy idi ihÿre. Iny irurudireki wahe. ²¹ Dohodÿÿdu mahàdu wowydyna riwahinykemy tamy watzireri, aòu aòu wahe. Bededÿÿnana konana-ò wahe. Kie.

4

¹ Inynyrÿ deòdu arixidu jiarÿ rare. Arexitòenykre inihe adeereny. Yrubuna-di aòhebo botÿÿnybenykeny adireny watzireri. Tai tahe Deuxudeewimy boibekre. ²⁻³ Tii dori juhuu adeereny irydu rare òbitimy boibekemy xiwedeòmy boibeke, ele eleòmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwiòhenanymyhÿde. ⁴ Sohoji mahàdule rare, sohoji Deuxu Tyytybytyhydile. Umy sohoji wese, ityytyby sohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe. ⁵ Inynyrÿ sohojile rare inytyhynareny sohojile rare. Tule iny ratisebena sohojile rare. ⁶ Deuxu tule sohojilere, ibutu tybimy rare ibutu ratyre rare. Ibutuy-ki tii rare. Tule ibutu rawo-ki ratzireri. Ibutumy aòhebo rotÿÿnykemy iny-di riwisÿnyrereri tawowina-di. ⁷ Kristu tahe iny sòwemy rareki sohoji ruxetòena sòwemy sohoji-ò riwahinyre. ⁸ Kiamy heka ritina-ki roire: —Iu Jesuisi raòwònyreu biu-ò ròtena ludu mahàdu ridyre idi wahidÿÿna inydeereny diwahinyde. ⁹ Betehebenyke rybeweereò-ò raòwònyremy. Aòmybohe kia rarybereri. Tahe juhuu dori surawo-txi robehere kiakekile tahe idi raòwònyke. ¹⁰ Kia robeherele taheka raòwònyre biuratyremy ibutu aòna aòna-di rexilÿxinykemy. ¹¹ Inyò-ò deòdÿÿna mahàdumy rarekemy diwahinyde aòwihikÿ widÿÿ wahidÿÿna wahe. Ijò-ò Deuxu rybedumy mahàdu rarekemy diwahinyde. Ijò-ò Rybewihikÿmy rybedu mahàdumy rarekemy diwahinyde. Ijò ityhydÿÿdu mahàdu yrubudÿÿdu mahàdumy rarekemy. Ijò bedeerydÿÿdumy mahàdu rarekemy. ¹² Ibutumy kia mahàdu ityhydÿÿdu riwiòhenanykemy idi ratzireri. Tai ityhydÿÿdu iaòmÿsÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde. ¹³ Ikonanau tahe ibutumy wiwese wesemy ròkòhòtinynyrenyke, iny tyhynareny wahe. Deuxu Riòre rikierityhyrenykeny, iny òbitimy rokoireke, Kristu òbiti wesemy rokoireke. ¹⁴ Tohouã wesemy aòkò rokoireke inytyhynareny-ki. Uritere witziradÿÿrenyòmy ibutu bedeeryna witzira witzira-di. Iwese yhy tiò tiò aò riwymyhÿre wese kia bedeerydÿÿdu rare. Iwitzira tyhydÿÿna-ò kia ityhydÿÿdu mahàdu ridykemy ratximyhÿre. Ijò inatyhy rybe weselemy rarybere. Tahe aòkòre. Kia-ò ijohonarenyòmy. ¹⁵ Tahe luuna-di inatyhymy marybebenyke. Kristu aòmÿdÿÿnana-di bexilÿxinybenykeny idi maumynybenyke. Tii dori iny wedureny rare. ¹⁶ Ityhydÿÿdu mahàdu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiòhenanymyhÿre iwese umy hona umy wese. Umyjura kia ibutumy iaòmÿsÿdÿÿ dire. Wiweselemy tahe raaòmÿsÿdÿÿnykeki tai tahe umy awimy rariamyhÿke. Ijò widerakeki tahe, Kristu umy raumynyòtyhy.

¹⁷ Katahe Inynyrÿnimy adeereny kiamy rarybemyhÿre. Ityhydÿÿdukòdu mahàdu wesemy aòkò boibenybeke. ¹⁸ Iraykyreny bedeluru-ki ihÿrenyreny. Ieheherenyreny, rieryòrenyreny. Tai tahe Deuxu biu-ò hena umytuedeòna rieryòrenyreny. ¹⁹ Ixàruna

ihoõhyyre. Urile ibutumy òraruna-txi rexiwahinyrenyire. ²⁰ Kia Jesusimy aõkõ teerytenyete inyribireny wahe. ²¹⁻²² Jesuisi inatyhyna teerytenyete, ibutumy aõbina bina ixi-ribi bihitxinyke. ²³ Ibutumy awo arayky-wana bexitỹmyranyke. ²⁴ Deuxu umy tỹmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruirenyõmy wahe. Inatyhymy iny witxira-ò marybemahãbeny. Wiwese hyylemy widi rakatximyhỹrenyke. ²⁶ Makyarananyamahã-wana tahe urile òraru-txi ixeeõmy. Ixi-di txu iròtedỹỹõmy awobinana-di ²⁷ Tule Satanasi deradỹỹna-ò nokõmy. ²⁸ Inyõ juhUU wasidureki, ixityre tii wasiõmy. Tii wiji raaõmysỹdỹỹkre aõna aõna wiwihikỹ tebò-di riwinykemy wahe. Tai tahe iaõdikre iny aõkõmy rỹira riwiðhenanyke. ²⁹ Kai uritere rybebinaõ ary-ribi iðlòdỹỹõmy Rybewiwihikỹlemy marybemahã. Kia rybe-di ijohodu riwiðhenanymyhỹrele kynyhetuukre. ³⁰ Bibedeõtiidỹỹõmy Deuxu Tyytybytyhy. Tii dori arayrubunymyhỹre tarasanatxu-ò. ³¹ Òbina rybemy widi nokõmy, wimy ujõmoõmy, adebure ijà ijàõmy, aõbinamy inymy ijyyõmy, rybebina-di iny ihetedỹỹõmy. ³² Tahe ibutu dee ywimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtilosanymy biixãwididỹỹnymy Deuxu dori inyòraru riixãwididỹỹnyreki wahe.

5

¹ Deuxu inytybytyhyreny rare. Tai tahe iwese uladu tyby wesemy rotỹỹnymyhỹre wese, kaiboho Deuxu wesemy matximahãbenyke Deuxu riòre luunadu wesemy matximahãbenyke. Wiluurenyke, Kristu dori aluurenyre. ² Tule rexiwahinyre xiwe wesemy iny ritarenykemy. Tai tahe Deuxu dee kia lỹnyrena wiwihikỹ wese rare.

³ Tahe òta òtarenyõmy. Ibutumy aõna aõna bina bina widỹỹrenyõmy. Kaiboho dori ityhydỹỹdu mahãdu toite. ⁴ Rybebinamy uriteretere rybeõmy. Ixideòsidỹỹõmy. Kia widỹỹna tahe ibinare. Tahe aõwihikỹõ biwinyke, Deuxu dealànamy. ⁵ Òta òtadu tahe Deuxu òlòna wahidỹỹna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia. ⁶ Itxenadỹỹ rybe-ò ijohonarenyõmy. Ityhydỹỹdukõdu mahãdu Deuxu rybe riywinyõmyhỹre. Tai tahe Deuxu reburemyhỹre tamyreny. ⁷ Tiiboho-wana ratxiõhyymyhỹrenyire iaõmydỹỹnana binareki. ⁸ Hỹỹnau kaiboho bedeluru-ki toitemahã. Tahe wiji Inynyrỹ loosõna-ki toite. Loosõnadỹỹdu riòre weselemy boibeke. ⁹ Aõbo loosõna-ribi nade tahe awire, òbitire, inatyhyre. ¹⁰ Tai aõbo Inynyrỹdeewi kia riteòsinyre. ¹¹⁻¹² Iwese bedelurubina widỹỹdu aõhebo rotỹỹnyre wese uritere iwidỹỹrenyõmy tahe teòsaremy tamy marybebenyke. Aõbo tiiboho wasimy aõhebo rotỹỹnymyhỹre ixỹruna adee rare tuu maryhemahãkeki. ¹³ Ibutumy aõna aõna loosõna ritỹnnyre. Tai tahe iny aõmydỹỹnana loosõna ritỹnnykeki, iny rierykre itỹnydỹỹna dori loosõna rare. ¹⁴ Tyyritiõ kia wesemy rỹire: —Inyõ rõrõmy rỹikeki, rexixake rubuy-ribi rỹike. Kristu tahe araloosõnanykre.

¹⁵ Aõhebo botỹỹnybenykeò bexiijebenyke. Itxỹte widỹỹdu mahãdu wesemy aõkõ ahabenyke, bedeerydu mahãdu wesemy ahãbenyke. ¹⁶ Iõnodỹỹõmy abededỹỹnana. Wiji txu bededỹỹnana tahe ibinatyhymy rare. ¹⁷ Tai tahe itxỹteõmy ahãke. Bierybenyke aõbo Deuxu dee wire. ¹⁸ Vĩ mona-di axaxa rubudỹỹna wesemy aõkõ matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralõmy boibeke. ¹⁹ Mawinymy bexirybenyke awo-ki. Bexirybenybenyke Inynyrỹ-ò awi-ribi bitxienymy mawiunyke. Rybewiumy marybeke. ²⁰ Deuxu inytybyreny-ò ibutumy bealãmahãbenyke Jesuisi Kristu Inynyrỹni òraru-ki tahe bexitõenyke. ²¹ Kaiboho ibutumy widee bexiywinyhyymy ahãbenyke.

²²⁻²⁴ Iwese dohodỹỹna mahãdu Kristu rybe rityhynymyhỹre wese, hãwyy tahãbu rybe riywinyke, ibutu aõmydỹỹnana-ki wahe. Hãbu dori tahãwyy dinodu wese rare. ²⁵ Ibutumy hãbu tahãwyy luukemy. Kristu dori dohodỹỹna mahãdu luureki ture. Tamy tii rexiwahinyre rurukemy. ²⁶ Tai tahe kia òbitidỹỹnany rurure. Iwese bee aõ rasuhõmyhỹre wese, tarybe risuhõmyhỹre. ²⁷ Iòraru-ki tahe Jesuisi dohodỹỹna mahãdu wiwihikỹõ ixidee rimyke. Òbiti mahãdulemy rarekre, aõbina binaõ heka tai

rÿiõhyymyhÿre. Awi mahãdu widÿÿdumy rarekre. ²⁸ Kiamy heka hãbu tahãwyy-di rÿirake. Iwese hãbu taumy luure wese tahãwyy luumy rÿirake. Iny tahãwyy luukeki, kia-di ixiluuke. ²⁹ Iny taumyderamy rÿiõhyymyhÿre. Tahe aõkõre tule rexiõwenymyhÿre rexiweseananyhÿre. Iwese Kristu dohodÿÿna mahãdu riwisi-nanyhÿre wese. ³⁰ Inyboho dori Kristu mahãduõ roire. ³¹ Kiamy heka Ritina roire: —Tai heka hãbuõ tybyboho heto ririmyhÿre tahãwyy-wana wii ributunymy roirekemy. Inatxi umy ribi sohoji umyhyymy rõhõnanyhÿre. ³² Kia aõmydÿÿnana heka ierysysirare. Tahe Kristu tohodÿÿna mahãdu-wana rarybereri. ³³ Ihãrele tahe hãbu tahãwyy luumy rÿira iwese ixiluumy rÿira wese. Tule hãwyy tahãbu rityhynke.

6

¹ Uladu mahãdu tybyboho rybe rityhynymyhÿre Inynyrÿ òraru-ki. Kia tahe òbiti rare. ² Boo adi-wana bityhynybenyke. Kia tahe bedè ywina rybe juhuu rare. Tule Deuxu raròsòna kia bedè ywina rybe-wana rare. ³ Kia biywinybenykeki, awimy mabeke, abededÿÿnana irehemy mabeke kabede-ki. ⁴ Uladu tyby, uladuse, ariòrereny adebure-hyymy idi iwisÿdÿÿrenyõmy. Tahe aõki reòsakeki tii riòbitinykemy tamy marybebenyke. Inynyrÿ deòsidÿÿna-di tamy marybebenyke.

⁵ Deòdu mahãdu kabede-ki awedureny bityhynybenyke. Awo-ribi tyhy tamywimy biwinybenyke. Bexijemy ywimy biwiny. Iwese Kristu dee tewinymahãte wesemy. ⁶ Aõ tabiteriki aõkõ biwinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷ Deysana-di ibutumy òbitimy bisÿdÿÿnyke. ⁸ Ibutumy deòdu ada deòdukõdu Inynyrÿ-ribi aõna aõna rimyke. Tamy aõwihikÿ riwinykeki. ⁹ Tahe wedu mahãdu, kaiboho eòdu mahãdu-ò kia weselemy mabeke. Brebudÿÿ rybe-di eòdureny-ò rybeõmy. Awedu dori eòdureny wedu tule biu-ki ratximyhÿre. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyrÿ ruruna-di bexirurudÿÿnyke. Iruru tahe aõni rare. Tahe ixidee bimyeke. ¹¹ Bexityynyke aõbinanaty-di, debòna aõmydÿÿnana bimyeke. Tai tahe Diabo rybemy nodu biòludunyke. ¹² Iny ijusunareny dori moo iny-wana aõkõ rare. Iwitxira Satanasi ruruna-di rare. Dinodu ruru-di rare, kabede luruhukÿ wedu-di wahe. Tyytybybina ruru-di rare, biukihikÿle. ¹³ Tai tahe ibutumy Deuxu debòna aõna aõna bimyeke. Idi txubina-ki biòlòdÿÿnyke. Aijesu bitakeu tahe, òraru rÿike. ¹⁴ Inatyhyna-di awareysana birarutxynyke. Òbitina-di abreti bitòbònyke. ¹⁵ Bexiwinyke ywina Rybewihikÿ rybena-ò. Tii heka adikre. ¹⁶ Ityhyna tahe awyhyt xenamy ihÿre, idi eorutà bitÿtenyke. Idi tahe Satanasi heòty wyhy biturinyke. ¹⁷ Tarasana tahe arataana wese rare. Deuxu Tyytybytyhy mayrehe heka Deuxu rybe rare. ¹⁸ Deuxu Tyytybytyhy-ki ibutumy ixitòdèdÿÿhyymy atximahãbenyke. Kia-di tahe biriranymy, boibeke. Ityhydÿÿdu mahãdu ibutumy bexitòdenyhyymy boibeke. ¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukõlemy Rybewihikÿ aritÿnykemy, ierysy siramy wahe. ²⁰ Jiarÿ Rybewihikÿ deòsidÿÿdu rare wawomati rerotidire hãrele wahe. Kristumy arelykemy watzireri. Tii heka wawidÿÿnare.

²¹⁻²² Txitxiò tahe ityhydÿÿdu seriòreõ rare, walunaduõ rare. Inynyrÿ rybe-di òbiti aõmysÿdÿÿdu rare. Tai tahe tii adeereny reteònyre waaõmydÿÿnana adee ritÿnykemy. Awo riteysadÿÿnykemy.

²³ Ywina ibutumy ityhydÿÿdu mahãdu seriòreõ kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrÿ-ribi wahe. ²⁴ Ruxetòena kanakemy watzireri Jesuisi inatyhymy luunadu mahãdu-ò wahe. Tii Kristu rare, Inynyrÿreny wahe.

Filiposi

Paulo Tyyriti, Filiposi Hãwã-ò

¹ Paulo, Tximòtxi-wana Jesuisi Kristu deòdureny roire. Ka tyyriti tahe rewahinyrenyleri Filiposi hãwã-ki ityhydÿÿdu mahãdu-ò. Ityhydÿÿdu yrubudÿÿdu mahãdu-ò tule rewahinyrenyra dohodÿÿna wiòhedÿÿna mahãdu-wana. ² Ruxetòena, ywina-wana Deuxu-ribi adeereny kanakemy watzireri tule Jesuisi Kristu Inynyrÿreny-ribi.

³ Rexitòenyreu, tiu aribireny wanohòti rosaòhyymyhyre. Deuxumy reàlàwãhãre umyreny. ⁴⁻⁵ Wadeysamy watxiwãhãre Rybe tymyra wihikÿ tewiòhenanymahãtenyteki, juhuu, wiji tule ahãtenyete. ⁶ Deuxu iaòmÿsÿdÿÿna wihikÿ inyworeny-ki rexideleny. Tahe Jesuisi Kristu bededÿÿnana txuu heka rexihumy kia rÿikre. Kia tahe reerytyhyre. ⁷ Kaiboho wawana Deuxu ruxetòena luuna-wana widee inyboho riubÿtÿnyre. Ròtena-ki rarewãhãu, tule ròtenaribiòlòmÿ rarewãhã. Tule Rybewihikÿ retÿnynymy rarewãhã kiamy heka rahòtinymahãre, wawo-ki adireny rahòtinyhyymahãre. ⁸ Sòwemy arawehityynanyreri. Deuxule kia rierymyhyre. Jesuisi Kristu ruxetòena uludumy iny widi roire. ⁹ Kia ixitòedÿÿna tule Deuxu-ò rewahinyre umyreny. Aluunareny sòwemy rÿikemy rexitòenyre. Tule araykywydynareny riixidorudÿÿnymyhyke. ¹⁰ Tibo awityhymy rÿira kaiboho biijebynykemy rexitòenymahãre. Tule inatyhywidÿÿdumy rarekremy tamy rexitòenymahãre òbitihyylemy rarekemy Jesuisi Kristu bededÿÿnanatxu-ò. ¹¹ Òbitidÿÿna bederaty wesele rare. Kaiboho oworu taraty-di rÿimiyhyre wese tÿxihikÿlemy òbitidÿÿna-di matxibenykemy rexitòenymahãre.

¹² Jiarÿ ròtena-ki rãireu, kia tahe Rybewihikÿmy rybe riwiòhenanyra. ¹³ Kowa dori ibutumy yrubudÿÿdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere. ¹⁴ Jesuisi Kristu òraru-ki tahe ròtena-ki rãimy rarewãhã. Ibutumy iny tahe kia rieryre, òraru-ki. Waròtena òraru-ki tahe ityhydÿÿdu mahãdu Inynyrÿ aòmÿdÿÿnadile ròhòtinyre, tule Deuxu rybe rarybemyhyre ruberuòhyylemy ixitòedÿÿna-di. ¹⁵ Ijò heka ixityhydÿÿmy Rybewihikÿmy rarybemyhyre. Ijò tahe inatyhymy Rybewihikÿmy rarybemyhyre. ¹⁶⁻¹⁷ Rierymyhyre waròtena Rybewihikÿ òraru-ki rare. Ixityhydÿÿna mahãdu tahe inatyhy òbiti aòkò rare. Aòhòkÿmy adotÿÿnykemy wadi ihÿre Rybewihikÿ-di. ¹⁸ Aòhebohe arotÿÿnykre? Arabedewomy aòbo ada areysakre aòbo. Areysahyymy ararekre. Kristu rybe dori rarybemy rarehyymy iny inatyhynadiremy ada aòkòremy. ¹⁹ Jiarÿ areysatyhykre ròtenawo-ribi dori aròhònykre. Aixitòedÿÿna, Jesuisi Kristu Tyytybytyhy riwawiòhenanykreki. Kia tahe reeryre. ²⁰ Deuxu aòmÿdÿÿnana ariwiòhenanykemy watzireri waumy-di. Jiarÿ arurukeki ada aòkòkeki aòbo. Jiarÿ araxÿruòtyhykemy watzireri aòhebo arotÿÿnykreki. ²¹ Kristu dee warumy ararekre. Tahe arurukeki kia tule wadee awire. ²² Tahe ararekeki Kristu dee araaòmÿsÿdÿÿmy arareke iny-ò Rybewihikÿmy ararybekre. Tibo awityhyre reerykòre. ²³ Tahe ixityre aròhòtiwydynanykeki kiamy heka rahòtinyreri. Arakre Kristuòhyyle heka Kristu-ò arakele awire. Tii heka awityhyre. ²⁴⁻²⁵ Atòdenarenykile tahe warumy ararekre. Tai tahe kabede-ki ararikre aityhydÿÿna-di beysakemy maumynykemy. Tai tahe kaki ararekre. ²⁶ Iu ayreny-ki aralokreu, Deuxumy bealàbenykemy watzireri, ayreny-ki ixityre watzireriki wahe.

²⁷ Biyrybenykemy adireny watzireri iwese Kristu tyhydÿÿdu mahãdu rÿira wesekeky adireny watzireri. Ayreny-ò arakeki aòbo ada araòkeki aòbo ijyy wihikÿ-ò adoholamyhÿkemy watzireri. Kaiboho wiwana wanale inatyhyna rybe-di tarybemahãtenyete. ²⁸ Uritere brebuòmÿ aòludu lau Rybewihikÿ òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹ Aò Kristu tetyhinytemy sohojile aòkò tahe tamy aòhòkÿmy tatÿÿnytenyete tule.

³⁰ Inyboho dori ibutumy wiwana aõhòkỹmy rotỹỹnykre. Jiarỹ sówemy aõhòkỹmy adotỹỹnymahãde. Kia-ò tahe taholatenynte wamy.

2

¹⁻³ Kaa aõbohe rỹire wiðhedỹyna luuna-wana Kristu-ki, biòwana aõbo Deuxu Tyytybytyhy-ki. Kohe, kia ibutumy Jesuisi Kristu kilehekỹ rỹire. Ibutumy tahe wilumy boibeke, wiwesehyyle mohõtinybenyke, wii bitòrabutenybenyke. Tai tahe areysakre aòrarureny-ki. ⁴ Iximy xiwederenyõmy. Tahe wiribi lahiximy boibeke, aõkõmy ixi-di marãykynybenyke. Iny sohoji sohoji aõna aõnadirenyremy ixi-di nohõtirenyõmy. Tahe hitxihiximy bõwidỹỹke iny sohoji sohoji iny witxira aõmydỹynana yrubudỹỹmy marãkywydynanyke. ⁵ Iwese Jesuisi Kristu inywitxira aõmydỹynana-di rõhõtinyinmyhỹre wesele, kaiboho mohõtinybenyke. ⁶ Jesuisi Kristu juhuhyy raremyhỹ, Deuxule rarehãre. Deuxururu tahe rimyõhyre. ⁷ Tahe iribi ritare kaò idi kodobehekemy deòdu weselemy. Tahe inyumyõ rimyre kaki inylemy rarekemy. ⁸ Tamy tahe ibinatyhymy nade itxè-ki rurukemy wahe. Ibutu aõbo kaki riwinyke heka, riwinyre. Tai tahe ibutu ratyre Deuxu Jesuisi risỹnyre. Ibutuni ratyre ini rare. ⁹⁻¹¹ Kiani-ò tahe ibutumy tatiowomy resekemy rỹire, biu mahãdu, bedeludu mahãdu, suwomy rỹira mahãdu. Tahe ibutu rybe witxira witxiramy iny rarybemyhỹre: —Jesuisi Kristu ibutu wedu rare. Deuxu inytybymy ibutumy reàlãmỹhỹre. Kiamy waseriðre waluuduboho. Awana wataxireriki tule iwitxira bede-ki aratxikre hãrele. Deuxukihyyle atximahãbenyke. Warybe bityhynyke.

¹² Aityhydỹyna-di òraru-ribi bexitabenyke, bexiebenyke òraru-txi ixelau. ¹³ Deuxu heka adeewina riwahinymỹhỹre òbiti widỹyna. Tiile riwiðhenanymỹhỹre òbitina widỹyna. ¹⁴ Uritere rybe binamy rybeõmy. Adeburemy iny iijeõmy. ¹⁵⁻¹⁶ Tai tahe inyõ rybe binamy umy rarybeõtyhy. Òbitityhymy boibeke kaiboho dori Deuxu riðremy toite. Kristu kodobehekereu, aòrarureny-ki areysakre. Retare dori aõmydỹynana wihikỹõ ayreny-ki. ¹⁷ Arurukewana ayreny-ki rybe wihikỹmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe. ¹⁸ Kaiboho tahe wadi beysahyymy boibekre ixideewimy tahe adeereny arurukremy wãhãre.

¹⁹ Aõwesele Tximòtxi ayreny-ò ariteònykemy idi watxiwãhãre. Jesuisi Inynyrỹ dee wikeki. Tai tahe arierykre timybo kaiboho toite wahe. Tai heka areysakre. ²⁰ Tximòtxi tahe arawiðhenanyrenykre iny witxira witxira ratyre wahe. ²¹ Ijõ dori ixidile rõhõtinyinmyhỹre Jesuisi Kristu aõmydỹynana-di aõkõ. ²² Tximòtxi tahe teerytenynte iwese riwawiðhenanyre wese Rybewihikỹmy rybe-ki. Iwese tyby iriðre riwiðhenanymỹhỹre wese Tximòtxi riwawiðhenanyre. ²³ Aõbo wadee ròhònyke arierykreu, tai wylemy ayreny-ò aditeònykemy idi wataxireri. ²⁴ Jiarỹ òsana tule wylemy Deuxu riwateònykemy wadi ratxireri ayreny-ò. ²⁵⁻²⁶ Ijõ hàbuõ iteòdỹỹmy raruwãhãre ayreny-ò, Epafroditu wahe. Tii wawana noduõ rare. Kaiboho juhoo wadee teteònytenynte wawiðhedỹỹdumy rarekemy. Tii heka awehityrenymy rurumỹhỹre. Tai tahe reòkesedỹỹnyreri kaiboho iwebinaduna-ò taholatenynte. Tai heka òkesemy riwisỹnyre. ²⁷ Inatyhy rare rurure inihe. Tahe Deuxu riruxetònyreki riteytenynte. Jiarỹ tule Deuxu wadi raruxetòere. Tai rabadewoõhyre aõwitxira witxiramy ratỹỹnymahãreki. ²⁸ Tahe aõwesele ariteònykemy wataxireri. Kaiboho beysabenykre kia araerymahãrenynte. Jiarỹ tahe urihimy-ò arexielehynykre wanohòti yrena-ribi. ²⁹ Tii kedehemynykreu, tahe bididybedenykre biwowydynybenykre. Rexiðhãrunymy rare Kristu òraru-ki riwawiðhenanykremy. ³⁰ Tahe tii inihe heka rurure iòraru-ki. Arokoreny-ki tii riwawiðhenanyre.

3

¹ Ikonanamy tahe ararybekre: —Beysabenyke, Inynyrỹ deysanamy. Jiarỹ heka riwaixiranyõhyymỹhỹre heka tuu rybe. Awire tahe boholabenykeki. ² Bexiijebenyke

iny ijòròsa wesena-lau tii iix̄ruterere aōbinawid̄ȳdu mahādu tahe tii rare. Bexi-ijebenyke notykyresydu mahādu lau. ³ Inyboho dori notyky resydu mahādu òbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aōwiihik̄ywid̄ȳ-ò rikityhynyrenyōke. ⁴ Jiar̄y, Paulo ariòludunyleke aōbo ixi-wana ariwinyke. Jiar̄y ijō hābu ratyre waaōmyd̄ȳnana diremy arexityhynyke. Jiar̄y dori judeu mahādu ijoi tyhy-ki tybie rare notyy resyna ijoi tyhy rare. Debò inataō reurotxu-di reareu. ⁵ Bejami mahāduō jiar̄y rare. Judeu mahādu tyhy wāhāboho roire. Iriòremy jiar̄y rare. Fariseuō jiar̄y rare. ⁶ Tai tahe bede ywina rybe retyhynyre. Jiar̄y heka iijaramy raeleemy reamahāre ityhyd̄ȳdu mahādu aōhōk̄ȳmy aris̄ȳnykre-ò. ⁷ Wabede ywinareny òbitimy rare sana raholamahāre, ibutumy retyhynymy rarewāhā. Ibutumy wahe aōmyd̄ȳnana reatyra Kristu luuna òraru-ki. ⁸ Inatyhymy Kristu wabiu-ò hedu reeryreu, ibutu aōmyd̄ȳnana-ribi wanohōti rosare. Ibutumy retxiwire iòraru-ki, kia ibutumy aō aōk̄ō rare, Kristu wabiu-ò hedule arimykre wabiu-ò hedukremy rare. ⁹ Waòbitina tahe aō wawid̄ȳna aōk̄ō rare. Jesuisi retyhynyre urenana tahe tii riwaòbitinyre. ¹⁰ Kristu arierykemy idi watxiwāhāre. Rubu-ribi ixixana arierykremy, aōhōk̄ȳmy arot̄ȳnykre iòrarukile, iwese tii rurure wesemy wahe jiar̄y heka arexiwinykremy watxireri. ¹¹ Tai rubu-ribi ixixana mahādu-wana arexixakre. ¹² Jiar̄y òbitityhy aōk̄ō rare ada ibutumy òbitina wadee riwahinyōre. Jesuisi riwamyre aōmys̄d̄ȳnaō ariwinykemy. Tai tahe wako-ò rawāhāre araòbitinykemy watxireri. Tamy tahe araaōmys̄d̄ȳnykemy watxiwāhāre. ¹³ Òbitityhy aōk̄ō jiar̄y rare. Kia sohojile tahe ariwinykre. ¹⁴ Tahe arehemynykremy watxireri titxibo Kristu diwateònyde. Kowa bede wihik̄ȳkile uriōno aritakre. ¹⁵ Tahe ityhyd̄ȳdu iumy kia-di mohōtinybenyke. Inyō aō rieryōkeki Deuxu tamy kia rit̄ȳnykre. ¹⁶ Uritere biijebenyke inatyhyna bityhynybenyke wiwese weselemy rōkōhōtinyrenyke.

¹⁷ Ityhyd̄ȳdu seriòre, iwese rewinyumy rarewāhā wese biwinyumy boibeke. Tule ijō-ò betehibenyke wawese dori riwinymyh̄re. ¹⁸ Sōwemy dori iny òbiti aōk̄ō r̄yira, Kristu òludumy wahe, itxèd aōmyd̄ȳnana òludu wahe. ¹⁹ Kia iny tahe Deuxu rahukre. R̄ys̄ynale ta ideuxure. Tiiboho tahe aōbina binaòle awirenyre. Bede aōmyd̄ȳnanadile rōhōtinyre. ²⁰ Iny bedereny tahe biu-ki roimyh̄re. Kowa-ribi reraòrenyreri iny tarasadu dehemynyna-ki. Inynyr̄ Jesuisi Kristu wahe. ²¹ Tii inyumyreny riwitxiranykre. Tii taumywesele iny ritxienykre, taumy wihik̄ȳtyhy wesemy. Tii ruru dire. Tahe ibutu aōna aōna wedumy ronykre irurudireki.

4

¹ Waluunadu, waseriòreboho, kaiboho wadeysana warataana wesemy toite. Ywi-hyylemy boibekre, waluunaduboho.

² Warybe rewahinyre inatxi hāwyy-ò Eòdia, Sintxiki-wana. Kialemy wahe Inynyr̄ tyhyd̄ȳna-di wiwesehyylemy maraykynyke. ³ Adee tule wawiòhed̄ȳdu tyhy waryhe rewahinyre. Kai biwiòhenanykre hāwyy Rybewihik̄ȳ wiòhed̄ȳdu mahādu wahe. Tule Lemetxi riwawiòhenanyre ijō-wana wahe. Ibutumy inireny heka Tyyritina rubuonakōdu-ki r̄yire.

⁴ Inynyr̄-wana beysahybenyke. Tahe ixityremy ararybekre. Beysabenyke. ⁵ Ywina-di bis̄ȳnyke ibutu iny-ò. Inynyr̄ dehemynyna dori iòhòmy ih̄ȳre. ⁶ Ibutumy aōmyd̄ȳnana heka biyryd̄ȳnybenyke. Ibutumy bexitòenyke Deuxu-ò, àlana-wana bexitòenyke. ⁷ Deuxu ywina awo-ò bitidikre arayky ibutumy riyrubunykre. Deuxu ywina dori inyraykyreny rieryōtyhy timyrekibo awityhyre.

⁸ Ikonanau tahe ibutumy aōmybo ararybekre maraykynybenyke ibutu inatyhyna, ibutu aōeryhyk̄ȳ, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlana-wana r̄yikeki, tahe kia-di ibutumy maraykynybenyke. ⁹ Araerynanyreny, kaiboho teerytenyte, raryberè tahe taholatenyta. Timybo watxireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰ Jiarỹ heka reysare Wanyrỹ dee. Kaiboho heka ixityre watxi òhõtireny reare. Tiu waribi òhõtireny rosaòhyre urile kaiboho wawiòhedỹmy tarutenyte tahe isirare. ¹¹ Kaa tuu rarybereri heka aomy raruòhyreri. ¹² Jiarỹ dori reeryre aõbo wamy rỹira idi reysamy watxiwãhãre. Ibutumy waki rỹimyhỹre-wana tule awilemy rahõtinyinmahãre. ¹³ Reeryre dori awimyno tule ramamy rubu reeryre. Xiwersyna wese reeryre tule aõhòkỹmydỹỹ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. ¹⁴ Tule umy arealækemy watxireri tiwawiòhenanyteki. ¹⁵ Filiposi hãwã dohodỹyna mahãdu, kaiboho sohojile nieruò wadee tewahinytenyte, juhuru Macedonia hãwã-ribi rareu wahe. ¹⁶ Tesalonia hãwã-ò wadee nieru tewahinytenyte, inatxi nonanamy taditeònytenyte. Tahe riwamyre wadee rasiranymy idi rewyré. ¹⁷ Aõ rexitòenyneri aõkò nierumy. Sohojile aõmydỹynanamy aribi aritakemy watxireri. Deuxu aõmydỹynanale aritakemy rarumahãre. Umyreny Deuxu wehityhynamy arobikemy. ¹⁸ Remyre awahidỹyna. Epafroditu aribi riwawahinyre. Tai tahe sòwemy waki rỹireri. Iwese lỹnyrena sòwemy watxi reamyhyre wese awahidỹyna wadee rare. Iwese Deuxu-ò xiwenaò awire wese wadee ihỹre. ¹⁹ Aõhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aõbo adeereny rasiranyneri. ²⁰ Deuxu kidiwahinykemy adeereny watxireri. Kia tahe inyDeuxureny-ò loosòna kidiwahinykemy watxireri tiemy heka rarehykre. Kie.

²¹ Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydỹydu mahãdu tarybe wehityyna adeereny diwahinyde. ²² Ibutumy ityhydỹydu arãrybeweityhynanyre. Iòlò heto ityhydỹydu mahãdu yribihyyle adeereny diwahinyde.

²³ Inyryrỹ Jesuisi Kristu ruxetòena adeereny kanakemy watxireri.

Òlòsò Paulo Tyyriti, Òlòsò Hāwā-ò

¹ Paulo, Jesuisi Kristu deòdu Deuxudeewim� rare kia tyyriti rewahinyre. Tule Tximòtxi inyseriòre rybe weityhyina riwahinyre, ibutumy ityhydỹ̃du seriòre-ò Òlòsò hāwā-ki. ² Wiòhedỹ̃na, ywina, Deuxu inytyby-ribi adeereny kanakemy watzireri.

³ Jesuisi Kristu-ò àlàna rewahinyhyymahāre, tule Deuxu Inynyrỹ tyby-ò. Adeereny dori rexitòdenyhyymahāre. ⁴ Kaiboho Jesuisi Kristu tetyhynymahātenyete. Tule kowa ityhydỹ̃du mahādu wiluurenyre. ⁵ Rybewihikỹ inatyhyõ juhūu taholatenyete. Idi tahe araròsòna tetatenyete. Tai tahe biu-ribi kia ibutumy kanakre. ⁶ Iwese Rybewihikỹ bede bedelemy rariamyhỹre wese adeereny tule dehemynyde. Rybewihikỹ aõwihikỹ adireny riwahinyre. Iwese òwòru taraty riwahinyhyỹre wese, kaiboho inywitxira-ò aõwihikỹbo tewahinytenyete. ⁷ Epafa jiarỹ wiwana Deuxu deòdurenyete. Kia iribi tadoholamahāte. Tii Kristu rybemy rybedu òbiti rare. ⁸ Tule wadee relyyre Deuxu Tyytybytyhyòraru-ki wiluuna-di ahātenyete.

⁹ Kia inyboho roholarenyre, adeereny rexitòdenyhyyy watziwāhārenyete. Rex-itòdenymyhỹ Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bederydỹ̃na-di. ¹⁰ Deuxudeewihyymy kaiboho atximahātenyete maratynyke wesemy aõwihikỹmybo. Biubỹ̃tỹ̃nymy boibeke Deuxumy bierybenythykre. ¹¹ Ibutumy ruruna-di boibeke Deuxu ruruna wityhy-di texihymy tadonymahāte ibutumy aõhòkỹmy bodotỹ̃nykre deysana-di. ¹² Deuxu inytybyreny-ò àlàna biwahinybenyke. Tii iny riywidỹ̃nyrenyete inyjura juramy ritakemy. Kia jura jura ityhydỹ̃du mahādu hõrõ rare Deuxu loosònawo-ki ratximyhyỹrenyete. ¹³ Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴ Kristu heka iny ritare. Tii iny òrarunareny riòwinyre. Ibutumy òraruna riixāwidinare. ¹⁵ Jesuisi heka Deuxu lobixidỹ̃na rare. Deuxu tahe alobixina aõkõ rare. Ibutumy widỹ̃na-ribi tii juhūu rāire. ¹⁶ Tii tahe ibutumy bededỹ̃nana widỹ̃dure. Ibutumy biu-ki bede-ki lobixina lobixiõna-wana riwinyre. Iòlòna wedu tyhydỹ̃na ruruna. Dinodu widỹ̃na. Ibutumy tii riwinyre ixidee. ¹⁷ Tii ibutu aõna aõna-ribi juhūu rỹire. Ibutumy aõna aõna taruru rimireri tai. ¹⁸ Iwese umyriti umy wedu rare kia wese Jesuisi ityhydỹ̃du mahādu riti rare. Tii juhuna rare. Iwedu rare. Tii rubu-ribi ixixana juhūu ludu rare ibuturatyre dori Deuxu risỹnyre juhuuludumy ratxikemy. ¹⁹ Jesuisi-ki ibutu wiwihikỹ rarekemy. Kia tahe Deuxu dee wire. ²⁰ Deuxu ywina diwahinyde Jesuisi hālubu-di itxeò-ki. Jesuisi hālubu xiery ibutumy Deuxu riwaaxidỹ̃nyre biu-ki bede-ki. ²¹ Kaiboho Deuxu ery aõkõ juhūu toite. Iòludu toite, arayky-ki aõbinahakỹ widỹ̃ tadexinohòtinytenyete. ²² Jesuisi umy-di Deuxu araintyhydỹ̃nyre Jesuisi rurureki. Tai Deuxu tako-ò akanatamadỹ̃nykre taòbitidỹ̃nyteki aòraru lyrana-di, aòraru tuedena-di inyõ umy ibinamy rarybeòtyhy. ²³ Urile tyhydỹ̃na-ki boibebenyhyyke araròsòna-ribi ixihitxidỹ̃õmy. Araròsòna dori Rybewihikỹ-ribi nodu rare. Tii-ò tahe taholatenyete. Ibutumy iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

²⁴ Wijile reysamy watzireri adee aõhòkỹmy ratỹ̃nyreriki, aõ aõhòkỹmy dỹ̃nanabo Kristu-ò rauhenyete. Tai jiarỹ aõhòkỹmy arotỹ̃nykre waumy-ki hyymy. Kristu-ò rỹira mahādu dee kiamy ratỹ̃nyre, dòhòdỹ̃na mahādu dee. ²⁵ Iribi jiarỹ Rybe wihikỹmy rybedu ròhònyre. Kiamy Deuxu dee wimy diwateònyde tarybemy rybedumy. ²⁶ Tii ihetxiu rybe inatyhy ibutu lau rexiwore. Wiji tahe rexitỹ̃nyre ityhydỹ̃du mahādu dee. ²⁷ Kia-ò Deuxu rexitỹ̃nykemy ratxireri iwese aõwiwihikỹ, taloosòna ratxireri, ibutu iny witxira dee. Kristu inywo-ki, kia tahe iny iraròsòna rare. ²⁸ Kia Rybewihikỹmy relyymahārenyete ibutumy iny-ki reerydỹ̃nyanymahāre bederysyna-di. Kia wesele ibutumy ityhydỹ̃du mahādu òbiti Kristu-ò ariteòsinykre. ²⁹ Kiaòle tahe rexirurudỹ̃nyhyymahāre, Kristu rurudile waki rỹimyhỹre.

2

¹⁻² Warayky-ribi ijesu nihikỹmy resumahãre awo umyreny rahõtieremahãre reysakemy Òlòsò hãwã-ki. Laodisia mahãdu tule wamy robiõmyhỹre mahãdu tule wiluutyhyrenykemy kaiboho ibutumy Deuxu bedeerysynatyhy bierybenykemy adireny watxireri. Kristu-ki tahe bede erysynatyhy-di atxiteri idi watxireri. ³ Kristuwo-ki ibutumy bedeerydỹyna bede erysynatyhy ityhyna wesemy riyrubunymy rỹire. ⁴ Kawese rarybera inyõ arãitxenanyõmyhỹkemy rybe rayky-ribi ije-di. ⁵ Waumy awanareny ratxiõreri, watytyby tahe awanareny ratxireri, riwadeysanyreri, aõwityhy òbiti-di riwaerynanyreri Kristu-ki aityhydỹyna-di riwaerynanyre.

⁶ Iwese Jesuisi Kristu heka Inynyrỹhyny tetyetynte wese. Tai tii-wana mabehyybenyke. ⁷ Iwese oworu irarutiõ rimymyhỹre wese myike. Anaerynadỹynmahãde wese maumynyke àlàdỹynamy.

⁸ Bexihãrubenyke, inyõ anaitxenadỹnyke lau. Tarayky-ribi ije rybe-di lahirybe-di anaitxenanykemy ihỹre rybe uritere ije ije-di. Kia rybe iny aõmydỹynana-ki rỹire bede tyytyby aõmydỹynana-ki. Kia Kristu aõmydỹynana aõkõhyymy rỹirake. ⁹ Kristu umy-ki tahe ibutumy Deuxu ixitỹnydỹyna rỹire. ¹⁰ Tule Kristu-ki kaiboho tyhynamy toite, texihutenynte. Tii heka ibutumy hãbu rurudỹyna ratyre rare, iòlòdỹyna ratyre rare. ¹¹ Iwese uladunotyky riòròre wese Kristu aòraru urarina aribi diorode. Noty resyna inatyhy aõkõ rare. Kristu iwesenalemy riwinyre. ¹² Taratisebenytenynte, Kristu rubu wesemy tewesenatenynte delede. Tule beribi taddhònytenynte irubu-ribi ixixanamy tewesenanytenynte. Deuxu tyhydỹyna-di rubu-ribi texixatenynte. ¹³ Kaiboho aòraruna-ki tòimyhỹteu rubu wesemy notyynaresy aõkõ-di toimyhỹteu, adeeremy runa Deuxu diwahinyde, aòrarureny diixãwidinyde. ¹⁴ Kristu iny òraruna widỹynareny-ribi tõhòti rosara. Kia tyyritina-di riixãwididỹnyre taitxeò-ò rareu. ¹⁵ Rurudỹyna mahãdu ruru dinodu mahãdu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenykõmy roxina bemomo, ada ahãdu herinau ixenamy, ada sabado bededỹynanamy. ¹⁷ Kaiboho dori aõ kanakre wesemy rare. Kristu tahe ibre tuu rare. Kia aõmydỹynana aõ aõkõ. ¹⁸ Inyõ adeeremy rarybekeki: bexitxiõnyke ýju bitealãnykemy, rasina-ki ierysomy mohõtinykemy. Tamy ijhonarenymy urile erydỹydumy rohõtinyra. Tii tahe Kristu rityhynyõhyymyhỹre. ¹⁹ Inyummy wese inyboho ihỹreny. Kristu tahe umy ratiwesere. Umybutule-ribi ibutumy iukỹna wiwana reare. Ibutumy òhòna tusina-wana umy rabutumyhỹre. Deuxu umyna-di umy raumymyhỹre.

²⁰⁻²² Kai Kristu-wana taruta-wana bede aõmydỹynana-ribi, aõherekibo wiji bede aõmydỹynana-wana arumy ahãte. Aõherekibo bede ywina wixira wixira tetyhynymy ahãte: imyny wedeydỹyõmy. Tamy ade rexiõmy, roxina urihixiõmy. Kia wese hãbu bede ywina tetyhynymahãtenynte. Kia aõmydỹydyỹkeki, rexihuke. ²³ Bede erydỹyna wese ratxireri. Kia dori ixideele rexityhydỹnyre iyubu wesemy rawesenanyreri, taumy ixidee aõhõkỹmy rexisinyre. Ibutumy kia tahe riwiòhenanyõhyymyhỹre umy òraluna lau.

3

¹ Kaiboho Kristu-wana texixatenyteri wana, biu ludu aõmydỹynana-di mohõtinybenyke, tai Kristu Deuxu ruruna weribi rasỹnymy rononymhỹreki. ² Biu ludu aõmydỹynana-di mohõtinybenyke, kabede ludu aõmydỹynana-di aõkõ. ³ Rubu wesemy dori ahãtenynte, aumy tuedeõna runa Kristu-wana rare —Deuxu-ki riyrubunymy ratximyhỹre. ⁴ Kristu rehemynyreu, tule tii-wana rakatxirenyke.

⁵ Tai òhòti bitosanyke bede ludu aõmydỹynana aki rỹire: uri uri rỹira mahãduhemy ijara, òbitiõna, deòsana hemy nodu, iòbi retỹnyre òbiti-di aõkõ rare. Inyõ rỹire-di òtena kia ritxoo àlàdỹyna wese rare. ⁶ Kia aõna aõna Deuxuwo binana rare, kia-ò Deuxu ykarana kanakre kia òrarudu mahãdu-ò. ⁷ Kaiboho kia tewinytenynte aòrarunareny

òrarudumy toiteu. ⁸ Wiji tahe ibutumy kia aõmydÿÿnana aribi rexihukemy idi watrixeri —wobinana, ujõmo, rybe ije ije. ⁹ Iny wixira-ò ruiõmy, araybidinatyby dori aribi dexihude, iwidÿÿnabina-di. ¹⁰ Araybidina tÿmyra-di tahe texiumyÿÿnyte tii araijõnyre bedeerysynahakÿ-di, Kristu raybidina wesemy araybidina rarekre òbitimy araijõnykre. ¹¹ Kowa-ki wii rikininirenyõkre: judeu mahādumy, judeukõdu mahādumy, notyky resydumy, bedeeryõ mahādumy, txiebese wese mahādumy, deòdu mahādumy, deòdu aõkõ mahādumy ibutumy Kristu dee wiwese weselemy rÿire. Kristule tahe ibutumy ihÿre inydeereny. Tii ibutu inywo-di ratximyhÿre.

¹² Kaiboho Deuxu ijeseemy anadymhÿde tahõrõ luunana mahādukremy. Tai rux-etòena-di boibekre ixāwidina-di, inythyhna-di, ywina-di. ¹³ Wii riwiòhenanymy rÿike. Wii riixāwididÿÿnymy rÿike. Inyõ adee aõmy rotyynykeki ixirawomy biijeranyke. Iwese Inynyrÿ araixāwidinyre wese iny biixāwidinyke. ¹⁴ Ibuturatyre wiluurenykemy kiadile kaiboho wiwana ibutumy boibeke iweselemy mohotinybenykemy. ¹⁵ Kristu ywina heka umyy-ki itxeredumy rarekre. Kristu hõrõ mahādu sohojilemy mabeke. Tai tahe àlana tamy biwahinybenyke. ¹⁶ Kristu rybe-di awo-ki mabehyymy mabekre idi watrixeri. Wii bierynadÿÿnymy bitohonymahābenykemy bede erysyna-di. Deuxu-ò àlana biwahinymahāke wiurybe-di, wiu-di Deuxu Tytybytyhy wina-di. Mawinyke àlana-di aworeny-ribi. ¹⁷ Ibutumy tuu marybekremy, ibutumy tuu botÿÿnykremy Wanyrÿni-ò, tuu botÿÿnykre Jesuisi Kristuni-ò. Inytyby dee àlana biwahinykre, Deuxu-ò wahe.

¹⁸ Hāwyy! Kai ahābu bityhynyke, Deuxu erysydÿÿna-di. ¹⁹ Hābu! Kai ahāwyy luuke, idi tudõrenyõmy. ²⁰ Uladu! Borybe, adirybe-wana bityhynyke. Kia tahe Inynyrÿdeewire. ²¹ Uladuse, uladutyby! Kai ariõre ikyaradÿÿõmy, bede wona-di aõkõ ratxikemy. ²² Deòdu mahādu! Kai kabede-ki awedurybe-di ibutumy bityhynyke aõ idi retehererikile aõkõ, awedudeewi sohojilemy aõkõ, awo-ribi tyhy Inynyrÿdeewimy tuu botÿÿnyke. ²³ Aõbo botÿÿnymahāke ibutu Deuxudeewimy botÿÿnyke. Hābudeewimy aõkõ. ²⁴ Deuxu-ribi aõwydÿÿna kanakre. Kristu-ò dori taaõmysÿdÿÿnymahāte. Adeereny rahetoõ riyrubunymy roimyhÿre. ²⁵ Inyõ tahe aõbina riwinymhÿkeki, ihewomy aõbinale ritake. Deuxu dori ibutu dee wiwese weselemy idi rotÿÿnymahāre.

4

¹ Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohõti losaõmy.

² Bexitõenyhyymahābenyke. Betehehybenyke. Bealāhyymahābenyke. ³ Inydeereny kia bedexitõenykre. Deuxu rybe wihikÿ-ò iny dee hāwā wixira-ò kidiraynykre, Kristu inatyhynamy arelyyrenykremy. Iòraru-ki womati reroti nihikÿ-di watxiwāhāre. ⁴ Kia ritynynykremy idi watxiwāhāre. Waaõmysÿdÿÿna kiemy dori ihÿre. ⁵ Biu ludu bedeerydÿÿna-di boibeke ityhydÿÿdukõdu mahādumy-ki. Aõwihikÿrybe bexitÿnykeki, turybelemy idi beake. ⁶ Arybe aõwi weselemy biyrubunyke, iwese rÿsÿna juwya-wana raurinymyhÿrewi wesemy. Tai arawyõna ijõdikre tÿÿraxina-ò.

⁷ Txitxiò ibutumy waaõmydÿÿnana adeereny relyykre. Tii waityhydÿÿdu seriõre waluumy rare. Tii rybedu òbiti iny-wana watrixeri. ⁸ Adeereny reteõnyreri waaõmydÿÿnanareny erydÿÿnamy awo deysadÿÿmy. ⁹ Onesimo heka tii-wana ariteõnykre. Tii tule òbiti ityhydÿÿdu seriõre watrixeri. Ahāwāreny yluduõ rare. Tiiboho kedelyydenykre ibutumy timybo wāhāremy.

¹⁰ Aristarku wawana ròtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemynykeki, bidiwiòhenanyke. ¹¹ Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaõmysÿdÿÿreri Deuxu òlõna òraru-ki. Tiiboho riwawiòhenanyhyymyhÿreny. ¹² Epafa tule aeryrenyõ rare tarybe adeereny diõde. Tii adeereny rexitõenytyhyhyymyhÿre kaiboho Deuxudeewimy boibehykykemy. ¹³ Jiarÿ reeryre tii

adeereny tðemy ratximyhÿre, tule Laodisia mahãdu dee tule Ieryopoli mahãdu dee.

¹⁴ Luka, tarybe diwahinyde. Tii ityhydÿÿ ðhotibedu rare. Dema tule tarybe diðde.

¹⁵ Warybe wehityhyna biðke Laodisia ityhydÿÿdu seriðre. Ninfa-ò tule wehityhyna biwahinyke dohodÿÿna mahãdu taheto-ki rÿireriwana. ¹⁶ Watyyriti-di dohodÿÿnaheto-ki rariakreu, idi tule Laodisia mahãdu-ò biðkre tako-ò rariakemy. Tule watyyriti kowa-ò rewahinyre, wimyke amahãduko-ò rariarenykremy. ¹⁷ Arikipu-ò warybemy marybeke. Tii aòmÿsÿdÿÿnað ritare Deuxu-ribi. Kia-di tii ratxihyykemyidi watzireri.

¹⁸ Kia tyyriti wadebò ritidÿÿna tyhy rare. Womati reroti-di rataataamy nadoimyhÿderibi ðhõtireny lusarenyðmy. Deuxu wohyna adee kanakemy idi watziwãhare. Paulo.

1 Tesalonia Mahãdu-ò Juhuu Tyyriti Tesalonia Dohodÿÿna Mahãdu-ò

¹ Jiarÿboho, Paulo, Sila, Tximòtxi-wana heka Tesalonia hãwã ityhydÿÿdu mahãdu-ò tyyriti ariwinyreny Deuxu ijoimy kaiboho toitekì. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

² Aõu aõu Deuxu deàlànamy adeereny rexitòenymahãre. ³ Atyhyna tiu inynohòti-ribi rosaòtyhy. Aluunareki dori Deuxu dee taaõmysÿdÿÿmahãte, Jesuisi Kristu iny Iòlò dehemynyna teraòteri. ⁴ Kaiboho, Deuxu luuna mahãdu, Deuxu iyrenymy araijere. ⁵ Rybewihikÿ adee retÿnynynymahãre. Kia heka rybe sohojile aõkò rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratÿÿnyreny wese, kaiboho teerytenyta. Aluureki dori kawesemy ratÿÿnyreny. Tai tahe iwese inyboho ratÿÿnyre wese tule kaiboho tatÿÿnyteny. Tule Inynyrÿ-wesemy tatÿÿnyteny. ⁶ Aõhòkÿmydÿÿnana hãrele heka kaiboho rybe-ò taholateny. Tii aradeysarennyre, aõhòkÿmy dÿÿnana-ki hãrele. Eysanarenny dori Deuxu Tyytybytyhyribile namyhÿde. ⁷ Kaiboho tahe ityhydÿÿdu mahãdu wihikÿ toite. Ibutumy ityhydÿÿdu mahãdu heka aweserenymy roirekemy ratxirennyreri Macedonia bedeki, Akaia hãwãdÿÿna-ki tule. ⁸ Aeryna ibutumy hãwã hãwã rieryra Deuxu tetyhynnyteki, Macedonia bedeki tahe tule Grecia bedeki. Tahe kia-ò ixby bohohabenykekò dori rare. ⁹ Iny arora-ribi dehemynnyde inyko relymyhÿre. Kaiboho asuritxoo deuxu-di tehuteny tahe inatyhy Deuxu tetyhynnyteny, Deuxu iru wahe. ¹⁰ Iriòre biu-ribi kanakremy teraòmahãteny. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarennykre. Deuxu dori òraruna òraru-ki sòwemy rakyaranynihikÿmyhÿre. Tule kia umy inydee relymyhÿreny.

2

¹ Kaiboho teeryteny arora-ò roirennyre, jiarÿboho Deuxu aõmysÿdÿÿna sòwemy rewynyreny. ² Jiarÿboho aõhòkÿmy ratÿÿnyreny Filiposi hãwã-ki. Tai tahe adee rehemynnyre Tesalonia hãwã-ò wahe. Deuxu taruru diwahynyde. Tai heka jiarÿboho adeereny roirennyre Deuxu ijyywihikÿmy arelyrennykemy. Sòwemy inydeereny òbinadu rÿire. ³ Iny rybe-di tÿnydÿÿnarenny inatyhymy rare. Inyboho òbitimy ròhòtinnyreny. Jiarÿboho anaitxenanyrennyòtyhy. ⁴ Iwese Deuxu inydeereny riwateònyre wese kialemy heka rarybeke. Aõbo insòwehekÿ deewimy aõkò raryberenyre, tahe Deuxudeewimy. Tiile rieryre aõbo inywo-ki ratximyhÿ. ⁵⁻⁶ Tii rieryre iwese inyboho adeereny rarybemahãrennyre wese. Nieru tarasakemy aõkò inyboho watzirennyre rui-di raryberenyremy rybewihikÿ adee rewahynyòhyymy. Awowydyna, arybe wiwihikÿ heka inydee aõkòhyymy idi watzirennyre. Ijò iny-ribi tule aõkò kia rybe idi watzirennyre. ⁷ Jiarÿ tiu ararybeòmahãrennyre idi anierurenny aritakemy. Kia ariwinyrennykeki tahe, tule awire. Inyboho dori Jesuisi Kristu deòdÿÿna inyboho ratxirennyreri. Tahe iu jiarÿ ayrenny-ki raremahãu, aluurennyre. Iwese hãwyyò tariòre riyrubunnyre wese adireny watzimahãre. ⁸ Deuxu Rybewihikÿ sohojile aõkò adeereny ariwahynykemy aõkò, tule wabededÿÿnana tule adeereny ariwahynykemy watzireri, aruruke adeereny, jiarÿboho sòwetyhymy aluurennyreki wahe. ⁹ Sòwetyhymy jiarÿboho raaõmysÿdÿÿnymahãre ayrenny-ki raremahãu, tai tahe òwyyò aõkò teòwynymahãteny. Rummy raaõmysÿdÿÿmahãrennyre, txummy tule. Tai ixiaõmysÿdÿÿnadile inyboho rÿimahãrennyre. ¹⁰ Jiarÿboho ayrenny-ki òbitimy roiremahã. Aõhe inatyhy, waityhydÿÿdu seriòreboho. Kia teeryteny. Deuxu tule riwaeryre. ¹¹ Iwese tybyò tariòre riywinnyre wese, jiarÿ araywinnyra, wariòre wesemy. ¹² Arãwiòhenanykemy adi watzireri arateysadÿÿkemy. Warybe dohodÿÿna-ò bohohabenyke. Tai tahe kaiboho Deuxudeewina-ki atxibennyke. Tule tii-wana masÿnybennyke taòlòna-ki, toosòna-ki.

¹³ Tai tahe àlàna sōwemy Deuxu-ò rewahinyrenyire. Ayreny-ki raremahāu, Deuxu rybe t̄nydȳmy, kaiboho tetyhynytyhymahātenyite. Deuxurybele taholatenyite. Tii heka inatyhy kia rare, Deuxu ijȳtyhy wahe. Waityhyd̄ȳdu seriòre, Deuxu ayreny-ki ratximyh̄re. ¹⁴ Waseriòreboho, iwese Judeia ityhyd̄ȳdu mahādu heka aōhōk̄my rot̄ȳnyire wese, kaiboho iwesele aōhōk̄my tat̄ȳnyitenyite. Kaiboho aōwitxira witxira aōbina bina teòludunymahāte aōhōk̄my d̄ȳnana-ki. Abede ludu mahādu tuu riwinyire. Iwese Judeia mahādu heka judeu mahādu debò-ki aōhōk̄my rot̄ȳnyire wese, kaiboho tule aōhōk̄my tat̄ȳnyitenyite. ¹⁵ Judeu mahādu heka juhū Deuxu rybedu mahādu rirubunyrenyire. Jesuisi tule rirubunyire. Inyboho tule ribinad̄ȳnykemy ratxireri. Deuxumy dòdu tiiboho roire. Ibutumy inymy òludu ratxireri. ¹⁶ Tiiboho iny ribinad̄ȳnykemy ratximyh̄re, iny dori rybe t̄nydȳdumy inyboho ratxireri judeukòdu mahādu-ò. Kia-di heka ijō òraruna tiiboho ributunyire. Deuxu tahe wiji tiiboho ribinad̄ȳnykre. Ityrereny-ò Deuxu kyarana beded̄ȳnana kedeseke.

¹⁷⁻¹⁸ Waityhyd̄ȳdu seriòre, aribi irehemy watxireriu, awehityhyna sōwemy wadi ratxireri. Sōwemy adi aretehekemy watxireri ixityrele. Tiubo aroramy arake, Satanasi riwabinad̄ȳnyra. Tahe aōkōre. Araōke. ¹⁹⁻²⁰ Kaiboho dori iny raròsonatyhy, inydeysana, iny biu-ò hena Inynyr̄y Jesuisi òraru-ki atxitenyite. Tii dori kanake. Kaiboho ixityhyd̄ȳnaō heka toimahāte.

3

¹ Ikonanau tahe reòludunynyrenyòtyhy. Tai tahe ixisohojile Atena hāwā-ki r̄yikremy watxireri. ² Tai Tximòtxi adee reteònyire, inyseriòre wahe. Tii heka wawanareny Deuxu aōmys̄d̄ȳna-ki riwiòhenanyire Kristu Rybewihik̄y t̄nydȳmy. Adeereny dori reteònyire aityhyd̄ȳna wiòhed̄ȳmy. ³ Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare. ⁴ Iu ayreny-ki rarewāhāu, kiamy rarybewāhāre aōma adeereny aōhōk̄my d̄ȳnana kanake. Kiale tahe inatyhymy nade. ⁵ Tai tahe Tximòtxi reteònyire, omy arierykemy timybo aityhyd̄ȳna-ki tat̄ȳnyitenyite. Satanasi òsana waaōmys̄d̄ȳna ayreny-ki ribinad̄ȳnyre. Aōkōre, tii Deuxu aōmyd̄ȳnana ribinad̄ȳnyòtyhy. ⁶ Tximòtxi heka Tesalonia hāwā-ribi ròðera. Ijyy Wiwihik̄y tahe raholara. Aityhyd̄ȳna aluuna wana raumynyire. Tule tii relyyre iwese kaiboho awehityhyna dire inyluure wese. Wadeysamy watxireri, waseriòreboho, aòraru-ki. ⁷ Waaōhōk̄my d̄ȳnana hārele heka wadeysamy watxireri, aityhyd̄ȳna awireki wahe. ⁸ Kaiboho awimy matxibenykeki, awimy jiar̄y watximahāre, warumy watximahāre. ⁹ Aòraru-ki tahe Deuxu-ò àlàna rewahinyire. Deuxu-ki tahe wadeysamy watxireri. ¹⁰ Rummy txu-wana adeereny arexitòenykre arora-ò arake, aityhyd̄ȳna wiòhed̄ȳmy wahe.

¹¹ Deuxu Inytyby, Jesuisi Kristu Inynyr̄y-wana riwawiòhenanykemy idi watxireri arora-ò arake. ¹² Wiluumy ibutumy ityhyd̄ȳdu mahādu luumy idi watxireri. Iwese aluure wese wiluuke. ¹³ Tii inydeereny ruruna riwahinykemy idi watxireri. Òbitimy tahe rakatxirenyke Deuxuko-ò, Inytybyko-ò. Inynyr̄y Jesuisi kedehemynykre, tamahādu-wana, tai iny imahādule rakatxirenykre.

4

¹ Waityhyd̄ȳdu seriòre, timybo òbitimy ahābenykemy rebedeerynyire Deuxudeewina wahe. Iratyre tahe arexitòenykre Inynyr̄y Jesuisi òraru-ki, òbitityhymy boibenybekemy. Kia tahe teerytenyite. ² Jesuisi bede eryd̄ȳna heka adeereny rewahinyrenyire. Kia teerytenyite. ³⁻⁴ Kia tahe rare. Òbitityhymy ahābenyke, òta òtarenyōmy. Iny sohoji sohoji òbitimy ahāwyy-wana matxibenyke. ⁵ Iwese ityhyd̄ȳdukòdu mahādu riwinyire wese aōkō idi ahāke. Tii dori Deuxu rierykōrenyire. ⁶ Tuleke kia aōmyd̄ȳnana-ki iny sohoji sohoji aityhyd̄ȳdu seriòre ibinad̄ȳnykemy. Iwese rarybere wese ixityre ararybekre. Inyō kia aōmyd̄ȳnana riwinykeki, debure beded̄ȳnana tii ralòke. ⁷ Òta òta aōmyd̄ȳnana aōkō Deuxudeewire, òbitina aōmyd̄ȳna tamywire. ⁸ Inyō kia bede

erydÿÿna rityhynyòkeki, Deuxule heka tii rityhynyòre, hàbu bede erydÿÿna aòkò. Deuxule Tatytybytyhy inydee riwahinyre.

⁹ Kaiboho aityhydÿÿdu seriòre mahàdu luurenyre. Tai ixyby kia adeereny ariritinyòtyhy. Deuxu dori araerynanyrenyre timybo wiluomy boibekemy. ¹⁰ Kia luuna-di tahe ibutumy Macedonia hāwā hāwā mahàdu luumy. Ihārele tahe waseriòreboho iratyre wiluomy. ¹¹⁻¹² Ywina-di wi-ò wi-ò boibeke. Aaòmÿsÿdÿÿna-di iximynamy boibeke. Tai ibutumy ityhydÿÿdukòdu mahàdu umyreny robikreu anatyhynyrenykre. Tai tahe ijò iny aaòmÿdÿÿnana ixi-di nokòmÿ. Ixisohojilemyta ixi-di maaòmÿsÿdÿÿnyke.

¹³ Waseriòreboho araerynanykre rubu mahàdu aòmÿdÿÿnanamy. Tai ijò inywese mahinybenyòke, bobubenyòke. Tii dori raròsòna-di aòkò ratxirenyre ¹⁴ Kristu heka rubumy roire ribile rexixare. Kia tahe retyhynyrenyre. Kiawesele tii-wana heka Deuxu taityhydÿÿdu mahàdu kididyke, rityhynomy rurure mahàdu tule. ¹⁵ Inynyrÿ riwabe-deerynyrenyre kiamy: inyboho irumy ratxikeki kiadxu juhuumy timy inorenykòna. Rubu mahàdu tuukre. ¹⁶ Tahe ÿju wedu juhuu rarybekre. Deuxu juròna-di ritxurònykre. Idi Inynyrÿ kodobehekre biu-ribi. Juhuu ibutumy ityhydÿÿdu rubumy rÿira riumynykre, riumywitziratÿmyranykre, riixixanyrenykre. ¹⁷ Tahe ibutumy inyboho irumy rÿira mahàdu heka Inynyrÿ-wana ributunyrenykre biu-ki. Tai tiiwanahyy roirenyre ¹⁸ Kia rybe-di wii beysabenyke.

5

¹ Ityhydÿÿdu seriòre, tiubo kia ibutumy aòhebo rotÿÿnykre. Kiamy adeereny ariritinyòtyhy. ² Rummy wasidu wesemy kia txu kanakre. Kia teerytenynte. Ibededÿÿnana iny rieryòtyhy. ³ Inyò rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyò rahenyòtyhy. Iwese hāwyy txuberere wese, uladu ijera iòhòreu kia rare. ⁴ Kaiboho, waseriòreboho, tetyhynytenynte tai kiatxu adeereny bede òtiidÿÿ aòkò rarekre. Kaiboho dori kia teerytenynte, wasidu wesemy kanakemy wahe. ⁵ Inyboho ibutumy txuu mahàdu atxitenynte, loosòna mahàdu wahe. Bedeluruhukÿ mahàdu aòkò inyboho ratxireri. ⁶ Tai tahe ròkòrònyòtyhy. Bexixabenyke. Ijò iny wese aòkò atxibenyke. Betehebenyke. ⁷ Rummy ibutumy iny ròròmÿhÿre. Tule kiau ibutumy riòmÿhÿre, axaxaluudu mahàdu wahe. ⁸ Inyboho tahe iximy rekex-iòbitidÿÿnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratyiwina wesena rare, tarasana raròsòna wahe. ⁹ Debure bededÿÿnana-ò aòkò inyboho ralòòtyhy. Deuxu aòhòkÿmÿ dÿÿnana kia Deuxudeewina aòkò rare inydeereny. Biu-ò hena-ò tahe inyboho ralòrenykre Jesuisi Kristu Inynyrÿ òraru-ki. ¹⁰ Tii dori inydeereny rurure. Tai tahe tii-wana rarehymy rÿikre irumy ada rubumy iny ratxirehāre.

¹¹⁻¹³ Kiarybe-di widee beysadÿÿnymahābenyke. Deuxu rybe tÿnydÿÿdu mahàdu biwiòhenanybenyke, bityhynybenyke. Kia tahe wadee awire. Tii dori awiòhedÿÿdu ratxireri Inynyrÿ òraru-ki. Ibutumy widee òbitimy atxibenyke, tii Deuxu deòdu rareki. ¹⁴ Tule adeereny ijò dohodÿÿnaò aratohodÿÿnykre. Iehehe mahàdu biòbitinybenyke. Ityhyna kyhynakò mahàdu bikyhynanybenyke. Ibutumy widi atximyhÿbenyke. ¹⁵ Inyò aòbinamy adee rakeki, ixiòwydÿÿòmÿ. Ywina-di tamy bisÿnyke. ¹⁶ Beysahyybenyke. ¹⁷ Ixitòedÿÿhymy boibehyybenyke. ¹⁸ Ibutumy beàlamahābenyke. Kaiboho dori Kristu ijoi atxitenynte. Kia adeereny Deuxudeewinare. ¹⁹ Deuxu Tyytybytyhy-ò boholake, awo-ki arayky-ki tii ratxire. ²⁰ Deuxu dee rybedu mahàdu awire irybe awire. Ibinamy aòkò tai marybebenyòtyhy. ²¹ Ibutumy biurihibenyke. Aòbo awirele tahe idi bimyyke. ²² Ibutumy òraruna-ribi irehemy atximahābenyke.

²³ Deuxu heka ywina rare. Tii araòbitidÿÿnytyhyke. Adeereny rexitòenyre. Arayky-wydyna, òhòtiwydyna, aumy-wana ibutumy raywidÿÿmÿ ratxike idi watzireri. Jesuisi dori elelemy kodobehekre. ²⁴ Tii kia ibutumy juhuu rarybere wese, tii adeereny riwinyhykre.

²⁵ Waityhydÿÿdu seriòre, inydeereny bexitòenybenyke.

²⁶ Deuxu deysana òlusò-di wii birybebenyke. ²⁷ Wadee boholake Inynyrỹ òraru-ki. Kia watyyriti heka ibutumy ityhydỹỹdu seriòre roholakemy watzireri. Idi mariake.

²⁸ Jesuisi Kristu Inynyrỹ ruxetòena heka adeereny ratximyhỹkemy idi watzireri. Kie.

2 Tesalonia Mahãdu-ò 2 Paulo Ryberiti Tesalonia Hãwã-ò

¹ Paulo, Sila, Tximòtxiboho-wana tyyriti rewahinyrenyire Tesalonia dohodỹna mahãdu-ò. Deuxu Inytyby, Jesuisi Kristu Inynyrỹ ijoi toiteò. ² Wiòhedỹna, ywina-wana adeereny kanakemy watzireri Deuxu Inytybyreny-ribi, Jesuisi Kristu Inynyrỹreny-ribi.

³ Inyseriòreny, Deuxu-ò adee reàlamahãrenyire. Kia tahe awi rare. Kaiboho aõu aõu textyhydỹnytyhymy atximahãtenyteki, ityhydỹdu seriòre wiluuna-di iluutyhymy teletenyteri. ⁴ Tai heka ijõ Deuxu dohodỹna heto-ki aõwiihikỹmy umy rarybe-mahãre. Kaiboho dori aõwitzira witxira aõbina bina teòludunymyhỹtenyete, aõhõkỹmy dỹnnana-ki ixiwesehyymy toitemahã ire tetyhynytyhymahãtenyete. ⁵ Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlòna-ò malòbenykremy, aõhõkỹmy tatỹnytenyteriki wahe. ⁶ Deuxu, tiiboho aõbina bina-di riòwinyrenykre, aõhõkỹmy dỹnnana dori adeereny riwahinyreki. Kia tii òbitimy rõhõtinyre. ⁷ Biu-ribi Inynyrỹ Jesuisi tarurunareny ýju-di kodobehekreu, aõhõkỹmy dỹnnana-ribi elehyna adeereny, tule inydeereny Deuxu kidiwahinykre. ⁸ Heòtyloona-di tii kanakre riòwinykremy Deuxu rieryõmy rỹira mahãdu dee, tule Inynyrỹ Jesuisi Rybewihikỹ riywinyõmy rỹira mahãdu dee. ⁹ Kia mahãdu aõu aõu aõhõkỹmy rotỹnykre Inynyrỹ òsỹnỹ-ribi iteòdỹna-ki taruruloosõna-ribi. ¹⁰ Tii kanakre tahe ibutumy iijoi mahãdu tamy làhàna riwahinykremy. Ribedeòtiidỹnyrenykre ibutumy tajoi dee aõmydỹnnana riwinyreki. Tetyhynmahãtenyete, Deuxu rybe dori jiarỹboho adeereny rewahinyreki. ¹¹ Kaiboho iwese Deuxudeewimy rarekemy boibeke. Tai tahe adeereny rexitòdehymahãrenyire. Deuxu ruruna-di atyhydỹna-di sòwemy aõwiihikỹ riwinykemy idi watzimahãre. ¹² Tai tahe ibutumy Inynyrỹ Jesuisi Kristu nimy sòwemy bealàmhyhỹkemy. Tii loosõna adeereny riwahinykemy watzireri. Kia Deuxu dee, Inynyrỹ Jesuisi dee awi rare. Wiòhedỹna iribi bitabenyke.

2

¹ Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyõ rarybekeki Inynyrỹ òkesena txumy rehemynymy rỹire, kia rybe-di iòtiidỹõmy. ² Inyõ rarasynekeki, Deuxu-ribi ijyy ritakeki, urile ityhydỹrenyõmy. Inyõ waribi tyyriti itarasamy rarybekeki, ityhydỹrenyõmy. ³ Inyõ aitenadỹõmy boibeke. Ityhydỹdu atysyna nihikỹ juhoo kanakre, idi tahe kia txu kanakre. Juhoo hãbu ibinatyhy kedexideòsinykre. Heòtybedeluduò tii rare. ⁴ Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlàna aõmydỹnnana riatykre. Deuxu dohodỹna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵ Tuu heka adeereny rarybere, akireny raremahãu, òhõtireny aõbo itxi rearenyõra? ⁶ Ibededỹnnana raòbitikre xiery, kanakre. Deuxu ruru dori rimymyhỹre. Kia tule teerytenyete. ⁷ Iaõbinahakỹ aõmydỹnnana inyy-ki ratxireri. Tii tyhy wiji kanaõkre. Imynydu iribi rexitare xiery, tahe tii kanakre. ⁸ Taile tahe hãbu ibinatyhy kedexideòsinykre. Inynyrỹ Jesuisi kanakreu, tii tuu kidirubunykre taryeledile. ⁹ Juhoo tahe kia hãbu Satanasi deòdu tahe iruru-di kedehemykre. Aõna aõna wiihikỹ widỹmy ròitxenadỹreri. ¹⁰ Inyõ sòwemy riitxenanykremy bededỹdỹ wesemy. Ityhydỹdukõdu mahãdu tii riitxenanytyhykre. Tiiboho dori inatyhyna rybe rityhynyõmyhỹre, tuuõmyhỹre, tai rexirutaõrenyire. ¹¹⁻¹² Deuxu dori rilawere tuu rityhynyrenykremy ibinare hãrele. Kia ruina rityhynyrenykre, tai Deuxu rihitxidỹnykre inatyhyna rityhynyõreki, taðrarudỹna luureki.

¹³ Deuxu tahe juhuutyhylemy aratarenyire, waseriòreboho. Biu-ò hena adeereny riwahinyremy inatyhyna tetyhynytenyteki. Deuxu Tyytybytyhy aralyradỹnyrenyire. Tai, Inynyrỹ luuna mahãdu, Deuxu mahãdurenymy belebenykremy atximahãtenyete.

¹⁴ Deuxu adeereny Rybewihikỹ diteònyde. Inyboho tahe ijyudumy roire. Iny òrarureny-ki tahe Inynyrỹ Jesuisi Kristu loosòna bitabenykremy idi toite. ¹⁵ Kia ibutumy, waseriòreboho, itxi òhòtirenny reake. Aòmybo araerynanyamahãre kowa-ki raremahãu, tule watyriti-di rebedeerydỹnyamahãrennyre, idi mohòtinytyhybenyke, òbitimy idi boibeke.

¹⁶⁻¹⁷ Inynyrỹ Jesuisi Kristu Deuxu Inytyby, luuna luuna, wiòhedỹyna, raròsòna sòwemy inydeereny diwahinyde. Inyboho aòhyumy aòkò roire. Iribireny raybidina adeereny kanakemy watzireri. Tule umy kanawiòhenanykemy watzireri ibutumy aòhe botyntyke, marybemahãbenyke.

3

¹ Watyriti-di konanamy tahe adeereny ararybekre. Waseriòreboho, inydeereny bexitòenyke. Inynyrỹ rybemy araryberenykemy, inywitzira-ko arelyyrennykemy, tule Inynyrỹ rybe-di iwese rybe ayrenny-ki aòwihikỹmy raremyhỹ wese. ² Tule bexitòenyke kia iny iehehe-ribi arexitarennykemy. Ibutu iny dori inatyhyna rityhynyòreri. ³⁻⁴ Tahe Inynyrỹ òbiti rare tii arawiòhenanykre. Tii ararurudỹnykre kia reeryre. Satanasi-ribi arayrubunnenykre. Tahe, aòmybo reerynadỹnyre wese kaiboho aòhebo tatỹnytenyterimy heka adireny watzimahãre tule kia wesehyule rakatzirennyke. ⁵ Inynyrỹ-ribi Deuxu luuna, Kristu itxòmoxina bede erynahakỹ adeereny kanakemy watzimahãre.

⁶ Kia Jesuisi Kristu Inynyrỹ bede ywina wese rare adeereny ararybekremy. Waseriòreboho bexiweresynyke iny deoruxere-ribi, ibutumy iny waerysydỹyna roholaòre mahãdu-ribi, tii ityhydỹydu mahãdu hãrele. ⁷ Ayrenny-ki roiremahãu, raaòmysdỹnyhyumy roiremyhỹ. Tai kaiboho teerytenyke iwese mabekemy. ⁸ Tiu iny witzira rỹsõna rerỹsõrennyòhyre, iòwyòmy. Txuu ruwana raaòmysdỹnyre waaòna aòna òwydỹny. Tai tahe adeereny isiramy aòkò ayrenny-ki jiarỹ raremyhỹ. ⁹ Inyò-ribi rỹsõnaò arirỹsõmahãkeki, kia tahe ibinamy aòkò rare, jiarỹ Deuxu rybemy rybedu-ki wahe. Tahe aòkòre urile rexideòsinykemy rerỹsõmahãrennyre. Iwese aòmysdỹnyre awirewesele umy reerynanyrennyre. ¹⁰ Tai rarewãhãu kia bede ywina rewahinyre: —Iny raaòmysdỹnyòmyhỹre riroxiòtyhy. ¹¹ Jiarỹ raholawãhãre iny de-oruxeretyhy-ò ayrenny-ki ratximyhỹrennyre, tiiboho aòmysdỹny derarennyre, urile raujò-momyhỹrennyre. ¹² Jesuisi Kristu Inynyrỹni-di tameny ararybekre rayrubunneny, raaòmysdỹnyrennykemy ixideereny. ¹³ Tahe adeereny, waseriòreboho, ararybekre. Aòwihikỹ widỹny-ò ixirarennyòmy. ¹⁴ Inyò ka waryberiti riywinyòkeki, mobo tii rare bierybenyke tahe kie-ribi ireheny biijeke, tai tii raixỹrukemy. ¹⁵ Urile tii aòludumy aòkò ratzireri. Aseriòre wesemy tamy marybeke. Bijemy idi ahãke.

¹⁶ Inynyrỹ ywina wedu rare. Tii adeereny ywina ibutumy aòmydỹnyana-ki kidiwahinykemy idi watzireri. Inynyrỹ awanarenny ratzikemy idi watzireri.

¹⁷ Kia konana warybewehityyna jiarỹle ariritinykre wadebò-di. Ibutumy waryberiti-ki rỹire wese kawesele wani retidire. Paulo. ¹⁸ Jesuisi Kristu Inynyrỹ wiòhena ibutumy adeereny ratximyhỹkemy idi watzireri.

1 Tximòtxi-ò Paulo Juhuu Tyyriti Tximòtxi-ò

¹ Jiarỹ Paulo watxiwãhãre. Jesuisi Kristu deòdỹna watxiwãhãre. Deuxu iny tarasad-umy riwateònyre, tule Jesuisi Kristu Inynyrỹ riwateònyre. Tii tahe inyararòsònareny rare. ² Katyyriti adee rewahinyreri Tximòtxi. Kai inatyhymy wariòre wesemy atx-imyhỹte ityhydỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³ Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witxiramy ròerydỹnanyre riki. ⁴ Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹõmy. Kia ityhydỹnadile kanakre. ⁵ Kia wiluuna tahe inywolurahakỹwo-ribi ròhònymyhỹre, iny raykylyrahakỹ wo-ribi, iny ityhydỹnattyhy-ribi. ⁶ Kia aõna aõna wihikỹ-ribi iny rexixãwididỹnyre. Tai tahe aõmybo rarybemyhỹre heka rieryòhyymyhỹre. Aõtyhymy aõkõ widee rarybemyhỹreny. ⁷ Bede ywina tyyriti erysydỹdu wesekey rexino-hòtinymyhỹre, tahe rieryòhyymyhỹre aõmybo raremy. Aõmy rierynanymyhỹreny tahe timybo ihỹremy rieryòlemyhỹreny. ⁸ Katahe inyboho rieryreny. Inyò bede ywina tyyriti òbitimy rityhynykeki, Bede ywina tyyriti heka awi rare. ⁹ Inywihikỹ-ò heka tiu bede ywina tyyriti riwahinyòhyymyhỹre. Inybina binaòle iwahidỹna rare, iny òrarudu-ò, iny ityhydỹdukòdu mahãdu-ò, iny aleerydu-ò, iny tadi tyby-wana rirubunymyhỹre mahãdu-ò. ¹⁰⁻¹¹ Kia iny-ò bede ywina tyyriti rỹimyhỹre. Ibutumy bina bina widỹdu-ò. Bede ywina tyyriti rỹimyhỹre ka mahãdu-ò: inydỹwe mahãdu dee, taòtaòta witxiramy òtadu mahãdu-ò, inywasidỹdu-ò, ruidu mahãdu-ò. Deuxu ijyy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyyriti roimyhỹre. Deuxu bedeerydỹna òbiti aõkòreki, Deuxu wihikỹ loosònadewimy aõkòreki kia erysydỹnadu jiarỹ rare.

¹² Jesuisi Kristu, iny wedu waruruixiòlòdỹdu rare. Jiarỹ tamy wawimy raremyhỹ. Tai tarybe-di wiòhedỹdumy riwatare. Kia-ò Jesuisi Kristu heka jiarỹ rewowydyny. ¹³ Juhuu jiarỹ tuu rarybere. Ityhydỹdu mahãdu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyreny. Tahe ibutumy kia reerykòlemy rewiny my raremyhỹ, retyhynyòlemy rewiny my raremyhỹki. ¹⁴ Inywedu sòwemy wadee raruxetòere. Tii riwasỹny ixiluwehikỹkemy, rikityhynymyhỹreny. ¹⁵ Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare. ¹⁶ Iurenanamy tahe tii riwaruxetòenyre. Tiu heka waki rexiraòre. Tii riwateòsinyre juhuu ityhydỹdu wesemy. Ityhydỹdu mahãdu-ò itxerenamy, iwese tii mahãdu kidityhynykemy. Tai umy tuedekòdu mahãdu-ò ralòkemy. ¹⁷ Beàlamahãbenyke Deuxu-ò. Tii heka bededỹnana tuedeòdu hukỹ Iòlò rare. Tii lobixina aõkõ rare. Tii sohojile rare. Beàlamahãbenyke aõu aõu, wowydyna tamy biwahinyke. Kie.

¹⁸ Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikỹke. Besuke arurutyhymy aõbo òbitimy ratximyhỹre wihikỹ-ò. ¹⁹ Aòhewe òhòtiwydynawimy mabekre. Bityhynymy mabekre. Inyò heka idi ròhòtinyrenyòra, tai reserenyra ityhydỹ-ribi. ²⁰ Ijõ Imineu inire, Alexỹdre ijõre. Jiarỹ rewahinyre Satanasi-ò, Satanasi bedeburana tamyreny riwahinykre. Tiibohe rybebinamy tii Deuxu-ò rarybeòtyhy.

2

¹ Delemy kamy ararybeke: Àlàna sōwemy idi rawahinyke, ibutumy iny-ki bexitòtenykre. ² Iòlò dee, ibutumy dinodu dee tule bexitòtenykre. Tamyreny biixitòdèdỹnanany Deuxu-ò, tule Deuxumy beòbykemy, tai ibutumy iny iworana bedehesimy rỹikre. Deuxumy iny rōkōhōtinyrenykeny idi òbitimy tamy rokoirekemy. ³ Kia wese awire Deuxu dee. ⁴ Deuxudeewimy ibutumy iny ritakemy raerykemy tibo inatyhy raremy. ⁵ Deuxu sohojile rare iny-ki rybedu tule sohojile rare, Deuxu-ò iny mahādu tii sohojile kia riwinyre. Tii hābutyhyhykỹ rare. Tai tahe tii tiò tiò rare, Deuxu, iny mahādu-wana widee ributunykeny, Jesuisi Kristu wahe. ⁶ Jesuisi rexiwahinyre ibutumy iny òraruna òwydỹmy. Tii heka riòwynyre sohojihyylemy. Kia heka tiiehyymy deòsidỹmy rarekemy. Tiu iny mahādu rahenykeny Deuxu rexinohōtinyre. ⁷ Jiarỹ heka imynynamy riwamyre kia rybe-di arelyykemy. Tule jiarỹ rybe-di dohodỹdukemy riwamyre iny witxira bedeerydỹmy judeukōdu mahādu wahe. Kia raerykemy tibo inatyhy raremy. Kia dori inatyhy rare.

⁸ Ibutumy dohodỹna hetowo-ki ibutumy rexitòteny rexitihynymy. Ujōmomomy rōhōtinymy aōkō. ⁹ Hāwyy uritere ixidi nohōtityhyōmy ixiaōmydỹnadỹmy urile ywilemy ixidi rōhōtinykeny. Hāwyy ityhydỹdu ixiywidỹna tahe tyywihikỹ aōkō, iradesihodỹtyhy aōkō, deorutylududike aōkō. ¹⁰ Urile tahe iyrubukemy Deuxu-di rōhōtinyke tamy aōwihikỹ riwinykre. ¹¹ Hāwyy ityhydỹdu mahādu ròeryrenykre yrubu-ki. ¹² Jiarỹle heka hāwyy ariwahinyōtyhy hābumy hỹynakemy, hābu erydỹdukemy tule tuu areònyke aōkōre, hāwyy heka urile iyrubumy rỹike. ¹³ Adaō heka Deuxu juhule riwinyre idi Eva riwinyre. ¹⁴ Tule tahe Satanasi Eva juhūu riitxenanyre, Adaō aōkō tai raòrarunyre. ¹⁵ Hāwyy uladu reakeule rexitake. Idi ròtyhydỹmy. Inyluumy idi rexitihynykreki.

3

¹ Kia rybe inatyhy rybe rare: —Inyō dohodỹdu dinodumy rarekeki. Kia heka rexiburemyhỹre aōwihikỹmy ratximyhỹre. ² Tahe rybe-di dohodỹ aōmysdỹdumy ralòkeki, tii heka òbitimy rareke, tahāwyy sohojidile, rexitihynymy rarekemy, iny inatyhy, iny aòraru rarekemy, erylādỹdutyhymy rarekemy. ³ Tii heka iaxaxa luuōre aōbina lumy aōkō rare tule iyrubure. Tahe tule iaōmy nohōtidu aōkōre. ⁴ Tii heka taijoimy reònymyhỹre, tariòre rierynanywihikỹmyhỹre ixirybe rityhynykeny. ⁵ Inyō tahe taijoi reònyōkeki, Deuxu aōmydỹna-di òbitimy raaōmysdỹdỹtyhy. ⁶ Tii ityhydỹdu tỹmyra aōkōmy rarekemy. Raxiwedenymy rarekeki tahe urile Satanasi alòsena-txi tii reseke. ⁷ Ihārele tahe ityhydỹdu mahādu aōkō rare ihỹre, awimy tuu rarybemyhỹre. Tuu heka raujōmorenyōtyhy tule tii Satanasi ireitidisi-txi reseōtyhy. ⁸ Tule dohodỹdu wiòhedỹdu mahādu, kiawesele rarekemy. Tii tule òbitimy rarekemy irybe òkese òkese aōkō, iaxaxaluu aōkō rare, tule aōna aōna sōwemy nohōtidu aōkō rare. ⁹ Iny inatyhydỹnareny òbitimy tuu rotohodỹnananyhỹrenyke, tarayky òbiti-di. ¹⁰ Tule kia wesele raurihikre. Iribi òbitimy ròhònykeki, tai dohodỹdu wiòhedỹdu mahādu-ò ralokre. ¹¹ Ihāwyy tule òbitimy rarekre. Ujōmodumy aōkō rarekre, iyrubukemy, urileta rexitihynymy rarekemy. ¹² Tule dohodỹdu wiòhedỹdu mahāduō ihāwyy sohojidilemy rarekre. Tariòre, taijoi-wana reònymyhỹkre. ¹³ Kia mahāduō Deuxu aōmysdỹna òbitimy riwinymyhỹreki, inatyhymy tii iny rityhynykre. Tai Deuxu aōmydỹna tii riòbitinykre ibutumy inydee.

¹⁴⁻¹⁵ Aroramy jiarỹ wylemy arakemy watzireri. Aōkōkeki urile warybe ritina adee rewahinyreri. Kia warybe-di bierynanybenyke aōhebo ityhydỹdu mahādu warybe-di rotỹnykeny. Ityhydỹdu mahādu Deuxu ijoiō rare. Inatyhy rybe yrubudỹdu rare. ¹⁶ Iny tyhydỹnareny awi tyhytyhy rare. Kia wese rare: —Jesuisi heka hābu wese nade. Tii Deuxu Tyytyby-di òbitimy rityhynyreu, ýjurenny tuu robirenyre. Taaōmydỹnanarenymy ibutu bede bedemy relyyrenyre. Sōwemy iny rityhynyrenyre. Roosere biu botorahakỹ-ò.

4

¹ Deuxu Tyytyby rarybera: —Ihewoladu bededÿÿnana txuu hãbu tyytybybina rybe-ò roholakre. Tai iny tyhydÿÿnanareny ririkre. ²⁻³ Tahe ruina rybe rityhynyre, hãbu aõmy nohõti erykõ rybe-ò. Kia heka hãbu raerynadÿÿmyhÿre uritere hãwyymy heriõmykremy, ijõ rÿsÿna aõtxi irÿsÿõkremy. Kia rÿsÿna iny rirÿsÿke Deuxu riwahinyre. Juhuu àlana Deuxu-ò rawahikre. ⁴ Kia heka ibutumy Deuxu riwinyre awire. Aõ aõkõ heka awiõre. Deuxumy beõbyke, kia tahe ibutumy awike. ⁵ Ixitõedÿÿna Deuxu rybe kia ibutumy awimy risÿnykre.

⁶ Kai heka ityhydÿÿdu mahãdu bierynanykeki, kai heka Jesuisi Kristu aõmysÿdÿÿdu mahãduwiihikÿõ Tate. Kia inytyhydÿÿnanareny erydumy mabekre. ⁷ Kai ihetxiu nohõtiwidÿÿna ijyy bityhynyõtyhy. Marurunymy mabeke Deuxu aõmysÿdÿÿnana-ò. ⁸ Aumyruru urihimyõmy idi mohõtinykre, atytybywi-di tahe kia idi sõwemy mohõtinykre kai kabede-ki adeewikre tule tiu bede-ki awikre. ⁹ Kia rybe heka õbiti rare. Ibutumy iny rityhynyke. ¹⁰ Inyboho raaõmysÿdÿÿnymy hÿre inatyhymy. Deuxu dori iny rityhynyre. Tii ibutumy iny tarasadu ratximyhÿre, ityhydÿÿdule tarasadure. ¹¹ Kia warybemy bierynanybenyke. ¹² Iny aratyhynyõkeki kai matuari aõkõ tateki, tai ityhydÿÿdu wihikÿ mabekremy bexityhynyke. Tai tahe arybe-ò aratyhynyke aityhydÿÿna, aluuna, õbitina òraru-ki wahe. ¹³ Adehemynykre kotyre, Deuxu rybe-di mariakre dohodÿÿna heto-ki, idi belyykemy mabekemy tule bierynanykemy. ¹⁴ Uritere nohõti lusaõmy kai erydÿÿdu wihikÿ tatemyhÿ. Dohodÿÿna matuari mahãdu debõtìdina-di arateõnyrenyreu, wahisidÿÿna weseõ tetate rybe-di tÿnydÿÿna òraru-ki. ¹⁵ Kia aõmydÿÿnanamy mohõtinywityhymyhÿ. Ixidile bexiwinytyhymyhÿke bede erydÿÿnana-di tule bexiwinytyhymyhÿke. ¹⁶ Tai kai òraru-ribi bexitake tule aijohnana-di òraru-ribi bitakre.

5

¹ Matuari ityhydÿÿdu mahãdu-ò ywimy aõki tamy marybemyhÿke, bowese idi atximahãke Weryrybõ mahãdu, aseriõre wesemy bitohodÿÿnyke. ² Senadu mahãdu adi wesele bierynanykre. Ijadõma mahãdu aseriõre wesere ibutumy õbitilemy biywinykre. ³ Inatyhytyhy wytese mahãdu kai bityhynykre iõsÿnÿ biywinykre. ⁴ Iriõredikeki, iriõredikeki, juhuu iriõre bierynanyke imahãdule õbitimy biwiõhenanyke idi watxireri. Kia dori Deuxu dee awire. ⁵ Wytese mahãdu ixisohojilemy rasÿnymyhÿre iriõrekõkeki, Deuxu-ribi aõna aõna riraõmyhÿre. Deuxu dee sõwemy rexitõenymyhÿkemy. ⁶ Kia tahe wyteseõ òraruna luukeki kia tahe irulemy ratximyhÿre hãre rubu rare. ⁷ Tximòtxi, kia bede ywina tahe rewahinyreri urile wytese mahãdu òwe òweõmykremy bibedeerynanykre. ⁸ Inyõ juhuu tasÿreny dee idi aõna aõna tajoi dee kanawyõkeki, tii ityhydÿÿdukõdu mahãdu ratyre rabinare. Tii ityhydÿÿdu mahãdu wese aõkõ dotÿÿnymyhÿde. ⁹ Wytese tÿmyrani tyyriti-ki iritidÿÿõmykre 60 ibedraõkeki. Tule tii sohojihyyle roire hãbumy. ¹⁰ Tule tii aõna aõna wihikÿ riwinymyhÿre, tariõre ritybieny, taroraludu-ò awimy raremyhÿ, ityhydÿÿdu mahãduwa risuhõmy raremyhÿ, aõhõkÿtyhytyhymy rotÿÿnymy rare mahãdu riwiõhenanymy raremyhÿ. Aõu aõu heka iny witxira riwiõhenanymy raremyhÿ taworana bedehesi-di. ¹¹ Wytese tÿmyrani heka tyyriti-ki iritidÿÿõmykre. Hãbumy herimy rõhõtinyinmyhÿre wana, tai Kristu-ribi tõhõti rosamyhÿre. ¹² Tarybe ywidÿÿna riywinyõlemyhÿre, tai iurenana tahe tuudÿÿdumy Deuxu-ò ratximyhÿre. ¹³ Hetomy rawerywerynymyhÿre kia urenana urile raujõmomyhÿre aõna aõnalemy. Aõ heka riwinyõlemyhÿre. Kia ratyre bina tahe tuu rybenanamy aõkõ rybebinamy rarybemyhÿre. ¹⁴ Kia heka wadee awire wytese tÿmyra hãbumy roikre, rariõrerenykeki, tule taheto riywinykemy. Kia wese iõludu inydeereny aõna aõnabinamy rarybeõhÿkÿkre. ¹⁵ Wyteseõ dori Satanasi hemy roire. ¹⁶ Wyteseõ ityhydÿÿdusÿ-ki rarekeki, tii heka riwiõhenadÿÿ rÿikre. Kiawese dohodÿÿdu mahãdu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

¹⁷ Matuari ityhydÿÿdu mahãdu iny rityhytyhynykre. Dohodÿÿna mahãdu aõmydÿÿnana òbitimy retehemy ratximyhÿÿkeki, ratyhytyhynykre. Inatyhytyhywityhymy kowa òbitimy relyymyhÿre tule rybe wihikÿ rierynanymahãre kia heka raòwywikre. ¹⁸ Tai tahe raritidÿÿmy roimyhÿre: —Broreni maixòmotyre iwysydÿÿmy rariamyhÿu, ury ratòbònyòtyhy ibyre lau. Tule ròritidÿÿmy roimyhÿre:

—Mobo raaòmysÿdÿÿmyhÿre, tii heka iny riòwynymyhÿre.

¹⁹ Matuari mahãduò iny tuu raujòmokeki, tuu arityhynyòtyhyke. Tuu lobixidu inatxi ada inataòkekile, aratyhydÿÿkre. ²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijò iny ruberumy rÿimyhÿkremy. ²¹ Adee ararybekre. Deuxu, ÿjureny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi ròhòtynyòtyhy. Tiiemy wiwese weselekemy rÿikemy. ²² Uritere rybe-di tÿnydÿÿdu tÿmyra juhu biurihike idi tahe debòtidina-di biteònyke rybe tÿnydÿÿmy. Kawese aòkòkeki heka hàbu òrarunamy tuudÿÿdukremy òsana mabekre. Aõmydÿÿnana tiiemy òbitimy biwynymyhÿ. ²³ Bee sohojilemy aòkò biòkre urihimyòmy vÿimy biòkre. Kai dori awo ibinareriki tiiemy tuu abinareri. ²⁴ Ijò òraru aòwesele iny kanatÿnykre, bedeluura aòwesele kòdòhònykre. Ijò òraru taheka idile kanatÿnykre. ²⁵ Ruxetòenawihikÿ iwesele rare. Ele tii raeryòtyhy idi tahe iny rierymyhÿre.

6

¹ Ibutumy wetxuò tawedu rityhynykre. Tawedu rityhynyòkeki heka Deuxu nibinarybemy iny rarybekre. Tule ityhydÿÿdu eryna binamy rarybekre. ² Weduò ityhydÿÿdukeki, kia heka ire ratyhydÿÿmyhÿke tule aònityhymy tamy aòmysÿdÿÿkre. Tii dori ityhydÿÿdu seriòre wese rare. Kia dori taaòmysÿdÿÿnyteri ityhydÿÿdu widee. Kaiboho ixideerenyle wiluukemy. Kia tule bierydÿÿnykre.

³ Inyò erydÿÿna witxira ròerynanykeki kia òbitimy aòkò Jesuisi Kristu Rybewihikÿ wese aòkò ratxikeki, ⁴ kia hàbu ixiwede rare, aò rieriyòlere. Kia hàbu urile dÿÿraxidÿÿ luure. Kia dÿÿraxidÿÿ-ribi ibutumy rybe jei jei ròhònymyhÿre. Iribi tahe tule rexinaanymyhÿre, raujòmomyhÿre, rexiwodohonanymyhÿre. ⁵ Raruimyhÿre. Kia ibutumy rotÿÿnyrerí, hàbu tòhòtina òweòwere. Inatyhyna-ribi kia hàbu tòhòti rosare. Ityhydÿÿdureki tii ròtakemy ixidi ratximyhÿre. Kiamy heka ròhòtinymyhÿre. ⁶ Inatyhymy ibutumy heka tai iny aòtyhydÿÿdu-ki taaò-di teysakreki. ⁷ Aò kabede-ò iny ixihemy diwyòhydenyde inatyhymy heka rukururenykre tule aò ixihemy kabede-ribi rikiwyòtyhyrenykre. ⁸ Iny tydirenkeki, iny rÿsÿnadirenykeki, urile reysarenkykre. ⁹ Tahe inyò ityhymy ixidikeki, tii òraruna-txi resekre. Kia heka iny rexiburemy, rexibinanymyhÿre, tule rexiraykyitxÿtenymyhÿre. ¹⁰ Inyò nieru luukeki, tii aò òta òta òraruna-txi resekre. Kia-di heka iny sòwemy ityhydÿÿdu mahãdu-ribi ròhònyra aòhòkÿmy rotÿÿnyrenyre.

¹¹ Kai Deuxu ijoi tate. Ibutumy kia-ribi bexiemy mabekre. Uritere ityhymy ixidi nohòtiòmy tahe awimy mabekremy mohòtynykre. Deuxu wiwese, ityhydÿÿdutyhy wese, Deuxuluu wesemy. Tiiemy heka òbitimy atximahãke, ywimy ainytyhymy atximahãke. ¹² Aõu aõu òbitimy atximyhÿkemy maruronyke, umy tuedekònahakÿ bitakemy, kai tule inatyhy rybemy tarybete inysòweko-ò, Deuxu dori adee rarybere juhoo. ¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴ Kaheka warybe rare: Kai heka bede ywina bityhynyke aò bede ywina tyyriti òraru-ki aòhe botÿÿnyòtyhy. Biraòke Inyweddu Jesuisi Kristu dehemynyna txuu. ¹⁵ Tiutxukremybo Deuxule kedexitÿnynykre, tii deysana wedu rare. Tii sohojile heka lòlòmy rare. Ibutumy lòlòweddu rare. Ibutu wedu wedumy rare. ¹⁶ Tii sohojile heka tiu ruruòhy rarekre. Tii irehetyhymy loosònawo-ki rasÿnymyhÿre. Tiimy heka inyò tuu robiòtyhyre. Inyò tiu iòhòmy tamy rehemynyòtyhy. Tamy rikiwodeysanyrenkykre. Tiòhe aõu aõu taruru-di ratximyhÿ.

¹⁷ Kai marybekre iaõdi mahãdu-ò uritere ta aõna aõna-di rexiwowydynyõtyhy, iaõna aõna dori rõiõhyykre. Tahe Deuxule rityhynykre. Tii dori ibutumy aõna aõna wiwihikỹ inydeereny riwahinyre. ¹⁸ Tii aõna aõna wihikỹ inydeereny riwahinymyhỹre. Iaõdi mahãdu uritere aõwihikỹ-di ijõ-ò rawiðhedỹnykre. Aõu aõu røwirareamyhỹke iny-ò.

¹⁹ Kia wese tiiboho ributunyrenykre. Aõna aõna wihikỹ biu-ki awimy idi rarekre. Tule umytuedekõnahakỹ tiiboho ritarenykre.

²⁰ Kai Tximòtxi, aõbo adee rawahidỹre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydỹre kia heka inatyhy aõkõ rare. ²¹ Inyõ kia aõ erydumy ixi-di nohõti-ki, rexitara ityhydỹdu mahãdu-ribi. Deuxu deysanamy adee ratximyhỹkemy idi watxireri.

2 Tximòtxi-ò Paulo Inatxina Tyyriti Tximòtxi-ò

¹ Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxudeewireki wahe. Jesuisi Kristu juhuu rarybere, umy tỹmyra tuedeõna inydeereny kidiwahinykremy. Tii kia wedu rare. ² Kai Tximòtxi, wariòre waluunadu wesemy atximahãte. Kia tyyriti adee ariwahinykre. Wiðhedỹyna, ruxetòena, ywina, Deuxu Inytyby-ribi, Jesuisi Kristu Inynyrỹ-ribi adee kedehemynykemy watzireri.

³ Deuxumy reàlãreri iwese wahabohomy reàlãre wese. Wanohõti Deuxu-ò ywile jiarỹ rare. Aõu aõu adee, Tximòtxi, rexitòenymahãre. Txuõ txuõlemy, ruwana Deuxu-ò rexitòenymahãre. ⁴ Iu rareu, arube-ribi wanohõti rosaõhyymyhỹre. Arora-ò arakemy watzimahãre, wadeysatyhymy ararekemy. ⁵ Atyhydỹyna-ribi wanohõti rosaõtyhy. Alahi, Lòide, juhuu rityhynymyhỹre. Idi adi, Eunisi, tule rityhynymyhỹre. Kai tule wiji tetyhynymyhỹte inihe. ⁶ Kia dorihe itxi õhõti reijaranyreri. Wadebò tahe aratityre retidireu, arayky-ò Deuxu aõ riwahinyre awahisidỹyna wesekremy. Wiji kia arayky woludu rõrõra wana biixixanyke. Kia dori Deuxu wahisidỹyna rare. ⁷ Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bedeerydỹyna riwahinyra. ⁸ Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹyna-ò aõhõkỹmy rokotỹnykre. Deuxu dori inydee ruru riwahinymyhỹre. ⁹ Tii heka iny ritarenyre biu-ò hena riwahinyre wahe. Tai taaõmysỹdỹyna inydee diwahinyde. Iny awirerimy rareki aõkõ inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde. ¹⁰ Kia ruxetòena wijile rehemynyra inydee. Jesuisi Kristu iny tarasadu kia diwyde. Tii rubunale riixãwididỹnyre. Biu-ò hena Rybewihikỹmy kia ritỹnynymy diwyde. ¹¹ Riware tarybemy rybedumy. Rybedumy riwateònyre, tule bedeerydỹdukemy riwateònyre. ¹² Tai judeukõdu mahãdu òraru-ki aõhõkỹmy ratỹnynmahãre. Ihãrele tahe raixỹruõlemahãre. Rexieryre dori tii retyhynymahãre. Reeryre dori tii ruru dire waaõmydỹynana tamy retidire iyrubudỹmy kiatsu-ò. ¹³ Waòbiti rybe biywinyke juhuu kia wamy taholate, ityhydỹyna-dí. Biywinyke luuna-wana. Jesuisi-ki tahe luuna tyhy rare. ¹⁴ Timybo Deuxu adee diwahinyde, biyrubunyke. Deuxu Tyytybytyhy dori inywo-ki ratzireri.

¹⁵ Ibutumy kabede ludu Asia ludu riwarira. Fikelu ijõnire. Erimojini tahe ijõre. Kia tahe kai teeryte. ¹⁶ Inynyrỹ ruxetòena kidiwahinykemy watzireri Onisiru sỹmahãdu-ò. Tii dori aõu aõu riwawiòhenanyre areysakemy. Tiu riixỹrudỹnyõtyhyre wawomati reroti-di jiarỹ ranyreriki. ¹⁷ Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare. ¹⁸ Iny Iòlò ruxetòena tamy kidiwahinykemy watzireri kia txuu. Efesu hãwã-ki dori Onisiru riwawiòhenanytyhyre. Kia teeryte waratyremy.

2

¹ Kai tahe wariòre wese tate. Jesuisi Kristu làhàna-ribi ruruna bitake. ² Aõbo wary-ribi taholatemy iny sõweko-ò relyyreu, kia ijõ iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywitxira ribedeerynyrenykre. ³ Waaõhõkỹmydỹynana wawana tuu botỹnykre. Jesuisi Kristu soldadowihikỹ-wesemy kai mabeke. ⁴ Soldadoõ tadinodu aõmydỹynanale rityhynymyhỹre. Tii ixideewimy rarutaaõtyhy. ⁵ Ijesudu ijesu ritake òbitimy resukekile. ⁶ Oworuwidỹdyle juhuu suribi bederaty ritamyhỹ. ⁷ Aõmybo wiji raryberadi mohotinyke, raweseranyreki. Inyìlò ibutumy araerynanykre. ⁸ Jesuisi Kristu rubu-ribi ixixadu-txi õhõti reake. Ihetxiu Davi Jesuisi labiemy raremyhỹ, iwese inyrybewihikỹ rarybere wese. ⁹ Rybe wihikỹmy

relyyreki dori womati reroti-di rataamy aõhõkõmy ratõyõnyreri, aõbina widõyõdu wesemy. Deuxu rybe tahe, inyõ ritaaõtyhy. ¹⁰ Ibutumy reòludunymahãre ityhydõyõdu mahãdu dee, Deuxuhõrõ dee. Kiaboho Jesuisi Kristu tarasanamy ritakemy idi watzireri. Tarasana, làhàna aõu aõu ritakemy idi watzireri. ¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke. ¹² Inyboho rikityhynyhyrenykeki, tii-wana riòlõnyrenyke. Inyboho Jesuisi rikitxiõnyrenykeki. Tii tule iny ritxiõnykre. ¹³ Iny rikityhynyõrenykeki, ihãrele tii ityhyhyumy rarekre. Tii rexitxiõnyõtyhy.

¹⁴ Iny nohõti kia-txi reakemy biwisõnyke. Tamy marybeke ujõmohyõmy rarekemy. Ujõmo tahe wiðhedõyõna aõkõ rare. Ujõmo-ò ijohonadu urile ujõmodumy relekre. ¹⁵ Kai tahe marurunyke Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexiixõrudõyõnyõtyhy. ¹⁶ Rybe òweòwemy rybedu-ribi irehemy bexieke, rybebina-ribi tule. Kia rybedu urile raòrarunihikõmyhõke. ¹⁷ Kia erydõyõna reurõmyhõre yjy wese. Imineu, Filetu-wana kia wese rierydõyõnanyre. Kia rybe inatyhy-ribi rexihitxinyre. ¹⁸ Tii rarybemyhõre: — Iny ixixana dorihe reara. Kia rybe-di ityhydõyõdu wimy uriurile rityhynyre. ¹⁹ Deuxu hõrõ tahe inatyhymy rõirakre. Kia tahe urihixina rare: —Deuxu tahõrõ mahãdu rierymyhõre.

Ijõ tahe:

Inynyõyõ ijoimy iximy rybedu, òraruna heka riatykre.

²⁰ Ityhy mahãdu hetonihikõwo-ki womati tõiõyõyõhõkõhõna, pratahyna sohojile aõkõ rõire. Òwòruhyna, suhyna tule rõire. Hynaõ tahe rõsõnawihikõ hyna rare. Ijõ tahe rõynysi-di dehuna rare. ²¹ Kia hyna wese iny rõira. Ijõ rõynysihyna wese rõikeki, idi rexisuhokeki, rõsõnalyralyra wesemy reurõke. Tawedu-ò awimy rõike, tawedudeewimy. Tai tahe aõ wihikõhynamy rexiywinymy rõire. Kai tahe iwesele mabeke. ²² Kai ijoiyõ tõiõmyra tate, amahãdu òraruna-ribi bexiekemy; ixi-ribi aõ-di rõhõtinyreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitõenyke òbiti mahãdu-wana. ²³ Erysydõyõna itxõtemy wiribi rybeõmyke. Kiaribile ujõmo rõhõnymyõhõre. ²⁴ Deuxu deòdu raujõmonyõtyhy. Tii tahe iny ibutu dee ywimy risõnymyõhõre, erydõyõnamy rexihumy ihõmyhõre. ²⁵ Ywina-di riòbitinyreri iny ixitxiõdõyõna mahãdu. Tii heka riraòreri Deuxu worahõresena tamy riwahinykemy. Idi tahe inatyhymy rierykemy. ²⁶ Tule itxõte-ribi ròðsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3

¹⁻² Bededõyõnana konanamy bededõyõnana sirahakõ kõnyikre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinohõtidiõyõnyõmyhõke. Rybetyhyhõkõyõlemy iximy rarybekemy ratxikre. Ixidee awihikõyõlemy rõhõtinkykemy ratxikre. Rybebinalemy rarybemyhõkre. Tyby ise-wana riwinyõhyõmyhõkre. Inyõ-ò aõmy reallãhõmyhõkre. Òbitiry rityhynyõhyõmyhõkre. ³ Iny-ò tuuna ihoõhyre. Inyõ ibiòwamy rareõtyhy. Aõbina binalemy inymy relymyhõkre. Rexiywinyõhyõmyhõkre. Reburehekõ rariamyhõkre. Òbitimyno ibinahyymy rarekre. ⁴ Iny deòsadõyõdumy rarekre. Ixilunadumy rarekre. Ywimy aõkõ rarekre. Iwisõdõyõna luuhyymy rarekre. Deuxu tahe tuuõkre. ⁵ Òbitimy risõnymyõhõre wese tahe òbitiruru ritxiõnyõmyhõke. Kai, Tximõtxi, kia iny-ribi irehemy mabeke. ⁶ Kia hãbu tahe hetoõ-ò ralõmyhõre. Hãwyy uri uri rõira xiwedeõ-ò òrarulõxina-di ralõmyhõre. Kia tawisõdõyõna-di rierynanyõmyhõre tarybewiwidile, tahe hãwyy rityhynyõmyhõre. ⁷ Kia hãwyy aõu aõu ròerykemy ixidi rõhõtinyõmyhõre, urile tahe inatyhyna tiu rieryõtyhy. ⁸ Iwese ihetxiu Ijãni, Ijãbri-wana Moisesi òludumy rõire wese. Wiji tule kia hãbu inatyhyna òludumy rare. Irayky rawerynyre. Ityhydõyõna-di deòsanamy rõimyõhõre. ⁹ Tiu tako-ò raõtyhy, iitxõtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese. ¹⁰ Kai, tahe waerydõyõna-ò taholahyõmahãte. Iwese raremahã wese tiwaheludunymahãte. Watyhyna teerymahãte, wadeybina, waywina,

waluuna, waixiòlòdÿÿna. ¹¹ Aõu aõu inybinahakÿ wadi riwisÿnyreri, tule aõhõkÿmy ratÿÿnyreri. Kia ibutumy teerymahãte. Kia wade rotÿÿnymy rÿire Atxiòkia hãwã-ki, Ionio hãwã-ki, tule Listra hãwã-ki. Aõwixira wixiramy aõhõkÿmy ratÿÿnymahãre. Wanyrÿ tahe ibutu-ribi riwatare. ¹² Inyõ òbitimy ratxikeki Jesuisi Kristu-ò, tii aõhõkÿmy rotÿÿnykre iòraru-ki. ¹³ Hãbu bina bina rabinahykymy rarekre, tule hãbu inatyhy aõkõ rabinahykymy rarekre. Inyõ tiiboho riitxenanykre, tule tiiboho inyõ kidiitxenanykre. ¹⁴ Kai tahe aõbo teeryte, kia-di mohõtinyke aõbo tetyhynmahãte-di. Tahe tiribibo teeryte, õhõtikile idi mabekre. ¹⁵ Uladuribile teeryte Deuxu Tyyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhynykekile kÿnyhe. ¹⁶ Ibutumy Tyyritityhy Deuxu elewesenamy nade. Bedeerysyna urenana heka rare. Òrarudu òbitidÿÿna heka rare, ibutumy riòbitinykemy. Tule aõbo awihikÿmy raremy rierynanykre. ¹⁷ Deuxu deòdu dori òbitile rÿirakemy. Aõwihikÿ widÿÿna aõbo dori rexihulemy rÿirakemy.

4

¹ Deuxu, Jesuisi Kristu kiaru-ki arãteònykre. Jesuisi Kristu dori rubu mahãdu iru mahãdu-wana wiribi rihitxinykre, tii taòlõna kaò kidiwykre. ² Belyyke Deuxu rybemy, inydee awikeki, tule inydee awiõkeki. Ywina-di iny biòbitinyke. Iny biwiòhenanyke. ³ Bededÿÿnanabina kanakre. Kia txuu erydÿÿdu òbiti-ò roholaõhyyre. Erydÿÿdu ributunykre tamydeewimy. Iwese iny tõhõti nohõtijuty-ò rotÿÿnymyhÿre wese tamy wimy aõna aõnaòle roholamyhÿkre. ⁴ Inatyhyerydÿÿna-ò roholaõhyymyhÿre. Urile ihetxiu ijyyòle roholakemy ixidi ihÿre. ⁵ Kai tahe ywimy maraykynyke. Ibutumy aõhõkÿmy botÿÿnyke. Deuxu Rybewihikÿmy belyyke kia tahe aõmysÿdÿÿnare Deuxu adee riwahinyre. Idi hyylemy mabekre. ⁶ Iny riwawahinyke xiwena wesemy rubu-ò. Waixituededÿÿnana heka rehemynyreri. ⁷ Ijesu wihikÿwesemy tahe rexijesudÿÿnyre wese. Rekonananyra heka waumy ijera. Retyhynyhyra tahe ityhyna. ⁸ Òbitiwidÿÿna raheto wese wadee rexihumy roire. Wanyrÿ, ywisidÿÿdu òbiti, riwawahinykre kiatxuu. Jiarÿ sohojiòle aõkõ. Tahe tule iraròsòdu mahãdu-ò. Jesuisi dehemynyna luumy kia mahãdu roimyhÿre. Tamy tule rataanaò raheto wese riwahinykremy.

⁹ Wylemy inihe waroramy manake. ¹⁰ Dema riwarira Tesalonia hãwã-ò rara. Tii bede aõmydÿÿnana luure. Kalatxia bede-ò Kresetxi rara. Dalimasia bede-ò Txitu rara. ¹¹ Luka-wanale waxireri. Tahe kai Marku bididykre, wawiòhedÿÿdu wihikÿmy rarekemy. ¹² Txitxiò heka Efesu-ò reteònyre. ¹³ Kai tahe manakreu warahana bididykre. Troaji hãwã-ki Karpu heto-ki tahe warahana rerire. Watyyriti tule bididykre tyyriti welÿte tule nohõti losaõtyhymy. ¹⁴ Alexÿdre womati loresedÿÿdure warybe dibinanymyhÿde. Wanyrÿ iòwdÿÿna tamy kidilidikre riwabinanyreki. ¹⁵ Kai bexiekre kowa-ribi, inyrybe dori rityhynyõhyymyhÿre. ¹⁶ Juhuu dinodu-ò rewyònyreu inyõ riwawiòhenanyõhyyre. Ibutumy rirahure waribi. Aõbo wabinamy riwinyre-ribi Deuxu tõhõti rosamy waxireri. ¹⁷ Wanyrÿ tahe, riwawiòhenanyra Deuxu rybemy rybe-ki. Iny wixira dori, judeukõdu mahãdu roholamyhÿre. Leaõry-ò, wadi rehukõra. ¹⁸ Wanyrÿ tule riwatakre ibutumy aõmydÿÿnana bina bina-ribi. Kowa bede wihikÿ-ò riwadykre. Tuu rekeàlàkre aõu aõu bededÿÿnana roobymy. Kie.

¹⁹ Warybe wehityyna Prisila-ò, Akila-ò biõkre tule Onisiru sÿ mahãdu-ò. ²⁰ Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinamyhÿreki. ²¹ Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijõre. Tule ibutumy ityhydÿÿduseriòre rybe wehityyna adee riwahinyreri.

²² Wanyrÿ awana ratxikemy watxiwãhãre. Tule làhàna umy-wana ratxikemy wtximãhãre. Kie. Paulo

Txitu-ò Paulo Tyyriti Txitu-ò

¹ Jiarỹ Paulo rare. Deuxu deòdu rare. Jesuisi Kristu riwamyre inatyhyna aritỹnynykemy. Kia tyhydỹyna, Deuxu tarasana mahādu hõrõ rare. Kia ityhydỹyna dee inyõ rierykeki, rityhynykeki, Deuxu deewimy tii rarekre. ² Umytuedeõnahakỹ iny riraõmyhỹre. Deuxu dori tuu rarybere ihetxi bedeu. Deuxu heka tiu raruiõtyhy. ³ Ibededỹynana õbiti dehemynydeu, Deuxu aõmydỹynana rarybekemy rotỹnyre. Kia aõmysỹdỹyna wadee Deuxu riwahinyre, iny tarasadurenymy rybe-õ. ⁴ Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariõre wesemy Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watrixeri.

⁵ Inyaõmydỹynana biõbitinykemy dori adee adiride. Kreta bede-ribi rõhõnyreu, dori waaõmysỹdỹyna rehuõre. Kia-ki dori kowa-di anaride. Ibutumy hāwā hāwā-ki ityhydỹydu mahāduy-ribi kai matuari mahāduõ bimyeke. Iwese jiarỹ rarybere wese kai bimyeke. ⁶ Matuari õbiti bimykre. Matuari ihāwyy sohojiõ rỹira bimyeke. Inyõ ityhydỹydu myriõrenadule bimyeke. Iriõre iõraruluukeki, iehehekeki, kia hābu bimyoke. ⁷ Ityhydỹydu mahādu yrubudỹydu õbitilemy dori ihỹkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysỹdỹykre. Ixidile nohõtidu mynyõmy. Hābukyara rybebyby, mynyõmy, vỹ luudu aõkõ, hābu aõbinaluudu aõkõ, hābu ityhymy nohõtidu aõkõre. Kia mynyõmy. ⁸ Iny inatyhyle, õbiti luunadule, taroraludu-õ awire mahādu, iny aõwityhy luunadule, ixiwedule, Deuxu rybe tyhydỹydu, kiale bimykre. ⁹ Deuxu rybe-di kia hābu õbitimy rõhõtinkyre, õbitityhylemy rierynanykemy. Inyõ ierysydỹyna rityhynyõkeki, erydỹydu irayky riywinykre tai ihewo-ribi rieryke, rityhynykemy. Tule iny iwitxira erydỹyna-di rarybemyhỹreki, tii riõbitidỹynke.

¹⁰ Iny sõwemy inatyhymy rityhynyõreri. Tii dori aõna aõnalemy rarybemyhỹre, ityhydỹydu mahādu riitxenanyhỹkemy. Kia mahādu-ribi, judeu mahādu ibutu ratyre kia aõna aõnany rotỹynymyhỹre. ¹¹ Inyõ kowa mahādury riyrykemy tamy rarybeke. Iny sõwemy heka riitxenanyhỹre. Òbitimy aõkõ heka iny rierynanyhỹre. Nieruõle heka iny rierynadỹynymyhỹre. ¹² Kowa mahāduõ, ierydỹyduõ rarybera:

—Inyboho, Kreta bedeludu mahādu, ibutumy ruidu roire. Irõdu brebuna wese iny roire.

Inyboho heka teoruxere roire. Byrelemy inyboho rõhõtinyinymyhỹrenyre.

¹³⁻¹⁴ Aõmybo kahābu rarybera heka inatyhy rare. Urenana tahe arurumy rityhynykemy. Judeu mahādu ihetxiu ijyy-ribi tõhõtireny rosakemy kai marybeke. Hābu mahādu bede ywina rityhynyõkemy. Kia hābu dori inatyhyna aõkõ rityhynyre. ¹⁵ Òbiti mahādu dee ibutu õbitire. Ityhydỹydu mahādu-õ aõ aõkõ õbitire. Tõhõtinareny dori aõbina binalemy rõhõtinyinymyhỹre. Aõu tii rexeryre aõbinahakỹ riwinykemy. Deuxu-ribi tõhõti rosare. ¹⁶ Tiibohe rarybemyhỹrenyre: —Deuxu inyboho reeryrenyre. Tiibohe tahe Deuxu erydu wesemy aõkõ aõna aõnany rotỹynymyhỹrenyre. Tiibohe iny riojinyrenyre rybemy reõbyõlemyhỹrenyre. Aõwihikỹ widỹy rieryõrenyre.

2

¹ Kai, Txitu, aõerynawihikỹdibo bierynanyhỹke. ² Matuari mahādu kai bierynanyke hābu ixiwedu mahādulemy roirelemy, ywimy nohõti wydynadu mahādu roirekemy, õbitilemy rityhynykemy, ibutu õbiti luukemy, iixiraterkemy. ³ Senadu mahādu tule bierynanyke iyrubumy rỹikemy iujõmoõmy rỹikemy, tule vỹ luuõmykemy. Aõerynawihikỹdibo bierynanybenykemy. ⁴ Hāwyy tỹmyra hābumy heridu tỹmyra tahābu luukemy, tariõre luukemy, kia senadu mahādu rierynanykre. ⁵ Tuu iyrubumy rỹikemy, õbitimy raraykynymy rỹikemy, taheto riywinymy rỹikemy, awimy rỹikemy, tahābu rybe riywinymy rỹikemy. Kia wesekeki, Deuxu rybemy inyõ ibinamy rarybeõtyhy.

⁶ Weryrybò mahādu tule bierynanyke iyrubumy r̄yikemy. ⁷ Kai, Txitu, aōna aōna wiwihik̄my bot̄ȳnykre, tai tahe ityhyd̄ȳdu mahādu awesele aōna aōnamy rot̄ȳnykre. Kai bierynanykeu, òbitilemy inatyhymy bierynanykre. ⁸ Arybe òbitityhyd̄ile bierynanykre. Tai tahe aòludu raix̄rukre aōmy dori umy rarybeōtyhy. ⁹ Kai bierynanyke urideòdu mahādu tawedu rityhynykemy. Tamy awimy raaōmys̄d̄ȳnykemy. Tamy heka ròrawyòd̄ȳōtyhykemy. ¹⁰ Rawasinyke aōkōre, ibutumy òbitilemy riwinykemy. Kiawesekeki, ibutumy Deuxu inyтарасadu deewimy riwinykemy. ¹¹ Deuxu taeryd̄ȳna-di taluuna ibutumy iny-ò rexideòsinyre. Taluuna tahe inyтарасana-ò rehemynymy raremyh̄y. ¹² Kia heka iny tuu robikeu, awimy eryd̄ȳna rahake. Riwaerynanymy h̄y aōbina bina wid̄ȳmy tule òbitina-di yrubud̄ȳna-di iny rariakemy kabede-ki. ¹³ Tule iny riraōmyh̄yrenyky iny Deuxu wihik̄y iny тарасadu Jesuisi Kristu loosònatyhywo-ki kedehemynykre. ¹⁴ Iny òwymy dexiwahinyde iny òraru òwyd̄ȳrenymy. Kiawese heka iny riwyre idi riratisebenyre iny ijoi lyrahak̄y ixidee rimyre. Kia ijoi iluure.

¹⁵ Kai, Txitu kia aōna aōna inyko belyyke. Tai Deuxudeewimy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matxibenyke.

3

¹ Kai ityhyd̄ȳdu mahādu ixi bitōhōt̄ijeranyke ibutumy hāwā dinodu, bede dinodu rityhynykemy, tabede ywina rityhynykemy. Tule aōmys̄d̄ȳnana wihik̄y riywinykemy.

² Modee heka ibinamy rarybeōtyhy, raaōbinanyōtyhy ywimy rarekemy, moheka iehehemy riywinyōmyh̄y. ³ Inyboho heka tule iehehe roiremyh̄y, iitx̄temy roiremyh̄y, òraruluunamy iny riitxenanymy roiremyh̄y, òtaluumy roiremyh̄y. Aōbina bina luumy iny witxira aōna aōna-di wii ris̄ynymy roiremyh̄y, wideramy roiremyh̄y. ⁴ Tahe Deuxu iny тарасadu luuna, ruxetòena-wana inydeereny dehemynydeu, tii kia-ribi iny ritarenyre. ⁵ Kia aōna aōna wihik̄y iny riwinyrenykeki aōki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwat̄ymyranyre Tatytybytyhy-di. Umyt̄ymyra riwahinyrenyre, riwasuhòrenyra. ⁶ Tatytyby inydee riwahinyre Jesuisi Kristu iny biu-ò hedureki. ⁷ Kiawese iny riwaòbitinyrenyre taluuna-di. Katahe inyboho umytuedeōna ijōdire. ⁸ Kia heka inatyhy rare. Ka aōna aōna bierynanytyhykeu, tahe wadee awikre. Kia wese Deuxu ityhyd̄ȳdu mahādu aōwiwihik̄ylemy rōhōtinymy h̄yke tule rewiny myh̄yky. Kia heka awire. Kia iny riwiòhenanymy h̄y. ⁹ Ȳraxina itx̄yte kai r̄ȳraxid̄ȳōmy, iwyd̄ȳōmy, rybe jei jei-ribi irehemy mabekre, tule lahi òraru rybe-ribi. Kia rybe aō aōkō rare. Awi aōkō rare, iny riwiòhenanyōtyhy. ¹⁰ Hābuō rybe òwe òwe-di ityhyd̄ȳdu rierynanykeki, aruru rybemy tamy marybeke. Kai inatxi rybemy marybekeki, tii rexìòbitinyōkeki, tahe uritere aōna aōnamy tamyd̄ȳōmy. Tii òrarudu dori ratximyh̄y. Hābu òbiti aōkō. ¹¹ Tiile rieryre tuud̄ȳdumy ratximyh̄y.

¹² Jiar̄y, Txitxiò, Atema-wana aòrysomy ariteònykre. Niòpòli hāwā-ò wadee manakre. Kowa aras̄nykre ibutumy biu bedeu. ¹³ Zena, bede ywina eryd̄ȳdu, Apòlo-wana kai it̄yinareny-ò biteònylebenyke aōmybo tamy biwahinymy h̄yke. ¹⁴ Bierynanyke iny aōmys̄d̄ȳ wihik̄yky rot̄ȳnymy h̄yky. Kia wese aōbo rauhenyreri tamyreny ijōdikre. Tai riwiòhenanykre.

¹⁵ Ibutumy kaki jiar̄y-wana iny rybe weityhyna adee rewahinyrenyreri. Warybe biwahinyke ibutumy inyluudu ityhyd̄ȳdu mahādu-ò ibutumy adeereny Deuxu deysanamykre. Kie.

Filemo-ò Paulo Tyyriti Filemo-ò

¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoiõ rare. Tule ityhydỹỹdu mahādu-ò rewahinyreri, aheto dohodỹỹna ijoi-ò wahe. ³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watxireri.

⁴ Deuxu-ò rexitòenyreu, atxi, Filemo, wanohõti reamyhỹre. Tai umy rarybera. ⁵ Kai dori Jesuisi tetyhynyte, inyiòlò luummy, ityhydỹỹdu mahādu luummy atximahāte. Kia-ò raholamyhỹre. ⁶ Tule rexitòenymahāreu kiamy jiarỹ rarybemahāre. Kai iny witxira-ò Deuxu aõmydỹỹnanamy belyykeu, Kristudeewimy bierynanyke. Kia inydeereny rexitòenyre Deuxu-ò. ⁷ Jiarỹ wadeysatyhyreri, kai dori aluuna iny witxira dee ratximyhỹre. Kia heka deysana nihikỹ ityhydỹỹdu mahādu-ò rare, tii riwawowesenymyhỹre.

⁸ Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare. ⁹ Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰ Wariòre wese dee rexitòenyre. Onesimo wariòre wesemy redyreri Kristu tyhydỹỹna-ò waribi umy wese kaki ròtenawo-ki rare. ¹¹ Tiu heka adee riwahinyõmyhỹre tii dori juhū awiòhedỹỹdutyhy aõkõ rare. Wijile tahe iny diwiòhenanymyhỹde adee wadee tule. ¹² Tii adee reteònyreri. Ixyby araðkesedỹỹnyreri. Kai ixi-ki bimyke wawesemy, wadee dori tii awityhy rare. ¹³ Jiarỹ dori ixideele remyõre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴ Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkõ. ¹⁵ Onesimo heka aribi irehemy rexijere ijõ bededỹỹnana witxirau, tahe wijile tiemy abrysimykre. ¹⁶ Juhū wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire. ¹⁷ Kai wabiòwakeki, tii birybenyke iwese tiwarybenymyhỹte wese. ¹⁸ Aõ adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwynykre. ¹⁹ Kai waòraru-ki ityhydỹỹdumy atximahāte. Kia tahe adee tuu ararybeõthy.

²⁰⁻²¹ Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyre biwinykre. ²² Ijõmy adee arexitòenykre: wasỹ waherina aheto-ki biwinykre. Deuxu-ò bexitòenykreki, tai jiarỹ aõhe-wana adeereny aròðsekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki), ²⁴ tule Marku, Aristarku, Dema, Luka-wana rexihityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

Hebreu-ò Tyyriti judeu ityhydÿÿdu mahādu-ò

¹ Juhuu Deuxu inytybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sōwemy aōna aōna witxira witxira rarybere tamy. ² Tahe ikonana wiji txuu inydeereny tariòre diteònykemy rarybera. Tii rarybere tybyderòwmy. Iriòre tahe ibutummy aōna aōna wedu rare. Deuxu iriòre kia rarekemy rarybere. Tii tule juhuu bede widÿÿdu rare. ³ Tii Deuxu loosōna tÿnydÿÿdumy ratxireri. Deuxu wesehyymy ihÿmyhÿre. Iriòre, taryberuru-di, ibutummy aōna aōna rimymy roimyhÿre. Iny òrarunareny riixāwididÿÿnymy rahudi, biu-ki Iòlò Deuxu ruruna weribi ronyre. ⁴ Iriòre ranire niwihikÿmy. Tii dori ÿjuratyre awityhyre. ⁵ Tiu heka ÿjuò-ò rarybeòhyymyhÿre: —Kai wariòre tate. Bohyymy wiji wāhāre. Ijō ritidÿÿmy rÿire, kawesemy: —Jiarÿ tybymy ararekre. Tii wariòremy rarekre. (Kia tahe ÿju-ò tii rarybeòhyymyhÿre.) ⁶ Iriòredela kabede-ki reareu ixityre ijōmy rarybere: —Ibutummy Deuxu ÿju tuu reālākemy. ⁷ ÿjumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeòduboho heòtyloosòwesemy retxienyre. ⁸ Tahe tariòremy kawese rarybere: —Wariòre, Deuxulemy atxiteri. Kai ibutummy inyiòlòhyymy rare. Aruru tuedeōna debōna dire. Wiwesemy nonana-di ibutu-ò atximahāte, òbitimy. ⁹ Òbitinaluumy kai atximahāte òraruna deramy tahe atximahāte. Tai tahe Deuxu, aDeuxu amahādu ratyre awimy teleta adee riwahinyre deysana. ¹⁰ Ijōmy Deuxu rarybere tariòremy: —Kai Wanyrÿ juhuu bede widÿÿdu tate. Bede ibutummy tewinyte. Tule biuludu aōmydÿÿnana tewinyte. ¹¹ Kia bede aōmydÿÿnana ludu ibutummy rexihukemy. Kai tahe tiu atuedeōna. Iwese uwòhi retybyre wese, kia aōna aōna retybyke. ¹² Tule wesirahana rawerasemy roimyhÿre wese ibutu tyy retybymyhÿre, rawitxiradÿÿmyhÿre. Kai tahe ixiwesehyy ahāte. Abede dÿÿnana tahe tiu itueòtyhy. ¹³ ÿjuò-ò Deuxu tiu rarybeòmyhÿre: —Bodonyke waruruna weribi. Aòludu mahādu ako-txi resemyhÿkemy. Eòdumy rarekemy. Kiamy tahe tariòre-ò rarybere. ¹⁴ Ibutummy ÿju mahādu Deuxu deòdu rare tyytyby wesemy rare. Deuxu diteònyde ityhydÿÿdu mahādu wiòhedÿÿmy tule ibutummy biu-ò hedu mahādu wiòhedÿÿmy.

2

¹ Tai tahe, waseriòreboho, ityhyna rybe-ò rokoholarenyreki, tamy tahe rikimynrenykre rikityhynrenykre. Tai tahe iribi tiu ròkòirenyòtyhy. ² Ibutummy ÿju rybe inatyhymy raremyhÿ. Ibutu òrarudu rimyre aòhòkÿmydÿÿnana-ò irybe riywinyòreki. ³ Kia inatyhy rare. Tarasana rybe wityhy-ò rokoholarenyòreki, timybo inyboho rik-iòlònyrenyke. Kia rybe wityhy Wanyrÿ Jesusile juhuu inydeereny relyyre. Idi tahe, ijohonadu mahādu tuu rarybere tule. ⁴ Deuxu irybe myna rotÿÿnyre, ròbedeòbydÿÿnyre tai ròbedeòtiidÿÿnyrenymy tai Deuxu ruru ritÿÿnyre. Tule Deuxu Tatytybytyhy iaòwidÿÿnamy ixideewimy inymy riubÿtÿnyre.

⁵ ÿju-dee aòkō bede riwahinyre-kia iòlòmy rarekemy. Jesusi-ò kia riwahinyre. ⁶ Juhuu inyō rybe txiòdÿÿnamy rarybere: —Ritina-ki kia rybe roimyhÿre: —Aòbo heka hābu tyhy riòre rare? Tii aō aòkō rare. ⁷ Ijō bededÿÿnanaō Deuxu riòre ÿju-ribi tyhymy aòkō ihÿre. ⁸ Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihōrō aòkō òsana rare. Ibutu rurudu wese aòkō iny ruereny-ki rÿire. ⁹ Tahe inyboho Jesusimy robirenyre. Tiile tuu ihÿre. Urihimyò bede aōmydÿÿnana bedeu ÿju-ribi tyhymy aòkō Deuxu tii relere aòhòkÿmy dÿÿnana rimykemy. Tahe rurure. Rubu riurihire inyderòwyrenymy. Tai tahe rataana raheto wesena Deuxu tamy riwahinyre deàlāna-wana. ¹⁰ Deuxu riwinyre ibutu aōna aōna ixidee. Tii kōkeki, bede ihoòhyymy roike. Tii ityhydÿÿdu mahādu ridymyhÿre taloosònasy-ò, taijoimy. Tai tahe Jesusi aòhòkÿmy rotÿÿnyre Deuxudeewireki. Tarasana wydydumy heka wityhymy Deuxu

delede aõhõkõmy rotõyõnyreki, tai awityhymy rõhõnykemy tarasadudikemy. ¹¹ Òbiti widõyõdu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixõruõlemy Jesuisi seriõremy rininire. ¹² Ritina-ki rarybere: — Ani aritõnynykre waseriõreboho-ò. Dohodõyõna heto-ki àlanawiu-di adee ariwiunykre. ¹³ Ijõ Ritidõyõna-ki rarybere: Tii arityhynyhykre. Ijõ: Kakile wahe watzireri, tule roire wariõre Deuxu diwawahinyde. ¹⁴ Iwese ibutumy inyummy wiwesele roire wese, tule Jesuisi umyõ rimyre, inyummy wesele, tai inywesemy rurukremy. Tai tahe rubu dinodummy rahaananyre, Diabo wahe. ¹⁵ Kia rubu mahãdu lau ruberumyhyõre mahãdu, ibrebu iribi ritare. Kia mahãdu dori rububrebu deõduhyummy ihõrenyre. ¹⁶ Yõju aõkõ ritakemy namyhyõde, Abraõ riõre riõre ritakemy namyhyõde. Tahe wiji tule ihõre. ¹⁷ Iseriõre wese hyummy roirekemy ihõrenyre. Tii dori Deuxu Xiwena widõyõdumy rarekemy inydeereny tai ruxetõena wahidõyõdu òbiti tii ihõre. Ibutumy iny òraru òwydõyõnamy rõimyhyõkemy. ¹⁸ Ibutumy ixiradõyõna mahãdu tii riwiõhenanymyhyõre, ibutumy ixirana-di aõhõkõmy rotõyõnymyhyõreki.

3

¹ Tai tahe, waityhydõyõdu seriõreboho, bohولاتyhyke Jesuisi rybe-ò: —Kaiboho dori tule bimbybenykemy biu bede aõmysõdõyõna. Jesuisi iny ityhydõyõna Xiwena wahidõyõdu wedu tyhy rare tule inatyhyna deõdõyõna tyhy tii rare. ² Deuxu tii riwinyre Xiwena wahidõyõdu wedumy. Tai tahe tii òbitimy riwinyre Moisesi riwinyre wese Deuxu sõmahãduy-ki raaõmysõdõyõnymyhyõre. ³ Jesuisi-ò tahe sõwemy wowydyna rawahikremy. Moisesi wowydyna ratyre rawowydynanykemy. Hetowidõyõdu iny riwowydynymyhyõre, hetoratyremy. ⁴ Ibutuheto iwidõyõdu dire. Ibutu widyydu tahe Deuxu rare. ⁵ Moisesi Deuxu heto-ki òbitimy rybe riwinymyhyõre teõdu aõmysõdõyõnanamy. Tai tahe teõsidõyõna ririre ijesenareki. Deuxu rybe tõnydõyõdu tahe Moisesi rare. ⁶ Kristu tahe Deuxu sõmahãdu wedu rare Deuxu riõre rareki. Inyboho Inynyrõreny-ò rõkõtõyhydõyõrenykeki tuu rokoirekre. Tai iny brebutererenymy iny rarõsõnareny inatyhymy rakatximyhyõrenykeki tahe Deuxu ijoi inyboho roire. ⁷ Kiawesemy tahe Deuxu Tyytybytyhymy narybede: —Wiji tahe tamy bohlabenyke aworeny iõlududõyõrenyõmy. ⁸ Judeu mahãdu wesemy aõkõ boibeke, tybyboho wesemy aõkõ wahe boibeke. Tii boho dori tamy raujõmomyhyõre bedero-ki Deuxu riurihirenyre. ⁹ Deuxu rarybere: —Aõbede wiwihikõ rewinyre hãre, alabiereny riwaitxenanyrenyre tamyreny watzireri iny inatxiwaitue beõramy aõbedewiwihikõ riraõmyhyõre. ¹⁰ Tahe Deuxu rarybere: —Waky reamy tamy wãhãre. Tiu heka wawana ratxiõhyummyhyõre ryõbiti tamy retõnynyre hãrele. Tawo-ki teõsahyummy ratximyhyõre. ¹¹ Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralõõtyhy. ¹² Bexiijebenymy waseriõreboho uritere awo-ò rõtedõyõmy raykyitxõtena. Kia òraru-ki aDeuxutyhy-ribi irehemy bexilõhõrarienyheny aDeuxu tyhy dori irumy ratximyhyõre. Tii inatyhy rare. ¹³ Txuõ txuõlemy wii biõbitinybenyke. Òraruna dori itxenadõyõdu nihikõ rare. Tai tahe wiji kiamy botõyõnybenyke. ¹⁴ Deuxu rikityhynyrenyhyummy rakatxirenyke. Irybe rikiywinyrenykemy rakatxirenyke iwese juhu rityhynyrenyra wese. Kia wesekeki, Kristu leinamy rakatximyhyõrenyke. ¹⁵ Kiawesemy tahe Deuxu Tyytybytyhymy narybede: —Wiji tahe tamy bohlabenyke aworeny iõlududõyõrenyõmy. Iwese ihetxiu mahãdu riwinyre wese aõkõ boibebenyke. ¹⁶ Timahãdubohe roholare Deuxu rybe-ò iribi tahe wimy raõludure. Kowa Egito bede-ribi doimyhõde mahãdu roire. Moisesi tamahãdu-wana doimyhõde. ¹⁷ Mobohe Deuxu kyaradõyõdure 40 wyra sõwe. Kia mahãdule bederahykile rexihure raõrarunyreki. ¹⁸ Moõbo Deuxu rarybere taelehyna bede-ò ralõõtyhymy? Rybe ywisidõyõdukõdu mahãdu-ò rarybere. ¹⁹ Inyboho tuu rieryrenyre. Rirõnyrenyõremy rityhynyõrenyreki.

4

¹ Deuxu juhoo rarybere: —Inyõ taelehynabede-ò ralokremy. Inatyhymy heka aõmybo

rarybere rÿire. Inyõ òsana kaibohoõ tamy rehemynyõtyhy rityhynyõmyhÿrenyeki. Tai tahe bexityhynymyhybenyke kia-ò. ² Inydeereny tahe Rybewihikÿ tÿmyra ròhònymy roimyhÿre, iwese Moisesi mahãdu-ò ròhònyre wese. Tamyreny tahe awityhymy aõkõ tamy ròhòtinymyhyre rityhynyõhyymyhyreki. ³ Deuxu tyhydÿÿdu mahãdu ralòke taelehyna bede-ò. Deuxu dori rarybere: —Jiarÿ inatyhymy anarybede. Iny rityhynymyhyrele tamy ralokre. Deuxu kiamy rarybere: —Taelehynabede tamy rewinyre xiery juhoo bededÿÿnana rewinyroireu. ⁴ Inyboho rierymyhÿreny tii riraòmyhÿremy Ritidÿÿna roireki: —Deuxu taelehyna-ki ele rihynyre debòinatxixu bededÿÿnanamy. Taaõmysÿdÿÿna ibutumy rahure aõbo riwinykemy idi raremyhÿ riwinyre. ⁵ Ijõ rybe tule kia-wana roire: —Tiu ralòòtyhy waelehyna bede-ò. ⁶ Tuu heka Deuxu rarybere inatyhy raremy. Ijõ mahãduõ ralòmyhÿre Ijõ mahãduõ ralòrenykre. Moisesi mahãdu tahe ralòõre Deuxu rybe riwinyõreki. ⁷ Wiji bededÿÿnanamy heka Deuxu rarybereri. Kia rybe rare iwese Davi rarybere wese: —Wiji tamy bohobabenykeu, aworeny iòlududÿÿrenyõmy. ⁸ Josue ridyre Moisesi mahãdu Suwitxiraõ-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihÿre. Wijina ròtena bededÿÿnanamy Deuxu rarybemyhÿre. ⁹ Tai tahe Deuxu mahãdu dee elehynasu bede roimyhÿre. Deuxu elehynatxu wese heka rare, iwese Deuxu debò inatxixu-di rexielehynyre wese. ¹⁰ Iwese Deuxu raelehynanyre wese raelehynanyre inyboho taaõmysÿdÿÿna-ribi, inyboho rukururenykre. ¹¹ Awityhymy rokoireke tamy rikirònyreny kemy tule. Rekeixijerenyke. Deuxu rybe rikiywinyõrenykeki iwese judeu mahãdu wese rikirònyrenyõtyhy. ¹² Ibutumy Deuxu inydeereny rarybere iruru dire. Iwese mayrehe wiòtxureemy rÿrira wese Deuxu rybe rare. Inyrayky wydyna riòròmyhÿre, òhòti wydyna-wana. Mayrehe rayky riraynymyhyre aõmybo inyrayky Deuxu ibutumy rierykemy. ¹³ Ibutumy Deuxu rierymyhÿre inyraykyreny. Iny Deuxu-reny irumy ihÿre. Ibutumy aõna aõna tamy itÿnyhÿkÿle rare. Aõ heka iwasi aõkõ tamy rare. Ikonanau ilau ibutumy aõhebo iny rotÿÿnymyhyreny rikitÿnyrenykre.

¹⁴ Jesuisi Deuxu riòre iny xiwenadÿÿdu tyhy rare. Tii rare biu-ò iny wiòhedÿÿmy. Tai tii rikityhynyrenyhyymyhyke. ¹⁵ Tii iny aõkõnareny rierymyhÿre; ixiradÿÿna rierymyhÿre tai iny riruxetòenyre. Tii kabede-ki tiu heka raòrarunyõhyre, ixiradÿÿna hàrele. ¹⁶ Tai tahe rekexiterenymy rekexitòenyrenyke iny iòlòreny rynana-ò. Tai tahe ruxetòena sòwemy inydeereny kidiwahinykre. Bedeòbyna kidiòkre tuu rokorurenykre.

5

¹ Hãbuõ Deuxu rimyre xiwena widÿÿdu mahãdu wedumy rarekemy. Tii ibutu iny deròwumy Deuxu-ò rybedumy raremyhÿ. Tii iny uriònosõna Deuxu-ò riwahinyre. Tule òraruna brò-ki xiwena tamy riwahinyre. ² Tii dori hãbu rare tamahãdureny-ò dori ywina-di ixi-ki ratxireri iòrarureny rierymyhÿreki. Imahãduõ ibedeeryõre ijõ tahe reòsamyhÿre tiiemy aõna aõna bina riwinyhyymyhyre. ³ Tai tahe xiwena riwahinyhyymyhyre tamahãdu òraru-ki tule ixiòraru-ki. ⁴ Inyõ ixideewimy aõkõ xiwenawidÿÿdumy raremyhÿ Deuxudeewi xiery tahe tuu rareke. Deuxu tamy rarybemyhÿrekile tahe tuu rÿike. Iwese Araõ-ò Deuxu rarybere tuu rarekemy. ⁵ Tahe Kristu tule reximyoõhyre xiwena widÿÿdu wedumy rarekemy Deuxu tuu rimymy rarybere: —Kai wariòre tate wijile kai inihe anataru. ⁶ Ijõ ritina-ki ijõ rÿire: —Kai xiwena wahidÿÿdu atximahãte urenana. Xideki xiwena wahidÿÿdu wesemy atximahãte. ⁷ Jesuisi kaki raremyhÿu hãbu wesemy irubertynymy rexitòenymy reàlamyhyre. Rahinymy riajuamy Deuxu-ò rarybere. Tii heka Deuxu rityhynyre tai tamy roholare. ⁸ Deuxu riòre heka tii rarehãrele tahe aõhòkÿmy rotÿÿnymyhyre. Tai tahe ròeryre rybe ywidÿÿmy. ⁹ Tii heka raòbitinytyhyre. Tai tarasana widÿÿdu rÿimyhÿre iywidÿÿdu ityhydÿÿdu mahãdu dee. ¹⁰ Deuxu dori tii rimyre xiwena wahidÿÿdu wedu rÿirakremy Xideki wesemy.

¹¹ Sòwemy tuu adee ararybekemy watxireri. Urile adee isirare ierysyna, teeryõhyymy taholamahãte. ¹² Kaiboho ihetxiu tetyhynytenyete. Tahe inyõ

bibedeerynybenyke. Ihāre tahe teerynanyōhyymahāte. Ihyemy texiōkesedỹnyta tai tahe inyō anaerynanykemy adi ratxireri timybo ityhydỹdu-ki tatemahāy. Juhuu erydỹna wahe. ¹³ Tohouā howỹtòdu weselemy atximahātenyete, ityhydỹdu aōmydỹnana teerytyhyōmahātenyete, rybeerysydu òbiti aōkō atximahātenyete. Kaiboho taumynyōmahātenyete iwese ityhydỹdu mahādu rỹirawesekemy. ¹⁴ Deuxu erysynatyhy inyummy rỹsỹna wesemy roire. Aōbinahakỹ aōwihikỹ erysyduòle kia rỹsỹna roire, tiiboho dori rierymyhỹre aōbo awire aōbo ibinare, tuu rotỹnyrenyere aōbo awireki.

6

¹ Tikiemy juhūu Kristu rybetyhynamy araerynanymahāre. Rekexitōmonyrenyke. Iwixira erysyna rikeryrenykeny. Tai tahe rakaumynyrenyke ityhydỹdu tyhymy ityhydỹdu rurudỹna-di. Inyō rarybemyhỹre. Iny raòbitinymy ratxike xiery iny ratakemy ihỹre. Kia aōmydỹnana reerydỹnanyōkre tahe. Iny rityhynymyhỹkekile iny ratake. ² Ratisebenamy heka anaerynanyōkre, tule debòlidisinamy, tule rubu-ribi ixixanamy, tule bede konana ritxuakre txummy ibutummy heka tuu ararybeōkre. Tii heka juhūu erydỹna rare. Kaiboho dori teerytenyete. ³ Wanyrỹ dee wikeki tahe iwixira erysyna heka ariwiuronykre. ⁴⁻⁶ Inyō biu-ribi loosòna wāhidỹna riurihimy ritakeki. Deuxu Tytybytyhy aōmydỹnamy ijō ritake wana, Deuxu rybe riurihike wana, kowa bede wihikỹ ruru rieryke wana. Tii ibutukeki tahe Deuxu-ribi tahewo-ò dòdsede inatyhyna ririre. Isiratyhyhyre ixityre ròte taòraruna Deuxu-ò relyyōtyhy. Tii dori Deuxu riòre ixityre itxeònihikỹ-ki ritidire, inyru-ò ritidire ibinamy rarybemyhỹre. ⁷ Biu heka suō risebenymyhỹre. Òwòruty iribi ritxuhudỹnymyhỹre tòbòròdỹdu-ò. Aòratybo raratynykeki tahe Deuxu bedèòbydỹna kia rare. ⁸ Tahe edeweweju kidiwahinykeki, awiòre heka inydee kia sumy ibinamy rarybere. Urile roomyhỹre. Kia suu tahe iny ityhyna ririre mahādu wese rare.

⁹ Kiawese jiarỹ urile rarybereri. Ihārele tuu aōkō umyreny rahòtynyreri. Inatyhymy rahotynyreri kaiboho aō òbiti tewinymahātenytemy. Iwese tarasana mahādu wesekemy kaiboho ahātenyete. ¹⁰ Deuxu dori òbitityhy rare. Kaiboho tamy taaōmysỹdỹnihikỹmahātenyete tai aribireny tòhòti rosaōtyhy. Iwese Deuxu-ò aluunareny teteòsinyta wese ityhydỹdu seriòre tewiòhenanytenyete ihāre tadi-wiòhenanymahāte. ¹¹ Wiluu hyemy boibeke bede dỹnana konana-ò. Tuu raruhyymahāre. Tule iny raròsònareny-di mohòtynybenyke. ¹² Tai tahe ityhydỹdu aōmydỹna irisirenyōmy boibeke. Òbiti widỹdu iele ele aōkō rare. Rityhynyreri Deuxu wahisidỹna ritakremy iwese Deuxu rarybereki. Kaiboho òbiti widỹdu mahādu wesemy ahābenyke.

¹³ Deuxu Abraò-ò rarybereu, inatyhymy ixideele rarybere. Inyō dori Deuxu ratyremy ratxiōmyhỹre. ¹⁴ Kawesemy rarybere. Deuxu tiemy ixirybe riwinyhyymyhỹre Inatyhymy anabedeòbnykre, idi anaixijuradỹnykremy tai ariokoreò rasòwekremy. ¹⁵ Tahe Abraò riraòmyhỹre, raeleeleōmy. Idi Deuxu tarybe myna rotỹnyre. ¹⁶ Inatyhymy aōmy inyō rexirybenykreu aōmy rarybekre. Kai tahe aō ijyy riixāwididỹnymyhỹre. ¹⁷ Deuxu tule ixidee rexirybedỹnyre inatyhy rybe-di. Tai rybe tarasadu mahādu rierymyhỹre Deuxu rawitxiranyōtyhy. ¹⁸ Inatxi aōmydỹnana iny rieryrenyere. Deuxu rarybere-wana tiu raruiōtyhy. Tai tahe inyboho inyaròsònareny rimymyhỹre. Iny ixiwòtena-ò ralòmyhỹre tarasana-ò ralòmyhỹre wese. ¹⁹ Inywo-ki inyrayky wiòhedỹdu ijòdire hāwòjurasa rimymyhỹre wese iny roire Jesuisi koludu wesemy inydeereny ralòmyhỹre wesirahana webòrò-ribi, Deuxusỹ wahe. ²⁰ Jesuisi juhūu ralore tai. Tai tahe Jesuisi Xiwena wahidỹdu wedu rỹihyykemy Jesuisi tahe Xideki axi weseò xiwena wahidỹdure.

7

¹ Xideki tahe Salē hāwā iòlò rare. Deuxu Tyhydỹdu Xiwe wedu rare. Abraò heka aōbina ritara. Xideki ròhònyre itxi reakemy, tahe ribedeòbyrybedỹnyre. ² Tai Abraò tamy riwahinyre ibutu aōbina aōmydỹna-ribi, debòwiò-ribi sohoji riwahinyre, Xidekini

tahe òbiti Iòlò rare iwitxira rybe-ki. Salē hāwā Iòlò tahe ywina nodu rare iwitxira rybe-ki. ³ Tybyõre, iseõre, isyõre. Tii heka itxu ròhònyõhyre tule bedekonanaõhyre. Tii heka Deuxu riõre weselemy ihyre. Tii Xiwena wahidyydu urenana ratxihyymyhre.

⁴ Kaiboho mohõtinybenyke timybo tii aõnityhymy raremyhdi. Abraõ inytybyreny tamy diwahinyde: debòwiò aõmydyyña-ribi sohoji tamy riõre. Iòlò taòludu aõbina aõbina aõmydyyña-ribi tamy riõre. ⁵ Xiwena wahidyydu mahādu Levi sýriòre mahādu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sýjioiluduõ tule roire. ⁶ Xideki tahe Levi sýjioiludu aõkõ rare. Ihārele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedyynyre. Abraõ juhū ityhydyydu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷ Bedeòbmy rybedyydu aõnityhy rare. Moòbo rarybemyhre ratyre aõnityhy rare. Ibutumy kia rierymyhre. ⁸ Levi xiwedyydu mahādu hābumy ituerenyre. Xideki tahe ruruõhy ihyre. Kia ritina-ki roimyhre. ⁹ Levi debòwiò-ribi sohojina tarasadu rare. Ihārele tahe Abraõ teròwmy debòwiò-ribi sohojina riwahinyre. ¹⁰ Levi dori natibienyõde, ihāre Abraõ-ki ratximyhre iu witxi Xideki-wana witxi reareu.

¹¹ Bede ywina rybe xiwedyydu mahādu-wana iny rataõtyhy. Tai tahe iwitxira xiwe wahidyydu inyboho rijemāhārenyde. Araõ ijoi ribi aõkõ nade, Xideki nade wese tahe Kristu nade. ¹² Xiwena aõmydyyñana rawitxirakeki, tule rybe bede ywina rawitxirake. ¹³⁻¹⁴ Inynyrre tahe Levi xiwewahidyydu mahādu-ribi aõkõ nade. Tii Juda mahādu-ribi nade. Tiiboho heka tiu xiwewahidyydu mahādu-ki riwìhedyyõhyymyhre. Moisesi dori tamy kia aõmysdydyyña riwahinyõre. ¹⁵ Kristu iwitxira xiwewahidyyduõ ròhònyre Xideki wesemy raremyhre. Tuu heka teerytenyte. ¹⁶ Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeõna-di nade. Kia ruru òraru-ki nade. ¹⁷ Rybe riti-ki rýire, Kristumy rarybereu: Kai xiwewahidyydu mahāduõ tate Xideki wesemy ahāte. ¹⁸ Aõmydyyña tyby rawitxiradyre awimy aõkõ dori rare. Irurudimy aõkõre dori rýire tarasana wìhedyymy aõkõ. ¹⁹ Kia iny riòbitidyynyre aõkõ. Wiji tahe raròsòna wihiký ròhònyre inydeereny Kristu dori Deuxu-ò inatyhymy iny ridymyhre. ²⁰⁻²¹ Deuxu rexirybedyynyre inatyhymy Kristu xiwena wahidyydumy rarekemy. Tahe iwitxira xiwenadydumy aõkõ kiawese narybede. Kristu-ò tahe Deuxu rarybere: —Deuxu rexirybedyynyre. Tiu rawitxiranyõtyhy arybe. Kai xiwena wahidyydu atximahāte urenana. ²² Tai tahe Jesuisi riòludunyre wijina aõmydyyñana tmyra. ²³ Xiwedū sōwekemy idi ròhõtinyymyhre, ijõ rurumyhreki. Ijõ tahe teròwmy ralõmyhre. ²⁴ Jesuisi tahe xiwena wahidyydu mahāduy-ribi ròhònyõtyhy. Kristu tahe aõu aõu ratxihyymy rarekre. Tai ixiwe òlòdyyñamy aõu aõu iweselemy rarekre. Ijõ-ò tiu raõtyhy. ²⁵ Tai tahe moõ Deuxu-ò Kristu-di kanakeki, tii tahe Jesuisi ritalekemy ratximyhre. Tii dori Deuxu-ò inydeereny rexitdenyhyymyhre.

²⁶ Tii dori iny deròwmy rarehyymy rareke Deuxu sýdee. Jesuisi biu-ki rononymyhre Deuxu-wana. Sýwihiký worana bedehesina-ki rononymyhre urenana. Tai tahe tii xiwenadydumy inyboho rurumyhrenyde. Tii òbiti rare, tyrare, iòraruna-ki aõkõ, òrarudu mahādu-ribi hitximy. ²⁷ Xiwena wedu txuõ txuõlemy xiwena diwinymyhre juhū taòraru hetydyyñamy riwinymyhre idi tahe ibutumy inyòraru hetydyyñamy riwinyre. Jesuisi kia Xiwena wedu wesemy aõkõ ihyre. Tii xiwena wahidyydu mahādu-ribi lahixi rare. Sohojihy dori xiwenamy rexiwahinyre rubu-ò ikonana xiwena wahe. Tii txuõ txuõlemy aõ rubu xiwe wesemy riwahinyõre, iwese iwitxira xiwedyydu riwahinyre wese. Juhū taòraruna òraru-ki raxiwenyde idi iny òraruna òraru-ki raxiwenyde. ²⁸ Bede ywina hābule ritidire xiwena wedukremy. Hābu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riòrele tuu risnyre, tii òbitityhyreki.

8

¹⁻² Kiamy heka jiarre rarybere. Kia awese iny xiwena wedu ijõdire. Iòlò tarynana-ki rononymyhre. Jesuisi tahe Deuxu rurunana-ribi ronyre. Iheto-di itxeredu tahe Jesuisi

rare. Deuxusyle iyrubudÿÿdu rare. Kia hãbu aõkõ riwinyre Deuxule riwinyre. ³ Kristu iheto raroowo-ki Deuxu deewina riwinymhÿre. ⁴ Kristu kabede-ki ratxikeki tii xiwena wahidÿÿduõmy aõkõ ratximyhÿke. Kabede ludu dori bede ywina rybe riritinymhÿre wesemy riwinymhÿre. ⁵ Tiiboho biu aõmydÿÿnana wesemy urihimyoõemy aõna aõnamy rotynymhÿreny. (Deuxu Moisesi-ò riteõsinyre aõwesemybo tealàna heto-ki raremyhÿ. Tai tahe Moisesi riwinykemy timybo riteõsinyre wesemy hãwãlò ratyy-ki riteõsinyre.) ⁶ Kristu tahe iwitxira aõmysÿdÿÿna iaõmysÿdÿÿnare. Bede õtiidÿÿna urenana heka Kristu aõmydÿÿnana ròimyhÿre bede ywina widÿÿdu aõmydÿÿnana ratyremy ihÿre. Kristu tahe bede ywidÿÿna tÿmyra riwinyre Deuxu iny-wana heka widee rilorore. Deuxule rarybere tahe juhoo-ribi awityhyre irybe. ⁷ Juhoo bede ywidÿÿna awi aõkõ rare. Awikeki tahe ijõ tÿmyraõ ròhònyõtyhy. ⁸ Deuxu dori ihetxina-ki tamy awimy aõkõ ihÿre. Kawesemy dori rarybere: —Txuõ kanakreu tahe, bede ywidÿÿna tÿmyra aritobinykremy Juda sÿmahãdu-wana judeu sÿmahãdu-wana. ⁹ Bede ywidÿÿna tÿmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidÿÿna tÿmyra-ò rieryõre. Tai riywinyõre bede ywidÿÿna. ¹⁰ Kiawese bede ywidÿÿna tÿmyra rarekre, Wanyrÿ Deuxu rarybere: —Wabede ywina irakywydyna-di ariritinykre iwo-ò aritidikre wabede ywina. Jiarÿ iDeuxumy ararekre, tule tiiboho wasÿ ijoimy roirekre. ¹¹ Kia txuõ rahukredi tahe ibutumy riwaerykre tasõmo-wana, tanihikÿ-wana. Tiu wii rierynanyõtyhy Wanyrÿ Deuxumy. ¹² Ruxetõena tamy ariwahinykre taðrarutedenamy. Iòrarureny ibutumy wanohõti iribi rosakre. ¹³ Bede ywidÿÿna tÿmyramy Deuxu rarybereu, ihetxina retybyra raseruserunyra. Taita awiõra heka.

9

¹ Juhoo bede ywidÿÿna-ki bede rybe ritina rÿimyhÿre Deuxu-ò dealàna timybo rawahinykemy. Tule rÿimy raremyhÿ tykyheto bederahy-ki. ² Iwo-ki inatxi rareamy rÿimyhÿre. Juhoo irareasana-ki Deuxu iòhònasÿ heka inire iwo-ki tahe adÿÿ loosõna rÿimyhÿre. Tule tii paõ brebuna deòtena òwòrubesetyre-ki rÿimyhÿre. ³ Tyky ijòtòbõna hewo ludu rareasa tahe Deuxu sÿle inire. Òkòsy nihikÿ rihitxinyre ijõ-ribi. Tule tahe òwòruwodÿÿõ rÿire womati tÿrÿrÿÿhÿkÿle ihetyre. Iwo-ki tahe xiwena deòtena. Tai riwosinymhÿre tÿnyre reakemy. ⁴ Òwòrudÿÿrawo-ki tahe womati tÿrÿrÿÿhÿkÿ butxi riõre ibòbese-di rÿire, iro-ki ihina rÿire mana ta irybereny-ki inire. Tule Araõ hoju rÿimyhÿre tai ruhunymy raremyhÿ. Tule bede ywidÿÿna riti mana tyre-ki tai roimyhÿre. ⁵ Tule iratyy tyre-ki rÿimyhÿ ÿju ritxoo inatximy. Teubrorodile tahe riwòmymhÿre. Òwòru wodÿÿ ratòbõna tikibo Deuxu iny òraruna riixãwidÿÿnymyhÿre wahe. Tahe tuu rÿibeõnyrenykre kia aõmydÿÿnana tai rÿiremy. ⁶ Kia ibutumy rexihureu xiwena wahidÿÿdu mahãdu ralòmymhÿre juhoo rareasanawo-ki taaõmysÿdÿÿna tyhy widyymy. ⁷ Ihewoludu rareasana-ò iwedule ralòmymhÿre. Beòra bededÿÿnana sohojimy sohojile tamy ralòmymhÿre. Iròdu riwymyhÿre ihãlubu ritxiwikemy xiwenamy. Taðraru-ò iny witxira òraru-ò tule. Inyòraru-ki tii mahãdu aõna aõnamy rotÿÿnyrenyre rexierenyõhyylemy, kiabro-ki. ⁸ Deuxu Tyytybytyhy kia ijyy-di iny ribedeernymyhÿre. Juhoo tyky heto rÿireu, inybohoõ heka Deuxu iòlònasÿ-ò ralòmymhÿre. ⁹ Kia heka wijina bedeerny. Juhoo dori xiwena witxira witxira wahidÿÿna witxira witxira uriõno rare. Kia urile iwahidÿÿdu iwo iraky-wana riòbitinyõhyre. ¹⁰ Juhoo ludu aõmydÿÿnana bede ywinale rare. Rawitxirakekile tahe ròhònyke. Tii tahe rÿsÿna bede ywinamy rare, monatyhy bede ywinamy, aõna aõna surona bede ywinamy. Iny kia bede ywina ibutumy rityhinykemy rÿimyhÿre.

¹¹ Kristu dehemynde, iu tahe rawitxiradÿÿre. Kristu Xiwena wahidÿÿdumy ratximyhÿre. Tai tahe ibutumy rawitxiradÿÿmy roimyhÿre. Tii ralòmymhÿre tyyheto tÿmyra-ò. Itÿmyra tahe biu-ki rare. Kabede-ki aõkõ ihÿre; hãbu iwidÿÿdu aõkõ rare. ¹² Kristu ralore Deuxu Tyytyby sÿnawo-ò tahãlubu òrarukile ralore. Sohojihyyle ralore iny tarasanarenymy inydeereny riwahinykremy. Iròdu hãlubu-di aõkõ ralore,

broreni riòre-di aòkõ, budoeni hãlubu aòkõ wahe tahãlubudile. Tai iny tarasanareny rimyhyyre. ¹³⁻¹⁴ Juhuu budòe broreni Oriòre hãlubu-di raxiwenanyrenyre. Broreni bryby riubýtýnyre iny tyre-ki iaòsusu-ribi rahòkemy. Juhuu xiwena iny taòraru-ribi risuhòkeki, iratyre tyhy Kristu hãlubu iny risuhòke. Tai iny raykybina bina ritamyhýre tule inywo aò aòkõ rare, ritamyhýre. Idi tahe iny Deuxu irumy ratximyhýre dee wimyri kiwinyrenykre. Tii òbitimy ihýre iny dee rurureki. ¹⁵ Kristu tahe bede ywidýýna týmyra wedu rare. Tai tahe ibutumy bede ywidýýna týmyra mahãdu namyhýde ibutumy aomybo rarybere ritakemy. Tii dori rurure iny òrarureny dire-ki ihetxiu bede ywina aomydýýnana rýimyhýreu, tii rubu-ò rexiwahinyre. Tai inyboho òraruna-ribi rexitarenyre. ¹⁶ Inyò rurumyhýre-wana tii iny dee ritinaò ririmyhýre kia ritina rarybere: —Moòbo taaòna aona riwahinymy ririkre. Iny rururemyhýre xiery tahe, ritina awi rare. ¹⁷ Kia ritina aò aòkõ rare iwidýýdu tyhy irumy ratxikeki, rubumy roimyhýrele ritina aò rare. ¹⁸ Tai tahe juhUU bede ywidýýna ijõ hãlubu txiwixina dire. ¹⁹ Moisesi Deuxu bede ywina wahidýý rahudi, tii bede ywina tyre ritxiwire, iny ratytyre riubýtýnyre budoeni hãlubu-di broreni riòre hãlubu-di bewana riurinymy riubýtýnyre. Tule budòe siratykysò-di riubýtýnyre. ²⁰ Iu tahe tuu rarybere: —Kia bede ywidýýna týmyra hãlubu rare. Deuxu wadee rarybere kaiboho bityhynkemy. ²¹ Tule tykyheto-ki hãlubu riubýtýnyre deàlana aomydýýnana-ki ²² Bede ywina rybe ditýnynde ibutumy hãlubu-di risebenyre, hãlubu txiwixina ihoòkeki òraruna rexihuòtyhy.

²³ Kabede aomydýýnana biu aomydýýnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihýre. ²⁴ Kristu heka templo hãbu widýýna-ò ralòòre. Kia tahe inatyhy heto aòkõ rare. Biu-ò Kristu ralore Deuxuko-ki kia tahe isýtyhy rare. ²⁵⁻²⁶ Tii sohojihyyle heka rare iny òrarureny riixãwididýýnykemy rubu-ò rexiwahinyre. Xiwena wedu wesemy aòkõ ralòre. Kia xiwena wedu aõu aõu beòralemy hãlubu-di rara xiwemyhýre. Kristu tahe sohoji hyyle rubu-ò rexiwahinyre. ²⁷⁻²⁸ Iny rurumyhýre sohojihyylemy idi tahe Deuxu ywisidýýna hitxinatxu kanakre ibutu iny. Kristu rurure sohojile sówemy iny òraru ixityre riatykemy. Inyò tamy retehemy riraòmyhýre wana, tamy ixityre kanakre òraru ixãwididýýnamy iny tarasanarenymy.

10

¹ Juhu bede ywina rybe urihimyòle iny ribedeerynyre Kristu aomydýýnamy. Bede ywina itýnytyhymy aòkõ iny dee roire aomybo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyòtyhy xiwena-di reamyhýre beòra ihyymy aòkõ. ² Aòkòkeki beòra beòrau idi reaòtyhy. Aòkòkeki sohojihyylemy xiwena riwinykre. Sohoji bede dýýnanadile òrarureny rexihuke. Tahe aòkòre beòra ihyymy aòkõ xiwena-di reamyhýre. ³ Tai tiiemy òraru-di hyy heka ròhòtinymyhýre. ⁴ Broreni hãlubu, budoeni hãlubu òraruna rahuòtyhy. ⁵ Tai Kristu kabede-ò dehemynydeu, rarybere: —Deuxu, broreni hãlubu budòe hãlubu adee awimy aòkõ ihýre. Tai tahe waumy teywinymy ahãte axiwenamy aroikremy. ⁶ Kai heka awimy tai tahaòhyte iròdu hãlubu xiwena-ki òraru tuedenamy. ⁷ Tahe jiarý rarybere: —Betehe inihe waumy rubu-ò rewahinyraò iwese ritidýýna rybe roimyhýre wesemy, adeewina ibutumy arityhynkemy wahe. ⁸ Tai Kristu juhUU rarybere: —Deuxu, broreni hãlubu budòe hãlubu adee awimy aòkõ ihýre. Tai tahe waumy teywinymy ahãte axiwenamy aroikremy. Kai heka awimy tai tahaòhyte iròdu hãlubu xiwena-ki òraru tuedenamy. Kia rarybere bedeywina rybe hãrele. ⁹ Tahe ixityre rarybere: —Deuxu kakile watrixeri adeewimy ariwinykemy. Juhuu bitake xiwena ihewoludu ritidikemy, Kristu xiwena wahe. ¹⁰ Kristu rurure iny òraru-ki. Ixiwena sohojilemy rýire tuhyy ramyhýre Deuxu deewina wahe. Kabede ywidýýna tahe itýmyra ihýre. Tai tahe iny riòbitidýýny hyy rarekre. ¹¹ Xiwedýýdu txuò txuòlemy rixiwenanymyhýre. Tii tahe tiu inyòraruna ritaòtyhy. ¹² Jesuisi tahe sohojihyylemy òraru xiwena riwinyre. Iny òrarunareny riixãwidinymy rahudi Deuxu rurunawe-ribi ronyre, riwowydynymyhýreki. ¹³ Tahe Kristu riraòmy ronymyhýre. Taòludu ruru iribi ritakemy tawarawo-ò Deuxu

ritidikemy. ¹⁴ Jesuisi dori sohoji xiwehyy-di, iny riòbitidỹnyhyymỹhỹre. ¹⁵ Deuxu Tyytybytyhy tule kiamy rarybere. Kiawese ritidỹna roire: ¹⁶ —Kiawese bedede ywidỹna tỹmyra rarekre. Wanyrỹ Deuxu ijõmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷ —Idi ixityre rarybere: Ruxetõena tamy ariwahinykre iòrarutuedenamy. Iòrarureny ibutumy wanohõti-ribi rosakre. ¹⁸ Òraru wanohõti-ribi rosareu, idi rehureu, tiu xiwena rỹiõtyhy tuu rahukemy.

¹⁹ Katahe, waseriõre, rekexiuwaresemy rikirõnyrenykre Deuxusỹ-ò. Tamy rekexitõenyrenykeny Jesuisi hãlubu dejuxuna òraru-ki sohojile rikirõnyrenykre. ²⁰ Jesuisi dori rytỹmyra riraynyre Deuxu-ò wesirahana yra-di ralòkemy. (Iwese xiwedỹdu wedu ralòmyhỹre wese, inyboho wiji ralorenyke.) ²¹ Tule iny xiwe wahidỹdu nihikỹ ijõdirenny Deuxu heto-ki. ²² Tai rikitehemnyrenykre inraykytyhy ywinakemy inatyhynatyhymy òbitinatyhymy nohõtomy, rati betyhy ixãwina-di sebena-di inyumyreny. ²³ Inatyhyna rikiyrubunyrenyke inyaròsònareny wahe. Aõbo Deuxu inydeereny riwahinykeny rikiraòrenyke. Tii dori inatyhy rare. ²⁴ Tule widi røkõhõtynyrenyke wiluurenymy rakatxirenykeny wiwiòhedỹmy rakatxirenyke. ²⁵ Uritere ixihitxidỹõmy tamy beahyy rakatximahãrenyke. Ijõ dori dohodỹna-ò noderamy reamỹhỹre kia awi aõkõ rare. Inyõ ryrubi rexidòrarienyhỹkeki, tamy rakarybemyhỹrenyke kòdòòsekemy ixby. Inynyrỹtxu dori iòhòmny resera. Tai tahe sòwemy ròkòteòsidỹnyhỹke.

²⁶ Iribi inyboho inatyhyna ibutumy rierenyreny rahudi, tahe kia hãrele heka òraruna-di rariamyhỹkeki, òraruna xiwena roiõmyhỹre inydeereny iny òraruna tarasana wahe. ²⁷ Kia-ribi tule brebu rỹimỹhỹre Deuxu ywisidỹnatxu lau. Deuxu heòty ratyradỹdu lau ruberumỹhỹre. Kia Deuxu òludu rahukemy rỹimỹhỹre. ²⁸ Ruxetõena-di aõkõ inyõ rurure Moisesi bedede ywina riywinyõreki. Itxeredu inatxi ada inataõ-di aõbo raryberenykeny. Tai rirubunyre. ²⁹ Kia-di dori mohõtynybenyke. Inyõ Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aõhòkỹmy rotỹnykre ibutu ratyre. Inyõ Deuxu Tyytybytyhy ruxetõena aõ aõkõmy idi røkõtynyre ibinamy tuu rarybemyhỹre. Jesuisi hãlubu aõ aõkõmy idi røkõtynyre ibinamy tuu rarybemyhỹre. ³⁰ Deuxu kia rarybere: —Txiohe iny òwydỹdu jiarỹ rare. Inymy jiarỹle arexiòwynykre. Inyboho rierymỹhỹreny kiamy rarybemyhỹre. Tii kiawese rare. Tule ijõmy rarybere: —Inynyrỹle tajoi-di ywisidỹna-di riywisidỹnykre. ³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teerytenyete, awimy heka ahãtenyete. Kia-ribi õhõti losarenyõmy. Kristu òraru-ki aõhòkỹmy tatỹnytenyete. Ihãrele tahe Kristu-wana hyy toitemahã. ³³ Inyõ umyreny robireu, tai akireny rutxueny, tule akireny òhòte itamadỹnyre. Ityhydỹdu seriõre mahãdu inyõ aõhòkỹmy risỹnyre, kaiboho tewotõenytenyete. ³⁴ Inyõ ròtenawo-ò ridykeki tai tewotõenmahãtenyete. Inyõ ahõrõ-di rawasinyre, urile teysate. Ahõrõ dori iratyre sòwemy rỹimỹhỹre biubede-ki. Tai aõna aõna tiu rabinaõtyhy. Kia teerymahãtenyete. ³⁵ Uritere araròsõna-ribi awo xierysyõmy. Kai dori uriõno nihikỹ bitakre. ³⁶ Ywinihikỹ-di heka rokoireke Deuxudeewimy rikiwinyrenykeny. Tai aõwihikỹmybo Deuxu rarybere, rikitarenykre. ³⁷ Ritinamy tahe rỹire: —Txioke inihe. Urihimyò biraòke. Kia kanakre inatyhymy. Tii raroorehenyõtyhy.

³⁸ Waityhydỹdu mahãdu òbiti iruhymy rỹirake, riwatyhynyreki. Inyõ tahe ròðekeki tamy wadeysaõtyhy.

³⁹ Inyboho heka tahewo-ò òkòsedu aõkõ roire. Ityhydỹdu dori roire, iruhymy nodu, biu-ò hena mahãdu wahe.

11

¹ Aõbohe ityhyna rare. Aõna aõnaõ iny inatyhymy riraòmyhỹre, kia tahe ityhyna rare. Inatyhymy dori kanakre iny rierymỹhỹre, iny tuu robiõlemy. ² Ihetxina mahãdu Deuxudeewimy tuu ihỹre, rityhynymỹhỹreki. ³ Juhuu Deuxu aõna aõna bedede bedemy riwinyre. Iny inatyhy hynale kia rierymahãreny. Deuxu lobixiõna-di ibutumy aõna aõna riwinyre. Idi tahe lobixinamy ròhõnyre iny itxerenarenymy. Deuxu rarybere. Tai

tahe aõna aõna ritxienyre. ⁴ Taityhydÿÿna òraru-ki Abeli Xiweõ riwahinyre Deuxu-ò. Kaĩ xiwedÿÿna ratyre tamy riwahinyre. Abeli rityhynyrekile riwahinyre, tai tahe Deuxu reysare, òbitimy rareki. Tai ixiwedÿÿna Deuxu riwyre. Abeli tahe rurure. Ihãrele, iwese tii ityhyna-di raremyhÿ wese rokoireke. ⁵ Enoi tatyhydÿÿna òraru-ki tiu ruruõhyyre. Enoi Deuxudeewimy riwinyre tuu Deuxu juhuu rarybere. Aõwesele iõmy reare. Deuxu ridymy reare. ⁶ Inyõ ityhynaõkeki, tiu Deuxudeewimy aõ iwidÿÿõna. Inyõ Deuxudee iòhõmy ratxikeki, tii rityhynymyhÿke inatyhymy Deuxu-wana ihÿre. Deuxu dori tamy rexideòsinykemy ratxireri. ⁷ Noe tule ityhyna dire. Tii hãwò nihikÿtyhy riwinyre. Aõhebo rotÿÿnykremy robiõhyyre. Ihãrele tahe Deuxu rybe rityhynyre. Tai tahe tasÿ mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidÿÿnyre, ityhyna òraru-ki. ⁸ Abraõ tule Deuxu rityhynyre. Deuxu ijõ bede-ò diteònydeu, Abraõ irybe riywinyre, rare taijoi-wana. Deuxu tamy rarybere suõ tamy rihitxinykemy isÿmy. Tai Abraõ rexitare, rare ihãwã bede ierykõna-ò. ⁹ Ityhyna-di rasÿnyre kia bede-ki. Tyky heto-ki rahetonymyhÿre iwese ijõ bedeludu witxira mahãdu rahetonymyhÿre wese. Ibede rarehãrele tahe ihõrõmy aõkõ rõhõtityre idi tuu aõkõ rexinohõtityre. Tariòre Ijai, Ijaò-wana rasÿnyre. Tamy tule Deuxu rarybere iwese tyby-ò narybede wesemy. ¹⁰ Abraõ tahe hãwãò riraòmyhÿre. Deuxu widÿÿna hãwã biu ludu-ki. Kia hãwã Deuxu nohõtì-ribi nyide. Kia hãwã dori tiu rabinamy rejuxunyõtyhy ihetotira kyhyna direki. ¹¹ Sara ityhyna dire. Tai ruru dire uladusemy ronykemy ibeòra sòwere hãrele. Tii tahe rityhynyre tuu raryberemy. ¹² Sara iòhõmy irubu roire rasenadunyreki. Ihãrele tahe sòwemy rariòreriòrenyre. Iwese taina rudera wese, ÿnyra sòwewese.

¹³ Kia heka ibutumy rityhynymyhÿre. Idi tahe ituerenyre aõ heka rimyõre Deuxu rybe lidisinaõ. Ireheribile tuu robirenyre; reysarenyre. Tiiboho rarybemyhÿrenyre kabede ludu mahãdu aõkõ raremy, isÿreny mahãdu aõkõ raremy. ¹⁴ Tii heka rarunymyhÿre sÿwihikÿmy tai raerymyhÿre tuu rarybereki. ¹⁵ Tamy wikeki riòkeserenyra inihe tahe aõkõre, noderare. ¹⁶ Wiji tahe tii sÿwihikÿmy biu-ki rarunymyhÿre. Tii dori ijõ ratyre rare. Deuxu isÿ wihikÿ riwinyre tai tahe inyõ iDeuxurenymy rarybekeki, tai Deuxu tiu raixÿruõtyhy.

¹⁷ Deuxu Abraõ urihixina-di reareu riwahinyre Ijai xiwenamy. Tariòre sohoji riywinyrny rÿire xiwenamy rurukremy. Tii Deuxu rybena-ki iriòre rarehãre. ¹⁸ Deuxu dori juhuu rarybere: —Ariòre Ijai ariokoretybimy rarekre. ¹⁹ Abraõ rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abraõ dori rõhõtityre rawasenanyre. Ijai juhuu rubu-ribi ixixa wesemy reare, raumynyre. ²⁰ Iribi tahe Ijai tyhyna-di rarybere Ijaò dee, Ijau dee aõbo kabede-ò kanakremy aõwihikÿ wahe. ²¹ Iribi tahe tule Ijaò rarybere Jyje riòre dee, tariokoreboho-ò. Ityhyna-di rarybere. Ijaò iòhõmy rubu-ò ihÿre, òwòru-ò reximymy rariamyhÿre. Tahe òwòru-di rexilamadÿÿnyny rÿire rexitòenykemy Deuxu-ò, riwowodynyremy wahe. ²² Iribi tahe tule Jyje iòhõmy rubu-ò ihÿre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rÿikremy. ²³ Iribi tahe Moisesi reareu, tybyboho iseboho riwòrenyre inataõ ahãdumy tatyhynareny-di ihÿrenyreki. Moisesi itohouã ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuõhyyre. ²⁴ Moisesi raumynyre, Faraò riorerioresmy noderare tii tatyhydÿÿna òraru-ki. ²⁵ Tii heka tamywire Deuxu erydu mahãdu-wana aõhòkÿmy rotÿÿnykre. Urihimyò òrarumy reòwarike derare heka rare. ²⁶ Moisesi, Egito bede-ki aõna aõna wihikÿ rÿiramyhÿ derare. Iny tamy aõmy rarybehinamyhÿre. Tahe ibinamy rõhõtinyõmyhÿre. Kristu dori riraòmyhÿre, biu-ki uriòno idi rõhòtinymyhÿre. ²⁷ Moisesi Egito bede-ribi ròhònyre, ityhyna direki wahe. Ruberuõhyymyhÿre heka tii iòlò deburehekÿ lau. Iwese Deuxumy lobixiònadu iko-txi robire wesemy, ròhònyre. Tii tahewo-ò ròdseõhyyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beòra beòramy rarybere. Hãlubu ijò-ò ritxiwire. Tai ÿju heka iny riòre delareny rirubunyõre. Egito riòre delareny rurure tai. ²⁹ Iwese surubu tyre-di reurore wesele judeu mahãdu Ahobesò rawo-di reurore beòlemy. Iu Egito mahãdu

reuròkemy rareu, urile bee idi raratòbòre. Kia riwinyrenyire ityhydỹnadireki. ³⁰ Ijeriò hāwā mana òtity nihikỹ resere judeu mahādu rityhynyreki. Debò inatxi reurò txuummy hāwā rora-ki rariare tahe resere. ³¹ Raabe heka hāwyy uriuri ixidinodu rare, wedena wahe. Tahe Deuxu tyhydỹdukòdu mahādu rexihureu, Raabe ruruõre tatyhydỹna-ki. Bede-di itxeredu riwòreki.

³² Timybohe ijomy ararybekre? Wasirare heka ibutumy tuu ararybekre, sōw-ereki. Kideõ ijo, Barake, Sansaõ, Ijete, Davi, Samueli, tule Deuxu rybemy rybedu mahādu sōwere. ³³ Kaheka ibutumy riwinyre tyhyna-di. Ijõ iòlòhāwā-di rahỹnanyre. Òbitina riwinyrenyire. Ritarenyire aõmybo Deuxu rarybere. Leaõry dori rirarytxinyre. ³⁴ Rirònyre heòtywo-txi ihārele ruruõrenyire. Mayrehe rubudỹna-ribi rexitarenyire. Bina-ribi ixby rarurunyrenyire. Ijõ aõbina-ki irurudityhymy ratximyhỹre. Tai sōwemy aõbinadu iribi rahenyre. ³⁵ Tasỹõ rubu-ribi riixixanyre hāwyyõ rityhynyreki. Ijõ mahāduõ aõhòkỹmy dỹnana-ki tamy reare. Ixitarasamy ròhòtinyõhyre aõhòkỹmy dỹnana-ribi. Tii dori umytuedeõna wihikỹ-di rubu-ribi rexixakredi ròhòtinymyhỹre. ³⁶ Ijõ ityhydỹduõ idi rybe jei jeina-ki ratximyhỹre. Tule tai òhòte rỹire reruti òhòte-di. Tule ijõ womati reroti-di rataataare, ihyymy idi rehure ròtenawo-ò. ³⁷ Ijõ mana-di riwere. Ijõ sehòtxi-di riwetyaòròre, wiere riatyre. Ijõ mayrehe-di rirubunyre. Ijõ ityhydỹdu-ò budoeniy-di watxinityy-di idi rexitynyre, rama risarenyire, aõhòkỹmy risỹnyny inyõ tòtxi ririõhyre. Ijõ heka aõbinalemy tamy reare. ³⁸ Kia ityhydỹdu mahāduõ ibutu iny ratyre Deuxu dee wire. Kabeledudu ityhydỹdukòdu mahādu wese aõkõ tiiboho roire. Hāwālòm, bederahymy, hāloom, kia ibutumy bede-di rariamyhỹre iwese iny isỹkomy rỹire wese. ³⁹ Ibutumy iribi rakaraykynyrenyke tiiboho dori inatyhynarendireki. Tahe urile Deuxu rybe wahisidỹna ritaõmyhỹrenyire. ⁴⁰ Deuxu dori iny-ò riraõmyhỹre Kristu dehemyynyna wahe. Ihewo-ribi tahe kia inydeereny riwahinykre, wiwanahyyle. Tai tahe idi awityhymy iny ibutumy ròhònykremy.

12

¹ Sōwere inydireny itxeredu. Iny robirenylemy rỹirerimy ihỹre. Tai tahe tako-ò rekekoamyhỹrenykre. Deuxu dori inydeereny riwahinyre. Òraru iutxiere inykireny rỹire. Tai tahe rikiatyrenyke òraru ibutumy inyboho dori rimymyhỹrenyire. ² Jesuisi-ò sohojile reketehemynyke. Tii dori inatyhydỹna deledỹdu rare tule inatyhydỹna konanadỹdu rare. Jesuisi deysana kanakredile ròhòtinymyhỹrenyire. Tai tahe rahòtinymyhỹre. Tai tahe aõhòkỹmy rotỹnyre, itxèd nihikỹ-ki rurure. Tai tahe ixỹru tamy reaõhy rurureu. Wiji tii ronymyhỹre Deuxu ryna ruruweribi-ki. ³ Jesuisi dee hābu binahakỹ aõbinamy reare. Tahe rawobinarybenyõhyre. Tai tahe idi ròkòhòtinyrenyke iwese rakatxirenykemy. Uritere bede worenymy bede òtiidỹrenyõmy. ⁴ Boholabenyke, òraru ijesu òraru-ki inyõ aribireny ruruõhyymy ihỹre. ⁵ Deuxu tariòre dee rybe wesele adeereny rarybemyhỹre. Kia-ribi aõbohe òhòtirenny rosara. Kia wese Deuxu rarybera: —Wariòre, araòbitidỹnyre, uritere adebureõmy, alisina aõkõ dori rare. Deòsana rybemy adee ararybekeki, uritere bedewoõmy. ⁶ Deuxu dori aluurekile araòbitidỹnyre. Deuxu tariòre wesemy inyõ rimykeki, aõhòkỹmy risỹnymyhỹre iòbitidỹmy. ⁷ Tybydiõ aõbohe uri tariòre-di uri aõbohe tyby idi rỹira tariòre riòbitinyõmy? Aõkõre. ⁸ Ibutumy iny òbitidỹmy Deuxu rurumyhỹre. Inyõ òbitidỹnadiòkeki tii iriòre inatyhy wesemy aõkõ rare. ⁹ Tule inytybyreny inydeereny rethemyhỹre inyboho riòbitidỹnymyhỹrenyire. Tai tahe iny riywinymyhỹrenyire. Deuxu tahe inytybyreny rare. Inytybyreny ratyre tahe tuu rikiywinyrenyke, tahe irumy rokoireke iurenana. ¹⁰ Iny tybyreny urihimyo bededỹnana-di riòbitidỹnyre iwese tamywimy ròhòtinyre wese. Deuxu tahe iny riòbitidỹnyre rekexiywinyrenykre. Iwese òbitimy tii raremyhỹ wese rokoirekemy. ¹¹ Inyõ òbitidỹnany deramy reakeki, tii deysamy aõkõ rareke. Òbitidỹna bedewona-di rare. Rexihuredi, tahe wiòhedỹnany reamyhỹre modeebo reamyhỹre, irumy ywina-di rarehyke. ¹²⁻¹³ Kai bedewoekiki, amy-di, arayky-di iruruõra, ihārele tahe birurudỹnymy bimyeke. Ati tule iruruõre

ihãrele tahe, myike òbitimy. Betehemy, biywinymy ryòbiti-di mariake. Tai tahe ijò iny reyterenykre, raòwenyòtyhy.

¹⁴ Ainytyhymy inydee ibutumy ahãbenyke tule bexiòbitidỹnyymy ahãbenyke. Iny òbitimy rỹiòkeki, tiu Deuxumy robiòtyhy. ¹⁵ Inyò tahewo-ò Deuxu ruxetòena-ribi ròðseke lau kaiboho bexiebenyke. Tule amahãdurenny-ki alòbòrònahyre wesemy inyò ihỹke lau kaiboho bexiebenyke. Kiakeki, sòwemy iny rahyrenyke òraruna uri wesemy. ¹⁶ Tule bexiebenyke inyò òta òta òraru-txi reseke lau ada Deuxu tòhòti ribi rosake lau. Ijau tahe Deuxu-di ròhòtynyòre. Tyby rurukreu aò tarasana-di tii rohonyre byrena sohoji òwylemy tahelỹna-ò rohonyre. ¹⁷ Iribi tahe òhòtirenny losarennyòmy. Tii dori ròhòtynyre taaòwi-di ixyby imynymy reare. Tahe aòkòhyyre rahinyrehãrele. Rabedewomy ronyre Ijau dori rỹsỹna deròwmy taaòwi riwahinyre taexi-ò. Inyboho tahe rekexiywinymahãrenyke itxỹte lau.

¹⁸ Deuxu tabede ywina rybe heka judeu mahãdu-ò riwahinyreu, tiiboho Sinai hãwãlò heòtyko-txi rỹire. Sòwemy heòty bedeluru yhynihikỹ tai reare. Tiiboho rubuerurennyre. Kaiboho tiu breburennyòmy ahãbenyke iwesereny. ¹⁹ Txurònaò rurònyre nihikỹmy. Tule rybeò rarybere. Iny ibinamy tai ròhòtynyre. Tai tahe riixãwidinykemy Deuxu dee rarybere. ²⁰ Iròduò hãwãlò-di tawa ritidikeki, iny mana-di tamy rehuke irubudỹny Deuxu rybemynamy. ²¹ Tai tahe iny tahewo-ò rexihejire brebumy. Moisesi tule, rexiòhãrunnyre tuu robireu. Ramytatamy brebumy. ²²⁻²³ Kaiboho dori iwitxira hãwãlò-ò tetehemynyta, Siaò hãwãlò-ò, Deuxu hãwã-ò. Kia biu-ki Jerusalè rare. Sòwetyhymy tai ýju mahãdu rỹire bede hesina-ò. Ibutu butuna rare. Deuxu riòre sohojile butuna-ò tehemynte, dohodỹna mahãdu wahe. Ibutumy ityryiti-ki ini roimyhỹre tamy rehemynyre. Deuxu-ò tehemynte ibutumy erydumy ratximyhỹreò. Inyhỹkỹna mahãdu òbitimy rỹira mahãdu-ò tehemynte. ²⁴ Tule Jesuisi-ò tehemynte. Tii iny lobitỹmyradỹnydu rare. Ihãlubu-ò tehemynte. Abeli hãlubu ratyre awimy ihỹre. Jesuisi hãlubu dori inydee aòwiwihikỹ rare iny òrarurenny òraru-ki dori ritxiwire iny riòbitidỹnykremy. ²⁵ Boholabenyke Deuxu rarybemyhỹreu, boholabenyke. Kia Deuxu roholaòmyhỹre mahãdu, rexihumyhỹre kabede-ki. Tii biu-ribi narybedeò, rokoholaòrennykeki, tule inyboho rekexihurennyke. Inydeereny aònityhykre. ²⁶ Iu rarybereu, bede ramytatatyhyre. Tahe tii rarybere: —Sohojimy ixityre bede biummy arimytatadỹnykre. ²⁷ Kiamy heka rarybereri. Aòbo relemy, urile ixãwikre aòbo ixãwidikònalemy rỹirakre. ²⁸ Tai tahe Deuxumy rikiàlarennyke. Inyboho dori Iòlònasỹò rokoirenykre kia rỹihyymy rarekre. Iwese Deuxudeewire wese rikiàlarennyke ityhyna-di òhãruna-di. ²⁹ Deuxu ykarana dori heòty riworonymyhỹre wese rare.

13

¹ Ityhydỹnydu seriòre wiluumy ahãbenyke. ² Aòtxile aroraluduò bimyhymy ahãbenyke. Inyò kawese risỹnykeu, ýju dori riwiòhenanyre, rieryòhyyre mobo rare. ³ Ròtenawo-ki rỹire mahãdu-ribi nohòti losarennyòmy. Iwese kai tii-wana atximahã wesele, aòhòkỹmy botỹnykre. Aòbinahakỹlemy tamy reamyhyre mahãdu-ribi nohòtilosaòmy. Iwese inyò adeereny aòbinahakỹ riwinymyhỹre weselemy idi mohòtynybenyke. ⁴ Ibutumy bityhynybenyke ahãwyymy herina, hãbu tahãwyy-wana sohojile roike. Deuxu dori aòhòkỹmy risỹnykre òta òtana nodu tule òbitimy raòdònyòre mahãdu ixi-di ròtemy aòkò boibeki. ⁵ Aònihikỹ nieru tarasamy ixinohòtidỹnyrennyòmy. Aòbo akireny rỹiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrennyòtyhy. ⁶ Tai tahe rikityhynymy rakaryberenyke: Inynyrỹ iny wiòhedỹnydurennyre. Tai tahe tiu rukuberurennyòtyhy. Inyò wadee aòbina riwinyòtyhy.

⁷ Aerydỹnydurenny-ribi nohòti losarennyòmy, tii adeereny Deuxu rybe rotohodỹnyhỹreki. Aòbo iruna konana-ò riwinymyhỹredi, mohòtynybenyke. Iwese inatyhyna-di rỹimyhỹre wese kaiboho inatyhyna-di atximahãbenyke. ⁸ Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹ Deuxu ruxetòena

ixinamy arayky rirurudỹnyke. Roxina bedede ywina wiðhena aõkõ ratxireri. Kia heka moo tiu riwiðhenanyõhyre. ¹⁰ Inyboho ixiwena witxiradirenyre. Iribi tyby hetowo xiwena widỹdu mahãdu riroxiõtyhy. ¹¹ Irõduõ didyde tykyhetoworanora-ki hãlubu ritxiwikemy. Xiwena widỹdu mahãdu wedu tuu ritxiwire òraruna tuedenamy. Uritere irõdu umy hãwã òtity webrò-ribi riwòsinyre. ¹² Tai tahe Jesuisi tule hãwãhãkỹ ijò webòrò-ribi aõhõkỹmy rotỹnyre, iu tahãlubu ritxiwireu inydeereny tðemy, iny riòbitidỹnykemy. ¹³ Rokoirenyke tahe tamy hãwã webòrò-ribi rikimyrenykemy iixỹrunayreõ. ¹⁴ Inatyhymy inydeereny tiemy hãwã kabede-ki ihoõre. Tahe inyboho riraðmyhỹrenyre biu-ki ijõdikre. ¹⁵ Jesuisi òraru-ki tahe Deuxu rikiwowydnyrenyke. Kia iny xiwena wahidỹreny rare tamy. Tii iny rityhynyrenymyhỹre, tai tuu rekealãrenyke. ¹⁶ Tiu rikiwinyrenyke aõwiwidỹ. Tii Deuxudeewire. Tule wii rikiwiðhenanyrenyke. ¹⁷ Aerydỹna mahãdu biwinybenyke. Bityhynybenyke. Tiibohe dori aijesedureny ratximyhỹrenyre. Tii idi Deuxu-ò rirawònymyhỹre. Kaibohe bityhynybenykeki, tii teysamy raaõmysỹdỹkre. Aõkõkeki bedewomy ratxikre. Tai arawiðhenanyõtyhy.

¹⁸ Wakireny bexitðenyhyymahãbenyke. Jiarỹboho wodeysanale-di rahõtinyinmahãre, òbitina widỹdu-di rahõtinyinmahãreki. ¹⁹ Tule Deuxu-ò bexitðenyhyyke jiarỹ ele elemy adeereny aròserenykemy.

²⁰ Inynyrỹ Jesuisi Kristu heka Deuxu rubu-ribi riixixadỹnyre. Tii iny-di itxeredureny nihikỹ rare. Budoeni-di itxeredu weselemy inydireny retehemyhỹre. Tii tahãlubu ritxiwire iny-wana bedede ywina iixihudunakõna riwinykemy. ²¹ Deuxu adeereny ibutomy riwahinyke tamy wimy kaibohe biwinybenyke. Kia heka wadeewire. Jesuisi Kristu-ò wowydina ibutomy rarehykemy watzimahãre. Kie.

²² Waseriðreboho, kia watyriti nihiỹmy aõkõ rewinyre. Tai tahe ywinamy idi boholabenyke rybe wiðhedỹna rybe tahe rare. ²³ Iny seriðereny Tximòtxi heka ròtena-ribi riteðnyrenyre. Ele elemy kanakeki, rakre wawana arorarenymy. ²⁴ Wawehityyna rybe ibutu dohodỹna mahãdu-ò biwahinykre, aerydỹdu mahãdu-ò tule. Italia bedede ludu mahãdu irybe wehityhyna adeereny diwahinyde.

²⁵ Deuxu ruxetðena akireny ratxikemy watzimahãre.

Txiau Txiau Ryberiti

¹ Jiarỹ Txiau rare. Deuxu Jesuisi Kristu Inynyrỹ-wana deòdu rare. Ròritidỹreri Deuxu mahādu inatyhy-ò. Ubỹtỹmy iny rỹira mahādu-ò. Warybe weityhyna adeereny rewahinyreri.

² Waityhydỹdu aõna aõnasira seriòre, araurihixinanykeki adeereny kanamyhỹkeki, beysamahābenyke. ³ Kia-di tahe ityhydỹdu tyhymy beleke. ⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidỹnykre adee aõ rasiranyòtyhy.

⁵ Inyõ bedeery ihoòkeki, rexitònykre Deuxu dee, tii dori ibutu dee riwahinymyhỹre. Inyõ lau dori ritòenyòhymyhỹre. ⁶ Urile tii iseòdỹõmy bexityhynymy tamy bex-itòenykre. Riseònykeki yhy òbò-di tiò rehumyhỹre wese rare. ⁷⁻⁸ Kia hābu iòreki, awimy aòkò aõhebo rotỹnyymyhỹre ywiòreki, tii Deuxu-ribi aõ ritaòtyhy, irybe inatxire.

⁹ Iny aõ ijòkòmy rỹimyhỹre, teysamy rỹirake, aõ ijòdikreki Kristu dori rityhynyre. Kia iaòdimy ityhymy rỹira, tule teysamy rỹike ityhydỹdumy. Rỹiraki aõ ijòkore hāre. ¹⁰ Ityhyna heka iny-ribi wylemy ituemyhỹre kie iwese noijese ramoròmyhỹre wese. Tahe ityhydỹdu mahādu dee kia aõ aòkò rare. ¹¹ Txutòteetyhy ròhònymyhỹre dori alòbòròna rimoròdỹnyymyhỹre. Tahe noijese rejuxunymyhỹre. Tahe iruxerana riixāwidinymyhỹre. Kia wesele hābu ityhymy rỹire rexihumyhỹre. Aõhebo rotỹnyymyhỹre wetyatxile.

¹² Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeõna heka Deuxu-ribi ritakre. Deuxu dori kia wahidỹnyamy rarybere taluunadu mahādu dee. ¹³ Inyõ aõbina bina ixirana-di rexirakeki. Tii rarybeòtyhyke Deuxu riixiranymyhỹremy. Inyõ dori Deuxu tiu riurihiòtyhy. Tule Deuxu riixiranyòtyhy aõbina bina widỹ-di. Ixiradỹdu aòkò tii rare. ¹⁴ Kiawese iny ixiribile rexirake, aõ-di sòwemy ròhòtinykeki, tii arabònyre, araitxenanyre. ¹⁵ Kia urari-ribi tahe òraruna ròhònymyhỹre. Iribi tahe òraruwidỹna-ribi rubu rỹimyhỹre. ¹⁶ Ixixenadỹõmy waluuna mahādu, waseriòre mahādu. ¹⁷ Wahidỹna ibutumy bedeerydỹnyatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aõu aõu iweselere. ¹⁸ Tii iny ixityre riwinyymyhỹre ritỹmyranymyhỹre tatyhyna rybe-di. Tai ibutumy iwidỹna-ribi inyboho juhuurenyre, awirenyre.

¹⁹⁻²⁰ Idi mohòtinybenyke waluu waseriòre mahādu. Ibutumy bexiywinymahābenyke iny-ò boholamyhỹbenyke, tahe aõwimy aòkò marybeke lau, wymy adebureòmy. Hābu debure-ribi Deuxu òbitina rahenyòtyhy. ²¹ Abinamy aõhebo tutỹnyymyhỹte ixi-ribi bitake idi biatyke. Tahe Deuxu rybe-ò boholake, kia dori iruruna dire atyytyby kanatakemy. ²² Kaiboho bede ywina widỹdumy, bede ywina tyhydỹdumy boibeke. Aõ ijohonadu mahādulemy aòkò boibeke. Kiawesekeki bexiixenanyke. ²³⁻²⁴ Inyõ ijohonadule ronykeki, rybemynamy nodu aòkò rare. Tii hābu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aõwesele ixi-ribi tòhòti rosare timybo tii rare wahe. ²⁵ Inyõ tahe bede ywina òbiti-ò retehemyhỹreki, rityhynymyhỹreki tii tahe teysamy ratxikremy ibutumy aõhebo rotỹnykremy. Tii dori ijohonamy nohòti losadu aòkò rare. Bede ywina rybe widỹdu rare, ityhydỹna wahe. ²⁶ Inyõ bede ywina rybe widỹduòmy ròhòtinykeki, tahe tòròtò riyrubunyòhymyhỹkeki, tabedeywidỹna aõ aòkò rare. Tii tawokile rexiixenanyymyhỹre. ²⁷ Iny Deuxu, Inytyby-ò kia bede ywina widỹna òbiti rare. Uladuwyte, wytese-wana riwiòhenanykemy. Tule aõbina bina aõmydỹnana widỹõmy.

2

¹ Waseriòre mahādu, kaiboho Inynyrỹ Jesuisi Kristu, tetyhynytenyete loosòna wedu tii rare. Tai iny wiribi lahitxiòmy, wiweseweselemy iny-di atximahābenyke. ² Kie inyō tahe dohodỹnawo-ò kanalòkeki, womati debo tỹrỹrỹ-di tywihikỹ-di kanalòkeki, tahe tule iny aòkòdu mahāduō kanalòkeki. ³ Kai tywihikỹ dinodu-ò marybekeki: Kaò bodonyke rynawihikỹ-ò. Tahe marybekeki iaòkò-ò: Kiakile myike lamalemy ada bede-txi aòbo bonyke. ⁴ Kia wese wiribi hitxidỹ-ki tatỹnynymyhỹtenyete, araykyreny rabinamy kia wese tumahāre. ⁵ Boholake, waseriòreboho, kaiboho juhūu iny aòkò mahādu wese toite. Iribi ityhy ityhydỹdukòdu mahādu iaòrarumy roirekemy, kaiboho Deuxu weselemy tadeletenyete atyhyna òraru-ki. Aratamyhỹrenyete inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: —Waluudu mahādu tuu arisỹnykre. ⁶ Kiawese, kaiboho urimynodu derarenyete aòhebo tatỹnyteri. Ityhy mahādu tahe ararutỹkỹnymyhỹre tule aradyrenymyhỹre soldadu dohodỹna heto-ò. ⁷ Tii boho tule Kristunimy aòbinamy rarybemyhỹrenyete. Kaiboho ini-di texininimyhỹtenyete. ⁸ Kia bede ywina rybe-ki roire: iwese ixiluure wese, aerykòdu mahādu luuke, wiery mahādu wahe, abireludu wahe. Kia bede ywina biwinykeki, awimy botỹnynmy mabeke. ⁹ Tahe iny wiribi lahitxinykeki, taòrarunyteri, teywinyòteri. Bede ywina aòkò atximahāte. ¹⁰ Inyō tahe bede ywina rybe ibutumy riywinykeki, tahe sohoji aòmydỹna riywinyòreki, tai tahe bede ywina rybe ywidỹdu aòkò ratxireri. ¹¹ Deuxu tarybe ririre. Kia rarybera: —Òta òta widỹòmy. Tule rarybera: —Rubudỹòmy. Tai òta òta biwinyòkeki tahe inyō terubunyteki, kai bede ywina rybe yrubudỹdu aòkò atxiteri. Òrarudumy tate. ¹² Iwese iny bede ywina rybe-di tỹmyra ahābenyke. Deuxu dori bede ywina-di arararutỹnyrenyete. Taita òbitimy botỹnybenyke, marybebenyke. ¹³ Inyō riwotòenyòmyhỹkeki, tule tamy riwotòenyòleke tawiribihitxinatxu-u. Wotòedỹna wiribihitxina ratyre rare.

¹⁴ Waseriòre mahādu, inyō rarybekeki: —Jiarỹ watyhyna ijòdire. Tahe iaòmydỹna wihikỹ-di aòkò rare. Kia tahe aò aòkòhyky heka rare tamy. Ityhynale kahābu ritakekò aòbo. Tahe reruinyreri. ¹⁵⁻¹⁶ Inyseriòreò tyy, rỹsỹna ihoòke-wana. Tahe inyō tamy rarybekeki, ywina-di bòhònyke, aheto-ki biroxikemy. Tahe aò riwahinyòra tyy, rỹsỹna-wana. Aòbohe irybe rare. Aòkòhykyre irybe. ¹⁷ Kiawese taheka kia hābu inatyhyna rare, iaòywidỹna ihoòkeki kia ityhyna ihoòke wese rare. ¹⁸ Inyō rarybeke-wana: —Kai atyhyna dire. Jiarỹ waòwidỹna ijòdire. Biteòsinyke wadee atyhyna sohojile tamyreny wina-di aòkò. Tahe jiarỹ tamyreny waywina-di adee ariteòsinykre kia òraru-ki bobike jiarỹ Kristumy retyhynyrimy. Watyhyna iny idiòre waòwidỹna ijòre-wana. ¹⁹ Kai bityhynyke Deuxu sohojile raremy. Kia tahe awire urile diabo tyytybybina tule Deuxu rityhynyre. Tai ilau ruberumyhỹre. ²⁰ Inatyhyna iaòmy widỹnana ihoòkeki, aò aòkò wese rare. Kia tetyhynyòlemahe aòbo, hābu itxỹtere. ²¹ Inylabiereny Abraò tariòre-di Ijai rixiwenykemy idi ratximyhỹu, kia-ki Deuxu riòbitinyre. ²² Tabimahāte aòbo. Abraò tatyhyna iwidỹna-wana aòna aòna riwinyre. Ityhyna riwìhenanyre. ²³ Tahe iwese ritidỹnamy roire wesemy tuu rotỹnyre aòmybo heka rarybera Abraòmy: —Boholake, Abraò heka Deuxu rityhynyre. Tai Deuxu tii riòbitidỹnanyre. Tule, Deuxu tabiòwamy rininire. ²⁴ Betehebeny ini. Inyō iòbitidỹmy ronyke-wana inatyhyna sohojidile aòkò tii ihỹke, tahe iwidỹna-di tule wahe. ²⁵ Ijòre tahe: Raabe, aderanamy raremyhỹ. Iribi tii Deuxu rybedeòdu mahādu riyrubunya rubu lau, tahe riteònyre rywasi witxira-di. Kia widỹna Deuxu Raabe riòbitidỹnyre. ²⁶ Iwese umy tyytyby-di aòkò rubumy rỹimyhỹre wese, tule inatyhyna sohojile aò aòkò rare tamywina-di aòkòreki heka rubu wese rare.

3

¹ Uritere, waseriòreboho, bedeerydỹdu mahādumy aòkò ixi-di norenykòmyke. Ibede ònana hitxina txuu dorihe aònihikỹkre bede erydỹdu mahādu dee. ² Inyboho ibutumy sòwemy òraruna-txi aòu aòu resemyhỹrenyete. Inyō tarybe-ki raòrarunyòkeki, tii iny òbiti rare. ³ Iwese awaru iny riraòmyhỹre wese taumy ibutumy riraòmyhỹre. Awaruru-ki

juraròsòna rirutymyhÿreu, tii iraròsòna-di rare. Tai tahe awaru iny riywinymyhÿre iumy ibutumy iny riraòmyhÿre. ⁴ Betehebenyke iny heòty lawò nihikÿ-ò iraròsòna iyjatyhyre tahe iraròsòdÿÿdu idile riraòmyhÿre titxibo inonana-ò yhy nihikÿ iwetxi kedeakreki, ihàrele iraròsòna riraòmyhÿre. ⁵⁻⁶ Iwesele iny dòròtò rare. Iyjatyhyre ihàrele aònihikÿmy rarybemyhÿre. Betehebenyke iny heòty helÿÿresi iyjare, ihàrele òtiranihikÿ ritoonymyhÿre. Dòròtò tahe heòty wese rare. Sòwemy heka òraru riwinymyhÿre. Dòròtò bede aòmydÿÿnanabina dinodu wese rare, inyumy susudÿÿdu dòròtò rare. Sòna bede tòtee-ribi diabo mahàdu-ribi heka nade. ⁷ Ibutumy iròdu brebuna, nawii witxira witxira, iròdu beraludu, utura, riinytyhydÿÿnymyhÿre. Iny mahàdu iratyre irurudÿÿna dire. ⁸ Inydòròtò inyò tahe riinytyhydÿÿnyòtyhy. Ibinatyhy rare. Rubudÿÿna uri-di ratxireri. ⁹ Inydòròtò-di Deuxu inytybomy iny reàlòmymyhÿre tule idi inymy raujòmomyhÿre. Deuxu ixiwesemy iny riwinyre, ihàrele iny wimy raujòmomyhÿre. ¹⁰ Inyò tary-di Deuxu rirowòwydynmahàre tule idi ujòmomy reamymyhÿre. Waseriòreboho, kiamy aòkò idi boibeke. ¹¹ Beijirana-ribi ibree ihÿre-wana wiule heka ròhònyòtyhy. ¹² Òwòru inatxi wiribi lahixire. Ijò aòbo wiraty-di raratynyke aòkòre? (Figueira azetonamy raratynyòtyhy) Videira figomy raratynyòtyhy. Juwyrabe hàloo-ribi bebreke ròhònyòtyhy.

¹³ Inyò bederykeki ibedeernadikeki, tii ywimy ratximyhÿke. Ibutumy òbitimy ratxirerimy aò riwinymyhÿremy rexityhynymy ixidi ròhòtinyòtyhy tyhymy rabekemy. ¹⁴ Kaiboho awo-ki ixiburena ijòdikeki, inywitxira hàrosu ijòdikeki tai tii deysamy atxiòke tai tuu marybeòke. Kai ruiwidÿÿòmy. ¹⁵ Kia bedeerna biu-ribi aòkò nade, bederibile, iny hàrosu diaboribile nade. ¹⁶ Inywitxira hàrosu ijòdike-wana, tai jei jeina rare. Ibutumy aòbina bina. ¹⁷ Bedeerydÿÿna biu ludu juhule òbiti rare, idi ywina rare, rutaòna rare, wityhyna rare, ruxetòena rare. Awihyymy nodu widÿÿna rare. ¹⁸ Òbitina aòu aòu kanakre ywinawidÿÿdu-ò. Iwese aloborodu rehumymhÿre wese, tiiboho ywinamy rekoamymhÿrenyre.

4

¹ Aòherekibo ayreny-ki jei jei rÿimyhÿre. Awo-ribi namyhÿde araykywydyna ribi. ² Kai sòwemy aòdikemy tahòtinymahàte aòhebo aòkò tetate. Tahe terubunymahàte. Inywixira aòmydÿÿna-di òbire, tahe aòkòre. Tai aòbina tetelenymyhÿte ijei jei-di. Aò ijòòre texitòenyòma hàteki. ³ Texitòenyteki, tetaòmahàtenyte. Teòsamy dori texitòenymahàtenyte. Ixidee sohoji dehunalemy tahòtinamahàtenyte aumydeewimy behukelemy. ⁴ Bede aòmydÿÿnana luudu mahàdu heka Deuxu òludumy ihÿre. Kia aòbo teeryòtenyte, òbitiòna, mahàdu. Inyò bede aòmydÿÿnana bina biòwamy ratxikeki, Deuxu òludumy rare. ⁵ Aò aòkò aòbohe rybe riti kawese roire: Aòhe rare. Deuxu taTyytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhymy ratximyhÿre. Aòbo heka kia rare? ⁶ Tii tahe iny rirurutedÿÿnymyhÿre. Kawesemy ritina rarybere: —ixiwedu mahàdu heka Deuxu ixi-ribi rirehedÿÿnymyhÿre. Tahe ruxetòena sòwemy ixiwedekò mahàdu-ò riwahinymyhÿre. ⁷ Deuxudeewi biwinymahàke. Diabo ixi-ribi birehedÿÿnykeki, tahe tii aribi rahenyke. ⁸ Deuxu-ò bexiòhòdÿÿnykeki. Deuxu adee rexiòhòdÿÿnykre. Òrarudu mahàdu, ebòmymy bexilyraranyke aòraru-ribi bexitake, rybe inatxi mahàdu, araykyworeny biòbitinybenyke. ⁹ Mabedewoke, bobuke, mahinyke aòraruna òraru-ki. Ajuedena-ribi arube rytynykre, eysa-ribi mabedewomy atxikemy. ¹⁰ Ayrubumy Inynyrÿko-txi boibekeki, tii aratamadÿÿnykre; tii ixideewimy riwinykemy.

¹¹ Waseriòreboho, uritere aòmy wimy ryberenyòmy. Inyò taityhydÿÿduseriòremy tuu ibinamy rarybekeki, iaòna aòna riaòkòkeki tii bede ywina ibinamy rarybereri. Bede ywina rybe riaòkòdÿÿnyreri. Inyò bede ywina rybe riaòkònykeki, tii bede ywina ywidÿÿdu aòkò rare. Tii bede ywina rybe hitxidÿÿdu rare. ¹² Deuxu sohojile dori bede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu

rare ihãre irubudÿÿdule rare. Mobohe kai atxiteri; abireludu hitxidÿÿmy aõbo texino-hõtidÿÿnyteri? Aõkõre.

¹³ Boholabenyke, tuu tarybetenyteri: wijile aõbo ada biurasòmÿ aõbo rokoirenykre hãwãõ-ò. Tai bededÿÿnana sohojimy rikierenykre. Tai nieru tarasamy rakaòmÿÿdÿÿrenykre. ¹⁴ Txìòhe rare. Kaiboho dori teeryõlemahãtenynte aõhebo bede rotÿÿnykre. Timybo mabekre? Iwese biuwetyy yja aõwesele rexihymhÿre wese heka timybo mabekre? Kiawesemy aõkõ marybeke. ¹⁵ Kamy heka marybeke: — Inynyrÿdeewikeki iny rummy rokoireke, tai tahe kia ada kowa aõbo rikiwinyrenyke. ¹⁶ Iwese wiji ratximyhÿre wese. Biurasou aõnihikÿ widÿÿmy marybekeki, kia tahe awi aõkõ rare. ¹⁷ Inyõ aõwiwidÿÿ rieryekeki, tahe riwinyõmyhÿ-wana kia rexiòrarunanymhÿre.

5

¹ Boholabenyke warybe-ò ityhy mahãdu. Mahinybenyke, bobubenyke aõhõkÿmy botÿÿnybenykreki. ² Aõmydÿÿnana wiwihikÿ rabinamy rÿire. Atyywityhy isibrey tysini riròre. ³ Aorotÿÿrÿreny awomatiurarenny raruxinyra tabededÿÿnana riõnonyrerimy. Anieru susudÿÿna awobiredÿÿnamy kiditynnykre. Iwese dee heòty risõmyhÿre wese, kia sudÿÿ anasõmyhÿkre. Aõna aõna sõwemy ixidee tebutunymahãte kia atxukonana-ò. ⁴ Abaderòwysydÿÿdu òwydÿÿdu aõkõ dori kai tate. Kai ixideele tebutunymahãte iribireny tawasinymahãte. Tiiboho rahinymy rirajuamyhÿreny tahe kia wysydÿÿdu mahãdu hina-ò Deuxu roholare. Tii ruru mahãdu wedu rare. ⁵ Kaiboho abeòrarenny teõnonytenyteri isikile. Ixideehyule texideysadÿÿnymyhÿte. Ibutumy aõbo adeereny wiwi ixidee temytenynte, iwese rubutxudÿÿnatxu broreni riòwenymyhÿre wese. Kai ahãte. Deuxu akanarubunykre. ⁶ Òbiti mahãdu teteònymahãte terubunymahãte. Tii tiu adee rexiòwynyòtyhy.

⁷ Ixieleeledÿÿõmy tahe waseriòreboho. Inynyrÿ kanakreu. Betehe inihe. Òworudu heka taaõwi riraòmyhÿre biu bedeu. ⁸ Kia wese kaiboho tule eleelemy aõkõ biraòmyhÿke aworeny-ki beximymyhÿbenyke, Inynyrÿ nonana dori iòhòrehe. ⁹ Waseriòreboho uritere wimy ibinamy ryberenyõmy Deuxu dori arahitxinyreny. Ihitxidÿÿdu nonana tahe iòhòre ijòkiwesele rijemy rÿimyhÿre. ¹⁰⁻¹¹ Waseriòreboho ihetxiu Deuxu rybemy rybedu mahãdu iyubumy rÿiramyhÿ. Iwese tiiboho rÿiramyhÿwese boibeke aõhõkÿmy dÿÿnana-ki rare. Kia aõhõ kÿmydÿÿnana-ki òbitimy rotÿÿnymyhÿre. Iwese Jòò iyubumy raremyhÿre taholamahãtenynte. Tule iwese ionanau Deuxu riwiòhenanyre wesemy teerytenynte. Inynyrÿ dori ruxetòenatyhy-di rare làhànatyhy-di.

¹² Ibutu ratyre waseriòreboho inatyhymy sohojilemy marybeke ijò rybemy rybeõmyke Deuxu arybe ritxiònyòtyhy. Aõna aõnamydÿÿnanaribike aõkõ iximyhÿle marybeke. Kohemy marybekeu kohelemy marybeke. Aõkõmy marybekeu, aõkõlemy marybeke. Kawese-ki inyõ aratxiònyòkre.

¹³ Inyõ aõbo ayreny-ki aõhõkÿmy rotÿÿnyreri. Tahe tai bexitòenykre. Inyõ aõbo ayreny-ki teysamy ratxireri. Àlãnawi-di tii wana mawiunykre. ¹⁴ Inyõ aõbo ayreny-ki webinadumy roireri wana. Tahe dohodÿÿna rybedu mahãdu-ò tamy biditybedenyke tamy rexitòenyrenykemy. Adÿÿ ityre ritxiwikemy Inynyrÿni òraru-ki. ¹⁵ Ixitòedÿÿna tyhynale webinadu riteytenykre. Inynyrÿle ritamahÿÿnykre. Tii òraru-ò raòrarunymyhÿke-wana Deuxu iòraru riixãwidinyke. ¹⁶ Iny wiò wiòmÿ aõna aõnarenymy belyybenyke. Wiò wiòmÿ wii biixitòedÿÿnybenyke, ibutu-ribi beytebenykemy. Inyòbiti ixitòedÿÿna irurudire, aõna aõna sõwemy riwinymyhÿke. ¹⁷ Eliasi heka inywesereny rare. Tii rexitòenyhyymyhÿre biu ròàòtyhykremy bede-ò. Tahe inataõ beòra-di biu ròàòhyre. ¹⁸ Tahe ixityre rexitòenyre. Tai biu ròare. Tahe oworu-ki ixityre aõwi ruhunyre.

¹⁹⁻²⁰ Waseriòreboho, inyõ ay-ki inatyhyna-ribi ròhònykeki. Inywitzira tuu rarybekeki, teòsary-ribi ridykeki, tahe itytyby ritara, rubu konana ixãwina lau sõwemy araru-di riixãwidinyre. Kie.

1 Pedro 1 Pedro Tyyriti

¹ Jiarỹ, Pedro warybe ritina rewahinyreri ubỹtỹ deòdỹña jiarỹ rare. Ibutumy judeu mahãdu-ò rewahinyreri Ponto-ò, Alatxia-ò, Apadosia-ò, Asia-ò, Bitinia-ò. ² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahãlubu-di arasebenyrenykemy. Wiðhedỹña sòwemy ywina-wana adeereny kanakemy watzireri.

³ Ibutumy àlana Deuxu Inynyrỹ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhỹrenyke ratybyenyrenykemy Deuxu sỹ mahãdu wo-ki. Inyboho wijile iraròsònareny dire, Kristu rubu-ribi rexixareki. ⁴ Tii wiðhedỹña wiwihikỹ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerahakỹlemy lyrahakỹlemy roire. ⁵ Deuxu tarurusòwe-di arayrubunyrenyke kia wiðhedỹña bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre. ⁶ Tai tahe beysabenyke. Bededỹñana tòbò reakreu, mabedewobenykre òsana aòmydỹñana sira òraru-ki. ⁷ Tii tahe kawese-ki atyhydỹñareny ityhymy ròhònykre. Atyhydỹñareny womati tỹrỹrỹhỹkỹ òwy ratyre iòwy dire. Tiu rabinaòtyhy. Heòtyru-ribi womati tỹrỹrỹhỹkỹ ròhònyre wese atyhynareny kòdòhònykre àlana, wowydyna, luuna Jesuisi Kristu-ò, tii kedehemynykre. ⁸ Kaiboho tuu tabitenyòte ihãrele tuure. Tetyhynytenyteri, tai tahe tỹxihikỹlemy deysatyhy-di ahãtenyete. ⁹ Tai atarasadỹña-di teteheteri, tetyhynytenyteki. ¹⁰ Juhuu Deuxu rybedu mahãdu ritỹraxyra kia tarasanamy. Tule wiðhenadỹñmy rarybere adeereny kanakemy. ¹¹⁻¹² Idi tahe dierydenyde ibededỹñnanau kanaòkre urile ihewo-ribi kanakemy. Katahe adeereny reare Deuxu Tyytybytyhy nade òraru-ki. Ýju mahãdu dori tamywimy tuu rieryrenykemy ihỹrenyke. Jesuisi Kristu aòhòkỹmy dỹñnanamy tule toosònadỹñamy rarybemyhỹrenyreu, tiubedemybo kia kanakemy riijemyhỹrenyke.

¹³ Arayky-ki birarutxynybenyke wereysana rara rotỹñnymyhỹre wese. Òbitimy maraykynybenyke wiðhedỹña-di bidimybedenykre-ki Kristu kedehemynykre. ¹⁴ Wijile kaiboho ywimy nodu riòre wesemy boibeke. Iwese juhu aykaraòtamy tatỹñnymy tatemahã wese noòmy, abedeerykòmy tatemahã. ¹⁵ Iweseòmy. Uritere adee rybedu òbitimy raremyhỹwesemy kaiboho ibutumy tuu botỹñnybenyke kia-ki òbitimy boibeke. ¹⁶ Raritinymy dori rỹre: —Òbitityhymy boibeke, jiarỹ dori òbitityhymy raremahã. ¹⁷ Deuxu iny wiribi rihitxihitxinyre aòbina bina widỹ òraru-ki. Deuxu wiwese wesele iny luure tuu rarawetyynyòhyymyhỹre. Iwese bodee textitènymahãte wese tamy bederykò rira wese boibeke. ¹⁸⁻¹⁹ Kia teerymahãtenyete tuu ararybekre. Ixinamy rexihumyhỹredi aòkò iwese womati tỹrỹrỹhỹkỹ iurahakỹ-di aòkò atarasanareny riòwynyke. Tahe Kristu hãlubu-di aòhebo ibina botỹñnybenyke-ribi textitatenyta aòwidỹñnabo booreny-ribi teerytenytaki. Kristu tahe budoeni òbiti lyrahakỹ wesemy rare. ²⁰ Tii juhu bededỹñnanau taumy rubu-ò riwahinykremy rexieryhyymy raremyhỹ, wijile kaò nade rurukremy aluunareny òraru-ki. ²¹ Tule Deuxu tetyhynymahãtenyete Kristu òraru-ki, Deuxu rubu-ribi riixixadỹñnyre tahe tamy loosòna riwahinyre, tai araròsònareny aityhydỹña Deuxu-ki roimyhỹre.

²² Kaiboho atyytyby tesurònanytenyete inatyhyna dori teywinytenyta. Tai tahe wiluuluutyhymy rakatxirenyke. Wiluumy wesenedỹñnyòmy atximahãtenyete. ²³ Wiji umydỹña juhu wese aòkò iny bòtòdỹña raumydỹñnyre wiji tahe Deuxu Rybe aumydỹñnamy ihỹre. Kia tahe ituerenyòtyhy. Umytuedeòna diwahinyde. ²⁴ Iwese ryberiti rarybere wese:

—Ibutu iny asi wese rare. Inyloosòna asi noijesa wese rare. Asi ramoenymyhỹreu tøjesa rejuxunymyhỹre.

²⁵ Deuxu Rybe tahe aõu aõuhyy rÿira. Rexihuõtyhy rÿira. Kia rybemy tahe adeereny rarybemyhÿre, Rybewihikÿ wahe.

2

¹ Ibutumy idi behuke ixi-ribi, aõbinatyhyna-di, rui-di, inywitxira aõmydÿÿna xibure-di aõ ikõkõmy ujõmo-di ibutumy. ² Tahe iwese tohouã howÿsy luure wese rybe-ò bexiborenanyke. Atytyby howÿsyna wese rare. Idi maumynykemy tarasana inatyhy-ò. ³ Wanyrÿ dori wihikÿ rare. Kia teerytenyete. ⁴ Tamy bodoibedenyke. Tii dori manairuhkÿ wese rare. Heto tira widÿÿdu kia mana-di rehura. Tahe Deuxu dee kia ixitarasanamy rare. Awimy heka tai rahare. ⁵ Kaiboho tule mana iruhukÿ wesemy tõimahãte heto òbiti wesemy aijõreny-di kanaijedÿÿnydenykemy. Xiwena wedu mahãdu òbitimy boibeke, Deuxu dee wina xiwedÿÿna òbiti biwinybenykemy Jesuisi Kristu wowodynamy. ⁶ Kawese dori Ryberitina-ki rÿire: —Betehebenty inihe Siaõ bede-ki iny mana heto tiramy iwidÿÿ wesemy ritidire. Tii aõwihikÿtyhy wadee rare. Kia iny rityhynymyhÿkeki, tiu raixÿruõtyhy bede òtiidÿÿ ribedewonyõtyhy. ⁷ Kaiboho ityhydÿÿdu mahãdu, adeereny tii aõwihikÿ rare. Ityhydÿÿdukõdu mahãdu dee tahe kawese tii rare: —Hetotirawidÿÿdu kia mana-di rehura. Kia mana tahe wiji juhuludu mana ritidimy roire. ⁸ Tule ijõ kiamy rare: —Mana idireny kedese denykre. Kia mana awi aõkõ tamyreny rare. Reserenykre rybe ritxiõnymyhÿrenykeki Deuxu heka rierymyhÿre reserenykre. ⁹ Kaiboho tahe iny iitxese itxesemy aratarenyke, xiwena wedu mahãdu òbiti boibe benykemy, inyijoi òbiti boibeke, Deuxu hõrõ mahãdule, iruxeranamy marybe benykemy adee dori bededorohokÿ-ribi anadydenyde taloosõna wihikÿ-ò. ¹⁰ Kaiboho juhuu inyijoi aõkõ toitemahã tahe wiji Deuxu taijoimy aratara. Juhuu ruxetõena tuu inyõ riwahinyõhyre adeereny, wiji tahe tii riwahinyra adeereny.

¹¹ Waluuna mahãdu adeereny ararybekre. Kaiboho iwitxira bedeludu mahãdu wese atximahãtenyete. Uritere òtaõtarenyõmy atytyby òludu dori kia rare. Atytyby aõbina dÿÿnana adeereny diwahinyde. ¹² Ahotiludu mahãduy-ki òbitimy boibeke. Tai omy ibinamy rarybekeki, tiiboho aumytuedeõnamy robimyhÿkemy tahe Deuxumy kiditoosòdÿÿnadenykre Deuxu hitxidÿÿna txuu.

¹³⁻¹⁴ Bede dinodu bede ywina rybe biywiny mahãbenyke Wanyrÿ òraru-ki Iòlõrybe, aõbo kai deõdu rybewydydu aõbo ibutumy birareny benyke. Iòlõ deõdu mynyduhykÿ doidenyde aõbinahakÿ widÿÿdu aõhõkÿmy risÿnymy rimymy risÿdÿÿnykemy ritamadÿÿnykemy tule aõwihikÿ widÿÿdu ritealadÿÿnykemy. ¹⁵ Aõwi wihikÿ widÿÿna-di kaiboho hãbu bina biyrydÿÿnybenyke. Kia Deuxudeewi rare. ¹⁶ Kaiboho hãbu ixihyyludumy ahãtenyete urile aõbina bina widÿÿõmy boibekre. Deuxu deõduweselemy boibeke. ¹⁷ Iny ibutumy iõsana biwinyke. Ityhydÿÿdu seriõre luumy boibeke. Deuxu biwowydynybenyke. Iòlõ bede dinodu biwowydynybenyke.

¹⁸ Deõdu mahãdu, awedu bityhynybenyke awedu wihikÿle-ò sohojile aõkõ ibina bina-wana dori bityhybenyke uritere bedetiidÿÿmy rÿiõmy. ¹⁹ Aõbina riwinyõhyymyhÿre deõdu tawedu-ò. Tahe wedu teõdu-ò aõhõkÿmy risÿnyre. Deõdu riòludunymyhÿre aõmy rarybeõhyymyhÿre, Deuxu rityhynymyhÿreki. Kia wese tahe Deuxudeewina rare. ²⁰ Iny raõrarunymyhÿkeki, tai tahe òhõtenamy inyboho ratximyhÿrenykeki, aõloosõna widÿÿna bohe kia rare. Inyboho riòludunymyhÿreki. Aõwihikÿ widÿÿna-di inyboho ywina-di òhõtenamy riòludunymyhÿrenykeki, kia Deuxudeewina rare. ²¹ Kaiboho biòludunymyhÿbenykemy tai iitxemy aratarenyra. Kristu tule dori òrarurenny-ki aõhõkÿmy rotÿÿnyre. Iwese timybo tii riwinyre wese kaiboho biwinybenyke. ²² Kristu dori tiu raõrarunyõtyhy, tule aõbinahakÿmy rarybeõtyhy, raruiõtyhy. ²³ Tamy adebure irãmy ryryreu wobinamy aõkõ dirawyõnyde. Rihetenyreu, aõma aõkõ dirawyõnyde. Urile tii rexiwahinyre Deuxu dee. Deuxu dori òbitina-di rihitxidÿÿnyre. ²⁴ Inyõrarurenny dori riwyre itxè ònihikÿ tyre-ki. Tai tahe òraruna dee rakarurunyrenyke, tahe òbiti widÿÿna-ò rakatximyhÿrenyke. Kristu wotõmomy iny

riteytenymyhÿre. ²⁵ Iwese budoeni reòsamyhÿre wese kaiboho toite. Wijile tahe kaiboho tòðemy atxitenyte aitxeredu-ò atyytyby wiðhedÿÿdu-ò.

3

¹⁻² Hãwyyreny, ahãbureny rybe bityhynybenyke. Tai inyõ ihãbu ityhydÿÿdu aõkõkeki, tii kidityhynykre tahãwyyhe-ki, aõrybebo aõkõ roholareki ihe-ki robireki. ³⁻⁴ Hãwyy ruxerana heka ixidee itidisirenyõmy atximahãbenyke aõ taumy-ki ritidimyhÿre aõkõ hãwyy ruxerana rare. Aõ iwo-ribi teysare, Deuxu Tyytybytyhy widÿÿna inytyhyna tii tahe hãwyy ruxerana rare. Rade sihodÿÿtyhy ibutu ratyre aõkõ rare. Womati tÿrÿrÿ noho tule aõkõre, tyy wiwihikÿ-di rariamyhÿre tule aõkõre. Kia tahe Deuxu dee aõwiwihikÿtyhy aõkõ rare. ⁵ Tule ihetxiu hãwyy òbiti tuu rotÿÿnyre, tahãbu riywinyre, Deuxu rityhynyre. ⁶ Sara, Abraõ riðrese, tahãbu riywinyre. Itxi õhõtireny beake tawedumy tamy rarybere. Kiaboho hãwyyreny iriðre riðre atximahãtenyte. Tai aõwiwihikÿ widÿÿnamy botÿÿnybenyke. Bededÿÿnana jei jei lau brebuõmy.

⁷ Hãbu mahãdu, kaiboho tule asÿreny-ki abedeeryna biyrubunybenyke. Ahãwyyreny biywinybenyke hõraõmy idi ahãbenyke, tiiboho dori itxõmotxirenyre iruruõreny. Iòsÿny bityhynybenyke. Wiwana Deuxu ruxetðena tarasadÿÿdu atximahãtenyte. Tai aixitðedÿÿnamy òbitimy bexitðenybenyke.

⁸ Tahe kaiboho ibutumy widi mohõtinybenyke wiwesewesele. Ityhydÿÿdu seriðre dee tðena luuna-wana biwahinyke. Ruxetðena-di boibeke iny-ò ixityhydÿÿ aõkõ. ⁹ Inyõ aõbinamy adee rakeki, ixidõwydÿÿõmy. Inyõ rybe-ki aõbinamy adee rakeki, irawyòdÿÿõmy. Wityhymy tamy marybeke. Kia-ò tahe Deuxu aõwiwihikÿ adee riwahinykre, tai ijõtXu Deuxu wityhynamy adee riwahinykre. ¹⁰ Tai inyõ tabededÿÿnaluummy ratxike-wana, tatxuu teysamy ratxikeki, tahe dõrõtò rexitaake rybe bina lau iry riyryke wobina rybe lau. ¹¹ Aõbina bina-ribi bihenybenyke aõwiwihikÿlemy botÿÿnymahãbenyke. Ywina biijemahãbenyke ywina-di ahãbenyke. ¹² Deuxurue tahe òbiti mahãdu-di retehemyhÿre. Tanohõtì tahe ixitðena-ò riijohonanamy rononymhÿre. Aõbina widÿÿnadu-ò tamyreny rارانamy idi retehemyhÿre.

¹³ Kai aõwiwihikÿ widÿÿlemy tiu matxibekeki aõhe iny adee rotÿÿnyõtyhy. ¹⁴ Kai òbitiwidÿÿ òraru-ki aõhebo bõtÿÿnykeki, deysamy atximahãke. Breburenyõmy iwese ilaureny ixidõhãrudÿÿrenyõmy. ¹⁵ Urile Kristu awedurenywesemy bisÿnybenyke aworeny-ribi. Inyõ adeereny aratÿÿraxinyke-wana aõherekibo Kristu tetyhynymyhÿtemy, kai bexiywinyhy tamy ixidee rybena bydÿÿna biywinyhyymy idi ahãke. Arawyòdÿÿna ywina-di tamy marybeke iòsÿny bityhynamy arayky òbiti-di marybemahãke. ¹⁶ Tai tahe biixÿrudÿÿnyke umy ibinamy rarybekeki, tai dori òbitilemy Kristuko-txi tariamahãte. ¹⁷ Tahe Deuxu dee wikeki, aõwiwihikÿwidÿÿ òraru-ki inyõ aõhõkÿmy rotÿÿnykeki, kia tahe Deuxu dee awi rare. Aõbinahakÿwidÿÿ òraru-ki aõhõkÿmy rotÿÿnykeki, kia tahe Deuxu dee awi rare. ¹⁸ Kristu tahe sohojihyyle rurure iny òraruna òraru-ki. Òbitiwidÿÿdu tahe rurure òbitiwidÿÿdu aõkõ òraru-ki, kaiboho ruruweselemy atximahãtenyte. Deuxu Tyytybytyhy direki kaiboho iruweselemy atximahãtenyte. ¹⁹ Kristu Tyytyby rara rotenawo-ò, tyytyby-ò ritÿÿnynmy rarybeke. ²⁰ Noe hãwò nihikÿ riwinyreu, Deuxu riraðmy raremyhÿu urile hãbu mahãdu rityhynyõmyhÿre. Debò inataõ reurò inymy rohonyre rubu-ribi bera-ò rabòròre. ²¹ Wiji, kia sebedÿÿna ijyy wese heka rare. Tahe aõsebedÿÿna aõkõ iny tarasanare. Sebedÿÿna-ki Kristu rubu-ribi ixixana inyboho riteòsinyreri iny Deuxu-ò retehemyhÿre tarasana ritakemy. Bee tahe hãlubu suròdu aõkõ rare. Rexitðenymyhÿreki inywo rityranymyhÿre risuhònymyhÿre. ²² Kristu tahe wijile biu bede ronyre Deuxu rurunawe-ribi tii ÿjuboho, dinoduboho, rurunaduboho wedu Kristu rare.

4

¹ Tahe Kristu taumy-wana aõhõkõmy rotÿÿnyre. Tai tahe iwesemy mohõtinybenyke. Inyõ dori aõhõkÿmy rotÿÿnyre. Tai tahe òraruna-ribi ixixãwididÿÿmy rõhõtinyreri.

² Tai kabede-ki iny bededÿñanareny uhe hãbu òta òtawidÿÿ nohõtina wesemy aõkõ rakatximyhÿrenyke. Deuxu deewina widÿÿna-ò rakatximyhÿrenyke. ³ Juhuu kaiboho sõwemy taòrarunytenyete, iwese ityhydÿÿdukõdu mahãdu wiji rÿira wese. ⁴ Aòraru-ò biòwa mahãdu wiji bederiòtiinyre kai tii-wana taòrarunykõmahãteki iwese tiiboho naòrarunymyhÿdenyde wese. Tai adee ibinamy rarybemyhÿrenyke. ⁵ Tule tiiboho ywisidÿÿdu Deuxu-ò rirawyònykre. Idi dori òbiti ywisidÿÿna-di rihitxidÿÿnykre iru mahãdu, rubumahãdu wana. ⁶ Tai tahe inyõ ituekre mahãdu-ò Rybewihikÿmy rarybemyhÿre iumy dori rihitxidÿÿnykre ibutu hãbu wesemy. Tahe itytyby Deuxumy irumy rarekre.

⁷ Boholabeny inyhe, bededÿñana konana iòhòra. Tai tahe inatyhymy mohõtinyke Deuxu-ò òbitimy bexitòenykemy. ⁸ Ibutu ratyre wiluutyhymy atximahãbenyke. Kaiboho dori aluunadirenykeki wiòraruna-di itxerekõmy ahãbenyke. Inyõ dori iluunadikeki, wiòraruna-di itxerekõmy ihÿke. ⁹ Iny witxira dee awimy rÿira, roraludu isÿõmy rÿira aheto-ò bisÿdÿÿnyke. Bitÿhidÿÿnyke roraludu luummy atximahã. ¹⁰ Wii biwiòhenanymy ahãbeny iwese bede teerytenyete wese biwiòhenanybenyke. Deuxu wiòhedÿÿdu wiitxura wahidÿÿdu wiwihikÿmy boibeke. ¹¹ Inyõ rarybekeu, Deuxu rybedile kana rybeke. Inyõ reòbykeu. Deuxu ruudile kedeòbyke. Tai tahe Deuxule loosòna kia-ribi kanatake Jesuisi Kristu òraru-ki ibutumy aõna aõna-di. Aõu aõu ibutumy ruruna, loosòna Jesuisi Kristu hõrõ rare. Kie.

¹² Waluuna mahãdu, ixibedeòtiidÿÿõmy bede aõmydÿÿnana sira adee kanakreu. Kia tahe aõ brebudÿÿna aõkõ rare aõhebo adee kodotÿÿnykeki. ¹³ Tÿxihikÿlemy deysa-di atximahãke kia aõhõkÿmy dÿÿnana dori Kristu aõhõkÿmy dÿÿnana-ò biòwa atximahãte. Idi tahe tule kedeyesakre Kristu loosòna òraru-ki. ¹⁴ Inyõ adee ibinamy Kristuni òraru-ki rarybekeki beysake. Kiau Deuxu Tyytyby heka loosòna sõwe-di atyre-ki kanakre. ¹⁵ Kaibohoò rubudÿÿrenyõmy, wasirenyõmy, aõna aõna bina widÿÿõmy, inywitxira aõwysyna-txi ròte. Kiake-wana iòwydÿÿnamy aõhõkÿmy botÿÿnybenyke. Tii dori wadee awiõre. ¹⁶ Inyõ tahe aõhõkÿmy rotÿÿnykeki, ityhydÿÿdumy rare òraru-ki tai ixiruõmy mabeke. Urile Kristunimy riwowydynykemy idi rare. Bededÿñanahe rehemynymy roire ityhydÿÿdu mahãdu-di rihitxidÿÿnanymy riteranykemy. ¹⁷ Tahe inydee ywisidÿÿna ritelenykeki, timybohe Deuxu Rybewihikÿ ityhydÿÿdukõdu mahãdu-ò kòdòhònykre. ¹⁸ Ryberiti-ki roimyhÿre kia: —Òbiti mahãdu dee tarasana isirakeki, timybohe òrarudu mahãdu ròhònyke. ¹⁹ Tahe inyõ Deuxudeewi òraru-ki aõhõkÿmy rotÿÿnykeki, Tatytyby Deuxu-ò rawahike tahe aõwihikÿ widÿÿmy rareke. Deuxu dori aõu aõu iny widÿÿdureny rare; iny wiòhedÿÿdureny rare.

5

¹ Ityhydÿÿdu-ò itxeredu mahãdu-ò aritohonykre ararybekre. Jiarÿ tule itxeredu-ò rare. Kristu aõhõkÿmy rotÿÿnyreu, jiarÿ tuu rabire. Taloosòna kiditeòsinykreu jiarÿ awana wataxire tewebromy rikitaranykremy. ²⁻³ Biwisinanyke aityhydÿÿdu butuna iwese itxeredu budoeni-di retehemyhÿre wese idi beteheke. Ixideewimy kia biwinyke. Inywitxira deewimy aõkõ. Aõ nieru tarasa sohojilemy aõkõ, ityhydÿÿdu wiòhedÿÿmy. Aõ ityhydÿÿdu wedu wesemy aõkõ bisÿnybenyke, urile bexideòsinyke iwese ityhydÿÿdu òbiti rÿira wesemy. ⁴ Tahe itxeredu mahãdu wedutyhy kedehemynykeu, tii adee kidiwahinykre loosòna araheto. Tii tiu toosò ixãwiòtyhy. ⁵ Itxeredu mahãdu tÿmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rarawetyynymyhÿre. Ixiwede aõkõ mahãdu-ò tahe ruxetòena riwahinyke.

⁶ Ywimy ahãke Deuxuru-ò iximy xiwedeõmy. Tii dori bede òbiti kanakeu akanaloosònykre. ⁷ Aõmydÿÿna witxira witxira biwahinybenyke Deuxu-ò tii dori arawisinaymyhÿrenyke. Anawiòhenanykre. ⁸ Bexihãrubenyke aòludureny Satanasi-ò. Òbitimy mohõtinybenyke. Tii dori leaõ reburemyhÿre wese rare. Tii rariarerimy ihÿre tibo riròkemy. ⁹ Atyhynatyhy-di idi bexiumnyke. Aityhydÿÿdu seriòre-dori awana

aõhõkỹmy rotỹỹnyreri kia ixiradỹỹduhukỹle-wana. ¹⁰⁻¹¹ Iny Deuxu ruxetòenatyhy rỹire. Kaiboho urihimyò aõhõkỹmy botỹỹnybenykeu akanawiòhenanykre, akanarurudỹỹnykre, akanaòbitidỹỹnykre, anaijohonadỹỹnykre. Ibutumy ruruna ihõrõmy aõu aõu rarekehyyemy idi watximahãre.

¹² Kia waryberatiyla Sila-wana adeeremy riritinyre. Tii iny seriòreeremy òbitityhy rare. Jiarỹ rarybereri kia Deuxu wiðhedỹỹna inatyhy rare. Kaiboho idi tyhy mohõtinybenyke.

¹³ Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-ò. Tule wariòre Marku arãrybeweityhynanyrenyde. ¹⁴ Widee buòbenyke narybewehityhynanyde. Ywina adeeremy kanakemy watxireri Kristu tetyhynmahãtenyteki.

2 Pedro 2 Pedro Tyyriti

¹ Jiarÿ, Simaõ Pedro, Jesuisi Kristu deõdu rare. Jesuisi Kristu rybemy rybedu rare. Warybe ritina rewahinyre ityhydÿÿdu mahãdu-ò, Deuxu ywisidÿÿna mahãdu-ò, Jesuisi Kristu inyтарасadu òbitina òraru-ki, inatyhyna inyboho ijõdirenyreki. ² Ruxetõena wiðhedÿÿna-wana adeeremy kanakemy watxireri Deuxu erydÿÿna-ki, Inynyrÿ Jesuisi erydÿÿna-ki. ³ Tahe Deuxu rurutyhy-ribi inydeeremy aõna aõna sõwemy riwahinymyhÿre òbitimy inyboho rokoirekemy iny bededÿÿnanareny-ki. Tii inyboho ridyrenyре taloosõna òbitiwo-ò, tii inyboho rieryrenyтыhyreki. ⁴ Tai inydeeremy tuu rarybere, sõwemy aõna aõna kanakremy awityhymy inydeeremy kia rybe rare. ⁵ Kia rybe bityhynybenykeki, bede aõmydÿÿnana bina-ribi bexitabenyke, òta òta widÿÿna-ribi bexiebenyke. Tule Deuxu rayky wesena-di urihimydõ boibeke. ⁶ Tai tahe ibutumy aruru-di marurunyke aityhydÿÿna-ò òbiti widÿÿna bibutunyke, kia-ò bedeerydÿÿna bibutunyke, kia-ò ixiwedudÿÿna bibutunyke, kia-ò widÿÿnahyyna, kia-ò òbitimy nonana. ⁷ Kia-ò ityhydÿÿdu seriõre luuna, kia-ò wiluuna bibutunyke. ⁸ Kia aõna aõna dori awo-ki ratximyhÿkeki, rexiõlõnykeki, arawiðhenanykre Jesuisi Kristu Inynyrÿ bierybenykemy. Tai ityhydÿÿdu wihikÿmy boibekemy. Iny witxira biwiðhenanybenyke. ⁹ Kia aõna aõna inywo-ki ratxiõmyhÿkeki, tii heka iruetãlemy ihÿre. Aõbo iðhõmy ratxirerilemy robimyhÿre. Juhu òraruna iribi risuhoremy idi tõhõti rosare. ¹⁰ Tai waseriõreboho marurunybenyke atyhymy boibekemy, aityhydÿÿna tyyhydÿÿmy boibekemy. Tai tiu òraruna-txi aixeõna. ¹¹ Kia wesekeki tahe deysana-di birõnybenykre Jesuisi Kristu inyтарасadu òlõna bede-ò.

¹² Kia aõna aõna teerytenynte. Inatyhyna tetyhynyhy atximahãtenynte. Ihãrele tahe itxi arõhõtiiiradÿÿnyhyrenykre. ¹³ Tule warumy mahãreu, awimy idi rahõtínymahãre kia inatyhyna-di akanaixixadÿÿnydenykre. ¹⁴ Waumy dori kaki ele elelemy aririkre reeryre. Inynyrÿ Jesuisi Kristu dori kia wadee diteõsinyde. ¹⁵ Aõu aõu tahe ararurunytyhymy ararekre kaiboho kia ibutumy õhõti-ribi rosaõtyhykemy. Tule warubuhewo-ribi kia-di mohõtinyhy boibekre. ¹⁶ Tahe adeeremy Jesuisi Kristu themynynamy rarybereu, aõ uritere tere ijjymy aõkõ heka relyreri hãbu ijjyna-ribi aõkõ ijjytyhymy. Inyboho dori iny iõlõreny loosõnatyhymy robimyhÿrenyre. ¹⁷ Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarÿ reysamy watxireri adee. ¹⁸ Kia rybe-ò jiarÿboho raholarenyre tii-wana hãwãlõ raty tyre-ki roiremyhÿu. ¹⁹ Iwese juhu rybemy rybedu mahãdu rarybere wese, kiamy heka wiji inydeeremy ritÿnynymy roimyhÿre. Kaiboho tule kia-ò boholamahãbenyke bityhynymahãbenyke. Iwese iny loosõna-di bedeluru-ki, retehemyhÿre wese. Idi tahe Kristu kòdðhõnykre, iwese tainahakÿ ròhõnyre wese. Tahe aworeny-ki kanasÿnykremy ratxikre. ²⁰ Kia heka juhuu bierykre: Tyyritirybeõ tiu ixiwana le ritÿnydÿÿnyõtyhy. ²¹ Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritÿnynyre aõmybo rarybekemy.

2

¹ Iwese juhuu inyy-ki rybedu inatyhyõna rarybere wese, tule ayreny-ki rybedu inatyhyõna kidierydÿÿnykremy. Tiiboho kedeerynanykre aõbinabinahãkÿmy. Tii-boho kidiitxenanydenykre. Tule Inynyrÿ kidiseõnykre. Tai tahe aõwesele rexihukre. ² Sõwemy iny iõta òta erydÿÿnyra rityhynykre. Tai iny witxira inatyhyna ery dee ibinamy rarybekre. ³ Kia rybedu inatyhyõna adyna-di ratxihyymy roireke tai adeeremy raruimyhÿke. Anieru tarasanareny-ò. ⁴ Iatysyna heka iðhõmy namahãde tule idi dehuna inatyhymy kòdðhõnykremy ihÿre. Ýju mahãdu raðrarunyreu Deuxu tõtxi ririõlemy reare tahe idi rehulemy reare bedebina heðty-ò. ⁵ Iu bee-di Deuxu suu

ritÿmynyreu, òrarudu mahādu ituere Deuxu tōtxi ririōre. Noe, òbitina rybedule, ritare debò inatxi reurò iny-wana. ⁶ Sodoma hāwā Omora hāwā-wana aōwesele Deuxu ritoonyre, raòrarunyreki. Brybymy relere. Tai heka iny ribedeernymyhÿre òraru lau. ⁷ Kia hāwāy-ribi heka Lòijoi sohojile ritare. Lòò òbiti rare. Tii heka terare òrarudu mahādureki. Tōtxi ririōhyre. ⁸ Imahādu-ki Lòò rasÿnyreu, txuō txuōlemy iwo rabe-dewotyhyemyhÿre, aōbinawidÿÿmybo robire idi roholareki. ⁹ Tahe òbiti widÿÿdu urihixina-ribi Inynyrÿ ridykemy rierymyhÿre. Tule ibinamy widÿÿdu mahādu aōhōkÿmy dÿÿnana riraòmyhÿre. Ywisidÿÿnatxu kedehemynykreò. ¹⁰ Ibutu ratyre urari òta òta widÿÿdu mahādu aōhōkÿmy rotÿÿnykre. Tiiboho Deuxu ruru riseònyrenymyhÿre. Ixi-di xiwededu wesemy rÿirenyre, ixiluudu wesemy rÿirenyre. ¹¹ Aōbinahakÿlemy biuludu mahādumy rarybemyhÿreny. Tahe ÿju mahādu iruruna ratyre-di hāre tamy ibinamy rarybeòmyhÿre, Deuxuko-txi. ¹² Tahe kia iykaraluu mahādu iròdu deborehekÿ wesemy ratximyhÿre. Iròdu debore tahe bedehuduna widÿÿmy rare ada ròtenawo-ò rakelemy. Kia hābu mahādu aōmybo ròeryōhyemyhÿre dee ibinamy rarybemyhÿ. ¹³ Tiiboho ixi-di dehuna-di ixi dee kedexiixāwinykre. Tiiboho òraru luumyhÿre txumy dori raòrarunyrenymyhÿre. Awanareny dori riroximahāre, aōbinahakÿtyhy wesemy ayreny-ki ratximyhÿ iòrarunarenymy rybe luureki. ¹⁴ Tiiemy iru hāwydyhy retehemy ihÿre tamy òta òtalemy rōhōtinymyhÿre. Kia hābu hāwydyÿweduna rierymyhÿre. Hāwy urihimyo tÿÿwekeki kia hābu idyna rybe-di rierymyhÿre hāwy-di aōbo tai riurarinymy taòbirenareny rihydÿÿnymyhÿre aōbo tai riurarinymy idi ratximyhÿre. Tiiboho tuedena nihikÿ-di ituerenykre. ¹⁵ Òbitiry ririmyhÿreny. Reòsamyhÿreny. Balaaōry dori riheludunymyhÿreny Balaaō, Beoro riòre òraruòwydÿÿnamy ritakemy ratxireri iòraru luureki. ¹⁶ Aōbinahakÿ riwinyreki rexiòwinyre. Kiamyre heka. Jumenta wesena rybeteremy tamy rarybere inrybe wesemy iitxÿtena-ribi riixāwidinykemy. ¹⁷ Tiiboho bedidehuna wese roire bee ihoōreki. Yhy biuwety tyò ridymyhÿre wese kia hābu mahādu roire. Tamy bede luruhukÿ bede riyrubunymy rÿire. ¹⁸ Tiiemy taòrarumy rarybehymy raremyhÿ inyò aòta òta rybe-di ridykemy. Inyò deòsary-ribi ròhònykeki, tii ridylemyhÿre ixbyle òraruna-ò. ¹⁹ Tamyreny rarybemyhÿre ixideewimy boibekemy. Urile irybedureny òrarunawidÿÿna deòdumy ihÿreny. ²⁰ Iwese inyò ijեսuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òraruna rare. Inyò bede aōmydÿÿnana òraru-ribi ròhònykeki, tahe ixbyle ròòsekeki, teleu raremyhÿ ratyre ikonana ratÿÿnykre. Inynyrÿ Jesuisi Kristu dori tii rierymyhÿre juhū tahe idi rexideyresanyre kia aōmydÿÿnana òraru-ò. ²¹ Tiiboho ryòbiti rierymyhÿreny. Tahe bede ywina òbiti-ribi rexiòlòdÿÿnyre. Rieryōhykeki tamy wimy tuu raremyhÿ, rytÿmyra erysy-ribi rohonyreny. ²² Tiiboho kia rybedÿÿna hitxina wesemy ihÿreny: —Ijòròsa tahylòina-ò ròòsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixbyle rexisunyke.

3

¹ Kia, waluuna mahādu warybe ritidÿÿna juhuludu aōkō rare ihewoludu rare. Warybe riti wiwanadile anohōti ijiradÿÿmy watxireri anohōti riraixixanykemy. ² Deuxu rybemy rybedu òbitimy rarybemyhÿre òhōti-ribi rosaōkre, tule Inynyrÿ iny tarasadu bede ywina nohōti losaōmy iwese tarybe deòdu adeereny rierynanyre wese. ³ Ibutu ratyre, kia-ribi nohōti losaōmy. Ikonana txuu hābu binahakÿ rybe binatyhy-di kòddidenykre. Kia hābu òta òta widÿÿlemy rōhōtinymyhÿre. ⁴ Kiamy hābu rarybekre. Tiubo Jesuisi Kristu nonana kanakre. Juhu inybyreny ituere wiji bededÿÿnanau tiu naōhyemyhÿde. Ibutumy heka juhu bedu ixi wese hyylemy bede roimyhÿre. ⁵ Iribi tōhōtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶ Bedi juhū bedu ibutumy rexihura. ⁷ Tule wiji irybedile bede rÿimyhÿre. Tahe ixbyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hābu tōhōti rosare.

⁸ Tahe aõsohojibo, waseriðreboho, nohõti-ribi loosarenyõmy. Kia heka rare: Inynyrỹ dee. Txusohoji 1000 beðra wese heka rare. Tule 1000 beðra txusohoji wese rare. Tamy bededỹynana aõ aõkõ rare. ⁹ Inynyrỹ tarybewesele aõna aõnamy kodotỹnykre. Aõ raroorehenymyhỹre aõkõ rare urile tahe hãbu riraðhyymy rỹimyhỹre hãbu taðraru-txi tõhõti reakemy. Ibutumy tarasana-ki rỹikemy dori idi ratxireri. ¹⁰ Wasidu namyhỹde wasimy Inynyrỹ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adỹwesemy ritxienykre. ¹¹ Òbitimy rakatxirenyke. Kia ibutumy ròhònyreki. ¹²⁻¹³ Inyboho heka riraðmyhỹrenyre biuwetyy tỹmyra sutỹmyra-wana. Inynyrỹ dori rarybere kia kidiwahinykremy.

¹⁴ Tai heka waseriðre waluuboho, òbitimy atximahãbenyke kia-ò dori teraðmahãtenyete. Tii kanakreu umyreny robikre ywimy, òbitimy, inyõ heka umyreny ibinamy rarybeõtyhy. ¹⁵ Rexiroorehenymyhỹre ibutumy iny tarasanarenymy. Tule inyseriðre Paulo adeereny ròritidỹre ibede eryna Deuxu tamy riwahinyre. ¹⁶ Kiamy tule aõna aõnamy tii ròritidỹre. Tahe iritina-ki aõbo isiratyhyre ierykõnatyhymy roire òbiti mahãdu aõkõ kia rybe-di aõwitxiramybo rierynanymyhỹre. Iwese ijõ Ryberiti-di riwinyre wese. Tai heka tiiboho ituerenyre. ¹⁷ Kaiboho tahe waityhydỹydu seriðre bexihãrubenyke ilau teðsana-di aradyrenyheny. Tai kaiboho beðsabenyke. ¹⁸ Inynyrỹ Jesuisi Kristu wiðhedỹyna-di ibedeerydỹyna-di maumynybenyke. Wowydyna ibutumy tamy kanakemy idi wãhãre wiji tyhymy rareke. Kie.

1 Juaõ

1 Joaõ Tyyriti

¹ Jiarÿboho akoreny retÿÿnynyreri, Jesusimy. Tii Rybe rininirenyra. Tii juhube-deu raremyhÿ. Jiarÿboho rabirenyra, tarybemy aholarenyra, tamy reteherenyre, aõbo riwinyreð, tule tamy iny rerimyhÿre. Tii inydeereny umytÿmyra riwahinyreri. ² Umytÿmyra tuedeõna Deuxu inytyby-ribi rehemynyra. Kia umytÿmyra tuedeõna Jesuisi-di rare. Jiarÿboho tuu rabirenyre. Tii rexideõsinyre inyrenyko-ò. Kia tahe adeereny relyreri iwese raremyhÿ wese. ³ Aõðbo iny roholare wese, tuu rabire wese, kia tahe tuu relyreri inyboho wiluurenykemy winohõtiwesele røkõhõtinyrenykeny. Inyboho rahõtinyrenyreri iwese Deuxu inytybyreny, Jesuisi Kristu Deuxu Riðre-wana wiwese røkõtinyre wese. ⁴ Kia tahe waryberiti adee rewahinyreri adeysamy rakatx-imahärenykeny.

⁵ Kiamy tahe Jesuisi inydeereny relyreri: —Deuxu txuloosõna wese ratximyhÿre. Deuxu-ò bedeluru aõmydÿÿnana rehemynyõtyhy kiamy adeereny relyreri. ⁶ Inyõ rarybekeki: —Jiarÿ Deuxu-wana winohõtiwesele rahõtinyinmahäre. Kia iny bedeluru aõmydÿÿna-di ratxireriki, kia iny raruimyhÿre. ⁷ Tahe inyboho loosõna waõmydÿÿna riwinymyhÿrenykeki iwese, Deuxu loosõnawo-ki ratximyhÿre wese, tai inyboho wiwesele røkõtinyinmyhÿke. Tahe Jesuisi, Deuxu Riðre hãlubu ibutumy iny òraru-ribi iny risuhõmyhÿke. ⁸ Inyõ rarybekeki: —Jiarÿ raðrarunyõhywãhãre, kia rybe-di tii ixidee riitxenanyimyhÿre. Tii raruire rityhynyõre. ⁹ Iny taðrarurenymy relyrenykeki, Deuxu tiemy òbiti rare, tii iny òrarurenymy iny-ribi riixãwididÿÿnykre. Aõbo iny iwo-ki isuisumy ihÿre tii rityranyke. ¹⁰ Inyõ òrarudikemy aõkõ raryberenykeki, inyboho Deuxu ruidumy rarybemahäreny. Kia iny Deuxu rybe rieryõhyimyhÿre.

2

¹ Kaiboho wariðre wese atximahãtenyete. Adeereny waryberiti rewahinyreri, kaiboho òrarurenymykeny. Iny òraruna-txi resekeki, iny wiðhedÿÿdurenymy dire. Tii Jesuisi Kristu rare. Òbiti rare òraru ijyjdumy rarekeny Waha Deuxuko iny wiðhedÿÿmy. ² Tii dori itxeðnihikÿ-ki rurura iny òraruòwydÿÿ-ki. Inysohojile òraru aõkõ rurura tahe ibutumy iny òraruòwydÿÿ-ki. ³ Tiwesebo inyõ rexierkyre Jesuisi rieryrenykeny rityhynymyhÿkeki karybe bede ywina wese rierykre tii rexierkyre Jesuisi rityhynyre wana. ⁴ Inyõ rarybekeki: —Jiarÿ Jesuisi reeryre. Irybe bede ywina riywinyõkeki, iny ruidu rare. Inatyhyna rityhynyõre. ⁵ Inyõ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireri-wana. ⁶ Inyõ rarybekeki: —Jiarÿ Jesuisi mahãduwo-ki watxireri. Tamy kia wese rÿikeki. Aõmybo Jesuisi rotÿÿnyre wese, tii tule rotÿÿnyke. ⁷ Ityhydÿÿduseriðre, adee bede ywina tÿmyra aõkõ rewahinyreri. Bede ywina tyby kia rare. Kia juhUU teerytenyete. Inyboho wiluurenykeny, kia bede ywina tyby rare, juhUU taholatenyete. ⁸ Kia rybe bede ywina itÿmyra rare. Jiarÿ adee rewahinyreri. Kristu dee inatyhy rare tule adee inatyhy rare. Bedeluru røkõnyra, loosõna inatyhy bede-ò ralòmÿhÿre. ⁹ Inyõ rarybekeki: —Jiarÿ loosõnawo-ki watxireri. Kia iny taityhydÿÿdu seriðre luuõkeki, bedeluru-ki ratximyhÿre. ¹⁰ Inyõ taityhydÿÿdu seriðre luukeki, kia sohojile loosõnawo-ki ratxireri. Aõ aõkõ tii riatydÿÿnyra. ¹¹ Inyõ taityhydÿÿdu seriðre rexihitxinykeki, bedeluru-ki rariamyhÿre. Titxibo rakre rieryõhyimyhÿre. Bedeluru dori ruetãna rare.

¹² Adeereny warybe rewahinyreri wariðre wese aðraru dori, tii riixãwididÿÿnyre Jesuisi òraru-ki. ¹³ Iumy mahãdu-ò warybe riti rewahinyre adiwahinyde, kaiboho dori tuu teerytenyete. Tii hykyle dori juhUU raremyhÿ. Ijoityhy-ò waryberiti rewahinyre, Satanasimy tahaÿnanytenyete. ¹⁴ Wariðre, inytyby Deuxu teerytenyete. Iumy mahãdu, adeereny aratyritinykre, kaiboho dori tuu teerytenyete. Tii hykyle dori juhUU raremyhÿ.

Ijoityhy, adeereny aratyritinykre, Deuxu rybe dori òhõtireny-ki ratxireri, arurudireny dori. Satanasimy tahañnanytenyete. ¹⁵ Bede aõmydÿñana luurenykõmy boibeke. Inyõ bede aõmydÿñana luukeki, Deuxu inytyby luuna rieryõke. ¹⁶ Kia bede aõmydÿñana rare: òraruluuna, aõmy robira-wana tuure, aõna aõnamy ixityhydÿñana. Kia Deuxu-ribi aõkõ nade. Kia bede aõmydÿñana-ribi nade. Kia bede aõmydÿñana-ribi nade. ¹⁷ Kabede ixãwikre taaõmydÿñana òta òta-wana. Deuxudeewimy widÿñdu tiu ixãwiõtyhy. Tii awimy rÿirakre.

¹⁸ Wariòre wese. Ikonana bededÿñana iòhòmÿ roire. Adeereny narybede Kristu òludu kanakemy. Betehe inihe, Kristu òludu sõwemy dehemynyde. Kiawese inyboho rieryrenyre ikonana bededÿñana iòhòmÿ roire. ¹⁹ Kia Kristu-ò òludu iny mahãdu wotya-ribi ròhònÿrenyrea. Tii ityhydÿñdutyhymy aõkõ ratximyhÿre. Ityhydÿñdu mahãdu tiu ròhònÿtyhy. Ròhònÿrenyreu, ibutumy rieryre, kia iny mahãdu aõkõ ratximyhÿre. ²⁰ Kaiboho aõmydÿñana ibutumy teerytenyete Deuxu Tyytybytyhy direki. ²¹ Kia rybe adee aratyritinyke, kaiboho dori Deuxu rybe inatyhyna teerytenyete. Tiu rui Deuxu inatyhyna-ribi ròhònÿhyymyhÿre. Kia tahe teerytenyete. ²² Moheka ruidu rare. Inyõ rityhynyõkeki Jesuisi Deuxu deòdÿñana raremy, tii tahe ruidu rare. Inyõ Kristu Deuxu-wana ritxiõnykeki, tii Kristu òludu rare. ²³ Inyõ Deuxu Riòre ritxiõnykeki, tii Deuxu-wana aõkõ ratxieri. Inyõ rarybekeki: —Deuxu Riòre retyhynyre, tii Deuxu-wana ratxireri. ²⁴ Juhuu aõòbo roholare taholamy toitemyhÿ idi mohõtinybenyke. Idi mohõtinyamahãbenykeki, Deuxu, Iriòre-wana aõu sõu matxibenyke. ²⁵ Jesuisi Kristule juhUU inydeereny narybede, umy ituedeõna inydeereny kidiwahinykemy. ²⁶ Kia waritina jiarÿ wiji rehura. Aitxenadÿñdu lau adee reritinyra. ²⁷ Abedeerydÿñana Kristu tatytyby adeereny riwahinyre. Tii tahe awanale ratxireri. Aerydÿñdu aõkõ adeereny rauhenyrenyeri. Tii tahe inatyhy bedeerydÿñana ibutumy araerynanyeri. Rui aõkõ rare. Iwese tii araerynanyreri wese, ibutumy biyrubunymahãbenyke. Kia tahe Kristu-ki hykyle bexiemyhÿbenyke. ²⁸ Wiji, wariòre wese aõu aõu boibekemy Deuxu mahãduy-ki. Tai Jesuisi kaò kedehemynykeu, buberuõtyhy ada maixÿruõtyhy ilau. ²⁹ Deuxu òbitityhyhy ratximyhÿre. Kia teerytenyete. Inyõ òbitimy rarekeki, Deuxu riòremy rareke. Kia tule teerytenyete.

3

¹ Boholake, inytyby Deuxu taluuna nihikÿ inydeereny riwahinyre. Inyboho dori tii rininirenyre Deuxu Riòremy. Inatyhymy inyboho Deuxu Riòremy roire. Kia tahe ityhydÿñdukõdu mahãdu rieryõre. Tiiboho dori Deuxu inytyby rieryõhyymyhÿre. ² Waluuna mahãdu, inyboho Deuxu Riòremy roire. Rierykõrenykre timybo iny rokoirekemy. Kia inyboho rieryrenyre: Jesuisi kodobehekrey, inyumy taumy wese risÿnykre. Inyboho dori kodobidenykre iwese rarybemyhÿ wese. ³ Inyõ Jesuisi wesemy rarekemy ratxikeki, iwese Jesuisi òbitimy raremyhÿ wese tii rareke. ⁴ Inyõ Deuxu bede ywina rybe rityhynykeki, tii rexiòrarunyke. Kia heka òraruna rare. ⁵ Jesuisi dobehede òraru tarasadumy rarekemy. Kia teerytenyete. Jesuisi inatyhymy raòrarunyõhy raremyhÿ. ⁶ Inyõ Jesuisirykihy rarialeke, tii òraruõmy rareõtyhy. Inyõ òrarumy rarehykeki, tii Deuxu rieryõhyymy rareke tuu robiõhyymy rareke. ⁷ Wariòre wese, itxenadÿñdu lau bexiyrubunyke iny aõmydÿñana òbitimy riwinykeki, iny òbitilemy rareke, iwese Jesuisi òbitimy raremyhÿ wese. ⁸ Inyõ òrarunadityhy raretyhykeki, tii Diabo mahãdu-di rareke, Diabo heka òrarauna-ki hyy nodure. Tai kaò Deuxu riòre nade Diabo aõmydÿñana ixãwikemy. ⁹ Inyõ Deuxusÿ riòrekeki tii òraruna-txi reseõlemy ratximyhÿre Deuxu dori iwo ritymyranyre. Tii reseõhyky rareke. Deuxusÿ dori rare. ¹⁰ Kia wese iny rieryrenykre inyboho iriòre Deuxu riòremy roire ada Diabo riòremy aõbo, inyõ Deuxu deewimy riwinyõkeki, tii Deuxu Riòre aõkõ rare. Inyõ taityhydÿñdu seriòre luuõkeki, tule Deuxu Riòre aõkõ rare. ¹¹ Kia bede ywina rybe juhUU taholamy tatemyhÿ ihãre tadoholamahãte. Kia heka rare: iny wiluukemy. ¹² Iwese Kai taseròre rirubunyre wese aõkõ rikiwinykre. Tii dori Satanasi mahãdu rare. Aõherekibo

tasewriðre rirubunyre. Iaõmydÿÿna Deuxu dee awiðre Iserðre aõmydÿÿna Deuxu dee ðbitire tai tahe rirubunyre.

¹³ Waseriðreboho, ityhydÿÿdukõdu mahãdu eramy ratximyhÿ. Kia-di bedetiidÿÿomyke. ¹⁴ Inyõ ityhydÿÿdu seriðre luukeki, tii rubumy rÿire wese mahãdu-ribi røhðnyre. Kia reerymyhÿrenyre. Tahe umytuedõna-ki rahara. Inyõ luuõkeki, tii rubumy rÿirawese mahãdu-ki ihÿmyhÿke. ¹⁵ Inyõ taseriðre derakeki, tii rubudÿÿdu wese rare. Boholake, kia teerytenyte. Rubudÿÿdu umytuedeõna-ki rahaõtyhy. ¹⁶ Kiawese luuna rikierenyrenke dori Kristu rubu-ð rexiwahinyre inydeereny tðemy. Tai tahe inyõ taseriðre dee rurukeki iluuna sõwerekiki. Tii tahe awire. ¹⁷ Inyõ ityhydÿÿdu seriðre aõhokÿmy rotÿÿnykeki, rama rahukeki, tuu robike aõ ijðdikeki, tahe iny riwiðhenanyõkeki, tii Deuxu luuna-di aõkõ ratximyhÿre. ¹⁸ Wariðre wese, luuna urile tuu rybena aõkõ rare. Aõhebo rotÿÿnykemy ihÿre. Kia tahe aluuna inatyhymy biteðsinyke. ¹⁹⁻²⁰ Kiawese iny reeryrenyre inatyhyna mahãduwo-ki ratximyhÿre. Jiarÿ arahõtinykeki. Jiarÿ aõkobo ityhydÿÿdumy watximahãre. Deuxu warayky riwiðhenanymy ratxireri. Deuxu warayky ratyre raraykywydynanymyhÿre. Tii ibutumy aõ rieryre. ²¹ Waluuna mahãdu, ruberuðhyymyhÿre tahe iny ityhydÿÿdu mahãdu-ki ratximyhÿre wana rieryreki Deuxu iny rityhynyre. ²² Tahe aõmy iny rexitðenykeki tii inydee kidiwahinyke. Iny dori ibede ywina rybe rityhynymyhÿre. Deuxu deewimy iny riwinymyhÿre. ²³ Kia heka Deuxu bede ywina rare. Jesuisi Kristu, iriðrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴ Inyõ Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4

¹ Waluuna mahãdu, ibutumy rybe bityhynybenyõke inihe ityhydÿÿrenyõmy. Tai biurihike iny rybe Deuxu-ribi inatyhy aõbo ada aõkõre aõbo. Sõwemy rybedu mahãdu røhðnymyhÿre. Tahe inatyhymy Deuxu rybemy rybedu aõkõ rare. ² Kiamy Deuxumy rybedu mahãdu inatyhymy bierykre, inyõ rarybekeki: Jesuisi Kristu hãbu wesemy nade, tii inatyhy Deuxu mahaduõ ihÿre. ³ Inyõ kiamy rarybeõkeki, tii Deuxu mahãdu aõkõ ratximyhÿre. Kia Kristu òluduõ rare. Tamy taholamahãte kanakreð, tahe, kia ratximyhÿre. ⁴ Wariðre wese, kaiboho Deuxu mahãdumy toite. Rybedu inatyhy aõkõ rare, kia ruru tetatenyte. Deuxu dori aworeny-ki ratximyhÿre Deuxururu, Diabo ruru ratyre rare. ⁵ Inatyhymy rybedu aõkõ aõmydÿÿnana binamy relyymyhÿre. Tii dori ka bede aõmydÿÿnana bina mahãdu rare. Tahe ityhydÿÿdukõdu mahãdu tamy roholamyhÿre. ⁶ Inyboho Deuxu mahãdu roire. Inyõ Deuxu rierykeki, inydeereny roholamyhÿre. Inyõ Deuxu rieryõkeki, inydeereny roholaõtyhy. Kiamy rikierymyhÿrenyke inatyhyna mahãdu inatyhyna aõkõ mahãdu.

⁷ Waluuna mahãdu, wiluomy rakatximyhÿreny. Luuna dori Deuxu-ribi nade. Inyõ luukeki, Deuxu-ribi tibie rare. Iny Deuxu rieryre. ⁸ Inyõ luuõkeki Deuxu rieryðre. Deuxu dori luuna rare. ⁹ Kiawese inyboho rieryrenyre Deuxu inyluuremy ratxire. Deuxu Tariðre sohojile diteðnyde bede-ð inyboho Iriðre-ki umy tÿmyra-ki rahakemy. ¹⁰ Kia heka luuna rare. Juhuu Deuxu iny tuu aõkõ rare. Tii tahe inyluure. Tule tariðre diteðnyde inyðraru òwy òwydÿÿnanykemy. ¹¹ Waluuna mahãdu, Deuxu inyluurenytyhyreki, tai tahe inyboho wiluomy rokoireke. ¹² Tiu Deuxumy inyõ robiõhykyre. Inyboho wiluomy rÿikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhÿre. ¹³ Deuxu iny-ð Tatytyby riwahinyre. Kiamy tahe inyboho rieryrenyre tamahãdu-ki ratximyhÿre. Tule rierymyhÿreny tii iny-wana ratximyhÿrenyre. ¹⁴ Deuxu Riðremy inyboho robirenyra Tulobixidumy inyboho roire. Tuu adeereny relyreri. Deuxu Tariðre diteðnyde iny tarasadumy rarekemy. ¹⁵ Inyõ rityhynykeki idi rarybekeki: Jesuisi Deuxu Riðre rare, tii Deuxu-di tawo-ki ratxireri. Tii Deuxu-wana ratxireri. ¹⁶ Inyboho rieryrenyre Deuxu inyluurenyre. Kia iny rityhynyrenyre. Duexu heka

luuna rare. Inyõ luuna-ki ratxihyykeki Deuxu tii-wana ratxihyyke. Tii Deuxu-wana ratxihyyemyhÿke. ¹⁷ Iny luunareny Deuxu-ò rauhenyõreri. Tai tahe Deuxu wiribi ritxuakre kia txuu inyboho kiatlulau ruberuõtyhy. Iwese tii ratximyhÿre wese inyboho kabede-ki ratximyhÿreny. ¹⁸ Inyõ luuna-di ratxityhykeki, tii ruberuõtyhy. Luunatyhy brebuna-di rehumyhÿre. Aõhõkÿmydÿÿnana brebuna kidiwahinyleke. Inyõ brebuna-di ratxikeki, tamy aõhÿkÿmy dÿÿnana kanakre. ¹⁹ Juhuu Deuxu inyluureny, tai tahe inyboho iluureny. ²⁰ Inyõ rarybekeki: —Jiarÿ Deuxuluure. Tai tahe tii ityhydÿÿdu seriõre luuõkeki, tii ruidu rare. Inyõ taityhydÿÿduseriõre luuõkeki, timykibo Deuxu luumy rarekemy iximy rõhõtinyke Deuxu dori tiu tuu robiõhyemyhÿre, taseriõremy tahe robihyky ihÿre. ²¹ Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydÿÿdu seriõre luumy ratxikre.

5

¹ Jesuisi inatyhymy Kristu rare, Deuxu deõdÿÿna rare, inyõ rityhynykeki, tii inatyhymy Deuxusÿ mahãduwo-ki ratximyhÿre. Inyõ Deuxu luukeki, tule iriõre luukre. ² Inyboho Deuxuluukeki tarybe ywina rikiywinykeki, tai Deuxu tibiedÿÿna mahãdu luumy rikierenyke. ³ Deuxu rybe ywina rikityhynkre, irybe ywina dori isiraõre. Tai inyboho Deuxu luuna riteõsinykre. ⁴ Deuxusÿ mahãdu bede aõmydÿÿnana bina bina ruru ritamyhÿre iny Deuxu rityhynreriki, kia bede bina bina ruru ritareri. ⁵ Mo tahe kia ijesu tarasadure. Inyõ Jesuisi Deuxu Riõre raremy rityhynykeki, tii bedebina bina ijesu tarasadu rare. ⁶ Jesuisi Kristu nade. Inyõ tii riratisebenyre idi rare rurukremy tahãlubu ritxiwikremy. Rexiratisebenykemy sohojile aõkõ nade, tule tahãlubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷ Inataõ aõmydÿÿnanamy inydeereny rarybere: Deuxu Tyytybytyhy ijõre, Jesuisi ixirati sebedÿÿna ijõre, Jesuisi rubudÿÿna ijõre. ⁸ Kia inataõ aõmydÿÿnanamy wiwese wiweselemy rarybereri. ⁹ Hãbu rybe iny rityhynymyhÿre. Deuxu rybe hãbu rybe ratyre rikityhynmy rakatximyhÿrenyke. Kiamy Deuxu Tariõremy rarybereri. ¹⁰ Inyõ Deuxu Riõre rityhynykeki, aõbo inatyhy ixidee rieryre. Inyõ rityhynyõkeki, tii Deuxu-di ruidumy rõhõtinyreri. Tii dori rityhynyõreri timybo Deuxu tariõremy rarybere. ¹¹ Kia rybe rare: Deuxu inydeereny umytuedeõna riwahinyre. Tii tiu umy ituedeõna iriõre-ki inyboho rakaharenky. ¹² Inyõ Deuxu Riõredikeki, tii umytÿmyra tuedeõna-ki rahake. Inyõ Deuxu Riõre-di aõkõkeki, tii umytÿmyra tuedeõna-ki tahasaõna.

¹³ Kia aõna aõna adeereny retyyritinyre kaiboho umytuedeõna-di atxitenyteri bierybenykemy. Deuxu Riõre tetyhynyteny. ¹⁴ Inyboho Deuxudeewimy rexitõdenymyhÿrenyreu, Deuxu iny-ò roholamyhÿre. Kia tahe inatyhymy rybena rare. ¹⁵ Inyboho rierykeki tii inydeereny roholamyhÿre, tai rierymyhÿreny tii inydeereny riwahinyke aõmybo iny tamy rexitõdenyneri. ¹⁶ Iny ityhydÿÿdu seriõre rubu-ò aõkõ õraruna-txi resekeki, tamy Deuxu-ò rekexitõdenyrenyke, Deuxu kia riwiõhenanykemy ixyby Deuxu-ò ròðsekemy. Tii rubu-ò õraruna-txi resekeki, jiarÿ adee ararybeõkre tamy bexitõdenykemy. ¹⁷ Ibutumy õbiti aõkõkeki, õraruna rare. Òraruõ rubudÿÿnahyky kidiwahinyõkre.

¹⁸ Inyõ Deuxu-ribi tybiekeki, õrarunahyy-ki rareõtyhy. Kia inyboho reeryreny. Deuxu Riõre ryrubunymyhÿre. Diabo iribi ròtaõtyhy. ¹⁹ Deuxuhõrõ inyboho roire. Kia inyboho rieryreny. Kabede bina mahãdu taaõmydÿÿna-wana Diabo hõrõ rare. ²⁰ Tule inyboho rieryreny: Deuxu Riõre inatyhymy kaõ nade. Tii rierynanyre mobo Deuxu inatyhy raremy. Deuxu-wana inyboho ratximyhÿreny, inyboho-dori Jesuisi Kristu Deuxu Riõre-wana ratximyhÿreny. Kia heka inatyhymy Deuxu rare. Kia inatyhymy umytuedeõnamy rare. ²¹ Wariõre wese, bexihãruke ibutu bedeõraruna lau.

2 Juaõ

2 Juaõ Ryberiti

¹ Jiarỹ dohodỹyna matuari mahãduõ warybe rare. Watyyriti rewahinyreri Deuxu ywisidỹyna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ² Inatyhyna dori inyworeny-ki ratxireri. Ratxityhyhyymy ratxike. ³ Kia dori inatyhy inydeereny tate luuna-di. Deuxu deysana, ruxetòena, ywina adeereny kanakemy watzimahãre Deuxu Waha-ribi, Jesuisi Kristu, Iriòre-ribi.

⁴ Ariòre mahãduy-ribi inatyhymy ijõ ityhydỹdumy ralore. Kia reeryreu, jiarỹ wadeysatyhyre ariòre Deuxu bede ywina rityhynyreiki. ⁵ Adee arexitòenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹnyreri. Kia heka rare: iny wiluukemy rakatx-inyhỹrenykemy. ⁶ Bede ywina rybe rikityhynyhykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke. ⁷ Sõwemy hãbu itxenadỹydu tyhy kabede-ò dòhònyde. Tiiboho Jesuisi hãbuwesemy nade rityhynyõlemyhỹre. Kia itxenadỹydu tyhy tule Kristu òludutyhymy roire. ⁸ Tamyreny bexiebeny, inyaõmydỹynana aõmysỹdỹynatyhy-di ritaremy iõkõkemy, Deuxu wahidỹynaõwy ibutumy ritakemy. ⁹ Inyõ Kristu erydỹynana-ribi ròhònykeki tule iwitxira erysyna rierynanykeki, tii heka Deuxu hõrõ aõkõ rare. Inyõ Kristu erydỹynana-ribi ròhònyõkeki, tii Deuxu dire iriòre dire. ¹⁰ Tai tahe itxenadỹydu Kristu erydỹynana erydỹydu aõkõ aheto-ò rehemynykeki, uritere iròtedỹyõmy, irybedỹyõmy. ¹¹ Inyõ rirybenykeki, iaõmydỹynanabina-ò riwiòhenanyreri.

¹² Jiarỹ warybe sõwemy adibutunywãhãde. Urile tyyriti-di ariritinyõkre. Aro-rarenymy dori arakemy watzireri. Kiamy rybe sõwemy ròhònykre inysõwemy reysakremy. ¹³ Aseriòre Deuxu ywisidỹyna mahãdu senadu, kia riòre tarybe wehityhyna adee riwahinyreri. Kie.

3 Juaõ

3 Juaõ Ryberiti

¹ Jiarỹ, dohodỹỹna matuari mahãduõ rare. Wabiõwa-ò, Kaio-ò watyyriti rewahinyreri. Inatyhymy aluummy watximahãre.

² Waliina, juhuutyhy Deuxu-ò arãixitòedỹỹnyra aãmydỹỹna tule aummy wihikỹhykemy mabekemy, iwese atyytyby awire wesele ratxireri. ³ Inyseriõre wese aribi rehemynyrenyreu, wako relyyrenyreu umy iwese kai òbitimy tate wese tule inatyhyna-ki tateri wese. Tai wawo reysamy watximahãre. ⁴ Jiarỹ raholamahãreu wariõre wese Deuxu inatyhyna rityhynyreriki, kia ibutu ratyre wawo riteysadỹỹnytyhyre.

⁵ Kai tahe, Kaio, kowa inyseriõre tule iwitxira ludu seriõre teeryõteki, tewiõhenanyteu aãmydỹỹnana wihikỹ tewinymahãte. ⁶ Inyboho wirotyra-wana, kia hãbu iny seriõre alu-unamy rarybera. Ibedetỹinana-ò biwiõhenanykeki, aõwihikỹ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysỹdỹỹnykre. ⁷ Kia dori kianimy rõhõnyre. Ityhydỹỹdukõdu mahãdu-ribi aõ ritaõhykyre. ⁸ Kia wese tahe tuu rikiwiõhenanymyhỹke. Tai tahe Deuxu aãmydỹỹnana tỹnydỹỹna ri-wiõhenanymyhỹre.

⁹ Ratyyritinymahãre kowa ityhydỹỹdu mahãdu-ò. Inyõ tahe warybe-ò roho-laõmyhỹre. Tiibocho dori juhuludukemy ratxireri. Diõtesi inire. ¹⁰ Aõu arehemynykreu, ararybekre aõmybo tii rotỹỹnyre tule aõbinamybo rarybere inummy. Aõ tiihykyle aõkõ, iny ityhydỹỹdu seriõre hãwãwitxira ludu ixidee tarora-ò rimyõtyhy. Inyõ kia seriõreõ rimykeki, tii riixãwidinyre idy-ribi tii seriõredyna-õ dohodỹỹdu mahãdu-ribi hitximy riteõnyre. ¹¹ Waleina, kai Kaio, òrarudu mahãdu aõhebo rotỹỹnyre wese aõ kai tate. Iny wihikỹ wese kai tate. Inyõ aõwihikỹ riwinykeki, Deuxu hõrõ tii rare. Aõkõkeki Deuxu rieryõre. ¹² Ibutummy Dimitiu dee inatyhyna-di aõwihikỹmy rarybere. Inybocho tule. Kaile teeryte inybocho inatyhy rarybere.

¹³ Sõwemy rybe adee ariwahinykemy watxireri. Tahe aõkõre tyyrity ritina-ki. ¹⁴ Eleelemy arakemy dori watxireri aroramy tai tahe widee rakarybekre. ¹⁵ Deuxu awo-ki riyyrykemy idi watxireri. Abiõwaboho kaki awehityhy risareri. Wabiõwaboho sohoji sohoji kowa-ò warybe wehityhyna biwahinykre.

Judas Judas Tyyriti

¹ Jiarỹ Juda rare. Jesuisi Kristu deòdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahãbenyke Kristu nonana-ò. Watyyriti adee rewahinyre. ² Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wiluuna sòwemy akireny ihỹke, Deuxu-ribi.

³ Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sỹ mahãdu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahãduò adee nade iny inytyhyna riwitxiradỹnykemy adireny ratxireri. Iny heka inatyhyna biyrubunymybenyke òbitimy rarehyke. ⁴ Kia òbitikò mahãdu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahãdu tahe kia wese rarybere: —Òraru-di atxikeki, kia aõ aõkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyòke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehedtybina-ò riteònyke.

⁵ Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahãdu heka Deuxu ritare Egito bede-ribi. Idi tahe imahãduò rityhynyòre. Tai tahe imahãdu rahurenyre. Kia teerytenyete. Itxi òhòtirenny reakre. ⁶ Ýju mahãduò tule juhuu Deuxu deòdumy ihỹre. Idi tahe taaòmysỹdỹyna ririre. Tai Deuxu ròtena bedeò-ò riteònyre. Bedelorohokỹ ihỹre. Kabederawo-ki roire. Tiu heka iribi riòlòdỹnyòtyhy. Deuxu bededỹnnana riywinymy roimyhỹre aõhòkỹmy isỹdỹnnana-ò. Tai tahe ýju wesemy kia òbitikò mahãdu rỹike, Deuxu itỹnydỹydumy rỹikre. ⁷ Ijò ijyy teeryte. Inatxi hãwã ihetxiu ibinatyhy rare: Sodoma, Omora-wana. Ijò hãwã tule ibinatyhy rare. Kia hãwã yludu mahãdu ibutumy heka òta òtanale riwinymyhỹre. Hãbuò dori wiwana rexiòrarunymyhỹre, hãwyy tule wiwana wahe. Tai tahe Deuxu ihãwã rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aõhòkỹmy dỹnnana riwahinyre. ⁸ Kia tule òbitikò mahãdu-ò riwahinyre. Tiiboho dori ibinamy riwinymyhỹre. Aõbinalemy raraykynymyhỹreny, taumyreny risurisunymyhỹreny òraruna-di. Deuxu rityhynyòre tule ýju ruruna-di risinymyhỹreny. ⁹ Tiiboho Mieli wesemy aõkò riwinyre Mieli heka Deuxu ýju dinoduò rare. Tii Satanasi-wana wiribi òtumy rarybemyhỹreny, Moisesi umy òraru-ki. Mieli heka ritirỹmyhỹre iumy ridyke lau. Iu Mieli Satanasi-ò rarybereu urihimyo rityhynymy rarybere, ixinohòtidile ritehiòtyhy. Urile rarybere: —Deuxule aratehikre. ¹⁰ Kia òbitikò erydu mahãdu aõbina riwinymyhỹreny. Aõbinalemy tyytyby bede aõmydỹnnanamy rarybere kia rieryòmahã hãrele. Kabede aõmydỹnnanale rierymyhỹre iwese ibutu iròdu mahãdu rierymyhỹre wese. Tiiboho heka iròdu aõna aõna nohòtijuranadile aõna aõnany rotỹnynymyhỹre. Tai rexihurenyre. ¹¹ Deuxu heka kia mahãdu kiditynynyke, Kaĩ reòsamy raremyhỹ wese dori reòsareki. Aõbo Kaĩ ixidi riwinykemy ròhòtinymyhỹre heka riwinymyhỹre. Kia mahãdu tule Balaaò wesemy riwinymyhỹre. Balaaò nieru sòwemy ritakemy ixidi ihỹmyhỹ. Tai tahe Deuxudeewimy riwinyòre. Tule kia mahãdu Kore wesemy riwinymyhỹre. Deuxu òludumy rexisỹnyre. Tai rexihurenykre iwese Kore mahãdu rexihure wesemy.

¹² Kaiboho wiluuna roxina-ò tebutunyteu, kia mahãdu tule ayreny-ò ralòra. Aworana bedehesi tiiboho ribinadỹnynymyhỹre òbitimyno rieryòreki. Urile rexihydynymyhỹre, inywitxira-txi tòhòti reaòhyymyhỹre. Iwese yhy debure wese tiiboho roire. Urile yhy biu ridyòtyhy. Ròaòtyhy. Sòwemy taheka relemyhỹre, ihãrele aõhomy aõkò namyhỹde.

Òwòru bederaty wahidỹydu wese tiiboho roire. Iratydikemy ratxireriu, ihãrele aõkõlere. Òwòru rubu wese roire tiiboho. Raòròmyhỹre, rurumyhyre. Kia wese heka kia mahãdu rare. ¹³ Kia òbitikõ erydu mahãdu tiu ele risaõhyymyhyre. Ahohokỹ aõwetari òbòhòkỹ idi rehumyhyre wesemy tiiboho inyrenyire. Iwese òbòbexi-di ròhònomyhyre wese. Iòraruna òraru-ki aõbina bina iribi ròhònomyhyre. Tiiboho dori Deuxu inatyhyna ririrenyire. Iwese taina resemyhyre wese tiiboho iribi resemyhyrenyire. Deuxu kia mahãdu-di ritỹnynomy riteònyke bede luruhukỹ-ò. Iribi ròhònyòtyhy. ¹⁴ Enoi heka Adaõ dee yreõ rare. Adaõ juhuu hãbu rare. Debòinatxi riòreky-ribi Enoi rare. Enoi Adaõ riòre roko rare. Ihetxiu Enoi rarybere wijinabòdu mahãdumy. Iwese òbitikõ erydu mahãdumy roirekre. Enoi rarybere Kristu nonanamy: —Tii kanakre tamahãdu sòwe-wana. ¹⁵ Idi ibutumy iny ritỹnynykemy. Inyõ tii taaõhòkỹmyna aõhòkỹmy rotỹnykre òraruna òraru-ki. Ibutumy òrarudu mahãdu rehukremy Deuxu-my ralahatxinanomyhyreki. ¹⁶ Tiiboho rexirahemyhyre, tiu reysaõhyymyhyre, aõdibo tamywimy rabinadỹmyhyreki ratxikelemy. Rarybenihikỹmyhyre. Riwiòhenanomyhyre aõ rita-myhyre xiery.

¹⁷ Waluuna mahãdu, òhõtireny reake aõmybo Wanyrỹ Jesuisi Kristu teòdỹyna mahãdu juhuu raryberé. ¹⁸ Tiiboho adeereny rarybere: —Bedeỹynana roomy tahe ijesu kòdòhònykre, ixidee wilemy tuu rotỹnynomyhyre. ¹⁹ Kia hãbu iny wiribihiximy risỹnykemy, bede aõmydỹynana luudu mahãdu. Deuxu Tyytybytyhy-di aõkõ ratximyhyre. ²⁰ Kaiboho waluuna mahãdu aityhydỹyna-di arurumy bitỹnynyke, Deuxu Tyytybytyhyna-di bexitðenyberihyy. Deuxu luunay-ki iximy boibeke. ²¹ Wanyrỹ Jesuisi Kristu ruxetðena biraðbenyke. Tii heka umytuedeõna kidiwahinykre. ²² Biwiòhenanomyhyre ka ritxiõnomy rỹira mahãdu. ²³ Kia mahãdu iworonawe-ribi wese bitake. Ijõ-ò ywina-di brebuna-di bisỹnykemy taðraruna deramy bekowabenyke. Iòraruna aõna aõna-ò akyreny reake.

²⁴ Òraruna lau taruru-di Deuxu arayrubunomy ratximyhyre. Tii arateòsinykre yramy, tako-ò wowydyna-wana. ²⁵ Wowydyna, àlàdỹyna, ruruna, Iòlòtyhydỹyna, iny Deuxu sohoji-ò kanakemy watxireri tule Inynyrỹ Jesuisi Kristu iny tarasadu-ò. Kata juhuuna-ribi, wiji aõu aõu-ò rahyykre. Kie.

Apocalipse Deuxu heka Joaō-ò bede ritŷnynyre

¹ Katyyriti-ki tahe bede aōmydŷŷnana roire. Kia heka Deuxu Jesuisi-ò ritŷnynyre. Idi Kristu Joaō-ò ritŷnynyre. Aōhebo ele elemy rotŷŷnykre heka inydeereny riteòsinyreri, teòdu mahādu wahe. ŷjuō heka Kristu riteònyre Joaō-ò ibutumy relyykemy, ritŷnynykemy. ² Iribi tahe Joaō ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³ Inyō katyyriti-di rariakeki, eysamy ratxireri. Inyō kiamy roholakeki, eysamy ratxireri. Inyō kia rityhynykeki, eysamy ratxireri. Bededŷŷnana dori iòhòmy ratxireri. Kia ibutumy rotŷŷnyke.

⁴ Jiarŷ heka, Joaō wahe, dohodŷŷna mahādu-ò watyyriti rewahinyreri. Debò inatxi reurò mahādu Asia bede-ki watyyriti rewahinyreri. Ruxetòena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule irynana tyytyby riwahinyke, debò inatxi reurò mahādu wahe. ⁵ Jesuisi Kristu tule adee kia riwahinykre. Tii tahe inatyhyna ijyydu rare. Tii juhūu rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyre tahālubu òraru-ki. ⁶ Tii Xiwe wahidŷŷdu mahāduò ixidee riwinyre, inyboho wahe. Ibutumy ityhydŷŷdu heka xiwe wahidŷŷdu mahādu wese rare, iòlò mahādu wese wahe. Deuxu rekeàlāmyhŷke. Ibutumy wowydyna, ruru-wana heka Jesuisi Kristu-ò rawahidŷŷmy rarekre ihyy hyymy. Kie ⁷ Beteheke, tii biuwetykywo-ki naderi. Ibutumy iny tuu robikre. Irubudŷŷdu tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸ Jiarŷ AA rare YY rare. Juhūu ludu rare, tule ikonana ludu rare. Deuxu jiarŷ rare ibutu ruru wahòrò rare. Aōu aōu jiarŷ watxiwāhāre.

⁹ Jiarŷ Joaō rare, aityhydŷŷdu seriòre wahe. Jiarŷ tule awese aōhebo ratŷŷnyre. Jesuisi Iòlòna òraru-ki. Patmos bedebute-ki jiarŷ ratxire, ròtena wese heka tai ratxire. Jesuisi inatyhyna dori retŷnynyre. ¹⁰ Nobiutxuō heka jiarŷ aōma Deuxu Tyytybytyhy wadee dobehede. Iu tahe rybeō-ò raholare, juròna wodŷŷ wese heka rare. ¹¹ Tahe wadee rarybere: —Biritinyke aōma ibutumy aōbo kai bobikre. Ibutumy dohodŷŷna mahādu-ò kia tyyriti biwahinyke. Ka tyyriti tahe biteònyke heka debò inatxi reurò hāwā-ò: Efesu hāwā-ò, Esmirna hāwā-ò, Pergamo hāwā-ò, Txiatira hāwā-ò, Sardesi hāwā-ò, Filadelfia hāwā-ò, Laodisia hāwā-ò. ¹² Retehera wahewo-ò mobo wadee rarybereò. Tahe debò inatxi reurò loosòna mynynalemy rabira, womati tŷrŷrŷŷle wahe. ¹³ Itya-ki tahe hābuō wese rare. Ityky urarehe heka ratxire. Iwereysana heka womati tŷrŷrŷŷ heka rare wyò wòtena-ki roire. ¹⁴ Irade iurahakŷ ratximyhŷre. Irue heka heòty wese rare. ¹⁵ Iwa tahe bronze womati wese rare. Irybe wodŷŷ heka bee ijiranahakŷ wese heka rare. ¹⁶ Iruruwe-ribi debò-ki heka taina debò inatxi reurò sōwe rimyre. Irybe mayrehe wiòtxu wese iry-ribi ròhònymyhŷre. Iòsŷny tahe txu tòtee wese heka rare, itŷnytyhyre. ¹⁷ Kia ibutumy rabireu, jiarŷ resera bede-ò rubu wesemy. Tii ruruwe-ribi debò watyre-ki ritidire, rarybere: —Buberuòtyhy! Jiarŷ juhuludu rare, ihewoludu rare. ¹⁸ Jiarŷ rurure, iribi tahe rexixare rubu-ribi, aōu aōu tahe jiarŷ watxireri. Tiu aruruòtyhy. Rububede dinodu heka jiarŷ watxireri, ityre waruru rare. ¹⁹ Biritinyke ibutumy tuu tabita wiji. Tule aōbo idi kanakemy biritinyke. ²⁰ Adee aritŷnynyke aōbo kia ibutumy rare. Debò inatxi reurò taina heka wadebò-ki rare. Kia taina heka dohodŷŷna mahādu ŷju wese rare. Loosòna mynyna heka dohodŷŷna mahādu wese rare.

2

¹ Kia heka biritinyke Efesu dohodŷŷna ŷju-ò: —Kaa heka inyō rybe rare. Tii taina debò inatxi reurò rimymy idi rŷimyhŷ iruruwe-ribi debò wahe. Tii loosòna mynyna yky-ki rariareri. Kia womati tŷrŷrŷhŷkŷ-di relere wahe. ² Aaōmysŷdŷŷna

wiwihikŷ reeryre, awoxierysytere tule. Hābu bina tiu aitxerenaōna toite. Inyō Deuxu deōdumy iximy uritere rybedu, teurihitenyete. Kia iruirybe teerytenyete. ³ Kaiboho tawoxieryterenytenyete. Tule aōhōkŷmy tatŷŷnytenyete waōraru-ki, wijile tule wahe. ⁴ Kiaremy tahe sohojile wadee ibinare. Iwese juhuu waluu wesemy aōkō wiji ahātenyete. ⁵ Kaiboho heka atyhyna-ribi ahewo-ō tadōōsetenyete. Kiaremy ta idi bexinohōtinymy bexirāhībenyke. Iwese juhuu atximahāte wese, ixityre boibekemy. Kiamy aōkōkeki, aloosōna mynyna ay-ribi aritakre. ⁶ Kiaremy ta akireny sohojile awire wadee. Kaiboho heka Nikolaita mahādu iaōaōna widŷŷ derarenyre wawesemy. ⁷ Iny rybeō ijohona mahādu bohola benyke Deuxu Tyytybytyhy rybe-ō timybo Ityhydŷŷdu mahādu-ō rarybemyhŷre: —Inyō òraruna ijesu ritakeki, tamy jiarŷ umytuedeōna ariwahinykre. Kia tahe Deuxu bederaty ritokre, Deuxu oworu-ki rŷimyhŷre wahe. Kia bederaty inyru wahidŷŷdu rare.

⁸ Kia heka biritinyke Esmirna dohodŷŷna ŷju-ō: —Kia heka Juhuuludu rybe rare, Ihewoludu rybe rare. Tii rururibile rexixare. ⁹ Aōhōkŷmy dŷŷnana reerymyhŷre. Uriterenodu wesemy toite. Ihāre tahe aōna aōnawiwi ahōrōreny rare. Aōludu mahādu umy rarybereri ibinamy. Tiiboho Satanasi mahādu roire. Judeu mahādu aōkō roire tiiboho tuu raryberhāre. ¹⁰ Buberuōtyhy kaiboho! Aōhōkŷmy dŷŷnanaō kanakre debō wiō txumy wahe. Tahe buberuōtyhyke. Rōtenawo-ki boibenykre. Burubenyke hārele heka òbitimy biwatyhynybenyke. Iribi tahe irudŷŷna rataana adee ariwahinykre. ¹¹ Kaiboho nohōti-di mahādu, bohola ke timybo Deuxu Tyytybytyhy heka ityhydŷŷdu mahādu-ō rarybemyhŷre.

¹² Kia heka biritinyke Pergamo dohodŷŷna ŷju-ō: —Kia inyō rybe rare. Tii mayrehe wiōtxuree dire:

¹³ —Jiarŷ reeryre asŷ, ahāwā wahe. Kaiboho Satanasisŷ-ki tasŷnyteri, irynana rareri wahe. Tahe Kaiboho aityhydŷŷna teriōtenyete. Tai tiiboho warybedu Antipasi òbiti rirubunyre hārele.

¹⁴ Ihāre tahe akireny sohojile wadee ibinare. Ayreny-ki inyō Balaaō erydŷŷna rityhynyre. Tii ihetxiu Balake òraruna-txi aatysydŷŷmy ribedeerydŷŷnyre resedŷŷkemy. Tii Israeli mahādu-ō rarybere:

—Xiwena aōma ide tahe birōbenyke tule òta tahe urihimyo tahe ibinare.

¹⁵ Tule ayreny-ki tahe Niolaita tohodŷŷna ijōreny rityhynyre, timybo rexiōrarunanykemy. Kia ibinare wadee. ¹⁶ Tai marybeke tiiboho rexirahīkemy idi iribi rexixāwidŷŷnykemy. Tukōkeki, anakre warymayrehe wiōtxuree-di iōludumy areakre wou-ki. ¹⁷ Iny nohōti-di mahādu, bohola ke Deuxu Tyytybytyhy rybe-ō timybo Ityhydŷŷdu mahādu-ō rarybemyhŷre: —Inyō òraruna ijesu ritakeki, tamy biu-ribi rŷsŷna rŷikre. Manauratyre-ki heka nii tŷmyra raritimy roire. Ōmo nii rieryōre. Tunidukrele rieryre.

¹⁸ Kia heka biritinyke Txiatira dohodŷŷna ŷju-ō: —Kaa heka Deuxu Riōre Rybe rare. Iruē heka heōty wese rare. Iwa bronze womati wese rare. ¹⁹ Aaōmysŷdŷŷna reeryreri, luuna, ywina, tyhydŷŷna, juhuu ratyre wiji aaōmysŷdŷŷna. ²⁰ Kiaremy tahe sohojile wadee ibinare: Kaiboho heka Jezabel teijemahātenyete. Kia hāwyy dori Deuxumy rybedu ixi-di rare. Ihāre tahe òtaōtamy, xiwe rŷsŷmy rotohodŷŷmyhŷre, ritxoo hōrō wahe. ²¹ Jiarŷ tule txiō rejere òtaōta-ribi ixāwikemy. Tahe tuuōhyre. ²² Idi herina-ō arilidikre ihābu mahādu-wana. Tai aōhōkŷmy rotŷŷnyrenykre. Tiiboho kia rexirāhīnyōrenykeki, tuu ele elemy ariwinykre. ²³ Iriōre bina arirubunykre. Tai ibutumy aōwidŷŷnamyna ityhydŷŷdu mahādu riwaerykemy. Jiarŷ heka inywo erydu dori rare. Kiaremyta iny sohoji sohoji ariōwinykre. ²⁴ Ayreny-ki tahe inyō rŷire. Tiiboho bedeeryna bina rityhynyrenyōre. Tiiboho bedeeryna bina rieryōhyre. Txioinihe, bede ywina sira aōkō adeereny ariwahinykre. ²⁵ Iwese kaiboho tetyhynyte wese wiji bityhynybenyhyke. Ele ele dori arehemynykre. ²⁶⁻²⁸ Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahādumy boibebenyke, iwese ruru Waha-ribi remyra wese wahe.

Tamywikeki womati òhòte-di bede bede mahādu rihukre, iwese butxi ribòhònnyre wese wahe. Tule adeereny ariwahinykre aōma biurasò taina wahe. ²⁹ Iny nohōti-di mahādu, bohohake Deuxu Tyytybytyhy rybe-ò, timybo tii ityhydỹdu mahādu-ò rarybemyhỹre.

3

¹ Kia heka biritinyke Sardesi dohodỹna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: —Aōhebo tatỹnynmahātenyete reerymyhỹre. Arumy anireny ratỹnynmyhỹre ihāre tahe tarumy ahātenyete. ² Bexirawahatebenyke ainatyhydỹna-ki, urikō-ribi kiemy ixāwiheny. Deuxuko-ki awityhymy aōkō ixi-di textiemyhỹtenyete. Kia reerymyhỹre aōmysỹdỹnareny tewinymahāte. ³ Inatyhyna juhu taholatenytedi, bexinohōtynybenyke. Idi bityhynybenyke aōnanabina-ribi bexirāhike. Tukōkreki wasidu wese ierykōmy adeereny anakre. ⁴ Ihāre tahe Sardesi hāwā-ki inyō reximymy òbitimy rarekremy ihỹre. Tiiboho wahe-ki tyky lyra urahakỹ-di kanariarenkyre kiemy dori òbitimy reximyre. ⁵ Mobo ròtarenkyre, tyurahakỹ-di rexitynyrenkyre. Inireny Rutyryiti-ribi aritaōtyhy. Idi Wahakō-ò wahōrōrenymy aritỹnykre tule iỹjuko-ki. ⁶ Kaiboho nohōti-di mahādu, bohohake timybo Deuxu Tyytybytyhy heka, ityhydỹdu mahādu-ò rarybemyhỹre.

⁷ Kia heka Filadelfia dohodỹna ŷju-ò biritinyke: —Kaheka inatyhymy Deuxu deòdỹna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyō riratòbònyōtyhy. Tii riratòbònykeki tiu iny riraynyōtyhy. ⁸ Aōhebo tatỹnynmahātenyete reeryre. Akyhynakōmy atximahātenytemy rieryre warybe dori tetyhynymyhytenyete. Tai ijò adeereny reraynyra. Tii inyō riratòbònyōtyhy. ⁹ Bodoholabenykre. Satanasi mahādu heka Judeumy rexininimyhỹre tukōdu hārele. Idi adidydenkyre akoreny-ò tatiowotimy kedeseke. Iu aluurenymy riwaeryrenkyre. ¹⁰ Aōhōkỹmy dỹnana kanake ibutumy iny urihidỹmy. Kaiboho warybe tetyhynya, ywina-di tetyhynya. Tai ilau arayrubunyrenkyre. ¹¹ Ele elemy dori adehemynkyre. Ahōrōreny biyrubunyke inyō aribi rawasinyheny arudỹna rataana wahe. ¹² Oraruna ijesu inyō ritakeki. Tii ixyby rubumy ruruōkre. Tii Deuxu heto-ki rasỹnyihyykre. Deuxuni ityre raritinykre tule Kristuni tỹmyra wahe. Jerusalēni tỹmyra tule ityre raritidỹmy rỹikre, biu-ribi dobehede wahe. ¹³ —Iny nohōti-di mahādu, bohohake Deuxu Tyytybytyhy rybe-ò timybo ityhydỹdu mahādu-ò rarybemyhỹre.

¹⁴ Laodisia hāwā dohodỹna mahādu ŷju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhỹ. ¹⁵ Aōhebo tatỹnynmyhỹtenyete ibutumy reeryre. Ainatyhyna-ki inatyhymy aōkō, txiōlemy aōkō toite tule. ¹⁶ Tai tahe iòraru-ki ixi-ribi aratarenkyre rexinohōtynre. ¹⁷ Kaiboho tarybetenyete: —Waaōwiwi-di roire. Awityhymy watzirenyreri. Wadeereny aō rasiranyōhyreri. Idi urile textibònytenyteri. Kaiboho dori abina, iaōkō mahādu, adehekỹ, aruety toite. ¹⁸ Kia aratohonykre: —Waribi womati tỹrỹrỹhỹkỹ aworibityhy biōbranykre, aityhynamy wiwihikỹ. Tasỹse tyurahakỹ tule, ade wòtenamy. Tasỹse rueluahina tule, arue ywinamy. ¹⁹ Waluuna mahādu òhòte-di aribedeerynynmyhỹre warybemy tule. Tahe eryrewemy aōsusu-ribi bexitabenykre wadee. ²⁰ Bodoholabenyke. Ijò-ki rarymy watzireri. Inyō roholakeki ihetowo-ò aralokre. Tai tii-wana ariroxikre. ²¹ Òraruna ijesu inyō ritakeki, tii wawana waryna-txi ronykre iwese jiarỹ waha-wana nadonymyhỹde wese. Ròtare dori wawouna-ki. ²² Iny nohōti-di mahādu, bohohake Deuxu Tyytybytyhy rybe-ò, timybo tii ityhydỹdu mahādu-ò rarybemyhỹre.

4

¹ Iribi tahe biu-ki ijòmny rabira rasina wese. Rybeō raholare, jurònajurò wesemy. Iwese wadee rarybere wese. Kiamy narybede: —Mana òwònnyke, aōhebo itxōmo rahudi rotỹnykre ini ariteòsinykre. ² Iule tahe Deuxu Tyytybytyhy riwamyre. Iu, inyō ryanamy rabira biu-ki. ³ Iòsỹny heka roosònymyhỹre womatiwihikỹ rỹsỹ wese, Jaspe wesena, Sadonio wese. Uwajiō witzira tỹre heka rare iryna rirurawonyre. ⁴ Tahe 24

ryna iryna rirurawonyre. Ityre tahe 24my wedu mahādu ronyre tyyurahakỹ-di. Irati-ki womati tỹrỹrỹhỹkỹ-di rarataanany. ⁵ Biudelaa, biumyta, irynana-ribi dohonyde. Heòtyloo heka debo inatxi reuròmý sòwe iko-ki rỹire. Kia heka Deuxu Tyytybytyhy tuu sòwedu rare. ⁶ Tule iko-ki mana aho roire iuramy raurananyre. Irurawona-ki wiòwiò-ki aòni inaubiòwa ràire, irue sòwe ihewo-ki, iko-ki. ⁷ Aòni delena heka hālòdehekỹ wese rare. Ijò heka karòtihikỹ wese rare. Ijò tahe hābu òsỹny wese rare. Ikonanareny tahe nawiihikỹ dowòmý nadé wese rare. ⁸ Ibutumy tiiboho debò sohoji reuròmý tesòwereny. Ta tiiboho tetya wirawyò rawyò irue dire. Tahe tiiboho rexielehynyòhyylemy txumy rummy rawiunumyhy: —Òbitityhy tate, Òbitityhy tate, Òbitityhy tate Inynyrỹ Deuxu rurutere. Kai tate, tule kai mabekre. ⁹ Kia heka inaubiòwa boho rawiunyre: —Wowydyna, àlàna-wana rynana-ki rỹdu-ò, iki kiemy nodu-ò wahe. ¹⁰ Iu tahe 24 wedu mahādu heka tatiowotimý taòsỹny sutxi ritidimý riwowydynumyhyreny resemy iko-ò. Tamy tarataana-di rehumy raryberenyre. ¹¹ —Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aòna aòna tewinyte. Adeewimý rỹimyhỹre idi rariamyhỹreny.

5

¹ Ryna-ki rỹdu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sòwe. ² Ýju ruru ruruhukỹ-my ryrymy dỹraxy-di: —Mobo ityhykre tyyriti ratòbòna aresydỹdukre iraydỹki tule. ³ Tai tahe inyò ijòhyre: —Biu-ki, bede-ki, surawo-ki ijoòhyre. ⁴ Inyò ityhyòre iraydỹki tamy itxere-ki. Iòraru-ki ta urile jiarỹ rahinymyhỹre. ⁵ Iule tahe matuariò wadee narybede: —Hiòmyke, betehe ta inihe Juda mahādu hālòdehekỹ-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare. ⁶ Kiamy tahe rabira, Budoeni Riòre wahe. Tii rynana ubey-ki rỹimyhỹ. Aòni inaubiòwa ijòre. Tiiboho-wana tahe matuari mahādu rỹire. Budoeni rurure wesemy rỹire. Iò tahe debò inatxi reurò rare. Irue tahe tule. Kia rare Deuxu Tyytybyò rare, tii bede bedemy nodu mahādu. ⁷ Budoeni riòre tahe rynana-ki rỹdu ruru debò-ribi ditade, aòma tyyriti wahe. ⁸ Iule ta aòni inaubiòwa, 24 matuari boho-wana tatiowotimý rejujure buddeni riòreko-ò. Tii sohoji sohoji wiuna-di, womati tỹrỹrỹhỹkỹ hyna-di ratximyhỹreny. Sohoji sohojiro-ki tahe òwòrusò wydysilỹnywi-di wese rare. Kia Deuxu tyhydỹdu mahādu ixitòedỹna violāo wese tule ratximyhỹreny. ⁹ Tiiboho wiutỹmyramy rawiunumyhyreny kamy wahe:

—Kai atyhy tate Tyyriti raydỹ-ò, iratòbòna eresydu tule. Arubumy heka Deuxu-ò Ixỹju iixỹju teòbranyte. Irybe wixira wixira, ibede wixira wixira iixỹjuna tule.

¹⁰ Iòlòmý tewasynyteny Deuxu dee tule xiwena wahidỹny mahādu wahe. Idi hāwā hāwā ariwedunyrenykremy. ¹¹ Ýju sòwetyhymy rabira rynana werora-ki, aòni-boho matuari-boho tule. Miliaò hòkỹmy rasòwerenyre. ¹² Tiiboho rirajuahakỹmy rawiunumyhyreny: —Wowydyna, ruruna, deysana, àlàna, loosòna tamy sohojile rawahinyrenyke buddeni riòre-ò. Tii dori rurure ityhymy ¹³ Tai tahe ibutumy biu iròdu iròdu, suityre iròdu, bera iròdu iròdu ibutumy aòna tule rawiunumyhyreny rynana-ki rỹdu-ò. Budoeni riòre-ò tule kia rawiunumyhyre. Rarehykyle, rarehykyle heka rarekre. Kie. ¹⁴ Aòni inaubiòwa rirawyònyre: —Kie, Matuari 24 tahe reserenyre iko, kiemy noduko-ò.

6

¹ Tahe Budoeni riòre heka tyyriti ratòbònaò riòròre. Kiamy rabire. Tule aòni inaubiòwa mahādu-ò narybede rybenihikỹmy biumyta wodỹ wese. Mana ini itxeremy. ² Tai retehere awaru urahakỹmy rabire. Tairỹdu iwaxiwahate dire. Tamy irudỹna rataana riwahinyreny. Tahe rare wou ròtakremy.

³ Tahe ijò ratòbòna riorore. Ijò aòni tahe narybede inatxina wahe: —Mana ini itxeremy. ⁴ Idi awaru sòhòkỹ ròhònyre. Inyò ityre rỹdu-ò ruruna riwahinyre, wou

ritelenykemy bede bedemy. Tai hãbu mahãdu wii rahukremy. Tule inyõ mayrehe ityre rÿdu-ò riwahinyre.

⁵ Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai retehere. Awaru lybomy rabire, ityre rÿdu urihina-di tebò-ki. ⁶ Tahe aõniy-ribi rybe-ò raholare: —Womati nieru sohoji-di heka urihina sohojile heka trigo rawykre, txusohoji aõmysÿdÿÿna òwy wahe. Tule inataõ urihina sevada rawykre, txusohoji aõmysÿdÿÿna òwy. Uritere ta uva-ò, adÿÿ-ò aõhe isÿdÿÿõmykre.

⁷ Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy. ⁸ Tai retehere. Awaru bisamadòbòlÿre wesemy rabire. Ityre-ki rÿdu heka Rubu inire, heòty bede rubunana iheludumy. Inyõ ityre rÿdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwenah wahedÿÿna rawo-ki iny mahãdu rabire Deuxu rybe òraru-ki, tatyhydÿÿna òraru-ki rururenyre mahãdu wahe. ¹⁰ Tiiboho rirajuamyhÿre: —Deuxu Inynyrÿhÿkÿ, kai tyhy tate, òbiti tule. Tiu wexi waòwyreny bilidikre, warubudÿÿdureny-ò? ¹¹ Tahe iximynamynamy tyurahakÿ-di rexitynyreny. Tahe tamyreny rarybere urihimyo rexielehynyrenykre. Ijoiireny iwesereny rurukreu riraòrenykre. Isòwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramytitare inihikÿmy. Txuu urile rurunyre, ahãdu isòmý relere, halubusò wese. ¹³ Taina tahe sutxi dejujude iwese bederaty yhydebore ritxiwimyhÿre wese. ¹⁴ Biu titxibo ikòre, iwese tyriti rarasemyhÿre wese. Ibutumy hãwãlò bedebute tule taherina-ribi ratare. ¹⁵ Iu tahe ibutumy iny rexiwore hãloohokÿwo-ò, manahakÿ hewo-ò tule. Tii roire Iòlò mahãdu, bededinodu mahãdu, soldado dinodu mahãdu, ityhy mahãdu irurutere mahãdu, ibutumy ijõ mahãdu rexiwore. ¹⁶ Tahe taixiwotena-ribi rirajuamyhÿreny: —Watxireny mana heka bedesede rynana-ki rÿdu lau rekexiwòrenykre. Budoeni riòre debure lau tule. ¹⁷ Deburena txu, kyarana txu heka reare tamy, mobo rijekre.

7

¹ Idi tahe inaubiòwa ÿjumy heka tuu rabire. Tiiboho heka inaubiòwa bedehitxihitxi bedemy rÿire. Tahe rimyreny yhyhykÿ tebò-ki heka rimyreny. Tiu heka òwòru radeò raykÿhyky roire. Bede-ki aòkò, aho-ki aòkò rebònyra? ²⁻³ Tule ijõmy rabire ÿjuõmy ibryra-ribi rarerimy. Deuxu irumy nonadu hãletena nihikÿ widÿÿna heka diwymy idi nade. Iribi tahe inaubiòwa ÿju-ò tii rryre: —Txioke inihe. Iwotòmodÿÿõmyke wa suu, bee, òwòru. (Kia ÿju mahãdu dori, bede, bero, wotòmodÿÿdu mahãdu ihÿre.) Biraòriòreke heka Deuxu hãletena deòdu òru-ò aritidikre. ⁴⁻⁸ Tiwesebo kia ritidÿÿna rimymy idi rare. Tahe raholare heka jiarÿ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaõ ijoi-ribi, Levi ijoi-ribi, Issacar ijoi-ribi, Zebulõ ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

⁹ Iribi tahe sòwemy inymy rabire. Timy heka idi wariramahãduòkre. Ibutu 12.000 hãwã hãwã-ribi wirotyre. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyreny. Budoeniko-txi ryanako-txi wirotyre. Ibutumy tiiboho ityurahakÿlemy roiremy. Horeni iru-di heka roiremyhÿ.

¹⁰ Tahe rryreny —irariemy rryreny: —Biu-ò hena waDeuxu-ribi nade rynana nihikÿ-ki ronyreri. Tule Budoeni-ribi nade. ¹¹⁻¹² Tahe ÿju ibutumy heka widotyde ryanawerora-ò, tule matuari mahãdu tule iwo-ki. Inaubiòwa aõni ibutumy resereny rynana nihikÿko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydina, Bedeerydÿÿna, deàlana, loosòna, aruru, aixiòlòdÿÿna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie.

¹³ Tahe wawì inaubiòwa matuari mahãduò wadee rÿÿraxire: —Kai aõbo teerymahãte

kia tykyurahakỹ-di ratxirenyreriõ, tule tiribibo ròirerí? ¹⁴ Tahe rarybere: —Aõkõre wanyrỹ, reerykõre. Bedelyyke wako. Tahe wako tuu delyyde. Kia heka dõhõnyde heka aõhõkymy dỹnana-ribi dõhõnyde rare. Ityky rityranyre heka Budoeni riõre hãlubu-di. ¹⁵ Taiki heka rynana nihikỹko-ki ratxirenyreri Deuxuko-ki. Kaheka ruu, txuu-wana heka rããhĩmy ratximyhỹrenyde taheto bededỹnana-ki. Kia rynana-ki rỹdu tahe riyrubunyrenykre. ¹⁶ Tiu rama rirubudỹrenyõmy heka bemomo boho. Tiu txutõteehekỹ-wana wirisỹnyõtyhy ybõtõ boho-wana, txutye boho-wana. ¹⁷ Budoeni riõre dori rynana nihikỹko-ki ratximyhỹre. Tii heka aryỹna adee riwahinymyhỹkre. Tii heka adi itxeredukre heka aradykre heka Umyituedeõna ube-ò. Deuxu irube rirubudỹnykre.

8

¹ Budoeni riõre debò inatxi reurò hãletenamy ribõhõnyreu, aõdee biu-ki roholaõhyyre heka byy, myle roire: aõwodỹỹ wodỹỹhomy aõkõ. Wadee meia hora txumy bedemy bede rewyre. ² Debò inatxi reurò ýjumy tuu rabire Deuxuko-ki nyidemy. Tahe inyõ tamy riõremy idi retehere debò inatxi reurò ajurõnamy.

³⁻⁴ Tahe iwitxira ýju nade. Tii womati tỹrỹrỹhỹkỹ atara nihikỹ. Tahe xiwenatyre orarade rỹny wihikỹ ritoonyre. Inyõ riwahinyre ýju-dee sõwemy. Riurinykemy Deuxu ijoi ixitõedỹỹna-wana xiwenatyre-ò risõkemy aderõna rỹnyrehekỹ heka womati tỹrỹrỹ xiwenatyre-ki ritxiwire Deuxu ryanako-txi. Ýju iribi tahe kia ibutumy raðwõnyre Deuxu-ò. ⁵ Tahe heðty-di heka ýju atara ritỹxinyra idi heðty-di rehure biu-ribi bede-ò. Tai tahe biumytxi ramytxynihikỹnyre heka suu biu tawe rihetenyre rybe wese wodỹỹ ramytatare.

⁶ Tahe debò inatxi reurò ýjumy heka rexiywinymy rỹire ajurõna-di jurõnykremy.

⁷ Juhu ýju heka rurõnyre. Iribi tahe bedejutytyhykỹ heðty hãlubu-wana raurinymy bede-ò rejuxunyre. Bedejura tahe roomyhỹ asirade, bedero-wana inataõ-ribi, sohoji roomyhỹ.

⁸⁻⁹ Iribi ihewoludu txurõna-di rurõnyre. Tahe berahakỹ-ò resere hãwãlò nihikỹ wesemy. Tai ibutumy heðtylawò txuramy ituere. Iyre bee tahe hãlubuhukỹlemy relere. Iyre utura tahe ituere.

¹⁰ Tahe ihewoluduhe txurõna-di rurõnyre. Iribi tahe tainahakỹõ berohokỹyre-txi resere berayre-txi tule. ¹¹ Tainahakỹ heka ihyre inire. Tahe sõwemy iny ituere ihyre bee riurinyreki.

¹² Tahe ihewotyhy tyaludu txurõna-di rurõnyre. Tahe aõwesele txutyemy txuu roosõõhyyre. Tahe ahãdu tawekremy turutyhy inihe relere taina tule. Tahe bederunrunythyre heka.

¹³ Tahe idi retehemy jiarỹ rãiwãhã. Tahe tuu rabire nawii nihikỹõ ruõmy ratxireriõ. Tii iryru-di heka rarybemyhỹ: —Bede heka rabinakre. Bede heka rabinakre. Suludu bede iny-ò rryrymyhỹ: —Txioinihe sõwemy aõbina binahakỹ rexiõtỹmyranykre. Tahe hewotyhylydu ýju txurõna-di kudurõnykreu heka bede rabinatyhykre.

9

¹ Ijõ ýju tajurõna rurõnyre. Tii heka iruyre hewoludu rare. Tahe ijõ inymy rabire. Biu-ribi suð taina resere wese tii resere. Tamy ijõ raynaõ diwahinyde, hãloo nihikỹ ratõbõna rayna wahe. Hãloo nihikỹ heka irehehekỹ rare. ² Tahe riraynyre. Wãðasi iribi tahe dõhõnyde. Iwese tahe bede rurunyre wawerorareny-di. Txuu, ibutumy rurunyre wãðasi lybyhykỹ òraru-ki. ³ Tahe seihikỹlyby wese heka wãðay-ribi dõhõnyde tahe desede suð. Seihe heka itytibõrõhõkỹ wese heka ihe rare. ⁴ Asi rubudỹỹõmykre bederaradeõ tule, òwòru tule. Inyõ Deuxu kia ritidỹỹna iòru-ki rỹiõkeki, tahe tule tamy ijira rỹikre. ⁵ Iny rubudỹỹmy aõkõre. Tahe iny aõhõkỹmy rotỹỹnykemyre heka iruyre ahãdumy. Aõhõkỹmy rotỹỹnymyhỹre kia ihe juberereri riijererimy ihỹre. ⁶ Kia txuu tahe ixirubudỹỹmy reamyhỹre. Tahe aõkõre heka timyhe ixirubudỹỹkõmy tamyhe rubu dehemynyõhyymyhỹde. Tukemy heka riwisỹnymyhỹre. Tahe aõkõre rubu iribi

rahenymyhÿre. ⁷ Seihikÿ heka awaru wese rare. Iwese awaru rexiywinymy wou-ki ralòkremy rÿimyhÿre wese heka rare. Irati-ki rÿire womati tÿrÿÿhÿkÿle irataana wahe. Iòsana heka iny òsana wese rare. ⁸ Irade irehehekÿre hãwyy radehekÿ wesele. Txuu tahe leaõ juhukÿ wesele rare. ⁹ Wyhy itxena ibreti-ki roimyhÿre. Womatile ibreti rare. Bede heka urile rawodÿÿnyhÿkÿmyhÿre. Iwese tewe awaru-di nodu sòwe iwodÿÿ rare. Iwese aõbina-ò rajaramyhÿre wodÿÿ wese wahe. ¹⁰ Seihikÿ heka bòròhywe nihikÿ wese heka rare. Tahe iruru-di rare. Iny riwotòmonymhÿkemy iruyre ahãdumyhÿmy. Iherona ramytxytxyre iruyre ahãdumyhÿmy. ¹¹ Iiòlò heka hãloo rahejihikÿ wedu heka rare. Ini heka hebreu rybe, Abadu rare. Grego rybe heka, Apoliõ heka rare. Iny rybe heka iny hàdu hàduhukÿ rare.

¹² Juhuu bedebinahakÿ ituera ròhònrya. Katahe ijõ iwitxira kòdòhònkyre inatx-
imyhÿmy wahe.

¹³ Ijõ ÿju tajuròna-di rurònrye. Tii heka debò sohoji hewoludu rare. Raholare heka rybeõ-ò. Womati xiwenaò-ribi ròhònrye. Xiwena-ò heka inaubiòwa sòwe. Kia womati tÿrÿrÿ xiwena heka Deuxu ryanako rÿire. ¹⁴ Kia ÿju-ò heka rarybere ijuròna dinodu wahe: —Inaubiòwa ÿju besedÿÿnyke ixinamy ròhònkye. Tii heka Bero nihikÿ ròtena-ki, bero Eufatesi-ki. ¹⁵ Tii heka ròtena-ki ratximyhÿre kia bededÿÿnanau, kia txuu, kia ahãduu kia beðrau. Iribi tahe riòlòdÿÿnyrenyrene. Iribi tahe ihewoludu iny ibutumy rahure. Iyreyre inataõ hãwã jurajuramy heka rahure. Inataõ jura-ribi sohoji sohoji rirubunyrene. ¹⁶ Tahe jiarÿ raholare tiweserebo aõbinadumy rÿire. Iny 200.000.000 inymy rÿire. ¹⁷ Tahe aõbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rÿire. Ibutumy rabire. Womatihikÿle, heòtyhykÿwesele heka rare. Ijõ heka tÿreura rare safira wese. Ijõ tahe tÿre raramadòbò wesele. Awaru rati heka leaõ ratihikÿ wesele rare. Heòtyle iry-ribi ròhònryeri wàdàsi enxofre-wana wahe. ¹⁸ Kia heòty heka inataõ jura-ribi sohoji jura iny rahure. ¹⁹ Tule awaru nohewòru heka iruru dire. Iryribile tahe iheòty ròhònrye. Taile iruru rare. Hemylala rati wese dire ruròmny heka inatxi hemylala juwesele. ²⁰ Iny ituere sÿtybymy tahe raròhònrye. Deuxu deàlàna dee heka reòbyòhyre. Diabo mahãdu luulemy ratximyhÿrenyrene. Aõma rityhynyrenyrene womati tÿrÿrÿhÿkÿ ritxoo, òwòru ritxoo suritxoo, mana ritxoo. Kia ritxoo heka aõki robiòhyymyhÿre, aõ roholaòhyymyhÿre. Rariaòhyymyhÿre. ²¹ Iòraru-ribi roxirãhiò-tyhy iribi tahe rahòtinyrenyrene aõ òtaòtamy, rubudÿÿnamy, wasinamy, òwòrumy. Kiale ròhòtinyrenyrene.

10

¹ Tahe iwitxira ÿjuhukÿ rabira biu-ribi suò robehererimy. Biuwetykywesehekÿle iweroramy rÿireri. Tahe owaji wese iratikile roireri. Iòsÿny tahe txuwewehekÿle, iwaube tasÿ heòtyhykÿwesele roosòmny. ² Tii heka tyyritinadile debò ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityti-ò ridemy idi rÿire. ³ Tii rryre heka tarurumy. Leaõ iràhàkÿwesele rryre. Iu tii rarybereu, debò inatxi reuròmny heka ramytxynymy dirawyònyde. ⁴ Tahe riritinyre heka aõmybo timykira raryberenyre wahe. Tahe rybeõ-ò raholare: —Kia widÿÿòmny. Kia rybe hewa ierysyna aõkõ rare ixinamy tahe tuu roike. Bir-
itinyòke aõmybo ramytxyna rarybere? ⁵ Tahe ÿju suki ratxireri, beki ratxireri ruru ludu debò biu-ò riteòsinyre: ⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rÿira bede-ki rÿira-wana. Tai heka warybe inatyhymy rare. Ararybekre heka raroorehenyòtyhy kaki. ⁷ Debò inatxi reuròna ÿju tajuròna ritxurònykreu heka, Deuxu ibutumy relemy rÿikre iwese rarybere wese. ⁸ Iribi tahe rybe biu-ribi wadee nade. Wadee rarybere: —Biòryke hewa tyyritina ÿjudebò-ki naderí suki bera-ki kia rÿireri. ⁹ Tai tahe tamy rehemynyreri iòhòmny tyyriti tamy rexitòenyrene. Tahe wadee rarybere: —Biwyke. Birÿsÿke. Juhuu tahe bidi wesemy ary-ò bidekre. Birÿsÿkreu tahe ibutumy rahyrenykre awo-ki. ¹⁰ Iribi rewrya rerÿsÿra. Iwese tii juhuu rarybera wese rare. Ibreere juhuu. Iribi rerÿsÿreu tahe, wawe

rubererenyre. ¹¹ Tahe wadee rarybere: —Kai heka dohodỹmy makre ixityre ibutumy inywitxiramy heka botohodỹkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmý botohodỹkre.

11

¹ Iribi tahe inyõ wadee diwahinyde urihixinaõ. Wadee rarybere: —Biurihikesỹ titxibo Deuxusỹ rỹimyhỹré. Iwo tule xiwena wahidỹna biurihike. Idi mariake tiwesebo iny iwo-ki rỹirémý. ² Tahe ahana-ki iube idi riraõmyke. Tii dori ityhydỹdukõdu mahãdu dee wahisidỹna rare. Tiiboho dori 42 ahãdumy idi rariakre. ³ Jiarỹ dori inatxi rybedu idi watxiwãhãre. Tamy ruru ariwahinykre. Tii heka saumytykyle rariakre. Tii heka rybe ritỹnynykre beõra inataõ weeremy. ⁴ Rybedu inatxi heka bederaty òwòru inatxi wese rare. Tahe tule inatxi loosõna mynydu wese heka rare. Kia Deuxuko-txi rỹire wese heka rare. ⁵ Inyõ idi ibinamy riwisỹnykeki, tahe ixirubudỹmy rorukumyhỹre. Heõty iryribihikỹle ròhònnyke heka iny rirubunyke. ⁶ Tii heka irurudire biu dejuxu lau riekemy. Tahe tiu biu reseõtyhy heka inataõ beõra weeremy wahe tii Deuxu rybemy rarybereriu wahe. Ihãre tahe tii rexirahõreke bero nihikỹmy aho nihikỹmy hãlubumy rexirahõreke. Ihãre tahe ibutudee bina riwahinyke, rubuna riwahinyke tiiboho awimý tai raharenykeki. ⁷ Kia heka inataõ beõra weere rikonananykeu, rybe tỹnydỹdu inatxi rikonananykeu, hãloo rehe nihikỹwo-ribi aõni kòdòhònnykreu, tahe aõbina nihikỹ-ki heka iu rỹikre. Tahe inatxi rybedu rirubunykre. ⁸ Iumy rubu tahe hãwãry-ki roikre, tibo inyry rirubunyrele. Rawesenanyre, kia hãwã arinikre Sòdõma ada Egito wese. ⁹ Inataõ txuu weere riwydi hãwã ube-ki iumy rubu roikre. Inyõ heka tiu rituunyõtyhy. Ibutu iny hãwã hãwã-ribi ibutu rybe witxira-ribi heka tamy itxeremy rehemynykre. ¹⁰ Ibutumy heka iny teysamy rỹikre urile iny widee aõna aõnamy riwahinymyhỹkre. Tiiemy inyõ raaõmysỹdỹõtyhy kiatxuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka rỹikre, worana bedehesi. ¹¹ Kia txu inataõ txuweere-di, iumyreny iruna kòdòõsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikỹmy rỹikre heka. ¹² Inatxi rybedu-ò heka rybetereõ biu-ribi nade: —Kaiboho bòdòibedenyke kaò. Tahe biuwetyky raòwònnyrenykre kia iòludu mahãdu idi retehemý rỹireri yrubule. ¹³ Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikỹmy rỹikre. Tahe wowydyna riwahinykre Deuxu biu-ki ratximyhỹreð.

¹⁴ Inatxina bede dỹynana bina tahe ròhònnyre. Tahe ijõ kanakre.

¹⁵ Debò inatxi reurò yjummy heka jurõna rurònnyre. Tahe sòwemyhe iny rarybemy rỹimyhỹ, ryrymy rỹimyhỹ: —Kia bede dỹynana, iòlõna, inynyrỹ hõrõ rare. Kristu hõrõ rare. Aõu aõu tii ibutu ibutu iòlòmý ronykre. ¹⁶ Wawiò inaubiõwa matuari tahe, rynana-ki ronyrenyneri Deuxuko-txi. Tahe Deuxuko-txi reserenyre. Wowydyna tamy riwahinyrenyre:

¹⁷ —Kai Deuxu, tuu tate ihyymy, ibutururu ratyre aruru rare. Aruruteremy bonykre bede dinodumy. Umy reàlamý kia-ò.

¹⁸ Iny heka ibutumy alau ruberumyhỹre ibutumy òludumy rỹire, adee deburemy rỹimyhỹre. Rubu hitxidỹna heka bede reamy heka roire. Eòdurenyle heka riòwynykre, aijoi riòwynykre, rybedu mahãdu wahe. Ibutumy ani rityhynymy rỹira, nihikỹ iyja-wana, kia bede huduhukỹ rare. Ibededỹynana reamy heka roire.

¹⁹ Biuwetyy riraynyre Deuxu heto. Ibutumy heka lobidỹna tyyriti hyna iwo-ò iny robimý rỹire. Iu tahe biumytxi, biudelaa ibutu yhynihikỹ, ibutumy bede ramytatamy rỹire, berahakỹ tule resere.

12

¹ Iribi tahe ròhònnyre warasina-ki aõbo. Aõhebo bede ritỹnykremy, biuwetyy-ribi hãwyyõmy rabire. Txuu wese tahe itykyra. Tii lamamy rỹire ahãdu tyre. Tarati tyre-ki tahe tainahakỹ rataana idi rỹire, waòinatxi taina wahe. ² Tii heka bòtòmý ihỹmyhỹ.

Ryrymy heka txubrere riijemy tabededÿÿnana-ò resera uladu reakremy. ³ Iribi tahe aõna aõna biu-ki rexisÿnymy, aõni hemylalasò nihikÿ wese wahe. Irati tahe debò inatxi reurò sòwe iratimy. Debòwiò sòwe heka iòmÿ. Irataana heka iratimyna myna rÿimyhÿre. ⁴ Tii tahe tõhewòru-di taina ributunymy ridyre. Bede tyre-ki idi rehure, taina juràò. Tii hãwyyko-txi rÿire. Uladu reakreule tahe uladu riròkremy. ⁵ Tahe tohouã reare, hãbumy heka reare. Tii iòlòmÿ heka ronykre, ibutu bede bede iòlòteremy wahe. Ihãre tahe Deuxu ridyre. Raòwònÿre heka Deuxu rynana-ò. ⁶ Hãwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷ Biu-ki heka aõbina nihikÿ rÿire. Mieli, ÿju dinodu heka, taijoi-wana raaõbinanyre aõni-wana taijoi-wana. ⁸ Aõni tahe resera taijoi-wana. Ròtara. Biu-ribi ròhònÿkemy tahe idi ratxireri. ⁹ Riteònÿre biu-ribi, aõni nihikÿ heka ròhònÿra. Tii heka hemylala nihikÿ wese rare. Satanasi inire, Diabo wahe. Itxenadÿÿdu heka rare ibutumy iny. Suki resera, taijoi-wana. ¹⁰ Raholare tahe biu-ribi rybeò-ò: —Deuxu tarasana heka rehemynyre. Tii taruru riteòsinyre iòlòtyhy raremy. Kristu taruru riteòsinyre. Aõbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònÿra biu-ribi. ¹¹ Waityhydÿÿdu seriòre mahãdu heka ròtara Budoeni hãlubu-di, inatyhyna hãletena-wana. Rurukemy ratxireri tiiboho tamydeewikeki. ¹² Beysabenyke biu mahãdu. Koityhyxe tahe ahohokÿ, bede-wana. Diabo dori adee rehemynyre. Tii reburere, ibededÿÿnana dori iòhòmÿ reare.

¹³ Iu hemylala aõni heka bedekile ratxirerimy rieryreu, tahe hãwyy tohouã-wana kia-ò aõhòkÿmy rotÿÿnykemy risÿnykemy idi ratxireri. ¹⁴ Tahe hãwyy heka nawiihikÿ-ribi idei rihuòtera, tahe idi ruòra bederahy-ò, tasÿ-ò. ¹⁵ Hemylala aõni tahe bee sòwemy tary-ribi rarybexinyre hãwyy ribòròbòròdÿÿkemy. ¹⁶ Tahe aòkòre. Suu tary riraynyre tahe ibutumy bee riòre. ¹⁷ Hemylala aõni tahe reburemy reare hãwyy dee. Ibutumy hãwyy ijoi mahãdu rirubunykyre idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritÿnynyre wese. ¹⁸ Tai hemylala aõni ÿnyrakile rÿire.

13

¹ Iribi tahe aõnimy rabire berawo-ribi ròhònÿre warasina-ki. Tii heka debò inatxi reurò iratimy tahe debò wiò iòmÿ ijòdire. Rataanaò tahe sohoji sohoji iò-ki rÿire. Irati-ki tahe nibinamy heka rÿire. ² Tii heka hãlòe wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy ruru sòwemy riwahinyre, irynana wahe. ³ Iribi heka rabire iratiò, sohoji heka wotõmonahakÿ dire. Tahe reytereri. Ibutumy iny riòtiinyre. Aõni riheludunyre. ⁴ Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: —Mobo heka aõni wese rare? Mobo ijesedukre? ⁵ Aõni heka aõbina bina rarybere. Inyò ribyrenyòtyhy. Ahãdu 42 tii heka kiawesemy rÿikre. ⁶ Tii Deuxu dee heka aõbinamy rarybere, Deuxusÿ dee, ibutumy biuludu mahãdu tule rybebina-di ribinabinadÿÿnyre. ⁷ Inyò tamy ruru sòwemy riwahinyre Deuxu ijoi mahãdu-wana raaõbinadÿÿkemy. Tuu rahaÿnanykemy heka ibutumy iny wixira wixira, ibutumy rybe wixira mahãdu, ibutumy bede bede mahãdu. ⁸ Ibutumy iny ityhydÿÿdukòdu mahãdu tamy wowydyna riwahinyke. Budoeni Riòre ijoi mahãdu tahe aòkòre, kia dori ini rÿirenyre tyyriti-ki. Juhu bededÿÿnana inireny iwo-ki roire. ⁹ Tahe inyò roholakeki heka, boholake. ¹⁰ Inyò ridyke. Riròtenyke ròtenawo-ki. Ijò tahe rirubunyke. Deuxu ijoi mahãdu tahe rexityhynykre idi òbitimy roirenyrekremy. Kie.

¹¹ Tahe ijò aõnimy rabira. Tii ròtuòreri bede-ribi. Iò heka inatxire. Budoeni wese heka rare. Ihãre tahe aõni wesele rarybere. ¹² Tii juhu aõni wese rare, iruru. Rarybere: —Juhuludu aõni biwowydynyke. Kia ratiwotomona-di. ¹³ Budoeni aõni heka aõna aõna wiwihikÿmy riwinyre. Tii heòty biu-ribi resekemy tii rotÿÿnyre. Ibutumy iny tuu robire. ¹⁴ Tii ibutumy iny riitxenanyre kia aõna aõna wiwihikÿ òraruki. Iny ibutu-ò rarybere: —Suritxooò nihikÿ biwinyke aõni dee. Tii mayrehe-di rawotòmore hãrele ruruòre. ¹⁵ Tahe ihewoludu aõni heka rabunyra suritxoo-ò tahe irumy rÿire. Idi suritxoo rarybere. Inyò

tamy wowydyna riwahinykeki, tii tahe rirubunyre. ¹⁶ Tii rarybera ibutумы iny-ò: — Kaiboho waritina bitidike àru-txi, eboreny-txi, ruruweludu wahe. ¹⁷ Aõkõkeki tahe aõhoho aõkõ riwyke. Iny kia ritina ijõdiõkeki aõhoho aõkõ rohonykre. ¹⁸ Kai erydõyna sõwekekile, aõhebo tatõnyntemy kaiboho bierybenykre. Kai erydõynadikeki, aõni heka rieryke. Ini heka iritina rarõsõna wese rare 666 ihõre.

14

¹ Idi tahe budoenimy rabire lamamy nyidemy Jerusalõ hãwã-ki. Aõma Siaõ hãwãlõkile rõiremy. Tii-wana heka rõire 144.000 kia inyмы heka tii-wana rõire. Ibutумы tiiboho heka tybynimy, inyмы heka ibutумы iòru-ki raritinomy rõire ibutu òru-ki. Tahe tuu rabire rasinaõmy. ² Biuwodõyõ nihikõmy raholare, tule biuwodõyõhõkõ ada benihikõ lesetere wese iwodõyõ rare. Tahe sõwemy iny rawiunomy rare violaõ-wana, kia wodõyõ wesehekõle wahe. ³ Kia heka wiu tõmyra riryrymy rõirenyre kia iny tõmyra rirahura mahãdu. Kia Deuxu rynana nihikõko-txi heka rotõmynyrenyра. Kia inaubiõwa aõnityhy heka waitue inaubiõwa matuarimy tahe ijõmy rõire. Tahe 144.000 kia inyle heka rawiunykeki, awimy rõike. Tii dori aõma tarasadumy ratximyhõrenyре. ⁴ Tiiboho heka tyra roire, tiiboho heka õbiti roire iwese ijadõma ratxirerimy ihõre wese òtadu mahãdu aõkõhyyre. Tahe budoeni riõrehemy heka rare titxibo tii rare hemy. Tii dori wydynamy rare. Kia hãbuy-ribi. Bede ywisidõyna juradõyna kia dinodumy heka rare. Deuxu heka Budoeni Riõre-wana wahidõynamy heka roiremy. ⁵ Tiiboho heka raryberenyõtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

⁶ Tasõ ijõmy rabire õjuõmy aõma biuwetyky kiako-txi raramy ruõmy rabirerimy. Tii heka Rybewihikõ tõmyra rimomy idi rara aõ inywitxira-ò ritõnynykremy. Ibutu bede inywitxira-ò ritõnynykremy. Ibutu rybe-di ritõnynykremy, Rybewihikõ tõmyra wahe. ⁷ Kiamy heka ryryre: —Deuxu bityhynyke. Marybebennyke tii awi raremy nihikõ raremy. Bededõynana rehemynomy roire ihitxidõyõdu bede-ò. Bityhynybenyke tii dori bede ibutумы riwinyre bee, biu ibutумы riwinyre.

⁸ Tahe õjuõ heka ihewomy ruõmy ratximyhõre. Babilonia hãwã nihikõ rexihura. Ibutu iny dori òraruna-txi resera. Kia hãwã mahãdu dori ibutумы iòrarudõynya.

⁹ Iribi tasõ iwitxira õjusõ tamy nade iheto-ò. Tii tahe ryrymy nade: —Inyõ aõnimy ada iritxoomy rityhynykeki, iribi riwykeki iwotõmona iòru-ribi tebõ-ribi riwykeki iritidõyna, tii tahe Deuxu ykarana heka iribi riwykre. ¹⁰⁻¹¹ Tiiboho heka aõhõkõmy rotõnyrenykre õjuko-txi. Budoeni Riõreko-txi aõhõkõmy rotõnyrenykre. Heõty kia bede dõynana tyhy tiemy raõwõnyhy rarakre. Tiiboho dori tiemy aõnityhy nihikõle, iritxoo-wana rityhynomyhõrenyреki, tiiboho heka iritidõynale ixi-ki riwomyhõrenyре. ¹² Tai tahe ibutумы iDeuxuhe ywina-di heka iwitxira iny ronykemy heka ratximyhõre. Ibutu aõ òta ibina bina biòludunybenyкemy, tiiboho dori aijoi õbitihyy boibekemy ikonana-ò. Jesuisi bityhynyкemy.

¹³ Iribi tasõ ixityre ijõ rybe-ò raholare watyre-ki. Rarybere: —Kiahe biritinyke: Aõ roorehemy aõkõ heka dehemynomy deade. Kia Jesuisi-ò rurure heka uriõno heka tamy dehemynomy deade. Iribi tahe tule rarybere: atyytyby reysamy ratxireri. Myle. Tahe rexielehynomy heka rorukumyhõrenyре aõhõkõmy dõynana-ribi. Tii dori aõwiwihikõle riwinyrerimy ihõre. Reeryre heka.

¹⁴ Idi tahe iwitxiramy aõmybo rabire wiribi hitxiramy. Nonoe wetyky urahakõle wese heka rare. Inyõ ityre-ki ronomyhõ. Hãbuõ wesehekõlemy heka rare. Irataanadihikõlemy ronomy heka tarati-ki heka idi ronomyhõ. Womati tõrõrõhõkõle wesehekõle irataana rare. Tahe ijõ heka itieresynaõ-di heka tebõkihikõle heka rõire. ¹⁵ Ijõ heka Deuxusõ-ribi nade, õjuõ. Tamyhe ryryre: —Bexitõmyranyke, itieresyna-di tasõ bexitõmyranykre. Bededõynana rehemynomy roire adee aõ biòròròkemy. ¹⁶ Tahe kia nonoe wetyky tyre-ki ronyreri tahe rexidelenyре riòròrerihe. Riwyrehe ibutумыhe aõna aõna riwyre tahe ributunyre.

¹⁷ Kia ijõ Deuxusỹ-ki ratxireri tasỹ tule debònadimy ratximyhỹ kia tieresynadile ratxireri. ¹⁸⁻¹⁹ Kia ýju aõma heòty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori rỹire hitxidỹyna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò. ²⁰ Tai tahe bederatyhe risorunyrenyre hãwã-ribi hitximy. Sõwemy hãlubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheõmy roire ibero.

15

¹ Ijõ aõna aõnamy rabire biu-ki ihewo-ribi riteòsinyreri. Debò inatxi reuròmy ýjumy heka rimyra kaa aõmysỹdỹyna. Kidiwydenykre heka debò inatxi reurò aõhòkỹmy dỹynanamy. Idi tahe Deuxu ykaranamy rexonanamyhe roikre.

² Iribi tahe bero nihikỹmy rabire wako-txi aõma heòty wese, womati tỹrỹrỹ wese. Sõwemy heka inymy rabire kia sutyre-ki nyidemy bero iòhòmy. Ibutumy heka aõni debure deburehekỹ kia rubu-ribi ritamy nyide. Iu heka aõni tai roiòhykyre heka, aritidỹyna roiòhykyre heka. Tahe aõma aõniny rahaỹnanyrenymy ratximyhỹre iritxoomy tule violaò oworuwodỹkỹhe tai rỹire, Deuxu rawiunyrenyreri riryryreri. ³ Moisesi Inynyrỹ deòdu wiu riryrynyreri. Tule Budoeni Rìdre wiu riryrynyrenyreri. Kiamy heka rare: —Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary òbiti rare. Awi heka rare. Kai heka ibutu iòlò tate. ⁴ Iòlòhyky tanamahãte. Tiiemy heka rityhynymy hyky hyky tanamahãte Inynyrỹbohomy. Wowydyna heka adee riwahinymahãke. Kai sohojile heka òbitityhymy atximahãte. Ibutu bede bede ludu heka anatyhynykremy kedeadeakre. Ibutumy aõbo tewinyte. Ibutumy bede òbitidỹynmahãte heka rierye.

⁵ Kia bedeõ heka Deuxu hetomy roimyhỹre ierykõnamy roimyhỹre. Iwòte ierykõna. Tii heka riraynyrenyre heka kia bede. ⁶ Kia debò inatxi reurò kia ýjuhe ròhònyre Deuxu heto-ribi. Diwydehe debò inatxi reurò aõhòkỹmy dỹynana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare. ⁷ Sohoji aõniõ aõma Deuxu ykarana hyna sohoji sohoji-ò tamy diwahinyde. ⁸ Deuxu hetowo heka aõma wãdãhãkỹlemy reare. Loosòna dori iruru dori sõwemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyõ heka iròteõna. Debò inatxi reurò ýjumy. Kia ritxiwimy rexihudile tahe iny ralòke.

16

¹ Deuxu hetowo-ribi ijõmy raholare rybetereõ-ò. Rarybereri ýju mahãdu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ýjumy dòhònymy deade tahyna-di ditxiwide bede-ò.

² Iribi tahe rexidelenymy reare aõma juhoo ýju ihyna ritxiwire bede-ò. Ýju binahakỹmy ròhònyre ibutu inymyhe robỹtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahãdule heka yjy yjy ròhònyre.

³ Tahe ihewoludu heka tahyna-di dòhònymy deade. Betyre ritxiwire. Bee hãlubu hukỹlemy reare. Ibutumy bera-ki raremyhỹre ituere.

⁴ Juhu ludu hewoludu tahe ritxiwire berohokỹ tyre heka ritxiwire. Bee ibutumy bewydysyna rihòrònyre. Ibutumy hãlubu hukỹlemy relere. ⁵ Tahe ýju rybe raholare aõhebo bera-ki rotỹnyreriò: —Kai Deuxu, Kai awi tate. Kai òbiti tate. Tuhyy ahãte ihãre tahe tuhyy ahãte. ⁶ Rybe tỹnydỹydu mahãdu heka ituere, rurure. Deuxu ijoi hãlubu ritxiwire suò. Katahe rubudỹydu kaihe iòwydỹydukre. Hãlubu tetxiwiteriki tule iòwydỹydukre. ⁷ Tahe raholare ijõ ýju rarybereri-ò, Xiwena-ribi heka ròhònymy: —Kia InyDeuxu heka ibutumy ruru dire. Ibutumy tewinyte òbitimy awimy.

⁸ Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikỹmy relere. Sòwemy heka iny risòre bedetòtee. ⁹ Tai tahe rirajuamyhỹre Deuxu nibinahakỹmy rirajuarerimy ihỹre Deuxu dori diteònyde heka bededỹnana binahakỹ. Tahe inyò heka tòhòti rawitxiranyòhyyre iraykywydyna. Kiamy ixiwesehyy ròhòtinyrenyre. Kia iny heka aòhe rotỹỹnyòhyyre wowydyna loosònabo.

¹⁰ Iwitxira ýju tahe aòma ritxiwire tahyna aòni ryna tyre. Kia heka aòni beludu rare. Tarynana tyre rononymhỹ. Tahe ibutu irynanareny torohokỹlemy reare. Ibutu idlòna torohokỹlemy reare. Tahe tòròtò-ki ruruare taaòhỹkỹhỹkỹnareny-di. ¹¹ Tiiboho heka Deuxu nibinahakỹmy rryyre webinadumy roireki taaòhỹkỹhỹkỹnareny-di. Timy heka rexinohòtilosanyòhyymhỹre aòbina binahakỹ riwinymy roiremyhỹ-ribi.

¹² Tahe iwitxira ýju tahyna ditxiwide. Eufratesi berohokỹ tyre ritxiwire. Tahe ibutumy heka ruỹre. Oriente idlò mahãdu dee tahe ryy kia riraynyre. ¹³ Tuu rabire heka inataò tyytyby binahakỹ. Rexitykynyre òrò tykyhykỹ wese rexitykynyre. Aòni heka hemylala aòni inire tahe iry-ribi rexiòlòdỹnyrenyre. Tule aònibina witxirary-ribi, tule aòni rybedubina-ribi. ¹⁴ Iribi heka aòni bina tyytyby kia tyytyby ibutumy heka bede dinodu idlò ributumy. Raaòbinanykemy heka dirahude Deuxu kia mahãdu-ò. Deuxu ihitxidỹnatxumy rỹikemy heka anade tii dori ibutu ratyre aòna aòna-ki. ¹⁵ Kristu rarybere: —Tahe boholabenyke. Aòwesele heka anakre. Wasidu wesemy heka adehemynymy adeakre. Ibutumy iny wararòsòdu mahãdu teysamy rỹikre. Atyky heka biywinymahãbenyke tai timyki maixỹrubenyòtyhy adehemynykreu. ¹⁶ Kristu rarybere: —Ibutumy heka widotyde aòbinakedu Mikidu hãwã-ki wahe. Hebreu rybe-ki tahe Armagedon inire.

¹⁷ Tai tahe ikonanatyhy ýju tahyna ritxiwire yhykile. Tahe raholare biumytxihikỹ raholare Deuxusỹ-ki. Deuxu rynana-ribi dòhònyde: —Ibutumyhe rakonanamy roire. ¹⁸ Tahe biumytxihikỹle ibutumy rawodỹnyre. Tule biu relaanyra. Biu ramytataòmyhỹre idi tahe ramytatare. Tii heka lahityhy rare. ¹⁹ Tai tahe Babilonia hãwã rabòhòre inataò jura juramyhỹmy. Ibutumy hãwã nihikỹ-ribi hetohokỹ rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aòhòkỹmy risỹnymhỹ ibutumy aòbede binahakỹ tamy riwahinyre. ²⁰ Bedebute ibutumy rexiwore. Iribi tahe hãwãlò tytyhykỹlemy reare bedero wesehekỹle. ²¹ Idi inytyre resemyhỹre bera ere erewesele resererimy ihỹre. Ijò iutxie tahe 40 quilo bede heka iutxie rare. Kia tahe iny sumy rỹire nibinahakỹmy Deuxumy rarybemy.

17

¹ Tahe ýju monahyna-ki wadee rybemy nade: —Adee aritỹnynykre aòbo Hãwã Bero sòwe aòhebo rotỹỹnykré heka. Kia hãwã adee ariteòsinykre timybo rare. Wedena wese aòhòkỹmy rotỹỹnykremy. Deuxu heka aòhòkỹmy dỹnana riwahinyke kia hãwã-ò. ² Bede idlò dinodu tamyhe idòraruna tamy rexiòrarunyre. Tule iny bedemy rỹira mahãdu ralòre tamy òtaòtamy. ³ Tai ta kia ýju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hãwyymy aòma iròdutyre-ki ronyrerimy. Iròdu heka isòhòkỹlemy roire. Debò inatxi reurò irati rỹire, tahe idò debò ituemy sòwe. Iritina heka aòkòre rarỹnynymhỹre. Deuxudee heka aòbina binahakỹlemy tai iritidỹna rỹimyhỹre. ⁴ Hãwyy heka isòhòkỹ ityky rare, iwihikỹ rare. Ityky tyre heka womati tỹrỹhỹkỹ roire. Mana rỹsỹ wiwihikỹ, woumana-wana. Bemona debò-ki idi rare. Iwo-ki tahe bemonawo-ki tahe aòna bina nibina tai roire. ⁵ Tai tasỹ idòru-ki tule rỹire iniò. Aòbo rare tahe iny rieryòtyhy. Babilonia Nihikỹ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki. ⁶ Iribi tahe rabire hãwyy ixityre. Tii iny hãlubu riòre. Ityhydỹdu mahãdu hãlubu-di rexiòdewàrinymy heka rare. Tiiboho rurure, òbitimy Jesusimy rityhynyreki wahe. Kia hãwyymy tahe rabireu, rexiòtiidỹnyre. ⁷ Tai tahe ýju wadee rarybera: —Aòherekibo bede teòtiinymy tỹite. Adee arelyykre aòbo rare —kia hãwyy iròdu-wana, aritỹnynykre tiiboho aòbo raré. ⁸ Iròdu tuu tabita, irumy rare tahe rurukre ele elemy.

Tii hãloorehehekỹ-ribi kòdòhònykre. Iribi tahe rexihukre. Tii rurure idi ixyby dòdsede. Bede iny mahãdu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoõre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aõkõre. Idi tii irumy kanankre ixybyle. ⁹ Kia ibutumy adee aritỹnynykre: Debò inataõ rati tahe iròdule rare. Kia hãwyy ityre ronyre kia hãwãlò wesere. Iròdu rati tule iòlò mahãduõ rare, debò inatxi reurò sòwe. ¹⁰ Iruyre iòlòõ tahe reserenyre. Sohoji iòlò tahe ratximyhỹre. Ihewotyhy ikonanaludu tahe, kanakre wijina. Tai ibededỹnana iòhòlere. ¹¹ Iòlò debòinataõ ludu tahe iròdu rare —kia irumy juhuru rare tahe wiji rurumy rare wahe —tii juhuru iòlò mahãduõ rare. Tii tule ituekre. ¹² Debò itue òmy tuu tabitamý wahe tule iòlò mahãdu rare. Tiiboho kanakre iòlòwesemy. Iròdu-wana tiiboho hãwã wedumy ronyrenykre iròdu aõni-wana sohoji horamy. Tii tyytyby bina rare. ¹³ Tyyritiõ riwinykre idi tahe ibutumy ruruna iròdu bina-ò riwahinykre. ¹⁴ Raaõbinanyrenykremý heka Budoeni Riòre-wana. Tahe Budoeni Riòre aõbina-ki haỹnadukre. Tahe ýju wadee rarybere: —Tii dori butu iòlò, ibutu iòlòna ratximyhỹre. Ibutu inynrỹ ratximyhỹre. Ijoi heka kia ywimy tii-wana roire itarasaõ-ki. Kia rityhynykremý rỹririmý ihỹre. ¹⁵ Tahe kia ahohokỹ, berohokỹ tai kia hãwyy ronymyhỹré. Tiiboho iny rare ibutu rybe-ribi, bede-ribi wahe. ¹⁶ Debòwiò òmy tuu tabita iròdu-wana heka hãwyy derarenyre. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi. ¹⁷ Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aõbo ixideewimý riwinykremý. Tai tahe aõwaxiny aõ tamywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemýna bede rỹidi. ¹⁸ Hãwãhãkỹ nihikỹ tabite heka wedena wesemy roire. Kia Hãwãhãkỹ heka ibutu wedu iòlò rare.

18

¹ Tai tahe ijõmy rabire ýjumy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre. ²⁻³ Ta ryyre tarurumy tii ryyre: —Babilonia nihikỹ resera! Resera! Katahe aõma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii witxira witxira ibinahakỹ tai rasỹnymyhỹre, tyytybybina-wana. Ijohodu mahãdu idi nieru sòwemy ributunyre. Idi rexityhynyre.

⁴ Iribi tahe raholare ixityre rybeõ biu-ribi rarerí. Manake hewa, Bòdòhònyke wa kia hãwyy-ribi. Kai heka waijoi toite. Tii-wana bexiòrarunybenykemy aõkõ! Bexiòrarunybenykeki tii-wana, tai tii-wana aõhòkỹmy botỹnykre. ⁵ Tii heka iòraru sòwe nihikỹmy ratximyhỹre. Deuxu heka aõhòkỹmy dỹnana tamy riywinimý ratximyhỹre iòraru-ki. ⁶ Biwinymyhỹre heka iwese tii riwinymyhỹre wese. Aõ ibinamy ibinatyhymý tamy relekre. ⁷ Aõ ibinamy ròhònyke inatxi bededỹnany tamy ròhònykre. Ibutumy aõbo tamywimý idi raremyhỹ heka riwinymyhỹ ixideewimý. Katahe iwese aõhòkỹmy rotỹnykre tahe rabadewokre. Hãwyy tahe ixidee rarybere: —Jikarỹ ikòlò rare. Wytese anokõ jikarỹ rare. Tiku heka rabadewokòtyhy anohòkỹmy ratykỹnykòtyhy. ⁸ Tai taheka aõwesele heka tamy bedeòtiidỹdu kedehemynimý bedeakre: rubu, aõdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehudu ratximyhỹre. Tii ruru-di ratximyhỹre. ⁹ Kia bede dinodu mahãdu rahinykre itòenamy. Tii-wana dori òta òta riwinyrenyra. Tiiboho robikre wàdà iribi ròhònyreriò wahe. ¹⁰ Irehemy iribi rỹire. Ruberureri iaõhòkỹmy dỹnana lau. Tahe raryberenyre: —Babilonia hãwã, kai hãwã nihikỹ rare. Tahe wiji ituera atximahãte. Kobelãhãxe. ¹¹ Ibutumy aõna-ribi ijohodu rahinykre itòenamy. Inyõ dorihe iaõ tamy riwydyõmy tamy ijohonamy aõkõ. ¹² Juhuru heka raaõbradỹmý aõma iny mahãdu ratyre. Womati tỹrỹrỹ riòbranyõre. Tule woumana riwyrerimý ihỹre juhuru. Tykyisòwihikỹ witxira witxira heka riwyrerimý ihỹre. Tule òwòrulỹnyre, iròdu nohõmy riwinyrerimý ihỹre. Bede ritxoo ibutumy aõna iòwyhykỹre. Womati òta òta wiwihikỹ riwyrerimý ihỹre. ¹³ Aõma rỹsỹna uri wiwihikỹ tule aderòna wiwihikỹ, tule vỹi riwyre, paõ widỹnna,

adỹy-wana riwyrerimy ihỹre. Tule maixõmo, broreni, budoeni, awaru, tewe, ityti heòty, tule iny deòdu iòwydimy. ¹⁴ Tahe ijohodu mahãdu rarybere hãwã-ò: —Ibutumy aõna aõna wiwihikỹ ituera, kia kaiboho riwyrerimy ihỹre. Tiu ixityre aõna aõna riwyòtyhy, ixãwira. ¹⁵ Tahe aõna-di ijohodu mahãdu rabadewokre, rahinykre tiiboho dori iòraru-ki raityhynyreny. Irehe-ribi retehere. Ruberurenyre. Ryryreri: ¹⁶ —Kobelàhàxe hãwã wihikỹ. Ibutumy atykysò ituera, awomati wiwihikỹ ituera, woumana, manawiwihikỹ ibutumy ixãwire. ¹⁷ Sohoji òraule ibutumy iaõna aõna ixãwira. Ibutumy hãwòhòkỹ dinodu urile, iwiòhenadỹydu mahãdu tule suludu mahãdu retehereri irehe-ribi. Tii dori nieru ritamyhỹre iaõna-di. ¹⁸ Iu hãwã wàðasimy robirenyreu tahe, ryryre: —Kia hãwã wihikỹ rare. Ijò hãwã iwese ihoòhyre. ¹⁹ Tahe brybysi ityreny rehurerimy ihỹre. Rahinyreri, ryryreri: —Bobrekỹ, bobrekỹ hãwã wihikỹ. Aõwesele heka ixãwira. Ibutumy ityhy mahãdu, iaõna rexihura. ²⁰ Tahe kaiboho beysabenyke biu ludu mahãdu. Hãwã nihikỹ dori ituera. Deuxu hòrò mahãdu, Deuxu deòdỹyña mahãdu, Deuxu dee rybedu mahãdu ibutumy beysabenyke. Deuxu dori iaòhòkỹmy dỹyñana tamy riwahinyre aòrauru-ki.

²¹ Tahe ýju nihikỹ heka manaò rimyre, mana nihikỹò, iwese maixõmosyna mana wese wahe. Idi rehure ahobero-ki rehure. Tahe ryryre: Kiawese heka Babilonia hãwã-di arehukemy watrixeri waruru-di. Ixãwikre. ²² Tahe wiu wodỹy kia hãwã-ki roholaòtyhyke, harpa wodỹy aòkò, flauta wodỹy aòkò, juròna wodỹy aòkò. Aaòmýsýdỹydu aòkò kia hãwã-ki raaòmýsýdỹyòtyhy. Mai rỹyña, manasyña iny heka iwodỹy roholaòtyhy. ²³ Loosòna ay-ki ritoosònyòtyhy. Herina mahãdu rybe ay-ki iny roholaòtyhy. Iaõna ijohodu mahãdu ibutu hãwã-ribi ityhy rare. Tule ibutumy iny riitxenanyre aòtaòta-di, bede bede iny wahe. ²⁴ Babilonia hãwã heka aòhòkỹmy dỹyñana rotỹyñy. Deuxu rybedu mahãdu hãlubu dori kai tetata tule Deuxu hòrò mahãdu. Rirubunyre mahãdu wahe.

19

¹ Iribi tahe ijoi nihikỹmy roholare. Ryrymy heka rỹimyhỹ sòwemy iny rỹimyhỹ biu-ki. Deuxu deysanamy heka ryryreri: —Wowydynamy Inynyrỹ-ò. Tarasana dori inyDeuxu-ribi rare. Wowydyna, ruruna ibutumy ihòròle rare. Aòbo tii riwinyré, òbiti rare. ² Aòhòkỹmy dỹyñana òbiti rare. Aòhòkỹmy rotỹyñy heka kia aderana-ki heka rare. Tii aòhòkỹmy dỹyñana ritare. Bede iny heka riòrarudỹyñy. Tahe Deuxu riòwinyre teòdu rubudỹyña heka riòwinyre. ³ Ixityre ijoi ryrynyre, rawiunyre: —Wowydyna Inynyrỹ-ò. Wàðà raòwònyreri tai rawòsi-ribi. Ihyymy raòwònykre, hãwã nihikỹ-ribi wahe. ⁴ Tahe ibutumy rejuxunyre Deuxu luukemy. Wawiò inaubiòwa matuari rare. Tule inaubiòwa aõni rare. Deuxu tahe rynana nihikỹ-ki ronyre. Tamy rirajuare: —Kia, Kia, wowydyna deysana Deuxu-ò. ⁵ Iribi heka ròhònyre Deuxu rynana nihikỹ-ribi heka rybeunimy ròhònyre: —Biwowydynybenyke Deuxu-ò ibutumy deòdu mahãdu, ibutumy iny rityhynymyhỹre mahãdu, iyja ta nihikỹ-wana. ⁶ Tahe ixityre ijoi-ò raholare. Ryrymy rỹimyhỹre. Tahe benihikỹlesetere wese heka iwodỹy rỹireri, biumytxi wesehekỹle heka iwodỹy rỹireri: —Wowydyna Inynyrỹ-ò biwahinyke. Tii iruru dire. Tii heka iòlò rare. ⁷ Ibutumy iny rekeysarenyke. Tamy wowydyna rikiwahinyrenykre. Tii dori inihikỹre. Iòhòra dori kia Budoeni Riòre kia hãwyymy herina kia bededỹyñana-ò. Worana bedehesi kỹnykre. Ihãwy heka rexiywinyry ratxireri. ⁸ Tyyurahakỹle-di rexiyynykre. Awityhymy ityy doimyhỹde wahe. Deuxu dee awihikỹ widỹyña wese heka kia ratxireri. ⁹ Kiamy heka ýju wadee rarybere: —Kia biritinyke. Ibutumy lobidỹyña mahãdu reysamy ratxireri. Ýju wadee rarybere ijò: —Kia heka Deuxule tuu rarybere. Inatyhy rare! ¹⁰ Tahe jiarỹ resere ýjuko-txi ariwowydynykemy. Tahe tii wadee rarybere: —Kia widỹyòmyke hewa. Jiarỹ tule Deuxu deòdule heka jiarỹ rare, awesele wahe. Aityhydỹydu seriòre tule awesele rare. Rarybemyhỹre dori Jesuisi tyhydỹyñamy. Deuxule biwowydynyke! Ibutumy Jesuisi relyyre heka tuu rybedu mahãdu ritỹyñy.

¹¹ Iribi tahe tuu rabire awaruurahakỹõ biuwetyky-ki. Inyõ ityre-ki rononymhỹ. Ini heka òbiti rare, Inatyhy rare. Tii heka aõbinanymhỹle rare. ¹² Iruie heka heòty wesele rare. Irati heka sówemy raheto rỹire. Iò-ribi heka nii roire, ini wahe. Urile inyõ rieryõtyhy mobo ini rare, tyyriti wixira dori tiile heka rierye. ¹³ Ihety heka hãlubuhukỹle-di ityre rare. Deuxu Rybe heka inire, hãbu wahe. ¹⁴ Sówemy iny heka awarutyre-ki rỹire, biu-ribi dòidenyde Deuxu Rybe hewomy, soldado wese wahe. Iny ibutummy ityyura-di rexytyynyre, ityatyhy wahe. ¹⁵ Tii heka mayrehe rabuhukỹle iry-ribi ròhònyrerimy ihỹre. Idi tii heka iny rirubunykemy ibutu bede bede-ò. Iribi tahe tii ròhònyre iòlòtyhy tii rare. Aõhòkỹmy dỹynana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe. ¹⁶ Ihety-ki heka iti-ki rỹire iniõ: Iòlò iòlò wedu tii rare, ibutu wedu wahe.

¹⁷ Iribi tahe ýjummy rabire, txu-ki rỹire. Nawii ibutu-ò ryrymyhỹ: —Bòdòibedenyke heka, Deuxu worana bedehesina-ò bòdòike rỹsỹna birỹsỹbenykemy. ¹⁸ Aõmade biròbenyke, iòlòde, soldadu wedude, iawarude, ibutummy inyde biròbenyke, ixihy mahãdu, deòdu mahãdu, nihikỹ iyja-wana.

¹⁹ Iribi heka tuu rabire aõni binahakỹ, iòlò mahãdu, tasoldado mahãdu wana. Wii ributunyre aõbinamy. Awaru tyre-ki ronyrerimy kia mahãdu-wana tiiboho raaõbinanykemy. ²⁰ Tahe aõni bina rimyrenyre, rybedu bina-wana. Teròwymy tii aõna aõna wixirawi riwinyre. Iribi ridyrenyre heka heòtyaho-txi idi rehurenkemy, enxofre-di riworonyre wahe. ²¹ Ibutummy isoldado heka ituemy rỹimyhỹre rurumy. Mayrehe-di rurumyhỹre, kia awaru ura tyre-ki ratxireri kia ryribi ròhònyrereri kia-di rurure. Tahe rararesa deadeade ide riròkemy.

20

¹ Iribi tahe ýju nademy biu-ribi. Irayna heka debò-ki idi rỹire. Hãloonihikỹ rayna wahe. Tule womati rerotihikỹle iruty-ki roire. ² Kia aõni rimyre, Diabo wahe, Satanasi wahe. Inyõ tule hemylala raninire. Tahe 1000 beòra riekre ritaataare womati reroti-di. ³ Idi heka rehure hãloo nihikỹ-ò tahe riratòbònyre, rirarytxynyre. Tai tahe tii riitxenanyõtyhy bede bede iny. Kia 1000 beòramy bede reakreule, tahe rexihumy iròtena. Urihimyò bededỹynana bede riijekre, ixihyyle tai ixbyyle ròbòdỹỹkre.

⁴ Iribi tahe rynana sówemy rabire. Iny ityre ronyrereri mahãdu ywisidỹỹdu mahãdu heka rare. Iribi heka tuu rabire Jesuisi dee rurure mahãdu. Inatyhyna rybe tỹnydỹ òraru-ki heka rurure. Aõni rityhynyõre, iritxoo rityhynyõre, iritina òraru iòru-ki ritidiõtyhy, deboreny-ki ritidiõtyhy. Rubu-ribi tiiboho rexixarenyre. Kristu-wana ratxireri 1000 beòramy. ⁵ Kia heka juhuludu ixixana heka rare. Ijõ rubu mahãdu heka wiji rexixaõkre. Tahe 1000 beòramy reareu, tahe rexixarenykre. ⁶ Juhuludu ixixana mahãdu heka reysatyhymy rarekre. Ixyby rubunamy heka ruruõkre, inatxina rubunamy wahe. Deuxu dee, Kristu dee heka tiiboho Xiwena wahidỹỹdumy roirekre. Tii-wana 1000 beòramy riwyrenykre, iòlò mahãdu wesemy heka ratxirenykre.

⁷ Kia 1000 beòra reareu heka Satanasi ixihyymy ròhònykre bede-ki. ⁸ Tii itxenadỹỹdumy ròhònykre ibutu iny riitxenanykemy. Kia Kòke bede, tule Makòke bede rare. Satanasi heka sówemy iny ributunykre raaõbinanykemy. Tiiboho sówemy ihỹre ýnyra sòwe wese. ⁹ Tiiboho tahe ibutu bede-ò rariarenkyre ityhydỹỹdu hãwã rirurawonyrenyre kia Deuxu hãwã Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahãdu òludu wahe. ¹⁰ Tahe diabo iitxenadỹỹdureny heka Deuxu rehure heòty aho-ò. Tai aõnibina, ruimy rybedu-wana juhu delemy tamy reserenyre. Tai txummy rummy aõ rotỹnyrenyhyykre.

¹¹ Iribi tahe ryanaurahòkỹmy rabire ityre rỹdu-wana. Suu biu-wana iribi rexitare, titxibo iõrenyre. ¹² Tahe iny rubummy rabire, iny ibutummy iko-ki rỹirenyre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo risỹnykre. ¹³ Ahohokỹ-ribi tahe rubu mahãdu dòhònyde. Rubunahakỹ bede-ribi iludu mahãdu dòhònyde. Idi iaõna aõnamyna Deuxu timybo rexinohòtinkyre idi rare. ¹⁴ Idi

rubunahakỹ, rubuna-wana heòtyaho-txi idi adehu rỹikre. Kia ixyby rubu rare. ¹⁵ Iru ityyriti-ki inyniõ roiõkeki, tii tule heòtyaho-txi adehu rỹikre.

21

¹ Idi biu tỹmyra sutỹmyramy rabire. Juhusu juhubiutitxibo ikõrenyrene, ahohokỹ tule. ² Deuxu hãwã wihikỹ tỹmyra desemy nade biu-ribi. Iwese ijadõma tỹmyrawesemy ramyhỹre wese kia hãwã nade. Deuxu-ribi nade. ³ Tahe rybehekỹ biurynana rỹdu-ribi nade-ò roholare kiamy: —Kahe Deuxu sỹ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴ Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura. ⁵ Idi rynana-ki rỹdu narybede: —Wiji itỹmyramy ibutumy aõna aõna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutumy iny ratyhykre. ⁶ Kia ixyby narybede: —Ibutumy relera. Jiarỹ dori AA rare YY rare Juhuludu rare ikonanaludu rare. Inyõ bemomo risakeki, tamy iòwykõlemy ariõkre, beòlõnaberu-ribi wahe. ⁷ Inyõ tarasadu heka ibutumy waribi rimykre. Jiarỹ iDeuxukre. Tii wariõkre. ⁸ Idi kamahãdu heòty aõho enxofre-ò rekoarenyre kamahãdu wahe: —Iny brebu, watyhydỹkõdu, òrarudu, maleerudu mahãdu, òta òta mahãdu, iny rubudỹdu mahãdu, hãri mahãdu, ritxoo tyhydỹdu, ruidu mahãdu. Kaboho rubunatyhy-ò rururenykre. Kia tahe inatxina rubuna rare.

⁹ Tahe ýjuõ wadee nade, debò inatxi reurò mahãdu-ò. Tii hyna-di ryireri. Hynawo-ki tahe aõna aõnabina debò inatxi mahãdu-di. Kiamy narybede: —Mana ini, Budoeni hãwyy ini adee ariteòsinykre, hãwyy wese wahe. ¹⁰ Deuxu Tyytybytyhy wamy reare. Ýju tahe riwadyre hãwãlõnora-ò. Jerusalẽ hãwã tỹmyra awityhy wadee riteòsinyre. Tii biu-ribi desemy nade. ¹¹ Deuxu loosõna-di yla aõkõ. Tii tahe manawiwihikỹ wese rarỹynymyhỹre. Jaspe wese, womati wese mana wihikỹ wese rare. ¹² Tii ijõtòbõna irariere, waòinatxi reuròmý ijõtòbõna, iitxedu ýju tule. Ijò-ki tahe waòinatxi reuròmý Judeusỹ mahãduni wahe. ¹³ Inataõ ijõtòbõna sõwe, iraro-ò, ibòò, biura-ò, beà-ò. ¹⁴ Hãwã rurawona tahe waòinatxi reurò mana tyre-ki rỹimyhỹ. Mana sohoji sohoji-ki budoeni deòdu mahãduni rỹire. ¹⁵ Ýju wadee rybedu tebò-ki womati tỹrỹrỹhỹkỹ deòho-di nade idi hãwã, hãwã ijò, hãwã rurawona iurihinamy. ¹⁶ Hãwã tahe iurihina wiwesele rare. Tahe 2.200 iurihixina rimyre teòho-di tuu riwinyre. ¹⁷ Rurawona raru tahe ýju taurihixinamy riurihixinanyre idi 64my rimyre. ¹⁸ Rurawona tahe jaspe mana-di relere. Hãwã tahe womati tỹrỹrỹhỹkỹ-di relere. ¹⁹ Rurawo òraru heka mana wihikỹ-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare. ²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. ²¹ Woumanahakỹ sohoji-di heka ijò sohoji sohoji relera, 12my ijò wahe. Ryy heka womati tỹrỹrỹhỹkỹhyky-di relera. ²² Tohodỹyna heto tahe ihoõhyre. Deuxule dori tuu rare, Budoeni-wana. Tai ihoõre. ²³ Txuu ahãdu-wana tai ijõõre Deuxu loosõna, budoeni loosõna dori itxuuxaranarenyre. ²⁴ Bede bede mahãdu iloosõna-di rỹikre. Bede bede mahãdu heka taaõna aõna wiwi-di tamy kidirahukre. ²⁵ Tahe ijò raratòbòõhykre, tai dori ruu ihoõhyre. ²⁶ Bede bede iòlò mahãdu heka wowydyna-di tamy kidirahukre. ²⁷ Inybina bina, iny òrarudu mahãdu tamy ralòõtyhy, ruidu mahãdu tule. Inyni heka Budoeni tyriti irumy rỹimyhỹre mahãdu sohojile wahe.

22

¹ Idi ýju wadee riteòsinyre, iru wahidỹyna berohokỹ. Ibelyramy Deuxu rynana, Budoeni rynana-ribi òlòdu wahe. ² Ryrohokỹ tya-di kaa bera namyhỹde iwỳwỳyò-ki iruwahidỹyna bederarade rỹimyhỹ. Tii bederarade waò inatxi reuròmý raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare. ³ Kia hãwã-ki ihetxi txuhòbina tai ijõõkre, Deuxu aõ ritxuhònyõra tai. Deuxu rynanahakỹ itya-ki rỹikre. Kia teòdu mahãdu riwowydynykre. ⁴ Tiiboho iòsỹnyny robikre inireny

iòru-ki rỹikre. ⁵ Tai ruu ijõõkre. Tai txuloosõna ijõõkre. Deuxu dori itxurenykre. Tiiboho tai ihyymy rỹikre iwese iòlò mahãduõ.

⁶⁻⁷ Kia tahe ýju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taýju deõdu adee kanarybekre. Kaheka wylemy ibededýñana kedeakre. Deuxu rarybehyy ratx-imyhýre týnydýýdu mahãdu-ò, aõhebo bede rotýñnymyhýkremy roimyhýré. Ibutumy kia tyhydýýdu mahãdu heka reysamy rỹikremy rýira.

⁸ Jiarý tahe Joaõ rare. Rabirahe, ibutumy kia raholare. Rabimy rexihurau tahe, jiarý watiowotimy resere ýjuko-txi. ⁹ Ixityre wadee rarybere: —Iwidýýõmy hewa, Jiarý heka Jesuisi deõdu týnydýýduõle jiarý watxireri. Ibutumy Deuxu tyyriti ityhydýýdu biõwa jiarý rare. Deuxule bityhynyke.

¹⁰ Tahe ýju ijõmy wadee rarybere: —Aõbo teritidýñnyteri ibutumy iny-ò rybe bitýnynyke. Kia bededýñana iòhòlemy ratxireri. ¹¹ Kia bededýñana kedehemynykreu, aõbina bina widýýdu heka aõbinale riwinykre. Iny binabina heka, ibinamy rỹikre iu. Inywiwihiký tasý awimy rỹikre iu. Kia òbitimy rýira tahe, awityhymy relekre, òbitityhymy rýira. ¹² Boholake warybe-ò, aõwesele heka anakre. Uriõno heka adiwymy wadi anawãhãde. Aõbo wadee aõ riwinymyhýre wahe iwese aõbo riwinymy raremyhýwesemy heka araõwinykre. ¹³ Jiarý heka AA jiarý rare. YY tule jiarý rare. Tyyriti juhuu rare. Tyyriti konana rare. Jiarý heka juhuludu rare. Ihewoludu tule jiarý rare, ibutumy wahe. ¹⁴ Ibutumy tatytyramy rýira —teysamy rýira. Tiiemy teysahyyhy rare. Iru òwòru wahidýñna bederaty heka ritokre. Tule rarònyrenykre kia hãwãhãký-ò. ¹⁵ Ibutumy òrarudu mahãdu tule òwòru widýýdu tahe irehemy Deuxu hãwã-ribi nyimyhýde. Tule iny rirubunymyhýre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãký-ribi roimyhýre.

¹⁶ Jesuisi heka jiarý rare. Waýju reteõnyre adeeremy kia aõnaaõna bededýñana relyykemy. Kaiboho heka dohodýñna heto mahãdu-ò relyyrenyke. Jiarý iòlò Davi juhu rare, tule Davi riokore rare. Biurasò taina Jiarý rare, loosõna rare.

¹⁷ Deuxu Tyytybytyhy rarybere: —Manake! Tule hãwyymy hãbumy heridu tule rarybere: —Manke! Ibutumy ijohodu tule marybeke: Jiarý, Juaõ, tule rarybere: —Manake! Ibutumy iny bemy rurumyhýre mahãdu tule manake irube biõke. Iòwy-di aõkõ heka rare.

¹⁸ Jiarý, Juaõ, rarybere ibutumy iny katyyriti rariamyhýre mahãdu-ò. ¹⁹ Iny ributunyekeki aõmybo kaki ritydýñna roiré, Deuxu tamy bededýñna binahakýõ riwahinykre karitidýñna roireki. Inyõ karitidýñna-ribi ritakeki, Deuxu òwòru runa ijuraõ wahe heka iribi ritakre tule Hãwãhãkýtyhy-ribi nadedi wahe. Tai rýire tyyriti-ki.

²⁰ Tule aõmybo narybede inatyhymy tule rarybekre (Jesuisi wahe): —Analekre hewa idi. Araroorehenyõtyhy. Juaõ, tule rarybere: —Kie, Manake Wanyrý Jesuisi.

²¹ Deuxu deysana, Inynyrý Jesuisi Kristu kia deysana ibutumy adee kanakremy watxiwahãre.